

# Chanchin Tha Matthaia Ziak.

Abrahama thlah, Davida thlah, Isua Krista thlah tute inthlahzia chanchin chlu :—	1
Abrahaman Isaaka a hring a;	2
Isaakan Jakoba a hring a;	
Jakoban Juda leh a unaute a hring a;	
Judan Tamari lakah Pharesa leh Zera a hring a;	3
Pharesan Eronia a hring a;	
Eroman Arama a hring a;	
Araman Aminadaba a hring a;	4
Aminadaban Nasona a hring a;	
Nasonan Salmona a hring a;	
Salmonan Rahabi lakah Boaza hring a;	5
Boazan Ruthi lakah Obida a hring a;	
Obidan Jessaia a hring a;	
Jessaian lal Davida a hring a.	6
Tin, Davidan Uria <i>nupui</i> lakah Solomon a hring a;	
Solomonan Rehoboama a hring a;	7
Rehoboaman Abia a hring a;	
Abian Asa a hring a;	
Asan Jehosaphata a hring a;	8
Jehosaphatan Jehorama a hring a;	
Jehoraman Uzia a hring a;	
Uzian Jothama a hring a;	9
Jothaman Ahaza a hring a;	
Ahazan Hezekia a hring a;	
Hezekian Manasia a hring a;	10
Manasian Amona a hring a;	
Amonan Josia a hring a;	
Babulon lama sala an hruai lai vel khan	11
Josian Jekonia leh a unaute a hring a.	
Tin, Babulon lama sala an hruai hnuin	12
Jekonian Salathiela a hring a;	
Zerubbabelan Abiuda a hring a;	13
Abiudan Eliakima a hring a;	
Eliakiman Azora a hring a;	
Azoran Zadoka a hring a;	14

Zadokan Akiuna a hring a;  
 Akiman Eliuda a hring a;  
 Eliudan Eleazara a hring a; 15  
 Eleazaran Matthana a hring a;  
 Matthanan Jakoba a hring a;  
 Jakoban Josefa, Mari pasal chu, a hring a; chu mi 16  
*Mari* lakah chuan Isua, Krista an tih li, a lo  
 piang ta a.

Chutichuan, chhuan zawng zawng chu, Abrahama 17  
 ațangin Davida thlengin, chhuan sâwm leh chhuan li a ni a;  
 Davida ațangin Babulon lama sala an hruai thlengin, chhuan  
 sâwm leh chhuan li a ni a; Babulon lama sala an hruai ațangin  
 Krista thlengin, chhuan sâwm leh chhuan li a ni a.

Tin, Isua Krista lo piauzia chu hetiang a ni: A nu Mari 18  
 chu Josefa nêan an inhual laiin, an inpawl hmian, Thlarau  
 Thianghlimin a raitir tih an lo hre ta a. Tichuan, a pasal 19  
 Josefa chu, mi fel tak a ni a, tlang thantir a duh lo va,  
 arûkin bânsan a tum a. Nimahsela, chung thu chu a 20  
 ngaihtual laiin, ngai teh, a mangah Lalpa vântirhko a  
 hnênah a lo inlâr a, "Josef, nang Davida fapa, i nupui  
 Mari chu neih hlau suh; a nau pai chu Thlarau Thianghlim  
 laka mi a ni asin. Fapa a hring ang a, a hmingah ISUA i 21  
 sa ang: ani chuan a mite an thil tihsual lakah a chhandam  
 dawn si a," a ti a.

Tin, Lalpan zâwlnei kaali, 22

"Ngai teh, nula thianghlim chu a rai ang a, 23

Fapa a hring ang a,

A hmingah Emmanuela an sa ang,"

tia a sawi kha a lo thlen theihna tûrin chung zawng zawng  
 chu a lo awm a ni. (Emmanuela chu, 'Kan linênah Patlian  
 a awm,' tihna a ni).

Tichuan, Josefa chu a muhîl a tho va, Lalpa vântirh- 24  
 kohvin a hnêna thu a pêk ang chuan a ti a, a nupui chu a  
 nei ta a; nimahsela, fapa a hrin hma loh zawng a pawl lo; 25  
 tin, a hmingah ISUA a sa ta a.

**2** Tin, lal Heroda a lal laia, Judai rama Bethlehem 1  
 khuaa Isua a lo pianin, ngai teh, khaw chhak lam ata  
 mi finge Jerusalem khuaah an lo kal a, "Khawialinge  
 Judate lal lo piang chu? Khaw chhak lamah a arsi kan 2  
 hmu a, amah chibai bûk tûrin kan lo kal a ni," an ti a.

Tin, lal Heroda chuan chu chu a hriat veleh a mangang ta 3  
 a. Jerusalem-a mi zawng zawng pawh an mangang ve a. Ti- 4  
 chuan, phuithiam lalte leh mite lehkhaziaktute zawng zawng  
 a ko khâwm a, Krista pianna tûr chu a zâwt a.

Tin, annu chuan a hnènah, "Judai rama Bethlehem 5  
 khuaah; heti hian zâwlneiin a ziaak kha,  
 'Nang, Bethlehem, Judai rama *mi*, 6  
 Judai khawpuite zingah i tê ber tawp lo !  
 I chhûng aţangin awptu a lo chluak dâwn si a,  
 Ka mi Israel-hote vêngtu tûr chu,'  
 tih li," an ti a.

Chu mi hnuah chuan Herodan arûkin mi finge chu a ko 7  
 va, dilchhût takin arsi lan lai chu a zâwt chluak a. Tin, 8  
 anni chu Bethlehem khuaah a kaltîr a, "Kal ta ula, naute  
 thu chu dilchhût takin zâwt chhuak rawh u; tin, kei pawhin  
 amali chu chibai ka rawn bûk ve theih nân, in hmuh veleh mi  
 rawn hrilh ang che u," a ti a.

Tin, lai thu chu an hria a, an kal ta a; tin, ngai teh, khaw 9  
 chhak lama arsi an hmuh kha naute awmna chung zâwn a  
 thlena a din hma loh zawng an hmaah a kal zêl a. Tin, arsi 10  
 chu an hmuhin an hlim nasa êm êm a. Tin, in chhûngah 11  
 an va lût a, a nu Mari hnèna nautê chu an hmu a, an baw-  
 khup a, chibai an bûk a : tin, an robâwmte an hawng a, a hnènah  
 chuan lâwmna—rangkachak te, beraw te, murra te—an pe a.  
 Tin, Heroda hnèna kir leh lo tûrin an manga hrilha an awm 12  
 avângin, anmahni khaw lamah kawng dangah an haw ta a.

Tin, an hâwn hnuin, ngai teh, Lalpa vântirhkoh Josefa hnèn- 13  
 ah a mangah a inlâr a, "Tho la, nautê leh a nu hruai la, Aigup-  
 ta ramah tlân bo rawh, ka hrilh leh hma loh che zawng chutah  
 chuan awm reng ang che; Herodan nautê tiboral tûrin a zawng  
 dâwn a ni," a ti a. Tichuan, a tho va, a zân a zânin nautê 14  
 leh a nu chu a hruai a, Aigupta ramah a kai ta a; tin, Heroda 15  
 thih hma loh zawng chutah chuan a awm reng a: Lalpan zâwl-  
 nei kaah, "Ka fapa chu Aigupta ram ata ka ko chhuak a," tia a  
 sawi kha a lo thlen theih nân.

Chutih lai chuan Herodan, mi finge tihder a nih a inhriat 16  
 veleli a thinur êm êm a, *mi* a tîr a, a hun lai tak thu dilchhût  
 taka mi finge a zawh chhuah ang khân, Bethlehem khua leh a  
 vêl zawng zawnga mipa naupang kum hnih achin hnuai lam  
 chu an zain a that ta veka. Chutih lai chuan zâwlnei Jeremian, 17  
 "Râm-a khuaah thâwm an hria, 18  
 Tap te, mitthi ngaia chiau vawng vawng te;  
 Rakili chuan a fate a ţah a,  
 An awm tawh loh avângin a thlamuan theih loh,"  
 tia a sawi kha a lo thleng ta.

Nimahsela, Heroda chu a thih hnuin, ngai teh, Lalpa 19  
 vântirhkoh Aigupta ramah chuan Josefa hnènah a mangah a  
 inlâr a, "Tho la, nautê leh a nu hruai la, Israel ramah kal rawh: 20

naute thah tumte kha an thi tawh e,” a ti a. Tichuan, a tho 21  
 va, nautê leh a nu chu a hruai a, Israel ramah a lût ta a. Nimali- 22  
 sela, Arkelausa a pa Heroda ai awhin Judai ramah a lal tih  
 a hriatin chuta kal a hlau ta a; tin, a manga hrilha a awm avâng-  
 in Galili lamah a kal ta daih a, khaw pakhat Nazaret an tihah 23  
 chuan a va awm ta a: “Ani chu ‘Nazaret mi’ an ti ang,” tia,  
 zâwlneite kaa an sawi kha a lo thlen theih nân.

**3** Tin, chûng lai chuan Baptistu Johana chuan, “Sim rawh 1-2  
 u! vân ram chu a hnai tawh e,” tiin, Judai thlalêrah  
 thu hrilin a lo kal a. (Amah chu a ni, zâwlnei Isaian, 3  
 “Thlalêra mi au râwl chuan,  
 ‘Lalpa lamlian sial ula,  
 A kawngte tingîl rawh u,’ a ti,”  
 tia a sawia kha.)

Tin, chu mi Johana chuan sanghâwngsei hmul puan a sin 4  
 a, a kâwng chu savun kâwnghrênin a hrêng a; a chaw chu  
 khaukhuap leh khawizu a ni.

Chu mi lai chuan Jerusalem khuua mi te, Judai rama mi 5  
 zawng zawng te, Jordan lui dung vêla mi zawng zawng te an  
 chhuak a, a hnên lamah an kal a, an sualte thupha chawiin Jordan 6  
 luiah chuan ama hnênali baptisma an chang ta hlawm a.  
 Nimahsela, Pharisaite leh Saddukaite tam tak a baptisma chang tûra 7  
 lo kal a hmuh veleh, an hnênah, “Rûl thlahte u! thinur lo  
 thleng tûr hi tlânsan tûrin tuiinge zilh che u? Chutichuan sim 8  
 hming pu tlâkin rah rawh u: ‘Abrahama kan thlahtu a ni 9  
 alâwm,’ tiin, inggaihtuah suh u; Pathianin hêng lungte hi Abra-  
 hama thlahahte a dintîr thei e, ka tih che u hi. Tûn apangin 10  
 hreipui thingbul tinah an dah ta; chutichuan, thing tin rah  
 ṭhaa rah lo apiang an kit a, meiah an paih ṭhîn. Kei zawng- 11  
 in simna tûrin tuiin ka baptis ṭhîn che u a; nimahsela, ka  
 hnunga lo kal tûr chu keimah aiin a ropui zâwk a, a pheikhawk  
 keng tlâk pawh ka ni lo ve. Ani chuan Thlarau Thianghlim  
 leh meiin a baptis ang che u; a kutin a sisêp a keng a, a hruì 12  
 a zâp fai hliau ang a, zêmah chuan a buh a khung ang, a sî erawh  
 chu mei mit thei lovin a hâlral ang,” a ti a.

Chu mi lai chuan a hnêna baptisma chang tûrin Isua Galili 13  
 ram aṭangin Jordan luiah Johana hnênah a lo kal a. Johana 14  
 erawh chuan, “I mi baptis ka ṭûl zâwk si a, ka hnênah i lo kal  
 zâwk a ni maw?” tiin, khap a tum a. Nimahsela, Isuan a hnên- 15  
 ah, “Tûnah rem ti hrâm rawh, hetiang a felna zawng zawng  
 hlen chhuah hi kan tân a mawi a ni,” tiin, a chhâng a. Tichuan  
 rem a ti ta a.

Tin, Isua baptisma a chan veleh tui ata a chhuak ta nghâl 16  
 a: tin, ngai teh, a tân vân a lo inhawng a, Pathian Thlarau chu



thuro anga lo chhukin, a chung a lo fu a hmu a. Tin, ngai teh, 17  
vân aṭangin awin, "Hei hi ka Fapa duh tak, ka lawm êm êma  
chu a ni," a ti a.

**4** Chu mi zawhah chuan Isua chu diabola thlêma awm tûr- 1  
in thlalêrah Thlarau hruai luhin a awm ta a.

Tin, ni sawmli leh zan sawmli a nghei hnuin a ril a lo tâm 2  
ta a. Tin, thlêmtu chu a lo kal a, a hnênah, "Pathian Fapa i 3  
nih chuan hêng lung hi chhanga chang tûrin thu pe rawh," a ti  
a. Nimahsela, ani chuan, "Mihring hi chhang chauhvîn 4  
an nung lo vang a, Pathian kaa thu tin chhuakin *an nung zâwk*  
*ang,* tih ziaak a ni," tiin, a chhâng a.

Chu mi zawhah chuan diabolan khaw thianghlimah chuan 5  
a hruai lût a, Pathian biak in chhip zumah chuan a dah a,  
tin, a hnênah, "Pathian Fapa i nih chuan tla thla rawh; 6

'I chung thuaah zawng a vântirhkohte chu thu a pe  
ang a,

An kutin an dâwm ang chia,

Chutilo chuan i kein lung i chhuih hlauih dah ang e,' 7  
tih ziaak a ni si a," a ti a. Isuan a hnênah, " 'Lalpa i Pathian  
fiah suh,' tih ziaak a ni ve bawk e," a ti a.

Tin, diabola chuan tlâng sâng takah a hruai leh a, khawvêl 8  
ram zawng zawng leh a ropuina chu a entîr a. Tin, a hnênah, 9  
"Bawkkhupin chibai mi bûk la, hêng zawng zawng hi ka pe vek  
ang che," a ti a. Chu veleh Isuan a hnênah, "Setan, kal bo 10  
daih rawh ! 'Lalpa i Pathian chibai bûk la, ama rawng chauh  
bâwl rawh,' tih ziaak a ni," a ti a. Chu mi hnuah chuan diabola 11  
chuan a kalsan ta a. Tin, ngai teh, vântirhkohten a rawng an  
rawn bâwl sak ta a.

Tin, Johana an man tih Isuan a hriat veleh Galili ramah 12  
a kal ta daih a; tin, Nazaret khuah a kalsan a, Kapernaum khuah 13  
ah a awm ta reng a, (chu chu Zebulon leh Nefthaleim biala,  
dîl kama awm a ni): zâwlnei Isaia kaah, 14

"Dîl lama, Jordan râla, 15

Zebulon ram leh Nefthaleim ram,

Jentailte Galili;

Thim hnuaiia thute chuan êng nasa tak an hmu a, 16

Thihna hmun leh a hlîma thute chungah chuan

Êng a lo chhuak ta a,"

tia a sawi kha a lo thlen thcih nân.

Chuta chinah chuan Isuan, "Sim rawh u ! vân ram a hnai 17  
tawh e," tiin, a hril ṭan ta a.

Tin, Galili dîl kama a lèn pahin, unau pahnih, Simona (Petera 18  
an tih chu) a unau Andria nèn, dilah chuan lèn dêngin a hmu  
a; sangha mantu an ni rêng a. Tin, ani chuan an hnênah, 19

“Mi zui rawh u, tichuan mihring mantuali ka sian ang che u,”  
a ti a. Tin, lênte chu kalsanin an zui ta nghâl a. 20

Tin, chuta tângin a kal zêl a, unau dang pahnîl, Zebedaia fapa 21  
Jakoba leh a unau Johana chu, an pa Zebedaia hnênah lawngah  
an lênte siamthain a hmu a; tin, anni chu a ko ta a. Tichuan, 22  
lawng leh an pa chu an kalsan a, an zui ta nghâl a.

Tin, Istian an inkhâwmna inahte zirtîrin, ram Chanchin 23  
Tha chu hrilin, mite zînga natna tinrêng leh chak lohna tinrêng  
tidamin Galili ram zawng zawng a fang vêl a. Tin, Suria ram 24  
zawng zawngah a chanchin a thang ta a; tichuan, mi dam lo  
zawng zawng, dam lohna leh natna tinrêng tuarte, ramhuai mante,  
thlaemâtte, zengte, a hnênah an rawn hruai a; a lo tidam  
hlawm a. Galili ram ațang te, Dekapoli khua ațang te, Jerusalem 25  
khua ațang te, Judai ram ațang te, Jordan râl ațang te chuan  
mipui nasa takin amah an zui bawh a.

**5** Tichuan, mipuite chu a hmuhin tlângah a kal chho va, 1  
tin, a t̃hu a, a zirtîrte a hnênah an lo kal a; tin, thu a sawi 2  
a, anmahni a zirtîr a:

“Rilrua retheite chu an eng a thâwl e; vâh ram an ta a ni 3  
si a.

“Lungngaite chu an eng a thâwl e; thlamuanin an la awm 4  
dâwn si a.

“Thuhnuairawlhte chu an eng a thâwl e; lei hi an la rochung 5  
dâwn si a.

“Felnaa rilțâma tuihâlte chu an eng a thâwl e; an la tlai 6  
dâwn si a.

“Mi khawngaih thei takte chu an eng a thâwl e; khawngaih 7  
an la hlauh dâwn si a.

“Thinlunga thianghlimte chu an eng a thâwl e; Pathian 8  
an la hmu dâwn si a.

“Reinna siamtute chu an eng a thâwl e; Pathian faa vuahin 9  
an la awm dâwn si a.

“Felna avânga tihduhdah tuar hnute chu an eng a thâwl 10  
e; vâh ram an ta a ni si a.

“Miin keimah avânga an hau che u a, an tihduhdah che u 11  
a, dâwta sual tinrênga an hêk hunah che u, in eng a la thâwl  
ang.

“Lâwm ulangin, nasa takin hlim rawh u; vânah in lâwm- 12  
man a awm hnem si a; chutiang bawkin in hmaa zâwlnei awmte  
bawh an tihduhdah thîn kha.

“Lei chi in ni e; nimahsela chi hi a dâk tawh chuan enginng 13  
an tihal leh ang? chuta chinah chuan paih chhuah, mihringte  
rah mai mai chauhvah lo chuan, eng atân mah a tlâktlai lo.

“Khawvêl êng in ni e. Tlâng chhîpa khaw awm chu thuh- 14

rûk theih a ni lo. *Miin* khâwnvâr hâlin hrai hnuaiah an dah ngai 15  
lo, a dahnaah an dah zâwk thîn; tichuan in chhûnga mi zawng  
zawng a ên thîn. Chutiang bawkin in êng chu mi niithmuhin 16  
êng rawl se, chutichuan in thiltih thatte an hnu ang a, in Pa  
vâna mi an chawimawi thei ang.

“Dân *thu* emaw, zâwlncite *thu* emaw tiboral tûra lo kal ka nih ring 17  
suh u; tiboral tûra lo kal ka ni lo va, tifaankim tûra lo kal ka  
*ni* zâwk. Tih tak meulvin ka hrilh a che u, lei leh vân hi a boral 18  
hma loh chuan Dân thua mi chhun han tê tak tê emaw, thai han  
tê tak tê emaw, pakhat mah a boral tawp lo vang, a zaa a thlen  
kim hma loh zawng. Chutichuan, tupawh hêng thupêk tê ber 19  
zîngah hian pakhat *pawh* bawhchhiah, chutiang *ti* ve tûra mite  
zirtîr apiang chu, vân ramah chuan *mi* tê ber an ti ang; amah-  
erawhchu, tupawh zâwna, zirtîr ve apiang chu, vân ramah  
chuan *mi* lian an ti ang. In felnain lehkhaziaktute leh Pharisaite 20  
felna hi a khûm loh chuan vân ramah in lût tawp lo vang tih ka  
hrilh che u a nih hi.

“Hmân laia mite hnênah chuan, ‘Tual i thah tûr a ni lo,’ an 21  
tih leh, ‘Tupawh tual that apiang chu rorêlnaa *din* hlauthâwnawm  
takin an awm ang,’ an ti tih in hre tawh; kei erawh chuan, Tu- 22  
pawh a unau chungah thînur apiang chu rorêlnaa *din* hlauthâwn-  
awm takin an awm ang a; tin, tupawh a unau hnêna, ‘Raka,’  
ti apiang chu, rorêltuho *rêl* saka awm hlauthâwnawm takin  
an awm ang a; tin, tupawh, ‘More,’ ti apiang chu, Gehenna  
meia *paih* hlauthâwnawm takin an awm ang tih ka hrilh a che u.  
Chutichuan, maichâm bula i thilpêk i hlan lai ngeia i unauvin 23  
i chungah lungnih lohna a nei tih i briat chhuah leh chuan, chuta 24  
maichâm hmaah chuan i thilpêk chu hnutchhiah la, kal langin  
i unau rem zet la, chu mi hnuaiah chuan i thilpêk chu rawn hlan  
rawh. I khingpui chu kalkawnga in kal dun laiin rem thuai 25  
rawh, chutilochuan i khingpui chuan rorêltu a mantîr ang chia,  
rorêltu chuan tiangkengtu hnênah chuan a pe ang chia, tân inah  
an khung hlaui dah ang che. Tih tak meuhvin ka hrilh a che, 26  
Pawisa tê pawh i tlâk kim hma loh chuan chuta ta chu i chhuak  
lo hul hual ang.

“‘I uirê tûr a ni lo,’ an ti tih in hre tawh. Kei erawh chuan, 27  
Tupawh hneicliche ngaihmeli apiang chu, a thîlungah a uirê 28  
tawh reng a ni tih ka hrilh a che u. Tin, i nit ding lamin a tih- 29  
tlûk che chuan, klier chhuak la, *paih* daih rawh; i taksa apuma  
Gehenna-a *paih* ai chuan, i taksa pêng pakhat boral chu i tân  
a tha zâwk a ni. Tin, i kut ding lamin a tihtlûk che chuan, tân 30  
la, *paih* daih rawh; i taksa apuma Gehenna-a kal ai chuan, i  
taksa pêng pakhat boral chu i tân a tha zâwk a ni.

“‘Tupawh nupui ma apiang chuan inûakna lehkhia a hnênah 31

pe rawh se,' an ti bawk a. Kei erawh chuan, Tupawh tlangvâl 32  
ngaih vâng ni lova, nupui nia apiang chuan, amali chu a uirêti  
a ni; tin, tupawh māk hnu nei apiang chu a uirê a ni tili-ka hrilh  
a che u.

"Hmân laia mite lnênali, 'Dâwtah chhia chliam suh la, Lal- 33  
pa hnênah i chliechhamte chu hlen zâwk rawh,' an ti tih in hre  
tawh bawk a. Kei erawh chuan ka hrilh a che u, Chhia rêng 34  
rêng chham suh u; vâh chhâlin *chham suh u*, chu chu Pathian  
lalthutphah a ni si a; lei chhâlin *chham hek suh u*, chu chu a ke  
nghahchhan a ni si a; Jerusalem chhâlin *chham hek suh u*, chu 35  
chu Lal ropui tak khawpui a ni si a. I lu chhâlin i chham tûr a 36  
ni hek lo, samzai pakhat pawh i tivârin, i tidum thei si lo va. In 37  
thu sawi chu 'A ni, a ni,' 'Ni lo, ni lo' ni *ngawt* rawh se; chûng  
nia chuang aliani chu sual laka chhuak a ni.

" 'Mit aia mit, lia aia lia,' an ti tih in hre tawh. Kei erawh 38  
chuan ka hrilh a che u, Mi sual dodâl suh u; i biang ding lama 39  
bêng apiang che chu, a leh lam pawh dawh zâwk rawh. Tin, 40  
tupawhin i lakah thupawi siamin, i kawr lâk a tum chuan, i puan  
pawh lâktîr nghâl rawh. Tin, mêl khat kala phut luitu apiang 41  
che hnênali chuan mêl hnih kal rawh. A diltu che hnênah pe la, 42  
i laka pûk duhtu chu hawisan suh.

" 'I vêngte hmangaih la, i hmêlma haw rawh,' an ti tih in hre 43  
tawh. Kei erawh chuan ka hrilh a che u, In hmêlmate chu 44  
hmangaih ula, a tiduhdahtu che u chu tawngtai sak rawh u, in Pa 45  
vâna mi fate in nih theih nân; ani chuan mi sualte leh mi thate  
chungah chuan a ni a chhuahtîr thîn a, mi felte leh mi fel lote  
chungah pawh ruah a sûtîr thîn a ni. In hmangaitute *chauh* 46  
in hmangaih hian lâwmman engnge in hmuh *ang* ? chhiaikhawu-  
tute pawhin chutiangu in an ti ve lâwm ni ? Tin, in unaute *chauh* 47  
chibai in bûk hian engnge in tih hnem chuan bîk ? Jentailte  
pawhin chutiangu in an ti ve lâwm ni ? Chutichuan, in Pa vâna 48  
mi a tha famkim augin in tha famkim tûr a ni.

**6** "In thil tha tihte mi hmuh atân, mihring mithmuha ti lo 1  
tûrin fîmkhur rawh u; chutichuan in Pa vâna mi hnênah  
chuan lâwmman in nei lo *vang*.

"Chutichuan, *mi hnêna* englo i pêkin, mi vervêkten mi fak 2  
an hlauh theihna tûra, inkhâwmna inahte, kawthlêrahte an tih  
thîn ang hian, i lmaah tawtawrâwt hanitîr suh. Tih tak meuh-  
vin ka hrilh a che u, An lâwmman chu an hmu zo tawh. Nang 3  
erawh chuan *mi hnêna* englo i pêkin, i kut ding lamin a tih chu  
i kut vei lamin hre suh se, i englo pêk chu arûkin a awm theih nân; 4  
chutichuan, i Pa arûka hmu thîntu chuan a rûl ang che.

"Tin, in tawngtaiin, mi vervêkte angin in ti tûr a ni lo; miin 5  
an hmuh theihna tûrin, inkhâwmna inahte, kawthlêr pêng tak-

ahte, ding chung a ɬawngɬai an ngaina si ɬhîn a. Tih tak meuh-  
vin ka hrilh a che u, An lâwmmān chu an hmu zo tawh. Nang 6  
erawh chuan i ɬawngɬaiin, i pindan chhûngrilah lût la, i kawng  
khâr la, i Pa arûka awm hnênah chuan ɬawngɬai rawh; tichuan,  
i Pa arûka hmu ɬhîntu chuan a rûl ang che.

Tin, in ɬawngɬaiin, Jentailte angin sawi nawn mai mai suh 7  
u; an ɬawng tam avângin hriain an ring a ni. Chutichuan, 8  
anmahni angin awm suh u; amah in dîl hmain in Pa chuan  
engtege in mamawh tih a hre reng si a.

“Chutichuan nangni chuan hetiang hian ɬawngɬai rawh u :— 9

‘Kan Pa vâna mi,  
I hming zahawm rawh se.  
I ram lo thleng rawh se. 10  
I duhzâwng vâna *an tih* angin leia min ti rawh se.  
Vawîinah hian kan ei khawpin chaw min pe ang che. 11  
Kan batte hi min ngaidam ang che, 12  
Keini pawhin kan euglo bâte kan ngaihdam tâk ang  
khân.  
Sual tûra thlêmnaah min hruai lût suh la, 13  
Mi sual lakah chuan min chhandam zâwk ang che,’

*tiin.*

“Mi an bawhchhiatte in ngaihdam chuan, in Pa vâna miin 14  
a ngaidam ve ang che u. Nimahsela, mite in ngaihdam si loh 15  
chuan, in Pain in bawhchhiatte a ngaidam bîk lo vang.

“Chaw in nghei hun pawhin, mi vervêkte angin ngui hmêl 16  
pu suh u; anni zawngin mi mithmuha chaw ngheia an lan theih-  
na tûrin an hmêl an tipawr si ɬhîn a. Tih tak meuhvin ka hrilh  
a che u, An lâwmmān chu an hmu zo tawh. Nang erawh chuan, 17  
chaw i nghei hunin sahriak thih la, i hmai phih rawh; chutichuan,  
i Pa arûka awm mithmuhah chauh lo chuan mihring mithmuhah 18  
chaw ngheiin i lang lo vang; tichuan, i Pa arûka hmu ɬhîntu  
chuan a rûl ang che.

“Leia, sùlrûl leh tuiêkin a ei chhiatnaah, rûkruten an reh- 19  
pawha an rûknaah hian, in tân rote khâwl khâwm suh u; vânah,  
sùlrûl leh tuiêkin a ei chhiat lohnaah, rûkruten an rehpawha 20  
an rûk hek lohnaah chuan, in tân rote khâwl khâwm zâwk rawh  
u; i ro awmna apiangah i rilru pawh a awm ang. 21

“Taksa khâwnvâr chu mit hi a ni; chutichuan, i mit a fîm 22  
chuan i taksa apumin a êng chhuak ang. I mit a chhiat erawh 23  
chuan i taksa apumin a thim zo vek ang. Chutichuan, i chhûnga  
êng chu thim ni sela, thim chu a va nasa *dâwn* êm ! Tuman hotu 24  
pahnih rawng an bâwl kawp thei lo; pakhat huain pakhat *an*  
duh ang, a nih loh leh, pakhat ɬanin pakhat *an* hmusit ang. Pa-  
thian leh sum rawng in bâwl kawp thei lo ve.

“Chuvângin, ka hrilli a che u, ‘Engnge ka ci ang a, engnge 25  
 ka in ang aw?’ tiin, in nunna thu leh, ‘Engnge ka silhin ka fên  
 ang aw?’ tiin, in taksa thu lungkham suh u. Ei tùr aiin nunna  
 a thupui zâwk lo vem ni? Silhfên aiin taksa pawh a thupui zâwk  
 lo vem ni? Chunglêng savate hi en rawh u; buh an tuh lo va, 26  
 an ât hek lo, buh inah an seng iût hek lo; nimahsela, in Pa vâna  
 mi chuan a châwm si a. Nangni chu anni ai chuan nasa takin  
 in lilu zâwk lo vem ni? Tin, nangni zîngah lungkham avângin 27  
 tuinngge mahui dung lam tawng kliata tisâng chuang thei? Tin, 28  
 silhfên thu engalinge in lungkham ni? Rani tûktinpâr thianzia  
 hi tha takin ngaihtuah rawh u; luia an thawk lo, la pawh an  
 kai hek lo; nimahsela, ka hrilli a che u, Solomona meuh pawh 29  
 a ropuina zawng zawnga a inthuan khân hêng tûktinpâr pakhat thuk  
 pawh hian chiein a awn lo. Chutichuan, ran huim, vawin anga 30  
 nung, atûka thuka tuah leh mai tùr mah Pathianin chuti kauva  
 a chei chuan, aw nangui rin tlênte u, silhfên a pe zâwk êm êm  
 dawn lo che u em ni? Chutichuan, ‘Engnge kan ci ang?’ emaw,  
 ‘Engnge kan in ang?’ emaw, ‘Eng sinin nge kan awm ang?’ 31  
 emaw tih, lungkham suh u, Jentailten chûng zawng zawng chu 32  
 an zawng thîn a ni. Chûng zawng zawng chu in mamawh tih  
 in Pa vâna min a hre reng a ni. A ram leli a felna chu zawng 33  
 hmasa zâwk rawh u, tichuan chûng zawng zawng chu a pêk belh-  
 chhah dawn che u nia. Chutichuan, atûk atân lungkham suh u, 34  
 atûk chuan ama tân a lungkham chawp dawn si a. Ni khat atân  
 ni khat hrehawm chu a tâwk a ni.

**7** “Sawisêl suh u, sawisêla in awm loh nân. In sawisêl 1  
 ang bawkin an sawisêl ang che u; in tehna ngai bawkin 2  
 an teh sak leh ang che u. Tin, engatinge, mahni mita khanchhuk 3  
 awm chu ngaihtuah si lovin, i unau mita hmawlh tê tak tê awm chu  
 i hmuh ni? Engtinngge i unau hnênah, ‘I nuit ata hmawlh tê 4  
 tak tê kha mi lâk chihuahtîr rawh,’ i tih theih ang? ngai teh, nang-  
 ma mit ngeiah khanchhuk a awm reng si a. Mi vervêk! i mit ata 5  
 khanchhuk kha la chhuak hmasa rawh; chutichuan i unau mit  
 ata hmawlh tê tak tê lâk chhuah tùr chu fiah takin i hmu ang.

“Ui hnênahte thil thianghlim chu pe suh u; vawk hmahte 6  
 in tuikeplungte paih hek suh u, an chîl chhe hlauh ang a, tin,  
 hawin an tai thlêr dah ang che u.

“Dîl rawh u, tichuan an pe ang che u; zawng rawh u, tichuan 7  
 in hmu ang; kik rawh u, tichuan an hawn sak ang che u; tupawh  
 a dîl apiang chuan an hmu thîn a; tupawh a zawng chuan an 8  
 hmu thîn a; tupawh a kik chu an hawn sak dawn a ni. A nih leh, 9  
 nangniho hi tupawh in fapain chhangpêr dîl che u sela, tunge  
 lung pe ang che u? a nih leh, sangha dîl che u sela tunge rûl 10  
 pe ang che u? Chutichuan, nangni mi sual mahin in fate thil tha 11

pêk nachâng in hriat chuan, in Pa vâna mi chuan a, diltute chu thil tha a pe zâwk êm êm dâwn lo vem ni?

“Chutichuan, thil engkim miin in chung a an tiha in duh tûr 12 ang apiang chu, mi chungah pawh ti ve rawh u; chu chu Dân thu leh Zawlneite thu a ni rêng si a.

“Kawngka zîmah chuan lût rawh u; boralnaa kalna kawngka 13 chu a zau va, a kawng pawh a zau baw a, chu ni lama lût chu tam pawh an tam hle a ni; nunnaa kalna kawngka chu a zîm a, 14 a kawng pawh a chêp baw a, a hmutute pawh tlêmtê an ni.

“Zâwnei derte lakah fîmkhur rawh u; chûng chu berâm 15 vun sinin in hnênah an lo kal thîn a, an chhûng lamah erawh chuan chinghne koham takte an ni si a. Anmahni chu an rahah in hre mai ang. Hruhlîngnei kûngah grêp rah an lo ngai em 16 ni? Lênhlîngah pawh theipui an lo ngai em ni? Chutiang bawkin 17 thing tha apiang a rah tha thîn a; thing chhia erawh chu a rah chhe thîn. Thing tha a rah chhe thei lo va, thing chhia lah a 18 rah tha thei hek lo. Thing tin rah tha lo apiang chu an kit a, 19 meiah an paih thîn. Chuvângin anmahni chu an rahah in hre 20 mai ang.

“ ‘Lalpa, Lalpa’ ni ti nazawng chu vân rainah an lût 21 lo vang a; ka Pa vâna mi duhzâwng titu erawh chu an lût ang. Chu mi nialr chuan mi tam takin, ‘Lalpa, Lalpa, i hmingin 22 thute kan sawiin, i hmingin ramhuaite kan linawt chhuakin, i hmingin thil mak tam takte kan ti thîn lo vem ni?’ an la ti ang. Chu mi hunah chuan, ‘Nangni thil sual tite u, ka hre ngai lo va 23 che u, ka hnên ata kal bo rawh u,’ tîin, anni chu ka la hril ang.

“Chutichuan, mi tin hêng ka thu hi hriaa zâwm apiang chu, 24 mi fîng lungpui chung a in satu nêh tehkhin tûr a ni. Ruahte 25 a lo sûr a, tuite a lo lian a, thlite a lo tleh a, chu mi in chu a rawn nam sawk sawk a; nimahsela a chim lo va; lungpui chung a rem tlat a nih avângin. Tin, mi tin, hêng ka thu hi hriaa zâwm lo 26 apiang chu, mi â tiauvut chung maia in satu nêh tehkhin tûr a ni. Ruahte a lo sûr a, tuite a lo lian a, thlite a lo tleh a, chu mi in 27 chu a rawn nam sawk sawk a; a chim ta a; a sawp chu nasa tak a ni,” a ti a.

Tin, heti hi a ni a, Isuan chûng thu chu a sawi zawh velch, 28 mipuiten a thu zirtîr chu mak an ti hle a; lehkhaziaktute ang lova, 29 thluneihna nei âwm taka anmahni a zirtîr avângin.

**8** Tin, tlâng ata chu a lo chhuk hnuin mipui nasa takin amah 1 an zui ta a. Tin, ngai teh, a hnênah phâr a lo kal a, “Lalpa, 2 i duh chuan mi tithianghlim thei e,” tîin, chibai a bûk a. Tin, 3 Isuan a han ban a, a dek a, “Ka duh e, lo thianghlim tawh ang che,” a ti a. Tin, chawplehchilhin a phâr chu a lo

thianghlim ta nghâl a. Tin, Isuan a hnênah, “Tumah hrilh 4  
lo tûrin fîmkhur ang che; amaherawhchu puithiam hnênah  
va inentîr la, Mosian thilpêk tûr a ruat kha hlân rawh, an hriat  
fiahna tûrin,” a ti a.

Tin, Kapernaum khuua a luhin, a hnênah sipai za hotu a lo 5  
kal a, “Lalpa, ka naupang zengin inah a mu reng a, nasa taka 6  
tihnatin a awm a ni,” tiin, a ngên chiam a. Tin, ani chuan a 7  
hnênah, “Ka lo kal ang a, ka tidam ang,” a ti a. Tin, sipai za 8  
hotu chuan, “Lalpa, ka in chhûng i luhna tlâk a ni lo ve; thu  
chauh sawi la, ka naupang a dam mai ang. Kei pawh mi thua 9  
awm ka ni a, ka hnuaiah sipaite an awm a; chu mi chu, ‘Kal  
rawh,’ ka tih leh, a kal thîn; mi dang hnênah pawh, ‘Lo haw  
rawh,’ ka tih leh, a lo haw thîn; ka bawi hnênah pawh, ‘Hei  
hi ti rawh,’ ka tih leh, a ti thîn,” tiin, a chhâng a.

Tin, Isuan chûng thu chu a hriatin mak a ti hle a, a zuitute hnên- 10  
ah chuan, “Tih tak meuhvin ka hrilh a che u, Israelte zîngah  
pawh heti êma rinna nasa hi ka hmu lo. Ka hrilh a che u, Chhak 11  
leh thlang aţangin mi tam tak an lo kal ang a, vân ramah chuan Abra-  
hama te, Isaaka te, Jakoba te hnênah an ţhu ang a; ram fate erawh 12  
chu pawns thimah chuan hnawh chhuahin an awm ang a: chutah  
chuan ţah leh haţhial chu a awm ang,” a ti a. Tin, Isuan 13  
sipai za hotu hnênah chuan, “Kal tawh rawh; i rin angin  
i chungah lo thleng rawh se,” a ti a. Tichuan, naupang chu,  
chu mi dâr ngeiah chuan a lo dam ta a.

Tin, Isua chu Petera ina a luhin, a nupuia nu chu khawsika 14  
mu a hmu a. Tichuan a kut chu a deh sak a, a khawsik chu a reh 15  
ta a; tin, a tho va, a rawng a bâwl sak ta a.

Tin, khuua a lo tlai lam chuan a hnênah ramhuai mante tam 16  
tak an rawn hruai a; tin, thuin ramhuaite chu a hnawt chhuak  
a, dam lo zawng zawngte chu a tidam baw a: zâwlnei Isaian,  
“Amah ngeiin kan chak lohnate a la a, kan nâte a phur a,” tia 17  
a sawi chu a lo thlen theihna tûrin.

Tin, Isuan mipui nasa tak a vêla a hmuhin, râl leh lama kal 18  
tûrin thu a pe a.

Tin, lehkhaziaktu pakhat a lo kal a, a hnênah, “Zirtîrtu, i 19  
kalna apiangah ka zui ang che,” a ti a. Tin, Isuan a hnênah, 20  
“Sihalten kua an nei a, chunglêng savate pawhin bu an nei a, Mi-  
hring Fapa erawh hi chuan a lu nghahna a nei lo,” a ti a.

Tin, a zirtîrte zînga mi dangin, a hnênah, “Lalpa, ka pa mi 21  
vuitîr zet rawh,” a ti a. Nimahsela, ani chuan a hnênah, “Mi 22  
zui rawh; mitthiin anmahni mitthi chu vui rawh se,” a ti a.

Tin, lawn gah a chuang a, a zirtîrte chuan an zui a. Tin, ngai 23  
teh, dilah chuan thlipui nasa tak a lo tleh a, chutichuan, tui fawn-  
in lawng chu a vûr hlup hlup mai a; ani erawh chu a muhil



a. Tin, a hnénah an lo kal a, an kaitho va, “Lalpa, *min* chhanhim 25  
rawh, kan boral dâwn hi le,” an ti a. Tin, ani chuan an hnénah, 26  
“Rin tlênte u, engahnge in hlauh?” a ti a. Chu mi hnuah  
chuan a tho va, thlite leh dîl chu a hau va; tin, a lo reh ta thup  
mai a. Tin, mite chuan mak an ti hle a, “He *mi* hi mi engnge 27  
a nih, thli leh dîl lam pawhin a thu an awi hi?” an ti a.

Tin, râl leh lam Gadarin mite ram chu a thlenin, ramhuai 28  
man pahnih, thlân ațanga lo chhuakin, an rawn tâwk a; an kawlh  
êm a, chutichuan chu mi kawngah chuan tumah an kal thei lo  
va. Tin, ngai teh, anni chuan, “Pathian Fapa, keini leh nang 29  
engnge kan inzâwna? Hun tiam thlen hmâin min nghaisa  
tûrin hetah i lo kal em ni?” tiin, an au va. Tin, an *awmna* ațang- 30  
a hla feah vawk rual tam tak an tla a. Tin, ramhuaite chuan, 31  
“Min hnawh chhuah chuan, vawk rual kawchhûngahte sâwn min  
kaltîr ang che,” tiin, a hnénah an ngên a. Tin, ani chuan an 32  
hnénah, “Kal ta che u,” a ti a. Tichuan, an lo chhuak a, vawk  
kawchhûngahte chuan an va lût a: tin, ngai teh, vawk rual  
zawng zawng chu khâmah an tlân chhuk chiam a, dîlah an tlân  
lût a, tuih chuan an boral ta a. Tin, a vulhtute chu an tlân a, 33  
khuah chuan an kal a, engkim an hril ta a, ramhuai mante chung  
thil lo thlengte pawh chu. Tin, ngai teh, akhuain Isua hmuak 34  
tûrin an lo chhuak a; tin, amah an hmuh veleh an ram ata chhuak  
tûrin an ngên chiam a.

**9** Tin, *Isua* lawngah a chuang a, dîl chu a kân a, a *awmna* 1  
khua chu a thleng a.

Tin, ngai teh, zeng pakhat khuma mu chungin a hnénah an 2  
rawn zâwn a. Tin, Isuan an rinzia a hmuhin, zeng hnénah chuan,  
“Ka fa, thlamuang takin awm rawh; i sualte ngaihdam a ni tawh,”  
a ti a. Tin, ngai teh, lehkhaziaktu thenkhatte chuan an rilruin, 3  
“He mi hian Pathian a sawichhia a nih hi,” an ti a. Tin, Isuan an 4  
ngaihtuahte chu a lo hri a, “Engahnge in thinlunga sual in ngaiht- 5  
tuaht ni? ‘I sualte ngaihdam a ni tawh,’ tih leh, ‘Tho la, kein  
kal tawh rawh,’ tih hi, a engnge sawi awl zâwk ni? Engpawh 6  
ni sela, khawvêlah Mihring Fapa hian sual ngaihdam theihna a  
nei tih in hriat nân,” a ti a, (zeng hnénah chuan) “Tho rawh, i  
khum la la, i inah kal rawh,” a ti a. Tin, a tho va, a inah a haw 7  
ta a. Tin, mipuite chuan chu an hmuhin, an hlau va, mi- 8  
hringte hnêna chutiang thuneihna petu Pathian chu an fak a.

Tin, Isua chuta țangin a kal zêl a, chhiah chawina hmuna 9  
thu, mi pakhat, a hming Matthaia a hmu a; tin, a hnénah, “Mi  
rawn zui rawh,” a ti a. Tichuan, a tho va, a zui ta a. Tin, heti 10  
hi a ni a, inah chuan chaw a kîl laiin, ngai teh, chhiahkhawntute  
leh mi sualte tam tak an lo kal a, Isua leh a zirtîrte chu an kîlpui  
hlawm a. Tin, Pharisaite chuan chu an hmuhin, a zirtîrte 11

hnênah chuan, “Engatinge in zirtîrtuin chiahkhawntute leh mi  
sualte hnêna a ei le?” an ti a. Nimahsela, Isuan *chu chu* a hriat 12  
veleh, “Mi chakte chuan dâktawr an ngai lo va, mi bawrhsâwmte  
zâwkin *an ngai a ni*. Chutichuan, ‘Inthawina duh lovin khaw- 13  
ngaihna ka duh e,’ tih hi, a awmzia va zir rawh u; mi fel takte  
lam tûra lo kal ka ni lo va, mi sualte zâwk *lam tûra lo kal ka ni* asin,”  
a ti a.

Chu mi lai chuan Johana zirtîrte chu a hnênah an lo kal a, 14  
“Engatinge keini leh Pharisaite hian chaw kan nghei zut thin a,  
i zirtîrte lêmîn an nghei si loh?” an ti a. Tin, Isuan an hnênah, 15  
“Mo hruaitute hnênah a pasal tûr chu a awm chhûng zawng  
ino hruaitute chuan an sîn thei em ni? Nimahsela, a pasal tûr  
chu an hnên ata hruai bo nite a la thleng ang a, chu mi hunah  
erawli chuan chaw an la nghei ang. Tin, tuman puan hlui puan 16  
la thlâkmar loh themin an bel ngai lo; a bel phuina tûr chuan  
puan chu a kai thlêr *zâwk* ang a, a lo thlêr nasa lehzuâl dâwn si a.  
Tuman uain thar savun uain peng hluiahte an thun ngai hek lo; 17  
chutichuan savun pengte chu a puak keh a, uain chu a bua a,  
savun pengte pawh chu a lo chhe thin; uain thar chu savun uain  
peng tharahte an thun zâwk thin a ni, tichuan tha takin a awm  
ve ve thin,” a ti a.

Chûng thu chu an hnêna a sawi lai takin, ngai teh, hotu pa- 18  
khat a lo kal a, chibai a bûk a, “Ka fanu tûnah tak hian a thi a;  
nimahsela, lo kal la, a chungah i kut ngat la, a lo nung *leh* ang,”  
a ti a. Tichuan, Isua a tho va, a zui ta a, zirtîrte pawhin *an zui* 19  
*ve a*.

Tin, ngai teh, hmeichhe pakhat, kum sâwm leh kum hnih thi 20  
pûta dam lo, a hnungah a lo kal a, a puan hmâwr a dek a; “A 21  
puan hmâwr chauh pawh dek ila, tihdamin ka awm mai ang,”  
tih a rilrûk a ni. Tin, Isua a hawi a, amah chu a hmu a, “Ka 22  
fanu, thlamuang takin awm rawh; i rinna hi i dampui a ni e,”  
a ti a. Tichuan, hmeichhia chu, chu mi dâr achinah chuan a  
lo dam ta a.

Tin, Isua hotu inah chuan a luh a, phênglâwng tumte leh 23  
mipui bengchheng mur murte a va hmuah chuan, “Chhuak rawh 24  
u; naupang chu a thi lo ve, a muhîl a ni zâwk asin,” a ti a. Tin,  
anni chuan amah chu an nuihsan ta mai a. Nimahsela, mipui 25  
chu an hnawh chhuah hnu chuan a lût a, a kutah a chelh a, nau-  
pang chu a lo tho ta a. Tin, chu mi chanchin chu chûng ram 26  
zawng zawngah chuan a lo thang chhuak ta a.

Tin, Isua chuta tângin a kal zêl a, mitdel pahnihin, “Davida 27  
Fapa, min khawngaih rawh,” tia, auvin an zui a. Tin, ina a luh 28  
chuan, mitdelte chu a hnênah an lo kal a; tin, Isuan an hnênah,  
“Hei hi ti theiin mi ring em?” a ti a. Anni chuan a hnênah,

“Ring e, Lalpa,” an ti a. Tin, ani chuan an mit a dek a, “In rin 29  
 angin in chungah thleng rawl se,” a ti a. Tichuan, an mit chu  
 a lo vâ ta a. Tin, Isuan an hnênali, “Tuma hriat loh tùrin 30  
 fiukhur rawh u,” a ti tlat a. Nimahsela, anni chu an chluak 31  
 a, chu mi ram zawnz zawnz chuan a chauchin an tithang  
 ta a.

Tin, an chhuah lai takin, ngai teh, ɬawng thei lo ramhuai 32  
 inan pakhat a hnênah an rawn hruai a. Tin, ramhuai chu a 33  
 hnawh chhuah veleɬ ɬawng thei lo chu a lo ɬawng ta a. Tin,  
 mipuite chuan niak an ti hle a. “Israelte zingali hetiang li an  
 hmu ngai lo,” an ti a. Pharisait e rawl chuan, “Ramhuai lai 34  
 avângin a ni, ramhuaite a hnawh chhuah ɬhin ni,” an ti a.

Tin, Isuan an inkhâwnina inahle zirtirin, Ram Chanchin 35  
 ɬha chu hriliu, dam lohna tinrêng leh natna tinrêngte tidamin,  
 khaw lian leh khaw tète zawnz zawnz a fang zêl a.

Chutichuan, mipuite chu a hmuhin, vêngtu nei lo berâmte 36  
 anga hrehawm leh darha an awin avângin a khawngaih ta êm  
 êm a. Tichuan, a zirtirte hnênah chuan, “Buh seng tùr a tam 37  
 hle si a, nimahsela, a thawktute an tlêm; chutichuan, a buh seng  
 tùra thawktu tùrte tîr tùrin buh Neitupa hnênah chuan ngên 38  
 rawl u,” a ti a.

**10** Tin, a zirtir sâwm leh pahnihte chu a ko va, anmahni 1  
 hnawh chhuah theihna tùrin ramhuai bawlhhlawte chungah  
 thuneihna a pe a; dam lohna tinrêng leh natna tinrêng tihdam  
 theihna tùrin *thuneihna a pe bawh a*.

Tin, tirkhoh sâwm leh pahnihte hniing chu liêng hi a ni : A 2  
 hmasa berah chuan Simona (Petera an tili) leli a unau Andria te;  
 Zebedeia *fapa* Jakoba leh a unau Johana te; Philipa leh Bartho- 3  
 lomaia te; Thoma leh chhiahkhawntu Matthaia te; Alphaia *fapa*  
 Jakoba leh Thaddaia te ; Kanana mi Simona leh a mantirtu Juda 4  
 Iskariota te hi.

Chûng sâwm leh palnihte chu Isuan a tîr chhuak a, an hnên- 5  
 ah *heti hian* thu a pe a : “Jentailte kawngali kal suh ula, Samari  
 mite khua rêng rêngah pawh lût suh ang che u; amaherawhchu 6  
 Israel hnam berâm bote hnênah chuan kal zâwk ang che u. Tin, 7  
 in kalin, ‘Vân ram chu a lo luai ta,’ tiin, hril zêl ang che u. Dam 8  
 lote tidam ula, mitthite kaitho ula, phiârte tithianghlim ula, ram-  
 huaite hnawt chluak ang che u; athlâwnin in hmu a, athlâwn-  
 in pe ang che u. In kâwnghrênahte chuan rangkachak tang- 9  
 ka emaw, tangka emaw, dâr tangka emaw keng suh ula, zinna  
 atân iptê emaw, kawr pahnih emaw, pheikhawh emaw, tiang 10  
 emaw *keng hek suh u*; hnathawktu chu a ei tùr hmu tlâk a ni si a.

“Tin, khaw lianah emaw, khaw teah emaw in luhna apiangah 11  
 a *thleng tlâk mi tùr che u* zawnz chluak ula, in chhuah leh hma

loh chuan chutah chuan thleng reng ang che u. Tin, inah chuan 12  
 in luh dâwnin chibai bûk ang che u. Tin, ina mite chu *chibai* 13  
*bûk* tlâk an nih chuan in thlamuanna thu chu an chungah lo thleng  
 rawh se; an tlâk loh erawh chuan in thlamuanna thu chu in  
 chungah lo kîr leh rawh se. Tin, tupawh lâwm lo che ua, in 14  
 thu pawh ngaithla lo apiang, chu mi in ata emaw, chu mi khua  
 ata emaw in chhuah hun chuan in kephahâ vaivut chu thing thla  
 ang che u. Tih tak meuhvin ka hril a che u, Ngaihtuah niah 15  
 chuan chu mi khuate ai chuan Sodom leh Gomorra ram tuar  
 tûr chu a zia a awm zâwk ang.

“Ngai teh u, chinghne zînga berâm awm angin ka tirh che u 16  
 hi: chutichuan, rûl anga fînga, ðhuro anga pawikhawih lovin  
 awm ang che u. Nimahsela, mihring lakah chuan fîmkhur rawh 17  
 u; rorêltuhote an mantîr dâwn si che u a, inkhâwmna inahte an  
 vua ang che u a; a ni, keimah avângin hotute leh lalte hmaah 18  
 aninahni leh Jentailte hriattîrna tûrin an la hruai ang che u.  
 Nimahsela, an mantîr hunah che u chuan, ‘Engtinnge, eng thu 19  
 nge ka sawi ang?’ tiin, lungkham suh ang che u; in sawi tûr chu  
 a hun takah chuan a hriattîr dâwn si che u a. A sawitu 20  
 chu nangni in ni dâwn si lo va, in Pa Thlarauvin nangmahniah  
 a sawi zâwk dâwn a ni.

“Tin, tihhlum tûrin unaupa leh unaupa an inmantîr ang a, 21  
 pa pawhin a fa a mantîr bawh ang; fate pawhin an nu leh an pate  
 an do vang a, an tihhlumtîr bawh ang. Keima hming avângin 22  
 mi zawng zawng huat in ni ang; nimahsela, a tâwp thlenga  
 tuar peih apiang chu, chu mi ngei chu chhandamin a awm ang.

“Chutichuan, he khuaah hian an tihduhdah hunah che u, *khaw* 23  
 dangah tlânsan ang che u; tih tak meuhvin ka hrilh a che u, Mi-  
 hring Fapa a lo kal hmain Israel khuate chu in fang chhuak lo vang.

“Zirtîr a zirtîrtu chungah a awm lo; bawi pawh a pu chung- 24  
 ah a awm hek lo. Zirtîr chu a zirtîrtu anga lo awm leh, bawi 25  
 chu a pu anga *lo awm chu*, a tâwk e. In neitupa mah ‘Beelzibula,’  
 an tih chuan, a chhûngte chu an va ti dâwn nasa êm !

“Chutichuan, anmahni chu hlau suh ang che u; lang lo tûra 26  
 thuhrûk engmah a awm si lo, hriat loh tûra zêp pawh engmah  
*a awm hek lo*. Thima ka hrilh che u hi êngah sawi ang che u; 27  
 beng bula in hriat hi in chunga chuangin tlângaupui ang che u.

“Tin, taksa tihluma, thlarau tihlum thei lotute chu hlau suh 28  
 ula; Gehenna-a thlarau leh taksa tiboral theitu erawh chu  
 hlau zâwk ang che u. Chawngzawng pahni dâr tangka pa- 29  
 khatah an hralh ðhîn lo vem ni? nimahsela, an zînga pakhat  
 mah in Pa lovin leiah a tla lo vang. In samzaite lam pawh hi 30  
 chhiar vek a iin asin. Chuvângin hlau suh u; chawngzawng 31  
 tam tak aiin in hlu zâwk a ni.

“Chutichuan, mite hmaa mi ɬan apiang, ka Pa vâna mi hmaah 32  
ka ɬan ve ang. Nimahsela, tupawh mite hmaa mi phat apiang, 33  
ka Pa vâna mi hmaah ka phat ve ang.

“Khawvêlah hian rem lêntîr tûra lo kal emaw mi ti suh u; 34  
rem lêntîr tûra lo kal ka ni lo va, khandaih *lêntîr tûra lo kal ka ni*  
zâwk. Mi a pa dotîr tûrin, fanu a nu *dotîr tûrin*, mo a pi *dotîr* 35  
*tûrin* lo kal ka ni asin. Mi a hmêlmate chu ama chhûngte zînga 36  
mi ngei an *ni ang*. Tupawh a nu emaw, a pa emaw keimah aia 37  
hmangaih zâwk chu, ka mi ni tlâk a ni lo; tupawh a fanu emaw,  
a fapa emaw keimah aia hmangaih zâwk pawh, ka mi ni tlâk a ni  
lo. Tupawh a kraws pua mi zui lo chu, ka mi ni tlâk a ni lo. Tu- 38  
pawh a nunna hmu chuan a chôn ang a; keimah avânga a nun- 39  
na chôn chuan a hmu ang.

“Tupawh a lâwm che u chu, mi lâwm a ni a, tupawh mi lâwm 40  
chu mi tirtu lâwm a ni. Tupawh zâwlnei chu zâwlnei a nih 41  
avânga lâwm chuan zâwlnei lâwmman a hmu ang a; tupawh  
mi fel chu mi fel a nih avânga lâwm chuan mi fel lâwmman a  
hmu ang. Tin, tupawh, hêng mi tê tak zînga pakhat hnênah 42  
hian, zirtîr a nih avânga tui vâwt no khat chauh pawh pe apiang  
chuan, tih tak meuhvin ka hrilh a che u, An lâwmman chu an  
chôn tawp lo vang,” a ti a.

II Tin, heti hi a ni a, Isuan a zirtîr sâwm leh pahnihte chu 1  
thu a pêk zawh veleh chuta ɬang chuan an khuahte zirtîr  
leh thu hrilh tûrin a kal ta a.

Tin, Johanan, Krista thiltihte chu tân inah chuan a lo hriatin, 2  
a hnênah, “Lo kal tûra chu i ni nge, mi dang kan la ngai ang?” 3  
tiin a zirtîrte a palaitîr a.

Tin, Isuan an hnênah, “Kal leh ta ulang, thil in hmuh leh in 4  
hriat hi Johana hnênah va hrilh rawh u: mitdelte an mit a lo 5  
vâr ta, kebaite kein an lo kal ta, phârte an lo thianghlim ta, beng-  
ngawngte pawh an beng a lo vâr ta, mitthite pawh kaihtawhin  
an awm ta, pachhiate pawhin Chanchin Tha hrilh an dawng ta.  
Tin, tupawh ka chung a lungnih lohna hmu lo chu an eng a thâwl 6  
e,” tiin a lo chhâng a.

Chûng mite chu an hâwn veleh, Isuan mipui hnênah chuan 7  
Johana thu a sawi ta a, “Eng en tûrin nge thlalêra in kal chhuah  
kha? Luang thli chhêm ngîn maw? A nih loh leh, eng en tûr 8  
berin nge in kal chhuah kha? Puan nê m sin maw? Ngai rawh  
u, puan nê m sinte chu lal inahte asin an awm. A nih loh leh, eng 9  
vâng berin nge in kal chhuah kha? Zâwlnei en tûrin maw? A  
nih ngei kha, ka ti a che u, zâwlnei ai pawha ropui zâwk.

‘En teh, ka tirhkoh i hmaan ka tîr a ni, 10

Ani chuan i hmaah i kawng a siam ang,’

tih, a chanchin an ziaka kha, he mi hi a ni. Tih tak meuhvin 11

ka ti a che u, Hmeichhe hrin zingali Baptistu Johana aia ropui zâwk an la chhuak ngai lo; nimahsela vân rama mi tê deuh pawh ani ai chuan an ropui zâwk si a. Baptistu Johana awm achin 12 tûn thlengin vân ram chuan bei vakna a tâwk thin a, a bei vakte chuan an pâwng lâk thin. Zâwlneite zawng zawng leh Dân 13 thu chuan Johana a lo awm thleng khân an hril lâwk thin a ni. In 14 awi duh zawngin, chu chu Elija, lo kal tûra chu a ni. Tupawh 15 hriatna tûra beng nei chuan hre rawh se.

“Nimahsela, tûn lai thangtharte hi eng nêen nge ka telkhin 16 ang? Naupang dâwr hmunahte thua, an thiante auva,

‘Phênglâwng kan tum sak che u a, in lâm si lo va. 17

Kan tap vak a, âwm in inchûm si lo,’

tiate ang hi an ni.

“Johana chu a lo kal a, a eiin a in lo va, ‘Ramhuai a zâwl 18 a nih hi,’ an ti a. Mihring Fapa a lo kal a, a eiin a in a, ‘En teh u, 19 chaw heh mi, uain heh mi, chhiahkhawntute leh mi sualte thian saw!’ an ti si a. Nimahsela, a thiltihten Fingi an thiam e,” a ti a.

Tin, an sim loh avângin, a thil mak tih tamna ber khuate chu 20 a hau ta a : “Korazin, i chung a pik e ! Bethsaida, i chung a pik 21 e ! nangmahnia thil mak tak tihte kha Tura leh Sidon khuua tih ni sela, saiip puan sina vut zînga thuin an sin tawh ang. Nimah- 22 sela, ka ti a che u, ngaihtuah niah chuan nangni tuar ai chuan Tura leh Sidon khaw tuar tûr chu a zia a awm zâwk ang. Tin, 23 nang Kapernaum, vân thlengin chawinawi i ni dâwn em ni ? Mithli khaw thlengin i zuk kal dâwn asin; nangmaha thil mak tak tihte kha Sodom khuua tih ni sela, tûn thlengin a la awm reng ang. Nimahsela, ka ti a che u, ngaihtuah niah chuan i 24 tuar ai chuan Sodom ram tuar tûr chu a zia a awm zâwk ang,” a ti a.

Chu mi lai chuan Isuan a bia a, “Aw ka Pa, lei leh vân Lalpa, 25 nangin mi fing leh mi bengvârte hnênah hêng thu hi i zêp a, nau- sênte hnêna i puan avâng hian ka fak a che. A ni, ka Pa, chu- 26 tiang tih chu i ngaihin a tha a ni. Ka Pain thil engkim mi kaw- 27 tîr tawh; Pa lo chuan tumahin Fapa hi an hre lo; Fapa leh an hnêna Fapain a puan duhnate chauh lo chuan tumau Pa chu an hre hek lo.

“Nangni thawk rim leh phurrit phur zawng zawngte u, ka 28 hnênah lo kal ula, keiman ka chawlhîr ang che u. Ka nghâwng- 29 kawl bât ula, ka hnênah zir rawh u; thuhnuairawh leh rilrua inngaitlâwm tak ka nih hi: tichuan, in thilarau tân chawlhna in hmu ang. Ka nghâwngkawh chu a nuam a, ka phur pawh 30 a zâng a ni,” a ti a.

**12** Chu mi lai chuan Isua chu Chawlliniah buh hmunalite 1 a kal tlang a; a zirtîrte chu an ril a tâm a, buh vuite an

thliak a, an ei ta a. Tin, Pharisaiten chu chu an hmuhin, a hnên- 2  
 ah, “En teh, i zirtîrten Chawlhniah tihthiang lo chu an tih hi,”  
 an ti a. Ani erawh chuan an hnênah, “Davida a rilâm laia a thian- 3  
 te nêna an thiltih kha in chhiar lo vem ni? Khatia Pathian 4  
 ina a luh a, amah leh a thiante ei thian loh, puithiamte chauh  
 ei thian chhangdah chu an ei thu kha? A nih loh leh, Chawlh- 5  
 niin Pathian biak ina puithiam awmte chuan Chawlhni an bawrh  
*pawhin* an thiam zêl tih Dân *thuah* chuan in chhiar lo vem ni?  
 Engpawh ni sela, Pathian biak in aia ropui zâwk hetah a awm 6  
 tih ka hrilh a che u. Nimahsela, ‘Inthawina duh lovin khaw- 7  
 ngaihna ka duh e,’ tih hi, a awmzia lo hre tawh ni ula chu, mi thiam-  
 te chu thiam loh in chantîr lo tûr. Mihring Fapa hi Chawlhni 8  
 Lal a ni si a,” a ti a.

Tin, chuta tâng chuan a kal a, an inkhâwmna inah a va lût 9  
 a. Tin, ngai teh, mi pakhat kut zeng a lo awm a. Tin, an hêk 10  
 theih nân, “Chawlhniin tihdam a thiang em?” tiin, Isua an  
 zâwt a. Tin, ani chuan an hnênah, “Nangni zîngah tupawhin 11  
 berâm pakhat nei ula, chu chu Chawlhniin khuarkhurumah tla  
 ang sela, tunge chelhin kai chhuak lo vang che u? Berâm pakhat 12  
 ai chuan mihring pakhat chu a va hlu zâwk êm ! Chuvângin  
 Chawlhniah tihthât a thiang e,” a ti a. Chu veleh, chu mi hnên- 13  
 ah chuan, “I kut phar rawh,” a ti a. Tichuan, a phar a, a leh  
 lam angin a dam ta viah a.

Chutichuan, Pharisaiten chu an chhuak a, amah an tihhlum 14  
 theihnazia tûr ngaihtuahin an inrâwn a. Nimahsela, Isuan *chu* 15  
*chu* a hriatin chuta tâng chuan a kal bo ta a. Tin, mi tam takin 16  
 amah an zui a, an zain a lo tidam vek a, a *chanchin* puan loh tûr  
 an hnênah a ti tlat a: zâwlnei Isaian, 17  
 “En teh, ka chhiahhlawh, ka thlan, 18  
 Ka duh tak, ka rilruin a lawm êm êma hi;  
 A chungah ka Thlarau ka dah ang a,  
 Tichuan, Jentailte hnênah rorêlna thu a hril ang.  
 A hnial lo vang a, a au hek lo vang a, 19  
 Kawthlêrahte pawh tuman a aw an hre hek lo vang.  
 Hneh tûra rorêlna a tîrh chhuah hma loh zawng 20  
 Luang sâwp a titliak fithla lo vang a,  
 La khu pawh a timit lo vang.  
 Ama hming chu Jentailte chuan an beisei chhan ang,” 21  
 tia a sawi kha a lo thlen theihna tûrin.

Chu mi lai chuan mitdel tawng thei lo ramhuai man pakhat 22  
 a hnênah an rawn hruai a; tin, ani chuan a lo tidam a, chuti-  
 chuan, tawng thei lo chu a lo tawng theiin, a lo hmu thei ta a.  
 Tin, mipuiho zawng zawng chuan mak an ti hle a, “He mi hi 23  
 Davida fapa chu a ni lâwm ni?” an ti a. Nimahsela, Pharisaiten chu 24

chu an hriat vceleh, “He mi hian ramhuai lal Beelzibula avâng lo chuan ramhuaite a hnawt chhuak lo vang,” an ti a.

Tin, Isuan an ngaihtuahte chu a lo hria a, an hnênah, “Khawii 25 ram pawh mahni indo apiang an boral thîn; khawii khua pawh, chhûng khat pawh, mahni indo apiang an dîng khawchhuak lo vang. Tin, Setanan Setana vêk a hnawh chhuah chuan mahni 26 indo a ni ang asin; a ram chu engtinng a dîng chhuah ang le? Tin, kei Beelzibula avânga ramhuaite hnawt chhuak thîn ka lo nih 27 chuan, in faten tu vângin nge an lo hnawh chhuah thîn le? Chuvângin anni chu nangmahni ngaihtuahtu tûrte an ni ang. Amah- 28 erawhchu, kei Pathian Thlarau avânga ramhuaite hnawt chhuak thîn ka nih chuan, Pathian ram in hnênah a lo thleng tawh a ni ang. Chuti a nih si loh chuan, miin mi chak chu a phuar hmasak 29 zet loh chuan engtinng a mi chak ina lûtin a sum a lâk sak theih ang? chu mi hnua erawh chuan a in chu a ram sak mai ang. Tupawh ka lama tâng lo chu, mi do a ni; tupawh mi lâk khâwm- 30 pui lo chuan, a tidarh a ni.

“Chuvângin ka ti a che u, mi an sualna tinrêngah leh an Pa- 31 thian sawichhiatna tinrêngah chuan ngaihdam an ni ang: Thlarau meuh sawichhiatna erawh chu ngaihdam sak a ni lo vang. Tin, tupawh Mihring Fapa sawisêl apiangte chu an sawisêlna 32 chu ngaihdam sak a ni ang; tupawh Thlarau Thianghlim meuh sawisêl apiang erawh chu an sawisêlna chu tûn dam chhûngah pawh, hum lo la thleng tûrah pawh chuan, ngaihdamsak a ni lo vang.

“Thing chu a tha, a rah pawh a tha, in tih loh vêk leh, thing 33 chu a chhia, a rah pawh a chhia, ti law law rawh u; thing chu a rahah a hriat si a. Rûl thlahte u, nangnin, sual reng chungin, 34 engtinng a thu tha in sawi theih ang? thîlunga khat liam chu kain a sawi thîn asin. Mi tha chuan a ro bâwm tha ata 35 thil thate a theh chhuak thîn a, mi sual chuan a ro bâwm chhia ata thil chhiate a theh chhuak thîn. Tin, ka hrilh a che u, Miten 36 thu lawi lo an sawi apiang, chûng thu chanchin chu ngaihtuah niah chuan an sawi ang. I thu chuan thiam a chantîr ang chia, 37 i thu vêk chuan thiam loh a chantîr baw dâwn che asin,” a ti a.

Chu mi lai chuan lehkhaziaktute leh Pharisaite zînga mi 38 tutenemaw an bia a, a hnênah, “Zirtîrtu, i hnên ata chhinchhiahna hmuh kan duh e,” an ti a. Ani erawh chuan an hnênah, 39 “Thangthar sual tak leh uirê hmanng takte chuan chhinchhiahna an zawnng a, nimahsela, zâwlnei Jona chhinchhiahna chauh lo chu an hnênah chhinchhiahna rêng rêng pêk a ni lo vang: Jona 40 chu ni thum leh zan thum nghapui kawchhûnga a awm ang khân, Mihring Fapa hi ni thum leh zan thum lei kawchhûngah a awm baw dâwn a ni. Ninevi khuaa mite chu ngaihtuah hunah chuan 41 tûn lai thangtharte hnênah hian an dîng ve ang a, thiam loh an



chantir ang, Jona thu hrilh avângin an sim si a; ngai teh u,  
Jona aia ropui zâwk hetah hian a awm asin. Chhim lam lalnu 42  
kha ngaihtuah hunah chuan tûn lai thangtharte hnénah hian a tho  
ve ang a, thiam loh a chantir ang; Solomona fin ngaithla tûr  
mahin kâwlkil ata a lo kal si a; ngai teh u, Solomona aia ropui  
zâwk hetah hian a awm asin.

“Tin, ramhuai bawhlhlawh chu mi kawchhùng ata a chhuahin, 43  
chawlhna zawngin tui awm lohna hmunah a vâk a vâk a, a hmu  
thin si lo va. Tin, ‘Ka chhuahna inah khân ka kir leh mai ang,’ 44  
a ti a; tin, a va thlen chuanin, ruaka, phiahfaia, cheimawiin a  
hmu a. Chu veleh a va kal a, amah aia sual zâwk ramhuai dang 45  
pasarih a rawn hruai a, chutah chuan an lût a, an awm reng  
thin a; chu mihringa awmze hnuhnùng chu a hmasa aiin a lo tha  
lo zâwk thin a ni. Chutiang bawkin tûn lai thangthar sual takte  
chungah hian a la awm ang,” tiin, a chhâng a.

Mipuite hnéna thu a la sawi lai chuan, ngai teh, a nu leh a 46  
unaute chu amah biak tumin pawnsah an ding a. Tin, mi pakhat- 47  
in a hnénah, “Ngai teh, i nu leh i unaute biak tum chein pawnsah  
sawn an ding reng e,” a ti a.

Ani erawh chuan a hriltu hnénah chuan, “Ka nu chu tunge 48  
ni? ka unaute pawh chu tutenge ni?” tiin a chhâng a. Tin, 49  
a zirtirte lamah a kut a phar a, “En teh u, ka nu leh ka unaute  
hi! Tupawh ka Pa vâna mi duhzâwng ti apiang chu ka unau te, 50  
ka farnu te, ka nu te an ni asin,” a ti a.

**13** Chu mi ni chuan Isua chu in ata a kal chhuak a, dilkamah 1  
chuan a thu a. Tin, a hnénah mipui nasa takte an rawn 2  
inkhâwm a, chutichuan lawngah a chuang a, a thu a; mipui  
zawng zawng t̃iauphovah an ding a.

Tin, tehkhin thuin thu tam tak an hnénah a sawi a: “Ngai teh 3  
u, buh chi thehtu buh chi thehin a feh a; tin, a theh laiin a then 4  
kalkawng sirah a tla a, savaten an rawn tlân zo ta a. Tin, a then 5  
pialtlêp lei pan hmunah a tla a; lei a chhah loh avângin a to ta  
nghâl a; nimahsela, ni a lo tlângsân deuhvin emvuaiin a lo awm 6  
a, zung a neih loh avângin a rawp ta mai a. Tin, a then hnim- 7  
hlingnei zingah a tla a, hnim chu a lo to sâng a, a dip ral ta a.  
Tin, a then lei thaah a tla a, thenkhat a leh za te, thenkhat a leh 8  
sawmruk te, thenkhat a leh sawmthum tein a lo rah ta a. Tu- 9  
pawh beng nei chuan hre rawh se,” a ti a.

Tin, zirtirte chu an lo kal a, a hnénah, “Engatinge an hnénah 10  
tekhin thuin i sawi?” an ti a.

Tin, ani chuan a chhâng a, an hnénah, “Vân ram thurûk 11  
chu nangni hriat zawng phal a ni a, anni hriat erawh chu phal  
a ni lo. Tupawh a nei apiang an pe belhchhah ang a, an nei 12  
teuh vang; nimahsela, tupawh a nei lo apiang chu, an neih chhun

pawh an lăk sak ang. Chutih avâng chuan tehkhin thuin an 13  
linénah ka sawi a ni; hmu mah sela an hmuh thin loh va, bengín  
hre mah sela an hriat thin loh va, a ngaihna pawh an hriat thin  
loh avângin.

“Tin, Isaia thu sawi lăwk kha an chungah a lo thleng a nih hi: 14

Beng zawngin in hre na ang a, a ngaihna erawh chu  
in hre tawp lo vang;

Hmuh zawng in hmu na ang a, hriat erawh chu in  
hre tawp lo vang;

He clite thinlung hi a lo chawlawl ta a, 15

An bengte a lo ngawng deuh va,

An maimichhing bawh a,

‘Chutilochuan kan nitin kan hmu ang a,

Kan bengín kan hria ang a,

Kan thinlungin kan hre bawh ang a,

Kan hawi kír leh ang a,

Anin min tidam hlauh dah ang e,’ an ti a, a tih kha.

“Nangni mit erawh chu a vânei a ni, a hmuh thin avângin; 16

in beng pawh a vânei a ni, a hriat thin avângin. Tih tak meuh- 17

vin ka hrilh a che u, zâwlnei tam takte leh mi fel tam takte pawh-

in in thil lmuhte hi hmuh an chák a, nimahsela an hmu si lo;

in thil hriatte pawh hi hriat an chák a, nimahsela an hre si lo.

“Chutichuan, buh thehtu tehkhin thu chu hre rawh u :— 18

Tupawhin ram thu chu beng a lo hriat a, a ngaihna a hriat si 19

loh chuanin, mi sual chu a lo kal a, a thinlunga thei sa chu a chhuh

sak thin. Chu mi chu kawng sira theh chu a ni. Tin, pialtlép 20

hmuna theh chu, thu chu hriaa lăwm taka pawin nghál thin hi

a ni; nimahsela amahah chuan zung a awm lo va, rei lo té chauh 21

a awm a; tin, thu avâng chuan hrehawmna emaw, tihduhdahna

emaw a lo awm veleh a tlu nghál mai thin. Tin, hnim- 22

hlíngnei zínga theh chu thu hretu a ni a, nimahsela, khawvél lung-

khamna leh hausakna bumna chuan thu chu a dip a, rah lovin

a lo awm thin. Tin, lei tha chungah theh chu, thu chu beng a 23

hriaa a ngaihna hre bawh hi a ni a; chu mi chu a rah ngei a,

thenkhat a leh za te, thenkhat a leh sawmruk te, thenkhat a leh

sawmthum tein a pung thin,” a ti a.

Tehkhin thu dang an hnénah a sawi leh a : “Vân ram 24

chu, mi a lova chi tha thehtu nên chuan tehkhin a ni, nimahsela 25

mi an muthilh hlânin a hmélma a lo kal a, buh zingah chuan

buhlem a theh a, a kal bo leh ta a. Tin, buh chu a lo to va a lo 26

vuih chuan buhlem chu a lo lang ve ta a. Tin, in neitu bawite 27

chu an lo kal a, a hnénah chuan, ‘Ka pu, i lovah chi tha i theh

lo vem ni? buhlem saw khawi ata lo awm nge ni le?’ an ti a.

Tin, ani chuan an hnénah, ‘Chu chu hmélmain a lo ti ta a nih chu,’ 28

a ti a. Tin, bawite chuan a hnénah, 'A nih leh, chùng chu va la  
khâwm mai ila rem i ti eni?' an ti a. Ani erawh chuan, 'Ti lo 29  
ve; buhlem chu in lâk khâwmzâwugin buh chu in pawt tel hlah  
dah ang e. Buh seng thlengin to za rawh se; tin, buh seng hunah 30  
chuan buh âttute hnénah, Buhlem chu la khâwm limasa zet ula,  
hlâl túrin tel rawh u; buh erawh chu ka buh inah seng lút rawh  
u, ka la ti ang e,' a ti a," a ti a.

Tehkhin thu dang an hnénah a sawi leh a : "Vân ram chu 31  
an'am chi fang khat miin a lâka, a lova a theha ang chu a ni a;  
chu chu chi zawng zawng aiin a tê ber a; nimalisela a lo to sân 32  
hunah chuan thlaite ai chuan a lian zâwk a, thing a lo ni thin a,  
chutichuan chunglêng savate chu an lo kal a, a zâralite chuan  
an riak thin a," a ti a.

Tehkhin thu dang an hnénah a sawi leh a : "Vân ram chu, 33  
davidim hneichhiain a lâka, chhangphut tehkhâwng thum zingah  
a zaa a thawh vek thlenga a phûma ang chu a ni," a ti a.

Chùng zawng zawng chu Isuan tehkhin thuin mipuite hnénah 34  
a sawi a, tehkhin thu lovin an hnénah engmah a sawi lo: zâwl-  
nein, 35

"Tehkhin thuin ka kâ ka âng ang a,  
Leilung pian tih ata thil inthup chu  
Ka sawi chhuak ang,"

tia a sawi kha a lo thlen theihna túrin.

Chu mi lai chuan mipuite chu a kalsan a, inah chuan a lút 36  
ta a, tin, a zirtirte chu a hnénah an lo kal a, "Lova buhlem teh-  
khin thu kha min hrihfah rawh," an ti a.

Tin, ani chuan a chhâng a, "Chi tha thetu chu Mihring 37  
Fapa hi a ni a; lo chu khawvêl hi a ni a; chi thate chu ram 38  
fate an ni a; buhlemte chu mi sual fate an ni a; hmêlma, a theh- 39  
tu chu, diabolâ a ni a; buh seng chu khawvêl tâwpna túr a ni;  
buh âttute chu vântirhkohte an ni. Chutichuan, buhlemte chu an 40  
la khâwm a meiin an hál ang hian khawvêl tâwpnaah chuan  
a la awm ang. Mihring Fapa hian a vântirhkohte chu a tîr chhuak 41  
ang a, a ram ata tisualtirtute leh thil tisualtute zawng zawng chu  
an thiar chhuak ang a, rawh tuina meiah chuan an paih ang;  
chutah chuan tah leh ha thial chu a awm ang. Chu mi hunah 42  
chuan mi felte chu an Pa raniah chuan ni angin an êng tawh ang.  
Beng nei chuan hre rawh se.

"Vân ram chu lova ro phûm rûk ang a ni; chu chu miin a 44  
hmu a, a thukru a, a lâwm avângin a neih zawng zawng chu a va  
hralh a, chu lo chu a lei ta a.

"Tin, vân ram chu sumdâwng mi tuikeplung tha tak zawngtu 45  
ang chu a ni leh a; tin, ani chuan tuikeplung hlu tak palhat 46  
a linu a, a neih zawng zawng chu a va hralh a, a lei ta a.

“Tin, vãn ram chu lènkhang, tuifinriata dena, chi tinrêng 47  
fùn khâwmna ang chu a ni leh pek a. Chu chu a khah veleh a 48  
kamah an hnûk chhuak a; tin, an ðu a, a ða zawng chu bâwm-  
ah an la khâwm a, a chhia erawh chu an paih a. Khawvêl 49  
tâwp hunah chuan ciuâang bawkin a awm ang; vântirhkohte  
chu an lo chhuak ang a, mi fel zîng ata mi sualte chu an hlîr ang a,  
rawh tuina meiah chuan an pail ang; chutah chuan ðah leh ha 50  
ðial chu a awm ang,” a ti a.

Isua vêkin an hnênah, “Chûng zawng zawng chu in hria em?” 51  
a ti a. Anni chuan a hnênah, “Hria e,” an ti a. Tin, ani chuan 52  
an hnênah, “Chuti a nih chuan, lehkhaziaktu vãn ram kawng zir-  
tira awm apiang chu, in neitu, a ro bâwm ata thil tharte leh thil  
hluite phawrh chhuak ðhîntu ang chu a ni,” a ti a.

Tin, heti hi a ni a, Isuan chûng tehklun thute chu a sau i zawh 53  
veleh chuta ðang chuan a kal ta a. Tin, a awmna khaw lam chu 54  
a thleng a, an inkhâwmna inah chuan annahni a zirtîr ta a, chu-  
tichuan mak an ti hle a, “He mi hian he finna leh hêng thilmak  
tihtheihnate hi khawi ata nge a hmuh? He mi hi thingren siamtu 55  
fapa kha a ni lo vem ni? a nu chu Mari an tih hi a ni lo vem ni?  
a unaute pawh Jakoba, Josefa, Simona, Juda an tihte chu an ni lo  
vem ni? A farnute pawh kan huêna awm an ni vek lo vem ni? 56  
He mi hian khawi ata tehlu nge hêng zawng zawng hi a hmuh ni?”  
an ti a. Tichuan, a chungah an lungni ta lo va. Nimahsela, 57  
Isuan an hnênah, “Zâwlnei chu ama khaw lamah leh ama inah  
chauh lo chuan chawimawi lohvin a awm ngai lo,” a ti a. Tin, 58  
an rin loh avângin chutah chuan thilmak tam a ti lo.

**14** Chu mi lai tak chuan lal Heroda chuan Isua chanchin 1  
chu a lo hria a, a chhiahhlawhte hnênah, “Chu chu Bap- 2  
tistu Johana kha a nih chu; mitthi zîng ata a tho leh ta zuk ni  
a; chuvângin chûng thiltihtheihnate chuan amahah a thawk  
a nih chu,” a ti a.

(Heroda chuan a unau Philipa nupui Herodi avângin Johana 3  
chu a man a, a phuar a, tân inah a lo khung tawh a ni; Johana  
chuan a hnênah, “Ani i neih hi a thiàng lo ve,” a tih sak avângin. 4  
Tin, Johana chu tihlilum a tumin mipui a hlau va, zâwlneia an ruat 5  
avângin. Nimahsela, Heroda pian champhaphâk ni chu a lo 6  
thlenin Herodi fanu chu a laiah a lâm a, Heroda chu a tilâwm ta  
a. Chu mi avâng chuan a dil apiang pe tûrin chhechhamin a tiam 7  
ta a. Tin, ani chuan a nu fuihin, “Hetah hian thlêngin 8  
Baptistu Johana lu mi pe rawh,” a ti a. Tin, lal chu a lungngai 9  
ta a; nimahsela a thutiamte leh a chaw kilpuite avâng chuan  
pêk tûr thu a pe a, tichuan mi a tîr a, tân ina Johana lu chu a 10  
tantîr a. Tin, a lu chu thlêngin an rawn la a, hmeichlie naupang 11  
hnênah chuan an pe a; ani chuan a nu hnênah a kalpui ta a.

Tin, zirtîrte chuan a ruang chu an va hlâwm a, an phûm a; 12  
tin, Isua an va hrilh a.)

Tin, Isuan *chu chu* a hriatin, chuta ta chu lawngin thlalêr hmun- 13  
ah a kal hrang ta a. Nimahsela, mipuite chuan an hriat veleh  
khua aţangte chuan kea kalin an zui ta a. Tichuan ani chu 14  
*vaukama* a chhuah chuan mipui nasa tak a hmu a, a khawngaih êm  
êm a, an damlote a tidam a.

Tin, tlai lam a lo nihin zirtîrte chu a hnênah an lo kal a, "Hei 15  
hi thlalêr hmun a ni a, khua pawh a lo tlai ta si a; khuaahte kalin  
an tân ei tûr an lei theihna tûrin mipuite hi kaltîr ta che," an ti  
a. Isua erawh chuan an hnênah, "An kal bo a ngai lo ve; nang- 16  
mahnin ei tûr pe rawh u," a ti a. Tin, anni chuan a hnênah, 17  
"Hetah chhangpêr panga leh sangha pahnih chauh kan nei a ni,"  
an ti a. Tin, ani chuan, "Hetah ka hnênah han la rawh u," a 18  
ti a. Tin, hlobet chung a ţhu tûrin mipuite chu thu a pe a, chhang- 19  
pêr panga leh sangha pahnih chu a la a, van lam enin mal a  
sâwm a, a phel a, chhangpêrte chu zirtîrte hnênah a pe a, tin,  
zirtîrte chuan mipuite hnênah *an pe a*. Tin, an vaiin an ei a, an 20  
puar ta hlawm a; *an ei* bâng nawi pawh chu bâwmrâng sâwm  
leh pahnih an rût khat a. A eitute chu, hmeichhia leh naupaing 21  
tiam lovin, patling hlîr pawh sângnga lai an ni a.

Tin, mipuite chu a ţîntîr vêl chhûngin a kal hmaa râl leh 22  
lama lo kal hmasa tûrin zirtîrte chu lawngah a chuan luihtîr  
ta nghâl a. Tin, mipuite chu a ţîntîr huuin ţawngţai tûrin tlâng- 23  
ah chuan a han kal hrang a; tin, tlai lam a lo nihin chutah  
chuan amah chauhvin a awm ta a.

Lawng erawh chu dîl lai takah a awm tawh a; thliin a ni lo- 24  
zâwngin a nem avângin tuifâwnin a vawrh a vawrh ta a. Tin, 25  
khawfing chah dâwn laiin dîl chungah kea kaliu an hnên lan  
a rawn pan a. Tin, zirtîrte chuan amah chu dîl chungah kea a kal 26  
an han hmuh chuan, "Hmuithla a nih saw!" tiin, an thlaphâng  
a, hlauvin an au ta vak mai a. Nimahsela, Isuan anmahni a be ta 27  
nghâl a, "Thlamuang takin awm rawh u; keimah ka ni alâwm;  
hlau suh u," a ti a.

Tin, Peteran a chhâng a, "Lalpa, nang i nih chuan, tui chungah 28  
i hnêna lo kal thu mi pe rawh," a ti a. Tin, ani chuan, "Lo kal  
ta che," a ti a. Petera lawng ata chu a chhuk a, Isua hnên lam 29  
panin tui chungah chuan kein a kal a. Nimahsela, thli tleh chu 30  
a hmuhin a hlau va; tin, a pil dâwn a, "Lalpa, mi chhandam  
rawh," tiin a au ta a. Tin, Isuan a ban ta nghâl a, amah chu a 31  
chelh a, a hnênah, "Nang rin tlêm, engalnge i rinhlêl le?"  
a ti a. Tin, lawnga an chuan chuan thli chiu a bâng ta mai a. 32  
Tin, lawnga awmte chuan, "Pathian Fapa i lo nih tak zet hi," 33  
tiin, amah chibai an bûk a.

Tin, *râl* leh lam an kai chuan Gennesaret ram khawmual an 34  
 thleng ta a. Tin, chu mi hmuna mite chuan amah an hriat veleh, 35  
 chu mi kiang vel ram zawng zawngah chuan *mi* an tîr a, damlo  
 zawng zawng chu a hnênah anrawn hruai a; tin, a puan hmâwr  
 tal deh theih an dîl chiam a; tin, a dek apiang chu an lo dam ta 36  
 zêl a.

**15** Chu mi lai chuan Jerusalem khua aţangin Pharisaite leh 1  
 lehkhaziaktute Isua hnênah an lo kal a, “Engatinge i zir- 2  
 tîrten upate thurochhiah chu an bawhchhiat tînin? chhang an eiin  
 an kut an sil ngai si lo va,” an ti a. Tin, ani chuan an hnênah, 3  
 “Nangni pawhin engatinge in thurochhiah avânga Pathian thupêk  
 in bawhchhiat ni? Pathianin, ‘I nu leh i pa chawimawi rawh,’  
 ‘Tupawh a nu emaw a pa emaw sawichhia apiang chu thi mawh 4  
 rawh se,’ a ti si a. Nangni erawh chuan, ‘Tupawh a nu emaw 5  
 a pa emaw hnênah, I mi chhawrna tûr hi *Pathian hnêna*  
 pêk a ni tawh, ti apiang chuan, a nu leh a pa a chawimawi tûr 6  
 a ni lo ve,’ in ti tînin a. Tichuan, in thurochhiah avângin Pa-  
 thian thu chu in bawh bo ta a nih hi. Vervêkte u, Isaia hian in 7  
 chungchâng thu a lo hril lâwk dik zet mai,

‘He miteho hian an kain mi chawimawi a, 8  
 An thinslung erawh chuan mi hlat si a.  
 Engpawh ni sela, an zirtîrnaah mihring thupêk an 9  
 zirtîr avângin  
 An mi biak tînin hi athlâwn mai a ni,’

tiin,” a ti a, a chhâng a.

Tin, mipui chu a ko va, an hnênah, “Ngaithla ula, lo ngai 10  
 thiam rawh u: Kaa lût chu mihring tibawhlhlawhtu a ni lo va: 11  
 kaa chhuak chu, chu ngei chu mihring tibawhlhlawhtu a ni zâwk  
 e,” a ti a.

Chu mi lai chuan a zirtîrte an lo kal a, a hnênah, “Pharisaiten 12  
 kha thu kha an hriata an lungnih loh kha i hria em?” an ti a. Ani  
 erawh chuan, “Kûng zawng zawng ka Pa vâna mi phun loh chu 13  
 pawh chhuahin a awm ang. Anni chu pawisa suh u; hruaitu 14  
 mitdel an ni. Tichuan, mitdelin mitdel vêk a hruai chuan khuar-  
 khurumah an tla dûn ang,” a ti a, a chhâng a.

Tin, Peteran a hnênah, “Tehkhin thu kha min hrilhfiat ta 15  
 che,” tiin, a chhâng a. Tin, ani chuan, “Tûn thlengin nangni pawh 16  
 hriatna nei lovin in la awm cheu maw? Kaa lût apiang chu 17  
 puniah a tla thla a, dailênnaa paih chhuahin a awm tih in hre  
 lâwm ni? Kaa chhuakte erawh chu thinslungah a lo chhuak a 18  
 ni; chûng ngei chuan mihring a tibawhlhlawh tînin a ni. Thin- 19  
 lungah hian ngaihtuahna sualte, tualthahnate, uirênate, innghai-  
 nate, rûkriknate, hêknate, sawichhiatnate a lo chhuak si tînin

a: chung chu mihring tibawlhhlawhtu a ni; kut sil lova chaw 20  
ei erawh chuan mi a tibawlhhlawh lo ve," a ti a.

Tin. Isua chuta ta chu a chhuak a. Tura leh Sidon bialah 21  
a kal ta a. Tin, ngai teh, chung ram ata chu Kanaan hmeichhe 22  
pakhat a lo chhuak a, "Lalpa, Davida Fapa, mi khawngaih rawh;  
ka fanu ramhuaiin a man tlat a ni," tiin, a au va. Ani erawh 23  
chuan kam khat mahin a chhang lo. Tin, a zirtirte chuan, "Kan  
hnuengah a au a au si a, kaltir mai ta che," tiin, an rawn ngên a.  
Ani erawh chuan, "Israel hnani zinga berâm bo hnénah lo chuan 24  
tirh ka ni lo ve," a ti a, a chhang a. Nimahsela, hmeichhia chu 25  
a lo kal a. "Lalpa, mi pui rawh a," tiin, chibai a buk  
a. Tin, ani chuan, "Fate chhang lâk saka, uite hnêna paih chu, 26  
a mawi lo ve," a ti a, a chhang a. Ani chuan, "Lalpa, nih 27  
zawng a ni a; *nimahsela* uite pawhin an pu dawhkân ata chhang  
nawi tla chu an ei thin alâwm," a ti a. Chu veleh Isua chuan 28  
a hnénah. "Hmeichhia, i rin a nasa ém nai; i duh ang takin  
i chungah awm rawh se," a ti a, a chhang a. Tichuan a fanu chu,  
chu mi achinah chuan a lo dam ta mai a.

Tin, Isua chuta ta chu a kal a, Galili dîl kiang a lo thleng 29  
a; tin, tlângali chuan a chho va, chutah chuan a thu ta a. Tin, 30  
mipui nasa tak. kebaite, nitdelte, tawng thei lote, piangsualte  
rawn hruaiin, a hnénah an lo kal a, a ke bulah an dah a; tin, a  
lo tidam ta hlawm a. Chmichuan, mipui chuan tawng thei lote 31  
chu lo tawnga, piangsualte chu lo taa, kebaite chu kea kala, mit-  
delte chu hmu theia an hmuhin mak an ti lile a; tichuan Israelte  
Pathian chu an fak ta a.

Tin, Isuan a zirtirte chu a ko va, "Mipuiho hi tûnah ni thum 32  
ka hnénah an awm tawh a, ei tûr engmah an neih loh avângin  
ka khawngaih ém ém a ni; chaw ngheiin ka kaltir duh lo ve,  
chutilochuan kawng lakah an chau dah ang e," a ti a. Tin, zir- 33  
tirte chuan a hnénah, "Mipui heti zozai puarna khawp chhangpêr  
chuti zozai thlalêrah khawi ata nge kan hmuh ang?" an ti a.  
Tin, Isuan an hnénah, "Chhangpêr engzâtngê in neih?" a ti a. 34  
Tin, anni chuan, "Pêr sarih, nghiate tlêmtê nèn," an ti a. Tin, 35  
ani chuan leia thu tûrin mipui chu thu a pe a. Tin, chhangpêr 36  
pasarih leh sanghate chu a la a. lâwm thu a sawi a, a phel a. zir-  
tirte hnénah a pe a. tin, zirtirte chuan nipuute hnénah a, pe a.  
Tin, an vaiin an ei a, an puar ta hlawm a; an ei bâng nawi pawh 37  
chu bâwm sarih an rûr khat a. A eitute chu, hmeichhia leh 38  
naupang tiam lovin. patling hlir pawh sângli an ni a. Tin, nipuute  
chu a tîntîr hnun lawngah a chuang a, Magadan ram a lo thleng 39  
a.

**16** Tin, Pharisaite leh Saddukaite an lo kal a, amah fiah nân 1  
vân ata chhinchhiahua amahui entîr tûrin an dîl a. Nimah- 2

sela, ani chuan an hnênah, “Tlai lam a lo nihin, ‘Khua a tha *dâwn a ni ang*, kâwl a sen êm mai,’ in ti t̃hîn a. Tin, zingah chuan, 3  
 ‘Vawiin chu khua a chhe *dâwn a ni ang*, kâwl a sen a, khua a dur êm mai,’ in ti t̃hîn a. Vân awmzia in hre fiah thiam si a, nimah-sela hun chhinchhiahnate hi in hre fiah thei lo. T̃hangthar sual 4  
 tak leh uirê hmang takte chuan chhinchhiahna an zawng a, nimah-sela, Jona chhinchhiahna chauh lo chu an hnênah chhinchhiahna rêng rêng pêk a ni lo vang,” a ti a, a chhâng a. Tin, anmahni a kalsan a, a kal ta daih a.

Tin, zirtîrte chu râl leh lam an thlen chuan chhang an lo ken 5  
 theihngihl a. Tin, Isuan an hnênah, “Pharisaite leh Saddukaite 6  
 dawidim lakah chuan invêng ula, fimkhur rawh u,” a ti a. Tin, 7  
 anni chuan, “Chhang kan keng hauh lo,” tiin, an inngaihtuah a. Tin, Isuan chu chu a hria a, “Rin tlênte u, engatinge chhang 8  
 in neih loh avânga in inngaihtuah ni? Tûnah pawh in rilruin in la hre lo fo maw? Mi sângnga chhangpêr panga leh, in bâwm-râng ruh khah zât kha, in hre reng lâwm ni? Mi sângli chhang- 9  
 pêr pasarih leh, in bâwm ruh khah zât pawh kha? Chhang 10  
 thu in hnênah ka sawi lo tih eng tizia nge in hriat loh? Pharisaite 11  
 leh Saddukaite dawidim lakah erawh chuan fimkhur rawh u,” a ti a.

Chu veleh chhang dawidim lakah fimkhur tûrin a tîr lo va, 12  
 Pharisaite leh Saddukaite zirtîrna laka *fimkhur tûrin* anmahni a tîr zâwk tih an lo hre ta a.

Tin, Isua chu Philipa Kaisari bial chu a lo thlen chuan, a zir- 13  
 tîrte hnênah, “Miten Mihring Fapa hi tunge a ni an tih?” tiin, a zâwt a. Tin, anni chuan, “T̃henkhatin, ‘Baptistu Johana a ni,’ 14  
*an ti*; t̃henkhatin, ‘Elija a ni,’ *an ti*; t̃henkhatin, ‘Jeremia emaw zâwlnei tua emaw a ni,’ *an ti*,” an ti a. Ani chuan an hnênah, 15  
 “A nih leh, nangnin tunge a ni mi tih?” a ti a. Tin, Simon Peteran, “Krista, Pathian nung Fapa chu i ni,” a ti a, a chhâng a. 16  
 Tin, Isuan a hnênah, “Simon Bar-Jona, i eng a thâwl e; tisa 17  
 leh thisenin a hriattîr che a ni si lo va, ka Pa vâna miin a *hriattîr* zâwk che a ni. Tin, nang Petera i ni tih ka hril bawk a che; 18  
 he lungpui chungah hian ka kohhranho ka rem chho vang a, Mitthi Khaw kulh kawngkhârte chuan chu chu an ngam lo vang. Vân 19  
 ram chabite ka pe ang chia, lei chungah engpawh i phuar apiang vânah phuar a ni ang a; lei chungah engpawh i phelh apiang vânah phelh a ni ang,” a ti a, a chhâng a. Chu mi zawhah chuan 20  
 Krista a ni tih tumah hril lo tûrin zirtîrte chu a ti tlat a.

Chu mi achinah chuan Isuan Jerusalem khuua a kal tûrzia 21  
 te, upate, Puithiam lalte, lehkhaziaktute laka thil tam tak a tuar *tûrzia* te, tihhluma a awm *tûrzia* te, ni thum nia kaihtawha a awm *tûrzia* te chu a zirtîrhote a hriattîr t̃an ta a. Tin, Petera chuan ani chu a hruai hrang a, “Lalpa, Pathianin khawngaih 22



che rawh se; chûng chu i chungah a thleng tawp lo vang," tiin, a zilh ta a. Anî erawh chu a hawi a, Petera hnênah chuan, "Se- 23  
tan, ka hnungah kal rawh; ka tân tlûkna i ni e; Pathian thilte  
ngaihtuah lovin mihring thilte i ngaihtuah zâwk a nih hi," a ti a.

Tin, Isuan a zirtîrte hnênah, "Tupawhin mi zui a duh chuan 24  
mahni hrehawm pawisa lovin, a kraws puin mi zui rawh se. Tu- 25  
pawh a nun humhim duh apiangin a chôn ang a; tupawh keimah  
avânga a nun chôn apiangin a humhim ang. Mîin khawvêl 26  
hi apumin nei sela, a nun chôn si sela, a tân engnge sâwt ang?  
A nih loh leh, mîin a nun aiah engnge a pêk ang? Mihring Fapa 27  
hi a vântirhkohte nê, a Pa ropuinaa inthuaamin a lo kal dâwn  
si a; chu mi hunah chuan mi tin an thiltih ang zêlin a rûl t̃heuh  
vang. Tih tak meuhvin ka ti a che u, heta dingho a t̃hente hi, 28  
Mihring Fapa a rama lo kal an hmuh hma loh chuan, thihna tem  
tawp lo tûr an awm," a ti a.

**17** Tin, ni ruk achinah chuan Isuan Petera te, Jakoba te, a 1  
unau Johana te a hruai a, ahrangin tlâng sâng takah a kal  
chhohpui a; an hmaah chuan a hmêl awmzia chu a lo danglam ta 2  
a; a hmai ni angin a lo êng a, a silhfênte chu êng angin a lo vâ  
ta a. Tin, ngai teh, Mosia leh Elija chu amah nê inbiain an 3  
hnênah an inlâr a. Tin, Peteran Isua a bia a, "Lalpa, kan tân 4  
heta awm hi a t̃ha; i duh chuan hetah hian bâwktê pathum ka  
khawh ang; i tân pakhat, Mosia tân pakhat, Elija tân pakhat,"  
a ti a.

A la sawi lai mêkin, ngai teh, chhûm vâ takin anmahni a rawn 5  
hliah ta a; tin, ngai teh, chhûm ațang chuan awin, "Hei hi ka  
Fapa duh tak, ka lawm êm êma chu a ni; ama thu ngai rawh u,"  
a ti a. Tin, zirtîrte chuan chu chu an hriatin an tlu bawkkhup a, an 6  
hlau ta êm êm a. Tin, Isuan anni chu a rawn dek a, "Tho ula, 7  
hlau suh u," a ti a. Tin, an dâk chhuak a, Isua chauh lo chu 8  
tumah an hmu ta lo va. Tin, tlâng ata chu an chhuk laiin, Isuan 9  
an hnênah, "Mihring Fapa hi mitthi zîng ata a thawh leh hma loh  
zawng in thil hmuh kha tumah hrilh suh u," tiin, thu a pe ta a.

Tin, a zirtîrte chuan a hnênah, "Lehkhaziaktuten, 'Elija 10  
a lo kal hmasa tûr a ni,' eng tiziaa ti nge an nih le?" tiin, an zâwt  
a. Tin, ani chuan, "Elija chu a lo kal dâwn rêng a ni, engkim 11  
a siamtha bawk ang. Nimahsela, ka hrilh a che u, Elija chu a 12  
lo kal tawh reng a ni, amah chu an hre lo va, a chungah an duh  
duhin an ti ta zâwk a. Chutiang bawkin Mihring Fapa pawh  
hian an lakah a tuar ve dâwn a ni," a ti a, a chhâng a. Chu 13  
veleh, zirtîrte chuan, Baptistu Johana thu an hnênah a sawi a  
ni tih an lo hre ta a.

Tin, mipui hnên an lo thlenin, mi pakhat a hnênah a lo kal 14  
a, a hmaah t̃hingthiin, "Lalpa, ka fapa saw khawngaih ang che, 15

thlaeniát a ní a. a tuar nasa èm mai; vawi tam tak meiah a thu  
thin a, vawi tam tak tuiah a thu bawh thin a ní. Tin, i zirtirte 16  
hnénah karawn hruai a, an tidam thei si lo va," a ti a.

Tin, Isuan "Thangthar rinna nei lova tihmawhte u, eng chen 17  
nge in hnénah ka awm ang a, eng chen nge ka ngaihtheih ang  
che u? ainah chu ka hnénah hian rawn hruai rawh u," a ti a,  
a chhang a. Tin, Isuan ramhuai chu a hau va, a chhung ata a 18  
chhuak ta a; chu mi dār achinah chuan naupang chu a lo dam  
ta a. Chu mi hnuah chuan zirtirte chu ahrangin Isua hnénah 19  
an lo kal a, "Engatinge keinin kan hnawh chhuah theih loh?"  
an ti a. Tin, ani chuan an hnénah, "In rin tlēm avāngin. Tih 20  
tak meuhvin ka hrilh a che u. Anam mu fang khat ang rin in neih  
chuan, he tlang hnénah hian. Heta tanguin sawtah sawn va insawn  
rawh," in ti ang a, a insawn mai ang; in tāt tih theih loh reng  
engmah a awm lo vang," a ti a.

Tin, Galili rama an rawn inkhāwm laiin. Isuan an hnénah, 22  
"Mihring Fapa hi mihringte kuta mantirin a awm dawn a ni;  
tin, an tihlum ang a; tin, ni thum niah chuan kaihtawhin a 23  
awm ang," a ti a. Tichuan, an lungngai ta èm èm a.

Tin, Kapernaum khua chu an lo thlenin, Pathian biak in 24  
tangka khawntute chu Petera hnénah an lo kal a, "In zirtirtuin  
biak in tangka chu a pe ve thin lāwm ni?" an ti a. Ani chuan, 25  
"Pe ve thin e." a ti a. Tin, ina a va lah chuan, Isuan a hnénah.  
"Simon, engtinge i ngaih? leia lahen chhiah emaw, sum neih  
man emaw, tu lakah nge an lāk thin? an fate lakah nge, mi hrang  
lakah?" tin. a lo sawi khalh a. Tin, Peteran, "Mi hrang lakah." 26  
a tih veleh, Isuan a hnénah, "Chuti a nih si chuan fate chu an  
awl a ni ang chu. Nimahsela, nang dilah va kal la, nghakawi chiah 27  
la, sangha lo chhuak hmasa chu man rawh; tin, a kã i ken veleh  
cheng hnih i hmu mai ang; chu chu la la, kei leh nang atān au  
hnénah pe rawh. chutichuan anni chu kan tilungni lo dah ang  
e," a ti a.

**18** Chu mi lai tak chuan zirtirte chu Isua hnénah an lo kal 1  
a, "Vān ramah tunge ropui ber ang le?" an ti a. Tin, 2  
ani chuan naupang tē a ko va. an zingah a dintir a, "Tih tak 3  
meuhvin ka ti a che u, In lamlét a. naupang tē ang in lo nih loh  
chuan, vān ramah in lūt tawp lo vang. Chutichuan, tupawh 4  
he naupang tē anga ingaitlāwm apiang, chu mi chu vān ramah  
chuan a ropui ber ang. Tin, tupawh ka hming avānga hetiang 5  
naupang tē pakhat lāwm apiang chu keimah mi lāwm an ni ang.  
Anaherawhchu, tupawh hēng mi ringtu ni tete zinga pakhat 6  
pawh titlu apiang chu, an nghāwngah but rawt sawmua hung lianpui  
awrtirin tūfinaat thuk loh thlak daih sela an tāt a sawt zāwk  
ang.

"Tlùknate avângin khawvêl chung a pik e! tlùknate chu lo 7  
awm tûr rêng zawng a ni a; nimahsela tlùkna awmtirtu chung  
chu a pik e! Tin, i kutin emaw, i kein emaw, a tihtlûk che chuan, 8  
tan la, paih daih rawh; kut pahnih emaw ke pahnih emaw neia  
kumkhaw meia paih ai chuan, piangsualin emaw kebaiin emaw  
nunnaa luh i tân a tha zâwk e. Tin, i mitin a tihtlûk che chuan 9  
kher chhuak la, paih daih rawh; mit khing hnih neia Gehenna  
meia paih ai chuan, mit khing khat neia nunnaa luh i tân a tha  
zâwk e.

"Hêng mi têtê zînga pakhat pawh hi hmusit to tûrin fûnkhur 10  
rawh u; an vântirhkohten vânah ka Pa vâna mi hmêl chu an hmu 11  
fo thîn tih, ka hrilh che u hi.

"Engtinngê in ngaih? Mi tupawhin berâm za nei sela, an 12  
zînga pakhat vâk bo sela, sawmkua leh pakuate chu hnutchhiaha,  
tlânga han kalin, a bo chu a zawng lo vang em ni? Tih tak meuh- 13  
vin ka hrilh a che u, a hmuh leh hlah chuan, sawmkua leh pakua  
vâk bo lote chungah ai chuan, a chungah a lâwm zâwk ang. Chu- 14  
tiang bawkin hêng mi têtê zînga pakhat boral pawh hi in Pa  
vâna mi duhzâwng a ni lo ve.

"Tin, i unauvin i chungah thil 'tisual sela, kal la, amah leh 15  
nangmah chauhvâ hriatah a sualnaah chuan zilh ang che; a ngaih-  
thlâk che chuan i unau chu i hneh a ni tawh ang. A ngaihtlâk 16  
loh che erawh chuan, mi dang pakhat emaw pahnih emaw i hnên-  
ah hruai ang che, chutichuan thu tinrêng chu hretu pahnih  
emaw pathum emaw kaa tihngheha a awm theih nân. Tin, anni 17  
pawh chu a ngaihtlâk duh loh chuan, kohhranho hnênah thlen ang  
che; tin, kohhranho pawh a ngaihtlâk duh loh chuan, ani chu i  
tân Jentail leh chhiahkhawntu ang ni rawh se. Tih tak meuhvin 18  
ka hrilh a che u, Lei chungah engpawh in phuar apiang, vânah  
phuar a ni ang a; lei chungah engpawh in phelh apiang, vâ-  
nah phelh a ni ang. Tih tak meuhvin ka hrilh leh a che u, Lei 19  
chungah hian in zînga mi pahnih an thil dîl kawnga an thurual  
chuan, ka Pa vâna mi tih sak in an awm ang. Mi pahnih emaw 20  
pathum emaw ka hminga an inkhâwmna apiangah chuan an zîngah  
ka awm si thîn a," a ti a.

Chu mi lai chuan Petera a lo kal a, a hnênah, "Lalpa, ka unau- 21  
vin vawî engzâtngê ka chungah thil tisual sela ka ngaihdam  
tûr? vawî sarh thlengin em ni ang?" a ti a. Isuan a hnênah,  
"Vawî sarh thlengin," ka ti lo va che, 'Vawî sarh hmun sawm- 22  
sarh thlengin,' ka ti zâwk che a ni.

"Chu mi avâng chuan, vâna ram chu, lal ber tuemaw a bawite 23  
hnêna sum chanchin tihfel tum nêna chuan, tehkhin a ni. Tin, 24  
a han tihfel tan chuan mi pakhat talent sîngkhat ba, a hnênah  
an rawn hruai a. Tin, pêk tûr a neih loh avângin, a pu chuan, 25

amah nêh, a nupui nêh, a fate nêh, a neih zawng zawng nêh  
 hralha, rulh tûr thu a pe a. Chutichuan, bawi chuan, 'Ka pu, 26  
 ka chungah zahngai rih la, a zain ka pe vek ang che,' tiin baw-  
 khupin chibai a bûk a. Tichuan, chu bawia pu chuan a khaw- 27  
 ngaih ta êm êm a, a thlah a, a bat chu a ngaidam ta a. Nimah- 28  
 sela, chu bawi chu a kal chhuak a, a bawipuite zînga pakhat a duli  
 za ba' a va hmu a; tin, a man a, 'I bat kha mi pe rawh,' tiin, a  
 hrawkah a rêk a. Chutichuan a bawipui chu a bawkkhup 29  
 a, 'Ka chungah zahngai rih la, ka la pe ang che,' tiin, a ngên  
 chiam a. Nimahsela a duh lo va; a bat chu a tlâk hma loh 30  
 zawng tân inah a va khung ta a. Chutichuan, a bawipuite chuan  
 a thiltih chu an hmuhin, an lungngai êm êm a, a thiltih zawng 31  
 zawng chu an pu an va hrilh ta a. Chu veleh a pu chuan ani 32  
 chu a ko va, a hnênah, 'Bawi sual, mi dîl chiam avâng khân i  
 bat zawng zawng kha ka ngaidam che a ni a; ka khawngaih che  
 ang khân nang pawhin i bawipui chu i khawngaih ve tûr a ni 33  
 lâwm ni?' a ti a. Tin, a pu chu a thinur ta a, a bat zawng zawng 34  
 a tlâk hma loh zawng nghaisatute hnênah a pe ta a. Mi 35  
 tinin thinlung taka in unauê in ngaihdam loh chuan ka Pa vâna  
 mi pawhin chutiang bawkin in chungah a ti ve ang," a ti a.

**19** Tin, heti hi a ni a, Isuan chûng thu chu a sawi zawh ve- 1  
 leh, Galili ram ata a chhuak a, Jordan lui râla Judaî ramah 2  
 chuan a va kal a; tin, mipui nasa takin an zui a; chutah chuan 2  
 anmahni chu a tidam ta a.

Tin, Pharisaite a hnênah an lo kal a, amah fiah nân, "Eng 3  
 vâng pawhin miin a nupui mâk a thiang em?" an ti a. Tin, 4  
 ani chuan, "A tîr ata an siamtu khân hmeichhia leh mipaa a siam 5  
 leh, 'He mi avâng hian mipain a nu leh a pa a kalsan ang a, 6  
 a nupui a vuan ang; tichuan, an pahnih chuan tisa pumkhat  
 an lo ni tawh ang,' a ti tih in chhiar lo vem ni? Chutichuan, pahnih  
 an ni tawh lo va, tisa pumkhat an ni tawh zâwk a ni. Chu-  
 vângin Pathianin a zawm tawh chu mihringin then suh se," a ti a,  
 a chhâng a.

Anni chuan a hnênah, "A nih leh, engatinge Mosian inmâk 7  
 na lehkha pêka mâk tûr thu a pêk si?" an ti a. Ani chuan 8  
 an hnênah, "Mosian in thinlung khauh avângin asin in nupuite  
 mâk a phal ni; nimahsela, a tîr ata chutiang a ni si lo. Kei 9  
 chuan ka ti a che u, "Tupawh tlangvâl ngaih vâng ni lova, nu-  
 pui maa mi dang nei apiang chu, a uirê a ni; mâk hnu nei apiang  
 pawh a uirê a ni," a ti a.

Zirtîrte chuan a hnênah, "Nupui kawngah mipa thu chutiang 10  
 a nih si chuan inneih hi a tha lo ve," an ti a. Ani erawh chuan  
 an hnênah, "Chu thu chu mi nazawngin an pawm thei lo ve, a 11  
 pêkate chauh lo chuan. Mi tilreh, an nu pum chhûng ata chuti- 12

anga piang rêngte an awm a; mi tilreh, mihring kuta rehte an awm bawk a; mi tilreh, vân ram avânga tilreha insiam chawpte an awm bawk a. Tupawh a pawm thei apiangin pawm rawh se," a ti a.

Chu mi lai chuan an chung a kut a nghah a, a ẵwngtâi 13 sak tûrin, a hnênah naupang têtê an rawn hruai a; tin, zirtîrte chuan an lo hau va. Isua erawh chuan, "Naupang têtê ka hnên- 14 ah han kaltîr ula, hnar suh u; vân ram chu hetiang mite ta a ni si a," a ti a. Tin, an chungah a kut a nghat a, chuta ta chu 15 a kal ta a.

Tin, mi pakhat a hnênah a lo kal a, "Zirtîrtu, chatuana nunna 16 ka neih theih nân thil ẵa engnge ka tih ang?" a ti a. Tin, ani 17 chuan a hnênah, "Thil ẵa thu engahnge mi zawh? ẵa chu pakhat chauh a awm; engpawh ni sela, nunnaa luh i duh chuan thupêkte chu zâwm rawh," a ti a. Tin, ani chuan a hnênah, "A eng ber hi maw?" a ti a. Tin, Isuan, " 'Tual i thah tûr a ni 18 lo; I uirê tûr a ni lo; I ru tûr a ni lo; I hêk tûr a ni lo; I nu leh i pa chawimawi rawh,' tihle leh, 'Nangmah i inhmangaih 19 angin i vêngte i hmangaih tûr a ni,' tih hi" a ti a. Tlangvâl chuan 20 a hnênah, "Chúng thu zawng zawng chu ka zâwm ẵhîn; engnge ka la bâk?" a ti a. Isuan a hnênah, "ẵafamkima awm i duh chuan, 21 kal la, i neih chu hralh la, pachhiate hnênah pe rawh, chuti- chuan vânah ro i nei ang; tin, lo kal la, mi zui ang che," a ti a. Tlangvâl erawh chuan chu thu chu a hriatin lungngai takin a kal 22 bo ta a; sum tam tak nei mi a nih avângin.

Tin, Isuan a zirtîrte hnênah chuan, "Tih tak meuhvin ka 23 hrih a che u, mi hausa tân vân rama luh chu harsa tak a ni. Tin, 24 ka hrih leh a che u, mi hausa Pathian rama luh aiin sanghâwng- sei hriau bengaluh tlang a awl zâwk," a ti a. Tin, zirtîrten 25 chu chu an hriat chuan mak an ti nasa êm êm a, "Tunge chhandam ni thei ang le?" an ti a. Tin, Isuan anni chu a en a, an hnênah, 26 "Chu chu mihring tân tih rual a ni lo va; Pathian tân erawh chuan engkim tih theih a ni," a ti a.

Tin, Peteran a hnênah, "Ngai teh, keinin engkim kalsanin 27 kan zui ta chia; engnge kan hmuh ang le?" a ti a, a zâwt a. Tin, Isuan an hnênah, "Tih tak meuhvin ka hrih a che u, Siam- 28 tharnaah chuan, Mihring Fapa a ropuina ẵhutphaha a ẵhut hunah, nangni mi zuituteho hi, Israel hnam sâwm leh hnam hnihte chu ngaihtuahin, lalẵhutphah sâwm leh pahnihah in la ẵhu ve ang. Tin, mi tin inte emaw, unaute emaw, farnute emaw, pa emaw, 29 nu emaw, fate emaw, ramte emaw ka hming avânga kalsan apiang chuan a leh za an hmu ang a, chatuana nunna an la chang bawk ang.

"Nimahsela, mi tam tak, hmasa bera awmte chu, hnuhnûng 30

berah an la awm ang a; hnuhnúng bera *awmle* pawh hmasa  
berah an la awm ang.

**20** “Vân ram chu, in neitupa a grêp huana lmathawktute  
mai tîra zînga chhuaka ang chu a ni si a. Tîn, ani chuan  
lmathawktute nêen chuan ni khata duli *hlawha* an inrem veleh  
a grêp huanah chuan a tir ta hlawn a. Tîn, fehrehân lai vêlin  
a va chhuak a, mi dang dâwr hmuna ding mai maite a hmu a;  
tîn, an hnênah, ‘Nangni pawh grêp huanah va kal ve tawh u,  
a mawi tâwk apiang ka pe ang che u,’ a ti a. Tichuan. an kal  
ta a. Tîn, chawfâk hun lai vêlah leh behliang mun hun lai vêlah  
chuan a va chhuak leh a, chutiang bawkin a ti leh a. Tîn, pahmei  
zanriah chhum hun lai vêlah chuan a va chhuak a, mi dang dingte  
a hmu a; tîn. an hnênah, ‘Engatinge nilêngin heta in din mai  
mai ni?’ a ti a. Anni chuan a hnênah, ‘Tuman min rawih loh  
avângin,’ an ti a. Ani chuan an hnênah, ‘Nangni pawh grêp  
huanah va kal ve tawh u,’ a ti a.

“Tîn, khua a lo tlai lam chuan, grêp huan neitupa chuan.  
a sum enkawltu hnênah, ‘Hnathawktute kha ko la, a hnuhnúng  
bera tanin a hmasa ber thlengin an hlawn pe rawh,’ a ti a. Tîn,  
pahmei zanriah chhum hun lai vêla a *rawihle* chu an lo kal chuan  
duli an hmu theuh va. Tîn, a hmasa berte chu an lo kal chuan,  
hmuh tamdeuh an inring a; nimahsela anni pawh chuan duli *bawk*  
an hmu theuh va. Tîn, an han dawn chuan, ‘Hêng hnuhnúng  
berte hian dâr kâr khat *chauh* an thawk a, keini chhûn hrehawn  
leh thawsa tuartute tlukin i siam si,’ tiin, in neitupa chungah  
chuan an phunnawi ta a.

“Ani erawh chuan, an zînga mi pakhat hnênah, ‘Thiana, i  
chungah engmah ka tisual hlei nêem; duli *hlawhah* kan inrem lo  
vem ni? I ta kha la la, kal mai rawh; nangmah ka *pêk* che ang  
bawk kha he hnuhnúng ber hnênah hian ka pe duh a ni. Ka ta  
na nâ nâ chu ka duh duha ka tih a thiang lo vem ni? A nih loh leh,  
kei ka that avângin nangin i itsik em ni?’ tiin, a chhâng a. Chu-  
tiangin, hnuhnúng berte chu a hmasa berte an la ni ang, hmasa  
berte pawh chu a hnuhnúng berte an la ni ang,” a ti a.

Tîn, Isua Jerusalem khuaa a han chhoh laiin zirtir sâwm leh  
pahnihte chu a hrui hrang a, kalkawngah chuan an hnênah, “Ngai  
teh u, Jerusalem khuaa kan chhoh dâwn hi; Mihring Fapa hi  
puithiam lalte leh lehkhaziaktute kuta mantirin a awm dâwn  
a ni; tîn, anni chuan thi tûrin a chungah thu an titlu ang a, nuh-  
za siam nâna hman tûr leh vuak tûr leh kraws-a khenbeh tûrin  
Jentailte hnênah an pe ang; tîn, ni thum nia kaihthawhin a awm  
ang,” a ti a.

Chu mi lai chuan Zebedaiia fapate nu chu, a fapate hruiin,  
a hnênah a lo kal a, chibai a buk a, thil engemaw a dil a. Tîn,

ani chuan a hnénah, “Engnge i duh?” a ti a. Tiu, anin a hnénah, “Hèng ka fapate pahnih hi i ramah, i ding lamah pakhat, i vei lamah pakhat an thut theihna tûrin thu pe ang che,” a ti a. Isua erawh chuan, “In dil chu in hre lo a ni. Ka uo in tûr chu in in thei em ni?” a ti a, a chhâng a. Annin a hnénah, “Thei e,” ani ti a. Ani chuan an hnénah, “Ka no chu in in ngei ang; nimahsela ka ding lam leh ka vei lama thut tûr thu chu keia pèk tûr a ni lo va, ka Pa buatsaih sakate tûn a ni zâwk ang,” a ti a.

Tin. sâwmte chuan chu chu an lo hriatin unau pahnihte chungah chuan an thinur ta a. Isua erawh chuan anniho chu a ko va, “Jentailte chung a rorêltute chu an chungah an lal êm êm thîn a, an mi liante chuan an chungah thu an nei êm êm bawk thîn tih in hria. Nimahsela, nangni zîngah zawng chutiang a ni lo vang; tupawh in zinga mi lian nih duh apiang chu in rawngbâwl tuah a awm zâwk tûr a ni; tupawh in zînga hmasa ber nih duh apiang chu in chhiahhlawhah a awm bawk tûr a ni; Mîhring Fapa hi rawngbâwl saka awm tûra a lo kal lo va, rawngbâwl tûr leh mi tam tak tlan nâna a nun pe tûr zâwka a lo kal ang khân,” a ti a.

Tin, Jeriko khua ata an chhuah laiin mipui nasa takin amah chu an zui a. Tin, ngai teh, mitdel pahnih kawng sîra thû chuan Isua a kal tih an hriat veleh, “Lalpa, Davida fapa, min khawngaih rawh,” tiin, an au va. Tin, mipui chuan ngawi tûrin an hau va; nimahsela, anni chuan, “Lalpa, Davida fapa, min khawngaih rawh,” tiin, an au leh zual a. Tin, Isua a ding a, anmahni a ko va, “In chungah engtia ka tih nge in duh?” a ti a. Anni chuan a hnénah, “Mit vâr kan duh,” an ti a. Tichuan, Isuan a khawngaih êm êm a, an mit a dek a; tichuan an hmu thei ta ngâl a, amah chu an zui ta a.

**21** Tin, Jerusalem khua an thlen dâwnin, Bethphage khua, Oliv Tlâng chu, an thlen chuan Isuan zirtîrte pahnih a tîr a, an hnénah, “In hma zâwn khuaah sâwn va kal ta ula, sabengtung thlun, a kiana a no nèn, in hmu mai ang; phelh ula, ka hnénah han ka’ rawh u. Tin, tupawhin in hnénah engpawh an sawi chuan, ‘Lalpain a duh a ni,’ in ti ang a; tin, ani chuan a rawn tîr ngâl mai ang,” a ti a.

“ ‘En teh, i Lal chu, thuhnua irawlh takin,  
Sabengtung chungah—sabengtung no chung ngeia  
—chuangin  
I hnénah a lo kal dâwn e,’ tiin,  
Zion fanu chu hrih rawh,”

tia, zâwlnei kaa a sawi kha a lo thlen theihna tûrin chung chu a lo awm ta a ni. Tichuan, zirtîrte chu an va kal a, Isuan an hnénah a thu a pèk ang ngeiin an ti a, sabengtung leh a no chu an rawn

kai a, an chungah chuan an puante an phah a, ani chuan a chuan chhan ta a.

Tin, mipui zînga a tam zâwkin kalkawngah chuan an puante an phah a; mi dangin thinga mi chhâwl an sât a, kalkawngah an phah baw k a. Tin, mipui a hma lama kalte leh a zuite chuan,

“Davida fapa hnênah Hosanna!

Lalpa hminga lo kal chu a eng a thâwl e!

Chungnung berah khian Hosanna !”

tiin, an au va.

Tin, Jerusalem khuua a lo luh chuan, akhuain, “He mi hi tunge ni?” tiin, an phu ta mur mur a. Tin, mipuiho chuan, “He mi hi Zâwlnei Isua, Galili rama Nazaret khuua mi chu a ni,” an ti a.

Tin, Isua Pathian biak inah chuan a va lût a, biak ina englo zuartute leh leitute zawng zawng chu a hnawt chhuak a, tangka thlengtuho dawhkânte leh thuro zuarho thutphahte pawh chu a nam thlûk sak a; an hnênah, “ ‘Ka in chu thawnghaina in an ti ang,’ tih zia k a ni; nangni erawh chuan suamhmangte pûkah in siam zâwk thîn a ni,” a ti a. Tin, Pathian biak inah chuan mitdelte leh kebaite a hnênah an lo kal a; anmahni a tidam a.

Nimahsela, puithiam lalte leh lehkhaziaktuten a thilmak tihte leh biak ina “Davida fapa Hosanna!” tia naupang aute chu an hmuhin, an lungni lo êm êm a, a hnênah, “Hênggho thu sawi hi i hria em?” an ti a. Tin, Isuan an hnênah, “Hria e;

‘Nausênte leh hnute hne laite kaa chhuak chuanin Fakna i tiṭhafamkim ta,’

tih hi in chhiar ngai lo vem ni?” a ti a. Tin, anni chu a kalsan a, khawpui ata chu a chhuak a, Bethani-ah a kal a; chutah chuan a riak ta a.

Tin, zîngah khawpui lama a kîr leh laiin a ril a lo tām ta a. Tin, kawng sirah chuan theipui kûng a hmu a, a va pan a, a hnah chauh lo chu engmah a hmu lo va. Tin, a hnênah, “Kumkhuain lo rah tawh suh ang che,” a ti a. Tin, theipui chu a vuai ta nghâl mai a. Tin, zirtirte chuan chu chu an hmuhin, “Eng tizia nge theipui hi a vuai tâk nghâl mai?” tiin, mak an ti hle a. Tin, Isuan an hnênah, “Tih tak meuhvin ka hrilh a che u, rinna in neih a, in rinhlelh loh chuan, theipui chung a tih ang chang hi in ti lo vang a, he tlâng hnênah pawh hian, “Lo insawn la, tuifinriatah lo inpaih rawh,’ in tih chuan, in tih ang chuan a lo awm ang. Tin, engkim ring chung a thawnghaia in dîl apiang chu in hmu ang,” a ti a, a chhâng a.

Tin, Pathian biak ina a luh hnua, a zirtîr lai chuan puithiam lalte leh vântlâng upate chu a hnênah an lo kal a, a hnênah, “Tu thuin nge hêng thil hi i tih? tuinnge thu pe che?” an ti a. Tin, Isuan an hnênah, “Kei pawhin thu kam khat ka zâwt ve



ang che u, chu chu mi hrih chuan, tu thuin nge hêng thil hi ka  
 tih, ka hrih ve ang che u. Johana baptisma kha, khawia mi thu 25  
 nge ni? Vâna mi thu nge, mihring thu?" a ti a, a chhâng a.  
 Tin, an ingaihtuah a, " 'Vâna mi thu,' kan tih chuan, 'Eng-  
 ahnge a thu in awi loh le?" min ti si ang a. Tin, 'Mihring 26  
 thu,' kan tih chuan, mipui chu kan hlau si; mi zawng zawngin  
 Johana chu zâwlneiah an ruat si a," an ti a.

Tichuan, Isua an chhâng a, "Kan hre lo," an ti a. 27

Ani pawh chuan an hnênah, "Kei pawhin tu thuin nge hêng  
 thil hi ka tih ka hrih bik lo vang che u. Nimahsela, nangnin eng- 28  
 tinng e in ngaih? mi *tuemawin* fapa pahni a nei a. Pakhat hnên-  
 ah chuan a va kal a, 'Ka fa, vawünah grêp huanah va thawk  
 rawh,' a ti a. Ani chuan, 'Ka duh lo,' a ti a, a chhâng a; nimah- 29  
 sela, nakinah a rilru chu a lo lamlêt a, a kal ta a. Tin, pakhat 30  
 hnênah *pawh* chuan a va kal a, chutiang bawkin a va ti a. Tin,  
 ani chuan, 'Lalpa, ka *kal ang e*,' a ti a, a chhâng a; nimahsela a kal  
 ta si lo va. Chu mite pahni chuan a tu zâwk chuan nge an pa 31  
 duhzâwng ti le?" a ti a.

Anni chuan, "A hmasa zâwk chuan," an ti a.

Isuan an hnênah, "Tih tak meuhvin ka hrih a che u, chhiah-  
 khawntute leh nawhchizuarte chuan Pathian ramah an luh khah 32  
 dawn che u a nih hi. Johana chu felna kawngah chuan in hnên-  
 ah a lo kal a, amah chu in ring si lo va; chhiahkhawntute leh  
 nawhchizuarte erawh chuan amah chu an ring a; nangnin chu  
 chu in hmuh hnu pawhin amah chu in rin theihna tûrin in lam-  
 lêt chuang si lo va.

"Tehkhin thu dang ngaitihla rawh u: Mi tuemaw, in neitu 33  
 a awm a, chu mi chuan grêp huan a siam a, palin a hung vêl a,  
 grêp sâwrna khur a lai a, in sâng a sa a; tin, lo enkawltute hnên-  
 ah thlawhhlawh tûrin a pe a, ram dangah a kal ta a. Tin, a rah 34  
 lawh a hundawn chuan a rah la tûrin lo enkawltute hnênah a baw-  
 ite a tîr a. Tin, lo enkawltute chuan a bawite chu an lo man a, 35  
 pakhat an vua a, pakhat an tihlum a, pakhat lungin an dêng a.  
 Tin, bawî dang, a hmasa *pâwl* aia tam zâwk a tîr leh a; anniho 36  
 chungah pawh an *hmaa mite an tih* ang bawkin an lo ti leh a. Chu 37  
 mi hnua erawh chuan, 'Ka fapa hi chu an zah ang,' tiin, a fapa  
 chu an hnênah a tîr a. Nimahsela lo enkawltute chuan a fapa 38  
 chu an lo lmuh vele, 'He mi hi roluah tûr chu a ni; i that ang  
 u khai! a roluah tûr hi i neih sak *ang u*,' an inti a. Tichuan, 39  
 ani chu an man a, grêp huan ata chu an theh chhuak a, an tihlum  
 ta a. Chutichuan grêp huan neitupa a lo kal hunin chûng lo 40  
 enkawltute chungah chuan engtinng e a rawn tih ang le?" a ti a.

Anni chuan a hnênah, "Chûng mi sualte chu hrehawm takin 41  
 a tiboral ang a, grêp huan chu lo enkawltu dang, a lawh hun

apianga a rahite chu a hnêna pe zêltu tûrte hnênah, thlawhlawh tûrin a pe ang," an ti a.

Isuan an hnênah, "Pathian lehkhah,

42

'In satute lung duh loh kha,

Chu ngei chu a kila lung tangkai ber a lo ni ta.

Chu chu Lalpa tih a ni a,

Kan mithmuhah a mak a ni,'

*tih hi*, in chhiar ngai lo vem ni?

"Chu mi avâng chuan, 'Pathian ram chu in hnên ata lâk sak a ni ang a, a rah chhuah tûr hnam hnênah pêk a ni ang,' *tih*, ka hrilh a che u. Tin, chu mi lung chung a tlu chu a keh sawm ang; a delh phei chu a râwt dip ang," a ti a.

Tin, puithiam lalte leh Pharisaite chuan a tehkhin thute chu an hriatin anmahni chung thu a sawi tih an hre ta a. Tin, amah chu man an tum a; nimahsela mipuite chu an hlau si a, zâwlnia an ruat avângin.

**22** Tin, Isuan anmahni a bia a, an hnênali tehkhin thuin a sawi leh a, "Vân ram chu lal tuemaw a fapa tâna lawi chaw siam nèn chuan tehkhin a ni. Tin, lawi chaw eia a sâwmte chu ko tûrin a bawite a tîr a, nimahsela, an lo kal duh lo va. Tin, ani chuan, 'Ka sâwmte hnênah khân, Ngai teh u, ka ruai chu ka peih ta; ka sebâwngpate leh ka ran châwm thaute ka talh a, engkim peih a ni ta e; lawi chaw *ei* tûrin lo kal tawh rawh u, ti rawh u,' tiin, bawi dangte a tîr leh a. Nimahsela, an lo ngaihsak lo va, an kal ta mai a, pakhat chu a lovah a kal a, pakhat chu a sumdâwnnaah; mi dangte chuan a bawite chu an man a, zahthlâk takin an siam a, an tihlum ta mai a. Chutichuan, lal chu a thinur ta a; a sipaihote a tîr a, chûng tualthattute chu a tiboral a, an khua pawh a hâl sak ta a.

"Tin, a bawite hnênah chuan, 'Lawi chaw peih a ni ta, ka sâwmte erawh kha chu *ei* tlâk an ni lo. Chutichuan, kawng pêng ðhuamahte kal ula, mi in hmuh apiang lawi chaw *ei* tûrin sâwm rawh u,' a ti a. Tichuan, chûng bawite chu an chhuak a, kawngahte chuan an va kal a, an hmuh apiang mi sual leh mi ðhate pawh, an hruai khâwm ta vek a; tichuan, lawi chaw pindan chu mi sâwmtein an lo khat ta a.

"Nimahsela, lal chu mi sâwmte en tûra a lo luh chuanin, inneihna puan sin lo mi pakhat chutah chuan a hmu a; tichuan, a hnênah, 'Thiana, eng tizia nge ni inneihna puan lovin hetah i lo luh le?' a ti a. Tin, ani chu a ngawi reng a. Tin, lal chuan a bawite hnênah, 'A kut leh a ke phuar ula, pawn lam thimah paih chhuak rawh u; chutah chuan ðah leh ha ðhial chu a awm ang,' a ti a.

"Sâwnte chu tam tak an ni a, thlante erawh chu tlémte an 14 ni," a ti a.

Chu mi lai chuan Pharisaite chuan a thu sawia an man theih- 15 nazia tur an va inráwn a. Tin, an zirtirte, Heroda páwla mite 16 nén, a hnénah an tîr a, chu mite chuan, "Zirtirtu, mi dik tak i ni a, tih tak zetin Pathian kawng thu i zirtîr thîn a, pawisak chuan tu- 17 mah i nei lo tih kan hria e; tumah thlei bîk i nei si lo va. Chu- tichuan, engtinngé i ngaih? min hrilh teh khai! Kaisara hnêna chhih chawi hi a thiàng nge thiàng lo?" an ti a.

Nimahsela, Isuan an sualzia chu a lo hria a, "Vervêkte u, 18 engahnge mi fiah? Chhih tangka chu mi entîr rawh u," a ti a. 19 Tin, a hnénah duli an rawn la a. Tin, ani chuan an hnénah, 20 "Hei hi tu lem leh tu hming nge ni?" a ti a. Anni chuan a hnénah, "Kaisara," an ti a. Tin, ani chuan an hnénah, "A nih 21 ahnu, Kaisara thilte chu Kaisara hnénah pe ula, Pathian thilte chu Pathian hnénah *pe ta che u,*" a ti a.

Chung thu chu an hriatin mak an ti hle a, amah chu an kal- 22 san a, an kal ta daih a.

Chu mi ni vêk chuan Saddukaiho, thawhleha a awm lo tite 23 chu, a hnénah an lo kal a; a hnénah, "Zirtirtu, Mosian, 'Mi, 24 fa nei lovin thi sela, a unaupain a nupui chu neiin a unaupa tân chi a thlah sak tûr a ni,' a ti a. Aw le, kan zîngah sal sarîh an 25 awm a; a upa berin nupui a nei a, a thi a, tin, chi a thlah loh avângin a nupui chu a unaupa rochun tûrin a hnutchhih a; chutiàng bawkin pahnihna chuan a ti a, pathumna chuan a ti 26 bawk a, pasarihna thlengin an ti theuh va. Tin, an zaa an thih 27 hnuah chuan hmeichhia pawh chu a thi ta a. Chutichuan, thawh 28 leh hunah chuan an pasarihte zîngah tu nupui ber nge ni ang? an zain an nei theuh si a," tiin, an zâwt a. Isuan an hnénah, 29 "Pathian Lehkha Thu leh Pathian thiltihtheihna in hriat loh avângin in ngai sual thîn a ni. Thawhlehaah chuan nupui pasal 30 an innei dâwn tawh lo va, vâna vântirhkohte ang an ni dâwn zâwk asin. Tin, mitthi thawlehna thu chu—Pathianin, 'Kei 31 Abrahama Pathian, Isaaka Pathian, Jakoba Pathian ka ni,' tia in hnêna a sawi kha in chhiar lo vem ni? Pathian chu mittli 32 Pathian a ni lo va, mi nung Pathian a ni zâwk," a ti a, a chhâng a.

Tin, mipuite chuan chu chu an hriatin a thu zirtîr chu mak 33 an ti hle a.

Pharisaite erawh chuan, Isuan Saddukaite chu a hnial dang 34 tih an hriatin an inkhâwm ta a. Tin, an zînga mi pakhat, dân hretuin, "Zirtirtu, Dân thua chuan eng thupêk hi nge ropui 37 ber?" tiin, amah fiah nân thu a zâwt a. Tin, ani chuan a 37 hnénah, "Lapa i Pathian chu i thinlung zawng zawngin, i thlarau zawng zawngin, i rilru zawng zawngin i hmangaih tûr

a ni,' *tih hi*. Chu chu thupêk ropui leh pawimawh ber a ni. 38  
 Tin, a dawttu, a anpui chu hei hi a ni, 'Nangmah i inhma- 39  
 ngaih angin i vêngte pawh i hmangaih tûr a ni,' *tih hi*. Chûng 40  
 thupêk pahnihah chuan dân *thu* leh Zâwlneite *thu* zawng zawng  
 a inkhaikhâwm vek a ni," a ti a.

Tih, Pharisaite chu an inkhâwm lai chuan, Isuan anmahni 41  
 chu thu a zâwt a, "Krista chu engtinng e in ngaih? tu fapa nge 42  
 ni? a ti a. Anni chuan a hnênah, "Davida *fapa*," an ti a. Ani 43  
 chuan an hnênah, Davidan,

'Lalpa chuan, ka Lalpa hnênah, 44

I hmêlmate i kephah hnuai ka dah hma loh zawng

Ka ding lamah *thu* rawh,' a ti,

tiin, eng tiziain nge Thlarauvin ani chu 'Lalpa' a tih le? Davidan  
 ani chu 'Lalpa' a tih si chuan, engtinng e a fapa a nih *theih*?" a 45  
 ti a.

Tin, tuman kam khat mahin an chhâng thei lo va, chu mi ni 46  
 achin chu tuman thu dang rêng rêng an zâwt ngam tawh hek lo.

**23** Tin, Isuan mipuite leh a zirtîrte hnênah thu a sawi a, 1  
 "Lehkhaziaktute leh Pharisaite chu Mosia *thutphahah* chuan 2  
 an *thu* *thin* a, chuvângin an hrilh apiang che u chu ti ula, zâwm 3  
 zêl ang che u; an thiltih ang erawh chu ti *ve* suh ang che u, sawi 4  
 zawng an sawi *thin* a, an ti si *thin* lo a ni. Phur rit hrehawm takte 4  
 an siam a, mite an bel *thin* a, anmahni erawh chuan an kut zung-  
 tang *pawhin* an tisawn duh lo. An thiltih zawng zawng chu 5  
 mihring hmuh atân a ni, an tih zâwk *thin* ni, an thil bun leh 5  
 khimte chu an tihlai a, an puan hmâwr fê m an tibuk *thin* a, ruai-  
 thehnaah hmun *tha* berte, inkhâwmna inah *thutphah* *tha* berte, 6  
 dâwr hmuna chibaibûkte, miten 'Rabbi' an tihte an ngaina si *thin* a. 7

"Nangni erawh chu 'Rabbi' tihin awm suh u; in zirtirtu 8  
 chu pakhat *chauh* a ni a, nangni zawng zawng chu unau in ni si a.  
 Tin, lei chungah hian tumah 'Ka pa' ti suh u; in Pa chu pakhat 9  
*chauh* a ni, vâna mi khi. 'Hruaitute' tihin awm hek suh u, in 10  
 Hruaitu chu pakhat *chauh* a ni, Krista chu. In zinga ropui ber 11  
 chu in rawngbâwltuah a awm zâwk tûr a ni. Tupawh inngaihl 12  
 apiang an tlâwm ang a, tupawh inngaitlâwm apiang chawimawiin  
 an awm ang.

"Nimahsela nangni lehkhaziaktu leh Pharisai vervêkte u, in 13  
 chung a pik e! vân ram kawng chu mite in khâr sak si *thin*; 14  
 nangni lah in lût si lo va, mi lût tûrte pawh luh in phal *thin* hek  
 lo. Nangni lehkhaziaktu leh Pharisai vervêkte u, in chung a pik 15  
 e! Saphun pakhat pawh siam tûr in tuifinriat leh khawmual in kal  
 hual si a, tin, chutianga a lo awm velehi ani chu nangmahni leh  
 nhihin Gehenna fapaah in siam *thin*.

"Nangni, hruaitu *mitdel*, "Tupawh Pathian biak in chhâla 16

chhechham apiang, chu chu engmah a ni lo; tupawh Pathian biak ina rangkachak chhâla chhechham apiang erawh chuan hlen tûr a ni,' tite u, in chung a pik e! Nangni mi â, mitdelte-  
 u! A engnge ropui zâwk, rangkachak nge, Pathian biak in, rang- 17  
 kachak tithianghlmitu chu? Tin, 'Tupawh maichâm chhâla  
 chhechham apiang, engmah a ni lo; a chung a thilpêk awm chhâl- 18  
 a chhechham apiang erawh chuan hlen tûr a ni,' in ti. Nangni 19  
 mitdelte u! A engnge ropui zâwk, thilpêk nge, maichâm, thilpêk  
 tithianghlmitu chu? Chutichuan, tupawh maichâm chhâla 20  
 chhechham apiang chuan maichâm leh a chung a awm zawng  
 zawng chhâlin chhia a chham thîn. Tupawh Pathian biak in 21  
 chhâla chhechham apiang chuan, Pathian biak in leh a chhûnga  
 chêng chu chhâlin chhia a chham thîn. Tupawh vân chhâla chhe- 22  
 chham apiang chuan, Pathian thutphah leh a chung a thû chu chhâl-  
 in chhia a chham thîn a ni.

"Nangni lehkhaziaktu leh Pharisai vervêkte u, in chung a 23  
 pik e! pudina te, mohuri te, zira te chu sâwmah pakhat in pe  
 thîn a, dân thu pawimawh zâwk—felna te, khawngaihna te, rinawm-  
 na te chu—in ngaihtah si thîn; nimahsela chûng chu asin  
 in tih tûr ni, a dangte chu tih thulh chuang lovin. Nangni hruai- 24  
 tu mitdel, thosi thlifaia sanghâwngsei lem si thînte u!

"Lehkhaziaktu leh Pharisai vervêkte u, in chung a pik e! 25  
 no leh thlêng pawn lam in silfai a, a chhûng erawh chu hleprûkna  
 leh insûm lohnain a khat si a. Nang Pharisai mitdel, no leh 26  
 thlêng chhûng lam chu silfai hmasa rawh, a pawn lam pawh a lo  
 fai theihna tûrin.

"Lehkhaziaktu leh Pharisai vervêkte u, in chung a pik e! 27  
 Thlân hnawih vâ, pawn lam mawi taka lang, a chhûng lam  
 erawh chu mitthi ruhte leh bawhlhlawh tinrênga khat angte  
 chu in ni asin. Nangni pawh chutiang takin pawn lamah chuan 28  
 mihring mîthmuhin fel takin in lang thîn a, in chhûng lamah  
 erawh chuan vervêkna leh sualnain in khat si a.

"Nangni lehkhaziaktu leh Pharisai vervêkte u, in chung a pik 29  
 e! Zâwlneiho thlân inte in sa a, mi fel thlânthe pawh in cheimawi  
 a, 'Kan pute dam lai khân lo awm *ve mah* ila, zâwlneite thisen 30  
*an chhuahnaah* chuan kan tel ve lo vang,' in ti thîn. Chutichuan 31  
 zâwlneiho thattute fa in ni tih in inhriattîr a ni. In pute teh- 32  
 khâwng chu tikhat ngâl mai rawh u. Rûlte u, rûl thlahte u, 33  
 Gehenna rorêna chu engtinngse in pumpelh theih ang?

"Ngai teh u, chu mi avâng chuan in hnênah zâwlneite, mi 34  
 finge, lehkhaziaktute ka rawn tîr dâwn; thenkhat in tihlum ang  
 a, *kraws-ah* in khêngbet ang, thenkhat in inkhâwmna inahte  
*savon hruin* in vua ang a, khaw tinah in tiduhdah zui zêl ang;  
 chutichuan, Abela mi fel tak thisen aţangin, Pathian biak in leh 35

maichâm inkâra Barakia fapa Zakaria in thaha thisen thleng khân, lei chung a *mi* fel thisen *an* chhuah zawng zawng chu nang-mahni chungah a lo la thleng thei ang. Tih tak meuhvin ka hrlh a che u, chúng zawng zawng chu tûn lai thangtharte chungah hian a lo la thleng ang. 36

“Aw Jerusalem, Jerusalem! zâwlneiho thattu, i hnêna an rawn tirhte lunga lo dênghlumtu! arpuiin a notê a thla hnuaia a awp khâwm angin i fate vawî engzâtngê awp khâwm ka tum kha! Nimahsela in duh si lo. En teh u, in in chu aruaka hnutchhiah che uin a awm ta. Ka hrlh a che u, ‘Lalpa hminga lo kal chu a eng a thâwl e,’ in tih hma loh chuan, tûn achinah mi hmu leh dâwn tawh lo a nih hi,” a ti a. 37 38 39

**24** Tin, Isua Pathian biak in ata a chhuak a, a kal dâwn a. Tin, a zirtîrte chu Pathian biak inte entîr tûrin a hnênah an lo kal a. Anî erawh chuan an hnênah, “Hêng zawng zawng hi in hmu maw? tih tak meuhvin ka hrlh a che u, tihchim lohva lung intiang rêng rêng hetah a awm lo vang,” a ti a, a chhâng a. 1 2

Tin, Oliv Tlângah chuan a thut laiin zirtîrte chu anmahni chauhvin a hnênah an kal a, “Chúng chu engtikahngê a lo awm ang? i lo kal lehna leh khawvêl tâwpna chhinchhiahna chu engngê ni ang? min hrlh rawh,” an ti a. 3

Tin, Isuan a chhâng a, an hnênah, “Tuman an tihder loh nân che u fimkhur rawh u. Mi tam takin, ‘Krista chu ka ni,’ tiin, keinia hming chhâlin an lo kal ang a, mi tam tak an tihder dâwn si a. Tin, indo thu leh indo thuthang in la hria ang; in mangan loh nân fimkhur rawh u; chúng chu a lo thleng tûr rêng a ni; nimahsela tâwpna chu a la ni rih lo vang. Hnam hrang leh hnam hrang an indo vang a, ram hrang leh ram hrang an indo vang a; hmun hrang hrangah tâtme a tla ang a, lîrte a nging ang. 4 5 6 7

“Chúng zawng zawng chu nau vei tantirhna a ni. 8

“Chu mi hunah chuan hrehawm *tuar tûrin* an mantîr ang che u a, an tihlum ang che u; ka hming avângin hnam zawng zawng huat in ni ang. Chu mi hunah chuan mi tam tak an tlu ang a, an inmantîr tawn ang a, an inhaw tawn ang. Zâwlnei der tam tak pawh an lo chhuak ang a, mi tam tak an tihder ang. Tin, sual a la pun dâwn avângin mi tam zâwk hmangaihna chu a la dai ang. 9 10 11 12

“Nimahsela, a tâwp thlenga tuar peih apiang chu, chu mi ngei chu chhandamin a awm ang. 13

“Tin, he ram Chanchin Tha hi hnam zawng zawng hriattirna tûrin khawvêl zawng zawngah hrlhin a awm ang; chu mi zawhah chuan tâwpna chu a lo thleng ang. 14

“Chutichuan, tiñiautu tenawm, zâwlnei Daniela sawia kha, hmun thianghlima dinga in hmu hunah chuan (a chhiar apiang- 15 16

in a awmzia hre rawh se) Judai rama awmte chu tlângahte tlân 17  
 bo rawh se; in chung a awm chu a ina englo chuh tûrin chhuk 18  
 suh se; tin, lova awm chu a puan chuh tûrin kîr leh suh se. Chûng 19  
 ni chuan raite leh nauno pawmte chung chu a pik ang. Tin, 20  
 in tlân bo hun tûr chu thlasikah emaw, Chawlhniah emaw a lo  
 thlen loh nân tawngtai rawh u; chu mi hunah chuan hrehawm 21  
 nasa tak a awm dawn si a; chutianga nasa rêng rêng chu lei-  
 lung pian tîr ata tûn thlengin a la awm ngai lo va, awm pawh  
 engtikah mah a lo awm leh tawh hek lo vang.

“Tin, chûng nite chu tihtawi ni suh sela mihring rêng rêng 22  
 damin an chhuak lo vang; nimahsela, thlante avâng chuan  
 chûng nite chu tihtawi a ni ang.

“Chutih hunah chuan tupawhin in hnênah, ‘En teh, Krista 23  
 chu heta hi a awm,’ emaw, ‘Heta hi,’ emaw, an tih chuan, awi  
 suh ang che u. Krista derte leh zâwlnei derte an lo chhuak dawn 24  
 si a, *chûng chuan* thei ang sela thlante meuh pawh an tihder theih  
 nân chhinchhiahna leh thilmak ropui takte an ti ang. Ngai teh 25  
 u, ka hrilh lâwk tawh che u hi. Chutichuan, in hnênah, ‘Ngai 26  
 teh u, thlalêrah a awm,’ an tih che u chuan, kal chhuak suh u; ‘Pin-  
 dan chhungrilahte a awm,’ an tih che u chuan, awi duh suh u. Kâwl, 27  
 chhak lamah a lo phe chhuak a, thlang lam thleng pawhin a lang  
 tîn a, Mihring Fapa lo kal lehna chu chutiang chu a ni dawn si a.

“Khawiah pawh saruang awmna apiangah mulukawhlte 28  
 pawh an awm khâwm ang.

“Nimahsela, chûng ni hrehawm hnu lawkah chuan ni tih- 29  
 thimin a awm ang a, thla a êng tawh lo vang a, vân ațangin arsîte  
 a lo tla ang a, vân thiltihtheihnate chu tihngîn a ni ang; chutih 30  
 hunah chuan Mihring Fapa chhinchhiahna chu vânah a lang  
 ang. Chu mi hunah chuan leia chi tinin an awmte an inchûm  
 ang a, Mihring Fapa hi thiltihtheihna leh ropuina nasa tak nê  
 vân chhûm chung a lo kal an hmu ang. Tin, a vântirhkohte chu, 31  
 tawtawrwat ri nasa tak nê, a tîr chhuak ang.

“Anni chuan a thlante chu kâwl kil li ata—vân tâwp ațanga  
 a tâwp leh lam thlengin—an lâwr khâwm ang.

“Tichuan, theipui kûngah hian a tehkhin thu zir rawh u: 32  
 A țang a lo no va, a hnah a lo chawr chuan nipui a thaw dawn  
 tih in hre tîn; chutiang bawkin nangni pawhin chûng zawng 33  
 zawng chu in hmuh hun chuan, amah chu a lo hnai tawh a,  
 kawngka bul ngeiah a awm tih hria ang che u. Tih tak meuhvin 34  
 ka hrilh a che u, chûng zawng zawng chu a thlen kim hma loh  
 zawng tûn lai țangtharte hi an ral lo vang. Lei leh vân a ral 35  
 ang a, ka thu erawh chu a ral lo vang.

“Nimahsela, chu mi ni leh a hun thu chu Pa chauh lo chuan 36  
 tuman, vana vântirhkohte pawhin, Fapa pawhin, an hre lo,

“Tin, Nova dam lai ang bawk kha Mihring Fapa lo kal *lehna* 37  
 chu a ni ang. Chùng ni tuilê hmate chuan Nova lawnga a luh 38  
 ni thlengin an eiin an bâr a, nupui pasal an innei thîn; tui a lo 39  
 lêt a an zaa a lâk bo vek hma loh chuan engmah an hre lo va;  
 Mihring Fapa lo kal *lehna* chu chutiang bawk a ni ang. Chu 40  
 mi hunah chuan lovah mi pahnih an awm ang a; pakhat chu  
 kal bopuiin a awm ang a, pakhat chu hnutchhiahin a awm ang.  
 Hmeichhe pahnih buh râwt sawmnaah chuan buh râwt sawmin 41  
 an awm ang a, pakhat chu kal bopuiin a awm ang a, pakhat chu  
 hnutchhiahin a awm ang.

“Chutichuan ngaihven rawh u, eng niah nge in Lalpa a lo kal 42  
 dâwn in hre si lo.

“Nimahsela, hei hi hre rawh u, rûkru a lo kal hun tûr in nei- 43  
 tuin hria sela, a vêng ang a, a in a reh pawhtîr lo vang.

“Chuvângin, nangni pawh inring rengin awm rawh u, in rin 44  
 loh hunah Mihring Fapa a lo kal dâwn si a.

“Bawi rinawm, fîng tak, a puin a hun apianga an chaw chan 45  
 tûr sem sak tûrin a chhûngte chungah hotua a siama chu, tu ber  
 nge ni ang le? A pu a lo kal huna bawi chutiang tia a rawn 46  
 hmuha chu a eng a thâwl ang. Tih tak meuhvin ka hrilh a che 47  
 u, a neih zawng zawng chungah hotuah a siam ang. Amaherawh- 48  
 chu bawi sual chuan, a rilruin, ‘Ka pu a lo kal lawk dâwn lo 49  
 ve,’ tiin, a bawipuite lo vêl ta sela, mi ruite hnênah eiin bâr sela, 50  
 chu bawia pu chu a rin loh niah, a hriat loh laiin, a lo kal ang a, 51  
 bung hnihah a rawn chhuah ang a, mi vervêkte chan ang a chantîr  
 ang; chutah chuan ãah leh ha ãial chu a awm ang.

**25** “Chu mi hunah chuan vân ram chu nula thianghlim sâwm 1  
 an khâwnvâr kengø mo neitu hmuak tûra chhuakte nênn 2  
 chuan tehkhin a ni tawh ang. An zînga mi panga an â a, panga 3  
 an fîng. A âte chuan an khâwnvârte an kenin, a tui an keng 4  
 tel si lo va; a fîngte erawh chuan an khâwnvârte an keng a, an ûmte 5  
 chuan a tui an keng tel bawk a. Tin, mo neitu chu a lo kal har 6  
 avângin an zain an muthlu a, an lo muhîl ta a. Tin, zan 7  
 lai takah chuan, ‘Ngai teh u, mo neitu chu a lo kal e! A hmuak 8  
 tûrin lo chhuak r’u khai!’ tiin, au thâwm a lo awm ta a. Chu 9  
 veleh chuan nula thianghlimho chu an tho vek a, an khâwn- 10  
 vârte chu an buatsaih a. Tin, a âte chuan, a fîngte hnênah, 11  
 ‘In khâwnvâr tui kha min pe ve rawh u; kan khâwnvârte a thi 12  
 dâwn e,’ an ti a. Nimahsela, a fîngte chuan, ‘Keini leh nangni 13  
 tân a daih lo vang e; a zuartute hnênah kal ula, lei ve zâwk rawh 14  
 u,’ tiin, an chhâng a. Tin, lei tûra an kal bo hlân chuan mo neitu 15  
 chu a lo thleng ta a; tichuan, a peihthe chu amah nênn lawi chaw 16  
 eiin an lût a; tin, kawng chu an khâr ta a. Chu mi hnuah chuan 17  
 nula thianghlim dangte pawh chu an lo thleng a, ‘Ka pu, ka pu,



min hawn sak rawh!' an ti a. Ani erawh chuan, 'Tih tak meuh- 12  
vin ka hrilh a che u, ka hre lo che u a ni,' a ti a, a chhâng a.

"Chutichuan, ngaihven rawh u, a ni leh a hun chu in hre si 13  
lo va.

"Mi, ram danga kal dâwna, ama bawite kova, a sumte an 14  
hnêna kawltîr ang chu a ni si a. Bawi pakhat hnênah talent nga 15  
a pe a, bawi dang hnênah *talent* hnih a pe a, bawi dang hnênah  
*talent* khat a pe a; an tih theih tâwk tur ang zêl theuhvin a pe a;  
tichuan, a kal ta a. Tin, talent nga dawngtu chu chúng chuan 16  
a va sumdâwng ta nghâl a, talent nga dang a dek chhuak ta a.  
Chutiang bawkin *talent* hnih dawngtua pawh chuan talent hnih 17  
dang a dek chhuak ta a. *Talent* khat dawngtu erawh chu a va 18  
kal a, lei a lai a, a pu tangka chu a thukru ta zâwk a.

"Tin, rei tak hnuah chúng bawihô pu chu a lo haw a, an hnên- 19  
ah a sum chanchin a tîfel a. Tichuan, talent nga dawngtu chu 20  
a lo kal a, talent nga dang arawn keng a, 'Ka pu, nangin talent  
nga mi kawltîr kha; en teh, talent nga dang ka dek chhuak e,'  
a ti a. A pu chuan a hnênah, 'Bawi tha leh rinawm, i ti tha e; 21  
tlênte chungah i rinawm a, tam tak chungah ka awmtîr ang che;  
i pu lâwmnaah lût rawh,' a ti a. Tin, talent hnih dawngtu pawh 22  
chu a lo kal a, 'Ka pu, nangin talent hnih mi kawltîr kha; en teh,  
talent hnih dang ka dek chhuak e,' a ti a. A pu chuan a hnênah, 23  
'Bawi tha leh rinawm, i ti tha e; tlênte chungah i rinawm a,  
tam tak chungah ka awmtîr ang che; i pu lâwmnaah lût rawh,'  
a ti a.

"Tin, talent khat dawngtu pawh chu a lo kal a, 'Ka pu, mi 24  
ti kher kher i ni tih ka hria a che; i tuh lohnaah pawh i ât thîn  
a, i tihdarh lohnaah pawh i seng thîn a ni; tichuan, ka hlau va,  
ka va kal a, i talent kha leiah ka thukru a; en teh, i ta ngai kha i 25  
hmuh leh hi,' a ti a. A pu chuan a hnênah, 'Bawi sual leh zawm-  
thawpa, ka tuh lohnaah pawh ka ât a, ka tihdarh lohnaah pawh  
ka seng thîn tih i hria maw? Chuti a nih ahnu, ka tangka chu 27  
sumdâwngtute hnênah lo dah tawh tûr i ni, chutichuan, ka lo  
haw hian ka ta hi a pung nêna ka hmu leh tûr a ni. Tichuan, a 28  
talent khat kha lâk sak ula, talent sâwm neitu hnênah pe rawh  
u. Tupawh a nei apiang an pe belhchhah ang a, a lo ngah ang; 29  
tupawh a nei lo apiang erawh chu a neih chhun pawh an lâk sak  
ang.

"Tin, bawi thahnem lo kha pawn lam thimah chuan paih 30  
chhuak rawh u; chutah chuan tha leh ha thial chu a awm ang,'  
a ti a, a chhâng a.

"Amaherawhchu, Mihring Fapa hi chu, a vântirhkohte zawng 31  
zawng nêna, a ropuinaa inthuma a lo kal hunah chuan, a ropuina  
thutphahah a thu ang a; a hmaah chuan hnam tin an inkhâwm 32

ang a; berâni vêngtuin kêl zing ata a berânte a hlir angin anniho 33  
 chu a hlir ang a; berânte chu a ding laniah a dah ang a, kêlte  
 erawh chu a vei lamah a dah ang.

“Chu mi hunah chuan Lalber chuan a ding laniah mite hnênah 34  
 chuani, ‘Ka Pa voh bîkte u, lo kal ula, khawvêl siam tantirh ata in  
 tâna ram buatsaih chu chang rawh u; ka ril a tamin, nangnin ei 35  
 tûr mi pe a; ka tui a hâlin, in tûr mi pe a; mikhual ka nihin, in  
 thleng a; saruak ka nihin, puan mi sintir a; ka dam lohvin, mi  
 kan a; tân ina ka awmin, ka hnênah in lo kal si a,’ a la ti ang. 36

“Chu mi hunah chuan mi felte chuan, ‘Lalpa, engtikahnge 37  
 rilâmin kan hmuh chia ei tûr kan pêk che? tuihâlin kan hmuh  
 chia, in tûr kan pêk che? Engtikahnge mikhuala kan hmuh chia, 38  
 kan thlen che? saruaka kan hmuh chia, puan kan sintir che? Eng-  
 tikahnge dam lovin emaw tân inah emaw kan hmuh chia, i hnêna 39  
 kan lo kal?’ tiin, an la chhâng ang. Tin, Lalber chuan an hnên- 40  
 nah, ‘Tih tak meuhvin ka hrilh a che u, Hêng ka unau tê berte  
 zinga mi pakhat chung a in tih chu, ka chung a ti in ni,’ tûn, a la  
 chhâng ang.

“Chu mi zawhah chuan, a vei lama mite hnênah pawh chuani, 41  
 ‘Ânhhe dawngte u, kumkhaw mei diabolâ leh a tirhkohte tân  
 an buatsaihah chuan mi kal bosan rawh u; ka ril a tamin, nangnin  
 ei tûr mi pe lo va; ka tui a hâlin, in tûr mi pe lo va; mikhual ka 42  
 nihin, mi thleng lo va; saruak ka nihin, puan mi sintir lo va; dam 43  
 lo leh tân ina ka awmin, mi kan si lo,’ a la ti ang. Chu mi hunah 44  
 chuan anni pawhin, ‘Lalpa, engtikahnge rilâmin emaw, tuihâlin  
 emaw, mikhualin emaw, saruakin emaw, dam lovin emaw, tân  
 inah emaw kan hmuh chia, rawng kan bâwl sak loh che?’ tiin,  
 an la chhâng ang. Tin, ani chuan an hnênah, ‘Tih tak meuhvin 45  
 ka hrilh a che u, Hêng mi tê berte zinga mi pakhat chung a in ti  
 lo chu ka chung a ti lo in ni,’ tiin, a la chhâng ang.

“Tin, chûng chu kumkhaw hremnaah an kal ang a; mi felte 46  
 erawh chu kumkhaw nunnaah an kal ang,” a ti a.

**26** Tin, heti hi a ni a, Isuan chûng thu zawng zawng chu a 1  
 sawi zawhin, a zirtirte hnênah, “Ni hnih achinah Kalhlên 2  
 Kût a lo awm dâwn tih in hria a, Mihring Fapa hi khenbeh tûrin  
 an mantir dâwn a ni,” a ti a.

Chu mi lai chuan Puithiam Lalber Kaiapha an tiha in hual 3  
 chhûng kawtlaiah chuan puithiam lalte leh vântlâng upate chu  
 an inkhâwm a; Isua chu ngamthlêma mana, an tihlum theihna 4  
 tûrin an inrâwn a. Nimahsela, “Kût chhûng chuan ni suh 5  
 se, chutilochuan vântlâng zîngah buaina a lo awm dah ang e,”  
 an ti a.

Tin, Isua Bethani khuaah, phâr Simona inah chuan a awm 6  
 laiin, hmeichhe pakhat alabasta bâwma hriak rimtui to tak kengin, 7

a hnénah a lo kal a, a chaw kil lain a luah a leih a. Nimahsela, 3  
 zirtirte chuan *chu chu* an hmuhin an thinur a. “Eng atân nge hetia  
 a tihboral mai mai ni? He *hriak* hi man tam taka hralha, mi 9  
 retheite hnèna pèk theih a ni si a,” an ti a. Isua erawh chuan  
*chu chu* a hriatin, an hnénah, “Hmeichhia hi engahnge in tihbuai 10  
 ni? ka chungah hian thil tha tak a ti a ni. Mi retheite chu kum- 11  
 khuaa in hnèna awm an ni alâwm, kei erawh chu kumkhuaa in  
 hnèna awm tûr ka ni lo. He hriak rimtui ka taksaa a leih hi, 12  
 phum tûra mi buatsaih tûrin a ti a nih hi. Tih tak meuhvin  
 ka hrih a che u, khawvêl zawng zawngah khawiah pawh he Chan-  
 chin Tha hi an hrihna apiangah he hmeichhe thiltih pawh hi amah  
 hriat rengna tûrin an sawi ve zêl ang,” a ti a.

Chu mi hnuaah chuan sâwm leh pahnihte zinga mi pakhat, 14  
 Juda Iskariota an tiha chu, puithiam lalte hnénah a kal a, “Amah 15  
 chu ka mantir ang che u a, engnge mi pèk ang?” a ti a. Tin,  
 tangka sawmthum an hùk sak ta a. Chu mi chinah chuan man- 16  
 tirna remchâng a zawng ta a.

Tin, chhang dawidim telh loh *ni*, ni hmasa berah chuan zirtirte 17  
 chu Isua hnénah an lo kala, “Kalhlén Kût chaweina tûrin khawi-  
 ahnge buatsaih sak che ila i duh?” an ti a. Tin, ani chuan, 18  
 “Khawpuiah tuemaw hnénah kal ula, a hnénah, ‘Zirtirte chuan,  
 Ka hun a hnai ta a; ka zirtirte nèn Kalhlén Kût i inah kan kût  
 ang e, a ti e, va ti ang che u,” a ti a. Tin, Isuan an hnèna a tih 19  
 angin zirtirte chuan an ti a; Kalhlén Kût chaw chu an buatsaih  
 ta a.

Tin, khua a lo tlai lam chuan, zirtir sâwm leh pahnihte nèn 20  
 chaw an kil a; tin, an ei laiin ani chuan, “Tih tak meuhvin ka 21  
 hrih a che u. In zinga mi pakhat hian mi mantir ang,” a ti a.  
 Tin, an lungngai ta ém ém a, a hnénah, “Lalpa, keimah em 22  
 ni?” an ti ta theuh va. Tin, ani chuan, “Thlêng mi zenpuitu 23  
 ngei chuan mi mantir ang. Mihring Fapa hi a chanchin an ziak 24  
 ang tak khân a kal dawn a ni; nimahsela, Mihring Fapa man-  
 tirtu tûr mihring chung chu a pik e! chu mihring chu piang suh  
 sela a tân a tha *zâwk* ang,” *tûn*, a chhâng a. Tin, a mantirtu 25  
 tûr Juda chuan a chhâng a, “Rabbi, keimah em ni?” a ti a. Ani  
 chuan a hnénah, “Ni e,” a ti a.

Tin, an ei laiin Isuan chhang a la a, mal a sâwm sak a, a phel 26  
 a; tin, zirtirte hnénah chuan a pe a, “La ula, ei rawh u; hei  
 hi ka taksa a ni,” a ti a. Tin, no a la a, lâwm thu a sawi a, an 27  
 hnénah a pe a, “In zain in rawh u; hei hi ka thisen, sualte ngaih- 28  
 dam nâna mi tam tak tâna chhuak tûr, thuthlunna chu a ni.  
 Nimahsela, ka hrih a che u, ka Pa ramah nangmahni nêna a thar 29  
 ka in ni a *thlen* hma loh zawng tûn achinah grêp hrui raha mi hi ka  
 in leh tawh lo vang,” a ti a.

Tin, hla an sak zawhin an chhuak a. Oliv Tlangah chuan an 30  
kal ta a.

Tin, Isuan an hnénah, "Záninah hian in zaiu ka chung thuah 31  
lungni lovin in awm vek ang; 'Berám vèngtu chu ka vua ang' a,  
berám rual chu an darh ang,' tih ziaik a ni si a. Nimahsela, ka 32  
thawh leh humin Galili ramah in huaah ka kal ang," a ti a. Petera 33  
crawh chuan a hnénah, "An zaiu i chung thuah lungni lovin  
awm mah sela kei zawng lungni lovin ka awm tawp lo vang," tiin,  
a chháng a. Isuan a hnénah, "Tih tak meuhvin ka hrilh a che, 34  
Záninah hian ár a khuan huain, nangu vawi thum mi phat ang,"  
a ti a. Peteran a hnénah, "I thihnaah chuan thi ve dawn mah 35  
ila ka phat tawp lo vang che," a ti a. Chutiang bawkin zirtirte  
zawng zawng chuan an ti ta theuh va.

Chu mi zawlah chuan Isua anniho nèn hnén pakhat Gethse- 36  
mane an tih chu an thleng a; tin, ani chuan a zirtirte hnénah,  
"Sawta ka va tawngtai chhúng zawng hetah hian lo thu rawh u,"  
a ti a. Tin, Petera leh Zehedaiá fapate pahni chu a hruai a, 37  
a lungngaiin a lo mangang ta ém ém a. Tin, an hnénah, "Ka 38  
rilru a lungngai ém ém a, thihna khawp hial a ni; hetah hian awm  
ula, mi vènpui rawh u," a ti a. Tin, tlémnin hma lamah a va kal 39  
hleik a, a bawkkhup a, "Aw ka Pa, a theih chuan he no hian mi  
pèl lul rawh se; nimahsela keima thu ni lovin, nangina thu thu  
ni zàwk rawh se." tiin, a tawngtai a.

Tin, zirtirte hnénah chuan a lo kal a, anni chu muhlin a rawn 40  
hnu a, tichuan, Petera hnénah, "E khai! nangnin dár kár khat  
pawh mi vènpui thei lo a ni maw? Thlémnaa in luh loh nán 41  
inring reugin tawngtai rawh u; thlaran zawngin a peih a, tisa  
crawh chu a chak lo a ni," a ti a. Tin, vawi hnihnaah a va kal 42  
a, a tawngtai leh a, "Aw ka Pa, ka in lohva hei hian mi pelh theih  
lul loh chuan, nangma thu thu ni rawh se." a ti a. Tin, a lo kal 43  
leh a, anniho chu muhlin a rawn hmu leh a, an inut a chhuak  
hle si a. Tin, a kalsan leh a, a vawi thuunaah a thu sawi ngai 44  
sawin a tawngtai leh a. Chu mi zawlah chuan zirtirte hnénah 45  
a lo kal leh a, an hnénah, "Túnah zawng muhil ula, chawl tawh  
rawh u! Ngai teh u, a hun chu a lo thleng ta a, Mihring Fapa  
hi mi sualte kutah an mantir dawn hi. Tho ula, i kal ang u; 46  
en teh u, mi mantirtu tûr chu a lo hnaih tak hi," a ti a.

Tin, a la sawi lai mēkin Juda, sáwm leh pahnihte zinga 47  
mi pakhat chu, a lo thleng ta a, ama rual chuan puithiam late  
leh lehkhaziaktute leh upate hnén ata mipui nasa tak khandaih  
leh talhtum kengin an lo thleng bawk a. Tin, a mantirtu tûr 48  
chuan chhinchhiahna tûr a lo hrilh láwk diam a. "Ka fawh apiang  
chu amah a ni ang, man ang che u," tiin. Tichuan, Isua chu a 49  
va pan ta ngáhal a, "Chibai, Rabbi!" tiin, a fawp ta ngawih ngawih

a. Tin, Isuan a hnénah, “Thiana, i rawn kal chhau chu *ti na ch*,” 50  
a ti a. Chu vèleh Isua chu an chelh a, an man ta a.

Tin, ngai teh, Isua hote zinga pakhat chuan a kutin a ban a, 51  
a khandaih a phawi a, Puithiam Lalber bawi chu a sât a, a beng  
a sah thlâk sak a. Tin, Isuan a hnénah, “I khandaih kha a dah- 52  
naah dah leh rawh, khandaih ruaitute zawng zawng chu khan-  
daih vèkah an thi dâwn si a. Tûnah pawh vântirhkoh sângruk 53  
hmuu sâwm leh hmuu hnih aia tam zâwk mi rawn tîr sak tûrin  
ka Pa hnénah ngèn thei lovin mi ring em ni le? Nimahsela *ngèn* 54  
*ang ila*, engtinngê Pathian Lehkha Thu—hetiang a lo awm tûr  
thu hi—a thlen theih ang le?” a ti a.

Chu mi lai tak chuan Isuan mipuite hnénah chuan, “Khandaih- 55  
te, talhtumte kengin suamhmang man tûr ang rengin ni man  
tûrin in lo chhuak a ni maw? Pathian biak inah ni tin zirtîrin  
ka thu thîn a, mi man si lo va. Nimahsela zâwlnei lehkha thute 56  
chu a lo thlen theihna tûrin hêng zawng zawng hi a lo awm ta a  
nih hi,” a ti a.

Chu mi lai chuan zirtîrte zawng zawng chuan amah chu an  
thlahthlam a, an tlân bo ta vek a.

Tin, Isua mantute chuan Puithiam Lalber Kaiapha ina, leh- 57  
khaziaktute leh upate awm khâwmnaah chuan ani chu an hrai ta  
a. Nimahsela Peteran hla tak aţangin amah chu a zui a, Pui- 58  
thiam Lalber in hual chhûng kawtlai thlengin; tin, a va lût a, a  
tâwpna hmu tûrin chhiahhlawhte zingali a thu ve a.

Tin, amah an tihlum theihna tûrin puithiam lalte leh rorêl- 59  
tulho zawng zawng chuan Isua hékna an zawng a; hretu der 60  
tam tak lo kal mah sela an hmu si lo. Nakinah erawh chuan  
mi pahni an lo kal a, “He mi hian, ‘Pathian biak in hi thîata, 61  
ni thum chhûnga sa leh thei ka ni,’ a ti e,” an ti a. Tichuan, Pui- 62  
thiam Lalber chu a ding chhuak a, a hnénah, “Engniahin i chhâng  
lo maw? Hêng hian an hékna che hi eng tizia nge ni?” a ti a.  
Isua erawh chu a ngawi reng a. Tin, Puithiam Lalber chuan 63  
a hnénah, “Pathian nung hmingin ka vau a che, Krista, Pathian  
Fapa chu i ni emaw? min hrilh rawh,” a ti a. Isuan a hnénah, 64  
“Ni e. Nimahsela, ka hrilh a che, tûn hnuah Mihring Fapa  
hi thiltihtheihna ding lama thua, vân chhûm chung a lo kal in la  
hmu dâwn a ni,” a ti a.

Tin, Puithiam Lalber chuan a silhfênte a pawt thlêr a, “Pathian 65  
a sawichhe ta; hretu dang engahnge kan ngaih tawh ang? Ngai  
teh u, Pathian a sawichhiatzia chu tûnah in hre tawh e. Engtinngê 66  
in ngaih?” a ti a. Anni chuan, “Thi tlâk a ni,” tiin, an chhâng 66  
a. Tin, a hmaiah chil an chhâk a, an hnek a; thenkhat chuan, 67  
“Nang Krista, tuinnge bêng che? Min hrilh rawh,” tiin, an 68  
bêng a.

Tin, Petera chu pawnsah. in hual chhüing kawthiah chuan 69  
 a thi a; tin, nula pakhat a hnénah a lo kal a, "Nang pawh Isua  
 Galili rania mi hnéna awm kha i nih hi." a ti a. Ani crawh 70  
 chuan, "I thu sawi chu ka hre hauh lo mai," tiin, an zaa hmaah  
 a pha a. Tin, sumhmuna a va chhuah veleh *nula* dangin ani 71  
 chu a hmu a, chuta awmte hnénah chuan, "He mi pawh hi Isua  
 Nazaret mi hnéna awm kha a nih hi," a ti a. Tin, "Chu mi- 72  
 hring chu ka hre lo," tiin, chhechhamin a pha leh a. Tin, 73  
 rei lo té achinah a kiana dingte chuan, Petera hnénah, "Nang  
 pawh an zinga mi i ni ngei mai, i tawngah a hriat aláwm," an 74  
 ti a. Tin, ani chuan, "Chu mihring chu ka hre lo." tiin, áchhia 74  
 inlawhin chhia a chham ta a. Tin, ár a khuang ta nghál a. Tin, 75  
 Petera chuan Isuan, "Ár a khuang hmain nanging vawi thum mi  
 phat ang," a tih thu kha a lo hre leh ta a. Tin, a chhuak a, a tap  
 ta zawih zawih a.

**27** Tin, zing a lo nih chuan puithiam lalte leh vântláng upate 1  
 zawng zawng chu Isua tihlum túrin a chung thua an in- 2  
 ráwn a; tin, an phuar a, an hruai a, Ram Awptu Pilata hnén- 2  
 ah an pe ta a.

Tin, Juda a mantirtu khán *Isua* thiam loh an chantir tih a 3  
 hriat veleh a inchhir a, tangka sawmthum kha puithiam lalte 4  
 leh upate hnénah chuan a rawn la leh a, "*Mi* thiam thisen ka 4  
 mantir kha thil ka lo tisual a ni," a ti a. Anni crawh chuan,  
 "Chu chu kan tân engnge pawí ang? Nanging i tih tihin ti rawh," 5  
 an tihsan a. Tin, ani chuan tangka chu hmun thianghlímah 5  
 chuan a paih lít a, a kal bo va; a va ináwkhlum ta a. Tin, 6  
 puithiam lalte chuan tangkate chu an la a, "Hei hi thawhláwm 7  
 báwma dah a thiáng lo ve, thisen man a ni si a," an ti a. Tichuan, 7  
 an inráwn a, mikhualte phúmna túrin Bêlvawtu Hmun chu 8  
 an lei ta a. (Chuvángin a ni, chu mi hmun chu tún thlenga 8  
 'Thisen Hmun' an tih ták ni.) Chu mi lai chuan, zâwnei Jere- 9  
 nian, 10

"Tin, tangka sawmthum,  
 An chhiara man,  
 Israela thlah tutenemaw an chhiara *man* chu,  
 An la a,  
 Lalpan min tiam angin  
 Bêlvawtu hmun *man* atán an pe a,"

tia a sawi kha a lo thleng ta a ni."

Tin, Isua chu Ram Awptu hmaah chuan a ding a. Tin, Ram 11  
 Awptu chuan, "Judate lal i ni em?" tiin, a zâwt a. Tin, Isuan 12  
 a hnénah, "Ni e," a ti a. Tin, puithiam lalte leh upaten an hék 12  
 laiin engmahin a chhâng lo va. Tichuan, Pilatan a hnénah, 13  
 "An hékna zozai che hi i hre lo vem ni?" a ti a. Tin, kam khat 14

mahin a chhâng lo va; chutichuan Ram Awptu chuan mak a ti hle a.

Tin, Ram Awptuin kút niah chuan mi tâng pakhat, an duh 15  
apiang, mipuite chu a chhuah sak thîn a. Tin, chu mi lai chuan 16  
nî tâng hmingthang tak, Barabba an tih chu an nei a. Chutichuan 17  
an rawn inkhâwm chuanin, Pilatan an hnênah, "Tunge chhuah  
sak che u ıla in duh? Barabba nge, Isua, Krista an tiha chu?"  
a ti a. (Itsikna avângin ani chu an mantîr tih a hre si a.) 18

Tin, rorêlna thutphahah chuan a thut laiin, a nupuiin, "Kha 19  
mi fel tak chungah khân engmah ti suh; vawiinah hian amah  
avângin mumangah thil tam tak ka tuar a nî," tiin, a chah a.

Tin, puithiam lalte leh upaten Barabba dila Isua tiboral tûrin, 20  
inipuite chu an thlêm a. Ram Awptu erawh chuan anniho chu 21  
a bia a, "Anni pahnih chu a tu zâwk nge chhuah sak che u ıla  
in duh?" a ti leh a. Tin, anni chuan, "Barabba," an ti a. Pi- 22  
latan an hnênah, "Isua, Krista an tih hi, engtinngê ka tih ták  
ang le?" a ti a. An zain, "Ani chu kraws-ah khenbehtîr rawh,"  
an ti a. Tin, ani chuan, "Engah maw? Engnge a tihsual nî?" 23  
a ti a. Nimahsela, anniho chu, "Kraws-ah khenbehtîr rawh,"  
tiin, an au chiam a.

Tichuan, Pilatan engmah a ti thei lo va, a lo buai deuh deuh 24  
zâwk dâwn tih a hriatin, tui a la a, mipuiho hmaah chuan a kut  
a sil a, "He mi fel thisenah hian ka thiàng e; nangnin in tih  
tihin ti rawh u," a ti a. Tin, vântlâng zawng zawng chuan, "A 25  
thisen chu keimahni chungah leh kan fate chungah awm rawh  
se," tiin an chhâng a. Chu mi zawhah chuan Barabba chu a 26  
chhuah sak a; Isua erawh chu a vua a, kraws-a khenbeh tûrin  
a pe ta a.

Chu mi zawhah chuan, Ram Awptu sipaite chuan Isua chu 27  
lal inah an hruai lût a, an pâwla mi zawng zawng a hnênah an  
ko khâwm a. Tichuan, a puante an hlih sak a, puan sen an sintîr 28  
a. Tin, hling lukhum an phiar a, an khumtîr a, a kut dîng 29  
lamin luang an kentîr a; a hmaah an thingthi a, "Chibai, Judate  
lal!" tiin, nuihza siam nân an hmang a. Tin, amah chu chil 30  
an chhâk a, luang chu an lāk sak a, a luah chuan an vua a. Tin, 31  
nuihza siam nân an hman zawhin, puan chu an hlih sak a, ama  
puante chu an sintîr leh a, kraws-a khenbeh tûrin an hruai ta a.

Tin, an kal chhuah laiin, Kurini khuua mi, a hming Simona 32  
an hmu a; chu mi chu a kraws pu tûrin an man a. Tin, Gol- 33  
gotha an tih hmun an lo thlenin, (chu chu 'Lu ruh hmun' tihna 34  
a nî), uain thûr, englo khâ nêna pawlh, a in tûrin an pe a; nimah-  
sela a tem veleh a in duh ta lo va. Tin, kraws-a an khenbeh zawh- 35  
in, thum vâwrin a silhfênte chu an insem a.

Tin, chutah chuan an thû a, an vêng a; a hêkna,

“He Mi hi Isua Judate Lal a ni”

tia ziaak, a lu chungah an bel a.

Tin, aia rual chuan, suamhmang pahnih an khèngbet ve a, 38  
a ding lamah pakhat, a vei lamah pakhat.

Tin, mi vei apiangte chuan, an lu thingin, “Nang Pathian biak in 39  
thiata ni thuma sa lehtu, intidam rawh; Pathian Fapa i nih chuan 40  
kraws ata kha lo chhuk ta che,” tiin, an tiel a. Chutiang baw- 41  
in puithiam lalte chuan, lehkhaziaktute nèn, tielin “Mi dang 42  
mah a tidam thìn a, mahni a intidam thei si lo. Israel lal a ni  
alàwm; tûnah hian kraws ata chu lo chhuk ang hmiang, tichuan  
amah chu kan ring ang. Pathian a ring alàwm, amah hi a duh 43  
chuan tûnah hian chhandam rawh se; ‘Pathian Fapa ka ni,’  
a ti si a,” an ti a. Suamhmang an khenbeh vete pawh chuan, 44  
chutiang bawkin an tiel a.

Tin, chawfâk hun achin behliang mun hun thlengin khawvêl 45  
a lo thim ta vek a. Tin, behliang mun hun lai vêl chuan, Isua 46  
chu aw ring takin, “Eloi, Eloi, lama sabakthani?” tiin, a au chhuak  
a, (chu chu “Ka Pathian, ka Pathian, engahnge mi kalsan?”  
tihna a ni.) Tin, a kiana ding thenkhatte chuan, chu chu an hriat- 47  
in, “He mi hian Elija a ko a ni,” an ti a. Tin, an zinga mi pakhat 48  
a tlân ta nghâl a, spanj a la a, uain thûrin a chiah khat a, tiangah  
a târ a, a han intir a. Tin, mi dangte chuan, “Awm rawh se; 49  
ainah la thla tûrin Elija a lo kal emaw i en ang u,” an ti a.

Tin, Isua chu aw ring takin a au leh a, a thlarau a thlah 50  
ta a.

Tin, ngai teh, Pathian biak in puanzâr chu a chung lam ațangin 51  
a hnuai lam thlengin a lo thlêr chhuak ta a; tin, lîrte a lo nghing  
a, lungpuite a lo khi chat a; thlân te a lo inhawng a; mi thiang- 52  
hlim muhîl tawhte taksa tam tak pawh kaihtawhin an awm ta  
a; *chúngte chu* a thawh leh hnuah chuan, thlân ata lo chhuakin 53  
khaw thianghlimah chuan an lût a, mi tam tak hnênah an inlâr ta a.

Tin, sipai za hotu leh a hnêna Isua vênga awm vete chuan, 54  
lîrnghing leh thil awmziate chu an hmuhin an hlau ta êm êm  
a, “He mi hi Pathian Fapa a ni ngei mai,” an ti a.

Tin, chutah chuan, hmeichhe tam tak, a rawng bâwl sak chung 55  
zêla Galili ram ațanga Isuarawn zuitute chu an awm a, hla takah  
an thlîr a; chúng zingah chuan Mari Magdalini te, Mari Jakoba 56  
leh Josea nu te, Zebedaia fapate nu te an tel a.

Tin, thlai lam a lo nih chuan, mi hausa, a hming Josefa, Arima- 57  
thai khuaa mi, a lo kal a, amah ngei pawh chu Isua zirtîr a ni baw  
a; chu mi chu Pilata hnênah a va kal a, Isua ruang chu a dîl a. 58  
Tin, Pilatan pe tûrin thu a pe a. Tichuan Josefa chuan ruang 59  
chu a la a, puan zai sîn fai takin a tuam a, ama thlân thar, lung 60  
a kerkuakah chuan a zalh a; thlân kawngkaah chuan lung lian



tak a lum a, a kal ta a. Tin, chutah chuan Mari Magdalini leh 61  
Mari dang chu an awm a, thlân hma zâwnah chuan an thu a.

Tin, atûkah chuan, (chu chu Inrinni zawh tûk a ni) puithiam 62  
lalte leh Pharisaite chu Pilata hnênah an awm khâwm huai a,  
“Ka pu, chu tihdertu chuan, a dam lai khân, ‘Ni thum chinah 63  
ka tho leh ang,’ a ti tih kan hre reng a. Chutichuan thlân chu 64  
ni thum ni thlenga vêng tha túrin thu pe rawh; chutilochuan  
a zirtírte chuan amah chu an va ru hlauh ang a, vântlâng hnên-  
ah, ‘Mitthi zîng ata a tho leh ta a ni,’ an ti dali ang e; tichuan  
tihderna hnuhnûng zâwk chu a hmasa ai khân a tha lo lehzual  
ang,” an ti a. Pilatan an hnênah, “Vêngtu sipaite in nei alâwm; 65  
kal ula, in theih ang apiangín vên thattír ta che u,” a ti a. Chuti- 66  
chuan vêngtu sipaite nèn an va kal a, thlân chu an vên thattír  
a, lung chu an chhinchhiah a.

**28** Tin, Chawlhni tlai takah, ni sarih ni lmasa ber túra khua 1  
a vâw dâwnin, Mari Magdalini leh Mari dang chu thlân  
en túrin an kal a. Tin, ngai teh, lir nasa takín a lo nging a; 2  
Lalpa vântirhkoh vân ata a lo chhuk a, lung chu a rawn lum sawn  
a, a chungah a thu ta a. A hmél awmzia chu kâwlphe ang a ti 3  
a, a silhfên chu vûr angin a vâw a; amah an hlauh avângin vêngtute  
chu an khûr a, mitthi ang maiin an lo awm ta a. Tin, vântirh- 4  
koh chuan hmeichhiate chu a bia a, an hnênah, “Nangni chuan  
hlau suh u! Isua, an khenbeha kha, in zawng tih ka hria e!  
Hetah a awm tawh lo ve; a sawi ang ngeiin a thawh leh tawh 6  
kha. A mutna hmun hi rawn en teli mah u. Tiin, kal thuai 7  
ula, a zirtírte hnênah, ‘Mitthi zîng ata a tho leh ta a ni; ngai  
teli u, Galili ramah in hmaah a kal e; chutah chuan amah chu  
in hmu ang,’ tiin, hrilh rawh u. Ngai teh u, ka hrilh tawh che u  
hi,” a ti a.

Tin, hlau leh lâwm êm êm chungin thlân atang chuan an kal 8  
thuai thuai a, a zirtírte hrilh túrin an dâw ta a. Tin, ngai teh, 9  
Isuan anni chu a tâwk a, “Chibai u,” a ti a. Tichuan, anni  
chuan a kephahte chu an va vuan a, chibai an bûk a. Tin, Isuan 10  
an hnênah, “Hlau suh u, kal ta ula, Galili rama kal túrin ka unaue  
va hrilh rawh u; chutah chuan mi hmu ang,” a ti a.

Tin, an va kal lai chuan vêngtu sipai thenkhat chu khawpuiah 11  
an va lût a, thil awmzia zawng zawng chu puithiam lalte hnênah  
an va hrilh a. Tin, upate nèn an inkhâwm a, an inrâwn zawhin, 12  
sipaite hnênah chuan tangka tam tak an pe a, “Zânah, kan muthlilh 13  
hlânin, a zirtírte chu an lo kal a, amah an ru ta a ni,” ti ang che u.  
Tin, Ram Awptuin chu chu a lo hriat chuan amah chu kan thlêm 14  
ang a, lungkham lovin kan siam ang che u,” an ti a. Chutichuan 15  
tangka chu an la a, an hrilh ang zêl chuan an ti ta a; tichuan, tûn  
thlengin chu mi thu chu Judate zîngah an la sawi huai huai a ni.

Nimahsela, zirtîr sâwm leh pakhatte chu Galili ramah, Isuan 16  
 tlâng a ruat sakah chuan an kal a. 'Tîn, amah an hmuh chuan 17  
 chibai an bûk a; thenkhat erawh chuan an ringhlel a. Tichuan, 18  
 Isua chu an hnénah a lo kal a, anniho chu a bia a, "Lei leh vâna  
 thuneihna zawng zawng ka hnénah pêk a ni tawh. Chutichuan, 19  
 kal ula, hnam tina nû zirtîrahte siam ula, Pa leh Fapa leh Thlaran  
 'Thianghlim hmingah chuan baptis ula, thu ka pêk zawng zawng 20  
 apiang che u pawm tûrin zirtîr rawh u. 'Tîn, ngai teh u, kei  
 kumkhuain, khawvêl tâwp thleng pawhin, in hnénah ka awm zêl  
 ang," a ti a.

# Chanchin Tha Marka Ziak

- I Pathian Fapa Isua Krista Chanchin Tha ihlen tantirhna 1  
chu. Zâwhei Isaia *lehkhahuah*, 2  
“Ngai reh, ka tirikohi i hmaah ka tir a,  
Ani chuan i kawng a siam ang.”  
“Thlalêra mi au rawl chuan, 3  
‘Lalpa lamlian sial ula,  
A kawngie tingil rawh u,’ a ti,”  
tia, ziak ang khân, Johana, thlalêra baptistu kha, thiltihual ngai- 4  
dam nân simna bapisma thu hrilin, a lo chluak a. Tin, Judai 5  
rama *mi* zawng zawng leh Jerusalem khuua mi zawng zawngie  
an chluak a, a huên lamah an kal a, an sualte thupha chawiin  
Jordan luiah chuan a hnênah bapisma an chaug ta hlawm a. Tin, 6  
Johana chu sanghâwngsei hinul *puanin* a inthuan a, a kâwng  
savun kâwnggrênin a hrêng a, a chaw chu khaukhuap leh ram  
khawizu a ni. Tin, “Ka hnungah keimah aia ropui zâwk a lo 7  
kal mêk a ni; kûna a pheikhawk hrui phelh tlâk pawh ka ni  
lo ve. Kei zawngin tuin ka baptis thîn che u a; ani erawh 8  
chuan Thlarau Thianghlimin a baptis ang che u,” tiin, a hril a.  
Tin, chûng niahte chuan heti hi a lo ni a, Isua chu Galili rama 9  
Nazaret khua ațangin a lo kal a, Jordan luiah chuan Johana hnênah  
bapisma a chang ta a. Chu veleh, tui ata a chhuahin, vân 10  
inhawnga, Thlarau thuro anga a chunga lo chhuk a hmu a. Tin, 11  
“Nang ka Fapa duh tak i ni a, i chungah ka lâwm êm êm a ni,”  
tiin, vân ațangin aw a lo chhuak a.  
Tin, Thlarau chuan ani chu thlalêrah a tîr chhuak ta nghâl 12  
a. Tichuan, Setana thlêm chungin thlalêrah chuan ni sawmli 13  
a awm a, ram sa zingahte a awm a; vântirhkohte chuan a rawng  
an bâwl sak a.  
Tin, Johana an man hnuin, Isua, Pathian Chanchin Tha 14  
hrilin, Galili ramah a lo kal a, “Hun chu a lo thleng ta a, Pathian 15  
ram pawh a lo hnai ta; sim ula Chanchin Tha hi ring rawh u,”  
a ti zêl a.  
Tin, Galili dîl *kam* chu a hrût laiin Simona leh Simona unau 16  
Audria chu dilah chuan lèn dêngin a hmu a; sangha mantu an  
ni rêng a. Tin, Isuan an hnênah, “Mi zui rawh u, tichuan 17  
mihring mantuah ka siam ang che u,” a ti a. Tin, lênte chu 18  
kalsuin an zui ta nghâl a.

Tin, thui lo té a kalin Zebadaia *fapa* Jakoba leh a unan Johana 19  
chu a hmu a, chu mite chu lén siamthain lawngah bawh an awm  
a. Tin, ani chuan anni chu a ko ta nghâl a; tichuan. an pa Ze- 20  
badaia chu inhlawhfa an rawihte hnênah chuan lawngah an kalsan  
a, an zui ta a.

Tin, Kapernaum khuaah an va lût a: tin, Chawlniah chuan 21  
inkhâwmna inah a lût a, a zirtîr ta nghâl a. A *thu* zirtîr chu 22  
niak an ti hle a; lehkhaziaktute ang lova. thuneihna nei áwm  
taka aninahni a zirtîr avângin.

Tin, an inkhâwmna inah chuan ramhuai bawhlhlawh pai ni 23  
pakhat a lo awm a; ani chuan, “Nazaret Isu. keini leh nang engnge 24  
kan inzâwlina awm? Min tiboral túrin i lo kal em ni? Nang  
ka hria a che, Pathian mi thianghlim i *ni e*.” tiin, a au chhuak  
ta nghâl a. Tin, Isuan a hau va, “Ngawi la, a chhung ara lo 25  
chhuak rawh,” a ti a. Tin, ramhuai bawhlhlawh chuan amah 26  
sawisaa ring taka auvin a chhûng ata a lo chhuak ta a. Tin, an 27  
zain mak an ti êin êm a, chutichuan, “Hei hi engnge ni le!” zir-  
tirna thar a *ni* hi le! Ramhuai bawhlhlawhte pawh thu nei takin  
thu a pe a, a *thu* an awi zêl hi le,” tiin an inhnial a. Tin. Galili 28  
rani vêl zawng zawngah ram tinah a chanchin a thang ta nghâl a.

Tin, inkhâwmna in ata chu an chhuahin, Jakoba leh Johana 29  
nên Simona leh Andria inah chuan an lût ta nghâl a. Tin, Si- 30  
mona nupuia nu chu khawsikin a nâ a, a lo mu a; tichuan, a  
chanchin chu *Isua* an hrilh ta nghâl a; tin, ani chuan a kut a va 31  
chelh a, a kaitho ta a; tichuan a khawsik chu a reh a, an rawng  
a bâwl sak ta a.

Tin, tlai lamah, ni a tlâk hnu chuan, danilo zawng zawng leh 32  
ramhuai mante a hnênah an rawn hruai a. Akhuain kawng- 33  
khâr bulah chuan an lo awm khâwm ta mup a. Tin, mi tam 34  
tak nat tinrênga nâte chu a tidam a, ramhuai tam tak a hnawt  
chhuak bawh a; ramhuaite chuan amah chu an hriat avângin  
an tawng a phal lo.

Tin, zingah. khawvâr hma daihin a tho va, a chhuak a. thlalêr 35  
hmunah a va kal a. chutah chuan a tawngtai a. Tin, Simona 36  
leh a thiante chuan a hnungah an zui ta a; tin, ani chu an va 37  
limuh chuanin, a hnênah, “Mi zawng zawngin an zawng che asin  
le,” an ti a. Tin, ani chuan an hnênah, “Hmun dangah khaw 38  
hnaiahte chuan i kal ang u, chûngahte pawh chuan thu ka hrilh  
theihna túrin; chu chu ka rawn chhuah chhan a ni si a.” a ti a.  
Tichuan, thu hrila ramhuaite hnawichhuak zêlin Galili ram 39  
zawng zawnga an inkhâwmna inahte a lût zêl a.

Tin, a huênah phâr a lo kal a, “I duh chuan ni tithianghlin 40  
thei e,” tiin, a hmaah thingthiin, a ngên chiam a. Tin, ani chuan 41  
a lo khawngaili êm êm a, a hau ban a, a deka, “Ka duh e, lo

thianghlin tawh ang che," a ti a. Tichuan, chawplehchilhin 42  
 a phâr chu a lo reh ta nghâl a, a lo thianghlin ta a. Tin, Isua 43  
 chuan, "Tuma hnêna engmah sawi lo tûrin fîmkhur ang che; 44  
 amaherawhchu puithiam hnênah va inentir la, i inthen nân  
 Mosain thil a ruatte kha hlân rawh, an hriat fiahna tûrin," a ti  
 tlat a, a kaltir ta nghâl a. Nînahsela, ani chu a chhuak a, chu 45  
 mi chanchin chu nasa taka tlângapuiin a puang darh ta a; chu-  
 tichuan Isua chu alangin khuaah a lût thei ta lo va, thlalêr hinun-  
 ahte a awm ta zâwk a; tin, hniun tin ata a hnênah an lo kal thîn a.

**2** Tin, ni engmahw zât lai luuah Kapernaum kuaa a lo luh 1  
 leh, inah chuan a awin tih thu a lo thang ta a. Tichuan, 2  
 kawngka bulah pawh awinna rêng awm lo khawp hialin mi tam  
 tak an lo awin khâwm ta a; tin, an hnênah thu a hril ta a.

Tin, zeng pakhat, ni paliina zâwn, a huênah an rawn hmai 3  
 a. Tin, mipui avânga a kiang hmaia an lo kal theih loh avângin 4  
 a awinna in chung chu an thiat ta a; tin, an reh pawh zawhin  
 a áwngphah chu a chung a mi zeng mu chawp chuan an zuk thlák  
 a. Tichuan, Isuan an rinzia chu a lo hnuhin, zeng hnênah chuan, 5  
 "Ka fa, i sualte ngaihdam a ni tawh e," a ti a.

Tin, lehkhaziakti thenkhatte chu chutah chuan an thû a, "He 6  
 mi hian engatinge hetiang thu a sawi ni? Pathian a sawichhia 7  
 a nih hi; mi pakhat, Pathian chauh lo chuan, tuinne sualte  
 ngaidam thei ni?" tiin, an thilungin an ngaihtuah a. Tin, 8  
 Isuan an rilruin chutiingin an ngaihtuah tih a rilruin a lo hre  
 ta nghâl a, an hnênah, "Chùng thu chu engatinge in thilunga  
 in ngaihtuah ni? Zeng hnênah hian, 'I sualte ngaihdam a ni 9  
 tawh,' tih leh, 'I áwngphah la la, kein kal tawh rawh,' tih hi, a  
 enguge sawi awl zâwk? Engpawh ni sela, khawvélah Mihring  
 fapaia sual ngaihdam theihna a nei tih in hriat nân," (zeng 10  
 huênah chuan) "Tho la, i áwngphah la la, i inah kal rawh, ka 11  
 ti a che," a ti a. Tichuan ani chu a tho va, a áwngphah chu a la 12  
 ta nghâl a, an zaa mithmuhin a kal chhuak ta a; chutichuan  
 an zain mak an ti hle a, "Hetiang rêng rêng hi kan la hmu ngai  
 lo," tiin, Pathian an fak ta a.

Tin, a chhuak leh a, dîl kamah chuan a kal ta a; tin, mipui 13  
 zawng zawng chu a hnênah an va kal a, a lo zirtir ta a. Tin, a 14  
 kal pahin, Levia, Alphaia fapa chu, chhiah chawina hmuna thû  
 a hmu a, a hnênah, "Mi rawn zui rawh," a ti a. Tin, a tho va,  
 a zui ta a. Tin, heti hi a ni a, Isua chuan Levia inah chuan chaw 15  
 a kíl a, chhiahkhawntute leh mi sual tam takin Isua leh a zirtirte  
 chu an kílpuí hlawm a; an tam hle si a, amah chu an zui ve bawh  
 thîn a. Tin, Pharisaite zînga lehkhaziaktute chuan Isuan mi 16  
 sual leh chhiahkhawntute a kílpuí an hmuhin, a zirtirte hnênah  
 chuan, "Eng tizia nge chhiahkhawntute leh nû sualte hnênah

a cia a in le?" an ti a. Tin, Isuan chu chu a lo hria a, an hnênah 17  
chuan, "Mi chakte chuan dâktawr an ngai lo va, mi bawrhsâwmte  
zâwkin an ngai a ni; mi fel takte lam tûra lo kal ka ni lo va, mi  
sualte zâwk lam tûra lo kal ka ni," a ti a.

Tin, Johana zirtîrte leh Pharisaite chuan chaw an nghei a; 18  
tin, mi an lo kal a, Isua hnênah chuan, "Engatinge Johana zir-  
tîrte leh Pharisaî zirtîrte chuan chaw an nghei thîn a, i zirtîrte  
lêmin an nghei ve thîn loh?" an ti a. Isuan an hnênah, "Mo 19  
hruaitute hnêna a pasal tûr chu a awm chhûng zawng mo hruai-  
tute chuan chaw an nghei thei em ni? A pasal tûr chu an hnêna  
a awm chhûng zawng an nghei thei lo vang. Nimahsela a pasal 20  
tûr chu an hnên ata hruai bo nite a la thleng ang a, chu mi niah  
erawh chuan an la nghei ang.

"Tuman puan hlui, puan la thlâkmar loh themin an bel ngai 21  
lo; bel ang sela, a bel phuina tûr chuan a kai têt zâwk ang a,  
a thar chuan a hlui chu a kai têt ang a, a lo thlêr nasa lehzual  
ang. Tin, tuman uain thar, savun uainpeng hluiahte an thun 22  
ngai lo; thun ang sela, uain chuan savun pengte chu a tâwn puak  
ang a, uain leh savun pengte chu a boral ve ve ang; uain thar chu  
savun uainpeng tharahte an thun zâwk thîn a ni," a ti a.

Tin, heti hi a ni a, Isua chu Chawlhniah chuan buh hnunahte 23  
a kal tlang a; tin, a zirtîrte chuan an kal pahin buh vuite chu  
an thliak ta a. Tin, Pharisaite chuan a hnênah, "En teh, enga- 24  
tinge Chawlhnia tihthiang lo chu an tih ni?" an ti a. Tin, ani 25  
chuan an hnênah, "Davida leh a thainte an tlâkclihama an ril-  
tâm laia a thiltih kha in chhiar lo vem ni? Khatia Abiathara 26  
Puithiam Lalber a nih laia, Patlian ina a luli a, puithiamte chauh  
lo chuan ei thian loh chliangdali chu a ei a, a thiante hnêna a pêk  
ve thu kha?" a ti a.

Tin, amah vêkin an hnênah chuan, "Chawlhni hi mihring 27  
tâna siam a ni a, mihring hi Chawlhni tâna siam a ni lo; chuti-  
chuan Mihring Fapa hi Chawlhni chungah lan pawh hian Lal 28  
a ni," a ti a.

**3** Tin, inkhâwmna inah chuan a lût leh a; chutah chuan 1  
mi pakhat kut zeng a lo awm a. Tin, amah an hêk theih 2  
nân Chawlhniin a tihdam dâwn leh dâwn loh an mitmei-a. Tin, 3  
anin kut zeng hnênah chuan, "Lo dîng chhuak rawh," a ti a.  
Tin, an hnênah chuan, "Chawlhniah lian tihthât nge thi- 4  
ang, tihclihiat? chliandam nge thi-ang, tihhlum?" tîn, a zâwt a.  
Nimahsela an ngawi ta reng a. Tin, an thinslung sakzia chu pawh 5  
tih sak êm êmin, thinslung chungah anmahni a en vêl hnuin, chu  
mi hnênah chuan, "I kut phar rawh," a ti a. Tin, a han phar  
chhuak a, a kut chu a dam ta a. Tin, Pharisaite chu an chhuak 6

a, amah an tihhlum theihnazia tûr ngaihtuahin Heroda pâwla mite nèn chuan an inrâwn ta nghâl a.

Tin, Isua chu a zirtîrte nèn dîl lamah chuan an kal bo va; tin, 7  
Galili ram aţangin mipui nasa takin an zui ta a. Tin, a thiltih 8  
ropuizia chu an hriatin Judai ram aţang te, Jerusalem khua aţang  
te, Idumai ram aţang te, Jordan râl aţang te, Tura leh Sidon  
khaw vêl aţang tein, mipui nasa tak a hnênah an lo kal *te* a. Tin, 9  
mipui avâng chuan a tân lawnglêng lo ruat sak tûrin a zirtîrte  
a hrilh a, “Chutilochuan mi nêk huai huai dah ang e,” a ti a.  
Mi tam tak a tidam tawh si a; chutichuan na nei apiangin amah 10  
an deh theihna tûrin an bawh huai huai a. Ramhuai bawh- 11  
hlawhte pawhin amah chu an hmuh apiangin a hmaah bawh-  
khupin, “Nang Pathian Fapa chu i ni,” tiin, an au tîin a. Tin, 12  
ani chuan, a *chanchin* chu puan loh tûr an hnênah a ti tlat zêl a.

Tin, tlângah chuan a han kal a, amahin a duhzâwng apiangte 13  
chu a ko va; tin, anni chu a hnênah an han kal a. Tin, a hnêna 14  
an awm theih nân leh, thu hril tûr leh ramhuaite hnawh chhuahna  
thu nei tûra a tîrh chhuah theih nân, sâwm leh pahnih a ruat a.  
*Chûngte chu* Simona Petera a vuah te, Zebedaia *fapa* Jakoba leh 15  
Jakoba unau Johana te, (chu mite chu ‘Boanergea’ a vuah a,  
chu chu ‘Khawpuiri Fate’ tihna a ni,) Andria te, Philipa te, Bar- 18  
tholomaia te, Matthaia te, Thoma te, Alphaia *fapa* Jakoba te,  
Thaddaia te, Kanana mi Simona te, a mantîrtu Juda Iskariota 19  
te *an ni*.

Tin, inah a va lût a. Tin, mipui chu an lo kal khâwm leh a, 20  
chutichuan chhang takngial pawh an ei thei ta lo va. Tin, a 21  
chhûngte chuan chu chu an hriatin, “A â a nih chu le,” tiin, amah  
man tumin an thawk a.

Tin, lehkhaziaktute Jerusalem khua aţanga lo chhukte chuan, 22  
“Belzebula a zâwl a nih hi,” an ti a, “Ramhuai lal avângin alâwm  
ramhuaite a hnawh chhuah tîin ni,” *an ti* bawk a. Tin, Isua chuan 23  
lehkhaziaktute chu a ko va, tehkhin thuin an hnênah, “Setanan  
Setana vêk engtingge a hnawh chhuah theih? Ram pawh mahni 24  
a indo chuan, chu mi ram chu a dîng chhuak thei lo *vang*. Chhûng 25  
khat pawh mahni an indo chuan, chu mite chhûng chu an dîng  
chhuak thei lo *vang*. Setana pawh mahni indovin a inkhin si 26  
chuan, a dîng chhuak thei lo *vang* a, a boral mai zâwk *ang*. Tuman 27  
*mi* chak ina lûtin a sum chu an lâk sak thei tîin lo, *mi* chak chu  
*an* phuar hmasak zet loh chuan; chu mi hnawh *erawh* chuan a  
in chu *an* ram sak mai ang. Tih tak meuhvin ka hrilh a che u, 28  
Mihring fate hi, an sualna zawng zawngah leh Pathian sawichhiatna  
kawng engah pawh an sawichhiatnahte chuan, ngaihdam an  
ni ang; tupawh Thlarau Thianghlim meuh sawichhia erawh 29  
chuan engtikah mah ngaihdamna a hmu lo vang a, chatuan sualna

kawngah chuan thiam lohvin a lo awm zâwk ang,” a ti a. (“Ram- 30  
huai bawlhhlawh a zâwl a ni,” an tih avâng khân chu chu a sawi  
a ni.)

Tin, a nu leh a unaute chu an lo kal a, pawnsah an ding a, 31  
amah kovah mi an tîr a. Tin, a vèlah chuan mipui an lo t̃hu 32  
hlawm a; tin, a hnénah chuan, “Ngai teh, pawnsah sâwn i nu  
leh i unauten an zawng a che,” an ti a. Tin, ani chuan an hnén- 33  
ah, “Ka nu leh ka unaute chu tutenge ni?” tiin, a chhâng a.  
Tin, a kiang vèla t̃hute chu a han en vèl a, “En teh u, ka nu leh 34  
ka unaute hi! Tupawh Pathian duhzâwng ti apiang chu, chu 35  
niite ngei chu ka unaute, ka farnute, ka nute au ni asin,” a ti a.

**4** Tin, dîl kamah chuan a zirtîr leh ta a. Tin, mipuiho 1  
nasa tak mai a hnénah an rawn inkhâwm a, chutichuan,  
dîlah chuan lawngah a chuang a, a t̃hu a; mipuiho zawng zawng  
chu dîl kama khawmualah chuan an awm a.

Tin, tehkhin thuin thu tam tak a zirtîr a; a zirtîrnaah chuan 2  
an hnénah, “Ngaithla ula, en teh u; *buh chi* thehtu *buh chi* thehin 3  
a feh a; tin, heti hi a lo ni a, a theh laiin a t̃hen kalkawng sîrah 4  
a tla a, savaten an rawn t̃lânzo ta a. Tin, a t̃hen pialtlêp chung lei 5  
pan hmunah a tla a; lei a chhah loh avângin a t̃o ta nghâl a;  
nimahsela ni a lo t̃lângsân deuhvin em vuaiin a lo awm a, zung 6  
a neih loh avângin a râwp ta mai a. Tin, a t̃hen hnimhlîngnei 7  
zîngah a tla a, hnim chu a lo t̃o sâng a, a dîp ral ta a, rah rêng  
rêng a rah ta lo va. Tin, a t̃hen lei t̃haah a tla a, a t̃o va, a 8  
t̃hang lian a, a rah ta a; sawmthum te, sawmruk te, za tein a  
pung ta hlawm a,” a ti a.

Tin, amah vèkin, “Tupawh hriatna tûra beng nei chuan hre 9  
rawh se,” a ti a.

Tin, fianriala a awm laiin sâwm leh pahnihte leh a t̃huihuai 10  
dangle chuan tehkhin thute chu an zâwt fiah a. Tin, ani chuan 11  
an hnénah, “Pathian ram thurûk chu nangni hriat zawng phal a  
ni a, pawnsa mite tân erawh chuan engkim tehkhin thua tih a ni;  
chutichuan, ‘Hmuh zawng an hmu thei na a, hriat erawhchu an 12  
hriat theih lohna tûr leh, beng zawngin an hre thei na a, a ngaihna  
erawhchu an hriat theih lohna tûrin; chutichuan, an hawi kîr  
leh ang a, ngaihdam an lo ni hlah dah ang e,” a ti a.

Tin, amah vèkin an hnénah chuan, “He tehkhin thu hi in hre 13  
thei lo maw? Chuti a nih chuan engtinngê tehkhin thu dang zawng  
zawngte chu in hriat hileih ang? Buh chi thehtu chuan thu chu a 14  
theh a ni. Tin, kawng sîra thu thehnate chu hêng li an ni: thu an 15  
hriat veleh Setana chuan an rîlrûa thu theh chu a lâk sak nghâl  
t̃hîn. Tin, chutiang bawkin pialtlêp chung a theh chu hêng hi an 16  
ni: thu an hriat veleh lâwm taka pawm nghâlte hi; nimahsela 17  
amuhniah chuan zung rêng an nei lo va, rei lo t̃e chauh an awm



a; chu mi hnuah chuan thu avânga hrehawmna emaw, tihduh-  
dahna emaw a lo awm velch an tlu nghâl mai thîn. Tin, mi 18  
dangte chu hnimhlingnei zînga theh chu an ni a: chúngte chuan  
thu chu an hre tawh a, nimahsela khawvêl lungkhamnate, hausak- 19  
na bummate, thil dang châknate chu a lo luhin, thu chu a dip  
a, rah lovin a lo awm thîn. Tin, lei thaa theh chu hêng hi an 20  
ni: thu chu hriaa, pawma, a leh sawmthum te, a leh sawmruk  
te, a leh za tea rahte hi an ni,” a ti a.

Tin, amah vêkin an hnênah chuan, “Khâwnvâr chu a dahnaa 21  
dah lova, hrai hnuaiiah emaw, khum hnuaiiah emaw dah tûrin an  
rawn la ngai em ni? Puang lo tûra zêp engmah a awm si lo va, 22  
lang lo tûra thuhrûk engmah a awm hek lo. Tupawhin hriatna 23  
tûra beng an neih chuan hre rawh se,” a ti a.

Tin, amah vêkin an hnênah chuan, “In ngaihthlâk chu engnge 24  
a nih fimkhur rawh u; in tehna ngai bawkin an teh sak ang che  
u a, an pe tam zâwk mah ang che u. Tupawh a nei chu an pe 25  
belhchhah ang a; tupawh a nei lo chu a neih chhun pawh an  
lâk sak ang,” a ti a.

Tin, amah vêkin, “Pathian ram chu hetiang hi a ni: miin 26  
leiah hian chi theh sela, zânah muhlin chhûnah tho thîn sela, 27  
chi chu, a zia a hriat lohvin, lo tiakin lo thang sela; chutiang  
chu a ni. Lei hian amahin rah a rawn chhuah thîn; a tîr berah 28  
a kûng, chu mi hnuah chuan a vui; tin, chu mi hnu lehah a  
vuiah chuan buh fang pum chu. Nimahsela, rah chu a lo hmin 29  
hunin, buh lâk a lo hun tâk avângin, favah chu a phawrh nghâl  
thîn,” a ti a.

Tin, amah vêkin, “Pathian ram chu engtingge kan tehkhin 30  
ang? a nih loh leh, eng tehkhin thuin nge kan tehkhin ang?  
An tam chi fang khat leia an thehin, leia chi zawng zawng aiin 31  
tê ber mah sela, a theh hnuah cawh chuan a lo tiak a, thlai zawng 32  
zawng aiin a lo lian ta zâwk a, zâr lian tak takte a lo nei a, chuti-  
chuan chunglêng savate chu a bukah chuan an riak thei thîn;  
chutiang chu a ni,” a ti a.

Tin, chutiang tehkhin thu tam takin, an hriat theih tâwk 33  
tâwkin, thu chu an hnênah a sawi thîn a. Nimahsela, tehkhin 34  
thu lovin an hnenah thu a sawi ngai lo; amaha zirtirte hnênah  
cawh chuan fianrialah engkim a hrilhfiyah thîn a ni.

Tin, chu mi ni vêkah chuan, khua a lo tlai lamin, ani chuan 35  
an hnênah “Râl leh lamah sâwn i kai ang u,” a ti a. Tichuan, 36  
mipuite chu kalsanin, amah chu, a awm pângngai ang chuan,  
lawngah chuan an kalpui ta nghâl a. Lawng dangte pawh 37  
a hnênah a awm a. Tin, thlipui nasa tak a lo tleh a, tui fâwn-  
te chu lawngah chuan a lo fâwn lût hlawp hlawp a, chutichuan  
lawng chu a lo khat dâwn ta mai a. Tin, ani chu lukham 38

chu khama muhîlin, lawng mei lamah chuan a awm a. Tin, an kaitho va, a hnênah chuan, “Zirtirtu, kan boral hi pawî i ti lo vem ni?” an ti a. Tin, ani chu a lo harh a, thli chu a hau va, 39 dîl hnênah pawh chuan, “Ngawi la, awm hle hle rawh!” a ti a. Tin, thli chu a bâng a, a lo reh ta thup mai a. Tin, ani chuan 40 an hnênah, “Engatinge chuti êma in hlauh ni le? Rinna rêng in la nei lo a ni maw?” a ti a. Tin, hlauh namênin an hlau ta 41 lo va, “He mi hi tunge ni le, thli leh dîl lam pawhin a thu an awi hi?” an inti hlawm a.

**5** Tin, dîl râi, Gerasin mite ram chu, an lo thleng a. Tin, ½ lawng ata a chhuah hnu chuan mi pakhat, ramhuai bawhlhlawh pai, thlân ațanga lo chhuakin a rawn tâwk ta nghâl a; chu mi chuan thlânahte chuan awmna a nei thîn a, tumahin khai- 3 diat pawhin an phuar thei tawh lo va; kawlte leh khaidiatte 4 pawhin an phuar fo tawh si a; nimahsela khaidiatte chu a pawt chat a, kawlte pawh chu a tisawm thîn a; tumahin an tidawl zo hek lo. A chhûn a zânin thlânahte leh tlângahte chuan a au 5 a au thîn a, lungte pawhin a inzai fo thîn.

Tin, hla tak ațangin Isua chu a hmuh veleh a tlân a, chibai 6 a va bûk a; tin, aw ring taka auvin, “Isu, Pathian Chungnung- 7 bera Fapa, kei leh nang engnge kan inzâwlina awm? Mi nghaisa lûl lo tûrin Pathian hmingin ka ngên chiam a che,” a ti a. (Isua chuan a hnênah, “Nang, ramhuai bawhlhlawhpa, 8 mihring chhûng ata hi chhuak rawh,” a lo ti tawh si a.) Tin, 9 ani chuan, “I hming engnge ni?” tiin, a zâwt a. Tin, anin a hnênah, “Ka hming chu Nuaia a ni, tam tak kan ni si a,” a ti a. Tin, chu mi ram ata chu anmahni tîr chhuak lo tûrin Isua 10 hnênah a ngên ta chiam a.

Tin, chuta tlâng pangah chuan vawk rual tam tak an tla a. 11 Tin, ramhuai bawhlhlawhte chuan, “Vawk kawchhûngahte 12 sâwn min luhtîr rawh, anmahnia kan luh theih nân,” tiin, a hnênah an ngên a. Tin, ani chuan thu a pe a. Tichuan, 13 ramhuai bawhlhlawhte chu an chhuak a, vawk kawchhûngahte chuan an lût a; tichuan, vawk rual chu (sângnhîh lai an ni a) khâmah an tlân chhuk chiam a, dîlah an tlân lût ta a; tin, dîlah chuan tui hâkin an thi ta a. Tin, a vulhtute chu an 14 tlân a, khuah leh lovahte chuan an sawi a. Tin, “Engnge lo ni ta?” tia, en tûrin an lo kal hlawm a. Tin, Isua hnên an lo thleng 15 a, ramhuai man, nuaia mana kha, puan sina, rilru pângngai pua, thu an rawn hmu a; tichuan, an hlau ta a a. Tin, a hretute 16 chuan, ramhuai mana chung a thil thlenzia leh vawk chanchinte chu chûngho chu an lo hrih a. Tin, chûnghote chuan ani chu 17 an ram ata chhuak tûrin an ngên ta a.

Tin, lawnga a chuan dâwn lai takin ramhuai man hnua khân 18

Isua hnêna awm reng a ngên a. Nimahsela, Isuan a phal lo 19  
 va, a hnênah, "I inah i thiante hnênah haw la, Lalpan i tân thil  
 a tih sak che hi a ropuizia leh a khawngaihzia che hi va hrilh  
 rawh," a ti ta zâwk a. Tichuan, a kal a, Dekapoli khuaahte 20  
 chuan Isuan a tân thil a tih sak ropuizia chu a tlângaupui ta a;  
 tin, mi zawng zawng chuan mak an ti hle a.

Tin, Isua chu lawnga râl leh lama a lo kai leh chuan mipui 21  
 nasa tak a hnênah an lo kal khâwm a; tin, ani chu dîl kamah  
 a awm a.

Tin, inkhâwmna in hotute zînga mi pakhat, a hming Jaira 22  
 chu a lo kal a; Isua a hmuh veleh a ke bulah a bawkkhup a,  
 "Ka fanu naupang tê a thi lek lek a; a lo harha a lo dam theih 23  
 nân, lo kala a chung a i kut ngat tûrin *ka ngên a che*," tiin, a ngên  
 chiam a. Tichuan, Isua a hnênah a va kal a; tin, mipui nasa 24  
 takin an zui a, an nêk huai huai a.

Tin, hmeichhe pakhat kum sâwm leh kum hnih thi pûtin 25  
 a dam lo va, dâktawr tam tak lakah nasa takin a tuar tawh a, a  
 neih zawng zawng pawh a dekrâl zo tawh a, thathnem ahnêkin a  
 lo zual zâwk mah a; chu mi chuan Isua chanchin thute chu a lo 27  
 hria a, a hnunga mipui zîngah chuan a lo kal a, a puan chu a 28  
 dek a. "A puan chauh pawh dek lia, tihdamin ka awm mai  
 ang," tih a rilrûk a ni. Tin, chawplehchilhin a thi pût chu a  
 lo reh ta nghâl a, a nâ chu tihdam a ni tih a taksaah a inhre ta a. 29

Tin, Isua chuan a chhûng ata thiltihtheihna *chhuak phîn* chu 30  
 a chhuak tih a lo hria a, mipui zîngah chuan a hawi vêl ta nghâl  
 a, "Tunge ka puante dek kha?" a ti a. Tin, a zirtîrte chuan 31  
 a hnênah, "Mipuiin an nêk huai huai che hi i hmu si a, 'Tunge  
 mi dek?' eng tiziaa ti nge i nih le?" an ti a. Tin, ani chuan 32  
 chu mi titu chu hmuh tumin a en vêl a. Chutichuan, hmeichhia 33  
 chuan a chung a thil a tih sak chu hriain, hlau leh khûr chungin  
 a lo kal a, a hmaah a bawkkhup a, a hnênah thu dîk takin a  
 hrilh ta vek a. Tin, ani chuan a hnênah, "Ka fanu, i rinna hi i 34  
 dampui a ni e, thlamuang takin kal la, i natna ata chu lo dam  
 hlen tawh ang che," a ti a.

A la ãawng lai mêkin inkhâwmna in hotu in ata chu mi an 35  
 lo kal a, "I fanu a thi ta; engahnge zirtîrtu hi i la tihhah cheu  
 dâwn?" an ti a. Isua erawh chuan an thu sawi chu bengkhawn 36  
 lovin, inkhâwmna in hotu hnênah chuan, "Hlau suh, ring mai  
 rawh" a ti a. Tin, Petera te, Jakoba te, Jakoba unau Johana te 37  
 chauh lo chu tumah amah zui ve a phal ta lo va. Tin, inkhâwm- 38  
 na in hotu in chu an va thleng a, Isua chuan an lo buai mur mur  
 leh an lo ãap tuar tuar a an lo chiau vak vak chu a va hmu a. Tin, 39  
 a va luh chuan an hnênah, "Engatinge in bengchhena in ãah  
 ni? naupang chu a thi lo ve, a muhîl a ni zâwk," a ti a. Tin,

anni chuan an nuihsan ta mai a. Ani crahw chuan an zain a 40  
 hnawt chhuak a, naupang nu leh pa leh a hnêna awmte chu a  
 hruai a, naupang awmnaah chuan a va lût a. Tin, naupang kut 41  
 chu a chelh a, a hnênah chuan, “Talitha Kumi!” a ti a, (chu  
 chu “Chêmtê, tho rawh, ka ti a che,” tihna a ni.) Tin, hmeichhe 42  
 naupang chu a lo tho va, a kal thei ta nghâl a; amah chu kum  
 sâwm leh kum hnih mi a ni tawh rêng a. Tin, anni chuan mak  
 tih namênin mak an ti lo va. Tin, anin an hnênah, “Hei hi 43  
 tuman hre suh se,” a ti tlat a; tin, ei tûr pêk tûr thu a pe a.

6 Tin, chuta ta chu a chhuak a, a awmna khaw lam chu a 1  
 thleng ta a; a zirtirte chuan an zui zêl a. Tin, Chawlhni 2  
 a lo ni a, inkhâwmna inah a zirtir ta a; tin, mi tam tak a thu  
 hriate chuan, “He mi hian hêng *thu hi* khawi ata nge a hriat ni?  
 He mi hnêna *finna* pêk hi eng *finna* nge ni? A kutin heti kauva  
 thil mak a tih hi eng *tizia* nge ni? He mi hi Mari fapa, Jakoba 3  
 te, Josea te, Juda te, Simona te unaupa, thingrem siamtu kha  
 a ni lo vem ni? A farnute pawh hetah kan hnêna awm an ni lo  
 vem ni?” an ti a, mak an ti hle a. Tichuan, a chungah an  
 lungni ta lo va.

Tin, Isuan an hnênah, “Zâwlnei chu ama khaw lamah te, 4  
 ama laichîn zîngah te, ama inah te chauh lo chuan chawimawi  
 lohvin a awm ngai lo,” a ti a. Tin, mi damlo tlêm te chungah 5  
 kut nghata a tihdam chauh lo chu, chutah chuan thil mak rêng  
 a ti thei lo va. An rin loh avângin mak a ti hle a. 6

Tin, zirtir chung zêlin khuate chu a fang vêl a.

Tin, sâwm leh pahnihte chu a ko va, pahnih zêlin a tîr 7  
 chhuak ta a; ramhuai bawhlhlawhte chungah thuncihna a pe  
 bawk a. Tin, an zinna atân tiang chauh lo chu engmah— 8  
 chhang pawh, iptê pawh, an kâwnghrêna tangka pawh—ken  
 loh tûr a ti tlat a; pheikhawc erawh chu bun tûr a ti a; “Kawr  
 pahnih ha suh u,” a ti bawk a. Tin, amah *vêkin* an hnênah, 9  
 “Khawiah pawh in thlenna inah chuan, chuta ta in chhuah hma  
 loh chu thleng reng ang che u. Tin, khawii khua pawhin an 11  
 lawm loh che u a, in thu an ngaihthlâk lohna apiangah, chuta  
 tanga in chhuah hun chuan anmahni hriattirna tûrin in kephah  
 hnuaia vaivut kai chu thing thla ang che u,” a ti a.

Tichuan, an kal chhuak a, *simna* tûr thu an hril a; ramhuai 12  
 tam tak pawh an hnawt chhuak a, damlo tam tak pawh hriak an 13  
 hnawih a, an tidam bawk a.

Tin, lal Heroda chuan a lo hria a, a hming chu a lo thang ta 14  
 si a; “Baptistu Johana kha mitthi zîng ata a lo tho leh ta a,  
 chûvângin chûng thiltihtheihnate chuan amahah a thawk a  
 nih chu,” a ti a. Mi dang erawh chuan, “Elija a nih chu,” an 15  
 ti a; mi dangin, “Zâwlnei a nih chu, zâwlneite zînga pakhat ang

kha," an ti a. Heroda crawh chuan a lo hriatin, "Johana, a lu ka 16  
tana ngei kha, a lo tho leh ta a nih chu," a ti a.

Heroda ngei chuan a unau Philipa nupui Herodi avângin *mi* 17  
a tîr chhuak a, Johana chu a mantîr a, tân inah phuar chungin  
a lo khung tawh si a; *Herodi* chu nupuiah a lo nei tawh si a; Johana  
chuan Heroda hnênah, "I unau nupui i neih sak hi a thiang lo 18  
a ni," a lo ti tawh bawk a ni. Chuvângin Herodi chuan amah 19  
chu a hal riau va, tihhlum a châk a; nimahsela a thei si lo va:  
Herodan Johana chu mi fel leh thianghlim tak a ni tih a hriat 20  
avângin amah chu a hlau va, a humhim tlat si a; a thu a ngaih-  
thlâk chuan a mangang hle thîn a; nimahsela lâwm takin a  
ngaithla si thîn. Tin, Herodan a pian champhaphâk niah chuan 21  
a mi ropuiho te, sipai hotu lianho te, Galili rama mi lianho te  
tâna zâna ruai a theh laiin hun remchâng a lo awm ta a. Herodi 22  
fanu ngei chu a lo lût a, a lâm a, Heroda leh a chaw kîlpuite  
chu a tilâwm ta a; tichuan lal chuan hmeichhe naupang hnênah  
chuan, "I duh apiang mi dîl rawh, ka pe ang che," a ti a. "Eng- 23  
pawh mi dîl apiang chu, ka ram chanve hial pawh ka pe  
ang che," *tiin*, a hnênah chhia a chham bawk a. Tin, 24  
ani chu a chhuak a, a nu hnênah chuan, "Engnge ka dîl ang?"  
a va ti a. Tin, ani chuan, "Baptistu Johana lule," a lo ti a.  
Tin, ani chu hmanhmawh takin lal hnênah chuan a va lût ta 25  
nghâl a, "Thlêngin Baptistu Johana lu i mi pêk nghâl ka duh a  
ni," *tiin*, a dîl a. Tin, lal chu a lungngai ta êm êm mai a; 26  
nimahsela a chhechhamte leh a chaw kîlpuite avâng chuan  
a lo hnial duh lo va. Tin, lal chuan a vêngtu sipai pakhat a 27  
tîr ta nghâl a, a lu rawn lâk tûr thu a pe a. Tin, ani chuan 28  
tân inah chuan a lu a va tan a, a lu chu thlêngin a rawn la a,  
hmeichhe naupang hnênah chuan a pea; tin, hmeichhe naupang  
chuan a nu hnênah a pe a. Tin, a zirtîrte chuan an hriat veleh, 29  
a ruang chu an va hlâwm a, thlânah an zalh ta a.

Tin, tîrkohte chu Isua hnênah an rawn inkhâwm a, engkim, 30  
an thiltih apiang leh an zirtîr apiang an hrih a. Tin, ani chuan 31  
an hnênah, "Nangmahniho ngawtin thlalêr hmunah ahrangin  
lo kal ula, châwl rih rawh u," a ti a. (Mi tam tak an  
insûl zut zut a, châw takngial pawh an ei hman si lo va.) Tichuan, 32  
thlalêr hmunah lawngin an va kal hrang ta a.

Tin, *miten* an kal lai chu an hmu a, *mi* tam takin *anmahni* chu  
an hria a, khaw tin ata chutah chuan kein an tlân khâwm a, an lo 33  
lehkhalh ta a. Tichuan, ani chu *vaukama* a chhuah chuan mipui nasa 34  
tak a hmu a, vêngtu nei lo berâmte angan nih avângin a khawngaih  
ta êm êm a, thu tam tak a zirtîr ta a.

Tin, khua chu a lo tlai ta hle a, zirtîrte chu a hnênah an lo 35  
kal a, "Hei hi thlalêr hmun a ni a, khua pawh a tlai tawh si a; anni-

ho hi, kan kiang vêl lovah leh khuaahte kalin, an ei tûr engemaw 36  
 tal an lei theih nân kaltîr ta che,” an ti a. Ani erawh chuan an 37  
 hnênah, “Nangmahnin ei tûr pe rawh u,” tiin, a chhâng a. Tin,  
 anni chuan a hnênah, “Chhang duli zahnih man va leiin ei tûr kan  
 pe em ni ang?” an ti a. Tin, ani chuan an hnênah, “Chhangpêr 38  
 engzâtng e in neih? han en teh u,” a ti a. Tin, *an neih chin* an  
 hriat veleh, “Panga, sangha pahnih nê,” an ti a. Tin, ani chuan 39  
 an vaiin hlobet hring chungah chuan apâwl zêla thuttîr tûrin an  
 hnênah thu a pe a. Tin, atlarin zakhat te, sawmnga te zêlin an 40  
 thu ta hlawm a. Tin, ani chuan chhangpêr panga leh sangha 41  
 pahnih chu a la a, van lam enin mal a sâwm a, chhangpêrte chu  
 a phel a, a hmaa hlui tûrin a zirtîrte hnênah chuan a pe a; sangha  
 pahnih pawh chu mi zawng zawng zîngah a sem bawk a. Tin, 42  
 an vaiin an ei a, an puar ta hlawm a. Tin, *chhang* nawi leh sangha 43  
*nawite* chu bâwmrâng sâwm leh pahnih an rût khat a. Chhangpêr 44  
 eiture chu patling hlîr pawh sângnga an ni a.

Tin, amah ngeiin mipui chu a tîntîr vêl chhûngin râl leh lama 45  
 Bethsaida khuaa lo kal hmasa tûrin a zirtîrte chu lawngah a  
 chuan luihtîr ta nghâl a. Tin, anni chu a tîntîr hnu chuan tawng- 46  
 tai tûrin tlângah chuan a kal ta a. Tin, khua a lo tlai lamin, lawng  
 chu dîl lai takah chuan a lo awm a, ani chu amah chauhvîn khaw-  
 mualah chuan a awm a. Tin, *an* lawng karah chuan an mangang- 48  
 in a hmu a, (thliin a ni lo lamah a nem si a), khawfîng chah  
 dâwn lai vêlin dîl chungah kea kalin an lam a rawn pan a;  
 anmahni kal pelh a tum a. Nimahsela anni chuan amah chu dîl 49  
 chungah kea a kal an han hmuh chuan, hmuithla emaw an ti a, an  
 au ta vak mai a, an vaiin amah an hmu a, an thlaphâng hle a. 50  
 Nimahsela ani chuan anmahni a be ta nghâl a, an hnênah,  
 “Thlamuang takin awm rawh u: keimah ka ni alâwm; hlau suh u,”  
 a ti a. Tin, lawngah chuan an hnênah a chuang chho ve ta a, 51  
 thli chu a bâng ta mai a. Tin, mak chu an ti rilru hle a; 52  
 chhang thu chu a nagaihna an hre thiam si lo va, an thilung a  
 sak si a.

Tin, *râl leh lam* an kai chuan Gennesaret ram khawmual an 53  
 thleng a, vaukamah chuan *lawng chu* an thlung a. Tin, lawng 54  
 ata an chhuah hnu chuan *miten* ani chu an lo hre ta nghâl a,  
 chu mi ram vêl zawng zawngah an tlân ta sup sup a, a awm 55  
 tih an hriatna apiangah damlote an âwngphaha mu chungin an  
 zâwn vêl ta ruai a. Tin, khaw teahte, khaw lianahte, lovahte, 56  
 khawiah pawh a luhna apiangah damlote chu dâwr hmunahte  
 an muttîr hlawm a, a puan hmâwr tal deh theih an dîl chiam a;  
 tin, amah dek apiang chu an dam ta zêl a.

**7** Tin, Pharisaite leh lehkhaziaktute zînga mi tuteemaw, 1  
 Jerusalem khua aţanga lo kalte chu a hnênah an rawn

inkhâwm a. Chûnghote chuan a zirtîr thenkhatte kut bawlhhlawh- 2  
a chhang an ei an lo hmu tawh a. ('Bawlhhlawh' tih hi 'sil loh'  
tihna a ni.)

(Pharisaite leh Judaho zawng zawng chuan, upate thuro- 3  
chhiah chu an pawm tlat avângin an kut ngun taka an sil loh  
chuan an ei ngai si lo va. Tin, dâwr hmun ațanga an hawn 4  
pawhin an inbual loh chuan an ei ngai lo. Tin, thu dang tam  
tak pawm tlat tûra an dawnchhâwnnte chu a awm, note, bêlte, dar  
bêlte sil angte hi.)

Chutichuan Pharisaite leh lehkhaziaktute chuan, "Engatinge 5  
i zirtîrte upa thurochhiah ang zêla awm lova, kut bawlhhlawhin  
chhang an ei t̃hin ni?" tiin, an zâwt a. Tin, ani chuan an 6  
hnênah, "Isaia hian nangni mi vervêkte thu hi a lo hril lâwk  
dik zet mai,

'He miteho hian an kain mi chawimawi a,

An thinslung erawh chuan mi hlat si a.

Engpawh ni sela, an zirtîrnaa mihring thupêkte an 7  
zirtîr avângin

An mi biak t̃hin hi athlawn mai a ni,'

tih, ziaak ang hian. Pathian thupêkte chu thlahthlamin mihring 8  
thurochhiah chu in vuan tlat a nih hi," a ti a.

Tin, amah vêkin an hnênah, "Nangmahni thurochhiahte 9  
chu in pawm theihna tûrin Pathian thupêkte in duh lo hí rem  
in hre zet mai e! Mosian, 'I nu leh i pa chawimawi rawh,' 10  
'Tupawh a nu emaw, a pa emaw sawichhia apiang chu thi  
mawlh rawh se,' a ti si a; nangni erawh chuan heti hian in ti t̃hin, 11  
'Miin, a nu emaw, a pa emaw hnênah, 'I mi chhawrna tûr hi  
Korban a ni tawh,' a tih chuan,' (chu chu 'Pathian hnêna pêk,' tihna 12  
a ni a) a nu tân emaw, a pa tân emaw engmah tih sak in phal tawh  
t̃hin lo; mi hnêna in thurochhiah pêk chhawn hianin Pathian thu hi 13  
in bawh bo t̃hin a ni; chutiang thil chu tam tak in ti t̃hin," a ti a.

Tin, mipuite chu a ko leh a, an hnênah, "In zain ka thu 14  
hi ngaithla t̃heuh ula, lo ngai thiam rawh u: mihring pawn  $\frac{1}{8}$   
lam ata a kawchhûnga lûta amah tibawlhhlawh thei engmah  
a awm lo; mihring kawchhûng ata lo chhuakte chu mihring  
tibawlhhlawhtu a ni zâwk e," a ti a.

Tin, mipuihote chu ina a luhsan hnuin a zirtîrte chuan 17  
tekhin thu chu amah an zâwt fiah ta a. Tin, ani chuan an  $\frac{1}{8}$   
hnênah, "Nangni pawh chuti êma hriatna nei lo in ni maw? 18  
Engpawh pawn lam ata mihring kawchhûnga lût apiang, a  
thinlung chhûnga lût lovin, a pum chhûnga lûta, dailênnaa a  
chhuah zâwk avângin amah chu a tibawlhhlawh thei lo tih in  
hre lâwm ni?" a ti a. (Chu chu ei tûr tinrêng ei a thiàng a tihna  
a ni.) Tin, amah vêkin, "Mihring kawchhûng ata lo chhuak 20

chuan, chu ngei chuan mihring a tibawhlhlawh thîn a ni. Kaw- 21  
 chhûnga mi, mihring thinlung aţangte chuan, ngaihtuahna sualte  
 a lo chhuak si thîn: inngaihna te, rûkrûkna te, tualthahna te, 22  
 uirêna te, awhna te, sualna te, bumna te, hurna te, îtsîkna te,  
 sawichhiatna te, chapona te, âtna te hi; chûng thil sual zawng 23  
 zawngte chu kawchhûng aţangin a lo chhuak a, mihring chu  
 a tibawhlhlawh thîn,” a ti a.

Tin, a tho va, chuta ţang chuan Tura leh Sidon bialah a kal 24  
 ta a; tin, inah a lût a, tuma hriat a duh lo va; nimahsela a  
 inthup thei si lo. Chutichuan, hmeichhe pakhat, fanu naupang 25  
 tê ramhuai bawhlhlawh pai nei chuan, a chanchin a lo hria a,  
 a ke bulah a va bawkkhup ta nghâl a. Hmeichhia chu Grik mi 26  
 a ni a, pianna lamah chuan Suro-Phoiniki mi a ni a. Ani chuan  
 a fanu kawchhûng ata ramhuai hnawt chhuak túrin a ngên a.  
 Tin, ani chuan a hnênah, “ Fate chu lo puar hmasa rawh se; 27  
 fate chhang lâk saka uite hnêna paih chu a mawi lo ve,” a ti a.  
 Ani chuan a hnênah, “ Lalpa, nih zawng a ni a, *nimahsela* dawh- 28  
 kân hnuai a uite pawhin fate chhang nawite chu an ei thîn  
 alâwm,” tiin, a chhâng a. Tin, ani chuan a hnênah, “ I thu sawi 29  
 avâng chuan kal tawh le; ramhuai chu i fanu kawchhûng ata  
 a chhuak tawh e,” a ti a. Tin, a inah chuan a va hâwng a, a 30  
 fa chu ramhuai lo chhuahsan tawha, khuma mu a va hmu ta a.

Tin, Tura ram aţangin a chhuak leh a, Sidon khua tlawhin 31  
 Dekapoli ram kal tlang zêlin Galili dîl chu a thleng ta a. Tin, 32  
 mi pakhat bengngawng, ţawng pawh ţawng fiah thei lo, a hnênah  
 an rawn hruai a, a chung a kut nghat túrin an ngên a. Tin, ani 33  
 chuan mipui zîng ata amah chauh chu a hruai hrang a, a kut  
 zungţangte chuan a beng kuate a khawih a, tin, chil a chhâk a,  
 a lei a deh sak a; tin, van lam enin a thaw huai a, a hnênah,  
 “ Ephatha ” a ti a. (Chu chu “ Lo inhawng rawh,” tihna a ni.) 34  
 Tichuan, a bengte chu a lo inhawng a, a lei phuarna pawh chu 35  
 a lo inphelh a, fiah takin a ţawng thei ta a.

Tin, ani chuan an hnênah, tumah hrilh loh tûr a ti tlat a; 36  
 nimahsela a khap nasat veleh, an tlângaupui zual zâwk mah  
 thîn a. “ Ani chuan engkim ţha takin a ti a; bengngawngte 37  
 a tihvâr sak a, ţawng thei lote pawh a tiţawng thîn,” an ti a,  
 mak an ti nasa êm êm a.

**8** Chûng niahte chuan, mipuiho nasa tak an lo awm leh 1  
 a, ei tûr engmah an neih loh lai chuan, ani chuan a zirtîrte  
 chu a ko va, an hnênah, “ Mipuiho hi tûnah ni thum ka hnênah 2  
 an awm tawh a, ei tûr engmah an neih loh avângin ka khawngaih  
 êm êm a ni; chaw ngheia an ina ka hâwntîr chuan kawng. lakah 3  
 an chau dâwn si a; thenkhatte phei chu an lo kalna a hla hle si  
 a,” a ti a. Tin, a zirtîrte chuan, “ Miin heta thlalêrah hian 4



khawia chhangin nge hênggho hi an tihltai theih ang?" *tiin*, amah  
 an chhâng a. *Tin*, ani chuan, "Chhangpêr engzâtngê in `neih?" 5  
*tiin*, anni chu a zâwt a. *Tin*, anni chuan, "Pêr sarih," an ti a. 6  
*Tin*, mipuiho chu leia thu túrin thu a pe a; *tin*, chhangpêr  
 pasarih chu a la a, lăwm thu a sawi zawhin a phel a, an hnaa  
 hlui túrin a zirtîrte hnênah a pe a; *tin*, mipuihote hmaah chuan  
 an hlui ta a. Nghate tlêm tê an nei bawk a; *tin*, ani chuan 7  
 mal a sâwm sak a, chûngte pawh chu an hmaa hlui túrin thu a  
 pe a. Tichuan, an ei a, an puar ta hlawm a; *an ei* bâng nawi 8  
 pawh chu bawm sarih an rût khat a. Anni chu sângli lai an  
 ni a; *tin*, ani chuan anni chu a tîntîr ta a. 9

*Tin*, ani chu a zirtîrte hnênah lawngah chuan a chuang ta 10  
 nghâl a, Dalmanutha ram chu a thleng ta a. *Tin*, Pharisaite 11  
 an lo chhuak a, amah fiah nân, a lakah vân ata chhinchhiahna  
 zawngin ani chu an hnial ta a. *Tin*, ani chu a rilruin nasa takin a 12  
 rûm a, "Engatinge tûn lai thangtharte hian chhinchhiahna an  
 zawn? Tih tak meuhvin ka hrilh a che u, tûn lai thangtharte  
 hnênah hian chhinchhiahna rêng rêng pêk a ni lo vang," a ti  
 a. *Tin*, anni chu a kalsan a, lawngah chuan a chuang leh a, 13  
 râl leh lamah a kal ta a.

*Tin*, a zirtîrte chuan chhang an ken theihngihli a, chhangpêr 14  
 pakhat chauh lo chu lawngah chuan *chhang* dang rêng an nei si  
 lo va. *Tin*, ani chuan an hnênah, "Pharisaite dawidim leh Heroda 15  
 dawidim lakah chuan invêng ula, fîmkhur rawh u," a ti tlat a.  
*Tin*, anni chuan, "Chhang kan nei hauh lo," *tiin*, an inngaihtuah 16  
 a. *Tin*, Isuan chu chu a lo hria a, an hnênah, "Engatinge chhang 17  
 in neih loh avânga in inngaihtuah ni? Tûnah pawh in rilruin  
 in la hre lo fo maw? a ngaihna pawh in la hre lo maw? in thinlung  
 chu in tisak ta em ni? Mit nei siin in hmu lo vem ni? beng nei 18  
 siin in hre lo vem ni? in hre reng lo vem ni? Sângnga zînga chhang-  
 pêr panga ka phel lai khân a nawi kha bawmrâng engzâtngê  
 in ruh khah?" a ti a. *Tin*, anni chuan a hnênah, "Sâwm leh 19  
 pahnih," an ti a. "*Tin*, sângli zînga pasarih ka phel lai khân, a 20  
 nawi kha bawm engzâtngê in ruh khah?" a ti a. *Tin*, anni chuan  
 a hnênah, "*Bâwm* sarih," an ti a. *Tin*, ani chuan an hnênah, 21  
 "Tûnah pawh a ngaihna in la hre lo fo maw?" a ti a.

*Tin*, Bethsaida khua chu an lo thleng a. *Tin*, a hnênah mitdel 22  
 an rawn hruai a, amah dek túrin an ngên a. *Tin*, ani chuan 23  
 mitdel kut chu a chelh a, khua ata a kai chhuak a; *tin*, a mitah  
 chil a chhâk a, a chunga a kut a ngah zawhin, "Khua i hunu thei  
 em?" *tiin*, a zâwt a. *Tin*, a han dâk chhuak a, "Mihring ka 24  
 hmu a; thing kal ang maiin ka hmu si," a ti a. *Tin*, a mitah 25  
 chuan a kut a ngat leh a; *tin*, ani chuan a en reng a, a lo dam  
 ta mai a, engkim fiah takin a hmu *thei* ta a. *Tin*, *Isua* chuan, 26

“Khuaah pawh hian lût suh ang che,” tiin, a inah a hâwntîr ta a.

Tin, Isua leh a zirtîrte chu an kal chhuak a, Philipa Kaisari 27 khawperahte chuan an kal a; tin, kal pahin a zirtîrte hnênah, “Miten tunge a ni mi tih?” tiin, a zâwt a. Tin, anni chuan, 28 “‘Baptistu Johana a ni,’ an ti chia; mi dangin, ‘Elija a ni,’ an ti chia; thenkhat crawh chuan, ‘Zâwlnei tua emaw a ni,’ an ti che,” tiin, an hrilh a. Tin, ani chuan an hnênah, “Anih leh nangnin 29 tunge a ni mi tih?” tiin, a zâwt a. Petera chuan a hnênah, “Krista chu i ni,” tiin, a chhâng a. Tin, ani chuan a chanchin tumah 30 hrilh loh tûr a ti tlat a.

Tin, Mihring Fapa chuan thil tam tak a tuar tûr te, upate, 31 puithiam lalte, lehkhaziaktute duh lohva a awm tûr te, tihhluma a awm tûr te, ni thum china a thawh leh tûr te chu anmahni a zirtîr tan ta a. Chûng thu chu chiang takin a sawi a ni. Tin, 32 Petera chuan ani chu a hruai hrang a, a zilh ta a. Ani crawh 33 chu a lehawi a, a zirtîrte chu a en a, “Setan, ka hnungah kal rawh, Pathian thilte ngaihtuah lovin, mihring thilte i ngaihtuah zâwk a nih hi,” tiin, Petera a zilh ta a.

Tin, mipuiho chu, a zirtîrte nen a ko va, an hnênah, 34 “Tupawhin mi zui a duh chuan, mahni hrechawm pawisa lovin, a kraws puin mi zui rawh se. Tupawh a nun humhim duh apiangin a 35 chân ang a; tupawh keimah avâng leh Chanchin Tha avâng a nun chân apiangin a humhim ang. Miin khawvêl hi apumin 36 nei sela, a nun chân si sela, a tân engnge sâwt ang? Miin a 37 nun aiah engnge a pêk theih ang? Tupawh tûn lai thangthar 38 uirê leh thil tihswal hunangte zînga keimah leh ka thu zahpui apiang, Mihring Fapa hian, vântirhkoh thianghlimte nêna a Pa ropuinaa inthuama a lo kal hunah chuan, chu mi chu a rawn zahpui ve thung ang,” a ti a.

9 Tin, amah vêkin an hnênah, “Tih tak meuhvin ka ti a che 1 u, Heta dingho a thene hi, Pathian ram thiltihtheihna nêna lo thlang an hnuh hna loh chuan, thihna tem tawp lo tûr an awm,” a ti a.

Tin, ni ruk achinah chuan Isuan Petera te, Jakoba te, Johana 2 te chu a hruai a, ahrangin tâng sâng takah anmahni chauh a kal chhohpui a; an hmaah chuan a hmêl awmzia chu a lo danglam ta a. Tichuan, a silhfênte chu leia puan sutu rêng rêngin an sùk 3 vâ theih loh khawp hiala vâ hlakin a lo tle ta sur a. Tin, Elija 4 leh Mosia chu an hnênah an rawn inlâr a, Isua nen an inbe ho va. Tin, Peteran Isua a bia a, “Rabbi, kan tân heta awm hi a tha e; 5 bâwktê pathum kan khawh ang e, i tân pakhat, Mosia tân pakhat, Elija tân pakhat,” a ti a. (An hlauih êm êm avângin sawi tûr a 6 hleih pawh a hre si lo va.) Tin, anmahni hliahin chhûm a lo zîng 7

ta a; tin, chhûmah chuan aw a lo chhuak a, “Hei hi ka Fapa  
duh tak a ni, ama thu ngai rawh u,” a ti a. Tin, an han en vêl thuai 8  
a, anmahni hnêna Isua chauh lo chu tumah an hmu ta lo va.

Tin, tlâng ata chu an chhuk laiin, Mihring Fapa mitthi zîng 9  
ata a thawh leh hnuah chauh lo chuan an thil hmuhte chu tumah  
hrilh loh tûr a ti tlat a. Tichuan, chu thu chu an vawng reng a, 10  
“Mitthi zîng ata thawh leh chu eng tihna nge ni ang?” tiin, an  
inzâwt thîn a. Tin, annin a hnênah, “Eng tiziaa lekhaziaktuten, 11  
‘Elija a lo kal hmasa tûr a ni,’ ti nge an nih?” tiin, an zâwt a. Tin, 12  
ani chuan an hnênah, “Elija chu a lo kal hmasa dawn rêng a, engkim  
a siamtha dawn a ni; thil tam tak tuarin mi hmusitin a awm tûr  
a ni tih, Mihring Fapa chanchin eng tiziaa ziaak nge an nih?  
Nimahsela, ka hrilh a che u, Elija chu a lo kal tawh reng a ni, 13  
tin, a chanchin an ziaak ang ngei khân a chungah an duh duhin an  
ti tawh rêng bawk a,” a ti a.

Tin, zirtîrte hnên an zuk thlenin, an vêla mipui nasa takte leh 14  
lekhaziaktuten an lo hnial lai an zuk hmu a. Tin, mipui zawng  
zawng chuan amah an hmuh veleh chuan mak an ti hle a, a 15  
hnênah an tlân nghâl a, chibai an va bûk hlawm a.

Tin, ani chuan an hnênah, “Anniho nên eng thu nge in 16  
inhnial?” tiin, a zâwt a. Tin, mipui zînga mi pakhatin a hnênah, 17  
“Zirtîrtu! ka fapa, ramhuai tawng thei lo pai chu, i hnênah ka 18  
rawn hruai a; a manna apiangah a titlu vak thîn a; tichuan, a  
chilphuante a tla a, a hate a thial a, a chêr telh telh thîn a; tichuan,  
i zirtîrte hi hnawtchhuak tûrin ka ti a; an thei si lo va,” tiin,  
a chhâng a. Tin, ani chuan an hnênah, “Thangthar rinna nei 19  
lote u, eng chen nge in hnêna ka awm ang a? eng chen nge ka  
ngaihtheih ang che u? amah chu ka hnênah rawn hruai rawh  
u,” tiin, a chhâng a.

Tin, amah chu Isua hnênah an rawn hruai a; tin, ramhuai 20  
chuan ani chu a hmuh veleh *naupang* chu nasa takin a sawisa ta  
nghâl a; tichuan, leiah a tlu a, chilphuan tla zawih zawihin a  
tâl ta âwrh âwrh a. Tin, ani chuan a pa hnênah, “Hetiang a lo 21  
awm tanna hi eng chen nge ni tawh?” tiin, a zâwt a. Ani chuan,  
“A naupan lai ata tawh a ni; tichuan, amah tiboral tûrin vawi tam 22  
tak meiah te, tuih te pawh a nam thlu tawh a; nimahsela, nanging  
engemaw ti tala i tih theih chuan min khawngaih la, min pui ang  
che,” a ti a.

Tin, Isuan a hnênah, “I theih chuan â maw! ringtu atân 23  
chuan engkim tih theih a ni asin,” a ti a. Tichuan, naupang pa 24  
chuan, “Ka ring e, ka rinhlelnaah hian mi pui ang che,” tiin, a  
au chhuak ta nghâl a. Tin, Isuan mipui an lo tlân khâwm mêk 25  
a hmuhin, ramhuai bawhlawh chu a hau va, a hnênah, “Nang  
ramhuai tawng thei lo leh bengngawng, thu ka pe a che, a chhûng

ata lo chhuak la, lût leh tawh suh,” a ti a. Tichuan, a au chhuak 26  
 a, nasa taka a sawisak zawhin a lo chhuak ta a; tin, *naupang* chu  
 thi ang maiin a lo awm ta a, chutichuan *mi* tam zâwk chuan, “A  
 thi a ni,” an ti a. Isua crawh chuan a kut a chelh a, a kaitho va; 27  
 tin, a lo tho ta mai a. Tin, *Isua* chu ina a va luh chuan a zirtîrten, 28  
 “Engatinge keinin kan hnawh chhuah theih loh le?” *tiin*, fianrial-  
 ah an zâwt a. Tin, ani chuan an hnênah, “Hetiang hi *ṭawngṭai* 29  
 chauh lo chuan engtin mah a chhuak thei lo,” a ti a.

Tin, chuta ta chu an kal chhuak a, Galili ram chu an kal 30  
 tlang a, tuma hriat a duh lo va. A zirtîrte chu a zirtîr si a, an 31  
 hnênah, “Mihring Fapa hi mihringte kuta mantîrin a awm *tûr*  
 a ni a, an tihlum bawk ang a; tin, an tihhlum hnu ni thum achinah  
 a tho leh ang,” a ti a. Nimahsela, a thu sawi chu a ngaihna an hre 32  
 lo va, amah lah chu an zâwt ngam si lo va.

Tin, Kapernaum khua chu an lo thleng a; tin, in chhûngah 33  
 chuan a awm laiin an hnênah, “Kawngah khân eng thu nge in  
 inhnial le?” *tiin*, a zâwt a. Nimahsela, kawngah chuan, “*Kan* 34  
*zîngah* tunge ropui ber *ang*?” *tiin*, an lo inhnial tawh avângin an  
 ngawi ta reng a. Tin, ani chu a *ṭhu* a, sâwm leh pahnihte chu 35  
 a ko va, an hnênah, “Tupawhin hmasa ber nih a duh chuan mi  
 zawng zawng aîn hnuhnûng berah a awm *tûr* a ni a, mi zawng  
 zawng rawngbâwltauh a awm bawk *tûr* a ni,” a ti a. Tin, *naupang* 36  
*tê* a kai a, an zîngah a dintîr a; tin, a kuangkuaah a, an hnênah,  
 “Tupawh ka hmîng avângahetiang *naupang* *tê* pakhat pawh lâwm 37  
 apiang chu keimah mi lâwm *an* ni ang; tupawh kei mi lâwm  
 apiang chu, kei mi lâwm *an* ni lo vang a, mi tîrtu lâwm *an* ni  
 zâwk ang,” a ti a.

Johana chuan a hnênah, “Zirtîrtu, tuemaw i hmînga ramhuaite 38  
 hnawt chhuak kan hmu a; min zui ve loh avângin kan khap ta  
 asin le,” a ti a. Isua crawh chuan, “Khap tawh suh u; tumah 39  
 ka hmînga thil mak ti sia mi sawichhe ngâl thei an awm lo a ni.  
 Tupawh min dodâl lo chu kan lama *ṭang an* ni si a. Tupawh 40  
 Krista mi in nih avânga tui no khat in *tûr* pe apiang che u chu,  
 tih tak meuhvin ka hrilh a che u, a lâwmman *tûr* chu a chân tawp  
 lo vang.

“Tin, tupawh hêng mi ringtu mi *tête* zînga pakhat pawh 42  
 titlu apiang chu, *an* ngâwnghah buh râwt sawmna lung lian pui  
 awrhîrin tuifinriatah thlâk sela, *an* tân a *ṭha* zâwk *tûr* a ni. Tin, i 43  
 kutin a tihtlûk che chuan, tan mai rawh; kut pahnih neia Gehenna-  
 a mei mit thei lova kal ai chuan, piangsuala nunnaa luh i tân 44  
 a *ṭha* zâwk e. Tin, i kein a tihtlûk che chuan, tan mai rawh; 45  
 ke pahnih neia Gehenna-a paih ai chuan, kebaia nunnaa luh i tân  
 a *ṭha* zâwk e. Tin, i mitin a tihtlûk che chuan, kher chhuak mai 46  
 rawh; mit khing hnih neia Gehenna an lung thih ngai lohna leh mei

mih ngai lohnaa paih ai chuan, mit khing khat neia Pathian rama  
 luh i tân a tha zâwk e. Mi tin meia alin an awm dâwn si a. Chi 48  
 hi a tha e; nimahsela, chi pawh hi a dâk tawh chuan enginne an  
 tihah leh ang? Nangmahni ngeiah chi nei ula, inngeih rawh u,”  
 a ti a.

**10** Tin, a tho va, chuta tang chuan Judai ramah leh Jordan 1  
 râlah a kal ta a; tin, mipuihote chu a hnênah an rawn in-  
 khâwm leh a, tichuan, a tih dân pângngaiin a lo zirtîr leh a.

Tin, Pharisai thenkhat a hnênah an lo kal a, amah fiah 2  
 nân, “Miin nupui mâk a thiàng em?” *tiin*, an zâwt a. Tin, ani 3  
 chuan an hnênah, “Mosian engtinne thu a pêk che u?” *tiin*, a  
 chhâng a. Tin, anni chuan, “Mosia chuan inmâkna lehkha 4  
 ziakin mâk a phal thîn a ni,” an ti a. Nimahsela, Isuan an hnên- 5  
 ah, “In thinlung khauih avângin asin chu thupêk chu a zia sak  
 che u ni. Nimahsela leilung pian tih a tang chuan, ‘Anni chu 6  
 hmeichhia leh mipaah a siam a ni.’ ‘Chu mi avâng chuan mi- 7  
 pain a nu leh a pa a kalsan ang a, a nupui a vuan ang; tichuan,  
 an pahni chuan tisa pumkhat an lo ni tawh ang;’ chutichuan, 8  
 pahni an ni tawh lo va, tisa pumkhat an lo ni tawh zâwk a ni.  
 Chutichuan, Pathianin a zawm tawh chu, mihringin then suh se,” 9  
 a ti a. Tin, inah chuan a zirtîrte chuan chûng thu chu amah an 10  
 zâwt leh a. Tin, ani chuan an hnênah, “Tupawh a nupui maa 11  
 mi dang nei apiang chuan a nupui chu a uirêsan a ni; ani pawh 12  
 chuan a pasal a then a, mi dang a neih chuan, a uirê a ni bawh,”  
 a ti a.

Tin, a deh atân a hnênah naupang têt an rawn hruai a; tin, 13  
 zirtîrte chuan an lo hau va. Nimahsela, Isuan chu chu a hmuhi 14  
 a lungni lo êm êm a, *zirtîrteho* hnênah chuan, “Naupang têt ka  
 hnênah han kaltîr ula, hnar suh u; Pathian ram chu hetiang  
 mite ta a ni si a. Tih tak meuhvin ka hrilh a che u, Tupawh 15  
 Pathian ram chu naupang tein a lawm anga lâwm lo apiang a  
 chhûngah an lût tawp lo vang,” a ti a. Tin, anmahni chu a 16  
 kuangkua a, an chungah a kut nghatin mal a sâwm sak ta a.

Tin, kal tûra a chhuah laiin mi pakhat a lamah a lo tân a, a 17  
 hmaah a thingthi a, a hnênah, “Zirtîrtu tha, chatuana nunna  
 ka chan theih nân engtinne ka tih ang?” *tiin*, a zâwt a. Tin, 18  
 Isuan a hnênah, “Engatinge tha mi tih? mi pakhat chauh lo  
 chu tumah tha an awm lo, *chu chu* Pathian a ni. Thupêkte chu i 19  
 hria alâwm—‘Tual that suh, Uirê suh, Ru suh, Hêk suh, Bum  
 suh, I nu leh i pa chawimawi rawh,’ *tihle hi*,” a ti a. Tin, ani chuan 20  
 a hnênah, “Zirtîrtu, chûng thu zawng zawng chu ka naupan  
 têt ata ka zâwm thîn,” a ti a. Tin, Isuan amah chu a en a, a 21  
 hmangaih ta a, a hnênah, “Kawng khat i la bâk e; kal la, i neih  
 apiang hralh la, pachhiate hnênah pe rawh, chutichuan vânah

ro i nei ang; tin, lo kal la, mi zui ang che," a ti a. Aniaherawh- 22  
chu, chûng thu chungah chuan a hmêl a lo dur ta khup a, lungngai  
takin a kal bo ta a; sum tam tak nei mi a nih avângin. Tin, 23  
Isuan a en vêl a, a zirtîrte hnênah chuan, "Sum ngahte chu Pathian  
rama luh a va harsa dâwn êm!" a ti a.

Tin, zirtîrte chuan a thu sawi chu mak an ti hle a. Isua erawh 24  
chuan a chhâng leh a, an hnênah, "Naute u, sum ringte tân Pa-  
thian rama luh a va harsa thîn êm! Mi hausa Pathian rama luh 25  
aiin sanghâwngsei hriau bengaluh tlang a awl zâwk," a ti a. Tin, 26  
anni chuan mak an ti nasa êm êm a, a hnênah, "A nih leh, tunge  
chhandam ni thei ang le?" an ti a. Isuan anni chu a en a, "Chu 27  
chu mihring tân tih rual a ni lo va, Pathian tân erawh chu tih  
rual loh a ni lo : Pathian tân engkim tih theih a ni si a," a ti a.

Peteran a hnênah, "Ngai teh, keinin engkim kalsanin kan zui 28.  
ta chia," tîin, a han sawi tan a. Isua chuan, "Tih tak meuhvin 29  
ka hrilh a che u, tupawh keimah avâng leh Chanchin Tha avânga  
in emaw, unaupate emaw, farnute emaw, nu emaw, pa emaw, fate  
emaw, ramte emaw kalsan tawh phawt chu tân dam chhûng la la  
hian, inte, unaupate, farnute, nute, fate, ramte a leh zain, tih-  
duhdahnate nêh, hmu lo tûr tumah an awm lo; hun lo la thleng  
tûra chatuana nunna nêh. Nimahsela, mi tam tak hmasa bera 31  
awmte chu hnuhnûng berah an lo awm ang a, hnuhnûng berte  
pawh hmasa berah an la awm ang," a ti a.

Tin, Jerusalem khuah chho tûrin kawngah an awm a; Isua 32  
chuan an hua a hruai a; anni chuan mak an ti hle a; arawn  
zuitute chuan an hlau va. Tin, ani chuan sâwm leh pahnihte  
chu a hruai hrang leh a, "Ngai teh u, Jerusalem khuah kan chhoh 33  
dâwn hi; Mihring Fapa hi puithiam lalte leh lehkhaziaktute  
hnêna mantîrin a awm dâwn a ni; tin, anni chuan thi tûrin a  
chungah thu an titlu ang a, Jentailte hnênah an pe ang; tin, anni 34  
chuan nuihza siam nân an hmang ang a, chil an chhâk ang a, an  
vua ang a, an tihlum ang; tin, ni thum chinah a tho leh ang,"  
tîin, a chungah thil lo thleng tûrte chu an hnênah a hrilh ta a.

Tin, Zebedaia fapa Jakoba leh Johana chuan ani chu anrawn 35  
hnaih a, a hnênah, "Zirtirtu, i hnêna kan dîl tûr apiang che i mi  
tih sak kan duh e," an ti a. Tin, ani chuan an hnênah, "In tân 36  
engnge tih sak che u ila in duh le?" a ti a. Tin, anni chuan a 37  
hnênah, "I ropuinaah chuan i ding lamah pakhat, i vei lamah  
pakhat min thuttîr ang che," an ti a. Isua erawh chuan an hnên- 38  
ah, "In dîl chu in hre lo a ni. Ka no in tûr chu in in thei em  
ni? ka baptisma chan tûr pawh in chang thei em ni?" a ti a.  
Tin, anni chuan a hnênah, "Thei e," an ti a. Tin, Isuan an 39  
hnênah, "Ka no in tûr chu in in ang a, ka baptisma chan tûr pawh  
chu in chang ve ang: nimahsela ka ding lamah emaw, ka vei 40

lamah emawa thut tûr thu chu keia pêk tûr a ni lo va, an buatsaih sakate tân a ni zâwk ang," a ti a. Tin, sâwmte chuan chu chu an lo hriatin Jakoba leh Johana chungah chuan an lungni ta lo êm êm a.

Isua erawh chuan anniho chu a ko va, an hnênah, "Jentailte chungah rorêltua an ruatte chu an chungah an lal êm êm thîn a, an mi liante chuan an chungah thu an nei êm êm bawk thîn tih in hria. Nimahsela, nangni zîngah zawng chutiang a ni lo vang; tupawh in zînga mi lian nih duh apiang chu in rawngbâwltuah a awm zâwk tûr a ni, tupawh in zînga hmasa ber nih duh apiang chu mi zawng zawng chhiahhlawhah a awm bawk tûr a ni. Mihring Fapa meuh pawh rawngbâwl saka awm tûrin a lo kal lo va, rawngbâwl tûr leh mi tam tak tlan nâna a nun pe zâwk tûrin a lo kal a ni si," a ti a.

Tin, Jeriko khua an lo thleng a; tin, Isua Jeriko atang chuan a zirtirhote leh mipui nasa tak nêh a chhuah laiin kutdawh mitdel, Timaia fapa Bartimaia chu, kawng sirah a lo thu a. Tin, Nazaret Isua a ni tih a hriat veleh, "Isu, Davida Fapa, mi khawngaih rawh," tiin, a au ta a. Tin, mi tam takin ngawi tûrin an hau va; nimahsela ani chuan, "Davida Fapa, mi khawngaih rawh," tiin, a au zual sauh va. Tin, Isua a ding a, "Amah chu han ko teh u," a ti a. Tin, mitdel chu an ko va, a hnênah chuan, "Thlamuang takin awm la, tho rawh; a ko va che," an ti a. Tin, ani chuan a puan a paih a, a zuang tho va, Isua hnênah a kal a. Tin, Isuan amah chu a lo bia a, "I chungah engtia ka tih nge i duh?" a ti a. Tin, mitdel chuan a hnênah, "Rabboni, hmu theih ka duh," a ti a. Tin, Isuan a hnênah, "Kal tawh rawh, i rinna hi i dampui a ni e," a ti a. Tichuan, a hmu thei ta nghâl a, kalkawngah chuan Isua a zui ta a.

|| Tin, Jerusalem khua an thlen dâwna, Oliv tlânga Bethphage leh Bethani khaw kiang an thlenin, a zirtirte zînga mi pahnih a tîr a, an hnênah, "In hma zâwn khuaah sâwn va kal ta ula; tin, in luh tirhin sabengtung no thlun, tuma la chuan ngai lohna, in va hmu mai ang; chu chu phelh ula, han kai rawh u. Tin, tupawhin, 'Kha kha engahnge in tih?' an tih che u chuan, 'Lalpain a duh a ni; hetah a rawn dahtir leh thuai ang e,' ti ang che u," a ti a. Tin, an kal ta a, kawthlêrah kawngkhâr pawn lama sabengtung no thlun an va hmu a; tin, chu chu an phelh ta a. Tin, chuta ding tuteemaw chuan an hnênah, "Sabengtung no kha engahnge in phelh?" an ti a. Tin, anni chuan Isua sawi ang tak khân an hnênah an sawi a; tichuan an kal an phal ta a. Tin, sabengtung no chu Isua hnênah an rawn kai a, a chungah chuan an puante an phah a; tichuan a chungah a chuang ta a. Tin, mi tam takin kalkawngah chuan an puan an phah a; mi dangin

lova mi chhâwl sâtin an phah bawk a. Tin, a hma lama kalte leh 9  
a hnung lama rawn zuite chuan,

“Hosanna !

Lalpa hminga lo kal chu a eng a thâwl e.

Ram lo thleng tûr, kan Pa Davida ram chu, a eng a 10  
thâwl e.

Chungnung berah khian Hosanna!”

tiin, an au va.

Tin, Jerusalem khuaa, Pathian biak inah chuan a va lût a; 11  
tin, engkim a en vêl zawh chuan tlai lam pawh a lo ni ta a, a chhuak  
a, sâwm leh pahnihte nêh Bethani-ah an kal ta a.

Tin, atûkah chuan Bethani aţanga a chhuah hnuin a ril a lo 12  
ţâm ta a. Tin, theipui kûng hnah nei hla takah a han hmu a, 13  
“A rah ka hmu dah law maw,” tiin, a va kal a; tin, a va thlen  
chuanin a hnah chauh lo chu engmah a hmu lo va; theipui rah  
hun a ni lo rêng a. Tichuan, Isuan thing chu a bia a, “Tûn 14  
achinah kumkhuain i lakan tuman rah ei tawh suh se,” a ti a.  
A zirtîrhote chuan chu chu an hria a.

Tin, Jerusalem khuah chu an thleng a, Pathian biak inah chuan 15  
a va lût a, biak ina englo zuartute leh leitute chu a hnawt chhuak  
ta a, tangka thlengtuhô dawhkânte leh ţhuro zuarho ţhutphahte  
pawh chu a nam thlûk sak bawk a; tin, Pathian biak inah chuan 16  
tumahin bungrua an ken tlang a phal ta lo bawk a. Tin, an 17  
hnênah chuan, “ ‘Ka in chu hnam tin tân ţawngţaina in an ti ang,’  
tih ziaa a ni lo vem ni? Nangni erawh chuan suamhmangte  
pûkah in siam zâwk hi,” tiin, a zirtîr ta a. Tin, puithiam lalte leh 18  
lekhaziaktute chuan chu chu an hria a, amah an hlah avângin  
a tihboralna tûrzia an zawng a; mipui zawng zawng chuan a  
zirtîrna chu mak an ti hle si a.

Tin, tlai lam apiangah khawpui ata chu a kal chhuak ţhin a. 19

Tin, zînga an kal pahin theipui kûng chu a zung thlenga vuai 20  
zo vekin an hmu ta a. Tichuan, Peteran a lo hre chhuak leh a, 21  
a hnênah chuan, “Rabbi, en teh! theipui kûng ânchhia i lawh  
kha a lo vuai zo ta,” a ti a. Tin, Isuan an hnênah, “Pathian 22  
ring rawh u. Tih tak meuhvin ka hrilh a che u, Tupawh, he 23  
tlâng hnênah hian, ‘Lo insawn la, tuifinriatah lo inpaih rawh,’  
tia, a rilrua ringhlel lova a sawi chu a thleng ngei ang tih ring  
apiangin an sawi ang apiang chu an hmu ang. Chuvângin ka ti a 24  
che u, engkim in ţawngţaia in dîl apiang chu hmu tawhah inngai  
ula, tichuan in hmu ang. Tin, ţawngţaia in din hun apiangin 25  
tu chungah pawh thupawi engemaw in nei chuan ngaidam rawh  
u; in Pa vâna mi pawhin in bawhchhiatnate chu a ngaihdam  
theihna tûr che uin,” a ti a, a chhâng a.

Tin, Jerusalem khuah chu an thleng leh a; tin, Pathian biak 27



ina a lên laiin puithiam lallo te, lehkhaziaktuho te, upaho te chu  
 a hnênah an lo kal a, a hnênah chuan, "Tu thuin nge hêng thil 28  
 hi i tih? Hêng thil hi ti túrin tuinnge thu pe che?" an ti a. Tin, 29  
 Isuan an hnênah, "Kei pawhin thu kam khat ka zâwt ve ang che  
 u; mi chhâng ula, tichuan tu thuin nge hêng thil hi ka tih ka  
 hrilh ang che u. Johana baptisma kha vâna mi thu nge, mihring 30  
 thu? mi chhâng rawh u," a ti a. Tin, an inngaihtuah a, 31  
 " 'Vâna mi thu,' kan tih chuan, 'Engahnge a thu in awi loh le?'  
 min ti si ang a, 'Mihring thu,' kan ti emaw chu ni ang?"—an ti a. 32  
 Nimahsela mipui chu an hlau va; mi zawng zawngin Johana  
 chu zâwlnei taktakah an ruat hlawm si a. Tichuan, Isua an 33  
 chhâng a, "Kan hre lo," an ti a. Tin, Isuan an hnênah, "Kei pawh-  
 in tu thuin nge hêng thil hi ka tih, ka hrilh bîk lo vang che u,"  
 a ti a.

**12** Tin, tehkhin thuin an hnênah a sawi ta a :—"Tuinemaw 1  
 grêp huan a siam a, palin a hung vêl a, grêp sâwrna tûr  
 khûr a lai a, in sâng a sa a, lo enkawltute hnênah thlawhhlawh  
 tûrin a pe a, ram dangah a kal ta a. Tin, a lawh hun chuan huana 2  
 rah chu a chanai lo enkawltute hnên ata la túrin lo enkawltute  
 hnênah chuan bawi pakhat a tîr a. Tin, chu mi chu an lo man 3  
 a, an vêl a, kutruakin an kaltîr leh ta a. Tin, bawi dang an hnên- 4  
 ah a tîr leh a; chu pawh chu a luah an lo tipem a, zahthlâk takin  
 an lo sawisa a. Tin, bawi dang a tîr leh pek a; chu mi chu an lo 5  
 tihlum a. Bawi dang tam tak pawh—thenkhat an lo vêl a, thenkhat  
 an lo tihlum a. Tin, pakhat, fapa duh tak, a la nei a; 'Ka fapa 6  
 hi chu an zah ang,' tiin, ani chu a hnühnûng berah an hnênah  
 a tîr a. Nimahsela, chúng lo enkawltute chuan, 'He mi hi roluah tu 7  
 tûr chu a ni; i that ang u khai! tichuan a roluah tûr hi kan ta a  
 ni mai ang,' an inti a. Tichuan, ani chu an lo man a, an tihlum 8  
 a, grêp huan ata chu an theh chhuak ta a. Chutichuan, 9  
 huan neitupa chuan engtinngae a rawn tih ang? Lo enkawltute  
 chu a rawn tiboral ang a, huan chu mi dangte a pe ang. He Pa- 10  
 thian Lehkha Thu hi in chhiar lâwm ni?

'In satute lung duh loh kha,

Chu ngei chu a kila lung tangkai ber a lo ni ta.

Chu chu Lalpa tih a ni a,

Kan mithmuhah a mak a ni,' 11

tih hi," a ti a. Tin, amah chu man an tum ta a, nimahsela, mipui 12  
 chu an hlau va; chu tehkhin thu chu anmahni demin a sawi tih  
 an hre si a. Tichuan amah chu an kalsan a, an kal bo ta a.

Tin, a thu sawia man túrin Pharisaite leh Heroda pâwla mi 13  
 tuteemaw a hnênah an tîr a. Tichuan, anni chu an lo thlen 14  
 chuan, a hnênah, "Zirtirtu, mi dik tak i ni a, pawisak chuan tumah  
 i nei lo tih kan hria, tumah thlei bîk lovin, tih tak zetin Pathian

kawng thu i zirtîr thîn a ni; Kaisara hnêna chhiah chawi hi a  
 thiàng nge thiàng lo? Kan pe ang nge pe lo vang?" an ti a. 15  
 Ani crawh chuan an vervêkzia chu hriain, an hnênah, "Engahnge  
 mi fiah? Duli mi han lâk ula, ka lo en ang e," a ti a. Tin, an  
 rawn la a. Tin, ani chuan an hnênah, "Hei hi tu lem leh tu hming 16  
 nge ni?" a ti a. Tin, anni chuan, "Kaisara," an ti a. Tin, 17  
 Isuan an hnênah, "Kaisara thilte chu Kaisara hnênah pe ula,  
 Pathian thilte chu Pathian hnênah *pe ta che u*," a ti a. Tichuan,  
 mak an ti nasa êm êm a.

Tin, Saddukaiho, thawhlehna a awm lo tite chu, a hnênah 18  
 an lo kal a; a hnênah, "Zirtirtu, Mosian, 'Tupawh a unaupain 19  
 fa nei lovin a nupui thihsan sela, a unaupa chuan a nupui chu  
 rochungin a unaupa tân chi a thlah sak tûr a ni,' *tiin*, min ziak  
 sak a ni. *Aw* le, sal sarih an awm a; a upa berin nupui a nei a, 20  
 chi thlah lovin a thi a. Tichuan, a pahnihna chuan a rochung a, 21  
 chi thlah lovin a thi leh bawk a; a pathumna chuan chutiàng  
 bawkin. Tichuan, sal sarihte chu chi rêng rêng thlah lovin an thi 22  
 zêl a. A hnuhnûng beran hmeichhia pawh chu a thi ta a. Thawh 23  
 leh hunah chuan a tu bera nupui nge ni ang? an pasarih chuan  
 nupuiah an nei *theuh* si a," *tiin*, an zâwt a. Isuan an hnênah, 24  
 "He mi avâng hian a ni lâwm ni, in ngaih sual thîn, Pathian  
 Lehkha Thu leh Pathian thiltihtheihna in hriat loh avâng hian?  
 Mitthi zîng ata an thawh leh in nupui pasal an innei dâwn tawh 25  
 lo va, vâna vântirhkohte ang an ni dâwn tawh zâwk a ni. Tin, 26  
 mitthite kaihthawha an awm tûr thu chu—Mosia lehkhawha,  
 Hnim Buk *thuah* khân, Pathianin, 'Kei Abraham Pathian, Isaaka  
 Pathian, Jakoba Pathian ka ni,' tia, a biakzia kha in chhiar lo vem  
 ni? Ani chu mitthi Pathian a ni lo va, mi nung *Pathian* a ni zâwk; 27  
 in ngaih sual nasa hle a ni," a ti a.

Tin, lehkhaziaktute zînga mi pakhat a lo kal a, an inhnial 28  
 chu a lo ngaithla a, *Isuan* anniho chu tha takin a chhâng tih a hria  
 a, a hnênah, "Thupêk zawng zawngah a eng hi nge ropui ber?"  
*tiin*, a zâwt a. Isuan, "A ropui ber chu *hei hi* a ni; 'Israelhote u, 29  
 ngaih teh u, Lalpa kan Pathian chu Lalpa pakhat *chauh* a ni a;  
 Lalpa i Pathian chu i thinlung zawng zawngin, i thlarau zawng 30  
 zawngin, i rilru zawng zawngin, i chakna zawngzawngin i hmangaih  
 tûr a ni,' *tih hi*. A dawttu chu *hei hi* a ni, 'Nangmah i inhma- 31  
 ngaih angin i vêngte pawh i hmangaih tûr a ni,' *tih hi*. Hêng  
 aia thupêk ropui zâwk rêng rêng hi a awm lo," *tiin*, a chhâng  
 a. Tin, lehkhaziaktu chuan a hnênah, "A ni tak e, zirtirtu, 32  
 amah chu pakhat *chauh* a ni a, amah lo chu tumah dang an awm  
 lo va, amah chu thinlung zawng zawnga, hriatna zawng zawnga, 33  
 chakna zawng zawnga hmangaiha, mahni inhmagaih anga  
 vêngte hmangaih hi pumhâl thilpêk leh inthawina zawng zawng

aiin a ƿha zâwk êm êm tih hi, i sawi dik zet mai," a ti a. Tin, 34  
 ƿing takin a chhâng tih Isuan a hriatin, a hnênah chuan, "Pathian  
 ram i hlat lo ve," a ti a. Chu mi chinah chuan tuman thu rêng  
 rêng an zâwt ngam ta lo.

Tin, Isuan Pathian biak inah chuan a zirtîr laiin, anmahni 35  
 a bia a, "Krista chu Davida fapa a ni tih lehkhaziaktuten eng ti-  
 ziaa sawi ƿhîn nge an nih? Davida ngeiin, Thlarau Thianghlimin, 36

Lalpa chuan, ka Lalpa hnênah,

'I hmêlmate i ke nghahchhana ka siam hma loh zawng

Ka ding lamah ƿhu rawh,' a ti,

a ti a. Davida ngei chuan ani chu 'Lalpa,' a ti si a, khawiahnge 37  
 a fapa a nih ang?" a ti a.

Tin, vântlângho chuan lâwm takin a thu an ngaithla a. Tin, 38  
 a zirtîrnaah chuah, "Lehkhaziaktute lakah ƿimkhur rawh u;  
 anni chuan kawr fual haa lèn an duh ƿhîn a, dâwr hmunah chibai  
 bûk te, inkhâwmna inah ƿhutphah ƿha ber te, ruaithehnaah hmun 39  
 ƿha ber te an ngiat ƿhîn a; hmeithai sum an ei a, tlâng bum nân 40  
 rei tak an ƿawngtai ƿhîn; chûngho chuan thiam loh an chang  
 nasa lehzual ang," a ti a.

Tin, thawhlâwm bâwm zâwnah chuan a ƿhu a, thawhlâwm 41  
 bâwma mipuiho tangka thlâkzia chu a en a; mi hausa tam  
 takin hnem tak an thlâk a. Tin, hmeithai pachhe tê a lo kal a, 42  
 dâr tangka dere pahnih a thlâk a (chu chu pawisa pakhat hu a ni).  
 Tin, Isua chuan a zirtîrte chu a ko va, an hnênah, "Tih tak meuh- 43  
 vin ka hrih a che u, Thawhlâwm bâwma thlâktu zawng zawng  
 ai hian he hmeithai pachhe tê hian a thlâk tam zâwk. Hêng 44  
 zawng zawng hian an neih liama mi an thlâk a ni; ani erawh  
 hi chuan a duh lai tak, a neih chhun tak, a intunnunna tûr zawng  
 zawng chu a thlâk vek a ni," a ti a.

**13** Tin, Pathian biak in ata chu a kal chhuah laiin, a zirtîrte 1  
 zînga mi pakhatin a hnênah, "Zirtîrtu, en teh, a lung leh a  
 inte hi a ropui teh a nia!" a ti a. Tin, Isuan a hnênah, "Hêng 2  
 in nasa tak hi i hmu maw? tihchim lohva, lung intiang rêng rêng  
 hetah a awm lo vang," a ti a.

Tin, Oliv Tlânga Pathian biak in zâwna a ƿhut laiin, Petera 3  
 te, Jakoba te, Johana te, Andria te chuan a hnênah, "Chûng  
 chu engtikahnge a lo awm ang? chûng zawng zawng chu a thlen 4  
 dâwn hunah chhinchhiahna engnge awm ang? min hrih rawh,"  
 tiin an zâwt ru a. Tin, Isuan an hnênah, "Tuman an tihder 5  
 loh nân che u ƿimkhur rawh u. Mi tam tak, 'Krista chu ka ni,' 6  
 tiin, keima hming chhâlin an lo kal ang a, mi tam tak an tihder  
 ang. Tin, indo thu leh indo thu thangte in hriat hunin mangang 7  
 suh ang che u; chûng chu lo thleng tûr rêng a ni; nimahsela,  
 tâwpna chu a la ni rih lo vang. Hnam hrang leh hnam hrang 8

an indo vang a, ram hrang leh ram hrang an indo vang a; hmun hrang hrangah lîrte a nging ang a; tãnte a tla ang. Chũng chu nau vei tantirhna a ni.

“Nimahsela, fimkhur rawh u; rorêltute an mantîr dâwn che u a; inkhâwmna inahnte an vua ang che u a; keimah avângin hotute leh lalte hmaah anmahni hriattîrna tûrin in la ding bawk ang. Tin, Chanchin Tha hi hnam zawng zawng hnêna hrilh hmasak tûr a ni. Tin, an hruai che u a, an mantîr hunah che u chuan, ‘Engnge ka sawi ang,’ tiin, ngaihtuah lâwk suh u; a hun takah chuan a hriattîr che u apiang, chu ngei chu sawi zâwk rawh u; a sawitu chu nangni in ni dawn si lo va, Thlarau Thianghlim a ni zâwk ang. Tin, tihhlum tûrin unaupa leh unaupa an inmantîr ang a, pa pawhin a fa a mantîr bawk ang; fate pawhin an nu leh an pate an do vang a, an tihhlumtîr bawk ang. Keima hming avângin mi zawng zawng huat in ni ang; nimahsela, a tâwp thlenga tuar peih apiang chu, chu mi ngei chu chhandamin a awm ang.

“Nimahsela, tiñiautu tenawm chu a din lohna tûra ding in hmuh hunah, (a chhiar apiangin a awmzia hre rawh se) chu mi hunah chuan Judai rama awmte chu tlângahnte tlân bo rawh se; tin, in chung a awm chu chhuk suh se, a ina englo chuh tûrin lût hek suh se; tin, lova awm chu a puan chuh tûrin kîr leh suh se. Chũng ni chuan raite leh nauno pawmte chung chu a pik ang. Tin, chũng chu thlasika a lo thlen loh nân tawngtai rawh u. Chũng ni chu hrehawmna ni a ni dâwn si a, chutianga nasa rêng rêng chu Pathian siam leilung pian tîr ata tûn thlengin a la awm ngai lo va, engtikah mah a lo awm leh tawh hek lo vang. Tin, Lalpan chũng nite chu titawi suh sela mihring rêng rêng damin an chhuak lo vang; nimahsela, mi thlan, a ruatate avâng chuan nite chu a titawi a.

“Tin, chutih hunah chuan, tupawhin, in hnênah, ‘En teh u! Krista chu heta hi a awm,’ emaw, ‘En teh u! sawta saw,’ emaw an tih chuan, awi suh ang che u; Krista derte leh zâwlnei derte an lo chhuak dâwn si a, chũng chuan, chhinchhiaha leh thilmakte an ti ang, thei ang sela, thlante meuh pawh an tihder theih nân. Nangni cawhchu fimkhur rawh u, ngai teh u, engkim ka hrilh lâwk tawh che u hi.

“Nimahsela, chũng nia, chũng hrehawmna hnuah chuan, ni tihthimin a awm ang a, thla a êng tawh lo vang a, vân aţangin arsîte an lo tla ang a, vana thiltihtheihna awmte chu tihngîn a ni ang. Chutih hunah chuan Mihring Fapa hi thiltihtheihna nasa tak leh ropuina nasa tak nênn chhûm zînga lo kal an hmu ang. Chu mi hunah chuan vântirhkohte chu a tîr chhuak ang a, a thlante chu kâwl kil li ata—lei tâwp aţanga vân tâwp thlengin—a lâwr khâwm ang.

"Tichuan, theipui kúngah hian a tehkhin thu zir rawh u: 28  
A ɬang a lo no va, a hnah a lo chawr chuan nipui a thaw dâwn  
tih in hre ɬhîn; chutiang bawkin nangni pawhin, chûng chu a lo 29  
thleng in hmuh hun chuan, amah chu a lo hnai tawh a, kawngka  
bul ngeiah a awm tih, hria ang che u. Tih tak meuhvin ka hrilh 30  
a che u, chûng zawng zawng chu a thlen hma loh zawng tûn lai  
ɬhangtharte hi an ral lo vang. Lei leh vân a ral ang a, ka thu 31  
erawhchu a ral lo vang.

"Nimahsela, chu mi ni leh a dâr thu chu Pa chauh lo chuan 32  
tuman, vâna vântirhkohte pawhin, Fapa pawhin, an hre lo.

"Fîmkhur ula, inring renga awmin ɬawngɬai rawh u; a hun 33  
chu in hre si lo va. Mi, a in kalsana, a bawite chu thu neihtîra, 34  
an hnathawh tûr pe ɬeuhva, kawngkhâr vêngtu pawh inrin tûr  
thu pe zeta, ram hla taka zin ta daih ang a ni. Chutichuan inring 35  
rengin awm rawh u; in neitupa lo haw hun tûr chu, ɬlai lamah  
nge, zânah nge, arkhuanah nge, zîngah nge a nih dâwn in hre  
si lo; chutilochuan a lo haw phutin, muhîlin a rawn hmu hlah 36  
dah ang che u. Tin, in hnêna ka sawi hi mi zawng zawng hnêna 37  
sawi ka ni, Inring rengin awm rawh u," a ti ta a.

**14** Tin, ni hnih chinah chuan Kalhlên Kût leh Chhang Dawi- 1  
dim telh loh Kût a awm dâwn a; puithiam lalte leh leh-  
khaziaktute chuan, amah chu ngamthlêma mana, an tihlum  
theihna tûrzia an zawng an zawng a; nimahsela, "Kût chhûng 2  
chuan ni suh se, chutilochuan vântlâng zîngah buaina a lo awm  
hlah dah ang e," an ti a.

Tin, Bethani khuaa phâr Simona inah chuan a awm laia, chaw 3  
a kîl laiin, hmeichhe pakhat, alabasta bâwma spiknard hriak rimtui  
to tak kengin a lo kal a, a bâwm chu a tikeh a, a luah a leih a.  
Nimahsela, ɬhenkhat chu an thinur ta hlawm a, "Eng atân nge 4  
hriak rimtui hi a tihbora mai mai ni? He hriak hi duli zathum 5  
aia tam zâwka hralha, mi retheite hnêna pêk theih a ni si a," an ti  
a. Tichuan, a chungah chuan an phunnawi ta a. Isua erawh 6  
chuan, "Engmah tih suh u; engahnge in tihbuai ni? ka chungah  
hian thil ɬa tak a ti a ni. Mi retheite chu kumkhuaa in hnêna 7  
awm an ni a, in duh hun apiangin anni chu in khawngaih thei si  
a; kei erawh chu kumkhuaa in hnêna awm tûr ka ni lo. A tih 8  
theih tâwk a ti a ni; ka taksa hi phûm tûrin a lo hnawih lâwk  
a nih hi. Tichuan, tih tak meuhvin ka hrilh a che u, khawvêl 9  
zawng zawngah khawiah pawh Chanchin ɬha an hrilhna apiangah  
he hmeichhe thiltih pawh hi amah hriat rengna tûrin an sawi  
ve zêl ang," a ti a.

Tin, Juda Iskariota, sâwm leh pahnihte zînga mi pakhat 10  
khân, Isua chu an hnêna a mantîr theih nân puithiam lalte hnênah  
a va kal a. Tin, anni chuan an hriat veleh an lâwm hle a, a hnênah 11

tangka pêk an tiam ta a. Tichuan, a mantîrna tûrza remchâng a zawng ta a.

Tin, chhang dawidim telh loh *ni*, ni hmasa ber, Kalhlên Kûtna 12  
berâm no an talh ðinna *niah* chuan, a zirtîrten a hnênah, “Kal-  
hlên Kût chaw i ei theihna tûrin khawiahnge va buatsaih ila i  
duh?” an ti a. Tichuan, a zirtîrte zînga mi pahnih a tîr a, an 13  
hnênah, “Khawpuiah va lût ula, chutah chuan mipa bêla tui  
puin a tâwk ang che u a; amah chu zui ang che u. Tin, a luhna 14  
apiangah, chu in neitupa hnênah chuan, ‘Zirtîrtu chuan, Ka  
zirtîrteho nêen Kalhlên Kût chaw *kaz* eina tûr, ka mikhual pindan  
chu khawiahnge? a ti e,’ ti ang che u. Tichuan, amah ngei 15  
chuan pindan chungnung zau tak, bungraw awm sa, peih diam,  
a entîr ang che u; chutah chuan kan tân buatsaih ang che u,”  
a ti a. Tin, zirtîrte chu an chhuak ta a, khawpuiah chuan an 16  
va lût a, an hnêna a sawi ang takin an hmu a; tin, Kalhlên Kût  
chaw chu an buatsaih ta a.

Tin, khua a lo tlai lam chuan, ani chu sâwm leh pahnihte nêen 17  
an va kal ta a. Tin, an kîl a, an ei laiin, Isuan, “Tih tak meuh- 18  
vin ka hrilh a che u, in zînga mi pakhat, ka hnêna ei ve *ngêi* hian,  
mi mantîr ang,” a ti a. Tin, an lungngai ta hle a, amal malin 19  
a hnênah, “Keimah em ni?” an ti ta ðheuh va. Tin, ani chuan 20  
an hnênah, “Sâwm leh pahnihte zînga mi pakhat, thlênga mi  
chiahpuitu hi a *ni*. Mihring Fapa hi a chanchin an zia ang tak 21  
khân a kal dâwn a ni: nimahsela, Mihring Fapa mantîrtu tûr  
mihring chung chu a pik e! Chu mihring chu piang suh sela a tân  
a ðha *zâwk* ang,” a ti a.

Tin, an ei laiin Isuan chhang a la a, mal a sâwm sak zawhin 22  
a phel a, an hnênah a pe a, “La rawh u; hei hi ka taksa a ni,”  
a ti a. Tin, no a la a, lâwm thu a sawi zawhin an hnênah a pe a; 23  
tichuan, an zain an in ta ðheuh va. Tin, ani chuan an hnênah, 24  
“Hei hi ka thisen, mi tam tak tâna chhuak tûr, thuthlunna chu  
a ni. Tih tak meuhvin ka hrilh a che u, Pathian rama a thar 25  
ka in ni a *thlen* hma loh zawng grêp hrui raha mi ka in leh tawh lo  
vang,” a ti a. Tin, hla an sak zawhin, an chhuak a, Oliv Tlângah 26  
chuan an kal ta a.

Tin, Isuan an hnênah, “In zain lungni lovin in la awm vek 27  
ang, ‘Berâm vêngtu chu ka vua ang a, berâmte chu an darh ang,’  
*tih* zia ang a ni si a. Nimahsela, ka thawh leh hnuin Galili ramah 28  
in hmaah ka kal ang,” a ti a. Petera erawh chuan a hnênah, 29  
“An zain lungni lovin awm mah sela, kei zawng ka awm lo vang,”  
a ti a. Tin, Isuan a hnênah, “Tih tak meuhvin ka hrilh a che, 30  
Vawinah, zânin la laah hian, âr vawî hnih a khuan hmian, nangin  
vawî thum mi phat ang,” a ti a. Anî erawh chuan nasa takin, “I 31  
thihnaah chuan thi ve dâwn *mah* ila ka phat tawp lo vang che,”

a ti chiam a. Tin, chutiang bawk chuan an ti ta t̃heuh va.

Tin, Gethsemane an tih hmun chu an thleng a; tin, ani chuan 32  
a zirtirte hnênah, “Ka t̃awngt̃ai chhûng zawng hetah hian lo  
t̃hu rawh u,” a ti a. Tin, Petera te, Jakoba te, Johana te chu a 33  
hruai a, nasa takin a thlaphângin a lo mangang ta êm êm a.  
Tichuan, an hnênah, “Ka rilru a lungngai êm êm a, thihna 34  
khawp hial a ni; hetah hian awm ula, inring reng rawh u,” a ti a.  
Tin, tlêmin hma lamah a va kal hlek a, leiah a bawkkhup a, tih 35  
theih ni sela, chu mi hun chuan amah p̃êl t̃ûrin a t̃awngt̃ai a.  
“Abba! (Ka Pa!) engkim i ti thei a; he no hi ka hnên ata la 36  
sawn rawh; nimahsela, keia thu ni lovin, nangma thu thu ni  
zâwk rawh se,” a ti a.

Tin, a lo kal a, anniho chu muhîlin a rawn hmu a; tichuan, 37  
Petera hnênah, “Simon, i muhîl a ni maw? Dâr kâr khat pawh  
inring rengin i awm thei lo maw? Thlêmnâa in luh loh nân in- 38  
ring rengin t̃awngt̃ai rawh u. Thlarau zawngin a peih a, tisa  
erawh chu a chak lo a ni,” a ti a. Tin, a va kal leh a, a thu sawi 39  
ngai sawiin a t̃awngt̃ai leh a. Tin, a lo lêt leh chuan anniho chu 40  
muhîlin a rawn hmu leh a, an mut a chhuak hle si a; chhân ngaih-  
na pawh an hre lo va. Tin, a lo kal vawi thumnaah chuan, 41  
an hnênah, “T̃ûnah zawng muhîl ula châwl tawh rawh u! A  
tâwk tawh e; a hun chu a lo thleng ta; ngai teh u, Mihring  
Fapa hi mi sualte kutah an mantîr dâwn hi. Tho ula, i kal ang 42  
u; en teh u, mi mantirtu t̃ûr chu a lo hnaih tâk hi,” a ti a.

Tin, a la sawi lai mêkin, Juda, sâwm leh pahnihte zînga mi 43  
pakhat chu, a lo thleng ta nghâl a, ama rual chuan puithiam lalte  
leh lehkhaziaktute leh upate hnên ata mipuiho, khandaih leh  
talhtum kengin, an lo thleng bawk a. Tin, a mantirtu t̃ûr chuan, 44  
“Ka fawh apiang chu amah a ni ang; man ula, fel takin hruai  
bo ang che u,” tiin, chhinchhiahna t̃ûr a lo hrilh lâwk tawh diam  
a. Tichuan, a thlen veleah amah a va pan ta nghâl a, “Rabbi!” 45  
tiin, a fâwp ta ngawih ngawih a. Tin, ani chu an chelh a, an 46  
man ta a. Tin, a kiang dingte zînga mi tuinemaw a khandaih 47  
a phawi a, Puithiam Lalber bawi chu a sât a, a beng a sah thlâk  
sak a. Tin, Isuan anniho chu a bia a, an hnênah, “Khandaihte, 48  
talhtumte kengin suamhmang man t̃ûr ang rengin, mi man t̃ûrin  
in lo chhuak a ni maw? Pathian biak inah ni tin zirtirin in hnên- 49  
ah ka awm t̃hîn a, mi man si lo. Nimahsela, Pathian Lekhha Thu  
chu a lo thlen theihna t̃ûr a nih hi,” a ti a. Tin, an zain amah 50  
chu an thlahthlam a, an tlân bo ta vek a.

Tin, tlangvâl tuinemaw, puan zai sîn chauh inbelin, amah 51  
chu a zui a; tin, ani chu an lo man a; nimahsela, a puan zai sîn 52  
chu a kalsan a, saruakin a tlân bo ta a.

Tin, Isua chu Puithiam Lalber hnênah an hruai a; tin, ama 53

rual chuan puithiam lalte, upate, lehkhiaziaktute zawng zawng an lo kal khâwm a. Tin, Peteran hla tak ațangin amah chu a 54 zui a, Puithiam Lalber in hual chhûng kawtlai thlengin; tin, chhiahhlawhte zîngah mei lum aîn a țin ve a.

Tin, Isua an tihhlum theihna tûrin puithiam lalte leh rorêl- 55 tuteho zawng zawng chuan amah hêkna an zawng a; an hmu si lo va. Mi tam takin dâwtin an hêk a, nimahsela, an hêkna 56 thu chu a inhmu thei si lo. Tin, tuteemaw an ding a, dâwtin 57 an hêk a, “He mi hian, ‘He Pathian biak in kuta sak hi ka ținiat 58 ang a, ni thum chhûngin *biak* in dang, kuta sak loh mi, ka sa ang,’ a tih, kan hria,” an ti a. Nimahsela chuti pawh chuan an hêkna 59 thu chu a inhmu thei chuang lo.

Tin, Puithiam Lalber chu a laiah a ding chhuak a, Isua hnên- 60 ah, “Engmahin i chhâng lo maw? Hêng hian an hêkna che hi eng tizia nge ni?” tiin, a zâwt a. Ani erawh chu a ngawi reng 61 a, engmahin a chhâng lo. Puithiam Lalber chuan a hnênah, “Krista, Engthâwla Fapa chu, i ni em?” tiin, a zâwt leh a. Tin, 62 Isuan, “Ni e; Mihring Fapa hi Thiltihtheihna ding lama ținua, vân chhûm zînga lo kal in la hmu dâwn a ni,” a ti a. Tin, Pui- 63 thiam Lalber chuan a silhfênte a pawt thlêr a, “Hretudang engah- nge kan ngaih tawh ang? Pathian a sawichhiatzia chu in hre 64 tawh a; engtinge in ngaih?” a ti a.

Tin, an zain ani chu thi tlâkah an ruat hlawm a. Tin, a țin- 65 in amah chu chil an chhâk ta pang a, a hmai an tuam a, an hnek a, a hnênah, “Sawi rawh,” an ti a. Tin, chhiahhlawhte chuan an chelh pahin an bêng sawk sawk a.

Tin, Petera chu hnuai lama in hual chhûng kawtlaijah chuan 66 a awm lain Puithiam Lalber *rawngbâwltu* nula zînga pakhat a lo kal a; Petera mei lum ai chu a hmu a, a en a; “Nang pawh 67 hi Isua Nazaret mi hnêna awm kha i nih hi,” a ti a. Ani erawh chuan, “I thu sawi chu ka hre hauh lo mai, a ngaihna rêng pawh 68 ka hre hek lo,” tiin, a pha a. Tin, sumhmunah chuan a va chhuak a; tichuan, âr a khuang ta a. Tin, nula chuan a hmu 69 a, a kianga dingte hnênah chuan, “He mi hi an zînga mi a ni,” a ti leh ta a. Nimahsela a pha leh a. Tin, rei lo tê achinah a kianga dingte chuan, Petera hnênah, “An zînga mi i ni ngei mai, 70 Galili rama mi i ni si a,” an ti a. Ani erawh chuan, “Chu mihring 71 in sawia chu ka hre lo,” tiin, ânchhia inlawhin chhia a chham ta a. Tin, âr khuan vawi hnihna chu a khuang ta nghâl a. Tin, 72 Petera chuan, Isuan a hnêna, “Âr vawi hnih a khuan hmian nang- in vawi thum mi phat ang,” a tih thu kha a lo hre chhuak leh ta a. Tin, chu chu a ngaihtuahin a țin ta a.

**15** Tin, zîng a lo nih veleh puithiamte chu upate leh lehkh- 1  
ziaktute leh rorêltuho zawng zawng nên an inrâwn a, Isua



chu an phuar a, an hruai a, Pilata hnénah an pe ta nghál a. Tin, 2  
 Pilata chuan a hnénah, “Judate lal i ni em?” *tiin*, a zâwt a. Tin,  
 ani chuan a hnénah, “Ni e,” *tiin*, a chhâng a. Tin, puithiamte 3  
 chuan kawng tam takin an hék a. Tichuan, Pilatan a zâwt leh 4  
 a, a hnénah, “Engmahin i chhâng lo maw? Ngai rawh, an hékna  
 che zozai hi!” a ti a. Isua erawh chuan engmahin a chhâng 5  
 ta lo va; chutichuan Pilatan mak a ti hle a.

Tin, Pilatan kút *miah* chuan mi táng pakhat an ugen apianga 6  
 chu a chhuah sak *thin* a. Tin, mi pakhat Barabba an tih chu, 7  
 helte zingah phuarin a *lum reng* a, chúng chuan helnaah chuan  
 tual an that a ni. Tin, mipuiho an han chho va, an tán a tih sak 8  
*thin* anga ti túrin an ngén ta a. Tin, Pilatan a chhâng a, an 9  
 hnénah, “Judate lal hi chhuah sak che u ila in duh em?” a ti a.  
 (Puithiam lalten itsikna avàngin an rawn hruai tih a hre si a.) 10  
 Nimahsela, puithiam lalte chuan mipuiho chu Barabba chhuah 11  
 sak zâwk *dil* túrin an fuh pawrh a.

Tin, Pilata chuan an hnénah, “Judate lal in tiha hi enguinng 12  
 ka tih ták ang le?” *tiin*, a chhâng leh a. Tin, anniho chu, “Kraws- 13  
 ah khéngbet rawh,” *tiin*, an au leh a. Tin, Pilata chuan an hnén- 14  
 ah, “Engah maw? Engnge a tihsual ni?” a ti a. Nimahsela  
 anniho chu, “Kraws-ah khéngbet rawh,” *tiin*, an au chiam a.  
 Tichuan, Pilatan mipuiho tihlungawi a duh a, Barabba chu a 15  
 chhuah sak ta a; tin, Isua chu a vuak zawhin kraws-a khenbeh  
 túrin a pe ta a.

Tin, sipaite chuan in hual chhúng kawtlai, Praitonion an tihah 16  
 chuan, amah chu an hruai lút a, an páwla mi zawng zawng an  
 ko khâwm a. Tichuan puan sen duk an sintír a, hling lukhum 17  
 an phiar a, an khumtír a. Tin, “Chibai, Judate Lal!” *tiin*, chi- 18  
 bai an búk ta a. Tin, a luah chuan luangin an vua a, chil an 19  
 chhák a, *thingthiin* chibai an búk a. Tin, nuihza siam nân an 20  
 hman zawhin, puan sen duk chu an hlíp a, ama puan an sintír leh a,  
 kraws-a khenbeh túrin an hruai chhuak ta a. Tin, mi veivák 21  
 pakhat, ram lam ata lo kal, a kraws pu túrin an man a—Simona  
 Kurini khuua mi, Aleksandra leh Rufa pa chu.

Tin, Isua chu Golgotha hmunah an hruai a, (chu chu “Lu ruh 22  
 hmun,” tihna a ni.) Tin, uain murra néna pawlh an pe a, nimah- 23  
 sela a la duh lo va. Tin, kraws-ah an khéngbet a, an chan theuh 24  
 túr *hriat* nân *thum* vâwrin a silhfénte chu an insem a. Tin, Isua 25  
 an khenbeh chu feh reh sán lai a ni a. Tin, a hékna lehkha a chung 26  
 lamah an ziaak a, “JUDATE LAL,” *tiin*. Tin, ama rual chuan 27  
 suamhmang pahnih an khéngbet ve a; a ding lamah pakhat, a  
 vei lamah pakhat.

Tin, mi vei apiangte chuan an lu thingin “Ehei ! nang Pathian 28  
 biak in thiata ni thuma sa *lehtu*, intidam la, kraws ata kha lo chhuk 29

ta che," tiin, an tiel a. Chutiang bawkin puithiam lalte chuan, 31  
 lehkhaziaktute nân, anmahni zîngah tielin, "Mi dang mah a tidam  
 thîn a, mahni a intidam thei si lo. Kan hmuh a, kan rin theih 32  
 nân, Krista, Israel lal chu, tûnah hian kraws ata chu lo chhuk  
 ang hmiang," an ti a. Tin, ama ruala khenbeh vete chuan ani  
 chu an hau va. Tin, chawfâk hun a lo nih chuan, behliang mun 33  
 hun thlengin khawvêl a lo thim ta vek a. Tin, behliang mun hun 34  
 lai chuan Isua chu aw ring takin, "Eloi, Eloi, lama sabakthani?"  
 tiin, a au chhuak a, (chu chu "Ka Pathian, ka Pathian, engahnge  
 mi kalsan?" tihna a ni.) Tin, a kianga ding thenkhatte chuan 35  
 chu chu an hriatin, "Ngai teh u, Elija a ko a ni," an ti a. Tin, 36  
 mi pakhat a tlân a, spanj uain thûra chiah khatin, tiangah a  
 târ a, a han intîr a. "Awm rawh se, amah la thla túrin Elija  
 a lo kal emaw i en ang u," a ti a. Tin, Isua chu aw ring takin 37  
 a au va, a thlarau a thlah ta a. Tin, Pathian biak in puanzâr 38  
 chu a chung lam aţangin a hnuai lam thlengin a lo thlêr chhuak  
 ta a. Tin, a hma zâwna sipai za hotu ding chuan a thlarau chu- 39  
 tianga a thlah a hmuh chuan, "He mi hi Pathian Fapa a ni ngei  
 mai," a ti a.

Tin, hmeichhiate pawh hla taka thlîrin an awm a; chúng 40  
 zîngah chuan Mari Magdalini te, Mari Jakoba tê leh Josea nu te,  
 Salomi te *an tel a*, (chúng chu Galili rama a awm laia, amah zuia, 41  
 a rawng bâwl sak thînte chu an ni), hmeichhe dang tam tak Jeru-  
 salem khuua ama ruala chho vete chu *an tel* bawk a.

Tin, khua a lo tlai lam chuan Inrinni a nih avângin (chu chu 42  
 Chawlhni hmaa ni hi a ni) Josefa, Arimathai khuua mi, rorêltu 43  
 zahawm, Pathian ram beisei ve mi bawk, a lo kal a, huai takin  
 Pilata hnênah a lût a, Isua ruang chu a dîl ta a. Tichuan, Pilatan 44  
*chutia* a thi ta thuai chu mak a ti hle a, tichuan, sipai za hotu chu  
 kovin, a thihna a rei tawh emaw tih a zâwt a. Tin, sipai za hotu 45  
 kaa a hriat chuan, a ruang chu Josefa hnênah a pe a. Tin, 46  
 ani chuan puan zai sîn a lei a, amah chu a la thla a, puan zai  
 sîn chuan a tuam a, thlân lung kerkuakah a zalh a, thlân kawng-  
 kaah chuan lung a lum ta a. Tin, Mari Magdalini leh Josea nu 47  
 Mari chuan an zalhna chu an hmu reng a.

**16** Tin, Chawlhni chu a lo ral chuan Mari Magdalini te, Mari 1  
 Jakoba nu te, Salomi te chuan, amah hnawih tûra an va  
 kal theih nân englo rimtui an lei a. Tin, ni sarih ni hmasa berah, 2  
 zîng takah, ni chhuah hnuin, thlân chu an va thlenga. Tin, "Thlân 3  
 kawngka ata lung chu tuinnge min lum sawn sak ang aw?" an 4  
 intih lai mêkin, an han dâk a, lung chu lum sawn sain an hmu ta  
 a, a lian hle si a. Tin, thlân chhûngah *an lût a*, tlangvâl pakhat 5  
 puan vâs sin, ding lam panga thû an hmu a; an mangang ta a.  
 Tichuan, ani chuan an hnênah, "Mangang suh u; Isua Nazaret 6

mi, an khenbeh kha, in zawng a ni âwm a; a tho leh ta; hetah  
 a awm tawh lo; en teh u, an zalhna hi! Nimahsela, kal ula, 7  
 a zirtîrte leh Petera hnênah chuan, 'Galili ramah in hmaah  
 a kal dâwn a; in hnêna a sawi ang ngei khân chutah chuan in  
 hmu ang,' tiin, hrilh rawh u," a ti a. Tichuan an lo khurh a, an lo 8  
 mangan tâk avângin, an chhuak a, thlân aţang chuan an tlân  
 ta vang vang a; an hlauh avângin tuma hnênah engmah an  
 sawi lo.

Tin, ni sarîh hi hmasa ber zînga a thawh leh chuan, Mari 9  
 Magdalini, a kawchhûng ata ramhuai pasarih a hnawh chhuaha  
 hnênah khân a inlâr hmasa ber a. Tin, ani chu *Isua* awmpui 10  
 thînte hnênah a va kal a, mitthi ngaia an ţap lai chu a hrilh ta a.  
 Nimahsela, anni chuan a nung leh a, hmuh pawh a hmu tih an 11  
 hre na a, an awi si lo. Tin, chu mi hnuah chuan an zînga mi 12  
 pahnih ram lam pana an kal laiin hmêl danglam puin an hnênah a  
 inlâr leh a. Tin, anni chuan zirtîr dangte an va hrilh a, anni *thu* 13  
 pawh chu an awi chuang lo.

Tin, chu mi hnu lehah chuan, chaw an kîl laiin sâwm leh pa- 14  
 khatte hnên ngeiah a inlâr a. a thawh leh hnua a hmutute *thu*  
 chuan awi loh avângin an rin loh leh an thinlung sak kawngah  
 chuan a zilhhau ta a. Tin, an hnênah, "Khawvêl zawng 15  
 zawngah kal ula. thil siam zawug zawng hnênah chuan Chanchin  
 Tha hi hril rawh u. A ringa baptisma chang chu chhandamin an 16  
 awm ang a; a ring lo erawh chu thiam loh changin an awm ang.  
 Tin, hêng chhinchhiahnate lian ringtute chu a zui zêl ang: Ka 17  
 hmingin ramhuaeite an hnawt chhuak ang a, ţawng thartein an  
 ţawng ang a; rûlte kutin an la ang a; thihna tûr engpawh in 18  
*mah* sela engmah an ti lo vang a; damlote chuugah an kut an nghat  
 ang a, an dam zêl ang," a ti a.

Chutichuan, Lal *Isua* chu, an hnêna *thu* a sawi zawh chuan 19  
 vâna huai chholivin a awm a, Pathian dîng lamah a han ţhu ta a.  
 Tichuan, anni chu an kal chhuak a, ram tinah *thu* an hril ta a, 20  
 Lalpan aumahni a thawhpui a, a zuitu chhinchhiahnate chuanin  
*thu* chu a tinghet zêl a. Amen.

# Chanchin Tha Luka Ziak

1 Kha thil kan zînga lo thleng, a tîr ata a hmutute leh thu 1  
2 rawngbâwltuten keimahni min hrilh ang khân, mi tam takin 2  
3 ziak an tum ta a; chuvângin, Theophil tha ber, a bul ata eng- 3  
4 kim fel takin ka chhui a, indawt zêlin i tân ziak ila a tha ang, ka ti 4  
5 a ni; hmâna thu an zirtîr che kha dik tak a ni tih i hriat theih 5  
6 nân.

7 Judai ram lal Heroda a dam laiin, Abija pâwla mi a hming 7  
8 Zakaria puithiam pakhat a awm a; chu mi chuan Arona thlah 8  
9 zînga mi nupuiah a nei a, a hming chu Elizabeti a ni. An pahni- 9  
10 hin Pathian mithmuhin fel takin an awm a, sawisêlbovin Lalpa 10  
11 thupêk leh a dân zawng zawng zâwmin an awm thîn. Nimahse- 11  
12 la Elizabeti a chin avângin fa an nei lo, an pahnihin upa tak an 12  
13 ni si a.

14 Tin, heti hi a ni a, a pâwlte tih dân ang zêla Pathian hmaa 14  
15 puithiam a chêt laiin, puithiam dân angin Lalpa biak ina luh leh 15  
16 englo rimtui hâl a chang. Tin, englo rimtui hâl hun laiin mipuiin 16  
17 an zain pâwnah an tawngtai a. Tin, Lalpa vântirhkoh pakhat 17  
18 englo rimtui hâlna maichâm ding lama dingin a hnênah a inlâr a. 18  
19 Tin, Zakarian a hmuh veleh a mangang a, hlah pawh a hlau va. 19  
20 Nimahsela vântirhkoh chuan a hnênah, “Zakari, hlau suh, i dîl 20  
21 kha a hria asin, i nupui Elizabetin fapa a hrin sak ang che, a hming-  
22 ah Johana i sa tûr a ni. Tin, nang i hlimin i lâwm ang a; amah 22  
23 a pianin mi tam tak an lâwm bawh ang. Lalpa ngaihin mi lian 23  
24 a ni ang a, uain leh zû rêng rêng a in lo vang; a nu pum chhûng  
25 a tang rêngin Thlarau Thianghlimin a lo khat ang. Israela thlah- 24  
25 te tam tak Lalpa an Pathian hnên lamah a hawitîr leh ang. Tin, 25  
26 pate thinlung chu fate lama hawitîr tûr te, mi tihmawhte chu mi  
27 fel tak finna lama hawitîr tûr te, Lalpa tâna mi lo inpeih tûrtea  
28 buatsaih tûrin Elija rilru leh a thiltihtheihna puin Lalpa hmaan  
29 a kal ang,” a ti a. Tin, Zakarian vântirhkoh hnênah chuan, 28  
30 “Chu chu engtinnge ka hriat ang? kei putar ka ni a, ka nupui  
31 pawh pitar a ni si a,” a ti a. Tin, vântirhkoh chuan a chhâng 29  
32 a, a hnênah, “Gabriela, Pathian hmaa ding thîn ka ni a; a be tûr  
33 che leh, chûng thu tha chu hrilh tûr cheinrawn tîr ka ni. Ngai 30  
34 rawh, ka thu sawite, a hun taka lo thleng tûr chu, i awi loh avângin  
35 chûng thil chu a lo thlen hma loh zawng i ngawi reng ang a, tawng  
36 pawh i tawng thei lo vang,” a ti a.

37 Tin, vântlângho chuan Zakaria chu an lo ngâk a, Pathian 21

biak in chhûnga a awm rei avâng chuan mak an ti hle a. Tin, 22  
a lo chhuah chuan an hnênah thu a sawi thei ta lo va; tichuan,  
biak inah thlarau inlâr a hmu a ni tih an hre ta a; tin, an hnênah  
a zaizir fo va, tawng thei lovin a awm ta reng a. Tin, heti hi a ni 23  
a, a rawngbâwna hun ni bi chu a kim veleh chuan a inah a haw ta a.

Tin, chu mi hnuah chuan a nupui Elizabeti chu a lo rai ta a,  $\frac{2}{3}$   
“Mi hnêna ka hming chhia chhîh nân Lalpan mi hmuhin heti  
hian mi tih sak ta,” tiin, thla nga a biru a.

Tin, a thla ruknaah chuan Pathianin vântirhkoh Gabriela 26  
chu, Galili rama khaw pakhat Nazaret an tihah chuan, nula thiang-  
hlim pakhat hnênah a tîr a, chu nula chu Davida thlaha mi a 27  
hming Josefa nupui hual a ni a; nula hming chu Mari a ni. Tin, 28  
vântirhkoh chu a hnênah a lût a, “Chibai, Vohbik ! Lalpa i hnênah  
a awm,” a ti a. Tin, chu mi thu sawi avâng chuan a mangang 29  
ta êm êm a, “Eng tiziaa chibai mi bûk nge ni ang ?” tiin, a inngaih-  
tuah a.

Tin, vântirhkoh chuan a hnênah, “Mari, hlau suh; Pathian 30  
ngaihsakzâwng i ni e. Ngai rawh, i rai ang a, fapa i hring ang a, 31  
a hmingah chuan Isua i sa tûr a ni. Anî chu mi lian a la ni ang 32  
a, Chungnungbera Fapa an ti ang; Lal Pathianin a hnênah a  
thlahtu Davida thutphah chu a pe ang a; Jakoba thlahte chungah 33  
chatuanin a lal ang a, a ramin kin ni a nei lo vang,” a ti a. Tin, 34  
Marin vântirhkoh hnênah chuan, “Chûng chu engtinnge ni ang?  
mipa ka nei si lo,” a ti a.

Tin, vântirhkoh chuan a chhâng a, a hnênah, “Thlarau Thiang- 35  
hlim i chungah a lo thleng ang a, Chungnungbera thiltihtheihnain  
a hliahkhuh ang che; chuvângin mi thianghlim lo piang tûr  
pawh chu Pathian Fapa an ti ang. Tin, ngai teh, i laichînnu 36  
Elizabeti pawhin a tar hnuin mipa a pai ta; a ching an tih thîn  
kha, tûn thla hi a thla rukna a ni tawh. Pathian thu chhuak rêng 37  
rêng thil ti thei lovin a awm lo vang,” a ti a. Tin, Marin, “Ngai 38  
teh, Lalpa bawinu ka ni, i thu ang zêlin ka chungah thleng rawh  
se,” a ti a. Tin, vântirhkoh chuan a kasan ta a.

Chûng lai chuan Mari chu a tho va, thingtlângah, Judai rama 39  
khaw pakhatah chuan a kal ta thuai a; tin, Zakaria inah a lût a, 40  
Elizabeti chibai a bûk a. Tin, heti hi a ni a, Elizabetin Mari 41  
chibai bûk chu a hriat veleh, a pum chhûnga nautê chu a che a;  
tin, Elizabeti chu Thlarau Thianghlimin a lo khat ta a; tin, aw  
ring takin a au va, “Nang chu hmeichhia azawnga engthâwl i ni, 42  
i rîla rah pawh a engthâwl a ni. Ka Lalpa nu ka hnêna i lo kal 43  
hi eng tizia nge ni le? Ngai teh, i chibai bûk thâwm ka 44  
benga a luh veleh, a lâwm avângin nautê ka pum chhûngah a  
chê a ni. A ringnu pawh a eng a thâwl a ni, a hnêna Lalpain 45  
thu a sawi kha a thleng dâwn si a,” a ti a.

Tin, Marin, 46  
 “Ka nunin Lalpa a chawimawi e,  
 Ka thlarau pawh mi chhandamtu Pathian chungah 47  
 a lăwm ta êm êm a.  
 A bawinu hnam tlăwmzia a hmu a, a khawngaih a; 48  
 Ngai rawh, tûn achinah thangthar zawng zawngin  
 nihlawh mi ti dăwn a ni.  
 Mi chak khân ka chungah thil ropui tak mi tih sak a, 49  
 A hming pawh a thianghlîm a ni.  
 A tihute chu thangthar thlengin a khawngaih zêl thîn. 50  
 A bânin a tha chakzia a entîr a, 51  
 Mi chapote chu an inggaihtuahnaîn a tidarh ta a.  
 An thutphaha lal thute chu a hnûk thla a, 52  
 Hnam tlăwmte chu a chawimawi ta a.  
 Riltâmte chu thil tha takin a tipuar a, 53  
 Hausate chu kutruakin a kal botîr ta a.  
 Kan thlahtute hnêna a sawi ang khân, 54  
 Abrahama leh a thlahte chu chatuana a khawngaih 55  
 tûrzia hriat reng nân,  
 A chhiahlawh Israelte chu a chhawmdăwl ta a,”

a ti a.

Tin, Mari chu thla thum lai a hnênah a awm a, tin, a in lamah 56  
 a haw leh ta a.

Tin, Elizabeti nau hrin chu a lo hun ta a; tichuan fapa a rawn 57  
 hring a. Tin, a vêngte leh a laichînte chuan Lalpan a khawngaih 58  
 êm êm tih an lo hria a, an lăwmpui a.

Tin, heti hi a ni a, a ni riat niah chuan nausên serh tan tûrin 59  
 an lo kal a; a hmingah a pa hming vêk Zakaria baw'k sak an tum  
 a. Tin, a nun, “Ni lo ve, ani zawng Johana sak zăwk tûr a ni,” 60  
 a ti a, a chhâng a. Tin, annin a hnênah, “I laichînte zîngah he 61  
 mi hming pu hi tumah an awm hlei nê,” an ti a. Tin, a pa 62  
 hnênah chuan, zaizirin, “A hmingah engnge sa ila i duh?” an ti a.  
 Tin, lehkha ziakna phêk a dîl a, “A hming Johana a ni e,” tiin, a 63  
 ziak a. Tin, an zain mak an ti hle a. Tin, chawplehchilhin 64  
 a kâ leh a lei chu a lo inphelh a, Pathian fakin a lo tawng chhuak  
 ta ngâl a. Tin, an vêla awmte zawng zawng chuan an hlau ta a. 65  
 Tin, chúng thu chu Judai ram thingtlâng zawng zawngah a thang  
 vêl ta a. Tin, a hria apiangin, an rilruah lungkhamah an nei a, 66  
 “Chu nausên chu engtin tak la awn ang maw.” an ti a; Lalpa  
 kutin amah a tanpui si a.

Tin, a pa Zakaria chu, Thlarau Thianghlîmin a lo khat a, a 67  
 sawi lăwk a,

“Lalpa, Israela Pathian chu, fakin awm rawh se, 68  
 A mite chu a rawn tlawh a, tlanna a siam sak a,

A chhiahhlawh Davida chhûngte zîngah chuan 69  
 Chhandamna ki min siam sak ta si a;  
 (Leilung pian tirh ata a zâwlnei thianghlimte kaa a 70  
 sawi ang khân)  
 Kan dote lakah leh min hawtute zawng zawng laka 71  
 chhandamna chu;  
 Kan thlahutute khawngaih nân leh 72  
 A thuthlung thianghlim hriat reng nân;  
 Kan thlahu Abrahama hnênah chhia a chham kha, 73  
 Kan dote lakah kan him a,  
 Kan dam chhûng zawng a mithmuha thianghlim leh fel 74  
 taka awma,  
 Hlau lova a rawng min bâwtîr tûr thu kha.  
 A ni, Taite, nang hi Chungnungbera zâwlnei an ti ang 76  
 che;  
 A kawngte siam tûrin Lalpa hmaah i kal dâwn si a;  
 Kan Pathian thintlunga khawngaihna avângin 77  
 An sualte ngaihdam nân  
 A mite hnênah chhandamna thu hriattîr tûrin.  
 Chu mi avâng chuan chung lam aţangin ni chhuak-  
 in min rawn tlawh ang,  
 Thim zingah leh thihna hlima ţhute ên tûr leh 79  
 Thlamuanna kawnga kan ke pêntîr tûrin,"

a ti a.

Tin, nausên chu a lo ţhang lian deuh deuh va, a rilru lam a lo 80  
 nghet ta telh telh a, Israelte hnêna a rawn inlâr hma loh zawng  
 thlalêrah a awm reng a.

**2** Tin, chúng lai chuan heti hi a ni a, Kaisara Awgustan 1  
 khawvêl zawng zawng hming ziaik tûr thu a pe a. (Chu 2  
 chu Suria rama Kurinia Ram Awptu a nih laia hming ziaik hmasa  
 ber chu a ni. Tichuan, mi zawng zawng chu an hming ziaik tûrin 3  
 anmahni khua ţheuhvah an kal a. Tin, Josefa pawh, Davida 4  
 chhûngte leh a thlah a nih avângin, Galili rama Nazaret khua  
 aţangin, Mari a nupui hual rai ţeuh chung nên chuan, hming  
 ziaik tûrin, Judai rama Davida khua Bethlehem an tihah chuan  
 an kal ta a. Tin, heti hi a ni a, chuta an awm lai chuan a hrin  
 a lo hun ta a. Tin, a fa tîrah mipa a hring a; tin, puanin a tuam 6  
 a, khualbûka an len ve tâk loh avângin ran chaw pêkna thlêngah 7  
 a muttîr a.

Tin, chu mi ram vêkah chuan berâm vêngtute an awm a, 8  
 zânah an berâmho an vêng a, phûlah an riah chilh a. Tin, Lalpa 9  
 vântirhkoh pakhat an kiangah a lo ding a, Lalpa ropuinain an  
 vêl chu a rawn chhun êng a; tichuan an hlau ta êm êm a. Tin, 10  
 vântirhkoh chuan an hnenah, "Hlau suh ulang, ngai rawh u, mi

tin ta tûr chanchin t̃ha lăwmawm êm êm ka rawn thlen che u  
a ni. Vawinah hian in tân Davida khuaah Chhandamtu a piang 11  
ta, Lal Krista chu. Tin, hei hi in tân chhinchhiaha tûr 12  
a ni; nausên puana tuam, ran chaw p̃kna thlênga mu in hmu  
ang,” a ti a. Tin, thăwkkhatan vântirhkoh hnênah chuan vâna 13  
miho mipui an lo awm ta chiam a, Pathian an fak a,

“Chungnung berah Pathian ropui takin awm rawh se, 14  
Lei chung a lawm êm êm mihringte hnênah rem thu  
lêng rawh se,”

an ti a.

Tin, heti hi a ni a, vântirhkohte chuan vâna an kalsan veleh, 15  
berâm vêngtute chuan, “Tûnah Bethlehem khaw thlengin kal  
ila, Lalpan thu mih hrilh lo thleng chu i en ang u,” an inti a. Ti- 16  
chuan, an kal thuai thuai a, Mari nên, Josefa nên, ran chaw p̃kna  
thlênga nausen mu nên chuan an hmu a. Tin, an va hmuh chuan 17  
nausên chanchin thu vântirhkohvin a hrilh kha an sawi vêl a.  
Tin, a hria apiang chuan berâm vêngtute thu sawi chu mak an ti 18  
hle a. Mari erawh chuan thu sawi zawng zawng chu a rilruin a 19  
ngaihtuah a, a vawng reng a. Tin, berâm vêngtute chuan vâ- 20  
tirhkoh hrilh ang ngeia engkim an hmuh a an hriat avângin,  
Pathian chawimawi leh fak chung zêlin an kîr leh ta a.

Tin, a serh tanna tûr ni riat a lo tlin chuan, a hmingah chuan, 21  
chhûla a awm hma rênga vântirhkohvin a sak tawh sa, Isua an sa a.

Tin, Mosia dân anga an inthen ni a lo thlen chuan, ani chu 22  
(Lalpa Dân thua, “Mipa f̃a chhûl keu apiang chu Lalpa tâna ruat  
an ti ang,” tia zia ang khân) Lalpa hnêna hlân tûr leh, Lalpa  
Dân thua zia angin t̃huro tuak khat emaw pârva no pahnih emaw  
talh tûrin Jerusalem khuaah an han hruai a.

Tin, ngai teh, Jerusalem khuaah chuan mi pakhat a hming 25  
Sumeona a awm; chu mi chu mi fel tak leh Pathian ngaihsak  
tak a ni a, Israelte thlamuantu tûr chu a nghâk reng a, a chungah  
Thlarau Thianghlim a awm a. Tin, Lalpa Krista chu a hmuh 26  
hma loh chuan a thi lo vang tih Thlarau Thianghlimin a lo hriattîr  
tawh rêng a. Tin, Thlarau hriattîrin Pathian biak inah chuan a va 27  
lût a; nausên Isua chu a nu leh a pain Dân pângngai anga a  
chungah tih sak tûra an rawn hruai luh lai chuan, ani chuan a lo 28  
kuangkuaah a, Pathian a fak a,

“Lalpa, tûnah, i thu ang zêlin, 29

I bawi hi thlamuang takin i kaltîr dâwn a;

I chhandamna, mi tin hmuha i siam kha, 30

Ka mitin a hmu ta e;

Jentailte hnêna tihlanna êng leh 32

I mi Israelte ropuina tûr chu,”

a ti a. Tin, nausên thu a sawi chu a nu leh a pa chuan mak añ 33



ti hle a. Tin, Sumeonan an mal a sâwm sak a, a nu Mari hnênah, 34  
 “Ngai rawh, he naupang hi Israel zînga mi tam tak tiral tûr leh  
 din chhuahtîr tûra ruat a ni, chhinchhiaahna hnial tûra nê—a ni,  
 nanga thinlung pawh ngûnhnâmin a la chhun tlang ang—mi tam 35  
 takin an thinlunga an ngaihtuahte chu a lan nân,” a ti a.

Tin, mi pakhat, a hming Anni, zâwlnei, Phanuela fanu, Asera 36  
 hnama mi, a awm a, (ani chu tar tak a ni a, a nulât bân achin a  
 pasal hnênah kum sarih a awm a, tin, kum sawmriat leh kum li 37  
 zet a hmeithai a), ani chuan Pathian biak in kalsan lovin a chhûn  
 a zânin chaw ngheitea tawngtâiin Pathian a be thîn. Tin, chu 38  
 mi lai tak chuan ani chu a lo kal a, Pathian hnênah lâwm thu a  
 sawi a, Jerusalem khaw tlan beisei apiangte hnênah chuan Isua  
 chanchin a sawi bawk a.

Tin, Lalpa dân ang zêla thil zawng zawng an tih zawhin, Ga- 39  
 lili rama, anmahni khua Nazaret-ah chuan an haw leh ta a.

Tin, nausên chu a lo sei lian deuh deuh va, a lo chak telh telh a, 40  
 finin a khat ta a, Pathian khawngaihna a chungah a awm bawk a.

Tin, kum tinin, Kalhlên Kût hunin, a nu leh a pa chu Jerusalem 41  
 khuaah chuan an kal thîn a. Tin, ani chu kum sâwm leh kum 42  
 hnih a nihin kût dân pângngaiin an han kal a; tin, an tiak a, an  
 haw laiin, naupang Isua chuan Jerusalem khuaah a awmsan a; 43  
 a nu leh a pa chuan an hre si lo va. Chutichuan an pâwl zîngah 44  
 a awm emaw an ti a, ni khat kawng an kal a, an laichînte leh an  
 hmêlhriatte zîngah an zawng a. Tin, an hmuh loh avângin zawng 45  
 chung zêlin Jerusalem khuaah an kir leh ta a. Tin, heti hi a ni a, 46  
 ni thum chinah chuan, Pathian biak inah, zirtîrtute zînga t̃hua, an  
 thu lo ngaithlaa lo zâwtin an hmu ta a. Tin, a thu hria apiang 47  
 chuan a hriatzia leh a chhânzia chu mak an ti hle a.

Tin, a nu leh a pa chuan amah chu an hmuhin mak an ti hle a; 48  
 tichuan, a nun a hnênah, “Ka fa, engatinge hetia min tih? Ngai  
 teh, i pa leh keiin thlaphâng takin kan zawng che a ni,” a ti a.  
 Tin, ani chuan an hnênah, “Engahnge mi zawn ni? ka Pa ina 49  
 ka awm tûr in hre lo vem ni?” a ti a. Tin, an hnêna a thu sawi 50  
 chu a ngaihna an hre lo va. Tin, an hnênah a kal thla a, Nazaret 51  
 khua chu a zu thleng a, an thu zâwmin a awm a. Tin, a nu chuan  
 chúng thil zawng zawng chu a rilruah a vawng reng a.

Tin, Isua chu a fing deuh deuh va, a lo lian telh telh a, Pathian 52  
 leh mihring duh sakin a awm deuh deuh va.

**3** Tin, Tiberia Kaisara a lal achin kum sâwm leh kum nga 1  
 kumah (Pontia Pilata chu Judai Ram Awptu a ni a, Heroda  
 chu Galili ram lal a ni a, a unau Philipa chu Iturea leh Trakonis  
 ram lal a ni a, Lusania chu Abilene ram lal a ni a, Ana leh Kai- 2  
 apha chu Puithiam Lalberte an ni a,) thlalêrah Zakaria fapa Johana  
 hnênah chuan Pathian thu a lo thleng a. Tin, ani chu Jordan lui 3

kam vèl ram tinah a kal a, thil tihsual ngaihdam nân sinna bap-  
tisma thu a hril zêl a; zâwlnei Isaia thu buah 4

“Thlalêra mi au râwl chuan,

‘Lalpa lamlan sial ula

A kawngte tingîl rawh u,

Kawr tin chhûn khah a ni vek ang a, 5

Tlâng tin, mual tin, tihhniam a ni bawk ang;

Kawng kawite a lo ngîl ang a,

Kawng bumbohte a lo rual bawk ang;

Tin, mi zawng zawngin Pathian chhandamna chu 6  
an hmu ang,’ a ti,”

tih ziaak ang khân. Tin, ani chuan baptisma chang tûra a hnêna 7  
mipui lo chhuakte hnênah chuan, “Rûl thlahte u, thinur lo thleng  
tûr hi tlânsan tûrin tuinnge zilhe u? Chutichuan sim hming 8  
pu tlâkin rah rawh u, ‘Abrahama kan thlahtu a ni alâwm,’ in  
rilruin ti mai suh ang che u; Pathianin hêng lungte hi Abrahama  
thlahahthe a dintîr thei e, ka tih che u hi. Tûn apangin hreipui 9  
thing bul tinah an dah ta; chutichuan, thing tin rah t̃haa rah lo  
apiang an kit a, meiah an paih t̃hîn,” a ti a.

Tin, mipuite chuan a hnênah, “Engnge kan tih tûr le?” an ti 10  
a, an zâwt a. Tin, ani chuan an hnênah, “Tupawh kawr pahni 11  
nei chuan a nei lo hnênah pe rawh se; tupawh ei nei chuan  
chutiang bawkin ti rawh se,” a ti a, a chhâng a. Tin, chhiah- 12  
khawntute pawh baptisma chang tûrin an lo kal a, a hnênah, “Zir-  
tîrtu, engnge kan tih tûr?” an ti a. Tin, ani chuan an hnênah, 13  
“An rêl sak ang che u aliam chu va phût suh u,” a ti a. Tin, 14  
sipaite pawhin a hnênah, “Keini pawhin engnge kan tih tûr?”  
an ti a, an zâwt a. Tin, ani chuan an hnênah, “Tumah tiduh-  
dahin va hêk suh u; in hlawh tâwk apiangah lungawi rawh u,”  
a ti a.

Tin, miten an beisei a, mi zawng zawngin Johana chung thu 15  
an thilungah, “Krista a lo ni mial dahlaw maw?” tia, an ngai-  
tuah laiin, Johana chuan a chhâng a, an zaa hnênah, “Kei zawngin 16  
tûin ka baptis t̃hîn che u a; nimahsela keimah aia mi ropui a lo kal  
dâwn e, a pheikhawh hrui phelh tlâk pawh ka ni lo ve; ani chuan  
Thlarau Thianghlim leh meiin a baptis ang che u, a kutin a sisêp a 17  
keng a, a hrui zah fai hliauna tûr leh, a zêma a buh khungna tûrin;  
a si erawh chu mei mit thei lovin a hâlral ang,” a ti a. Tin, fuihna 18  
thu dang tam takin mite hnênah Chanchin Tha a hril t̃hîn a.

Nimahsela, lal Heroda chu a nau nupui Herodi chung tuah 19  
leh a thil tihsual zawng zawng chungah chuan Johanan a zilhhau  
avângin a thil tihsual zawng zawng belhchhahin ani chu tân 20  
inah a khung ta a.

Tin, heti hi a ni a, mi zawng zawngin baptisma an chan zawhin, 21

Isua pawhin baptisma a chang a, a tawngtai a, vân a lo inhawng a, Thlarau Thianghlim chu taksa puin thuro angin a lo chhuk a, 22 a chungah a fu ta a; tin, vân a tângin aw a lo chhuak a, “Nang ka Fapa duh tak i ni; i chungah ka lâwm êm êm e,” a ti a.

Tin, Isuan a zirtir tântirh lai khân amah chu kum sawmthum 23 lai a ni tawh, mi ngaih chuan Josefa fapa a ni a,

Chu mi chu Helia fa a ni a,  
Chu mi chu Matthata fa a ni a, 24

Chu mi chu Levia fa a ni a,  
Chu mi chu Melkia fa a ni a,

Chu mi chu Janna fa a ni a,  
Chu mi chu Josefa fa a ni a, 25

Chu mi chu Matthathia fa a ni a,  
Chu mi chu Amoia fa a ni a,

Chu mi chu Nahuma fa a ni a,  
Chu mi chu Eslia fa a ni a,

Chu mi chu Naggaia fa a ni a,  
Chu mi chu Maatha fa a ni a, 26

Chu mi chu Matthathia fa a ni a,  
Chu mi chu Semeia fa a ni a,

Chu mi chu Joseka fa a ni a,  
Chu mi chu Joda fa a ni a,

Chu mi chu Joana fa a ni a, 27  
Chu mi chu Hrisa fa a ni a,

Chu mi chu Zerubbabela fa a ni a,  
Chu mi chu Salathiela fa a ni a,

Chu mi chu Neria fa a ni a,  
Chu mi chu Melkia fa a ni a, 28

Chu mi chu Addia fa a ni a,  
Chu mi chu Kosama fa a ni a,

Chu mi chu Elmadama fa a ni a,  
Chu mi chu Era fa a ni a,

Chu mi chu Isua fa a ni a, 29  
Chu mi chu Eliezera fa a ni a,

Chu mi chu Jorima fa a ni a,  
Chu mi chu Matthata fa a ni a,

Chu mi chu Levia fa a ni a,  
Chu mi chu Sumeona fa a ni a, 30

Chu mi chu Juda fa a ni a,  
Chu mi chu Josefa fa a ni a,

Chu mi chu Jonama fa a ni a,  
Chu mi chu Eliakima fa a ni a,

Chu mi chu Melca fa a ni a, 31  
Chu mi chu Menna fa a ni a,

Chu mi chu Matthata <i>fa a ni a,</i>	
Chu mi chu Nathana <i>fa a ni a,</i>	
Chu mi chu Davida <i>fa a ni a,</i>	
Chu mi chu Jessaia <i>fa a ni a,</i>	32
Chu mi chu Obida <i>fa a ni a,</i>	
Chu mi chu Boaza <i>fa a ni a,</i>	
Chu mi chu Salmona <i>fa a ni a,</i>	
Chu mi chu Nasona <i>fa a ni a,</i>	
Chu mi chu Aminadaba <i>fa a ni a,</i>	33
Chu mi chu Arama <i>fa a ni a,</i>	
Chu mi chu Esroma <i>fa a ni a,</i>	
Chu mi chu Pharesa <i>fa a ni a,</i>	
Chu mi chu Juda <i>fa a ni a,</i>	
Chu mi chu Jakoba <i>fa a ni a,</i>	34
Chu mi chu Isaaka <i>fa a ni a,</i>	
Chu mi chu Abrahamama <i>fa a ni a,</i>	
Chu mi chu Tera <i>fa a ni a,</i>	
Chu mi chu Nahora <i>fa a ni a,</i>	
Chu mi chu Seruga <i>fa a ni a,</i>	35
Chu mi chu Reua <i>fa a ni a,</i>	
Chu mi chu Pelega <i>fa a ni a,</i>	
Chu mi chu Ebera <i>fa a ni a,</i>	
Chu mi chu Sela <i>fa a ni a,</i>	
Chu mi chu Kainana <i>fa a ni a,</i>	36
Chu mi chu Arphaksada <i>fa a ni a,</i>	
Chu mi chu Sema <i>fa a ni a,</i>	
Chu mi chu Nova <i>fa a ni a,</i>	
Chu mi chu Lameka <i>fa a ni a,</i>	
Chu mi chu Metthusela <i>fa a ni a,</i>	37
Chu mi chu Enoka <i>fa a ni a,</i>	
Chu mi chu Jareda <i>fa a ni a,</i>	
Chu mi chu Mahalaleela <i>fa a ni a,</i>	
Chu mi chu Kainana <i>fa a ni a,</i>	
Chu mi chu Enoa <i>fa a ni a,</i>	38
Chu mi chu Seta <i>fa a ni a,</i>	
Chu mi chu Adama <i>fa a ni a,</i>	
Chu mi chu Pathian <i>fa a ni a.</i>	

**4** Tin, Isua chu Thlarau Thianghlimin a khat a, Jordan †  
 lui aṭangin a kîr leh a, diabola thlêm chungin thlalêrah ni  
 sawmli Thlarau hruaün a awm a.

Tin, chúng ni chuan engmah a ei lo; tin, a tâwpah chuan 3  
 a ril a lo ṭâm ta a. Tin, diabola chuan a hnênah, “Pathian Fapa  
 i nih chuan, he lung hi chhanga chang tûrin thu pe rawh,” a ti a.

Tin, Isuan a hnénah, “ ‘Mihring hi chhang chauhvín an nung lo 4  
vang,’ tih ziaak a ni,” a ti a, a chhâng a.

Tin, a hruai chho va, mit khap kâr lovan khawvêl ram zawng 5  
zawng a entîr a. Tin, diabola chuan a hnénah, “Hêng zawng 6  
zawng chung a thuneihna leh a ropuina hi ka pe ang che; ka  
hnêna pêk a ni tawh si a, ka duh apiang hnénah ka pe bawk thîn  
a ni. Chutichuan, chibai mi bûk la, a zain i ta a ni vek ang,” 7  
a ti a. Tin, Isuan a hnénah, “ ‘Lalpa i Pathian chibai bûk la, 8  
ama rawng chauh bâwl rawh,’ tih ziaak a ni,” a ti a, a chhâng a.

Tin, *diabola* chuan Jerusalem khuaah a hruai a, Pathian biak 9  
in chhîp zumah chuan a dah a, tin, a hnénah, “Pathian Fapa i  
nih chuan, heta tâng hian tla thla rawh;

‘Nangmah humhim tûr chein 10

I chung thuaah zawng

A vântirhkohte chu thu a pe ang,’

tih leh,

‘An kutin an dâwm ang chia 11

Chutilochuan i kein lung i chhuih hlauh dah ang e,’

tih ziaak a ni si a,” a ti a. Tin, Isuan a hnénah, “ ‘Lalpa i Pathian 12  
fiah suh,’ tih a ni e,” tiin a chhâng a.

Tin, diabolán a thlêmna tûr tînrênga a thlêm zawh chuan, 13  
a remchân hun atân a kalsan ta a.

Tin, Isua chu Thlarau thiltihtheihna puin Galili ramah a 14  
haw leh ta a; tin, a chanchîn chu chu mi vêl ram tinah chuan a  
thang ta a. Tin, an inkhâwmna inahte a zirtîr zêl a, mi zawng 15  
zawng fakin a awm a.

Tin, a sei lenna khua Nazaret chu a lo thleng a; tin, Chawlh- 16  
nia a tih dân pângngaiin inkhâwmna inah a lût a, chhiar tûrin  
a ding a. Tin, zâwlnei Isaia lehkhabu chu a hnénah an pe a. 17

Tin, lehkhabu zial chu a phelh a, he thu ziaakna lai hi a chhar a,

“Riangvaite hnénah Chanchin Tha hril tûra mi ruat 18  
avângin

Lalpa Thlarau chu ka chungah a awm;

Ani chuan, salte hnêna chhuahna thu leh,

Mitdelte hnêna mitvâr neih lehna thu sawi tûr te,

Tihduhdah tuarte chhuahtîrna tûr te,

Lalpa lungawi kum thu sawi tûr tein, 19

Mi tîr a ni,”

*tih hi.* Tin, lehkhabu chu a zial a, rawngbâwltu a pe leh a, a t̃hu 20  
ta a. Tin, inkhâwmna ina mi zawng zawng mit chu a chungah a  
fu a. Tin, an hnénah, “He Pathian Lehkha Thu hi vawîinah hian 21  
in hriatah a lo thleng ta,” tiin a sawi t̃an a. Tin, an zain 22  
amah an fak a, a kam chhuak khawngaih thute chu mak an ti hle a.  
Tin, “He mi hi Josefa fapa a ni lo vem ni?” an ti a.

Tin, ani chuan an hnénah, “Nangnin he tehkhin thu hi, 23  
 ‘Dáktawr, nangmah íntidam rawh,’ ‘Kapernaum khuaa í thiltih  
 kan lo hriat apiang kha, hetah nangnia khaw lamah pawh hian  
 ti rawh,’ tiin, inin la hrih dâwn ngei nâk hi,” a ti a. Tin, amah 24  
 vêkin, “Tih tak meuhvin ka hrih a che u, Zâwlnei tumah niahni  
 khaw lama min an lâwm ngai lo. Chutichuan, dik takin ka ti a 25  
 che u, Elija dam laia, kun thum leh thla ruk vâw a pin a, khaw-  
 vêla tâm nasa tak a lo tlâk khân, Israel ranah hmeithai tam tak  
 an awm a; nimahsela an zingah tuma huénah Elija tirh a ni lo va, 26  
 Sidon ram lama Sarepta khuaa, hmeichhe pakhat hmeithai hnén-  
 ah chauh *tirh a nih* zâwk kha. Tin, zâwlnei Elisa dam lai *pawh* 27  
 khân Israel ramah phâr tam tak an awm a; nimahsela an zingah  
 tunah tihthianghlimin an awm lo va, Naamana Suria rama mi  
 chauh *tihthianghlimin a awm tâk* zâwk kha,” a ti a.

Tin, inkhâwmna ina mi zawng zawng chuan, chúng thu chu 28  
 an hriat veleh, an lo thinur êm êm a, an tho hlawm a, khu a 29  
 chu an nam chhuak a, pailh thlâk túrin an khaw awmna khâm  
 kovah chuan an hruai ta a. Nimahsela, ani chu an kârah a kal 30  
 tlang a, a kal ta zêl mai a.

Tin, Galili rama khaw pakhat, Kapernaum-ah chuan a zuk 31  
 kal ta a. Tin, Chawlhniin mite a zirtîr a; tin, thu nei taka a sawi 32  
 avângin, a thu zirtîr chu mak an ti hle a.

Tin, inkhâwmna inah chuan ramhuai bawhlhlawh thlarau 33  
 pai mi pakhat a lo awm a; ani chu aw ring takin, “A ! Nazaret 34  
 Isu, keini leh nang engnge kan inzâwlina awm ? min tiboral túrin  
 i lo kal em ni ? Nang ka hria a che, Pathian Mî Thianghlîm i ni e,”  
 tiin a au chhuak a. Tin, Isuan a hau va, “Ngawi la, a chhûng ata 35  
 lo chhuak rawh,” a ti a. Tin, ranhuai chuan a laiah a titlu zet a,  
 tina lovin a chhûng ata chu a lo chhuak ta a. Tin, an zain mak an 36  
 ti hle a, “Hei hi eng thu nge ni le ? Thlu nei tak leh thil ti thei  
 takin ramhuai bawhlhlawhte thu a pe a, an chhuah hi,” tiin an  
 inbia a. Tin, chu mi vêl ran khaw tinal a chanchin a thang ta a. 37

Tin, a tho va, inkhâwmna in ata chu a chhuak a, Simona inah 38  
 a lût ta a. Tin, Simona nupuia nu chu nasa takin a khu a lo sik  
 a, tichuan a tân an lo ngen sak a. Tin, a kiangah a ding a, khaw- 39  
 sik chu a hau va, a reli ta a; tin, a tho ta ngâl a, an rawng a bâwl  
 sak ta a.

Tin, ni tlâk dâwn laiin natna hrang hranga nâ, dam lo nei 40  
 apiangin a hnénah an rawu hruai a; tin, an zaa chungah chuan  
 a kut a ngat theuh va, a tidam ta zêl a. Tin, ramhuaite pawh, 41  
 “Pathian Fapa i ni,” tia auvin, mi tam tak kawchhûng ata an lo  
 chhuak a. Tin, anmahni a hau va, Krista a ni tih an hriat avângin  
 an tawng a phal lo.

Tin, khawvâr veleh a chhuak a, thlalêr hmunah a kal a; tin, 42

mipuite chuan an zawng a, a hnénah an lo kal a, anmahni a kalsan loh nân chelh an tum a. Nimahsela, ani chuan an hnénah, “Khaw dangahte pawh Pathian ram Chanchin Ṭha ka hril túr a ni, chu mi aváng chuan tîrh ka ni si a,” a ti a. Tichuan Galili rama inkhâwmna inahte thu a hril a.

**5** Tin, heti hi a ni a, mipuiin Pathian thu an ngaihthlâk a, amah an bâwr huai huai laiin, ani chu Gennesaret dîl kamah chuan a ding a; tin, dîl kamah chuan lawng pahnih awm a hmu a, nimahsela sangha mantute chu an chhuak a, an lênte an su a. Tichuan, lawng pakhat Simona ta zâwkah chuan a chuang a, a hnénah vaukam ata tléma tawlh luh deuh a dîl a. Tin, a ṭhu a, lawng aṭang chuan mipuite chu a zirtîr ta a.

Tin, thu sawi a bán chuan, Simon hnénah, “Li thúk lam pan la, sangha man túrin in lênte dêng rawh,” a ti a. Tin, Simonan a hnénah, “Zirtirtu, rim takin zankhuain kan bei a, engmah kan man lo va, nimahsela i thuin lênte ka dêng leh ang e,” a ti a, a chhâng a. Tin, an han den chuan sangha nasa tak an khuh a, an lênte chu a chat pheuh pheuh va. Tin, lawng danga an pâwlpuí awmte chu anmahni rawn pui túrin kutin an hui a. Tin, an lo kal a, lawng pahnih chu pil lek lek khawpin an chhúng khat ve ve a.

Tin, Simon Peteran *chu chu* a hmuh chuan, Isua khúp kiangah a bawkkhup a, “Lalpa, mi kalsan rawh, mi sual ka nih hi,” a ti a. An sangha man chu ani leh a ṭhianten mak an ti hle si a; Simona pâwl vék Zebedaia fapa Jakoba leh Johana pawhin mak an ti hle bawk a. Tin, Isuan Simona hnénah, “Hlausuh, tún hnuah zawng mihring i man tawh ang,” a ti a. Tin, an lawngte chu vaukamah an hruai kai a, engkim kalsanin amah chu an zui ta a.

Tin, heti hi a ni a, khaw pakhata a awm laiin, ngai teh, mi pakhat phâr bawm hi a awm a, ani chuan Isua a lo hmu a, lei siin a bawkkhup a, “Lalpa, i duh chuan mi tithianghlim thei e,” a ti a, a ngên chîam a. Tin, ani chuan a han ban a, a dek a, “Ka duh e, lo thianghlim tawh ang che,” a ti a. Tin, chawplehchilhin a phâr chu a lo reh ta nghâl a. Tin, a hnénah, “Tumah hrilh suh, amaherawhchu puithiam va inentîr la, i inthen nân Mosia ruat angin hlân rawh, mite hriattîrma túrin,” a ti tlat a. Nimahsela, a chanchin thu chu a thang lehzual sauh va; mipui nasa tak a thu hriat duh leh an nâte tihdam duhin an rawn inkhâwm chîam a. Nimahsela, ani chu thlalérahte a kal hrang a, a ṭawng-tai ṭhîn a.

Tin, heti hi a ni a, chúng lai chuan, ni khat chu a zirtîr a. Tin, a kiangah Pharisaite leh dân zirtirtute ṭhuin an awm a, chúngte chu Galili leh Judai ram khaw tin aṭang leh Jerusalem khua aṭanga lo chhuak an ni a; tin, mi tihdam nân Lalpa thiltihtheihna

chu a hnénah a awm. Tin, ngai teh, khum chawpin zeng pakhat 18  
 an rawn zawn a; a hmaa dah túrin zawn luh an tum a. Tin, 19  
 mipui avâng chuan zawn luhna rêng an hmu lo va, in chungah  
 an lâwn chho va, in chung aţangin, a lai takah, Isua hmaah,  
 a khum chawpin an puh thlâktîr a. Tin, an rinzia chu a lo hnuh- 20  
 in, a hnénah chuan, “Mihring, i sualte ngaihdam a ni tawh e,”  
 a ti a.

Tin, lehkhaziaktute leh Pharisaite chuan, “Pathian sawichhia 21  
 hi tunge maw a nih le? Pathian chauh lo chuan tuinngse sualte  
 ngaidam thei ni?” tiin, an ngaihtuah a. Chutichuan, Isuan an 22  
 ngaihtuah chu a hria a, an hnénah chuan, “In thinlungah eng-  
 nge in ngaihtuah? ‘I sualte ngaihdam a ni tawh,’ tih leh, ‘Tho 23  
 la, kein kal tawh rawh,’ tih hi a engnge sawi awl zâwk ni? Eng- 24  
 pawh ni sela, khawvêlah Mihring Fapa hian sual ngaihdam theihna  
 a nei tih in hriat nân,” a ti a, (zeng hnénah chuan) “Tho la, i  
 khum la la, i inah kal rawh; ka ti a che,” a ti a. Tichuan, an 25  
 mithmuah a tho ta nghâl a, a mutna chu a la a, Pathian fak chung  
 zêlin a inah a haw ta a. Tin, an zain mak an ti hle a, Pathian an 26  
 fak a, “Vawîinah chuan thil mak tak kan hmu a ni,” an ti a, an hlau  
 êm êm a.

Tin, chûng zawhah chuan a chhuak a, chhiah chawina hmuna 27  
 ţhu, chhiahkhawntu pakhat a hming Levia a hmu a; tin, a hnén-  
 ah, “Mi rawn zui rawh,” a ti a. Tichuan, engkim a kalsan a, 28  
 a tho va, a zui ta a.

Tin, Levia chuan a inah Isua tân ruai ropui tak a ţheh a; 29  
 tichuan, chhiahkhawntute, mi dangte nê, mi tam takin anmahni  
 an kilpui hlawn a. Tin, Pharisaite, an lehkhaziaktute nê chuan- 30  
 a zirtîrte chungah an phunnawi a, “Engatinge chhiahkhawntute  
 leh mi sualte hnêna in ei a, in in le?” an ti a. Tin, Isuan an 31  
 hnénah, “Mi hrisêlte chuan dâktawr an ngai lo va, mi bawrhsâwmte  
 zâwkin an ngai a ni. Mi fel takte lam túra lo kal ka ni lo va, mi 32  
 sualte lama simtîr túra lo kal ka ni zâwk,” a ti a, a chhâng a.

Tin, annin a hnénah, “Johana zirtîrten chaw an nghei fo va, 33  
 an ţawngtai ţhîn; Pharisaî zirtîrte pawhin chutiang bawkin an  
 ti ţhîn; nimahsela, i zirtîrte hian an eiin an in ţhîn,” an ti a. Isuan 34  
 an hnénah, “Mo hruaitute hnêna a pasal túr chu a awm chhûng  
 zawng mo hruaitute chu in ngheitîr thei ţhîn em ni? nimah- 35  
 sela a pasal túr chu an hnên ata hruai bo nite a la thleng ang a,  
 chu mi niah erawh chuan an la nghei ang,” a ti a.

Tin, an hnénah tehkhin thu pawh a sawi a: “Tuman puan 36  
 thar pawt thlain puan hlui an bel ngai lo, bel ang sela, a thar chu  
 an tiţet ang a, a thar them leh a hlui chu a inpâwl bawh hek lo vang.  
 Tin, tuman uain thar savun uainpeng hluiatê an thun ngai lo, 37  
 thun ang sela, uain thar chuan savun pengte chu a tâwn puak ang



a, a bua ang a, savun pengte pawh chu a lo chhia ang. Uain thar 38  
 chu savun uainpeng tharahte an thun zâwk tûr a ni. Tin, tuman 39  
 uain rei in zawhin a thar an duh ngai lo; 'A rei a t̃ha zâwk,' an  
 ti si a," a ti a.

6 Tin, heti hi a ni a, Chawlhni vawi khat chu, buh hmunahte 1  
 a kal tlang a; a zirtîrte chuan buh vuite chu an thliak a,  
 an kutphahin an nuai fai a, an ei a. Tin, Pharisaite tuteemaw chuan, 2  
 "Engatinge Chawlhnia tih thiàng lo chu in tih ni?" an ti a. Tin, 3  
 Isuan a chhâng a, "Davida a ril̃tâm laia a t̃hiantē nēna an thiltih  
 kha khâng angte pawh kha in chhiar lo vem ni? Khatia Pathian 4  
 ina a luh a, puithiamte chauh lo chuan ei thian loh chhangdah chu  
 a lâk a, a ei a, a t̃hiantē hnēna a pēk ve thu kha," a ti a.  
 Tin, amah vékin, an hnēnah chuan, "Mihring Fapa hi Chawlhni 5  
 Lal a ni," a ti a.

Tin, heti hi a ni a, Chawlhni dangah chuan inkhâwmna inah a lût 6  
 a, a zirtîr a; tin, chutah chuan mi pakhat kut ding lam zeng a lo  
 awm a. Tin, lehkhaziaktute leh Pharisaite chuan, a hēkna tûr an 7  
 hmuh theih nân, Chawlhniin a tihdam dâwn leh dâwn loh an mitmei  
 a. Nimahsela, anin an rilru chu a hria a, kut zeng hnēnah chuan, 8  
 "Tho la, a laiah ding chhuak rawh," a ti a. Tin, a tho va, a ding  
 chhuak ta a. Tin, Isuan an hnēnah, "Chawlhniah hian tih̃that nge 9  
 thiàng, tihchhiat? chhandam nge thiàng, tihhlum? ka zâwt a  
 che u," a ti a. Tin, an za chuan a en vêl a, a hnēnah, "I kut 10  
 phar rawh," a ti a. Tin, a phar a, a kut chu a dam ta a. Chuti- 11  
 chuan, an thin tâwtin an puak keh lek lek a, Isua chung a  
 tihzia tûr an inrâwn ta a.

Tin, heti hi a ni a, chûng lai chuan a chhuak a, t̃awngt̃ai tûrin 12  
 tlângah a kal a, Pathian hnēnah a t̃awngt̃ai zankhua a. Tin, 13  
 khawvâr vele a zirtîrte chu a ko va; an zîng ata sâwm leh pahni  
 a thlang a, an hmingah pawh tirkoh a vuah a: *chûngte chu* Simona 14  
 (Petera a vuah baw kha) leh a unau Andria te, Jakoba leh Johana  
 te, Philipa leh Bartholomaia te, Matthaia leh Thoma te, Alphaia 15  
*fapa* Jakoba te, Simona Zelota an vuah te, Jakoba *fapa* Juda te, 16  
 mi vervêk Juda Iskariota te an ni.

Tin, an rualin a kal chhuk a, hmun zâwlah a ding a, a zirtîrte 17  
 mipui nasa tak nēn, Judai ram zawng zawng ata leh, Jerusalem khua  
 ata leh, Tura leh Sidon khaw lama tuifinriat kam ata mi tam tak nēn;  
 chûngho chu a thu ngai duh leh an nâte intihdam duhin an lo kal  
 a ni; tichuan. ramhuai bawlhhlawh sawisakte pawh an lo dam 18  
 ta a. Tin, a hnēn ata thiltihtheihna a chhuak a, mi tin a tihdam 19  
 zêl avângin mipui zawng zawng chuan amah deh an tum a.

Tin, a dâk chhuak a, a zirtîrte chu a en a, 20  
 "Nangni retheite u, in eng a thâwl e; Pathian ram in ta a ni  
 si a.

“Nangni tuna riltâmte u, in eng a thâwl e; in la tlai dâwn 21  
si a.

“Nangni tuna taptē u, in eng a thâwl e; in la nui dâwn si a.

“Mihring Fapa avânga miten an huat che u a, an tuithlâra 22  
an hau che u a, in hming a tha lo tiin an paih bo dêr hunah in  
eng a la thâwl ang. Chu mi niah chuan lâwm ulang, hlimin 23  
zuang rawh u; ngai teh u, vânah in lâwmman a awm hnem si a;  
chutiang bawkin an thlahtuten zâwlneite chung a an tih thin kha.

“Amaherawhchu, nangni mi hausate u, in chung a pik e; 24  
in thlamuanna in hmu tawh si a.

“Nangni tuna tlaipuarte u, in chung a pik e; in ril a la tām 25  
dâwn si a.

“Nangni tuna nuite u, in chung a pik e; lungngaiin in la tap  
dâwn si a.

“Mi zawng zawngin an fak hunah che u in chung a la pik ang; 26  
chutiang bawkin an thlahtuten zâwlnei derte chung a an tih kha.

“Ka thu ngaitute u, ka hrilh a che u, In hmêlmate chu hmangaih 27  
ula, a hua che u chu an thatna tûr ti ula, ânhhe lawhtu che u chu 28  
malsâwm sak ula, a sawisatu che u chu tawngtai sak rawh u.

“Biang leh lama bêngtu che chu leh lam pawh dawh rawh; 29  
tin, i puan lâk saktua hnênah chuan i kawr lâk pawh hnial suh.

“A diltu apiang che hnênah pe rawh; tin, i sum lâk saktu che 30  
hnênah chuan dîl leh tawh suh.

“Tin, min in chung a an tiha in duh tûr ang zêlin mi chungah 31  
pawh ti ve rawh u.

“Tin, in hmangaitute *chauh* in hmangaih hian, lâwm engnge 32  
in hlawh ang? mi sualte pawhin an hmangaitute chu an hmangaih  
thin asin. Tin, in chung a thate chungah *chauh* in that hian, 33  
lâwm engnge in hlawh ang? mi sualte pawhin chutiang bawkin an  
ti thin asin. Tin, hmuh leh beiseina hnên *chauhva thil* in pûktîr 34  
hian, lâwm engnge in hlawh ang? mi sualte pawhin a ngai  
vêka hmu leh tûrin mi sualte hnênah an pûktîr thin. Amaherawh- 35  
chu in hmêlmate hmangaih ula, an thatna tûr ti ula, pûktîr  
rawh u, beidawng hauh lovin; tichuan in lâwmman a tam ang a,  
Chungnungbera fate in ni bawk ang; ani chuan mi lâwm nachang  
hre lote leh mi sualte a khawngaih thin. In Pan mi a khawngaih 36  
angin mi khawngaih ve rawh u.

“Sawisêl suh u, chutichuan sawisêlin in awm lo vang; *tumah* 37  
thiamlovah ruat suh u, chutichuan thiamlohvin in awm lo vang;  
ngaidam rawh u, chutichuan ngaihdamin in awm ang; pe rawh 38  
u, chutichuan pêkin in awm ang, thahnemngai taka teha, beng  
muka, sawi muka, liam zawih zawihin, in mal chungah an  
pe ang che u. In teha ngai bawkin an teh sak leh dâwn si che  
u a,” a ti a.

Tin, an hnénah tehkhin thu a sawi a, “Middelín middel vék 39  
a hruai thei ang em? an palmihin khuarkhurumah an tla dùn lo  
vang em? Zirtîr chu a zirtîrtu chungah a awin lo; nimahsela 40  
mi tin an zir zawhin an zirtîrtu angin an awm ang.

“Tin, engatinge, mahni mita khanchhuok awm chu ngaihtuah 41  
si lovin, i unau mita hmawlh tê tak tê awm chu i hmuh ni? Mahni  
mita khanchhuok awm chu hmu si lovin, i unau hnénah, ‘Unau, 42  
i mita hmawlh tê tak tê awm kha mi lâk chhuahtîr rawh,’ engtin-  
nge i tih theih le? Mi vervék! I mit ata khanchhuok kha la chhuak  
hmaa rawh, chutichuan i unau mit ata hmawlh tê tak tê lâk  
chhuah tîr chu siah takin i hmu ang.

“Thing tha rêng rêng rah chhiaa rah a awm lo; thing chhia 43  
lah rah thaa rah a awm bawh hek lo. Thing tin anmahni rah  
theuhvah a hriat a ni. Min hruihlingnei kungah theipui an lo 44  
ngai lo, nghardai kungah grêp rah an lo ngai bawh hek lo. Mi 45  
tha chuan a thinlung ro bawm tha ata thil thate a theh chhuak  
thin a; mi sual chuan a thinlung ro bawm chhia ata thil chhiate  
a theh chhuak thin; a thinlunga khat liam chu a kâin a sawi  
thin a ni si a.

“Tin, nangnin eng atân nge, ka thu zâwm si lo va, ‘Lalpa, 46  
Lalpa,’ mi tih thin? Mi tin ka knêna lo kala, ka thu hriaa zâwm 47  
apiang chu tu ang nge an nih ka hriattîr ang che u: In satu, thûk 48  
taka laia, lungpui chung a lungphûm rema ang chu an ni; tin, tui  
a lo lenin, tui zangkhauphin chu mi in chu a khawh a, a tinghîng  
thei lo va, a sak ngun avângin. Amaherawhchu, hriaa zâwm lo 49  
chu, lungphûm lova, lei chung maia in satu ang chu a ni; tin,  
tui zangkhauphin chu chu a khawh a, a chim ta nghâl a; chu mi  
in sawp chu nasa tak a ni,” a ti a.

**7** Tin, mite beng hriata a thu zawng zawng a sawi zawhin 1  
Kapernaum khuaah a lût a.

Tin, sipai za hotu tuemaw a bawi duh tak a dam lo va, a thi lek 2  
lek a. Tichuan, Isua chanchin a hriat veleh a bawirawn tidam 3  
tûra ngên chiam tûrin a hnénah Judah upate a tîr a. Tin, anni 4  
chu Isua hnénah an va thleng a, thahnemngai takin an ngên chiam 5  
a, “Ani hi hei hi i tih sak tlâk a ni e; kan hnamte a hmangaih a,  
kan inkhâwmna in pawh aman min sak sak a ni,” an ti a.

Tichuan, Isua chu an hnénah a kal ta a. Tin, in a thlen dâwn 6  
dâwnin, sipai za hotu chuan a hnénah a thiante a tîr a, “Lalpa, 7  
lo kal harsa suh, ka in chhûng i luhna tlâk a ni lo ve; chuvângin 7  
i hnêna lo kal tlâk pawh niin ka inring lo va; thu chauh sawi la,  
ka naupang a dam mai ang. Kei pawh mi thua awm ka ni a, 8  
ka hnuaiah sipaite an awm a; chu mi kha mi chu, ‘Kal rawh,’  
ka tih leh, a kal thin; mi dang hnénah pawh, ‘Lo haw rawh,’ ka

tih leh, a lo haw thîn; ka bawi hnênah pawh, ‘Hei hi ti rawh,’  
ka tih leh, a ti thîn,” a ti a.

Tin, Isuan chûng thu chu a hriatin amah chu mak a ti hle a, 9  
a hawi a, mipui a zuitute hnênah chuan, “Ka hrilh a che u, Israelte  
zîngah pawh heti êma rinna nasa hi ka hmu lo,” a ti a. Tin, a mi 10  
tirhte chu inah an haw leh a, bawi chu damin an hmu ta a.

Tin, rei lo tean khaw pakhat Nain an tihah chuan a kal a; 11  
a zirtîrte leh mipui nasa tak a hnênah an kal ve a. Tin, kulh kawng- 12  
khâr kiang a thlenin, ngai teh, mitthi an rawn zâwn chhuak a, a  
nu fapa neih chhun a ni a, amah lah hmeithai a ni si a; an khuate  
tam tak chu a hnênah an awm a. Tin, Lalpa chuan hmeithai chu 13  
a hmuh vele, a khawngaih êm êm a, “Tâp suh,” a ti a. Tin, 14  
a va hnaih a, hlâng chu a khawih a; tichuan, a zâwntute chu an  
ding ta a. Tin, “Rawlthar, Tho rawh. ka ti a che,” a ti a.  
Tin, mitthi chu a thû chhuak a, a lo tawng ta a. Tin, Isua chuan 15  
a nu hnênah a pe ta a.

Tin, mi zawnzawngin an hlau va, Pathian an fak a, “Kan 16  
zîngah zâwlnei ropui tak a lo awm ta a ni,” an ti a, “Pathianin  
a mite a rawn tlawh ta a ni,” an ti baw a. Tin, chu mi a chung- 17  
châng thu chu Judai ram zawnzawngah leh a kiang vêl ram  
tinah a thang chhuak ta a.

Tin, Johana zirtîrte chuan chûng thu zawnzawng chu Johana 18  
an hrilh a. Tichuan, Johanah a zirtîrte pahni a ko va, Lalpa 19  
hnênah chuan a tîr a, “Lo kal tûra chu i ni nge, mi dang kan la  
ngai ang?” tiin. Tin, mite chu a hnênah an lo thlen chuan, 20  
“Baptistu Johanah, ‘Lo kal tûra chu i ni nge, mi dang kan la ngai  
ang?’ tiin, i hnênah min tîr a ni,” an ti a. Tin, chûng lai tak 21  
chuan Isuan nâte, hripui veite, ramhuai mante tam tak a tidam a,  
mitdel tam takte pawh an mit a tivâr a. Tin, an hnênah, “Kal 22  
leh ta ulang, thil in hmuh leh in hriat hi Johana va hrilh rawh  
u; mitdelte an mit a lo vâ ta, kebaite kein an lo kal ta, phârte an  
lo thianghlîm ta, bengngawngte pawh an beng a lo vâ ta, mitthite  
kaihtawhin an awm ta, pachhiaten Chanchin Thâ hrilh an dawng  
ta. Tin, tupawh ka chung lungnih lohna hmu lo chu an eng a 23  
thâwl e,” a ti a, a chhâng a.

Tin, Johana tirhkohte chu an hâwn hnuin Isuan mipui hnênah 24  
chuan Johana thu a sawi ta a, “Eng en tûrin nge thlâlêra in  
kal chhuah kha? Luang thli chhêm nghîn maw? A nih loh leh,  
eng en tûr berin nge in kal chhuah kha? Puan nêin sin maw? 25  
Ngai rawh u, puan ropui sin leh mi nuamsate chu lal inahte asin  
an awm. A nih loh leh, eng en tûr berin nge in kal chhuah kha? 26  
Zâwlnei maw? A nih ngei kha, ka ti a che u, Zâwlnei ai pawha  
ropui zâwk.

‘En teh, ka tirhkoh i hmaan ka tîr a ni, 27  
Ani chuan i hmaah i kawng a siam ang,’

tih, a chanchin an ziaka kha, he mi hi a ni. Hmeichhe hrin zingah 28  
Johana aia ropui zâwk an awm lo; nimahsela, Pathian rama  
mi tê deuh pawh ani ai chuan an ropui zâwk, ka ti a che u,” a ti a.

Tin, mi zawng zawngin an hriattin, chhiahkhawntute nên, 29  
Johana baptisma lo chang tawh an ni a, Pathian an thiam a.  
Pharisaite leh dân hretute erawh chu a hnénah baptisma lo chang 30  
tawh an ni ve lo va, anmahni tân Pathianin rem a ruat sak kha  
an duh lo.

*Chutichuan Isua vékin*, “Tûn lai t̄hangtharte hi eng nên nge ka 31  
tehkhin ang le? eng ang nge nih pawh an nih? Naupang dâwr  
hmuna t̄hua, ‘Phênglâwng kan tum sak che u a, in lâm si lo va; 32  
kan t̄ap vak a, in t̄ap si lo va,’ tia, inauvate ang hi an ni. Baptistu 33  
Johana chu a lo kal a, chhang a ei lo va, uain pawh a in lo va, nangnin  
‘Ramhuai a zâwl a nih hi,’ in ti a. Mihring Fapa a lo kal a, a eîn a 34  
in a, nangnin ‘En teh u, chaw heh mi, uain heh mi, chhiahkhawntute  
leh mi sualte t̄hian saw!’ in ti si a. Nimahsela, a fâ zawng 35  
zawngin Fingi an thiam e,” a ti a.

Tin, Pharisaite zînga mi pakhatin a hnêna chaw eiah a sâwm 36  
a. Tin, Pharisai inah chuan a lût a, chaw a kil a. Tin, ngai teh, 37  
chu mi khuaa hmeichhe sual pakhat awm chuan, Pharisai inah  
chaw kilin a t̄thu tih a hriat vele alabasta bâwmin hriak rimtui  
a rawn keng a, a hnungah a kephah bulah chuan t̄ap 38  
chungin a ding a, a mittuiin a kephah a lo far huh a, a samin  
a hru a, a kephah chu a fâwp ngawih ngawih a, hriak rimtui  
chuan a hnawih a. Tin, a sâwmtu Pharisai chuan *chu chu* a hmuh 39  
chuan, a rilruin, “He mi hi zâwlnei a nih chuan a dektu hmei-  
chhia hi tunge a nih, mi eng ang nge a nih, hriat âwm tak lah ni,  
mi sual a ni si a,” a ti a.

Tin, Isuan a hnénah, “Simon, i hnénah thu kam khat sawi 40  
tûr ka nei,” a ti a, a chhâng a. Tin, ani chuan, “Sawi ta che,  
Zirtirtu,” a ti a. Tin, Isuan, “Tangka pûktirtu tuinemaw leiba 41  
pahni a nei; pakhatin duli zanga a ba a, pakhatin sawmnga.  
Tin, rulhna an nei lo va, a ngaihnathiam ve ve a. Chutichuan, 42  
chu mite chuan a tuinnge ani chu hmangaih zâwk ang?” a ti a.  
Simona chuan, “A ngaihnathiam zual zâwka chuan niin ka ring,” 43  
a ti a, a chhâng a. Tin, anin a hnénah, “I ti dik e,” a ti a.  
Tin, hmeichhe lam chu a hawi a, Simona hnénah chuan, “He 44  
hmeichhia hi i hmu em? I inah ka lo lût a, nangin ka  
kephah *silna* tûr tui mi pe lo va, ani erawh hi chuan a mittuiin ka  
kephah a tihuh a, a samin a hru a ni. Nangin fawh rêng rêng 45  
mi fâwp lo; ani erawh hi chuan ka lo luh tîr ata ka kephah fawh  
a bâng lo. Nangin ka luah hriak mi thih lo; ani erawh hi chuan 46

ka kephabab lriak rintui a linawih. Chuvângin ka ti a che, 47  
A sual tam tak kha ngaihdainin a awm ta; ani pawhin a hmangaih  
ta êm êm a nih hi; amaherawhchu, ngaihdam tlêm chuan, tlêm-  
in a hmangaih thîn.” a ti a. Tin, *hmeichhe* hnênah chuan, “I 48  
sualte ngaihdam a ni ta,” a ti a. Tin, a chaw kîlpuiten, “Sualte 49  
pawh ngaidam hi tunge maw ni le?” an inti a. Tin, anin hmei-  
chhe hnênah chuan, “I rinua hi chhandam i nih phah a ni, thla- 50  
muang takin kal rawh,” a ti a.

**8** Tin, heti hi a ni a, nakin deuhvah chuan *Isuan* thu hril 1  
leh Pathian ran Chanchin Tha thlen chungin khaw lian  
leh khaw tète a fang zêl a, a hnênah sâwm leh pahnihte chu an  
awm a, hmeichhia tuteemaw ramhuai zâwl dam lehte leh na 2  
dam lehte nê. *Ching hmeichhiate* chu Mari a kawchhông ata  
ramhuai pasarih chhuak Magdalini an tih te, Heroda sum enkawltu 3  
Chuza nupui Johani te, Susani te, mi dang tam tak te nê *an ni*;  
chúngte chuan mahni neihin an rawng an bâwl sak thîn.

Tin, mipui nasa tak an rawn inkhâwm a, khaw tina mi a hnêna 4  
an lo kalin, tehkhin thuin thu a sawi a: “Buh chi thehtu a buh 5  
chi thehin a feh a; tin, a theh laiin a then kalkawng sîrah a tla  
a, *min* an rap a, chunglêng savaten an tlân zo ta a. Tin, a then 6  
pialtlêp chungah a tla a: tin, a tiah veleh a hnâwn loh avângin a  
râwp ta mai a. Tin, a then hnimhlingnei zîngah a tla a, hnim 7  
chuan a to rualpui a, a dip ral ta a. Tin, a then lei thaah a tla a, a 8  
lo to va, a leh zain a rah ta a,” a ti a. Tin, chúng thu chu a sawi  
laiin a au va, “Tupawh lriatna tûra beng nei chuan hre rawh  
se.” a ti a.

Tin, a zirtîrte chuan a hnênah, “He tehkhin thu hi eng tihna 9  
nge ni?” tiin, an zâwt a. Tin, ani chuan, “Pathian ram thurûkte 10  
chu nangni hriat zawng phal a ni a, mi dang hnênah erawh chuan  
tehkhin thu *chauvin sawi a ni*; hmu mah sela, hmu lo an nih  
theih nân, bengin hre mah sela, a ngaihna an lriat theih loh nân.

“Tehkhin thu kha hei hi a ni: Buh chi chu Pathian thu a ni. 11  
Tin, kawng sîra mi chu *thu* hre tawhte hi an ni: tin, diabola chu 12  
a lo kal a, an awi loh va, chhandam an nih theih loh nân an rilru  
ata thu a lâk sak thîn. Tin, pialtlêp chung a mi chu *hêng mi hi* 13  
an ni: an hriat veleh thu chu lâwm taka pawmte hi; nimahsela  
zung rêng an nei lo—rei lo tê chauh an awi a, thlêm hunin an  
bânsan leh thîn. Tin, hnimhlingnei zînga tla chu hêng mi hi an 14  
ni; an hriat hnuin an kal a, dam chhông khawsak lungkhamnate,  
hausaknate, nawmsaknate chuan a dip a, an rah puitling thîn lo  
a ni. Lei thaah mi erawh chu hêng mi hi an ni: rilru fel leh thain 15  
thu an hria a, an vawng reng a, chhel takin an rah thîn.

“Tuman khâwnvâr hâlin bêlin an khuh lo, khum hnuaiah 16  
pawh an dah lo; a lût apiangin a êng an hmuh theih nân a dah-

naah an dah zâwk ðhîn a ni. Puang lo tûra zêp engmah a awm 17  
 si lo va, hriat loh tûr leh lang lo tûra thuhrûk engmah a awm hek  
 lo. Chutichuan, eng angin nge in hriat fîmkhur rawh u; tupawh 18  
 a nei apiang an pe belhchhah ang a; tupawh a nei lo apiang  
 neia an inruat chhun pawh an lâk sak ang,” a ti a.

Tin, a nu leh a unaute chuan *Isua* lam an rawn pan a, nimahsela 19  
 mipui avâng chuan a kiang an thleng thei si lo. Tin, “I nu leh 20  
 i unaute nangmah hmuh tumin pâwnah sâwn an ding reng e,”  
 tiin, an hrilh a. Tin, ani chuan an hnênah, “Hêng Pathian thu 21  
 hriaa awite hi ka nu leh ka unaute an ni e,” a ti a, a chhâng a.

Tin, heti a ni a, chúng lai chuan ni khat chu lawngah a 22  
 chuang a, a zirtîrte nê; tin, a hnênah, “Dîl râl leh lamah sâwn i  
 kai ang u,” a ti a. Tichuan lawng chu an phelh a, an kal ta a.  
 Tin, an kal laiin *Isua* a lo muhîl ta a; tin, dîlah chuan thlipui 23  
 a lo tleh chhuk phut a, an lawng chu tuîn a khat dâwn a, hlauih-  
 thâwnawm takin an awm ta a. Tin, a hnênah an va kal a, an 24  
 kaitho va, “Zirtîrtu, zirtîrtu, kan boral dâwn hi le,” an ti a. Tin,  
 ani chu a lo harh a, thli leh tuifâwn chu a hau ta a; tin, a bâng  
 a, a reh ta mai a. Tin, an hnênah, “Khawiahnge in rinna?” a  
 ti a. Tin, an hlaui va, mak an ti hle a, “He mi hi tunge ni le? thli 25  
 leh tui lam pawh thu a pe a, an awi hi?” an inti hlawm a.

Tin, Galili ram zâwna Garasin mite ram chu an thleng a. 26  
 Tin, khawmuala a chhuahin, khuua mi ramhuai man tuinemaw a 27  
 rawn tâwk a; chu mi chu rei tak puan rêng rêng sin lovin a awm a,  
 inah rêng pawh a awm lo va, thlânahte a awm zâwk ðhîn a. Tin, 28  
*Isua* a hmuh vele, a au va, a hmaah a bawkkhup a, aw ring takin,  
 “Isu, Pathian Chungnungbera Fapa, kei leh nang engnge kan  
 inzâwl na awm? mi nghaisa lul suh ang che, ka ngên a che,”  
 a ti a. (*Isuan* ramhuai bawhlhlawh chu chu mi kawchhûng ata 29  
 chu chhuak tûrin thu a lo pe tawh si a. Chu mi chu ramhuai chuan  
 a man fô ðhîn a ni; miten khaidiat leh kawl an buntîr a, an vêng  
 reng ðhîn a; nimahsela a phuarnate a tichat a, ramhuaiin thla-  
 lêrahte a hnawt chhuak ðhîn). Tin, *Isuan*, “I hming engnge ni?” 30  
 tiin, a zâwt a. Tin, ani chuan, “Nuaia,” a ti a, (a kawchhûnga  
 ramhuai tam tak an luh avângin). Tin, leilâwta kal thu an hnên- 31  
 a pe lo tûrin *Isua* hnênah an ngên a.

Tin, chutah chuan tlângah vawk rual tam tak an tla a; tin, 32  
 a hnênah vawk kawchhûngahte luh theihna thu an ngên a. Tin, 33  
 ani chuan thu a pe a. Tin, ramhuaite chu mi kawchhûng ata an  
 chhuak a, vawk kawchhûngahte an lût a; tin, vawk rual chu khâm-  
 ah an tlân chhuk chiam a, dîlah an tlân lût a, tui hâkin an thi  
 ta a.

Tin, a vulhtute chuan chu thil awmzia chu an hmu a, an tlân 34  
 a, khuuaah leh lovahte chuan an sawi a. Tin, “Engnge lo ni ta?” 35

tia, en tûrin an chhuak hlawm a; tin, Isua hnên an lo thleng a, ramhuai chhuahsan hnua chu puan sina, rilru pângngai puin, Isua ke bula thu anrawn hmu a; tichuan, an hlau ta a. Tin, 36 a hretute chuan ramhuai man a tihdamzia thu chu chûngho chu an lo hrilh a. Tin, a vêl Gerasin mite rama mi zawng zawng chuan 37 an hlauh êm êm avângin, ani chu an hnên ata kal bo tûrin an ngên a; tin, lawngah a chuang a, a kîr leh ta a.

Tin, ramhuai chhuahsan hnua erawh kha chuan Isua hnêna 38 awm reng a ngên a. Nimahsela, Isuan, “I inah haw la, Pathianin 39 i tân thil a tih sak che hi a ropuizia va hrilh rawh,” tiin, a kaltîr ta a. Tichuan, a kal a, khawpui chhûng zawng zawngah chuan Isuan a tân thil a tih sak ropuizia chu a tlângapui a.

Tin, Isua a lo kîr leh chuan mipuiin amah an lâwm a; amah lo 40 nghâk reng an ni hlawm si a. Tin, ngai teh, mi pakhat a hming 41 Jaira, inkhâwmna in hotu chu a lo kal a, Isua ke bulah a bawkkhup a, a ina kalah a ngên a, fanu mal kum sâwm leh kum hnih emaw 42 lai tûr a nei a, chu mi chu thi chhâwngin a lum reng avângin. Tin, Isua a kal laiin mipuihovin an nêk huai huai a.

Tin, hmeichhe pakhat kum sâwm leh kum hnih thi pûtin a dam 43 lo va, a sum neih zawng zawng chu dâktawrte lakah a dek ral zo tawh a, tumahin an tidam thei tawh si lo va; chu mi chu a hnungah a lo kal a, a puan hmâwr a dek a; chawplehchilhin a thi pût 44 chu a lo reh ta nghâl a. Tin, Isuan, “Mi dek kha tung ni?” 45 a ti a. Tin, “Kei chu ka ni lo,” an ti theuh va, Petera leh a thian-ten, “Zirtîrtu, mipuihovin an nêk huai huai chia, an chîl huai huai che alâwm,” an ti a. Nimahsela, Isuan, “Tuinemaw zawng 46 mi dek a ni, thiltihtheihna ka chhûng ata a chhuak tih ka hre nghe nghe asin,” a ti a. Tin, hmeichhia chuan a inthup theih loh a 47 hria a, khûr chungin a lo kal a, a hmaah a bawkkhup a, a deh chhan leh chawplehchilha a dam tâk nghâlzia chu mi zawngzawng hmuh-ah chuan a sawi ta a. Tin, ani chuan a hnênah, “Ka fanu, i 48 rinna hi i dampui a ni e, thlamuang takin kal rawh,” a ti a.

A la tawng lai mêkin inkhâwmna in hotu in ata chu mi pakhat 49 a lo kal a, “I fanu a thi ta, zirtîrtu hi tihah duh suh,” a ti a. Isua 50 erawh chuan, chu thu chu a hriat chuan, “Hlau suh, ring mai rawh, chutichuan a dam leh ang,” a ti a, a chhâng a. Tin, in chu 51 a va thlen chuan, Petera te, Johana te, Jakoba te, naupang nu leh pate chauh lo chu tuma luh ve a phal lo. Tin, an zain an lo tap 52 tuar tuar a, an âwm an chûm an chûm a; chutichuan ani chuan, “Tap suh u, a thi lo ve, a muhîl a ni zâwk,” a ti a. Tin, a thi 53 tawhin an hre reng si a, an nuihsan ta mai a. Isua erawh chuan 54 a kut a chelh a, “Chêmtê, tho rawh,” a ti a, a ko va. Tin, a 55 thlarau chu a lo kîr leh a, a tho ta nghâl a; tin, englo ei tûr



pêk thu a pe a. Tin, a nu leh a pa chuan inak an ti hle a; nimah- 56  
sela, ani chuan a thiltih chu tumah hril lo tûrin a ti tlat a.

9 Tin, *Isuan* sâwm leh pahnihte chu a ko khâwm a, ramhuai 1  
zawng zawng chung a thiltihtheihna leh thuneihna leh nâte  
tihtam theihna a pe a. Tichuan, Pathian ram *thu* hril tûr leh 2  
damlote tidam tûrin a tîr chhuak ta a.

Tin, an hnênah, “Zinna atân tiangte emaw, iptê emaw, chhang 3  
emaw, tangka emaw, engmah keng suh u; kawr pahnih pawh  
nei suh u. Tin, in thlenna in apiangah thleng reng zêl ang che u, 4  
chu mi in aţang chuan chhuak ang che u. Tin, a lâwm lo apiang 5  
che u chu chu mi khua ata in chhuah hun chuan anmahni hriat-  
tima tûrin in kephaha vaivut chu thing thla ang che u,” a ti a.  
Tichuan, an kal ta a, khua an fang zêl a, ram tinah Chanchin 6  
Tha an hril a, mi an tidam zêl a.

Tin, lal Herodan a thiltih zawng zawng chu a lo hre ta a; then- 7  
khatin, “Johana kha a nung leh ta a nih hi,” an tih a, thenkhatin,  
“Elija a lo inlâr ta a nih hi,” an tih a, thenkhatin, “Hmân lai 8  
zâwnei tuemaw a tho leh ta a nih hi,” an tih avângin a mang-  
ang ta a. Tin, Herodan, “Johana chu a lu ka tan tawh kha; nimah- 9  
sela, heti kauva a thu ka hriat thina hi tunge ni?” a ti a. Tin,  
amah chu hmuh a tum ta a.

Tin, tirkhohte chu an lo hâwn lehîn, a hnênah an thiltihte 10  
an hrilh a. Tin, ani chu anmahni hruaiin Bethsaida khua an  
tihah chuan a kal hrang ta a. Nimahsela, mipuiho chuan an 11  
hria a, an zui zêl a; tin, ani chuan anni chu a lo lâwm a, Pathian  
ram thu a hrilh a, tihtam ngai apiang a tidam a. Tin, khua 12  
chu a lo tlai dâwn ta a; tin, sâwm leh pahnihte chu an lo kal a,  
a hnênah, “Kan kiang vêl khuahte leh lovahte kalin, thlen in leh ei  
tûr an hmuh theihna tûrin mipui hi kaltîr ta che; hei, thlalêr hmun-  
a awm kan ni si a,” an ti a. Ani erawh chuan an hnênah, “Nang- 13  
mahnin ei tûr pe rawh u,” a ti a. Tin, anni chuan, “Hêng mi  
zawng zawng tân hian ei tûr kan va lei sak loh chuan, chhangpêr  
panga leh sangha pahnih chauh lo chu engmah kan nei lo,” an  
ti a. (Patling hlîr pawh sângnga emaw lai an ni si a). Tin, a 14  
zirtîrte hnênah, “Apâwl pâwlin thuttîr rawh u, sawmnga lai  
zêlin,” a ti a. Chutiangin an ti a, an thuttîr ta vek a. Tin, †  
chhangpêr panga leh sangha pahnih chu a la a, van lam enin  
mal a sâwm a, a phel a, mipui hmaa hlui tûrin a zirtîrte hnênah  
chuan a pe a. Tin, an ei a, an puar ta vek a; tin, an ei bâng 17  
nawite chu bâwmrâng sâwm leh pahnih an rût khat a.

Tin, heti hi a ni a, *Isuan* amah chauhva a tawngtai laiin a 18  
zirtîrte chu a hnênah an awm a; an hnênah, “Mipuiten tunge  
a ni mi tih?” tiin, a zâwt a. Tin, anni chuan, “Baptistu Johana 19  
a ni,” an ti chia; nimahsela thenkhatin, “Elija a ni,” an ti chia; then-

khatin, ‘Hmân lai zâwlnei tua emaw a tho leh ta a ni,’ *an ti che*,”  
 tiin, an chhâng a. Tin, ani chuan an hnênah, “A nih leh, nang- 20  
 nin tunge a ni mi tih?” a ti a. Tin, Peteran, “Pathian Krista  
 chu,” tiin, a chhâng a. Tin, chu mi thu chu tumah hrilh loh 21  
 tûr ti tlatin, thu a pe a; “Mihring Fapa hian thil tam tak 22  
 a tuar tûr a ni a, upate, puithiam lalte, lehkhaziaktute duh lohvin  
 a awm tûr a ni a, thahin a awm tûr a ni a, ni thum niah kaihtawh-  
 in a awm bawk tûr a ni,” a ti a.

Tin, amah *vêkin*, mi zawng zawng hnênah, “Tupawhin mi 23  
 zui a duh chuan, mahni hrehawm pawisa lovin, ni tin a kraws  
 puin mi zui rawh se. Tupawh a nun humhim duh apiangin a chôn 24  
 ang a; tupawh keimah avânga a nun chôn apiangin, chu mi  
 ngei chuan a humhim ang. Miin khawvêl hi apumin nei sela, 25  
 intiboralin emaw intichhe si sela, a tân engnge sâwt ang? Tupawh 26  
 keimah leh ka thu zahpui apiang, Mihring Fapa hian, ama ro-  
 puina nê, a Pa *ropuina* nê, a vântirhkoh thianghlimte *ropuina*  
 nê a lo kal hunah chuan chu mi chu a rawn zahpui ang. Dik 27  
 takin ka hrilh a che u, Heta dingho a thente hi, Pathian ram an  
 hmuh hma loh chuan thihna tem tawp lo tûr an awm,” a ti a.

Tin, heti hi a ni a, chúng thu sawi achin ni riat emaw laiah, 28  
*Isuan* Petera te, Johana te, Jakoba te chu a hruai a, tawngtai tûrin  
 tlângah a kal chho va. Tin, a tawngtai laiin a hmêl awmzia 29  
 chu a lo dang lam a, a silhfênte chu a lo vâ, mi ênkhalhtheiin  
 a lo awm ta a. Tin, ngai teh, mi pahnih amah nê an inbia a, 30  
 chu *mite* chu Mosia leh Elija an ni a; ropuinaa inthuaamin an in- 31  
 lâ a, Jerusalem khuua a thih tleitiakna tûr thu an sawi a.

Peterah leh a thiante erawh chu an muthlu a; tin, an harh 32  
 veleh a ropuizia leh a hnêna mi pahnih ding chu an hmu ta a. Tin, 33  
 heti hi a ni a, chu *mite* chuan *Isua* an then dawn laiin, Peteran  
*Isua* hnênah, “Zirtirtu, kan tân heta awm hi a tha e; bawktê  
 pathum kan khawh ang e, i tân pakhat, Mosia tân pakhat, Elija  
 tân pakhat,” a ti a—a thu sawi pawh hre lovin.

Tin, chúng thu chu a sawi laiin chhûm a lo zing a, anmahni 34  
 a hlah ta a; chhûmah chuan an luh laiin an hlau va. Tin, chhûm-  
 ah chuan aw a lo chhuak a, “Hei hi ka Fapa, ka thlana chu a ni, 35  
 ama thu ngai rawh u,” a ti a. Tin, aw chu a reh veleh *Isua* chu 36  
 amah chauhvîn an hmu ta a. Tin, an ngawi reng a, chúng lai  
 vêl chuan an thil hmuh chu tumah engmah an hrilh lo.

Tin, heti hi a ni a, atûkah tlâng ata chu an chhuk hnu chuan, 37  
 mipui nasa takin amah chu an lo hmuak a. Tin, ngai teh, mipui 38  
 zingah chuan mi pakhat a au va, “Zirtirtu, ka fapa en tûrin ka  
 ngên a che, ka fapa neih chhun a ni si a. Ngai teh, ramhuaiin 39  
 a man thîn a, a au chhuak thut thîn: tichuan, a chilphuante tla  
 khawpin a sawisa thîn a, nasa taka tithitlingin a kalsan tawh thîn.

Tin, i zirtîrte hnênah hnawt chhuak túrin ka ngên a; an thei si 40  
lo va,” a ti a. Tin, Isuan, “Thangthar rinna nei lova tihmawhte 41  
u, eng chen nge in hnênah ka awm ang a, ka ngaihtheih ang che  
u? I fapa chu hetahrawn hruai rawh,” a ti a, a chhâng a. Tin, 42  
a lo kal laiin ramhuai chuan a titlu vak a, nasa takin a sawisa  
ta a. Nimahsela, Isuan ramhuai bawhlhlawh chu a hau va,  
naupang chu a tidam a, a pa hnênah chuan a kaltir leh ta a. Tin, 43  
mi zawng zawngin Pathian ropuizia chu mak an ti hle a.

Chutichuan, mi zawng zawng chuan a thiltih zawng zawng  
chu mak an tih lai chuanin, Isuan a zirtîrte hnênah chuan, “Chung 44  
thu chu in bengah lût rawh se: Mihring Fapa hi mihringte kuta  
mantirin a awm dâwn si a,” a ti a. Nimahsela, a thu sawi chu  
a ngaihna an hre lo va, an hriat theih loh nân a iuthup a ni, chu 45  
mi thu sawi chanchin chu amah lah an zâwt ngam si lo va.

Tin, “*Kan zingah tunge ropui ber ang?*” tiin an lo inhniai a. 46  
Tichuan, Isuan an rilrua an ngaihtuah chu a hria a, naupang tê 47  
a kai a, a sirah a dintîr a, an hnênah, “Tupawh ka hming avânga  
he naupang tê hi lâwm apiang chu keimah mi lâwm an ni ang; 48  
tupawh kei mi lâwm apiang chu mi tîrtu lâwm an ni ang; in  
zavaia zinga tê ber hi a ni, ropui ni,” a ti a.

Tin, Johana chuan, “Zirtîrtu, tuemaw i hminga ramhuaite 49  
hnawt chhuak kan hmu a, kan zuinaah che a tel ve loh avângin  
kan khap ta asin le,” a ti a, a chhâng a. Isua erawh chuan 50  
a hnênah, “Khap tawh suh u, tupawh nangni dodâl lo chu in lama  
tang an ni si a,” a ti a.

Tin, heti hi a ni a, amah hruai chhoh a hun dâwnin, Jerusalem 51  
khuaa kal tumin a hawi tlat a, a hmaah zualkote a tlântîr a; tiu, 52  
an kal a, amah lo buatsaih sak túrin Samari mite khaw pakhat-  
ah an lût a. Tin, a mitmei chu Jerusalem khaw lam pana a lan 53  
avângin amah an lo lâwm lo. Tichuan, a zirtîr Jakoba leh Johana 54  
chuan *chu chu* an hriat vele, “Lalpa, hênggho kan vek nân hian  
vân ata mei ko thla ila rem i ti em?” an ti a. Ani erawh chu a han 55  
hawi a, a kamkhat a. Tin, khaw dangah an kal ta a. 56

Tin, kalkawnga an kal laiin, tuinemaw a hnênah, “I kalna 57  
apiangah ka zui ang che,” a ti a. Tin, Isuan a hnênah, “Siha! 58  
ten kua an nei a, chunglêng savate pawhin bu an nei a, Mihring  
Fapa erawh hi chuan a lu nghahna a nei lo” a ti a. Tin, mi dang 59  
hnênah, “Mi zui rawh,” a ti a. Nimahsela, ani chuan, “Lalpa,  
ka pa mi vuitîr zet rawh,” a ti a. Isua erawh chuan a hnênah, 60  
“Mitthiin anmahni mitthi chu vui rawh se; nang chuan Pathian  
ram *thu* va hril darh zâwk rawh,” a ti a. Tin, mi dang pawhin, 61  
“Lalpa, ka zui ang che; amaherawhchu ka ina mite fawng thain  
mi thlahtîr zet rawh,” a ti a. Tin, Isuan a hnênah, “Tupawh 62

leilehnaa kut nghata, hnung lam en chu, Pathian rama mi ni tlâk a ni lo ve," a ti a.

**10** Tin, chu mi zawhah chuan Lalpan mi dang sawmsarih a ruat a, a kalna tûr khaw tinah leh hmun tinah, a hmaah pahnih zêlin a tîr a. Tin, an hnênah, "Buh seng tûr a tam hle a, nimahsela a thawktute an tlêm; chutichuan, a buh seng tûr a thawktu tûrte tîr tûrin buh Neitupa hnênah chuan ngên rawh u.

"Kal rawh u; ngai teh u, chinghne zînga berâm no awm angin ka tîr che u hi. Tangka ip te, iptê te, pheikhaw te keng suh ula, kalkawngah tumah chibai bûk suh u. Tin, in in luhna apiangah a hmasa berin, "He inah hian thlamuanna thleng rawh se," ti ang che u. Tin, chutah chuan thlamuan fa a awm chuan in thlamuanna thu chu a chungah a awm reng ang; a awm loh erawh chuan in chungah a lo kîr leh ang. Chu mi in hlirah chuan awm reng ula, an pêk apiang che u eiin bâr ang che u; hna-thawktu chu hlawh hmu tlâk a ni e. In tinah kal lâwr suh ang che u.

"Tin, khua in luhna apiangah an lawm che u chuan, an hlui apiang che u chu ei ang che u; an khuua damlo awmte pawh tidam ula, an hnênah, 'Pathian ram in kiangah a thleng ta,' ti ang che u. Khua in luhna apiangah an lawm loh che u erawh chuan, an kawthlêrahte kal chhuak ula, 'In khaw vaivut kan kephaha kai pawh hi in chungah kan tahfai hi; nimahsela, Pathian ram in kiangah a lo thleng ta tih hi hre rawh u,' ti ang che u. Ka ti a che u, Chu mi niah chuan chu mi khuate tuar tûr ai chuan Sodom khaw tuar tûr chu a zia a awm zâwk ang.

"Korazin, i chung a pik e! Bethsaida, i chung a pik e! Nangmahnia thil mak tak tihte kha Tura leh Sidon khuua tih ni sela, saiip puan sina, vut zînga thuin an sim daih tawh ang. Nimahsela, ngaihtuah niah chuan nangni tuar tûr ai chuan Tura leh Sidon khaw tuar tûr chu a zia a awm zâwk ang. Tin, nang Kaper-naum, vân thlengin chawimawi i ni dâwn em ni? Mitthi khaw thlenga nam thlâk asin i nih dâwn.

"Tupawh nangni thu ngai chu, keima thu ngai a ni e; tupawh a duh lo che u chu, kei mi duh lo a ni e; tupawh kei mi duh lo chu, mi tirtu duh lo a ni e," a ti a.

Tin, sawmsarihte chu lâwm takin an lo hâwng a, "Lalpa, ramhuaite pawh i hming avângin kan thu thuin an awm," an ti a. Tin, ani chuan an hnênah, "Kâwlphe angin Setana vân atanga a lo tla kha ka hmu asin. Ngai teh u, rûlte, khawmualkaikuangte rah theihna thu ka pe che u a; engmahin a tina tawp lo vang che u. Nimahsela, ramhuaite in thu thnin an awm avâng hian lâwm suh u; vâna in hming zia a ni avângin lâwm zâwk rawh u," a ti a.

Tin, chu mi lai tak chuan Isua chu Thlarau Thianghlimah

a lâwm êm êm a, “Aw ka Pa, lei leh vân Lalpa, nangin mi fîng leh mi bengvârte hnênah hêng thu hi ì zêp a, nausênte hnêna i puan avâng hian ka fak a che; a ni, ka Pa, chutiang *tîh* chu i ngaihin a tha a ni. Ka Pain engkim mi kawltîr tawh, Fapa chu tunge a 22 nih, Pa lo chuan tuman an hre lo; Pa pawh chu tunge a nih, Fapa leh an hnêna Fapain a puan duhnate chauh lo chuan tuman an hre lo,” a ti a.

Tin, zirtîrte lam a hawi a, arûkin, “In thil hmuhte hi a hmuh- 23 na mitte chu a vânei e! Ka ti a che u, zâwlnei tam tak leh lal 24 tam takte pawhin in thil hmuhte hi hmuh an châk *thîn* a, nimahsela an hmu: si lo; beng a in hriatte pawh hi hriat *an châk thîn* a, nimahsela an hre si lo a ni,” a ti a.

Tin, ngai teh, dân hretu tuemaw a ding a, amah fiah nân, 25 “Zirtîrtu, chatuana nun neihna tûrin engtinng e ka tîh ang?” a ti a. Tin, ani chuan a hnênah, “Dân lehkhabuah engnge 26 ziak ni? chutah chuan engnge i chhiar *thîn*?” a ti a. Tin, ani 27 chuan, “‘Lalpa i Pathian chu i thinlung zawng zawngin, i thlarau zawng zawngin, i chakna zawng zawngin, i rilru zawng zawngin i hmangaih tûr a ni;’ ‘Nangmah i inhmangaih angin i vêngte pawh i *hmangaih tûr a ni*,’ *tîh hi*,” a ti a, a chhâng a. Tin, ani 28 chuan a hnênah, “I chhâng dik zet mai e; chutichuan ti la, i nung ang,” a ti a.

Ani erawh chuan, thiam inchantîr a tum a, Isua hnênah, “A 29 nih leh, ka vêngte chu tunge ni?” a ti a.

Isuan a chhâng a, “Tuemaw Jerusalem khua aţangin Jeriko 30 khuaah a zuk kal dâwn a, suamhmangte a tâwk hlauh va, chu mite chuan a silhfên an hlih sak vek a, an vaw nek a, thi lek lekin an kalsan ta a. Tin, puithiam tuemaw chu mi kawngah chuan 31 a zuk kal kher a, a hmuh veleh kawng sîr leh lamah a hêl ta mai a. Tin, chutiang bawkin Levia chi mi pakhat pawh chu mi hmun 32 chu a lo thleng a, a hmuh veleh kawng sîr leh lamah a hêl ve ta mai a. Amaherawhchu, Samari rama mi tuemaw a zin kalin 33 a awmna chu a lo thleng a, a hmuh veleh a khawngaih êm êm a, a hnênah a va kal a, a pemahte chuan hriak leh uain a leih a, a 34 tuam a, ama sa chungah a chuantîr a, khualbûkah a kalpui a, a enkawl ta a. Tin, atûkah chuan duli pahnih a phawrh a, khual- 35 bûk vêngtu hnênah a pe a, ‘Lo enkawl la, he mi bâka i sên zawng chu ka lo kîr leh hunah karawn rûl leh ang che,’ a ti a.

“Chu mite pathum zîngah chuan suamhmangho tâwka 36 vêngte chu tu ber nge nia i rin?” a ti a. Tin, ani chuan, “A khawngaihtu chu,” a ti a. Tin, Isuan a hnênah, “Nang pawh 37 chu ang bawh chuan va ti ve rawh,” a ti a.

Tin, an zin pahin khaw engah emaw a lût a; tin, hmeichhe 38 pakhat a hming Marthiin a lo thleng a. Chu mi chuan laizâwn 39

pakhat a nei a, a hming chu Mari a ni a, chu mi chiu Lalpa ke bul-  
ah a thu a, a thu a ngaithla a. Marthi erawh chu rawngbâwl 40  
ngawtin a buai hle a; tichuan a hnênah a lo kal a, “Lalpa, ka  
laizâwnnun keimah chauh rawngbâwl tûra mi thlahthlam hi  
pawi i ti lo vem ni? Mi pui tûrin ti rawh khai,” a ti a. Tin, 41  
Lalpan, “Marthi, Marthi, *thil* tam tak i ngaihtuah a, i buai a 42  
nih hi: *thil* pakhat chauh a pawimawh e; Marin chan tha chu  
a thlang a, chu chu lâk sak tûr a ni lo ve,” a ti a, a chhâng a.

■ Tin, heti hi a ni a, *Isuan* khawii hmunah emaw a *ṭawngṭai* 1  
a, a *ṭawngṭai* zawh chuan a zirtir mi pakhatin a hnênah,  
“Lalpa, *ṭawngṭai* dân Johanan a zirtirte a zirtir ang khân min  
zirtir *ve* ta che,” a ti a. Tin, ani chuan an hnênah, “In *ṭawng-* 2  
*ṭai* chuan *heti* hian ti ang che u,

‘Kan Pa,

I hming zahawm rawh se.

I ram lo thleng rawh se.

Ni tin kan ei khawpin chaw min pe ang che. 3

Kan sualte min ngaidam ang che, 4

Keini pawhin kan englo bâte zawng zawng kan ngai-  
dam ṭhîn a ni.

Thlêmnaah min hruai lût suh ang che,”

a ti a.

Tin, amah *vêkin* an hnênah, “In zîngan tuinemaw ṭhian nei 5  
sela, zan laiah a hnêna kalin, ‘Ṭhiana, chhangpêr pathum mi  
pûktîr rawh; ka ṭhian zinin mi rawn tlawh a, a hmaa hlui tûr 6  
engmah ka nei si lo,’ ti sela; in chhûnga min, ‘Mi tibuai suh; 7  
tûnah zawng kawng khâr a ni a, ka fate pawh ka hnênah khumah  
an mu tawh a; thovin ka va pe thei lo va che,’ tiin, chhâng sela—  
ka ti a che u, A ṭhian a nih avângin thovin a va pe lo na a, a dîl 8  
ngut ngut avângin thovin a duh zât apiang a va pe ang.

“Chutichuan, ka ti a che u, Dîl rawh u, tichuan an pe ang 9  
che u; zawng rawh u, tichuan in hmu ang; kik rawh u, tichuan  
an hawn sak ang che u. Tupawh a dîl apiang chuan an hmu ṭhîn 10  
a, tupawh a zawng chuan an hmu ṭhîn a, tupawh a kik chu an  
hawn sak dân a ni. Nangniho zînga pa hi, a fapain chhangpêr 11  
dîl sela, tunge lung pe ang? a nih leh, sangha *dîl sela*, *tunge* sangha  
aiah rûl pe ang? A nih leh, artui dîl sela, khawmualkaikuang 12  
a pe ang em ni? Chutichuan, nangni mi sual mahin in fate 13  
thil tha pêk nachâng in hriat chuan, in Pa vâna mi chuan a dîl-  
tute chu Thlarau Thianghlim a va pe dân em!” a ti a.

Tin, *Isuan* ramhuai *ṭawnṭheilo* pakhat a hnawt chhuak a. 14  
Tin, heti hi a ni a, ramhuai chu a chhuah veleh *ṭawnṭheilova*  
chu a lo *ṭawng* ta a; tichuan mipuihovin mak an ti hle a. Nimah- 15  
sela, a ṭhen chuan, “Ramhuai lal Beelzibula avângin alâwm

ramhuaite a hnawh chhuah thìn ni," an ti a. Tin, a thenin, 16  
 amah fiah nân vân ata hriatna an dîl a. Ani erawh chuan an 17  
 ngaihtuahte chu a lo hria a, an hnênah, " Khawii ram pawh mahni  
 indo apiang an boral thìn; chhûng khat pawh mahni indo chu an  
 boral thìn. Setana pawh mahni a indo chuan, a ram engtinng 18  
 a din chhuah ang? - 'Beelzibula avângin ramhuaite a hnawt  
 chhuak,' mi ti si a. Tin, kei hi Beelzibula avânga ramhuaite 19  
 hnawt chhuak thìn ka lo nih chuan, in faten tu vângin nge an lo  
 hnawh chhuah thìn le? Chuvângin anni chu nangmahni ngaiht-  
 tuahtu tûrte an ni ang. Amaherawhchu, kei hian Pathian kutzung 20  
 avânga ramhuaite hnawt chhuak thìn ka nih chuan, Pathian ram  
 in hnênah a lo thleng tawh a ni ang.

"Mî chak chuan hriam famkim kenga a in a vên chhûng 21  
 zawng, a sum chu him takin a awm reng thìn; nimahsela, a aia 22  
 chak zâwkin a rawn bei a, a hneh hun chuan, a inrinna râlthuum  
 famkim chu a chhuah sak a, a sum a lâk sak chu a sem darh thìn.  
 Tupawh ka lama tâng lo chu, mi do a ni; tupawh mi lâk khâwm- 23  
 pui lo chuan, a tidarh a ni.

"Ramhuai bawihhlawh chu mi kawchhûng ata a chhuahin, 24  
 chawlhna zawngin tui awm lohna hmunahte a vâk a vâk thìn a;  
 tin, *chawlhna* rêng rêng a hmu lo va, 'Ka chhuahna inah khân ka kîr  
 leh mai ang,' a ti a; tin, a va thlen chuanin phiah faia cheimawi- 25  
 in a hmu a. Chu veleh a va kal a, amah aia sual zâwk ramhuai 26  
 dang pasarih a rawn hruai a, chutah chuan an lût a, an awm reng  
 thìn a; chu mihringa awmze hnuhnûng chu a hmasa aiin a lo t̃ha  
 lo zâwk thìn a ni," a ti a.

Tin, heti hi a ni a, chûng thute chu a sawi laiin, mipui zîngan 27  
 hmeichhia tuemaw a lo au chhuak a, a hnênah, "I paina pum chu  
 a hamt̃ha e, i hnute hnêk pawh," a ti a. Ani erawh chuan, 28  
 "A ni, nimahsela Pathian thu hriaa zâwmte hi mî hamt̃ha an ni  
 zâwk e," a ti a.

Tin, mipuite chu a hnêna an rawn inkhâwm laiin, *Isuan*, "Tûn 29  
 lai t̃hangtharte hi t̃hangthar sual an ni; chhinchhiahna an zawng  
 a; nimahsela Jona chhinchhiahna chauh lo chu an hnênah chhin-  
 chhiahna rêng rêng pêk a ni lo vang. Jona chu Ninevi khuaa 30  
 mite tân chhinchhiahna a lo ni ang khân, Mihring Fapa pawh  
 tûn lai t̃hangtharte tân hian *chhinchhiahna* a la ni ang.

"Chhim lam lalnu kha ngaihtuah hunah chuan tûn lai t̃hang- 31  
 tharte hnênah hian a tho ve ang a, thiam loh a chantîr ang; Solo-  
 mona fin ngaithla tûr mahin kâwl kil ata a lo kal si a; ngai ter a,  
 Solomona aia ropui zâwk hetah hian a awm asin.

"Ninevi khuaa mite chu ngaihtuah hunah chuan tûn 32  
 lai t̃hangtharte hnênah hian an ding ve ang a, thiam loh an chantîr

ang, Jona thu hril avângin an sim si a; ngai teh u, Jona aia ropui zâwk hetah hian a awm asin.

“Tuman khâwnvâr an hâlin in hnuai pûkah an dah ngai 33 lo, hrai hnuaiah an dah ngai hek lo, mi lûtte chuan a êng an hmuh theih nân a dahnaah chuan an dah zâwk *thîn a ni*.

“I taksa khâwnvâr chu i mit a ni; i mit a fîm chuan i taksa 34 pawh apumin a êng chhuak *thîn*; a chhiat erawh chuan i taksa pawh a thim zo vek *thîn*. Chutichuan, i chhûnga êng awm chu 35 thim a lo ni dah law maw fîmkhur rawh. Chutichuan, taksa 36 hi khawi lai mah thim lova apuma a ên chhuah chuan, khâwnvâr êng nasa takin a ên che angin a êng chhuak vek ang,” a ti a.

Tin, a sawi laiin, Pharisai pakhatin amah chu a hnêna chaw 37 eiah a sâwm a; tichuan, a lût a, chaw a kil a. Tin, Pharisai chuan 38 a *chaw kil chu* a hmuhin, chaw ei hmaa *kul* a sil lo chu mak a ti hle a. Tin, Lalpa chuan a hnênah, “Nangni Pharisaiten no leh thlêng 39 pawn lam chu in silfai *thîn* tak a; in kawchhûng lam erawh chu hlêprûk leh sualin a khat si a. Mi âte u, pawn lam siamtuin 40 chhûng lam pawh a siam lo vem ni? Nimahsela, a chhûnga 41 thil awm chu mi rethei hnêna pêk atân hmang rawh u; tichuan ngai teh u, in tân engkim a thianghlim tawh a ni.

“Nangni Pharisaiten u, in chung a pik e! Pudina te, pârdi te, 42 thlai tinrêng te sawma pakhat in pe *thîn* a, felna leh Pathian hmangaihna chu in ngaihtah si *thîn*; nimahsela chûng chu asin in tih tûr ni, a dangte chu tih *thulh* chuang lovin. Nangni 43 Pharisaiten u, in chung a pik e! Inkhâwmna inah *thutphah* tha berte leh dâwr hmuna chibai bûkte in ngaina si *thîn* a. In chung 44 a pik e! Thlân tih hriat loh, a chung a hre lova mi an kal *thinna* ang chu, in ni e,” a ti a.

Tin, dân hretu pakhatin a hnênah, “Zirtîrtu, hêng thu i sawi hi 45 keini pawh min hau i nih hi,” a ti a, a chhâng a. Tin, ani chuan, 46 “Dân hretute u, nangni pawh in chung a pik e! Thil phurh hrehawm takte mite in bel *thîn* a, nangni chuan phurte chu in kut zungtang pakhat pawhin in khawih ngai si lo. In chung a pik e! 47 Zâwlneiho thlân inte in sa *thîn* a, in thlahtute thah an ni si a. Chutichuan in thlahtute thiltihte chu in hriatpuin in remtihpui 48 a ni; annin an that a, nangnin an thlân inte in sa si a. Chuvângin, 49 Pathian finna pawhin, ‘An hnênah zâwlneihte leh tirkohote ka tîr ang a, a *then* an that ang a, a *then* an tiduhdah ang; chutichuan, 50 Abela thisen chhuah achin, Zakaria, maichâm leh biak in inkâra thia thisen chhuak thleng khân, zâwlnei zawng zawng thisen, leilung pian tîrh ata chhuak chu, tûn lai *thangtharte* chungah hian phuba an la thei ang,’ a tih kha. A ni, ka hrilh a che u, tûn lai *thangtharte* chungah hian phuba an la ang. Nangni dân hre 52



tute u, in chung a pik e! Finna chabi chu in kal bopui a; nangni lah in lût si lo va, mi lût tûr pawh in khap si a," a ti a.

Tin, chuta ta a chhuah chuan, lehkhaziaktute leh Pharisaite chuan amah chu an tai ta rân a, thu tinrêng an sawi luihtir a, a tawng sual hlauhva man tumin an châng reng a.

**12** Chutih chliunga mipui sâng tam tak inrap nûl nûl khawp hial an rawn inkhâwm chuan, *Isuan* a hmasa berin a zirtirte hnénah, "Pharisaite dawidim, vervêkna lakah chuan, fimkhur rawh u. Lang lo tûra thuhrûk engmah a awm si lo; hriat loh tûra zêp pawh engmah a awm hek lo. Chuvângin thima in sawi apiang kha êngah an la hria ang a; pindan chhungrila beng bula in thu sawi kha in chungu chuangin an la tlângaupui ang. Tin, ka thiante u, ka hrilh a che u, 'Taksa tihluma, chu mi hnua engmah dang ti leh thei tawh lote chu, hlau suh ang che u. Amah-erawhchu tunge in hlauh tûr ka hrilh lâwk ang che u: A tihlum hnu pawha Gehenna-a pailh theihna thu neia chu hlau rawh u; a ni, ka hrilh a che u, amah mawih chu hlau rawh u. Chawng-zawng panga dâr tangka pahnihah an hralh thîin lo vem ni? nimahsela, an zînga pakhat mah Pathianin a hmaih ngai si lo. In samzaite lam pawh hi chhiar vek a ni asin. Hlau suh u; chawng-zawng tam tak aiin in hlu zâwk a ni.

"Tin, ka hrilh a che u, Mite hmaa mi tan apiang Pathian vântirhkohte hmaah Mihring Fapain a tan ve ang. Nimahsela mite hmaa mi phat chu Pathian vântirhkohte hmaah phat a ni ve ang. Tin, Mihring Fapa sawisêl apiangte chu an sawisêlna chu ngaihdam sak a ni ang; Thlarau Thianghlim meuh sawichhia erawh chu a sawichhiatna chu ngaihdam sak a ni lo vang.

"Tin, inkhâwmna ina mite, lalte, hotute hmaa an hruai hunah che u chuan, 'Engtinngê, eng thuin nge ka chhân ang, eng thu nge ka sawi ang,' tiin, lungkliauh suh ang che u; chutih hun takah chuan, engnge in sawi tûr rem, Thlarau Thianghlimin a hrilh ang che u," a ti a.

Mipui zînga tuinemaw Isua hnénah, "Zirtirtu, ka u hnénah ro mi sem ve tûrin lirilh rawh," a ti a. Nimahsela, ani chuan a hnénah, "Mihring, nangni chungah tuinngê rorêltuah leh sum semtuah mi siam?" a ti a. Tin, an hnénah, "Fimkhur ula, avhna rêng rêng lakah chuan invêng rawh u; sum ngah hi mihring dam chhan a ni lo ve," a ti a.

Tin, an hnénah tehkhin thu a sawi a: "Mi hausa tuemaw a lo a hlâwk êm êm a; ticluan, a inngailtuah a, 'Engtinngê ka tih ang aw? ka buh leh bâl dah khâwmna ka nei si lo va,' a ti a. Tin, 'Hetî hian ka ti teh ang; ka buh inte ka thiat ang a, a aia lian-in ka sa ang a; chutah chuan ka buh leh ka sum zawng zawng ka dah khâwm ang. Tin, ka thlarau hnénah, Thlarau, kum 19

tam tak chhúng atân s m tam tak i khâwl hi; châwl la, ciin bâr  
la, hlim takin awm rawh, ka ti ang, ' a ti a. Nimahsela, Pathian- 20  
in a hnénah, ' Mî â, zâninah hian i thlarau an lâk sak dâwn  
che a ni; i thil dehchhuahte kha tu ta nge ni ta ang le? ' a ti a.  
Mahni tâna sum khâwla, Pathian lama ngah si lo chu, chuti chu 21  
a ni thîn," a ti a.

Tin, a zirtirte hnénah, " Chuvângin ka hrih a che u, ' Eng- 22  
nge ka ei ang aw? ' tiin, in nunna thu leh, ' Engnge ka silhin ka  
fên ang aw? ' tiin, in taksa thu lungkham suh u. Ei tûr aiin 23  
nunna a thupui zâwk a ni, silhfên ai pawhin taksa a *thupui zâwk*  
*a ni*. Choakte hi ngaihtuah rawh u, *buh* an tuh hek lo, an ât hek 24  
lo, zêmte buh inte pawh an nei lo; nimahsela Pathianin a châwm  
si a; nangni chu savate ai chuan in hlut zâwkzia mai chu! Tin, 25  
nangni zingah lungkham avângin tuinngge mahni dung lam tawng  
khata tisâng chuang thei? He mî tê mah ti thei lo che u a, enga- 26  
tinge thil dang in lungkham thîn?

" Tûktinpâr thanzia hi ngaihtuah rawh u; hna an thawk 27  
lo, la pawh an kai hek lo; nimahsela, ka hrih a che u, Solomona  
meuh pawh a ropuina zawng zawnga a inthuan khân hêng *tûk-*  
*tinpâr* pakhat tluk pawh hian cheiin a awm lo. Chutichuan, ram 28  
hnim, waviin *anga* nung, atûka thuka tuah leh mai tûr mah,  
Pathianin chuti kauva a chei chuan, aw, nangni rin tlêmte u,  
chu mî ai chuan silhfên a va pe dâwn che u êm!

" Tin, in ei tûrte, in in tûrte zawng suh u; tui lai rap angin 29  
awm pawh awm suh u. Khawvêla hnam tinin chûng *thil* zawng 30  
zawng chu an zawng thîn a ni; chûng chu in mamawh tih in  
Pain a hre reng si a. Ama ram zawng zâwk rawh u, tichuan 31  
chûng *thil* pawh chu a pêk belhchhah dâwn che u nia. Pâwl  
tlêmte u, hlau suh u; ram pêk che u hi in Pa lâwmzâwng tak 32  
a ni.

" In neih apiang hralh ula, mî retheite hnénah pe rawh u; 33  
vânah rûkru kal lohnaah, sùlrûl ei chhiat lohnaah chuan, tangka  
ip hlui thei lo te, sum ral thei lo te insiam rawh u. In ro awmna 34  
apiangah in rilru pawh a awm dâwn si a.

" Puan veng rengin, in khâwnvâr pawh alh rengin awm ula; 35  
miin an pu lawi chaw ei a lo haw huna, kawngkhâr a rawn kik 36  
veleha, lo hawn thei nghâl tûra an lo nghâk reng ang hian, awm  
rawh u. An pu a lo kal hunah bawi lo nghâk reng a hmuhate 37  
chu an eng a thâwl *ang*; tih tak meuhvin ka hrih a che u, Ani  
chuan a puan a rawn veng ang a, anmahni chu chaw kilin a thut-  
tîr ang a, an rawng a rawn bawl ang. Zan laiah emaw, thawh 38  
hunah emaw a lo kal a, chutianga a rawn hmuh chuan, chu *bawite*  
chu an eng a thâwl *ang*. Amaherawhchu, hei hi hre rawh u, 39  
rûkru a lo kal hun tûr in neituin hria sela, a vêng ang a, a in a

rehpawhtîr lo ang. Nangni pawh inring rengin awm rawh u, 40  
in rin loh hunah Mihring Fapa a lo kal dâwn si a," a ti a.

Tin, Peteran, "Lalpa, he tehkhin thu hi keimahni chauh 41  
nge min hrilh, mi zawng zawng?" a ti a.

Tin, Lalpan, "Sum enkawltu rinawm, fîng tak, a puin a hun 42  
apianga an chaw chan tûr sem sak tûrin a chhûngte chungah hotua  
a siam tûr chu tu ber nge ni ang le? A pu a lo kal hunah bawi 43  
chutiang tia a rawn hmuha chu a eng a thâwl ang. Dik takin, 44  
ka hrilh a che u, A neih zawng zawng chungah hotuah a siam ang.  
Amaherawhchu, chu bawi chuan, a rilruin, 'Ka pu a lo kal lawk 45  
dâwn lo ve,' tiin, bawinute, bawipate lo vêl sela, eiin bârin lo rui  
ta sela, chu bawia pu chu, a rin loh niah, a hriat loh laiin, a lo kal 46  
ang a, bung hnihah a rawn chhuah ang a, mi rinawm lote chan  
ang a chantîr ang. Bawi a pu duhzâwng hre reng chungah lo in- 47  
ring si lo va, a pu duhzâwng ang pawha ti lo chu, vawî tam tak  
an vua ang. Amaherawhchu, hre lo chungah vuakna khawp thil 48  
ti chu, vawî tîem tî an vua ang. Tupawh tam tak an pêka hnên-  
ah chuan tam tak an phût ang; tupawh tam tak an kawltîra  
hnênah chuan tam deuh an phût ang.

"Khawvêlah mei thlâk thla tûra lo kal ka ni; tûnah pawh 49  
kâng tawh pang sela ka va ti em! Nimahsela, baptisma chan tûr 50  
ka nei, chu mi tleltlâk hma loh chu ka thaw a va ipik êm! Khaw- 51  
vêlah rem lêmtîr tûra lo kal emaw mi ti elo? Hnai lo ve, ka hrilh  
a che u, Do lénîr tûra lo kal zâwk ka ni; tûn hnuah chuan chhûng 52  
khatah mi panga an indo vang, pathumin pahnih, pahnihin pa-  
thum. An indo vang a, pain a fapa, a fapain a pa; a nuin a fanu, 53  
a fanuin a nu; a piin a mo, a movin a pi," a ti a.

Tin, mipui hnênah pawh chuan, "Thlang lama chhûm 54  
chhuak in hmuh chuan, 'Ruah a sùr dâwn,' in ti nghâl thîn a;  
tin, a lo ni ngei thîn. Tin, chhim thli tleh in hriat chuan, 'Thaw 55  
a sa dâwn e,' in ti thîn a; tin, a lo ni ngei thîn. Nangni vervêkte 56  
u, khawvêl leh vân awmzia pawh in hre fiah thiam si a, engatinge  
tûn lai thil hi in hriat fiah thiam loh ni? Engatinge nangmahnin 57  
a fel chu in ngaihtuah loh?

"Tin, rorêltu hmaa i khingpui nêen in kal hunin, kal pahin a 58  
lakah fihlîmna mawh zawng hrâm rawh; chutilochuan rorêltu hmaah  
a hruai lui ang chia, rorêltu chuan mi man hotu a mantîr ang chia,  
mi man hotu chuan tân inah a khung hlah dah ang che. Ka 59  
hrilh a che, Dâr tangka derê tî pawh i tlâk kim hma loh chuan,  
chuta ta chu i chhuak lo hui hual ang," a ti a.

**13** Tin, chutih lai tak chuan, tuteemaw an lo awm a, chu 1  
mite chuan, Galili rama mi, Pilatan an thisen an Pathian  
biakna sa talhte zînga a telh sakate chanchin chu Isua an hrilh a.

Tin, ani chuan an hnênah, "Chu Galili rama mite chu, chu- 2

tiang thil an tuar avângin Galili rama mi zawnz zawnz aiin mi  
sual bik niin in ring em ni? Ni suh e, ka hrih a che u, nangni  
pawh in sim loh chuan chutiang bawkin in boral vek ang. Tin,  
Siloam in sângin mi sâwm leh pariat a delhlumte pawh kha,  
Jerusalem khuaa awmte zawnz zawnz aiin mi سوال bik niin in  
ring em ni? Ni suh e, ka hrih a che u, nangni pawh in sim loh  
chuan chutiang bawkin in boral vek ang,” a ti a, a chhâng a.

Tin, he tehkhin thu hi a sawi a: “Tuinemaw a grêp huanah  
theipui phun pakhat a nei a; tin, a kûngah chuan a rah a rawn  
zawnz a, pakhat mah a hmu lo va. Tichuan, grêp hrui enkawltu  
hnênah, ‘Ngai rawh, kum thum chhûng hian he theipui kûngah  
hian a rah ka va zawnz thîn a, pakhat mah ka hmu si lo; kit rawh;  
engatinge hmun pawh awha a awm reng ni?’ a ti a. Tin, ani  
chuan a hnênah, ‘Ka pu, kumin tal hi awm sela, a vêlin ka lai ang  
a, êkin ka vûr rih ang e; chu mi achina a rah chuan a *tha ang*, a  
rah loh erawh chuan kit mai ang che,” a ti a.

Tin, Chawlhniin ani chuan inkhâwmna in pakhat a zirtîr  
a. Tin, ngai teh, kum sâwm leh kum riat ramhuai man chak  
loh vei hmeichhe pakhat a awm; chu mi chu a kûn reng a, amah  
chuan a ding ngîl thei tawp lo va. Tin, Isuan a hmuh veleh  
a ko va, a hnênah, “Hmeichhia, i chak lohna chuan a thlah ta a  
che,” a ti a. Tin, a chungah a kut a ngat a; tichuan, thâwk-  
khatan a ngîl ta ngîl a, Pathian a fak ta a.

Tin, Isuan Chawlhnia mi a tihdam avângin inkhâwmna in  
hotu chu a thînur a, mipui chu a bia a, an hnênah, “Mihring  
hnathawhna tûr ni ruk a awm alâwm; chu mi chhûngin lo kal  
ula, intidam rawh u, Chawlhnia lo kal lovin,” a ti a. Lalpa  
erawh chuan a hnênah, “Nangni vervêkte u, Chawlhniin mahni  
sebâwnz emaw, sabengtung emaw a chaw eina ata phelhin, tui  
in tûrin in hrui chhuak theuh thîn a ni lo vem ni? He hmeichhia  
hi, Abrahama fanu a ni si a, ngai teh u, Setanan kum sâwm leh  
kum riat a man reng hi, Chawlhniah pawh he mi phuar hi han  
phelh sak lohzia em ni?” a ti a, a chhâng a.

Chûng thute chu a sawi laiin a hmêlmate zawnz zawnz chu  
an zak ta a; mipui erawh chu a thil ropui tih zawnz zawnz  
avângin an lâwm vek a.

Chutichuan, ani chuan, “Pathian ram chu eng ang nge ni?  
eng nê nge teh pawh ka tehkhin ang? Anam chi fang khat miin  
a lâka, a huana a theha ang chu a ni; chu chu a lo to va, thing a lo ni  
a, chunglêng savate chu a zârahte chuan an riak a,” a ti a. Tin,  
“Pathian rara chu eng nê nge ka tehkhin ang?” a ti leh  
a. “Dawidim hmeichhia in a lâka, chhangphut tehkhâwnz thum  
zîngah a zaa a thawh vek thlenga a phûma ang chu a ni,” a ti a.

Tin, ani chuan zirtîr chung zêla, Jerusalem khaw lam panin, 22  
khaw lian leh khaw tête a tlawh zêl a.

Tin, tuinemaw a hnênah, “Chhandamte chu tlêm tê em 23  
an nih?” a ti a. Tin, ani chuan an hnênah, “Kawngka zîmah 24  
chuan luh tum hrâm rawh u; ka hrilh a che u, Mi tam takin luh  
an tum ang a, an lût thei si lo vang. In neitu a thawh a, kawng 25  
a khâr hnu chuan, nangnin pâwna dingin, ‘Lalpa, kawng min  
hawn sak rawh,’ tiin, kawngkhâr inrawn kik hunah, anin, ‘Khawii  
lama mi nge in nih ka hre lo a che u,’ tiin, a chhâng ang che u a;  
chuti hunah chuan, nangnin, ‘I hmuhah pawh kan eiin kan 26  
bâr tawh kha, kan kawthlêrahte pawh i zirtîr thin kha,’ in la ti  
ang a; tin, anin, ‘Ka hrilh a che u, Khawii lama mi nge in nih 27  
ka hre lo; nangni thil sual ti zawng zawngte u, ka hnên ata kal  
bo vek rawh u,’ a la ti ang.

“Abrahama te, Isaaka te, Jakoba te, zâwlnei zawng zawngte 28  
chu Pathian ram chhûnga awm in hmuh a, nangni pâwna hnawh  
chhuah in nih in *inhriat* hunah, chutah chuan tah leh ha thial  
chu a awm ang. Tin, chhak leh thlang, chhim leh hmâr atangin 29  
an lo kal ang a, Pathian ramah an lo thu ang. Tin, ngai teh u,  
hnuhnûng berte pawh hmasa bera awm tûr an awm a, hmasa 30  
berte pawh hnuhnûng bera awm tûr an awm,” a ti a.

Chutih lai tak chuan Pharisai tuteemaw an lo kal a, a hnênah, 31  
“Chhuak la, heta ta kal bo rawh; Herodan tihhlum che a duh  
êm êm a ni,” an ti a. Tin, ani chuan an hnênah, “Chu sihal 32  
hnênah chuan *he thu hi* va sawi rawh u: ‘Ngai rawh, vawiinah  
nên, naktûkah nên, ramhuaite ka hnawt chhuak ang a, nâte pawh  
ka tidam ang a, atûk lehah ka zo vang. Engpawh ni rawh se, 33  
vawiinah nên, naktûkah nên, atûk lehah nên ka kal zêl tûr a ni;  
Jerusalem khaw pâwn lamah zâwlnei thih theih a ni lo ve,” a ti  
a. “Aw Jerusalem, Jerusalem! zâwlneiho thattu, i hnêna an 34  
rawn tirhte lunga lo denghlumtu! arpuiin mahni notê a thla  
hnuaia a *awp khâwm* angin i fate wawî engzâtngê awp khâwm  
ka tum kha! Nimahsela in duh si lo. En teh u, in in chu *aruaka* 35  
hnutchhiah che uin a awm ta. Ka hrilh a che u, ‘Lalpa hminga  
lo kal chu a eng a thâwl e,’ in tih hma loh chuan, mi hmu leh  
tawh lo vang,” a ti a.

**14** Tin, heti hi a ni a, Chawlhniin Pharisai hotu pakhat ina 1  
chaw ei tûra a kal chu an enthla reng a.

Tin, ngai teh, a hmaah chuan dam lo vûng mi tuemaw a awm. 2  
Tichuan, Isuan dân hretute leh Pharisaitê chu a bia a, an hnênah, 3  
“Chawlhniin tihdam a thiàng nge thiàng lo?” a ti a. Anni erawh  
chu an ngawi reng a. Tin, ani chuan *dam lo* chu a chelh a, a 4  
tidam a, a kaltîr ta a. Tin, an hnênah, “Nangni zîngan in sa- 5  
bengtung emaw, sebâwng emaw tuichhunchhuahah lo tla sela,

Chawlhni *pawhin* tunge hnûk chhuak nghâl lo vang che u?"  
a ti a. Chûng thu chu an chhâng thei lo leh bawk a.

Tin, an mi sâwmten thutphah tha ber an thlan thinzia a hmu  
a, an hnênah tehkhin thu a sawi ta a: "Lawi chaw ei tûrin tuin-  
emaw a sâwm hunah che chuan thutphah tha berah thu suh ang  
che; chutilochuan, i aia mi tha zâwk a lo sâwm hlauh ang a,  
tichuan, a sâwmtu che chuan, 'He mi thutna tûr hi kian rawh,'  
a rawn ti ang chia; tin, nang zak takin thutphah tha lo berah i  
thu leh si tûr a ni. An sâwm hunah che chuan thutphah tha  
lo berah va thu zâwk ang che; chutichuan a sâwmtu che a lo kal  
hunah, i hnênah, 'Thiana, thutphah tha deuhvah thu rawh,'  
a ti thei ang che. Chutichuan i chaw kîlpuite mithmuhah chuan  
chawimawiin i awm ang. Inngaihlu apiang an tlâwm ang a;  
inngaitlâwm chu chawimawiin an awm ang," an hnênah a ti a.

Tin, a sâwmtu hnênah pawh chuan, "Chhûnah emaw, zânah  
emaw ruai i theh hunin, i thiante, i unaute, i laichînte, i vêng  
hausate chu sâwm suh ang che; chutilochuan an sâwm ve leh ang  
chia, an rûl leh kher ang che. Ruai i theh hun chuan, pachhiate,  
piangsualte, kebaite, mitdelte sâwm zâwk ang che; tichuan, chûng  
ang chuan rulhna tûr che an neih loh avângin, i eng a thâwl ang;  
mi felte thawh leh hunah rulh leh i ni dâwn si a," a ti a.

Tin, a chaw kîlpui tuinemaw chûng thu chu a hria a, a hnên-  
ah, "Pathian rama chaw ei tûr chu an eng a thâwl e," a ti a.

Tin, ani chuan a hnênah, "Mi tuinemaw zânah ruai ropui  
takin a theh a, mi tam tak a sâwm a; tin, a ei hun chuan, a mi  
sâwmte hnênah, 'Lo kal rawh u, tûnah engkim peih a ni ta e,'  
ti tûrin a bawi a tîr a. Tin, an zain thu khat vuain chhuanlam  
an nei vek a. A hmasa berin a hnênah, 'Lo ka lei ta a, a enin ka  
kal a tûl a ni; mi khawngaih la mi han phat sak ang che,' a ti a.  
Tin, mi dangin, 'Sebâwng tuak nga ka lei ta a, a chhia a tha  
fiahin ka kal dâwn a, mi khawngaih la mi han phat sak ang che,'  
a ti a. Tin, mi dangin, 'Nupui ka nei ta a, chavângin ka kal thei  
lo,' a ti a. Tin, bawi chuan a pu hnênah, chûng thu chu a vah rilh  
a. Tin, in neitu chu a thinur a, a bawi hnênah chuan, "Chhuak  
la, kawtthlêrahte, kâwmkârahte kal thuai thuai la, pachhiate,  
piangsualte, mitdelte, kebaite hetah rawn hruai lût rawh,' a ti a.  
Tin, bawi chuan, 'Ka pu, i thu mi pèk ang khân ka ti tawh a,  
nimahsela hmun a la chuang ta fo,' a ti a. Tin, a puin bawi  
hnênah chuan, 'Chhuak la, lamlianahte, daiahte kal la, ka in  
khañ nân mi han thlêm lût hrâm rawh. Ka hrilh a che, Mi ka  
sâwmte khân pakhat mahin ka ruaitheh an ei lo vang,' a ti a,"  
a ti a.

Tin, mipui nasa takte a hnênah an kal ve a; tichuan ani chu  
a hawi a, an hnênah, "Tupawh ka hnêna lo kal chuan, a pa te, 26

a nu te, a nupui te, a fa te, a unau te, a farnu te, ama nun nêl lam pawh a huat loh chuan ka zirtîr a ni thei lo vang. Tupawh mahni 27 kraws pua mi zuì lo apiang chu ka zirtîr a ni thei lo vang.

“Nangni zîngah tupawhin in sâng sak tum ula, a tîrin t̃huip, 28 sak zawhna khawp *sum* in neih leh neih loh *hre tûrin*, a man tûr chin tunge chhût lo vang che u? Chutilo chuan, lung phûm tawh 29 zeta, a sak zâwh theih loh chuan, a en apiangin, ‘He mi hian in 30 a rel ting a, a sa zo thei si lo,’ tiin, an nuihsan dah ang e.

“Tin, lal tuinnge lal dang do tûra a kal dâwnin, a tîrin t̃huin, 31 mi sînghnih nêna amah do tûra lo kal chu, mi sîngkhat nêl a tawh ngam dâwn leh dâwn loh, *mi* râwn lo vang? Chuti a nih loh vêk leh, *lal* dang chu hla taka a la awm laiin, inremna lam thutiam 32 dîl *turin* palai a tîr ang. Chutiang bawkin, nangni zîngah hian tupawh a neih zawng zawng kalsan lo apiang chu ka zirtîr a ni 33 thei lo vang.

“Chi hi a t̃ha e; nimahsela, chi pawh a dâk tawh chuan, eng- 34 innge an tihal leh ang? Lei tân a t̃ha lo vang, êk dûr tân pawh 35 a t̃ha hek lo vang; min an paih chhuak t̃hin. Tupawh hriatna tûra beng nei chuan hre rawh se,” a ti a.

**15** Tin, chhiakhawntute leh mi sualte zawng zawngin a 1 thu hre tûrin a kiang an rawn pan a. Tin, Pharisaite leh 2 lehkhaziaktute chuan, “He *mi* hian mi sualte a pâwl a, an hnên- ahte chaw a ei ve t̃hin,” tiin, an phunnawi ve ve a.

Tichuan, anin an hnênah he tehkhin thu hi a sawi a: “Nangni 3 zîngah tupawhin berâm za nei ula, an zînga pakhat hloh ang ula, thlalêrah sawmkua leh pakuate chu hnutchhiahin, a bo chu in hmuh leh hma loh zawng tunge zawng lo vang che u? Tin, in 5 hmuh leh chuan lâwm takin in kokiah in pu t̃hin. Tin, in in thlen 6 veleh in t̃hiant e leh in vêngte in ko khâwm a, an hnênah, ‘Mi lâwmpui rawh u, ka berâm bo kha ka hmu leh ta e,’ in ti t̃hin. Ka hrih a che u, Chutiang bawkin mi fel sawmkua leh pakua 7 sim chuan tûr nei lote ai chuan mi sual pakhat sim chungah hian vâna *mi* an lâwm zâwk ang.

“Tin, hmeichhia tupawh duli sâwm neiin pakhat hloh ang 8 sela, khâwnvâr hâla, in phiatin, a hmuh leh hma loh zawng tunge ngun takin zawng lo vang? Tin, a hmuh leh chuan, a t̃hiant e leh a vêngte a ko khâwm a, ‘Mi lâwmpui rawh u, ka duli hloh kha ka hmu leh ta e,’ a ti t̃hin. Ka hrih a che u, Chutiang baw- 10 in Pathian vântirhkohte hmaah chuan mi sual pakhat sim chungah an lâwm t̃hin a ni.

“Tin, mi tuinemaw fapa pahnih a nei a; tin, a naupang zâwk 11 chuan a pa hnênah, ‘Ka pa, ro ka chanai *mi* pe rawh,’ a ti a. 12 Tichuan, a sum chu an hnênah a sem- ta a. Tin, ni rei lo tê 13 chinah a fapa naupang zâwk chuan a *chanai* zawng zawng chu a la

khâwm vek a, khaw lam hla takah a kal ta a, chutah chuan nuam  
lutukin a awm a, a sum chu a khawhral ta mai mai a. Tin, a dehral 14  
zawh veleh, chu khaw lamah chuan tām nasa tak mai a lo tla a;  
*ei tur* a lo tlachham ta a. Tichuan, chu mi khaw lam mi mi pakhat 15  
a va bêl a; chu mi chuan vawk chaw pe tûrin a lo lamah a tîr a.  
Tin, englo kâwm vawkin an eite chuan intihpuar a duh êm êm a; 16  
tuman engmah an pe si lo.

“Tin, a inhriat çhhuah veleh, ‘Ka pa hnêna inhlawhfate 17  
chaw ei sên lohva nei an tam vei nê, kei lah chu hetah rilâmin  
ka thi dâwn si a! Ka tho vang a, ka pa hnênah ka kal ang a, a 18  
hnênah, Ka pa, vâna mi chungah leh nangma mithmuhin thil  
ka tisual e; i fapaa vuah tlāk ka ni ta lo ve; i hnêna inhlâwhfa pa- 19  
khat angin mi siam *ve* rawh, ka ti ang,’ a ti a.

“Tichuan a tho va, a pa hnênah a kal ta a. Chutichuan, 20  
hla taka a la awm laiin a pain a lo hmu a, a khawngaih êm êm  
a, a tlân a, a ir a chuktuah a, a fâwp ngawih ngawih a. Tin, a 21  
hnênah a fapain, ‘Ka pa, vâna mi chungah leh nangma mit-  
hmuhin thil ka tisual e; i fapaa vuah tlāk ka ni ta lo ve,’ a ti a.  
Nimahsela, a pa chuan a bawite hnênah, ‘Puan tha ber kha han 22  
la thuai ula, han sintîr rawh u; a kutah zungbûn te, a kephahah  
pheikhaw te buntîr rawh u; sebâwng no thau tak kha han la 23  
ula, talh rawh u, hlim takin i ei ang u; he ka fapa hi a thi a, a lo 24  
nung leh ta a nih hi; a bo va, *kan* hmu leh ta a nih hi,’ a ti a. Ti-  
chuan hlim takin an awm tan ta a.

“Tin, a fapa upa zâwk chu lovah a awm a; tin, in a lo thlen 25  
dâwn chuan englo tum ri leh lâw thâwm a hre ta a. Tichuan,  
chhiahhlawh pakhat a ko va, ‘Chu engnge ni ta?’ tiin, a zâwt a. 26  
Tin, ani chuan a hnênah, ‘I nau a lo hâwng a, him takin a hmuh 27  
leh avângin i pain sebâwng no thau tak kha a talh a ni,’ a ti a.  
Tin, a thinur a, a lût duh ta lo va; tin, a pa a lo chhuak a, a thlêm 28  
a. Nimahsela, ani chuan a pa hnênah, ‘Ngai rawh, kumkhaw 29  
hei leh chen hi ka châwm chia, i thu lah hi ka awi lo ngai si lo va;  
ka thiante nêna hlimna ka siamna turin keltê pawh mi pe ngai  
si lo va; nimahsela, hei i fapa nawhchizuarte hnêna i sum eiral 30  
vektu hi a lo haw veleh ama tân sebâwng no thau tak kha i lo  
talh sak vei a,’ a ti a, a chhâng a.

“Tin, ani chuan a hnênah, ‘Ka fapa, ka hnêna awm reng i 31  
ni alâwm, ka neih zawng zawng hi i ta a ni e. Hlim tak leh  
lâwm taka awm tûr a ni rêng alâwm; he i nau hi a thi a, a lo nung 32  
leh ta a; a bo va, *kan* hmu leh ta a ni si a,’ a ti a,” a ti a.

**16** Tin, *Isuan* a zirtîrte hnênah *he thu* pawh *hi* a sawi a: “Mi 1  
hausa tuinemaw sum enkawltu a nei a; chu mi chuan a sum  
a khawhral sak mai mai khawngah a hnênah an hêk a. Tichuan, 2  
ani chuan amah chu a ko va, a hnênah, ‘I chungchâng thu ka



hriat hi eng tizia nge ni? I sum enkawl chanchin mi ziaak vek rawh; tûn achinah sum enkawltuah i tâng thei tawh lo vang, ' a ti a. Tin, sum enkawltu chuan a rilruin, 'Ka puin ka sum enkawl mi bân dâwn hi engtingge ka tih ang aw? lei jaih ka peih si lo va, kut dawh lah chu ka zak si a. Sum enkawla mi bân huna an ina mi awmtîr nân ka tihzia tûr ka hre ta, ' a ti a. Tichuan a pu sum batute chu a ko theuh va, a hmasa ber hnênah chuan, 'Ka pu lakah engzâtng e i bat?' a ti a. Ani chuan, 'Hriak tehkhâwng zakhat, ' a ti a. Tin, ani chuan a hnênah, 'I lehkhla la la, thu thuai la, sawmnga ziaak rawh, ' a ti a. Tin, mi dang hnênah, 'Nang engzâtng e i bat?' a ti a. Ani chuan, 'Buh tehkhâwng zakhat, ' a ti a. Tin, ani chuan a hnênah, 'I lehkhla la la, sawmriat ziaak rawh, ' a ti a. Tin, a pu chuan sum enkawltu fello chu a rem hriat avângin a fak ta a; êng fate aiin he khawvêl fate hi an tûn lai kawngah chuan an fîng zâwk a ni.

"Ka hrilh a che u, Sum lemin in tân thiante siam rawh u; sum a boral huna chatuana awmnaah chuan an awmtîr nân che u. Tupawh tlênte chung a rinawm chu, tam tak chungah pawh a rinawm thîn; tupawh tlênte chung a rinawm lo chu, tam tak chungah pawh a rinawm lo thîn a ni. Sum lem chungah mah in rinawm loh chuan, tuinnge sum tak chu kawltîr ang che u? Mi dang ta chungah mah in lo rinawm tawh loh chuan, nangmahni ta chu tuinnge pe ang che u? Chhiahhlawh tumahin hotu pahni rawng an bâwl kawp thei lo; pakhat huain pakhat a duh ang, a nih loh leh, pakhat tanin pakhat a hmusit ang. Pathian leh sum rawng in bâwl kawp thei lo ve," a ti a.

Tin, Pharisaï tangka ngaihlute chuan chúng thu zawng zawng chu an hria a, an nuihsan a.

Tichuan, ani chuan an hnênah, "Mi mithmuha intifel mai in ni e; nimahsela, Pathianin in rilru a hre si a; mihring zînga an chawimawi chu Pathian inithmuhin tenawm tak a ni si. Dân leh zâwlneite thu chu Johana lo awm thleng khân a awm a; chu mi achinah chuan Pathian ram Chanchin Tha hi an hril a, mi tin an lût lui theuh va. Nimahsela, Dân thu chhun han tê tak tê bo ai pawhin vân leh khawvêl boral a awl zâwk e.

"Tupawh nupui ma a, nupui dang nei apiang, a uirê a ni; tupawh mi nupui mâk nei apiang a uirê a ni.

"Tin, mi hausa tuemaw a awm, puan sen duk leh puan zai sin tak a sin a, ni tin nuamsa takin a awm thîn; tin, a hming La-zara kutdawh pakhat pân bawm khah lûk, a kawngkhâr bulah an muttîr thîn a, mi hausa dawhkâna ei nawi tla chu ei a duh a; uite lah chuan a pânthe an lo lih sak thîn a. Tin, heti hi a ni a, kutdawh chu a thi a, vântirhkohten an kalpui a, Abrahama ângchhûngah an dah a. Mi hausa pawh chu a thi a, phûmin a awm ta

a. Tin, mitthi khuaah chuan na tak tuar rêng rêngin a awm 23  
 a, a han vanvadâk a, hla taka Abrahama, a ângchhûnga Lazara  
 awm nêh, a hmu ta a. Tin, a au va, 'Ka pa Abraham, mi khaw- 24  
 ngaih la, Lazara kha han tîr rawh, a kut zung hmâwr tuiah chiah  
 sela, ka lei tîhdaihna tûrin; he mei alhah hian ka na êm êm a ni,'  
 a ti a.

"Nimahsela, Abrahaman, 'Ka fapa, nangin i dam lai khân 25  
 thil tha i chang a, chutiang bawkin Lazaran thil tha lo a chan  
 kha hre ta che; nimahsela tûnah ani zawng hetah thlamuang  
 takin a awm a, nang zawng i nâ a nih kha. Hêng lo pawh hi, 26  
 heta tanga nangni hnêna kal tumte chu an kal theih lohna tûr  
 leh, tumah khata tanga keini hnêna an lo kai theih lohna tûrin,  
 keini leh nangni inkârah hian leikak nasa tak an siam tlat a ni,'  
 a ti a.

"Tin, ani chuan, 'A nih leh, ka pa, ani chu ka pa ina kaltîr 27  
 tûr talin ka ngên a che; pianpui mipa panga ka nei si a; he na  
 awmnaah hian an lo kal ve dah ang e, tshahnemngai takin hrilh 28  
 teh se,' a ti a. Abrahama erawh chuan, 'Mosia leh zâwlneite 29  
 an nei alâwm; chu mite thu chu ngai rawh se,' a ti a. Tin, ani 30  
 chuan, 'Ka pa Abraham, ni lo ve; mitthi zînga mi meuh an  
 hnênah kal zâwk sela an sim ang,' a ti a. Tin, ani chuan a hnên- 31  
 ah, "Mosia leh zâwlneite thu an ngaih loh chuan, mitthi zînga  
 mi tho leh mah sela an awi chuang lo vang,' a ti a," a ti a.

**17** Tin, Isuan a zirtîrte hnênah, "Tlûknate hi awm lo thei 1  
 a ni lo; nimahsela, tlûkna awmtîrtu chung chu a pik e!  
 Hêng mi tete zînga pakhat pawh tihtlûk ai chuan, a titlutu tûr 2  
 nghâwngah chuan buh râwt sawmna lung awrhtîrin, tuifinriatah  
 thlâk sela, a tân a tha zâwk tûr a ni.

"Fîmkhur rawh u: I unauvin thil a tihsual chuan, zilh rawh; 3  
 a inchiir chuan, ngaidam rawh. Ni khatah i chungah wawi 4  
 sarih thil tisuahlin, wawi sarih, 'Ka inchiir e,' tia, i lama a lo hawi  
 leh chuan, i ngaidam tûr a ni," a ti a.

Tin, tîrkohte chuan Lalpa hnênah, "Kan rin tiphui deuh 5  
 ang che," an ti a.

Tin, Lalpa chuan, "Anâm mu fang khat ang rin in neih 6  
 chuan, he thingtheihmu kûng hnênah hian, 'Lo inphawi la,  
 tuifinriatah lo inphun rawh,' in ti ang a, in thu a awi mai ang.

"Nimahsela, nangni zîngah tupawhin lei letin emaw, berâm 7  
 vêngin emaw bawi nei ula, a lo sîl hâwn veleh, 'Chawrawn kîl  
 nghâl rawh,' tunge lo ti ang che u? 'Ka ei tûr mi siam sak la, 8  
 puan veng la, ka ei ka bâr zawh hma loh chu ka rawng mi bâwl  
 rawh; chu mi hunah chuan nangin i eiin i bâr ang chu,' tunge lo ti  
 zâwk lo vang che u? In thu anga a tih avângin in bawi hnênah 9  
 lâwm thu in hrilh ngai em ni? Chutiang bawkin nangni pawhin 10

in hnêna thupêk zawng zawng anga in tih hnuin, ‘Bawi ðahnem lo kan ni e; kan tih tûr rêng a ni kan tih ni,’ ti rawh u,” a ti a.

Tin, heti hi a ni a, Jerusalem khuua an kal dâwnin, Samari 11  
leh Galili ram chu a kal pêl a. Tin, khaw engah emaw a luh dâwn- 12  
in, mi, phâr hlîr, sâwmin an tâwk a; chu mîte chu hla takah  
an ding a; tin, aw ring takin, “Isu, Zirtîrtu, min khawngaih 13  
rawh,” an ti a. Tin, ani chuan anmahni chu a han hmuh chuan 14  
an hnênah, “Puithiamte hnênah va inentîr tawh u,” a ti a.  
Tin, heti hi a ni a, an kal lai chuan an lo thiàng ta hlawm a. Tin, 15  
an zînga pakhatin a dam ta tih a inhriat veleh, aw ring taka Pa-  
thian fak chungin a kîr leh ta a; tin, a ke bulah a bawkkhup a, 16  
a lâwm thu a sawi a; chu mi chu Samari mi a ni nghe nghe a.  
Tichuan, Isuan a chhâng a, “Misâwm kha in lo thiàng ta a ni lâwm 17  
ni? Pakuate kha khawiahnge? Pathian fak tûra kîr leh, he awze 18  
mi chauh lo hi, miin tumah an hmu lo vem ni?” a ti a. Tin, a 19  
hnênah, “Tho la, kal rawh; i rinna hi i dampui a nih hi,” a ti a.

Tin, Pharisaite Pathian ram lo thlen hun tûr an zawh 20  
avângin, an hnênah, “Pathian ram chu hmuh theihin a lo thleng  
lo ve; ‘En teh u, heta hi!’ emaw, ‘Sawta saw!’ emaw, an ti hek 21  
lo vang; ngai teh u, Pathian ram chu in zîngah a awm a ni,” a  
ti a, a chhâng a.

Tin, zirtîrte hnênah chuan, “Mihring Fapa dam lai nite hi 22  
ni khat tal hi in hmuh duh nite a la awm ang, nimahsela in hmu  
tawh si lo vang. Tin, in hnênah, ‘En teh u, sawta saw!’ ‘En teh 23  
u, heta hi!’ an ti ang che u; kal chhuak suh ula, anni chu zui  
hek suh u; vân hnuai leh lama kâwl a phêta, vân hnuai leh lam 24  
thlenga a êng ðhîn ang hian, Mihring Fapa hi a lo kal niin a awm  
dâwn si a. Nimahsela, chu mi hma chuan thil tam tak a tuar 25  
tûr a ni a, tûn lai ðhangtharte thliarthlâkin a awm baw k tûr a ni.

“Nova dam laia thil awmzia ang khân, Mihring Fapa a lo kal 26  
leh nite chuan a awm baw k ang. Nova lawnga a luh a, tui a lo 27  
lêt a, an zaa a tihhlum tâk vek ni kha a thlen hma loh zawng,  
an eiin an bâr a, nupui pasal an innei ðhîn a.

“Chutiang bawkin Lota dam laiin a lo awm; an eiin an bâr a, 28  
an leiin an hralh a, an chîngin an sa ðhîn a; nimahsela, Sodom khu 29  
ata Lota a chhuah ni chuan vân aţangin mei leh kâtin a sûr a,  
an zain a tihlum ta vek a. Chutiang bawkin Mihring Fapa 30  
hi a rawn inlâr ni chuan a awm ang. Chu mi niah chuan tupawh 31  
a sum in chhûnga awma, amah in chung a awm chu, chuh tûrin  
chhuk suh se; lova awm chu hâwng baw k suh se. Lota nupui 32  
hre reng rawh u.

“Tupawh a nun humhimna zawng apiangin a chân ang a, 33  
tupawh a nun chân apiangin a humhim ang.

“Ka hrih a che u, Chu mi zânah chuan khum pakhat a mi 34

pahnih an awm ang a, pakhat chu kal bopuiin a awm ang a, pakhat chu hnutchhiahin a awm ang. Hneichhe pahuuh buh rawt sawmin an awm ang a, pakhat chu kal bopuiin a awm ang a, pakhat chu hnutchhiahin a awm ang." a ti a.

Tin, anni chuan a hnénah, "Lalpa, khawiah niaw?" an ti a. 37 an chhâng a.

Tin, ani chuan an hnénah, "Sarnang awmna apiengah mulukawhlte pawh an awm khâwm ang," a ti a.

**18** Tin, beidawng lovin an tawngtai fo tûr a ni tih *huattina tûrin* an hnénah telkhin thu a sawi a : "Khaw engah emaw rorêltu pakhat a awm a, chu mi chuan Pathian a hlau lo va, nihring lah a ngaihsak hek lo; tin, chu mi khuaah chuan hmeithai pakhat a awm a; ani chu, 'Ka khingpui chungah phuba mi lâk sak rawh,' tûin, a hnénah a kal fo va. Tin, ani chuan rei fe a duh lo va: nimahsela, nakinah chuan a rilruin. 'Pathian hlau lovin nihring ngaihsak lo mah ila, he hmeithai hian mi tihbui avângin a phuba ka lâk sak teh mai ang, chutilochuan, a lo kal fo hian ni la tihah hrep dah ang e,' a ti a," a ti a. 1 2 3 4 5

Tin, Lalpa *rekin*, "Rorêltu fel lo thu sawi chu hre rawh u. An chungah zaidawh rih mah sela a mi thlan, a chhûn a zâna amah kotute phuba chu Pathianin a lâk sak lo vang em ni? Ka hrilh a che u, An phuba a lâk sak thuai ang. Nimahsela Mihring Fapa hi a lo kal hun chuan khawvêlah hian rinna a rawn himu ang em ni?" a ti a. 6 7 8

Tin, mi fel tak nih inring a, ni dang zawng zawng hmusit thîn tuteemaw hnénah chuan he telkhin thu pawh hi a sawi a : "Mi pahnih Pathian biak inah tawngtai tûrin an han kal a; pakhat chu Pharisaï a ni a, pakhat chu chhiakhawntu a ni. Pharisaï chu a ding a, amah chauhvîn heti hian a tawngtai a : 'Pathian, mi dang anga hlêprute, fel lote, nîrête ka nih loh avâng leh, he chhiakhawntu ang pawh hi ka nih loh avângin i chungah ka lâwm e. Chawlh kêr *khat apiangah* vawi hnih chaw ka nghei thîn a; ka neih apiang sâwmah pakhat ka pe thîn,' a ti a. Chhiakhawntu crawh chu hla takah a ding a, van lam pawh a dâk ngau lo va. 'Pathian, kei mi sual hi mi khawngaih rawh,' tûin, a áwm a inchûm a inchûm ta zâwk a. 9 10 11 12 13

"Ka hrilh a che u, A hmasa aiin chu mi zâwk chu thiam changin a inah a kal chhuk ta a. Ingaishlu apiang an tlâwm ang a, ingaishlu chawimawm an awm ang," a ti a. 14

Tin, a deh atân a hnénah an nawsote pawh an rawn hui a; zirtirte crawh chuan chu chu an huuh vech an lo hau va. Nimahsela, Isuan anni chu a ko va, "Naupang tete ka hnénah han kaltîr ula, linar suh u; Pathian ram chu hetiang mite ta a ni si a. Tih tak meuhvin ka hrilh a che u. Tupawh Pathian 15 16 17

ram chu naupang têin a lawm anga lâwm lo apiang a chihûngah an lût tawp lo vang,” a ti a.

Tin, hotu tuinemaw a hnênah, “Zirtîrtu tha, chatuana nunna 18 channa tûrin engtînge ka tih ang?” tiin, a zâwt a. Tin, Isuan 19 a hnênah, “Engtînge tha mi tih? mi pakhat chauh lo chu turnah tha an awm lo, chu chu Pathian a ni. Thupêkte chu i hria alâwin — 20 ‘Uirê suh, Tual thatsuh, Ru suh, Hêk suh, I nu leh i pa chawimawi rawh,’ tihte hi,” a ti a. Tin, ani chuan, “Chûng thu zawng zawng 21 chu ka naupan têt ata ka zâwin zêl thîn,” a ti a.

Tin, Isuan chu chu a hriatin a hnênah, “Tûnah pawh kawng 22 khat i la bâk e; i neih zawng zawng hralh la, pachhiate hnênah sem rawh, chutichuan vânah ro i nei ang; tin, lo kal la, mi zui ang che,” a ti a. Ani erawh chuan chûng thu chu a hriatin, a 23 lungngai ta êm êm a, a hausak êm avângin.

Tichuan, Isuan amah chu a en a, “Sum nghate chu Pathian 24 rama luh a va harsa dâwn êm! Mi hausa Pathian rama luh aiin 25 sanghâwngsei hriau bengaluh tlang a awl zâwk a ni,” a ti a. Tin, 26 chu thu hriate chuan, “A nih leh, tunge chhandam ni thei ang le?” an ti a. Ani erawh chuan, “Mihring tih rual loh hi, Pathian 27 tih theih a ni,” a ti a.

Tin, Peteran, “Ngai teh, keinin kan in leh lo kalsanin kan zui 28 ta chia,” a ti a.

Tin, ani chuan an hnênah, “Tih tak meuhvin ka hrilh a che 29 u, Tupawh Pathian ram avânga in emaw, nupui emaw, unaute emaw, nu leh pa emaw, fate emaw kalsan tawh phawt chu, tûn 30 dam chhûng la la hian a aia tam zâwk hmu lo tûr tumah an awm lo, hun lo la thleng tûra chatuana nunna nêin,” a ti a.

Tin, sâwm leh pahnihte chu a hnênah a hruai hrang a, an 31 hnênah, “Ngai teh u, Jerusalem khuaa kan chhoh dâwn hi; zâwneite thu ziaik zawng zawng kha Mihring Fapa chungah hian a thleng ang. Jentailte hnênah an pe ang a, nuihza siam nân an 32 hmang ang a, zahthlâk takin an siam ang a, chil an chhâk ang; tin, an vua ang a, an tihlum ang; tin, ni thum niin a tho leh ang,” 33 a ti a.

Tin, chûng thu rêng rêng chu a ngaihna an hre lo va; thu 34 sawi chu an lakah thupin a awm a, eng sawi nge a nih pawh an hre lo va.

Tin, heti hi a ni a, Jeriko khua a thlen dâwnin, mittel tuemaw 35 kawng sîrah kut dawhin a lo thu a; chu mi chuan mipui kal thâwm 36 a hria a, eng tizia nge ni ta tih, a zâwt a. Tin, anni chuan 37 Nazaret Isua a kal a ni tih an hrilh a. Tichuan, ani chu, “Isu, 38 Davida Fapa, mi khawngaih rawh,” tiin, a au ta a. Tin, a hma- 39 sate chuan ngawi tûrin an hau va; nimahsela, ani chu, “Davida Fapa, mi khawngaih rawh,” tiin, a au zual sauh va.

Tichuan, Isua a ding a, a hnêna han hruai túrin thu a pe a; 40  
tin, a kiang a lo thlen chuan, “I chungah eng tia ka tih nge i duh?” 41  
a ti a, a lo zâwt a. Tin, ani chuan, “Lalpa, hmuh theih ka duh,”  
a ti a. Tin, Isuan a hnênah, “Hmu thei tawh ang che, i rinna 42  
hi i dampui a ni e,” a ti a. Tin, thâwkkhatan a hmu thei ta 43  
nghâl a, Pathian fak chung zêlin amah chu a zui ta a; tin, mi  
zawng zawng chuan, chu chu an hmuhin, Pathian an fak a.

**19** Tin, Isua Jeriko khuaah a lût a, a chhûn pelh dâwn a. 1  
Tin, ngai teh, mi pakhat a hming Zakaia a awm a; chu 2  
mi chu chhiahkhawn hotu a ni a, amah pawh a hausa hle a. Tin, 3  
Isua chu mi eng ang nge a nih, hmuh a tum a; mipui avângin,  
amah lah a tawi si a, a hmu thei lo va. Tichuan, a tlân khalh 4  
a, a en túrin theipui lêrah a lâwn a; chu mi kawng chu a rawn  
zawh tûr a ni si a. Tin, Isua chu chu mi hmun a thlen chuan 5  
a dâk a, a hnênah, “Zakai, lo chhuk thuai rawh; vawiinah i inah  
ka thleng tûr a ni,” a ti a. Tin, hmanhmawh takin a chhuk a, 6  
hlim takin amah chu a thleng ta a. Tin, chu chu an hmuh 7  
veleh, an zain, “Mi sual hnêna thleng túrin a luh tâk saw,” an  
ti a, an phunnawi a.

Tin, Zakaia chu a ding a, Lalpa hnênah chuan, “Ngai teh, 8  
Lalpa, ka sum zâtve pachhiate hnênah ka pe ang a; tin, tu lakah  
pawh thil engpawh lo hlêpru ila, a leh liin ka rûl leh ang,” a ti a.  
Tin, Isuan Zakaia chung thu a sawi a, “Vawiinah he inah hian 9  
chhandamna a lo thleng ta, ani pawh Abraham a fapa a ni si a.  
Boralte zawnga chhandam túrin Mihring Fapa hi a lo kal a ni rêng 10  
a ni,” a ti a.

Tin, chûng thute chu an ngaihthlâk laiin, Jerusalem khua 11  
a hnaih tâk avâng leh Pathian ram lo lang nghâl tûr nia an rin  
avângin tehkhin thu a sawi tel a. Chutichuan *hêng thu hi* a sawi a: 12  
“Mi tha tuemaw ram awpna thu laa lo kîr leh túrin khaw lam  
hla takah a kal a. *A kal dâwnin* a bawite sâwm a ko va, an hnên- 13  
ah rangkachak tangka sâwm a pe a, an hnênah, ‘Ka lo thlen  
leh hma loh zawng *hei hian* lo sumdâwng rawh u,’ a ti a. Nimah- 14  
sela, a khuaten an hua a, ‘He mi hi kan lal atân kan duh lo ve,’  
ti túrin a hnungah palai an tlântîr ve a.

“Tin, heti hi a ni a, ram awpna thu chu a lâk a, a lo kîr leh 15  
chuan, a bawi tangka a pêkate chu, an peipun chin hriat nân, a  
kohtîr a. Tin, a hmâsa ber chu a lo kal a, ‘Ka pu, i rangkachak 16  
tangka kha sâwmin a pung e,’ a ti a. Tin, ani chuan a hnênah, 17  
‘Bawi tha, i ti tha e; tlênte chung a i rinawm avângin khaw sâwm  
chungah hotuah awm rawh,’ a ti a. Tin, a dawttu chu a lo kal 18  
a, ‘Ka pu, i rangkachak tangka kha pangain a pung e,’ a ti a.  
Tin, ani chuan ani hnênah pawh chuan, ‘Nang pawh khaw panga 19  
chungah hotuah awm rawh,’ a ti a.

“Tin, mi dang a lo kal a, ‘Ka pu, en teh, *hei* i rangkachak 20  
tangka kha! thlan hrûkna puanin ka vawng reng a ni; mi vîn tak 21  
i nih avângin ka hlau che a ni; i dah loh pawh i la thîn a, i tuh  
loh pawh i ât thîn si a,’ a ti a.

“Tin, ani chuan a hnênah, ‘Bawi sual, i tawngka chhuak 22  
ngeiin ka thiam lo vang che. Mi vîn tak ka nih a, ka dah loh  
pawh ka lâk thîn a, ka tuh loh pawh ka ah thîn i hria maw? A nih 23  
ahnu, engatinge ka tangka hi sumdâwng ina í dah loh? tichuan  
ka hâwnin a pung nên ka thîng tûr a ni,’ a ti a. Tin, a kianga 24  
dingte hnênah, ‘A rangkachak tangka kha lâk sak ula, rang-  
kachak tangka sâwm neitu hnênah pe rawh u,’ a ti a. Tin, anni 25  
chuan a hnênah, ‘Ka pu, ani zawngin rangkachak tangka sâwm  
a nei alâwm,’ an ti a. ‘Ka ti a che u, a nei apiang an pe belh- 26  
chhah ang a, a nei lo chu a neih chhun pawh an lâk sak ang.  
Nimahsela, hêng mi dotute an lal atâna mi duh lote hi, rawn 27  
hruai ula, ka hmaah that rawh u,’ a ti a,” a ti a.

Tin, chutiang thu a sawi zawh chuan Jerusalem khaw lam pan 28  
chhovin hma a hruai a.

Tin, heti hi a ni a, Bethphage leh Bethani khaw kiang, Oliv 29  
tlâng an tih chu, a thlen chuan, zirtirte zînga mi pahni a tîr a,  
“In hma zâwn khuaah sâwn va kal ta ula; chutah chuan in 30  
luh tirhin sabengtung no thlun, tuma la chuan ngai lohna, in va  
hmu ang; chu chu phelh ula, han kai rawh u. Tin, tupawhin, 31  
‘Engahnge in phelh?’ *tiia*, an zawh che u chuan, heti hian sawi  
ang che u, ‘Lalpain a duh a ni,’ *tiin*,” a ti a. Tin, a tirhte chu 32  
an kal ta a, an hnêna a sawi ang ngeiin an va hmu a. Tin, 33  
sabengtung no chu an phelh lai chuan a neituten an hnênah, “Sa-  
bengtung no kha engahnge in phelh?” an ti a. Tin, anni chuan, 34  
“Lalpain a duh a ni,” an ti a. Tichuan, Isua hnênah an rawn 35  
kai a; tin, sabengtung no chungah chuan an puante an phah a,  
a chungah Isua an chuantîr a. Tin, a kalna tûr kawngah chuan 36  
an puante an phah zêl a.

Tin, a thlen dâwn hnaihin, Oliv tlâng liam dâwnah chuan, 37  
zirtîr mipui zawng zawng chuan a thilmak tih zawng zawng an  
hmuh avângin an lâwm a, aw ring takin, “Lalpa hminga Lal  
lo kal chu a eng a thâwl e; vânah rem thu lêng sela, chungnung  
berah khian ropuina awm rawh se!” *tiin*, Pathian an fak ta a.  
Tin, mipui zînga Pharisai thenkhatin a hnênah, “Zirtirtu, i zir- 39  
tîrte hi ziih rawh,” an ti a. Ani cawh chuan, “Ka hrilh a che u, 40  
Hêngte hi an ngawih reng chuan lungte *tal* an au chhuak tûr a ni,”  
a ti a, a chhâng a.

Tin, a thlen dâwn ruaiin, khua chu a hmu a, a t̃ah chhan a, 41  
“Aw, nang lûl hian tûn chhûng hian thlamuanna tûr thu hi lo 42  
hre teh hrâm la! nimahsela tûnah zawng i hmuh loh nân a

inthup tawh si a. I râlten i vêlin lei kulh an siam ang a, an hual 11  
ang chia, i vêlin chhuah theih lohvin an awm chuan ang chua, i  
chhûnga i fanaute, nangmah nêh leiah an paih vak ang che; i  
chhûngah lung intiàng rêng rêng an zuah lo vang; an fan lai che  
i hriat loh avângin chutiàng nite chu i chungah a lo la thleng  
ang,” tiin.

Tin, Pathian biak inah chuan a va lút a, englo zuartute chu 45  
a hnawt chhuak ta a; an hnênah, “ ‘Ka in chu tawngtaina in a 46  
ni ang,’ tih ziaik a ni; nangni erawh chuan suamhinangte pukah  
in siam zâwk hi,” a ti a.

Tin, ni tin Pathian biak inah chuan a zirtîr tîn a. Tin, pui- 47  
thiam lalte leh, lehkhaziaktute leh, vântlâng zînga hotu deulten,  
amah tihboral an tu n a; nimahsela, miten thahnemugai taka 48  
a thu an ngaihthlâk avângin, a tihna tûrzia an hre thei si lo.

**20** Tin, ni khat chu heti hi a ni a, Pathian biak ina mite a 1  
zirtîr a, Chanchin Tha a hrilh laiin, puithiam lalte leh lehkhaz-  
ziaktute chu, upate nêh, a huênah an lo kal thut a; tin, a hnênah,  
“Tu thuin nge hêng thil hi i tûh? Tuinngê thu pe che? min hrilh 2  
rawh,” tiin, an zawt a. Tin, ani chuan an hnênah, “Kei pawhin 3  
thu kam khat ka zâwt ve ang che u; mi hrilh rawh u, Johana bap- 4  
tisma kha vâna mi thu nge, mihring thu?” a ti a, a chhâng a.  
Tin, an ingaihtuah a, “ ‘Vâna mi thu,’ kan tih chuan, ‘Engah- 5  
nge a thu in awi loh?’ min ti si ang a. Tin, ‘Mihring thu,’ 6  
kan tih chuan, mi zawng zawngin lungin min dêng ang; Johana  
chu zâwlnei a nih an ring si a,” an ti a. Tichuan, an chhâng 7  
a, “Khawi lam zâwk thu nge ni kan hre lo,” an ti a. Tin, Isuan 8  
an hnênah, “Kei pawhin tu thuin nge hêng thil hi ka tih, ka hrilh  
bik lo vang che u,” a ti a.

Tin, vântlâng hnênah he tehkhin thu hi a sawi ta a :— “Tuin- 9  
emaw grêp huan a siam a, lo enkawltute hnênah thlawhlhawh  
tûrin a pe a, rei tak thang tûrin ram dangah a kal ta a. Tin, a 10  
lawh hun chuan huana rah chu a chanai an lo pêk tûrin lo enkawl-  
tute hnênah chuan bawi pakhat a tîr a; nimahsela, lo enkawltute  
chuan an lo vêl a, kutruakin an kaltîr leh ta a. Tin, bawi dang 11  
a tîr leh a; chu pawh chu an lo vêl leh bawh a, zahthlâk takin an  
siam a. kutruak vêkin an kaltîr leh ta a. Tin, a pathumna a tîr 12  
leh pek a; chu mi pawh chu an lo tisil a, an paih chhuak ta a.

“Tin, grêp huan neitupa chuan, ‘Engtiunge ka tih ang aw? 13  
Ka fapa duh tak ka tîr mai ang; ani hi an lo zah mahna,’ a ti a.  
Nimahsela lo enkawltute chuan ani chu an lo hnuh veleh, ‘He 14  
mi hi ro luahtu tûr chu a ni; i that ang u, chutichuan a ro kan tân  
a ni ang,’ tiin, an inrâwn a. Tichuan, grêp huan ata chu an 15  
theh chhuak a, an tihlum ta a. Chutichuan, grêp huan neitupa  
chuan an chungah engtinngê arawn tih ang? Lo enkawltute chu a 16



rawn tiboral ang a, huan chu mi dangte a pe ang," a ti a. Tin, chu chu an hriatin, "Chùng êm chu thleng suh se!" an ti a.

Nimahsela, ani chuan anniho chu a en a, "He thu an ziaak 17 hi engnge ni le?"

'In satute lung duh loh kha,

Chu ngei chu a kila lung tangkai ber a lo ni ta,'

tih hi. Tupawh chu mi lung chung a tlu apiang an keli sawm 18 ang; a delh lek phe chu a rãwt dip ang," a ti a.

Tin, chutih lai tak chuan lehkhaziaktute leh puithiani lalten 19 man an tum a; nimahsela, mipui chu an hlau va; chu tehkhin thu chu anmahni demin a sawi tih an hre si a.

Tin, amah chu Ram Awptu rorêna leh thuneiinnaa thlen atân, 20 a thu sawi *sual* la tûrin, an châng reng a, enthlatu, mi tha anga awm derte chu, an tîr a. Anni chuan a hnênah, "Zirtirtu, dik 21 takin thu i sawiin i zirtîr a, tumah thlei bik lovin tih tak zetin Pathian kawng thu i zirtîr thîn kan hria e; Kaisara hnêna chhiah 22 kan chawi a thiàng nge thiàng lo?" tiin, an zãwt a. Nimahsela 23 ani chuan an ngamthlên *tih* a hria a, an hnênah, "Duli mi entîr 24 rawh u," a ti a. "Tu lem leh tu hming nge chuàng hi?" a ti a. Tin, anni chuan, "Kaisara," an ti a. Tin, ani chuan an hnênah, 25 "A nih ahnu, Kaisara thilte chu Kaisara hnênah pe ula, Pathian thilte chu Pathian hnênah *pe ta che u*," a ti a. Tichuan, 26 mipui hnaa a thu sawi *sual* lâk tûr an hmu lo va; a chhâna chu mak an ti hle a, an ngawi reng a.

Tin, Saddukai, thawhleha a awm lo tite zînga mi tuteemaw 27 a hnênah an lo kal a; a hnênah, "Zirtirtu, Mosian tupawh a 28 unaupain nupui nei sela, fa nei lovin thi sela, a unaupain a nupui rochungin, a unaupa tân chi a thlah sak tûr a ni tih, min ziaak sak a ni. Aw le, sal sarih an awm a; a upa berin nupui a nei a, 29 fa nei lovin a thi a. A pahnihna chuan a rochung a; a pathumna 30 chuan a rochung leh a; chutiàng theuhvin pasarihte chu fa nei 31 lovin an thi zêl a. Chu mi hnuah chuan hmeichhia pawh chu 32 a thi ta a. Chutichuan, thawh leh hunah chuan a tu bera 33 nupui nge ni ang? an pasarih chuan nupuiah an nei *theuh* si a," tiin, an zãwt a.

Tin, Isuan an hnênah, "Tûn lai mite hi nupui pasal an innei 34 thîn; nimahsela, chùng huna tel tlâkah leh, mitthi zîng ata thawh- 35 lehnaa tel tlâka ruat apiangte chu, nupui pasal an innei dâwn tawh lo ve; thih pawh an thi leh thei dâwn tawh lo a ni, vântirh- 36 kohte tlukin an awm dâwn si a; thawhleha fate an nih avângin Pathian fate an ni ang. Mitthi kaihthawhin an awm tûr tih 37 Mosia pawhin, Hnim Buk *thuah*, Laipa chu 'Abrahama Pathian, Isaaka Pathian, Jakoba Pathian,' a tih lai khân, a hriattîr kha.

Ani chu mitthi Pathian a ni lo va, mi nung *Pathian* a ni zâwk e; 38  
 ani ngaih chuan mi zawng zawng an nung vek si a," a ti a.

Lehkhaziaktu tutenemaw, "Zirtirtu, i sawi dik zet mai," 39  
 an ti a, an chhâng a. Thu dang an zâwt ngam tawh si lo. 40

Tin, ani chuan an hnênah, "Krista chu Davida fapa a ni tih 41  
 eng tiziaa sawi thîn nge an nih? Fakna Hla Buah Davida ngeiin, 42

Lalpa chuan, ka Lalpa hnênah,

'I hmêlmate i ke nghahchhanaka siam hma loh zawng

Ka dîng lamah thu rawh,' a ti,

a ti a. Chutichuan Davidan ani chu 'Lalpa,' a ti si a, engtinng 44  
 a fapa a nih theih le?" a ti a.

Tin, mi zawng zawng hriatin a zirtirte hnênah, "Lehkhaziak- 45  
 tute lakah fîmkhur rawh u; anni chuan kawr fual haa lèn an duh 46  
 thîn a, dâwr hmunah chibai bûkte, inkhâwmna inah thutphah  
 tha berte, ruaithenhnaah hmun tha berte an ngaina thîn a; hmei-  
 thai sum an ei a, tlâng bum nân rei tak an tawngtai thîn; chûngho 47  
 chuan thiam loh an chang nasa lehzual ang," a ti a.

**21** Tin, a dâk chhuak a, mi hausaten thawhlâwm bâwma 1  
 an thawhlâwm thlâk lai a hmu a. Tin, hmeithai pachhe tê 2  
 tuinemaw dâr tangka dere pahni rawn thlâk a hmu bawk a.  
 Tichuan, "Tih tak zet in ka hrilh a che u, Hêng zawng zawng ai 3  
 hian he hmeithai pachhe tê hian a thlâk tam zâwk; hêng zawng 4  
 zawng hian an neih liama mi thawhlâwmah an thlâk a ni; ani  
 erawh hi chuan a duh lai tak, a intunnunna tûra a neih chhun  
 tê a thlâk vek a ni," a ti a.

Tin, tutenemaw Pathian biak in thu, lung tha tak leh thil- 5  
 pêk khâwma an cheimawizia chu, an sawi lai in, ani chuan, "Hêng 6  
 in thil hmuh hi, tihchim lohva lung inti ang rêng rêng hetah a awm  
 lo vang; chuti ang ni chu a la thleng ang," a ti a.

Tin, anni chuan a hnênah, "Zirtirtu, chûng chu engtikahng 7  
 a lo awm ang le? chûng chu a lo thlen dâwn hunah chhinchhiaha 8  
 engnge awm ang?" tiin, an zâwt a. Tin, ani chuan, "An tihder  
 loh nân che u fîmkhur rawh u. Mi tam tak in, 'Krista chu ka  
 ni,' 'A hun a thleng dâwn ta e,' tiin, keima hming chhâlin an  
 lo kal ang; chu mite chu zui suh u. Tin, indo thu leh buai thu 9  
 in hriat hunin hlau suh ang che u; chûng chu a thleng hmasa tûr  
 rêng a ni, tâwpna erawh chu a thleng ngâh rih lo vang," a ti a.

Tin, an hnênah, "Hnam hrang leh hnam hrang an indo vang 10  
 a, ram hrang leh ram hrang an indo vang a; lir nasa tak in a ngîng 11  
 a ngîng ang a, hmun hrang hrangah tîmte a tla ang a, hrite a lêng  
 bawk ang a; vân a tâng in thil hlauhawmte leh chhinchhiaha nasa  
 takte a lo awm ang. Nimahsela, chûng thil zawng zawng thlen hma 12  
 chuan, an man ang che u a, inkhâwmna ina mite leh tân ina mite  
 hnênah hrui in an tiduhdah ang che u a, keima hming avâng in

lalte leh hotute hmaah an hruai ang che u. In thiam channa 13  
 a la ni hlei hlei ang. Chutichuan, chhânna tûr ngaihtuah lâwk 14  
 lo tûrin in rilruah intinghet rawh u; in hmêlma zawng zawngin 15  
 an dodâla an hnial theih lohna tûr kê leh finna ka pe dâwn si  
 che u a. Tin, in nu leh in pate, in unaute, in laichînte, in thiante 16  
 pawhin an mantîr ang che u; a then an tihhlumtîr ang che u.  
 Keima hming avângin mi zawng zawng huat in ni ang. 17  
 Nimahsela, in samzai khat pawh a boral lo vang. In chhelin 18  
 in nun in chhanhim ang.

“Nimahsela, sipaihoten Jerusalem khua an hual in hmuh 20  
 hunah, a boral dâwn tih hria ang che u. Chutih hunah chuan 21  
 Judai rama awmte chu tlângahte tlân bo rawh se; a chhûnga  
 awmte chuan chhuahsan rawh se; rama awmte chu a chhûngah  
 lût suh se. Chûng ni chu phuba lâl ni a ni e, thu an ziak zawng 22  
 zawng a lo thlen theihna tûrin. Chûng ni chuan raite leh nauno 23  
 pawmte chung a pik ang, khawvêlah hian hrehawm nasa tak a thlen  
 dâwn avâng leh he chite chungah hian thinurna a thlen dâwn  
 avângin. Tin, khandaihah an thi ang a, hnam tin hnênah sala 24  
 hruaiin an awm ang; tin, Jentailte ni a kin hma loh zawng Jeru-  
 salem khua chu Jentailte rah behin a awm ang.

“Tin, niah te, thlaah te, arsiaah te chhinchhiahna a awm ang 25  
 a; tuihnriat rûm leh a fâwn avângin leiah pawh hnam tin  
 hrehawmna leh manganna a thleng ang; mite, thlabâr avâng leh 26  
 khawvêla thil lo thleng tûr chu ngaihtuah avângin, an thidang  
 ang; vân thiltihtheihnate chu a nghîng dâwn si a. Chutih hunah 27  
 chuan Mihring Fapa hi thiltihtheihna leh ropuina nasa tak nêh  
 chhûm zinga lo kal an hmu ang. Tin, chûng thil chu a lo thlen 28  
 tirhin, en chho ula, dâk chhuak rawh u; in tlanna tûr chu a hnaih  
 tâk avângin,” a ti a.

Tin, an hnênah tehkhin thu a sawi a: “Theipui kûng leh thing 29  
 zawng zawng en rawh u; a chawr no veleh chu chu in hmu a, 30  
 nipui a lo thaw dâwn tih mahniin in hre thîn. Chutiang bawkin 31  
 nangni pawhin chûng chu a lo thleng in hmuh hun chuan, Pathian  
 ram a lo hnai tawh tih hria ang che u. Tih tak meuhvin ka hrilh 32  
 a che u, Thil zawng zawng a thlen kim hma loh zawng tûn lai  
 thangtharte hi an ral lo vang. Lei leh vân a ral ang<sup>a</sup>, ka thu erawh 33  
 chu a ral lo vang.

“Amaherawhchu fîmkhur rawh u, chutilochuan ei puar lutuk 34  
 nêh, zu ruih nêh, dam chhûng khawsak ngaihtuah nêh, in rilru  
 a khat lutuk hlah ang a, chu mi ni chuan thang âwk angin thâwk-  
 khatan in chungah a lo thleng phut ang. Chutiang tak chuan lei 35  
 chung zawng zawnga awmte chungah chuan a thleng theuh dâwn  
 a ni. Chutichuan, chûng thil lo thleng tûr zawng zawng chu 36  
 pumpelh tlâkah leh Mihring Fapa hmaa ding tlâka ruat in nih

theihna tûrin, eng lai pawhin tawngtai chungin ngaihven rawh u,” a ti a.

Tin, ni tin Pathian biak inah a zirtîr tîn a; zan tin a chhuak 37 a, Oliv tlang an tihah chuan a riak tîn a. Tin, zingah, a thu ngaithla tûrin, mi zawng zawng Pathian biak inah a hnênah an lo kal tîn.

**22** Tin, chhang dawidimtelhloh kût, Kalhlên Kût an tih 1 chu, a hnai ta a. Tin, puithiam lal leh lehkhaziaktute 2 chuan a tihhlumnazia an zawng a, vântlang an hlau si a.

Tin, sâwm leh pahnihte zinga tel, Juda, Iskariota an tiha chhûng- 3 ah chuan Setana a lût a. Tichuan, ani chu a va kal a, an hnêna 4 a mantîr theihna tûrza puithiam lalte leh hotute chu a va rawn a. Tin, anni chu an lâwm hle a, a hnênah tangka pêk an tiam 5 ta a. Tin, ani chuan a remti a, mipui awm loh hlâna mantîrna 6 remchâng a zawng ta a.

Tin, chhang dawidimtelhloh ni, Kalhlên Kûtna berâm no 7 talhna tûr ni chu, a lo thleng ta a. Tichuan, Isuan, Petera leh 8 Johana chu “ Kalhlên Kût chaw kan ei tûrin min va buatsaih sak rawh u,” tiin, a tîr a. Tin, anni chuan a hnênah, “ Khawiahnge va 9 buatsaih îla i duh?” an ti a. Tin, ani chuan an hnênah, “ Ngai 10 teh u, khawpuia in luhin, mipa bêla tui puin a tâwk ang che u a; a luhna inah zui lût ang che u. Tin, in neitupa hnênah chuan, 11 ‘ Zirtîrtuin, Ka zirtîrteho nêl Kalhlên Kût chaw kan eina tûr, mi- khual pindan chu khawiahnge? a ti a che,’ ti ang che u. Tichuan 12 ani chuan pindan chungnung zau tak, bungraw awm sa, a entîr ang che u; chutah chuan buatsaih ang che u,” a ti a. Tin, an 13 kal ta a, an hnêna a sawi ang takin an hmu a; tin, Kalhlên Kût 13 chaw chu an buatsaih ta a.

Tin, a ei a lo hun chuan, ani chuan chaw a kîl a, a tîrhkohte 14 chuan an kîlpui ve a. Tin, an hnênah, “ Ka thîl tuar hmain he 15 Kalhlên Kût chaw hi eipui che u ka duh êm êm a ni. Ka hrilh 16 a che u, Hei hi Pathian rama ataktak a nih hma loh zawng, ka ei leh tawh dâwn lo a ni,” a ti a. Tin, no a la a, lâwm thu a sawi 17 zawhin, “ Hei hi la ula, insem rawh u; ka hrilh a che u, Tûn achin- 18 ah Pathian ram a lo thlen hma loh zawng grêp hrui rah tui hi ka in leh tawh dâwn lo a ni,” a ti a. Tin, chhang a la a, lâwm 19 thu a sawi zawhin a phel a, an hnênah a pe a, “ Hei hi ka taksa, in aia pêk tûra chu a ni; mi hriat reng nân hei hi ti tîn rawh u,” a ti a. Tin, zanriah ei zawhin chutiang bawkin no chu a la a, “ He 20 no hi ka thisena thuthlung thar chu a ni, in aia chhuak tûra chu.

“ Nimahsela, ngai teh u, mi mantîrtu tûra kut chu ka hnênah 21 dawhkân chungah a awm si a. Mihring Fapa hi an ruat angin 22 a kal dâwn a ni; nimahsela, a mantîrtu tûr mihring chung chu

a pik e!" a ti a. Tin, annin, "Kan zingah chutiang thil ti tûr 23  
chu tunge ni ang le?" *tiin*, an inzâwt ta a.

Tin, an zingah tu ber nge ropui bera a ruat, tih thuah, 24  
inhnialna a lo chhuak a. Tin, ani chuan an hnênah, "Jentailho 25  
lalte chu an chungah an lal thîn a; an chungah thu neitute chu  
'Nu leh Pa,' an ti thîn. Nimahsela, nangni zawng chutiang 26  
in ni lo vang; in zinga ropui ber chu nau zâwk angin awm sela,  
lal ber chu rawngbâwltu angin awm zâwk rawh se. Tunge 27  
ropui zâwk, chaw kiltu nge rawngbâwltu? Chaw kiltu a ni lo  
vem ni? Nimahsela, kei zawng in zingah rawngbâwltu angin  
ka awm hi.

"Thlêmna ka tawh chhûng zawng nangni mi awmpuitu in 28  
ni a; tichuan, ka rama ka dawhkâna in eia in bâr theihna tûrin, 29  
ka Pan ram mi ruat sak angin ram ka ruat sak che u a ni; tichuan,  
Israel hnam sâwm leh hnam hnih rorêl sak in lalthutphahah in  
la thu ang.

"Simon, Simon, ngai teh, Setanan buh thlei anga a thlei 31  
theihna tûr *che uin*, nangniho hi a dîl che u asin; nimahsela, i rin  
a bo loh nân ka tawngtai sak che a ni; i hawi kîr leh hunah nangin 32  
i unaute tinghet ang che," a ti a. Tin, ani chuan a hnênah,  
"Lalpa, i hnênah chuan tân inah leh thihnaah pawh kal ve ka 33  
huam asin," a ti a. Tin, ani chuan, "Peter, ka hrilh a che, i mi 34  
hriatnaah hian vawi thum i phat hma loh zawng vawiinah hian  
âr a khuang lo vang," a ti a.

Tin, an hnênah, "Tangka ip lova, iptê lova, pheikhawh lova 35  
ka tîrh chhuah che u khân thil rêng rêng in tlachham em?" a ti a.  
Tin, anni chuan, "Chham lo," an ti a. Tin, ani chuan an hnên- 36  
ah, "Tûnah erawh chuan tupawh tangka ip nei chuan keng  
rawh se, iptê nê; tupawh khandaih nei lo chuan a puan hrilh  
sela lei rawh se. Ka hrilh a che u, 'Ani chu mi sual zingah an 37  
chhiar tel ta,' tih ziak kha ka chungah a lo thleng tûr a ni; ka  
chungchâng thute kha a thleng zo dawn ta e," a ti a. Tin, 38  
anni chuan, "Lalpa, en teh, hei khandaih pahni a awm," an  
ti a. Ani chuan an hnênah, "A tâwk e," a ti a.

Tin, ani chu a chhuak a, a dân pângngaiin Oliv tlângah chuan 39  
a kal ta a; zirtîrte pawhin an zui a. Tin, a hmun chu a va thlen 40  
chuan, an hnênah, "Thlêmnaa in luh loh nân tawngtai rawh  
u," a ti a.

Tin, lung den phâk chinah emaw a va kal hrang ta a; tin, a 41  
thingthi a, a tawngtai a, "Ka Pa, rem i tih chuan he no hi ka 42  
hnên ata la sawn rawh; nimahsela keia thu ni lovin, nangma  
thu thu ni zâwk rawh se," a ti a. Tin, vân aţangin vântîrhkoh 43  
pakhat a tiharh tûrin a hnênah a rawn inlâr a. Tin, a thlaphâng 44

êm êm a, thahnemngai lehzualin a ɬawngtai a; a thlan chu thi far  
lian tak angin, leiah a far a.

Tin, a ɬawngtai zawha a thawhin, zirtirte hnênah chuan 45  
a lo kal a, an lungngaih avângin an lo muhil a hmu a; tin, an  
hnênah, “Engatinge in muthilh? thlêmnaa in luh loh nân tho ula, 46  
ɬawngtai rawh u,” a ti a.

Tin, a la sawi lai mêkin, ngai teh, mipui an lo kal a, sâwm leh 47  
pahnihte zînga tel Juda an tih chuan an hma a rawn hruai a;  
tin, fawh tumin Isua a rawn pan a. Nimahsela Isua chuan a 48  
hnênah, “Juda, Mihring Fapa hi fâwpin i mantir dâwn em ni?”  
a ti a. Tin, a vèla mite chuan thil lo thleng tûr chu an hriatin, 49  
“Lalpa, khandaihin kan sât ang em?” an ti a. Tin, an zînga 50  
tuinemaw Puithiam Lalber bawi chu a sât a, a beng ding lam  
a sah thlâk sak a. Tin, Isuan a bia a, “Hei chauh tal hi chu mi 51  
han tihtir teh u,” a ti a. Tin, a beng chu a dek a, a tidam ta a.

Tin, Isuan a hnêna lo kal puithiam lalte, Pathian biak in hotute 52  
leh upate hnênah chuan, “Khandaihte, talhtumte kengin, suam-  
hmang man tûr ang rengin, in lo chhuak a ni maw? Pathian biak 53  
ina in hnêna ni tin ka awm laite khân mi man tumin mi ban si lo  
va; nimahsela, tûn hi in chét hun a ni e, thim thuneihna nêna,”  
a ti a. Tin, an man a, an hruai a, Puithiam Lalber inah chuan 54  
an hruai lût ta a.

Tin, Peteran hla tak aɬangin a zui a. Tin, in hual chhûng 55  
kawtlaiah mei an chhêm a, an ɬu khâwm a, Petera chu an zîngah  
a va ɬu ve a. Tin, mei ênga a ɬut laiin nula tuinemaw a hmu 56  
a, a melh reng a, “He mi pawh hi a hnêna awm kha a nih hi,”  
a ti a. Ani erawh chuan, “Hmeichhia, ani chu ka hre lo ve,” 57  
tiin a pha a. Tin, nakin deuhvah mi dangin a rawn hmu leh a, 58  
“Nang pawh an zînga mi i nih hi,” a ti a. Petera erawh chuan,  
“Mihring, ka ni lo ve,” a ti a. Tin, dâr kâr khat lai chinah chuan 59  
mi dangin, “He mi pawh hi a hnêna awm kha a ni ngei mai;  
Galili rama mi a ni alâwm,” a ti tlat a. Tin, Peteran, “Mihring, 60  
i thu sawi chu ka hre lo ve,” a ti a. Tin, thâwkkhatan, a ɬawng  
lai tak chuan âr a khuang ta nghâl a. Tin, Lalpa chu a hawi 61  
a, Petera chu a en a. Tin, Petera chuan, Lalpan “Vawûnah  
hian âr a khuan hmam vawi thum mi phat ang,” a hnênah a  
tih thu kha a lo hre chhuak leh ta a. Tin, a chhuak a, a ɬap ta 62  
zawih zawih a.

Tin, Isua chelhtuten nuihza siam nân an hmang a, an vua a. 63  
Tin, a mit an tuam a, “Sawi rawh, tunge vua che?” tiin, an 64  
zâwt ɬin a. Tin, thu dang tam tak pawhin an sawichhiain an 65  
hau va.

Tin, khawvâr velch vântlâng upaho, puithiam lalte leh leh- 66  
khaziaktute chu an rawn inkhâwm a, an rorêlnaah chuan an hruai

a, "Krista i nih zet chuan min hrilh rawh," an ti a. Tin, ani 67  
chuan an hnênah, "Hrilh che u mah ila in awi lo vang; zâwt 68  
che u mah ila in chhâng lo vang. Nimahsela, tûn achinah chuan 69  
Mihring Fapa hi Pathian thiltihtheihna ding lamah a t̃hu tawh  
ang," a ti a. Tin, an zain, "Nang hi Pathian Fapa chu i ni em ni 70  
le?" an ti a. Tin, ani chuan an hnênah, "Ni e," a ti a. Tin, 71  
anni chuan, "Eng hriatna dang nge kan ngaih tawh ang? keimahni  
ngeiin ama ka chhuak kan hre tawh alâwm," an ti a.

**23** Tin, pungho zawng zawng chu an tho va, Isua chu Pilata 1  
hnênah an hruai ta a. Tin, "He mi hian kan chite a 2  
tikhawlo va, Kaisara hnênah chhiah chawi a khap a, Krista, lal, a  
intih kan hria e," tiin, an hêk ta a. Tin, Pilatan a hnênah, 3  
"Judate lal i ni em?" tiin, a zâwt a. Tin, ani chuan a hnênah,  
"Ni e," a ti a, a chhâng a. Tin, Pilatan puithiam lalte leh 4  
mipuite hnênah chuan, "He mi chungah hian engmah sual ka  
hmu lo ve," a ti a. Nimahsela, anni chuan, "Galili ramah a t̃an 5  
a, he mi hmun thleng hian, Judai ram khaw tinah zirt̃rin, mi zawng  
zawng a chawh hnawh t̃hin a ni," tiin, an bei lehzual sauh va.

Tin, Pilatan chu chu a hriatin, chu mi chu Galili rama mi a 6  
nih leh nih loh a zâwt a. Tichuan, Heroda biala mi a ni tih a 7  
hriat veleh Heroda hnênah a t̃ir ta a; chung lai chuan ani pawh  
chu Jerusalem khuah a awm bawh a.

Tin, Herodan Isua a hmuh chuan a lâwm êm êm a; a chanchin 8  
a hriat avângin, hmân ata tawh hmuh a duh hle rêng a, a thilmak  
tih engemaw tal hmuh pawh a beisei a. Tin, thu tam tak a zâwt 9  
a; nimahsela a engmah chu a chhâng si lo. Tin, puithiam lalte 10  
leh lehkhaziaktute chuan dingin nasa takin an hêk chiam a. Tin, 11  
Heroda leh a sipaite chuan Isua an hmusit a, nuihza siam nân an  
hmang a, tin, puan ropui tak sint̃rin Pilata hnênah a t̃ir leh ta  
a. Tin, chu mi ni tak chuan Heroda leh Pilata chu an inngeih 12  
ta a; chu mi hma zawng chu an intai t̃hin a ni.

Tin, Pilatan puithiam lalte, hotute, mi zawng zawngte a ko 13  
khâwm a, an hnênah, " 'Mite a tikhaw lo,' tiin, he mi hi ka hnên- 14  
ah inrawn hruai kha a ni a; tin, ngai rawh u, in hmaah ka chhuah-  
chhâl a, in hêkna thuah khân he mi chungah hian engmah sual ka  
hmu lo a ni; Heroda pawhin a hmu hek lo; kan hnênah arawn 15  
t̃ir leh ta mai a nih hi; ngai rawh u, thihna khawp meuhvin  
engmah a ti lo ve. Chutichuan ka vêl ang a, ka chhuah mai dâwn 16  
a ni," a ti a.

Nimahsela, rual takin an au va, "He mi hi chu tiboral la, 18  
Barabba kha min chhuah sak zâwk rawh," an ti a. (Chu mi chu 19  
khawpuia helna engemaw avâng leh, tual a thah avânga, tân  
ina tâng a ni.) Pilata erawh chuan, Isua chhuah a duh a, an 20  
hnênah thu a sawi leh a; nimahsela, an au va, "Kraws-ah 21

khêngbet rawh, kraws-ah khêngbet rawh,” *an ti a*. Tin, ani chuan 22  
a vawî thumnaah an hnênah, “Engah maw? he mi hian engnge  
a tihsual ni? Thihna khawp meuh a chungah engmah ka hmu  
lo; chutichuan ka vêl ang a, ka chhuah mai dâwn a ni,” a ti a.  
Anni erawh chuan aw ring takin kraws-a khêngbet tûrin an ngên 23  
lui hrâm a. Tin, an aw chuan a vaudai ta a.

Tin, Pilata chuan an ngen anga ti tûrin thu a titlu ta a. 24  
Helna leh tualthah avânga tân ina tâng an dîl kha a chhuah a; 25  
Isua erawh chu an duh duha tihah a pe ta a.

Tin, an hruai bo laiin, Simona, Kurini khuaa mi, ram lam 26  
ata lo kal an man a, Isua hnung lama pu tûrin a chungah kraws  
chu an nghat a.

Tin, mi narân leh hmeichhia âwm chûma tap tap, mipui nasa 27  
takin an zui a. Isua erawh chuan an lam a hawi a, “Jerusalem 28  
fanute u, mi tap suh u, nangmahni leh in fate tân tap zâwk rawh u.  
Ngai teh u, a ni a lo la thleng ang, chûng niah chuan, ‘*Hmeichhe* 29  
chingte, *nau* pai ngai lohna pumte, *nau* hnêk ngai loh hnutête chu  
a eng a thâwl e,’ an la ti ang. Chutih hunah chuan, miten tâng 30  
hnênahte, ‘Mîn delh rawh,’ an la ti ang a; mual hnênahte, ‘Mîn  
khuh rawh,’ *an la ti ang*. Thing hring maha hetiang an tih chuan, 31  
a rovah chuan eng ti takin ti ang maw?” a ti a.

Tin, a hnênah mi dang pahnih, mi sual, tihhlum tûrin an 32  
hruai ve a.

Tin, Lu Ruh an tih hmun chu an thlenin, chutah chuan 33  
kraws-ah an khêngbet a, mi sualte nê, a ding lamah pakhat, a  
vei lamah pakhat.

Tin, Isuan, “Ka Pa, anni hi ngaidam rawh; an thiltih hi an 34  
hre lo a nih hi,” a ti a.

Tin, a silhfênte chu *an* insemin thum an vâwr a. Tin, vân- 35  
tângho chuan dîngin an thlîr a. Tin, hotute pawhin, “Mi dang  
*mah* a tidam thîn alâwm; Pathian thlan Krista a nih zet chuan  
amah *pawh* intidam ang hmiang,” tiin, an tiel a. Tin, sipaite 36  
pawhin auah chu nuizha siam nân an hmang a, a hnênah an lo  
kal a, zu thûr an pe a, “Judate lal i nih zet chuan, intidam rawh,” 37  
an ti a. Tin, a chung lamah chuan, “**He Mi hi Judate Lal a ni,**” 38  
tiin, lehkha a awm.

Tin, *an* mi sual khai pakhat chuan *Isua* a hau va, “Krista chu 39  
i ni lo vem ni? intidam la, *keini* pawh mîn *tidam ta che,*” a ti a.  
Nimahsela, pakhat chuan chhân pahin a zilhhau va, “Pathian 40  
meuh pawh i ‘hlau na nge? thuhmun rengin an hrem che hi.  
Keini zawng hremzia rêng kan ni; kan thiltih man chauh hmu 41  
kan nih hi; he mi hi zawngin engmah a tisual si lo,” a ti a. Tin, 42  
“Isu, i ram i thlen hunah mi hre reng ang che,” a ti a. Tin, 43



ani chuan a hnênah, “Tih tak meuhvin ka hrilh a che, Vawiinah  
hian ka hnênah Paradis-ah i awm ve ang,” a ti a.

Tin, chawfâk hun lai a lo ni a, *chu mi achân* behliang mun hun 44  
thlengin khawvêl a lo thim ta vek a, ni êng a reh ta a; tin, Pathian 45  
biak in puan zâr chu a laiah a lo thlêr ta a. Tin, Isua aw ring tak- 46  
in a au va, “Ka Pa, i kutah ka thlarau ka kawltîr e,” a ti a.  
Tin, chu chu a tih zawhin a thlarau a thlah ta a.

Tin, sipai za hotu chuan thil awmzia chu a hmuhin, “He *mi* 47  
hi matheilovin mi fel tak a ni phawt mai,” tiin, Pathian a fak  
ta a. Tin, chu ennawm chu *thlêr túra* mipui rawn inkhâwm zawng 48  
zawngte chuan thil awmziate chu an hmuhin an âwmte chûm  
chûmin an haw leh ta a. Tin, a hmêlhriatte zawng zawng leh, 49  
hmeichhia Galili ram ațanga rawn zuite chu, chûng thil chu  
thlîrin hla takah an ding a.

Tin, ngai teh, mi pakhat a hming Josefa, rorêltu, mi ța tak, 50  
fel tak a awm, (an rorêl leh an thiltih pawh kha a remti lo rêng 51  
a ni) Judate khua Arimathaia *mi a ni* a, Pathian ram a beisei thîn  
a. Chu mi chu Pilata hnênah a kal a, Isua ruang a dîl a. Tin, 52  
a la thla a, puan zai sînin a tuam a, thlân, lung kerkuak, tumah  
la zalh ngai lohnaah, a zalh a. Tin, chu *mi ni* chu Inrinni a ni a, 54  
Chawlhni a lo ni lek lek tawh si a. Tin, hmeichhia, Galili ram 55  
ațanga a hnêna lo kalte khân an zui zêl a, thlân leh a ruang zalh-  
zia chu an hmu a. Tin, an haw leh a, englo rimtuite leh hriak 56  
rimtuite an siam a.

**24** Tin, Chawlhni chuan thupêk angin an châwl ta a; ni 1  
sarih ni hmasa berah erawh chuan, vârtianah, englo rimtui  
an siamte chu kengin, thlânah chuan an va kal a. Tin, thlân 2  
ata lung chu lum sawnin an hmu a; tin, an lût a, Lal Isua ruang  
chu an hmu si lo.

Tin, heti hi a ni a, chûng avânga an mangan lai chuan, ngai teh, 4  
mi pahnih puan mi ênkhalhthei sin an kiangah an lo ding a; tin,  
an hlauhva an hmaia lei an sîk laiin, anni chuan an hnênah, 5  
“Engatinge mitthi zînga mi nung in zawn? Hetah a awm tawh 6  
lo ve, a tho leh ta; Galili rama a awm laia in hnêna a thu sawi  
kha hre leh rawh u, ‘Mihring Fapa hi mi sualte kuta mantîrin a 7  
awm ang a, kraws-ah an khêngbet ang a, ni thum niah chuan  
a tho leh tûr a ni,’ a tih kha,” an ti a.

Tin, a thu chu an lo hre leh ta a, thlân ata chu an haw leh a, 8  
sâwm leh pakhatte leh mi dang zawng zawngte hnênah chuan  
chûng thil zawng zawng chu an hrilh a. (Chûng *hmeichhiate* 10  
chu Magdalini Mari te, Joani te, Jakoba *nu* Mari te an ni a; an  
hnêna hmeichhe dangte pawhin tirkhohte hnênah chuan chûng  
thu chu an hrilh baw a.) Nimahsela, chûng thu chu thu mai 11  
maiah an ruat a, an awi sak lo va. Nimahsela, Petera chu a tho 12

va, thlânah chuan a tlân ta a; tin, a kûn a, a bih a, puan zai sîn awmte chauh chu a hmu a; tichuan, thil awmzia chu mak ti takin a in lamah a haw ta a.

Tin, ngai teh, chu mi ni tak chuan, an zînga mi pahnih chu 13 khaw pakhat Emmau an tihah chuan an kal dâwn a, chu mi khua chu Jerusalem khua aţangin fîng sawmruk a ni a. Tin, thil lo 14 thleng zawng zawng chu an sawi dūn zêl a. Tin, heti hi a ni a, 15 an sawia an inhnial lai chuan, Isua ngeiin a rawn pana, an hnênah a kal ve ta a. Nîmahsela, amah chu an hriat theih loh nân, 16 an mit chu tihvaihin a awm a. Tin, an hnênah, “Kal paha in 17 sawi dun kha, eng thu nge ni?” a ti a. Tin, ngui takin an dîng ta a.

Tin, a hming Kleopa zâwkin a hnênah, “Jerusalem khuaah 18 nangmah chauhvîn em ni i chên, tûn laia thil awmzia hi i hriat loh ni?” a ti a, a chhâng a. Tin, ani chuan an hnênah, “Eng 19 thil maw?” a ti a. Tin, anni chuan a hnênah, “Nazaret Isua, Pathian leh mi zawng zawng mithmuha a thua leh a thiltiha zâwlnei hmingthang tak chanchin thu; puithiam lalte leh kan 20 hotuten thah thu pêk tûrin an hruai a, kraws-a an khenbehzia thute pawh kha. Keinin Israelte tlantu tûr kha a nih kan beisei 21 tehlul nê. Engpawh ni sela, chûng thil thlenna chin chu vawiin nê ni thum a ni tawh. Chûng lo pawh chu kan pâwlte hmeichhia 22 tuteemaw, zîngah a thlânah an va kal a, min rawn timangang a; a ruang hmu si lovin, ‘Pathian vântirhkohte inlâr kan hmu a, 23 chu mite chuan a nung leh tih an sawi e,’ an rawn ti a. Tin, kan awmpui zînga tuteemaw thlânah chuan an kal a, hmeichhiate 24 sawi ang ngeiin an hmu a; nîmahsela, amah chu an hmu si lo va,” an ti a.

Tin, ani chuan an hnênah, “Mî âte u! zâwlneite thu sawi 25 zawng zawng awi kawnga ngawngte u! Kristan chûng thil chu 26 tuarin a ropuinaa a luh tûr a ni rêng lo vem ni?” a ti a. Tin, 27 Mosia leh zâwlneite zawng zawng lehkhah a ţan a, Pathian Lehkha zawng zawnga ama chanchin ziak apiang chu anmahni a hrilh-fiah zêl a.

Tin, an kalna tûr khua chu an thleng dâwn ta a; tin, ani chu 28 hla deuhva kal tum angin a awm a. Tin, kân an chelh a, “Kan 29 hnênah awm ta che; khua a tlai dâwn ta a, ni pawh a tlâk dâwn tawh hi,” an ti a. Tichuan, an hnêna awm tûrin a lût ta a. Tin, 30 heti hi a ni a, an hnênah chaw kîla a ţutin chhâng a la a, mal a sâwm a, a phel a, an hnênah a pe a. Tin, an mit a lo vâa, a hmêl 31 an lo hre ta a; tin, ani chu a ral ta mai a. Tin, anni chuan, “Kal- 32 kawnga min biak laia Pathian Lehkha Thute min hrilh-fiah lai khân kan thilung a harh huai rêng lâwm ni kha?” an inti a. Tin, chu mi lai tak chuan an tho va, Jerusalem khuaah an kîr leh 33

a, sâwm leh pakhatte leh an ðhiante awm khâwm chu an hmu a,  
 “Lalpa chu a lo tho leh tak zet a ni, Simona hnênah pawh a inlâr 34  
 ta,” an lo ti a. Tin, anni *pawhin* kalkawnga thil lo thleng leh, 35  
 chhang a phel a, a hmêl an lo hriat tâkziat chu an hrilh *ve* baw k a.

Tin, chúng thu chu an sawi laiin amah ngei chu an zingah 36  
 a lo ding a, an hnênah, “In chungah thlamuanna *awm* rawh  
 se,” a ti a. Nimahsela, râpthlâk an ti êm êm a, an hlau va, 37  
 thlarau hmuah an inruat a. Tin, ani chuan an hnênah, “Enga- 38  
 tinge in mangan? Engahnge in rilruah rinhlelhna a lo awm?  
 Ka kutte, ka kephahte hi en rawh u, hei keimah ngei kha ka nih hi! 39  
 Mi dek ula, en rawh u; mi hmuh ang hian thlarauvin tisa leh ruh  
 a nei lo ve,” a ti a. Tin, chu chu a sawi zawhin a kutte, a kephahte 40  
 an hnênah a entîr a. Tin, an lâwm luattuk avânga an la 41  
 awi loh cheu va, mak an tih chhûngin, an hnênah, “Hetah englo  
 ei tûr in nei em?” a ti a. Tin, sangha rawh hrang khat an pe a. 42  
 Tin, a la a, an hmaah chuan a ei ta a. 43

Tin, an hnênah, “Hêng hi ka thu kha a ni, Mosia Dânahte, 44  
 Zâwnei *Lehkhabuhte*, Fakna Hla *Buahte* ka chanchin zia k apiang  
 a lo thlen tûrzia in hnêna ka awm laia ka hrilh ðhin che u kha,”  
 a ti a. Tichuan, Pathian *Lehkha* Thu hriat nân an thîlung 45  
 a tîng ta a; tin, an hnênah, “Hetiangin zia k a ni, ‘Krista chuan 46  
 hrehawm a tuar ang a, ni thum niin mitthi zîng ata a tho leh ang a,  
 ama hmingin simna *thu* leh sual ngaihnhathiamna *thu* Jerusalem 47  
 khuaa ðanin, hnam tin hnênah an hril ang,’ tiin. Chúng thil 48  
 zawng zawng chu a hretu in ni e. Tin, ngai teh u, ka Pa thil tiam 49  
 chu in chungah ka rawn tîr dâwn e; nimahsela, chung lam ata  
 thiltihtheihnâa an thuam hma loh che u zawng khawpuiah hian  
 awm reng rawh u,” a ti a.

Tin, Bethani dai kiang thlengin anni chu a hruai chhuak a; 50  
 tin, a bân a phar a, mal a sâwm sak a. Tin, heti hi a ni a, mal a 51  
 sâwm sak lai takin anni chu a ðhen a, vâna hruai chhohvin a awm  
 ta a. Tin, chibai an bûk a, lâwm êm êmin Jerusalem khuah 52  
 an kîr leh ta a; tin, Pathian biak inah chuan Pathian fakin an 53  
 awm fo ðhin a.

# Chanchin Tha Johana Ziak

I A tîrin Thu a awm, Thu chu Pathian hnênah a awm, Thu 1  
chu Pathian a ni. Chu mi chu a tîrin Pathian hnênah a 2  
awm. Engkim a zain ama siam a ni; thil siam zawng zawng 3  
hi ama siam loh engmah a awm lo. Amahah chuan nunna a awm;  
chu mi nunna chu mihringte ênna a ni a. Êng chu thim zingah 5  
a lo êng a; thimin chu chu a hre lo.

Pathian tîrh mi pakhat a lo awm a, a hming chu Johana a ni. 6  
Chu mi chu hriattîr tûrin a lo kal a, êng thu chu hriattîr tûrin; 7  
amah avânga mi zawng zawngin an rinna tûr. Ani chu êng chu 8  
a ni lo, êng thu chu hriattîr tûra lo kal a ni zâwk e.

Êng tak mi tin tiêng thîn kha a awm a, khawvêlah a lo kal mêk 9  
a ni. Ani chu khawvêlah a awm, khawvêl ama siam a ni, khawvêlin 10  
amah a hre si lo. Amaha mite hnênah a lo kal a, amaha miten an 11  
lo lâwm si lo. Nimahsela, amah lâwm apiang chu, an hnênah 12  
Pathian fate nih theihna tûr a pe, a hming ringtute chu; chúng  
mite chu thisen hrin an ni lo va, tisa duhzâwnga hrin an ni hek lo, 13  
mipa duhzâwng pawha hrin an ni hek lo, Pathian hrin an ni zâwk e.

Tin, Thu chu tisaah a lo chang a, kan zingah a awm ta a, (Pa 14  
fa mal neih ropui angin a ropuizia kan hmu,) khawngaih leh  
thutakin a khat.

Johanan a thu a hriattîr a, a au va, “ ‘ Ka hnunga mi zui tûr 15  
khân mi lehkhah tawh a ni, ka hmaa awm tawh rêng a nih  
avângin,’ tia, a thu ka sawi kha amah hi a ni,” a ti a.

A famkimna kan chang theuh, khawngaih chung a khawngaih 16  
leh chhâwnna nê. Dân thu Mosian a pe, khawngaihna leh 17  
thutak Isua Krista avângin a lo awm.

Tuman eng lai mahin Pathian an hmu lo, a Fapa mal neih, 18  
Pa ângchhunga awm ngei khân, a chanchin a hril tawh a ni.

Tin, Judaten, “ Tunge i nih?” tia, zâwt tûra, Jerusalem khua 19  
ata a hnêna puithiamte leh. Levia chia mite an tîrh lai khân hêng  
hi Johana thu lo hriattîr chu a ni: tang lovin a inpuang a, “ Krista 20  
chu ka ni lo ve,” tiin, a inpuang a. Tin, anni chuan a hnênah, 21  
“ Tunge i nih le? Elija i ni em?” an ti a, an zâwt a. Tin, ani  
chuan, “ Ka ni lo ve,” a ti a. “ Zâwlnei kha i ni em?” an ti a.  
Tin, ani chuan, “ Ni lo ve,” a ti a, a chhâng a. Tin, anni chuan 22  
a hnênah, “ A nih leh, tunge i nih? min tirtute kan chhân theih  
nân min hrilh ta che. I chanchin rêng engnge i sawi dâwn?” an ti a.

Tin, ani chuan “Lalpa kalkawng tirual rawh u,’ tia, thlalêra 23  
 autu aw ka ni, Zâwlnei Isaia sawi ang khân,” a ti a. An mi tirhate 24  
 chu Pharisaite hnêna mi an ni a. Tin, anni chuan a hnênah, 25  
 “Krista tal, Elija tal, zâwlnei tal chu i nih si loh chuan, engatinge  
 i baptis thîn le?” an ti a, an zâwt leh a. Tin, Johanan an hnên- 26  
 ah, “Keiin tuiin ka baptis thîn, in zingah mi pakhat in hriat  
 loh a ding a ni, ani chu mi zuitu tûr chu a ni a, a pheikhawk hrui 27  
 phelhl tlâk pawh ka ni lo ve,” a ti a, a chhâng a.

Chûng thil chu Jordan râla Bethani khuuah, Johana baptis- 28  
 naah khân an ti a ni.

Tin, atûkah chuan Johanan Isua a hnênah lo kal dâwnin a 29  
 hmu a. Tin, a sawi a, “En teh u, Pathian Beram No khawvêl  
 sual kalpuitu tûr saw! Saw mi saw a ni, ‘Mi pakhat mi lehkhah 30  
 khân mi zui dâwn, ka hmaa awm sa rêng a ni,’ ka tiha kha. Amah 31  
 chu ka lo hre si lo; nimahsela, Israelte hnêna a lo lan nân, tuia  
 baptis-in ka lo kal a ni,” a ti a.

Tin, Johanan a thu a hriattîr a, a sawi a, “Thlarau chu thuro 32  
 angin vâ aţanga chhuk ka hmu a, a chungah a fu reng a. Amah 33  
 chu ka hre si lo va, nimahsela, tuia baptis tûra mi tirtu khân ka  
 hnênah, ‘Tu chungah pawh Thlarau zuk fua, a chungah awm reng  
 i hmuh apiang, amah chu Thlarau Thianghlîma baptistu tûr chu  
 a ni ang,’ mi ti a. Chu chu ka hmu tawh a, he mi hi Pathian 34  
 Fapa a ni tih ka hriattîr tawh,” a ti a.

Tin, atûk lehah Johana a ding a, zirtîrte pahnih nê: tin, 35  
 Isua vei vâk lai a en a, “En teh u, Pathian Berâm No saw,” a ti a. 36  
 Tin, a zirtîrte pahnih chuan a thu sawi chu an hria a, Isua an zui 37  
 ta a. Tin, Isua a hawi a, an rawn zui a hmu a, an hnênah, “Eng- 38  
 nge in zawn?” a ti a. Tin, anni chuan, “Rabbi, (chu chu Zir-  
 tirtu tihna a ni), khawiahnge i awm?” an ti a. Anin an hnênah, 39  
 “Lo kal ula in hmu ang,” a ti a. Chutichuan, an kal a, a awmna  
 chu an hmu a, chu mi ni chuan a hnênah an awm reng a; zanriah  
 chhum hun lai a ni a.

Johana thu sawi chu hriaa Isua zuitute pahnih chu, a pakhat 40  
 zâwk chu Andria, Simon Petera unau a ni. Ani chuan a hmasa 41  
 berin ama unau Simon a hmu a, a hnênah, “Messia kan hmu  
 ta,” a ti a, (chu chu Krista tihna a ni). Tichuan, Isua hnênah 42  
 a rawn hrui a. Isuan ani chu a lo en a, “Johana fapa Simona  
 i ni, Kiphaa an vuah ang che,” a ti a, (chu chu Petera tihna a ni).

Tin, atûkah chuan Isua chuan Galili rama kal a tum a, Philipa 43  
 a hmu a, a hnênah, “Mi zui rawh,” a ti a. Philipa chu Bethsaida 44  
 khuah mi a ni, chu chu Andria leh Petera awmna khua bawk a  
 ni. Philipa chuan Nathanaela a hmu a, a hnênah, “A chanchin 45  
 Mosian Dân Lehkhahua a ziaak leh, Zâwlneiten an ziaak kha, amah  
 chu kan hmu ta, Nazaret Isua, Josefa fapa chu,” a ti a. Tin, 46

Nathanaela chuan a hnênah, “Nazaret khuaah thil ̣a a chhuak thei em ni?” a ti a. Philipa chuan a hnênah, “Lo kal la, en rawh,” a ti a.

Isuan Nathanaela a hnêna lo kal dâwnin a hmu a, a chanchin 47 a lo sawi a, “En teh u, Israel mi tak, ngamthlêmna rêng nei lo saw,” a ti a. Nathanaela chuan a hnênah, “Nangin engtinng 48 mi hriat?” a ti a. Isuan a hnênah, “Philipa a koh hma che a, theipui bula i awm lai khân, ka hmu che asin,” a ti a, a chhâng a. Nathanaelan a hnênah, “Rabbi, Pathian Fapa i ni, Israelte 49 Lalber i nih hi,” tiin, a chhâng a. Isuan a hnênah, “Theipui 50 bulah ka hmu che asin, i hnêna ka tih avângin i ring a ni maw? Hêng aia thil ropui zâwk hi i la hmu ang,” a ti a, a chhâng a. Tin, Isua ̣ekin a hnênah, “Tih tak meuhvin, tih tak meuhvin ka 51 hrih a che u, Vân inhawngah, Pathian vântirhkohte Mîhring Fapa chungah hian chhuk leh chho in la hmu ang,” a ti a.

**2** Tin, ni thum niah, Galili rama Kana khuaah lawi chaw a 1 awm a, chutah chuan Isua nu a awm. Isua leh a zirtîrte 2 pawh lawi chaw eiah an sâwm a. Tin, uainin a daih ta lo va, Isua 3 nu chuan a hnênah, “Uain an tlachham ta e,” a ti a. Tin, Isuan 4 a hnênah, “Hmeichhia, nanga mi lo hriat sak tûr engnge awm? ka hun a la thleng lo ve,” a ti a. Tin, a nun rawngbâwtute hnên- 5 ah, “In hnêna a sawi apiang chu ti zêl ang che u,” a ti a. Tin, 6 Judate silfai dân angin lung tuibêl paruk, bûk sawmli hmun hnih emaw, hmun thum emaw leng ̣euh, chutah chuan an hûng a. Tin, Isuan an hnênah, “Tuibêlahte tui tikhat rawh u,” a ti a. 7 Tin, a rawng rualin an tikhat ̣euh va. Tin, an hnênah, “Tûnah 8 thâl ula, ruaiṭheh fatu hnênah kalpui rawh u,” a ti a. Tin, an kalpui ta a.

Tin, ruaiṭheh fatu chuan, tui uaina lo chang ta chu a tem a, 9 a chhuahna chin a hre lo va, (tui thâl rawngbâwtute erawh chuan an hria a), nupui nei tûra chu a ko ta a, a hnênah, “Mî tinin a 10 tîrin uain ̣a an dah chhuak ̣hîn, tin, a tam deuh an in hnuin a ̣a lo deuh chu an dah chhuak ̣hîn; nang zawngin tûn thlengin uain ̣a i la vawn hi,” a ti a. Isuan he a thilmak tih ̣antirhna hi 11 Galili ram Kana khuaah chuan a ti a, a ropuizia a lantîr ta a; tin, a zirtîrte chuan ani chu an ring a.

Tin, chu mi hnuah chuan Kapernaum khuaah a zuk kal a, amah 12 leh a nu nê, a unaute nê, a zirtîrte nê; chutah chuan ni rei lo tê an awm a.

Tin, Judate Kalhlên Kût a hnai tawh a, Isua Jerusalem khuaah 13 a han kal a. Tin, Pathian biak ina sebâwngte, berâmte, ̣hurrote 14 zuartuho leh, tangka thlengtuho ̣hu a hmu a. Tin, hruihrualin 15 vuakna a siam a, berâm leh sebâwng a zain Pathian biak in a ̣ang chuan a hnawt chhuak a, tangka thlengtute tangka chu a leihbua

a, an dawkhânte a namthlûk sak bawk a; tin, thuro zuartute 16  
 hnênah chuan, "Hêng thil hi heta tângin kalpui rawh u, ka Pa  
 in sumdâwnna inah siam suh u," a ti a. (Tin, "I ina ka thahnem- 17  
 ngaihin mi ei zo vang," tih ziaak a ni tih, a zirtirte chuan an  
 hre leh ta a.) Chutichuan, Judaten a hnênah, "Hêng thil i tih hi 18  
 chhinchhiahna engnge min hmuhtîr theih?" an ti a, an chhâng  
 a. Isuan an hnênah, "He in hi tichhia ulang, ni thum chhûngin 19  
 ka tungding leh ang," a ti a, a chhâng a.

Tin, Judate chuan, "He in hi kum sawmli leh kum ruk sak 20  
 a ni, nangin ni thum chhûngin i tungding ang maw?" an ti a.

(Nimahsela a taksa in thu sawi a lo ni zâwk si. Chuvângin, 21  
 mitthi zing ata a thawh lehin, chu mi thu chu a sawi tawh tih a  
 zirtirten an hre leh ta a; tin, Pathian Lehkha Thu leh Isua thu  
 sawi chu an ring ta a.)

Tin, Kalhlên Kûta, Jerusalem khuua a awm lai chuan a thil- 23  
 mak tihte a hmu a, mi tam takin a hming an ring ta a. Nimahsela, 24  
 Isua chu an lakah a ngampa lo, mi zawng zawng a hriata,  
 mihring thu tumaha hrilhiah a ngaih loh avângin; amahin 25  
 mihring chhûnga awm apiang chu a hre si a.

**3** Tin, Pharisaite zînga mi, a hming Nikodema, Judate hotu 1  
 pakhat a awm: chu mi chu zânah Isua hnênah a lo kal a, 2  
 a hnênah, "Rabbi, Pathian hnên ata zirtirtua lo kal i ni tih kan  
 hria; Pathian an chung a awm loh chuan hêng thilmak i tih ang  
 hi tuman an ti thei lo vang," a ti a. Tin, Isuan a chhâng a, a hnên- 3  
 ah, "Tih tak meuhvin, tih tak meuhvin ka hrilh a che, Mi tu-  
 pawh an pian thar loh chuan, Pathian ram an hmu thei lo vang,"  
 a ti a. Nikodeman a hnênah, "Mi a tar hnuin engtinng a pian 4  
 theih ang? A nu pumah vawi hnih lûtin a piang thei em ni?" a ti a.

Isuan a chhâng a, "Tih tak meuhvin, tih tak meuhvin ka hrilh 5  
 a che, Mi tupawh tuiah leh thlarauva an pian loh chuan Pathian  
 ramah an lût thei lo vang. Tisaa piang apiang tisa a ni; Thlarauva 6  
 piang apiang thlarau a ni. I pian thar tûr ka tih che hi mak ti 7  
 suh. Thli khawiah pawh a duh duhin a tleh thîn, a ri i hria e, 8  
 nimahsela khawi aţanga lo kal nge, khawiahnge a kal dawn tih  
 pawh i hre si lo; tupawh Thlarauva piang chu chutiangin an  
 awm," a ti a. Tin, Nikodeman a chhâng a, a hnênah, "Chûng 9  
 thil chu engtinng a awm theih ang?" a ti a. Isuan a chhâng a, 10  
 a hnênah, "Israelte zirtirtu i ni si a, chûng chu i hre lo maw?  
 Tih tak meuhvin, tih tak meuhvin ka hrilh a che, Keinin kan 11  
 hriat chu kan sawi thîn, kan hmuh chu kan hriattîr thîn; nimahsela,  
 kan thu hriattîr in awi si thîn lo. Khawvêla thil ka hrilh che u 12  
 mah awi lo che u a, vâna thil hrilh che u ila engtinng in awi  
 ang? Vânah tumah an lâwn ngai lo, vâ aţanga lo chhuka chauh 13  
 lo hi chu, Mihring Fapa vâna awm hi.

“Tin, Mosian thlalêrah rûl a khaikân ang khân, Mihring 14  
Fapa hi khaikânin a awm bawk tûr a ni; tupawh a ring apiangin 15  
amah avânga chatuana nunna an neihna tûrin. Pathianin khaw- 16  
vêl a hmangaih êm êm a, chutichuan a Fapa mal neih chhun a pe  
a, amah chu tupawh a ring apiang an boral loh va, chatuana nunna  
an neih zâwk nân. Khawvêl thiam loh chantîr tûrin Pathian- 17  
in a Fa khawvêlah a tîr lo, khawvêl amah avânga an dam  
theihna tûrin a tîr a ni zâwk e.

“Tupawh amah ring chu thiam lohvin an awm lo vang, 18  
tupawh ring lo chu tûn apangin thiam lohvin an awm, Pathian  
Fapa mal neih hming an rin loh avângin. Hei hi thiam lohna a 19  
ni, êng khawvêlah a lo kal a, nimahsela miten êng aiin thim an  
duh zâwk, an thiltihte a sual avângin. Tupawh thil tisual 20  
apiangin êng an haw thîn, êngah pawh an lo kal lo, chutilochuan  
an thiltihte a lang ang. Amaherawhchu, tupawh tidik apiang an 21  
thiltihte Pathian avânga ti an ni tih a lan nân, êngah an lo kal  
thîn,” a ti a.

Chung hnuah chuan Isua a zirtîrte nên Judai ramah an kal a, 22  
chutah chuan Isua an hnênah a awm reng a, a baptis thîn a.  
Johana pawhin Ainon-ah, Salim khaw kiangah a baptis bawk a, 23  
chutah chuan tui a tam avângin; tin, mi an lo kal a, baptisma  
an chang hlawm a. Chutih lai chuan Johana tân inah an la 24  
khung si lo va.

Tin, Johana zirtîrte leh Juda pakhat, silfai thuah an lo inhnial 25  
a. Tin, Johana hnênah an lo kal a, a hnênah, “Rabbi, Jordan 26  
râla i hnêna awm, a thu mi i hriattîr khân ngai teh, kha mi khân  
mi a baptis a, mi zawng zawng a hnênah an lo kal a ni,”  
an ti a.

Johanan a chhâng a, “Mihringin engmah an nei thei lo, vâna 27  
mi pêk a nih loh chuan. ‘Kei Krista ka ni lo ve, a hmaa mi tîr 28  
ka ni,’ ka tih kha, nangni ngei mi hriatpuitu in ni. Mo neitu 29  
chu a pasal chu a ni; nimahsela, pasala thian ding chung a thu  
hriaa chu, pasal aw avângin a lâwm êm êm thîn; hei ka lâwmna  
a thleng ta a nih hi. Ani chu tlatlum tûr a ni, kei erawh chu 30  
lâng tûr ka ni.

“Chung lam ațanga lo kal chu mi zawng zawng aia chung- 31  
nung ber a ni; leia piang chu leia mi a ni a, lei thu a sawi thîn,  
vân ațanga lo kal chu mi zawng zawng aia chungnung ber a ni.  
A hmuh leh a hriat apiang a hriattîr thîn a ni; tuman a thu hriat- 32  
tîr an awi lo. A thu hriattîr awi chuanin, ‘Pathian chu mi dik tak 33  
a ni,’ tiin, a hming nemin a zia. Pathian tîr chuanin Pathian 34  
thu a sawi thîn; ani chuan teh kherin Thlarau a pe si lo. Pain 35  
Fa a hmangaih a, a kutah engkim a zain a pe tawh. Tupawh Fa 36  
ring apiangin chatuana nunna an nei tawh; nimahsela, tupawh



Fa thu awi lo apiangin nunna an nei lo vang a, Pathian thinur an chungah a awin reng zâwk a ni," a ti a.

**4** Tin, Isuan Johana aiin zirtîr tam zâwk a siam leh a baptis 1  
 tih Pharisaiten an hria tih Lalpa chuan a hriat veleh, (nimah- 2  
 sela Isua meuh chuan a baptis lo, a zirtîrten an baptis zâwk thîn), 3  
 Judai ram chu a kalsan a, Galili ramah a kîr leh ta a. Tichuan 4  
 Samari ram a kal tlâng tûr a ni.

Chutichuan, Samari ram khaw pakhat, Sukar an tih chu a lo 5  
 thleng a, Jakobon a fa Josefa hnêna hmun a pêk kiang kha; Jakoba 6  
 tuichhunchhuah pawh kha chutah chuan a awm. Chutichuan,  
 Isua chu a kal hah avângin tuichhunchhuah sirah chuan a thu  
 chawt a: chawfâk hun lai a ni a. Tin, Samari hmeichhe pakhat 7  
 tui chawiin a lo kal a. Isuan a hnênah, "In tûr mi pe rawh," 8  
 a ti a. (A zirtîrte lah chu ei tûr leiin khuaah an kal tawh si a.)  
 Chutichuan, Samari hmeichhia chuan a hnênah, "Nang Juda 9  
 mi i ni a, kei Samari hmeichhia ka ni si a, eng tizia nge ka hnêna  
 in tûr mi dîl?" a ti a. (Judaten Samari mite engah mah an  
 hmang ngai si lo).

Tin, Isuan a chhâng a, a hnênah, "Pathian thilpêk leh, 10  
 'In tûr mi pe rawh,' i hnêna titu hi hria la chu, nanging a hnênah  
 i dîl zâwk tûr a ni a, tin, anin tui nung a pe tawh tûr che a ni,"  
 a ti a. Tin, hmeichhia chuan a hnênah, "Ka pu, khaina eng- 11  
 mah i nei si lo va, tuichhunchhuah a thûk vei nêh, khawi ata nge  
 tui nung chu i hmuh? Kan pu Jakoba aiin i ropui zâwk em ni?  
 Ani chuan he tuichhunchhuah hi min pe a, amah pawhin a in 12  
 a, a fapate, a rante nêh," a ti a. Tin, Isuan a chhâng a, a 13  
 hnênah, "Tupawh he tui in apiang an tuihâl leh ang; tupawh an  
 hnêna ka pêk tûr tui in apiang erawh chu, kumkhua in an tuihâl 14  
 lo vang, keiin an hnêna tui ka pêk tûr chu an kawchhûngah tui  
 hna a lo awm ang a, chatuana nun thlengin a chik chho vang,"  
 a ti a.

Tin, hmeichhia chuan a hnênah, "Ka pu, chu tui chu mi pe 15  
 rawh, ka tuihâl loh nân leh, hêng thleng thlenga tui chawi tûra  
 ka lo kal thîn loh nan," a ti a. Tin, Isuan a hnênah, "I pasal 16  
 va ko la, hetah lo haw leh ang che," a ti a. Tin, hmeichhia chuan 17  
 a hnênah, "Pasal ka nei hlei nêh," a ti a, a chhâng a. Isuan a  
 hnênah, "Pasal ka nei hlei nêh, i tih hi, i ti dik e; pasal panga i 18  
 nei tawh, tûna mi i neih hi i pasal a ni lo rêng a ni, he thu hi i ti  
 dik e," a ti a. Hmeichhia chuan a hnênah, "Ka pu, zâwlnei 19  
 i ni tih ka hre ta. Keini thlahtute chuan he tlângah hian Pathian 20  
 chibai an bûk thîn; nimahsela, nangni zawngin, 'Mihringin  
 Pathian chibai an bûkna hmun tûr chu Jerusalem khuaah a awm,'  
 in ti thîn," a ti a.

Tin, Isuan a hnênah, "Hmeichhia, ka thu awi rawh, he tlângah 21

kher lo pawh, Jerusalem khuaah kher lo pawh Pa chibai in bûk  
hun a thleng dâwn ta. Nangnin in hriat loh chibai in bûk thîn; 22  
keini zawngin kan hriata chu chibai kan bûk thîn. Chhanhimna  
Judate hnên ata a lo chhuak dâwn si a. Chutichuan a hun a thleng 23  
dâwn ta, tûnah pawh a thleng tawh mêk, chu mi hunah chuan  
Pathian chibai bûktu taktakten thlarau leh tih tak zetin Pa chibai  
an bûk ang, Pain chutiang mi chu a chibai bûktu tûrin a zawng  
a ni. Pathian chu Thlarau a ni; a chibai bûktuten thlarau leh 24  
tih tak zetin chibai an bûk tûr a ni,” a ti a. Tin, hmeichhia chuan 25  
a hnênah, “Messia, Krista an tih chu, a lo kal dâwn tih ka hria,  
ani chu a lo kal hunah engkim min la hril ang,” a ti a. Tin, Isuan 26  
a hnênah, “Keimah a betu che hi amah chu ka ni asin,” a ti a.

Tin, chutih lai chuan a zirtîrte chu an lo kal a, hmeichhia 27  
a bia chu mak an ti hle a; nimahsela, tuman, “Engnge i zawng?”  
‘Engatinge hmeichhia i biak?’ pawh an ti lo. Tin, hmeichhia 28  
chuan a tuibêl a kalsan a, khuaah a kal a, mite hnênah, “Ka thil 29  
tih apiang mi hril zêltu mi pakhat a awm a, lo kal ula, en teh u;  
Krista a ni thei âwm em?” a ti a. Tin, anni chu khua ata chu an 30  
lo chhuak a, a hnên lam an pan ta a. Chu mi hlânin zirtîrte 31  
chuan a hnênah, “Zirtîrtu, ei rawh,” an ti chiam a. Nimah- 32  
sela, ani chuan an hnênah, “Chaw in hriat loh ei tûr ka nei e,”  
a ti a. Tin, zirtîrte chu an inbia a, “A ei tûr miin an rawn ken 33  
sak em ni chu le?” an inti a.

Tin, Isuan an hnênah a sawi a, “Mi tirtu duhzâwng tih leh, 34  
a hna thawh zawh tûr hi ka chaw a ni. Nangnin, ‘Buh sengna tûr 35  
thla li a la awm,’ in ti lâwm ni? Ngai rawh u, ka hrilh a che u,  
dâk ulang lote en rawh u, tûn apangin seng tûrin a eng a ni. A 36  
âttuin hlawh a hmu thîn a, chatuana nun thlenga awm tûrin rah a  
seng thîn, a tuhtu leh a âttu an lâwm dun theih nân. ‘Pakhatin 37  
a tuh thîn a, mi dangin a ât thîn,’ tih thu hi, chu miah chuan  
a dik hle a ni. In thawh rim loh ât tûrin ka tîrh che u kha; mi 38  
dangin an thawk a, nangnin an thawhsa chu in chhonzawm a ni,”  
a ti a.

Tin, hmeichhia chuan, “Ka thil tih apiang mi hril zêl,” tia, 39  
a hriattîr thu avâng khân, chu mi khuaa awm Samari mi tam  
takin Isua an ring ta a. Chutichuan Samari mite chu Isua 40  
hnênah an lo kal a, an hnêna awmah an ngên chiam a; tichuan,  
chutah chuan ni hnih a châm a. Tin, mi dang tam takin ama thu 41  
avângin an ring ve ta a; tin, anni chuan, hmeichhe hnênah chuan, 42  
“Tûnah” zet chuan i thu sawi avânga ring kan ni ta lo; keimahni  
ngein a thu kan hria a, he mi hi khawvêl Chhandamtu a ni ngei  
tih kan hre ta,” an ti a.

Tin, chu mi ni hnih hnuah chuan chuta tângin a chhuak a, 43  
Galili ramah a kal ta a. Isua ngein, zâwlnei chu ama khaw 44

lamah chuan chawimawün a awm ngai lo tih a hriattîr si tîn a.  
 Chutichuan, Galili ram a lo thlenin Galili rama miten an lo lâwm a, 45  
 Jerusalem khuaa kût laia a thiltih zawng zawng an hmuh avâng  
 khân; anni pawh chu kûtnaah chuan an kal ve si a.

Tin, Galili rama Kana khua, tui uaina a chantîrna kha a lo 46  
 thleng leh a. Tin, upa tuemaw a awm a, a fapa Kapernaum  
 khuaah a dam lo va. Tin, Isua Judai ram ata Galili ramah a lo 47  
 kal tih a hriat veleah a hnênah a han kal a, a fapa zuk tidam tûrin a  
 ngên chiam a, a thi lek lek si a. Tin, Isuan a hnênah, “Chhin- 48  
 chhiahnate leh thilmakte in hmuh loh chuan in ring tawp lo vang,”  
 a ti a. Tin, upa chuan a hnênah, “Ka pu, ka fa thih hmain lo 49  
 chhuk ta che,” a ti a. Tin, Isuan a hnênah, “Haw leh ta mai 50  
 rawh, i fapa chu a dam tawh e,” a ti a. Tin, chu mi chuan Isuan  
 a hnêna thu a sawi chu a ring a, a kal ta a. Tin, a kal chhuk lai 51  
 mêkin a bawiten an lo hmuak a, “I fapa chu a dam ta,” an lo ti a.  
 Tin, ani chuan an hnênah a dam tîrh lai a zâwt a. Tin, anni 52  
 chuan a hnênah, “Niminah ni her chauhvîn a khawsik a reh ta  
 a ni,” an ti a. Chutichuan, a pan Isuan a hnênah, “I fapa chu 53  
 a dam tawh e,” a tih lai tak chu a ni tih a hre ta a; tin, amah leh a  
 chhûngten an zain an ring ta a. Chu chu Isuan a thilmak tih 54  
 a vawi hnihna a ni, Judai ram ata Galili rama a lo kalin.

**5** Chûng thil hnuah chuan Judate kût pakhat a awm a; Isua 1  
 Jerusalem khuaah a han kal a. Tin, Jerusalem-ah chuan 2  
 berâm kawngkhâr kiangah dîl a awm a, chu chu Hebrai tawngin  
 Bethesda an ti a, hulhliap panga a nei nghe nghe a. Chûngah 3  
 chuan dam lote, mitdelte, kebaite, zengte tam tak an mu hlawm  
 a. Tin, chutah chuan kum sawmthum leh kum riat nâ mi tue- 5  
 maw a awm a. Tin, Isuan a mu chu a hmu a, chutiengin rei tak 6  
 a awm tawh tih a hria a, a hnênah, “Tihdam i duh em?” a ti a.  
 Tin, mi damlo chuan, “Ka pu, tui a fâwnin dîla mi dahtu ka nei 7  
 lo va, ka kal chhûngin mi dangin mi pên thlâk khalh tîn,” a ti a,  
 a chhâng a. Tin, Isuan a hnênah, “Tho la, i âwngphah la la, 8  
 kein kal tawh rawh,” a ti a. Tin, thâwkkhatan chu mi chu a dam 9  
 ta ngâl a, a âwngphah chu a la a, a kal ta a.

Chu mi ni chu Chawlhni a ni a. Chutichuan Judaten a dam 10  
 taa hnênah chuan, “Chawlhni a nih hi, i âwngphah i lâk a thiang  
 lo ve,” an ti a. Tin, ani chuan an hnênah, “Mi tidamtu ngeiin 11  
 ka hnênah, ‘I âwngphah la la, kein kal tawh rawh,’ mi ti a ni,”  
 a ti a, a chhâng a. Tin, anni chuan a hnênah, “‘I âwngphah 12  
 la la, kein kal tawh rawh,’ i hnêna titu chur tunge ni?” an ti a, an  
 zâwt a. Nimahsela, a dama chuan tunge a nih a hre lo va, chutah 13  
 chuan mipui an awm avângin Isua a kal bo ta si a.

Nakinah chuan Isuan ani chu Pathian biak inah a hmu a, a 14  
 hnênah, “Ngai rawh, i dam tâk hi, thil tîsual leh tawh suh, chuti-

lochuan thil ̣a lo lehzuai i chungah a lo awm dah ang e,” a ti a. Tin, chu mi chu a va kal a, Judate hnênah chuan a tidamtu chu 15 Isua a ni tih a hrih a. Chutichuan, Chawlhnia chûng thilte chu 16 a tih avângin Judaten Isua an tiduhdah ta a. Nimahsela, Isuan 17 anni chu a bia a, an hnênah, “Ka Pain tûn thleng pawhin hna a thawk ̣hîn, kei pawhin ka thawk ̣hîn,” a ti a. Chutichuan, 18 Judaten tihhlum an tum lehzuai a, Chawlhni a bawhchhiat avâng chauh pawh a ni lo va, Pathian ama Paah a vuah a, Pathian tluka a insiam avâng pawhin a ni.

Tin, Isuan an hnênah, “Tih tak meuhvin, tih tak meuhvin 19 ka hrih a che u, Fapain mahniin engmah a ti thei lo, Pa thiltih a hmuh chauh lo chu; thil a tih ang apiang chu, Fapa pawhin a ti ve ̣hîn. Pain Fapa a hmangaih a, a thil tih apiang a hnênah 20 a entîr ̣hîn; hêng aia thiltih ropui zâwk hi a hnênah a la entîr ang, mak in tih atân. Pain mitthite a kaitho va, a tinung ̣hîn 21 angin, Fapa pawhin a duh apiang a tinung ̣hîn. Pain tuma thu 22 a rêl sak ngai lo, thu zawng zawng Fapa a rêltîr ta zâwk; mi 23 zawng zawngin Pa an zah angin, Fapa pawh an zahna tûrin. Tupawh Fapa zah lo chu, Pa a tirtu pawh chu zah lo a ni.

“Tih tak meuhvin, tih tak meuhvin ka hrih a che u, Tupawh 24 ka thu hriaa, mi tirtu ring chuan, chatuana nunna a nei tawh, thiam lohvin a awm lo va, thihna ata a chhuak a, nunnaah a lût ta zâwk a ni. Tih tak meuhvin, tih tak meuhvin ka hrih a che 25 u, A hun a thleng dâwn ta, tûnah pawh a thleng tawh mêk, chutih hunah chuan mitthiten Pathian Fapa aw an hria ang a, a hria apiang an nung ang. Pain mahnia nun a nei ang bawkin, Fapa 26 pawh mahnia nun neiin a siam: tin, Mihring Fapa a nih avângin, 27 a hnênah rorêl tûr thu a pe.

“Hêng hi mak ti suh u, a hun a thleng dâwn ta, chutih hunah 28 chuan thlâna awm zawng zawngin a aw an hria ang a, an chhuak vek ang; thil ̣a titute chu nunna changin an tho leh ang a, thil 29 sual titute chu thiam loh changin an tho leh ang.

“Keimahin engmah ka ti thei lo: beng a ka hriat ang zêlin 30 ro ka rêl ̣hîn; ka rorêl chu dik tak a ni, keima thu thuin awm ka tum lo va, mi tirtu thu thu zâwka awm ka tum ̣hîn avângin. Mahni chanchin hriattîr ila, ka thu hriattîr a dik lo vang. 31 Ka chanchin hriattirtu chu mi dang a ni; ani chuan ka chanchin a 32 hriattîr chu a dik tih ka hria.

“Nangnin Johana hnênah mi in tîr a, tin, ani chuan thutak 33 chanchin a lo hriattîr kha. Thu hriattîr ka pawm erawh chu, 34 mihring thu a ni lo: nimahsela in damna tûrin hêng thu hi ka sawi a nih hi. Chu *Johana* chu khâwnvâr alk tak leh êng tak chu 35 a ni, a êngah chuan hlim rih in duh kha.

“Nimahsela, hriattîrna ka neih hi Johana *hriattîrna* thu ai khân 36

a ropui zâwk a ni: Pain thil tih zawh tûra mi pêk, ka thiltih ngei  
 hian Pain mi tîr tih ka chanchin a hriattîr a ni. Pa mi tirtu pawh 37  
 chuan ka chanchin a hriattîr tawh. Nangnin engtikah mah a aw  
 in hre ngai lo va, a hmêl pawh in hmu ngai hek lo. A thu pawh 38  
 in rilruah in pai reng lo, a tirha hi in rin loh avângin.  
 Pathian Lehkha in chhiar ngun thîn, a chhûngah chatuana nunna 39  
 awmin in rin avângin: chûng Lehkha chu ka chanchin hriattirtu  
 chu a ni si a. Nimahsela, nunna nei tûrin ka hnênah in lo kal 40  
 duh si lo.

“Mihring chawimawina ka pawm lo. Nangni ka hria a che 41  
 u, Pathian hmangaihna in rilruah in nei lo ve. Ka Pa hmingin 43  
 ka lo kal a nih hi, nangnin mi lâwm si lo: mi dang mahni hmingin  
 lo kal sela, ani chu in lâwm ang. Nangni inchawimawi tawn 44  
 lâwmte u, engtingge in rin theih ang? Pathian tak chauhva chhuak  
 chawimawina chu in zawng si lo. Keiin Pa hnêna ka hêk che u 45  
 ring suh u: in hêktu chu pakhat a awm, in rin Mosia hi. Mosia 46  
 in rin chuan kei pawh mi ring tawh tûr in ni; ani chuan keima  
 chanchin asin a ziak ni. Nimahsela, a thu ziak chu in rin si loh 47  
 chuan, engtingge ka thu in rin ang?” a ti a.

**6** Chûng thil hnuah chuan, Isua chu Galili dîl Tiberi dîl an 1  
 tih râl leh lamah chuan a kal ta a. Tin, dam lote chung 2  
 thilmak a tihte chu an hmuh avângin mipui tam takin amah an  
 zui a. Tin, Isua chu tlângah chuan a kal chho va, chutah chuan 3  
 a zirtîrte hnênah a thû a. Tin, Kalhlên Kût (Judate kût chu) 4  
 a hnai tawh a.

Tin, Isua a dâk a, mipui tam takin a hnên lamrawn panin 5  
 a hmu a, Philipa hnênah, “Hênggho ei tûr chhang khawi ata nge  
 kan lei ang?” a ti a. Chûng thu chu amah fiah nân a sawi a ni, 6  
 a tih tûr chu amahin a hre reng si a. Tin, Philipa chuan a hnên- 7  
 ah, “Mi tinin tlêmtea an chan theuh tûr pawh, duli zahnih man  
 chhangin a daih lo vang,” a ti a, a chhâng a. Tin, a zirtîrte zînga 8  
 pakhat, Simon Petera unau Andria chuan a hnênah, “Bhusanghar 9  
 chhangpêr panga leu sangha pahnih nei mipa naupang pakhat  
 hetah a awm; nimahsela, mi hêng zozai zîngah hian chûng chu  
 eng tham nge ni ang?” a ti a. Tin, Isuan, “Mite chu thuttîr 10  
 rawh u,” a ti a. Tin, chu mi hmunah chuan hlobet tam tak a  
 awm. Chutichuan patlingte chu an thû a, an tam lam chu sâng-  
 nga lai an ni a. Tin, Isuan chhangpêrte chu a la a, lâwm thu a 11  
 sawi zawhin a thuhote hnênah chuan a sem a, chutiang bawkin  
 sanghate pawh chu an duh tâwkin a sem bawk a.

Tin, an kham hnuin, a zirtîrte hnênah chuan, “Engmah 12  
 bo lo tûrin a bâng nawite chhar rawh u,” a ti a. Chutichuan 13  
 an chhar a, buhsanghar chhangpêr panga eitute ei bâng nawite  
 chuanin bâwmrâng sâwm leh pahnih an tikhat a.

Tin, mite chuan thilmak a tih chu an hmuh veleh, “He mi hi, 14  
zâwnei, khawvêla lo kal tûr kha a lo nih lgei hi,” an ti a. Chuti- 15  
chuan, amah chu lala siam tûra man luih tumin an lo kal dâwn  
tih Isuan a hria a, tlângah amah chauhvîn a kal hrang leh ta a.

Tin, khua a lo tlai lam chuan, a zirtîrte chu dilah chuan an 16  
zuk kal a; lawngah an chuang a, dilah chuan Kapernaum khua 17  
an pan a. Tin, khua a thim ta a, Isua lah chu an hnên a la thleng  
si lo. Thlipui nasa tak a tleh avângin tui a fâwn sâng telh telh 18  
si a. Tin, fîng sawmhni h leh fîng nga emaw, fîng sawmthum 19  
emaw an kar chuan, Isua chu dîl chungâh chuan kea kala, lawng  
rawn hnaihin an hmu a, an hlau va. Nimahsela, ani chuan an 20  
hnênah, “Keimah ka ni alâwm, hlau suh u,” a ti a. Chuti- 21  
chuan, lawngah chuan chuantîr an duh ta a; tin, chawpleh-  
chilhin lawng chuan an pan khawmual chu a thleng ta nghâl a.

Atûkah chuan dîl râl leh lama mipui dingte chuan, lawng 22  
pakhat lo chu lawng dang a awm lo va, Isua chu a zirtîrte hnênah  
lawngah chuan a chuang ve lo va, a zirtîrte anmahni chauhvîn  
an kal tih an hria a. (Nimahsela Lalpan lâwm thu a sawi hnua, 23  
chhang an eina hmun kiangah khan, Tiberi khua aţangin lawng  
tête a lo thleng si a.) Chutichuan, mipui chuan Isua leh a zir- 24  
tîrte chu an awm ta lo tih an hriatin, anni pawh lawng teahte  
chuan an chuang a, Isua zawngin Kapernaum khua an lo thleng  
a. Tin, dîl râla an rawn hmuhin a hnênah, “Rabbi, engtikahnge 25  
he lam i lo thlen?” an ti a. Tin, Isuan an hnênah, “Tih tak 26  
meuhvîn, tih tak meuhvîn ka hrilh a che u, Thilmakte in hmuh  
avânga mi zawng in ni lo va, chhangpêr in ei puar avâng khân  
a nih zâwk hi. Chaw dangral mai ûmin phe phe suh u, chatuana 27  
nun thlenga awm reng tûr chaw, Mihring Fapain a pêk tûr che  
u chu, *ûmin phe zâwk rawh u*; Pa Pathian chuan ani chu a chhin-  
chhiah tawh si a,” a ti a, a chhâng a.

Tin, anni chuan a hnênah, “Pathian hna kan thawh theih 28  
nân *thil* engnge kan tih tûr?” an ti a. Tin, Isuan an hnênah, 29  
“Pathian hnathawh chu hei hi a ni, a mi tîrh hi ring ula,” a ti a,  
a chhâng a. Tin, anni chuan a hnênah, “Chhinchhiahna engnge 30  
i tih ang, kan hmuha kan rin theihna tûr chein? Thil engnge i tih  
ang? Kan thlahtuten thlalêrah manna kha an ei tîrh, ‘Vân aţang 31  
chuan an hnênah chhang ei tûr a pe,’ tih zia k angin,” an ti a.

Tin, Isuan an hnênah, “Tih tak meuhvîn, tih tak meuhvîn 32  
ka hrilh a che u, Vân aţanga chhang in *hmuh* kha Mosia pêk che  
u a ni lo, ka Pa erawh chuan vân aţangin chhang tak a pe che  
u a nih hi. Pathian chhang chu vân aţanga lo chhuka, khawvêl 33  
hnêna nun petu hi a ni,” a ti a. Tin, anni chuan a hnênah, 34  
“Lalpa, chu chhang chu kumkhuain min pe rawh,” an ti a.

**Tin, Isuan an hnênah, “Kei hi nunna chhang chu ka ni; 35**

tupawh ka hnêna lo kal chu a ril a tâm lo vang, tupawh mi ring chu engtikah mah a tuihâl lo vang. Nimahsela, nangnin mi 36 hnuh pawhin mi ring si lo tih ka hrilh che u kha. Pain mi pêk 37 zawng zawng apiang ka hnênah an lo kal vek ang; tupawh ka hnênah a lo kal chu ka hnawt chhuak tawp lo vang. Mahni duhzâwng 38 ti tûrin vân ațanga lo chhuk ka ni lo va, mi tirtu duhzâwng ti tûra lo chhuk ka ni zâwk e. Hei hi mi tirtu duhzâwng chu a ni, 39 anin mi pêk zawng zawng engmah hloh lo ila, ni kin niah chuan kaitho zâwk ila. Tin, hei hi ka Pa duhzâwng a ni, tupawh Fa 40 hmu a, ring apiangin chatuana nunna nei sela; tin, keiin ni kin niah chuan ani chu ka kaitho vang,” a ti a.

Tin, “Vân ațanga chhang lo chhuk chu ka ni,” a tih avângin, 41 Judate chu a chungah an phunnawi a. “He mi hi Josefa fa Isua 42 a ni lo vem ni, a nu leh a pa pawh kan hriat hi? ‘Vân ațanga lo chhuk ka ni,’ tih, eng ti tiha ti nge ni le?” an ti a.

Tin, Isuan an hnênah, “Phun phunnawi suh u. Pa mi tirtuin 43 a hîploh chuantumah ka hnênah an lo kal thei lo vang; tin, keiin ni 44 kin niah chuan a lo kala chu ka kaitho vang.” Zâwlneite lehkhabuah, 45 ‘Pathian zirtîrin an awm vek ang,’ tih ziaak a ni. Mi tin Pa thu hriaa zir apiang chu ka hnênah an lo kal thîn. Tumahin Pa an 46 hmu ngai ka ti lo, Pathian hnêna lo chhuaka chauh lo chuan; ani chuan Pa chu a hmu. Tih tak meuhvin, tih tak meuhvin 47 ka hrilh a che u, Tupawh a ring chuan chatuana nunna a nei tawh a ni. Kei hi nunna chhang ka ni. In thlahtuten thlalêrah 48 manna kha an ei na a, an thi a. Hei hi vân ațanga chhang lo chhuk 50 chu a ni, miin a eia, a thih loh nân. Kei hi vân ațanga chhang nung lo chhuk chu ka ni, tupawhin he chhang hi a ei chuan 51 chatuanin a nung reng ang, a ni, khawvêl nun nâna ka pêk tûr chhang chu ka tisa hi a ni,” a ti a.

Chutichuan, Judate an inhnial a, “He mi hian engtinngê 52 a tisa ei tûrin min pêk theih ang?” an ti a.

Tin, Isuan an hnênah, “Tih tak meuhvin, tih tak meuhvin 53 ka hrilh a che u, Mihring Fapa tisa in ei a, a thisen in in baw loh chuan, nangmahniin nunna nei hek lo che u. Tupawh ka 54 tisa eia, ka thisen in chuan chatuana nunna a nei tawh, tin, ni kin niah chuan ani chu ka kaitho vang. Ka tisa hi chaw tak a 55 ni a, ka thisen hi in tûr tak a ni si a. Tupawh ka tisa eia, ka thisen in chu, keimahah a awm reng thîn, kei pawh amahah ka awm reng thîn. Pa nung chuan mi tîr a, Pa zâra nung ka ni ang 57 bawkin, tupawh mi ei chu keima zârah ani pawh a nung ang. Hei hi vân ațanga chhang lo chhuk chu a ni; chi thlahtute chuan 58 chhang an ei a, an thi ang kha a ni lo, tupawh he mi chhang hi ei chu chatuanin a nung reng ang,” a ti a.

Chûng thu chu inkhâwmna inah a sawi a, Kapernaum khuua 59

a zirtîr lai khân.. Chutichuan, a zirtîrte a ðhen tam takin, chu 60  
chu an hriatin, “Hei hi thu khirh tak a ni, tunge dawngsawng  
thei ang?” an ti a.

Chutichuan, chu mi thua chuan a zirtîrte an phunnawi tih 61  
Isuan a rilruin a hria a, an hnênah, “He thu hian a tilungni lo che  
u elo? Mihring Fapa hi hmâna a awmna ngaia lâwn chhova in 62  
hmuh chuan, engtinng e in tih ang le? Tinungtu chu thlarau a ni,  
tisa chu engmahah a tlâktlai lo; in hnêna thu ka sawite hi thlarau 63  
a ni, nunna pawh a ni. Nimahsela, in zingah a ðhen ring lo in  
awm e,” a ti a. (Isuan a ring lotute leh a mantîrtu tûr chu a tîr 64  
ata a hre reng si.) Tin, amah vêk chuan, “Chuvângin a ni, in 65  
hnênah, ‘Pain a puih loh chuan, tumah ka hnênah an lo kal thei  
io vang,’ ka tih kha ni,” a ti a.

Chu veleh chuan a zirtîrte a ðhen tam tak an kal bo va, amah 66  
an pâwl leh ta lo va. Chutichuan, Isuan, sâwm leh pahnihte 67  
hnênah chuan, “Nangni pawhin kal bo in duh ve em?” a ti a.  
Tin, Simon Peteran a hnênah, “Lapa, tu hnênah nge kan kal 68  
ang? Nangin chatuana nunna thu i nei alâwm. Nang Pathian 69  
mi thianghlim chu i ni tih kan awi ta a, hriat pawh kan hria e,”  
a ti a, a chhâng a. Tin, Isuan an hnênah, “Nangni sâwm leh 70  
pahnihte hi keima thlan in ni lâwm ni? In zinga mi pakhat  
diabola a ni leh nghâl vei nêh,” a ti a. (Iskariot Simona fapa 71  
Juda, sâwm leh pahnihte zinga tel vea thu kha a sawi a ni, ani  
chu a mantîrtu tûr a ni si a).

**7** Chu mi zawhah chuan Isuan Galili ram a fang a; Judaten 1  
amah tihhlum an tum avângin Judai ram chu a fang duh  
lo va.

Tin, Judate Bâwkte Kût chu a hnai tawh a. Chutichuan, 5  
a unauten a hnênah, “Heta ðangin Judai ramah va kal rawh,  
i zirtîrte pawhin i thiltih hi an hmuh theih nân. Tuman arûkin 4  
thil engmah an ti lo, mahni hming than duh siin. Hêng thilte hi  
i tih tak zet chuan, khawvêl hnênah inentîr rawh,” an ti a. (A 5  
unaute pawh chuan amah an ring si lo va).

Tin, Isuan an hnênah, “Ka hun a la thleng lo; nangni hun 6  
erawh chu kumkhuain a thleng reng a ni. Khawvêlin nangni 7  
an haw thei lo a che u, kei erawh chu mi haw ðhîn, an thiltihte a  
sual tih ka hrilhfiâh ðhîn avângin. Nangni kûtnaah han kal 8  
rawh u, kei zawng tûn kûtah hian ka han kal dâwn rih lo ve, ka  
hun a la thlen loh avângin,” a ti a.

Tin, chúng thu chu an hnênah a sawi a, Galili ramah a la awm 9  
reng a. Nimahsela, a unaute chu kûtnaa an chhoh tâk hnu 10  
chuan, ani pawh vântlâng hriat lohvin, arûk angin a han kal ve a.  
Tin, Judaten kûtnaah chuan ani chu an zawng a, “Khawiahnge 11  
a awm?” an ti a. Tin, a chungah mipuite zinga mi an phunru 12



sup sup a, a thenin, “Mi tha a ni e,” an ti a; thenkhatin, “Hnai lo ve, mipui a bum zâwk thin a ni,” an ti a. Nimahsela, Judate 13 an hlah avângin tuman a chungchâng thu an sawi lang lo.

Tin, kût vâng lai takin, Isua Pathian biak inah a han kal a, 14 a zirtîr a. Tin, Judaten, “He mi hian zir ngai lovin engtingge 15 lehkhâ a thiam?” an ti a, mak an ti hle a.

Tin, Isuan anni chu a chhâng a, “Ka thu zirtîr hi ka ta a ni 16 lo va, mi tirtu ta a ni zâwk. Tupawh ama duhzâwng tih duh 17 chuan, thu zirtîr hi Pathian tihchhuah nge keima phuahchawpa ka sawi, a hria ang. Tupawh mahni phuahchawp thu sawi chu, 18 mahni mawina zawng a ni; a tirtu mawina zawng erawh chu, chu mi chu mi tak zet a ni, amahah chuan dik lohna rêng a awm lo. Mosian Dân chu in hnênah a pe lo che u em ni? Nimahsela, in zingah tumahin Dân chu in zawh si lo. Nangnin engatinge mi 19 tihhlum in tum?” a ti a.

Tin, mipui chuan, “Ramhuai zâwl i nih hi; tuinnge tihhlum 20 tum che?” an ti a, an chhâng a. Tin, Isuan a chhâng a, an hnên- 21 ah, “Thil pakhat ka tih kha nangni zawng zawngin mak in tih hi. He mi avâng a ni, Mosian serhtan thu kha a pêk che u a, 22 (Mosia tihchhuah a ni si lo va, thlahtute tihchhuah a ni zâwk si a), Chawlhni pawha mi serh in tan thin ni. Mosia Dân bawchhiat 23 loh nân Chawlhniah pawh mipain a serh a tantîr si chuan, keiin 23 Chawlhnia mi ka tihdam tâk viah avângin ka chungah in thinur bik maw? A lan angin ngaihtuah suh ula, fel takin ngaihtuah 24 zâwk rawh u,” a ti a.

Tin, Jerusalem khuâa mi thenkhatin, “He mi hi tihhlum an 25 tuma chu a ni lâwm ni? En teh u, alangin thu a sawi a, a hnênah 26 engmah an sawi si lo. Amah hi Krista a ni tih hotuten an hre ta tak zet em maw ni aw? He mi hi a pianna chin lam kan hre si a, 27 Krista erawh chu a lo thlen hunah chuan a pianna chin tuman an hre lo vang,” an ti a.

Chuvâng chuan Isuan Pathian biak ina a zirtîr pahin a au 28 va, “Nangnin mi hria e, ka pianna chin pawh in hria e. Nimah- sela mahni thua lo kal ka ni lo, mi tirtu hi mi tak zet a ni, ani chu in hre si lo. Kei erawh chuan ani chu ka hria; a hnên ațanga lo 29 chhuak ka ni a, ani chuan mi tîr a ni si a,” a ti a.

Chutichuan, ani chu man an tum a, nimahsela a hun a la 30 thlen loh avângin tuman an khawih si lo. Mipui a then tam 31 tak erawh chuan ani chu an ring a, “Krista chu a lo thlen hunah, he mi tih aia tam zâwk thilmak a rawn ti ang em ni?” an ti a.

Tin. Pharisaïten a chungâ mipui phunrûkna thute chu an 32 hria a; tichuan, puithiam lalte leh Pharisaïten a man tûrin tiang kengtute an tîr ta a.

Tin, Isuan, “Rei lo tê in hnênah ka la awm rih zet ang a, 33

mi tirtu hnênah ka kal ang. Nangnin mi zawng ang a, mi 34  
hmu si lo vang; ka awmnaah pawh in lo kal thei lo vang," a ti a.

Tin, Judate an inbia a, "Kan hmuah loh tûrin he mi h; 35  
khawlahnge a kal dawn? Grikte zînga Pêm Darrho hnêna kalin  
Grikte chu a zirtîr dawn em ni ang? 'Nangnin mi zawng ang 36  
a, mi hmu si lo vang a; ka awmnaah pawh in lo kal thei lo vang,'  
a tih hi, eng a tihna nge ni ang?" an ti a.

Tin, kût tiak dawn ni, ni ropui berah chuan, Isua a ding a, a 37  
au va, "Tupawh a tuihâl chuan ka hnênah lo kal sela in rawh  
se. Tupawh mi ring chu Pathian Lehkha sawi angin tui nung 38  
luite a pumah a lo luang chhuak ang," a ti a.

(Chûng thu chu a ringtuten Thlarau an neih tûr thu a sawi 39  
a ni; Thlarau chu pêk a la ni rih lo, Isua chu chawimawia a la awm  
loh avângin).

Chutichuan, mipui zînga thenkhatin chûng thu chu an hriatin, 40  
"Hei hi zâwlnei chú a nih tak hi," an ti a. Thenkhatin, "Hei  
hi Krista chu a ni," an ti a. Thenkhat erawh chuan, "Khawnge 41  
Krista chu Galili rama a lo chhuah tehlu ang? Krista chu  
Davida thlahte zîngah, Davida awmna khua Bethlehemah a chhuak 42  
tûr a ni tih Pathian Lekhain a sawi lo vem ni?" an ti a. Chuti- 43  
chuan amah avângin mipui chu an inthen a, an inkhing ta a.  
Thenkhat chuan man an duh a, nimahsela tuman an khawih si lo. 44

Tin, tiangkengtute chu puithiam lalte leh Pharisaite hnênah 45  
an lo kal leh a; tin, anni chuan an hnênah, "Engatinge in rawn  
hruai loh?" an lo ti a. Tiangkengtute chuan, "Sawtiang rêngin 46  
miin thu an sawi ngai lo," an ti a, an chhâng a. Tin, Pharisaite 47  
chuan an hnênah, "Nangni pawh bumin in awm ve ta elo? Hotute 48  
leh Pharisaite zînga mi rêng rêng amah ring an awm tawh em  
ni? Hêng Dân hre lo mipuite tehchai hi ânhhe dawng an ni asin," 49  
an ti a, an chhâng a.

Nikodema, hmâna Isua hnêna lo kal kha, an zînga tel ve ani 50  
a, an hnênah, "Ama kê ngeia a thu hriat leh a thiltih hriat hmâna 51  
kan dânin mi thiam loh a chantîr ngai em ni?" a ti a. Anni chuan 52  
a hnênah, "Nang pawh chu Galili mi i ni ve elo? Zawng la, Galili  
ramah chuan zâwlnei tumah chhuak tûr an awm lo tih hre ta  
che," an ti a, an chhâng a.

Tin, mi tín mahni ni theuhvah an kal ta a. 53

**8** Isua erawh chu Oliv tângah a kal ta zâwk a. Tin, zîngah 54

Pathian biak inah a lût leh a, mi zawng zawng a hnênah  
an lo kal a; tin, ani chu a thu a, anmahni a zirtîr a.

Tin, lehkhaziaktute leh Pharisaiten hmeichhe pakhat a uirê 3  
lai an man an rawn hruai a; tin, a laiah an dintîr a, Isua hnênah,  
"Zirtîrtu, he hmeichhia hi a uirê lai an man a ni, a uirê lai takin. 4  
Dân Lekhhabuah, Mosian, hetiang mi hi lunga denhlum thu min pe 5

a; nanging engtingge i ngaih?" an ti a. Chu *thu* chu amah fiah nân an ti a, a hêkna tûr an hmuh theih nân. Chutichuan, Isua a kûn a, a kutzungin leiah a ziaak a. 6

Tin, an zawh sek sek avângin ani chu a tho va, an hnênah, "In zînga sual nei lo apiangin amah chu lungin dêng hmasa rawh se," a ti a. Tin, a kûn leh a, a kutzungin leiah a ziaak leh a. Tin, anni chuan a *thu sawi* chu an hriatin, upa berin a ãan a, a tâwp thlengin, pakhat khatin an relh chhuak ta zêl a; chutichuan Isua chauh a awm ta a, hmeichhia a laia a awmna ngaia awm nêh khân. 7 8 9

Tin, Isua a tho va, a hnênah, "Hmeichhia, khawiahnge an awm tâk? Tuman thiam loh an chantîr na che nge?" a ti a. Tin, ani chuan, "Lalpa, tuman *mi chantîr lo ve*," a ti a. Tin, Isuan, "Kei pawhin thiam loh ka chantîr lo va che; kal la, tûn hnuah tisual leh tawh suh," a ti a. 10 11

Tin, Isuan an hnênah *thu* a sawi leh a, "Kei khawvêl êntu ka ni; tupawh mi zui chu thimah a lêng tawp lo vang a, nunna êng a nei zâwk ang," a ti a. Chutichuan Pharisaiten a hnênah, "Mahni *thu hriattîr i ni*; i *thu hriattîr a dik lo ve*," an ti a. Isuan an hnênah, "Mahni *thu hriattîr mah ila*, ka *thu hriattîr a dik a ni*; keiin ka lo chhuahna leh ka kalna tûr chin pawh ka hria e; nangni zawngin ka lo chhuahna leh ka kalna tûr chin pawh in hre si lo. Nangnin tisa angin in sawisêl ãîn; kei zawngin tumah ka sawisêl lo. A ni, sawisêl mah ila ka sawisêlna a dik ang; keimah chang ka ni lo va, kei leh Pa mi tirtu *kan ni zâwk si a*. A ni, in Dân *Lehkhabuah* pawh, 'Mi pahnih *thu a dik*,' tih ziaak a ni bawk alâwm. Kei hi mahni *thu hriattirtu ka ni*, Pa mi tirtu chuan ka *thu a hriattîr bawk*," a ti a, a chhâng a. 12 13 14 15 16 17 18

Tin, anni chuan a hnênah, "I Pa khawiahnge?" an ti a. Isuan, "Nangnin kei mi hre lo, ka Pa pawh *in hre lo*; kei mi hriat chuan, ka Pa pawh in hria ang," tiin, a chhâng a. Chûng *thu chu Pathian biak inah a zirtîr pahin, thawhlâwm dahna hmunah a sawi a*; tuman amah an man si lo, a hun a la thlen loh avângin. 19 20

Tin, ani chuan an hnênah, "Ka kal bo dâwn hi, nangnin, ni zawng ang a, in sual nei rengin in thi ang; ka kalna tûrah in lo kal thei lo vang," a ti leh a. Tin, Judaten, "Ka kalna tûrah in lo kal thei lo vang,' a tih hi, a intihlum dâwn em ni?" an ti a. Tin, ani chuan an hnênah, "Nangni hnuai lama chhuak in ni; kei zawng chung lama chhuak ka ni; nangni he khawvêla chhuak hi in ni; kei zawng he khawvêla chhuak hi ka ni lo. Chuvângin, in hnênah, 'In sual nei rengin in thi ang,' ka tih kha; ani chu ka ni tih in awi loh chuan, in sual nei rengin in thi mawlh ang," a ti a. Tin, anni chuan a hnênah, "Tunge maw i nih le?" an ti a. Isuan an hnênah, "A tîr ata in hnêna ka sawi ãîn kha. 21 22 23 24 25

Nangni chungchâng thua hian thil tam tak sawi tûr leh ngaih- 26  
 tuah tûr ka nei; engpawh ni rawh se, mi tirtu chu mi dik tak a ni;  
 a hnêna thu ka hriat apiang khawvêl hnênah ka hrih hi," a ti a.  
 Pa thu an hnênah a sawi tih an hre lo. 27

Chutichuan, Isua vêkin, "Nangnin Mihring Fapa hi in khaikân 28  
 hnuah, ani chu ka ni tih leh, keiin mahni thuin thil engmah ka ti lo va,  
 Pain mi hrih ang zêlin hêng thu hi ka sawi zâwk a ni tih in lo  
 la hria ang. Mi tirtu chu ka hnênah a awm a, mi thlahthlam 29  
 lo ve; a thil lâwmzâwng apiang ka tih fo avângin," a ti a.

Tin, chùng thu chu a sawi laiin mi tam takin amah chu an 30  
 ring ta a. Chutichuan, Isuan, a ringtu Judate hnênah chuan, "Ka 31  
 thua in awm reng chuan, ka zirtirte in ni tak tak ang; tin, thutak 32  
 in hria ang a, thutak chuan bawi a bân ang che u," a ti a. Tin, 33  
 anni chuan a hnênah, "Abrahama thlahte kan ni asin, tûn thlengin  
 tuma bawiah kan awm ngai lo, 'Bawi a bân ang che u,' eng ti tiha  
 i ti nge ni?" an ti a, an chhâng a.

Tin, Isuan an hnênah, "Tih tak meuhvin, tih tak meuhvin 34  
 ka hrih a che u, Tupawh thil tisual apiang, sual bawi a ni. Bawi 35  
 chu kumkhuain inah a awm reng lo; fapa erawh chu kumkhuain a  
 awm reng thîn. Chutichuan, Fapain bawi a bân che u chuan, 36  
 in chhuak tak meuh ang. Abrahama thlahte in ni tih ka hria e; 37  
 ni mah ula, mi thah in tum si, ka thuin in rilrua awmna a neih  
 loh avângin. Keiin ka Pa hnêna thil ka hmuh chu ka sawi thîn; 38  
 nangni pawhin in pa hnêna thil in hriat chu in ti thîn," a ti a.

Tin, anni chuan a hnênah, "Kan pa Abrahama a ni," an ti a, 39  
 an chhâng a.

Tin, Isuan an hnênah, "Abrahama fate in nih chuan, Abrahama  
 thil in ti ang chu. Nimahsela, tûnah mi thah in tum si. Pathian 40  
 hnêna thutak ka hriat, hrihtu che u ka ni asin; Abrahama zawngin  
 hetiangin a ti lo ve. Nangni zawngin in pa thil chu in ti thîn,"  
 a ti a. Tin, anni chuan a hnênah, "Inuirea hrin kan ni lo ve, Pa 41  
 pakhat chauh kan nei, Pathian chu," an ti a.

Isuan an hnêah, "Pathian in Pa a nih chuan nangnin mi 42  
 hmangaih ang chu; Pathian hnêna chhuak leh a hnên ata lo kal  
 ka ni si a; keima thua lo kal ka ni hek lo, amahin mi tîr zâwk a ni.  
 Engatinge ka tawng awmzia in hriat loh? Ka thu in dawnawn 43  
 theih loh avâng a ni. Nangni zawng in pa diabola hnêna chhuak 44  
 in ni a, in pa duhzâwng tih in duh a ni. Ani chu a tîr ata tual-  
 that a ni, thutakah a awm lo, a chhûngah thutak rêng a awm loh  
 avângin. Dawt thu a sawiin ama tihchhuaha sawi a ni thîn;  
 dawthei a ni si, dawt pa pawh a ni. Thutak ka sawi avângin nang- 45  
 nin mi ring lo a ni. In zîngah tuinngge sual kawngah thiam loh 46  
 mi chantîr thei awm? Thutak ka sawi pawhin nangnin engatinge  
 mi rinloh? Pathian hnêna chhuak chuan Pathian thu a pawm 47

thîn; he mi avâng hian in pawm lo a ni, Pathian hnêna chhuak in nih loh avângin," a ti a.

Tin, Judate chuan a hnênah, "Samari mi ramhuai zâwl i ni 48 kan tih kha, kan ti dik zet lo vem ni?" an ti a, an chhâng a. Isuan, 49 "Ramhuai zâwl ka ni lo ve; ka Pa ka chawimawi a ni zâwk e, nangnin ka hming in tihchhiat hi. Nimahsela, mahni mawina zawng 50 ka ni lo; a zawngtu leh a ngaihtuahu mi pakhat a awm a ni. Tih tak meuhvin, tih tak meuhvin ka hrilh a, che u, Mîin ka thu 51 a zawm chuan, kumkhuain thih ni hmêl a hmu lo vang," a ti a. Tin, Judaten a hnênah, "Ramhuai zâwl i ni tih tûnah kan hre 52 ta. Abrahama a thi tawh, zâwlneite nê, nanging, 'Mîin ka thu a zawm chuan, kumkhuain thihna a tem lo vang,' i ti si a. Kan 53 thlahtu Abrahama aiin i ropui zâwk em ni? Ani pawh a thi tawh, zâwlneite pawh an thi tawh; tuahnge i insiam?" an ti a.

Tin, Isuan, "Mahni inchawimawi ila ka mawi engah mah a 54 ni lo: 'Kan Pathian,' in tih ka Pa chu, mi chawimawitu a ni; nangnin amah in hre si lo; kei erawh chuan amah ka hria; 'Amah 55 ka-hre lo,' ti ila, nangmahni anga dawthei bawka ni ang: chutichuan amah ka hria a, a thu pawh ka zâwm thîn. In thlahtu 56 Abrahama kha, ka ni hmu tûr a nih avângin a hlim êm êm thîn, tin, a hmu ngei a, a lâwm hle a," a ti a, a chhâng a. Tin, Judate 57 chuan a hnênah, "Nang kum sawmnga pawh la ni lo pui che, Abrahama i hmu em ni?" an ti a. Isuan an hnênah, "Tih tak 58 meuhvin, tih tak meuhvin ka hrilh a che u, Abrahama awm hma pawhin ka awm," a ti a.

Chutichuan a den nân lung an chhar a; nimahsela Isua a biru 59 a, Pathian biak in ata chu a chhuak ta a.

9 Tin, Isuan a kal pahin a pian tih ata mitdel pakhat a hmu a. 1

Tin, a zirtirten a hnênah, "Rabbi, mitdel saa a pian hi 2 tuingnge thil tisual, he mi hian nge a nu leh a pain?" an ti a, an zâwt a.

Isuan, "He mi hian a tisual hek lo, a nu leh a pain an tisual 3 hek lo; Pathian hnathawh a chung a lanna tûr a nih zâwk hi. Chhûn a nih laiin mi tirtu hna kan thawk tûr a ni; zân a nih dâwn 4 tâk hi, chu mi hunah chuan tuman hna an thawk thei lo vang. Khawvêla ka awm chhûngin khawvêl êntu ka ni," a ti a, a chhâng 5 a. Chutianga a sawi zawh chuan, leiah chil a chhâk a, chil 6 chuanin hlum a siam a, tin, hlum chu a mitah a hnawih a, tin, a hnênah, "Siloam dîlah va sil rawh," a ti a. (Siloam chu "Tirh," 7 tihna a ni). Tin, a va kal a, a sil a, mitvârin a lo haw leh ta a.

Chutichuan, a vêngte leh hmâna a kutdawh hmu thînten, 8 "He mi hi thu chung a kutdawh thîna kha a ni lo vem ni?" an ti a. Mi dangin, "Ani kha a nih hi," an ti a. Mi dangin, "A ni lo ve, 9 a anpui a nih zâwk hi," an ti a. Ani chuan, "Kha kha ka ni," a ti a.

Tin, anni chuan a hnênah, “I mit engtinngge a lo vâh le?” 10  
 an ti a. Ani chuan, “Isua an tih khân hlum a siam a, ka mitah 11  
 a hnawih a, ‘Siloam dîlah va kal la, sil rawh,’ mi ti a, chutichuan  
 ka va kal a, ka sil a, mitvârna ka hmu ta a nih hi,” a ti a. Tin, 12  
 anni chuan a hnênah, “Ani chu khawiahnge a awm?” an ti a.  
 “Ka hre lo,” a ti a.

Tin, chu mi hmaa mitdela chu Pharisaite hnênah an hruai 13  
 a. Tin, Isuan hlum a siam a, a mit a tihvâr ni kha Chawlhni a 14  
 ni a. Chutichuan, Pharisaiten a mit a lo vâh tâk dânzia an zâwt 15  
 leh a. Ani chuan an hnênah, “Ka mitah hlum a dah a, ka sil a,  
 ka hmu thei ta mai a ni,” a ti a. Tin, Pharisaite thenkhatin, “Chu 16  
 mi chu Chawlhni a puithu loh avângin, Pathian hnêna chhuak  
 a ni lo vang,” an ti a. Thenkhat erawh chuan, “Mi sualin eng-  
 tinngge hetiang thilmak a tih theih ang?” an ti a. Tin, an inthen 17  
 a, an inkhing ta a. Tin, mitdel hnênah chuan, “I mit a tihvâr  
 kha nang eng angin nge amah chu i ngaih?” an ti leh a. Tin,  
 ani chuan, “Zâwlnei a ni,” a ti a.

Nimahsela, Judaten a mit lo vâh taa nu leh pa chu an koh hma 18  
 loh chuan, mitdel a ni thin a, a mit a lo vâh ta tih, a chungchâng  
 thu chu an awi lo va. Tin, a nu leh a pa hnênah, “He mi hi, 19  
 in fapa mitdel saa piang a ni in tih kha a ni em? Engtinngge tânah  
 a hmuh theih tâk le?” tiin, an zâwt a. Tin, a nu leh a pa chuan, 20  
 “Hei hi kan fapa a ni tih kan hria, mitdel sain a piang tih pawh  
 kan hria; nimahsela, engtinngge tânah hian a lo hmuh theih tâk 21  
 hi kan hre lo, a mit tivârtu pawh kan hre hek lo; amah zâwt rawh  
 u; patling a ni alâwm; ama thu chu aman sawi ang hmiang,”  
 an ti a, an chhâng a.

Judate an hlauh avângin a nu leh a pa chuan chûng thu chu 22  
 an sawi a ni; Judaten, chûng hma pawh chuan tupawhir, “Ani  
 chu Krista a ni,” tia a tan chuan, inkhâwmna in a hnawng ang  
 tih an remti tlâng si a. Chuvâng chuan a ni, a nu leh a pa chuan, 23  
 “Patling a ni alâwm, amah zâwt rawh u,” an tih ni. Chutichuan, 24  
 mitdel chu an kô nawn leh a, a hnênah, “Pathian fak rawh, kha  
 mi kha zawng mi sual a ni tih kan hria e,” an ti a. Tin, ani 25  
 chuan, “Mi sual a ni nge ni lo ka hre lo, kawng khat ka hria,  
 tân hma khân ka mit a del a, tânah ka hmuh theih tâk hi,” a ti a,  
 a chhâng a. Tin, anni chuan a hnênah, “I chungah engtinngge 26  
 a tih? I mit engtinngge a tihvâr?” an ti a. Tin, ani chuan an 27  
 hnênah, “Nichinah khân ka hrilh che u kha, in hre duh si lo;  
 engatinge in hriat leh duh tâk ni? Nangni pawh a zirtîrte nih ve  
 in duh elo?” tiin, a chhâng a. Tin, anni chuan an hau va, “Nang 28  
 hi ama zirtîrte ni a, keini zawng Mosia zirtîrte kan ni asin. Pathian- 29  
 in Mosia a bia tih kan hria, he mi hrep hi khawia lo chhuak  
 nge a nih kan hre hrep lo ve,” an ti a.

Tin, chu mi chuan an hnênah. “Chu tak chu a ni a makna 30  
chu, khawia lo chhuak nge a nih in hriat loh va, ka mit a tihvâr  
miau si hi. Pathianin mi sual thu a ngaithla thîn lo tih kan hria: 31  
nimahsela, tupawhin Pathian a ngaihsak a, a duhzâwng a tih chuan,  
Pathianin ani chu a ngaithla thîn. Khawvêl awm tîrîh ata tuman 32  
mitdel saa piang mit an tivâr leh tih an hre ngai lo. He mi hi 33  
Pathian hnêna chhuak a nih loh chuan, engmah a ti thei lo vang,”  
a ti a, a chhâng a.

Tin, anni chuan a hnênah, “Nang sual lailet dêra piang i ni 34  
alâwm, nangin min hrilh vei em ni?” an ti a, an chhâng a.  
Tichuan, ani chu an hnawt chhuak ta a.

Tin, an hnawt chhuak tih Isuan a lo hria a; tin, a zawng 35  
chhuak a, “Pathian Fapa i ring em?” a ti a. Tin, ani chuan, 36  
“Ka pu, ani chu tunge ni, ka rin theih nân?” a ti a, a chhâng a.  
Isuan a hnênah, “Ani chu i hmu tawh reng alâwm, a betu mêk 37  
che hi a ni alâwm,” a ti a. Tin, ani chuan, “Lalpa, ka ring e,” 38  
a ti a, chibai a bûk a. Tin, Isuan, “Rorêl tûrin he khawvêlah hian 39  
lo kal ka ni, mitdelte chu an mit a lo vârna tûr leh, mitvârte chu  
an mit a lo delna tûrin,” a ti a. Tin, a hnêna Pharisa awmte 40  
chuan, chûng thu chu an hria a, a hnênah, “Keini pawh hi mitdel  
kan ni ve elo?” an ti a. Tin, Isuan an hnênah, “Mitdel in nih 41  
chuan sual in nei lo vang; nimahsela, ‘Kan hmu thei e,’ tûnah  
in ti si a, chuvângin in sual a awm reng a ni.

**10** “Tih tak meuhvin, tih tak meuhvin ka hrilh a che u, 1  
Tupawh berâm huanga kawngkhâra lût lova, dang lamalâwn  
lût chu, chu mi chu englo rûkhmang leh suamhmang a ni e.  
Tupawh kawngkhâra lût erawh chu, berâm vêngtu a ni. Kawng- 2  
khâr vêngtuin ani chu a lo hawn sak thîn a; berâmten a aw an  
hre thîn a; ama berâmte chu an hmingah a ko theuh va, a hruai  
chhuak thîn a. A ta zawng zawng a chhuahtir vele, an hma 4  
a hruai a, berâmte chuân amah an zui thîn a, a aw an hre si a.  
Mi dang zawng an zui lo vang a, an tlan bosan zâwk ang; mi dangte 5  
aw zawng an hriat loh avângin,” a ti a.

Chu tehkhin thu chu Isuan an hnênah a sawi a; nimahsela, 6  
eng thu nge an hnênah a sawi tih an hre si lo.

Chutichuan, Isuan an hnênah a sawi leh a, “Tih tak meuhvin, 7  
tih tak meuhvin ka hrilh a che u, Kei hi berâm kawngkhâr chu  
ka ni. Ka hmaa lo kal zawng zawngte kha rûkhmangte, suam- 8  
hmangte an ni vek a; nimahsela, berâmte chuan an thu an awi lo.  
Kei kawngkhâr chu ka ni; tupawh keimahah a luh chuan, hum- 9  
himin a awm ang a, a lûtin a chhuak ang a, ei tûr a hmu baw  
ang. Rûkhmang chu, ru tûr leh tihlum tûr leh tichhe tûr lo 10  
chuan, a lo kal lo; kei zawng nun an neih nân, tam taka an neih nân,  
lo kal ka ni. Kei berâm vêngtu tha ka ni; berâm vêngtu thain 11

berâmte tân a nun a pe thîn. Inhlawhfa, berâm vêngtu tak 12  
ni lova, berâmte a ta ni lova chuan, chinghne lo kal a hmuhin  
berâmte a tlânsan thîn; tin, chinghnia chuan berâmte a seh a, a  
tidarh thîn; inhlawhfa a ni a, berâmte a ngaihsak loh avângin a 13  
tlân bo thîn a ni. Kei zawng berâm vêngtu tha ka ni; Pain mi 14  
hriat leh keiin Pa ka hriat ang hian ka ta ka hria a, ka ta pawhin  
mi hria a ni; tin, berâmte tân chuan ka nun ka pe. Tin, he berâm 16  
huanga mi lo hi, berâm dang ka nei; anni pawh ka la rawn hrui  
tûr a ni, ka aw pawh an hria ang; chutichuan pâwl khatin an  
awm ang a, a vêngtu pakhat nêh.

“He mi avângin Pain mi hmangaih a ni, lâk leh tûra ka 17  
nun ka pêk dawn avâng hian. Tuman mi lâk sak lo vang, keima 18  
thu thuin ka pe zâwk dawn a ni. Pe thei ka ni, la leh thei pawh  
ka ni. He thupêk hi ka Pa hnênah ka hmu a ni,” a ti a.

Chûng thu avâng chuan Judate an inthen a, an inkhing leh a. 19  
A then tam takin, “Ramhuai a zâwl a, a â a nih hi; engatinge 20  
a thu in ngaihlak?” an ti a. A thenin, “Hêng thu hi ramhuai 21  
zâwl thu sawi a ni lo ve. Ramhuaiin mitdel mit a tivâr thei em  
ni?” an ti a.

Tin, Jerusalem khuua Inpumpêk Kût lai a ni a; chu chu 22  
thlasik lai a ni. Tin, Isua Pathian biak inah, Solomona hulhiapah 23  
a vei a vei a. Tin, Judate a vêlah an lo kal a, a hnênah, “Eng chen 24  
nge tui lai rapin min siam dawn? Krista i nih chuan, fiah takin  
min hrilh rawh,” an ti a.

Isuan an hnênah, “Ka hrilh tawh che u kha, in awi si lo; 25  
ka Pa hminga thil ka tih hi, hêng hian ka chanchin a hriattir a  
nih hi. Nimahsela, in awi si lo, ka berâm zînga mi in nih loh 26  
avângin. Ka berâmten ka aw an hre thîn, kei pawhin anni chu 27  
ka hria, anni chuan mi zui thîn; an hnênah chatuana nunna ka 28  
pe thîn; kumkhuain an boral lo vang a, tuman ka kut ata mi chhuh  
sak hek lo vang. Anni mi petu, ka Pa chu, mi zawng zawng aia 29  
ropui ber a ni a; tuman Pa kut ata chu an chhuh sak thei lo vang.  
Kei leh Pa chu pumkhat kan ni,” tiin, a chhâng a. 30

Tin, Judate chuan a denna tûrin lung an chhar leh a. Tin, 31  
Isuan anni chu a bia a, “Pa hnêna chhuak hnathawh tha tam  
tak ka entir che u a, khang hnathawhte zîngah khang hna eng  
avâng khang nge lunga mi den dawn hi?” a ti a. Judate chuan 33  
a hnênah, “Hna tha chungah lungin kan den dawn loh che hi;  
Pathian i sawichhiat chungah leh, nang, mihring ni si a, Pathiana 34  
i insiam avâng zâwk hian a ni,” tiin, an chhâng a.

Isuan an hnênah, “In Dân Lehkhabuah ‘Pathiante in ni ka  
ti,’ tih ziaak a ni lo vem ni? Pathian thu thlennate mah pathianho 35  
an tih chuan, (Pathian Lehkha Thu bân theih a ni si lo va), Pain  
a ruata, khawvêla a tirha chungah hian, ‘Pathian Fapa ka ni,’ 36



ka tih avângin, 'Pathian i sawichhia,' in ti a ni maw? Ka Pa hna 37  
thawk ka nih loh chuan, mi ring suh u. Amaherawhchu, thawk 38  
ka nih chuan, kei mi ring lo mah ula, hnathawhte tal hi ring rawh  
u; Pa keimahah a awm tih leh, kei Paah ka awm tih in hriata,  
in rin nân," a ti a, a chhâng a.

Chutichuan, ani chu man an tum leh a, nimahsela an kut ata 39  
a chhuak a, Jordan lui râlah, Johanan a tira mi a baptisna lamah 40  
khân a kal bo leh a, chutah chuan a awm ta reng a. Tin, mi tam 41  
tak a hnênah an lo kal a; "Johanan thilmak engmah zawng a ti  
lo va; nimahsela Johanan he mi chungchâng thu a sawi apiang  
kha a lo dik hle hi," an ti a. Tin, chutah chuan mi tam takin amah 42  
an ring ta a.

II Tin, mi pakhat, Mari leh a laizâwn Marthi awmna khua 1  
Bethani-a mi, Lazara, dam lo a awm a. (Mari hriak rimtui 2  
Lal hnawiha, a sama a ke hrutu kha, kha mi nuṭa Lazara a ni,  
dam lo chu). Tin, a farnuten Isua hnênah, "Lalpa, ngai teh, i 3  
hmangaih kha a dam lo ve," tiin mi an tir a. Tin, Isuan chu chu 4  
a hria a, "He nâ hi thihna tûr a ni lo, Pathian mawi nân a ni zâwk  
e, Pathian Fapa chu he mi avâng hian a la mawina tûrin," a ti a.  
Tin, Isuan Marthi te, a laizâwn te, Lazara te a hmangaih a. Chu- 5  
vângin a dam lo tih a hriatin, a awmna ngaiha ni hnih a la awm 6  
ta cheu va. Tin, chu mi hnuah chuan a zirtirte hnênah, "Judai 7  
ramah i kal leh ang u," a ti a.

Tin, zirtirte chuan a hnênah, "Rabbi, hmân lawkah khân 8  
Judaten lunga den an tum che kha; chuti pawhin chutah chuan  
i kal leh bawk dâwn em ni?" an ti a.

Tin, Isuan, "Chhûnah dârkâr sâwm leh pahni a awm lo 9  
vem ni? Mi chhûna a lên chuan, a pai ngai lo, he khawvêl êng  
hi a hmuh avângin. Amaherawhchu, mi zâna a lên chuan, a pai 10  
thîn, amahah chuan êng a awm loh avângin," a ti a, a chhâng a.

Chung thu chu a sawi a; tin, chu mi hnuah chuan an hnên- 11  
ah, "Kan thian Lazara chu a muhîl ta a; a muhîl kai harh tûrin  
ka kal dâwn a ni," a ti a. Chutichuan, zirtirte chuan a hnênah, 12  
"Lalpa, a muthilh tawh chuan a dam leh ang chu," an ti a. (Isuan 13  
a thih thu a sawi a ni a; nimahsela, anni chuan a chawh chhûnga  
a muthilh thu a sawi emaw an ti a). Chutichuan, Isuan fiah 14  
takin an hnênah a sawi a, "Lazara a thi a ni. Chuta ka awm 15  
lo chu ka lăwm sak a che u, in rin theih nan; nimahsela a hnênah  
i kal ang u," a ti a. Tin, Thoma, Diduma an tih chuan, a 16  
zirpuibote hnênah, "A thihnaa thi ve tûrin i kal ve ang u," a ti a.

Chutichuan, Isuan a thlenin, ni li thlânah a lo awm tawh 17  
tih a hria a, Bethani khua chu Jerusalem khaw kiang a ni a, fîng 18  
sâwm leh fîng nga laia hla a ni; tichuan an nuṭa thih chung a 19  
tithlamuang tûrin Judatcho tam tak Marthi leh Mari hnênah

an lo kal a. Tin, Marthi chuan Isua a lo kal dâwn tih a hriat 20  
 veleh a va hmuak a; Mari cawh chu inah a la t̃hu reng a. Tin, 21  
 Marthi chuan Isua hnênah, "Lalpa, heta awm ni la chu, ka nuța  
 a thi lo t̃ur. T̃unah pawh Pathian hnêna i ngen apiang Pathianin 22  
 a pe ang che tih ka hria e," a ti a. Isuan a hnênah, "I nuța a 23  
 tho leh ang," a ti a. Marthi chuan a hnênah, "Ni kin 24  
 nia, thawhlehnâah chuan, a tho leh ang tih ka hria e," a ti a.

Tin, Isuan a hnênah, "Kei hi thawhlehna leh nunna chu ka 25  
 ni; tupawh mi ring chu thi mahsela a nung reng ang; nung apiangin 26  
 mi ring chu kumkhuain an thi lo vang; chu thu chu i ring em?"  
 a ti a. Ani chuan a hnênah, "Ring e, Lalpa; Krista, Pathian 27  
 Fapa, khawvêla lo kal t̃ura chu i ni tih ka ring e," a ti a. Tin, 28  
 chu thu chu a sawi zawh veleh a kal a, a laizâwn Mari chu arûkin  
 a ko va, "Zirtirtu hetah a awm a, a ko va che," a ti a. Tin, ani 29  
 chuan chu chu a hriat veleh a tho thuai a, a hnênah a va kal a.  
 (Isua chu khuâah a la lût lo va, Marthiin a va hmuah laia, a 30  
 awmna ngaiâh a la awm a). Tin, in chhûnga a thlamuantu a 31  
 awmpui Judate chuan Mari a tho thuai a, a chhuak an hmuh veleh,  
 thlânah t̃ap t̃urin a kal dâwn emaw an ti a, an zui a.

Tin, Mari chuan Isua awmna chu a va thleng a, a hmuh veleh 32  
 a ke bulah a bawkkhup a, a hnênah, "Lalpa, heta awm ni la chu,  
 ka nuța a thi lo t̃ur," a ti a. Tin, Isuan Mari t̃ap leh a rawn 33  
 zuitu Judate t̃ap chu a hmu a, a rilruin a rûm a, a lungngai a,  
 "Ani chu khawiahnge in zalh?" a ti a. Anni chuan a hnênah, 34  
 "Lalpa lo kal la, en teh," an ti a.

Isua a t̃ap ta a. 35

Tin, Judate chuan, "En teh u, Lazara hi a va lo hmangaih êm 36  
 ve e!" an ti a. Nimahsela t̃henkhat chuan, "He mi, mitdel mit 37  
 tivârtu hian, he mi pawh hi a thih lohtir thei lo vem ni?" an ti a.

Tin, Isua chu a rilruin a rûm leh a, thlân chu a thleng ta a. 38  
 Chu thlân chu pûk a ni a, a kawngkaah chuan lung pakliat a awm.  
 Isuan, "Lung hi chawi sawn rawh u," a ti a. A thia farnu 39  
 Marthi chuan a hnênah, "Lalpa, t̃unah zawng a uih tawh ang,  
 a thihna ni li a ni tawh si a," a ti a. Isuan a hnênah, "I rin chuan 40  
 Pathian ropuizia i hmu ang, ka ti lo che em ni?" a ti a.  
 Chutichuan lung chu an chawi sawn a.

Tin, Isua a vanvadâk a, "Ka Pa, ka thu i ngaihlhâk avângin 41  
 i chungah ka lâwm e. Kumkhuain ka thu i ngaihlhâ t̃hin tih ka hre 42  
 reng a ni; nimahsela, mipui din vêl avângin chu chu ka ti a ni,  
 nangin mi t̃ir tih an rin theih nân," a ti a. Tin, chutia a t̃awng 43  
 zawh veleh chuan aw ring takin, "Lazar, lo chhuak rawh," a ti a,  
 a au va. Tin, mitthi chu a kut a ke thlân puâna tuam chungin 44  
 a lo chhuak ta a, a hmai pawh inhrûkna puana tuam a ni a.  
 Isuan an hnênah, "Phelh ula, kaltir rawh u," a ti a.

Chuvâng chuan Mari lênpuitu Isua thiltih hmu Judate chuan 45  
 a then tam takin Isua an ring ta a. Nimahsela, a then Pharisaite 46  
 hnênah an va kal a, an hnênah Isua thiltihte chu an hrilh a. Chu- 47  
 tichuan puithiam lalte leh Pharisaite chuan rorêltuho an ko khâwm  
 a, “Engtinngé kan tih ang? He mi hian thilmak tam tak a ti si a.  
 Hetianga kan thlahthlam chuan mi zawng zawngin amah an 48  
 ring ang a; tin, Roma mite an lo kal ang a, kan hmun leh kan  
 chite hi min lâk sak ang,” an ti a.

Tin, an zinga mi pakhat Kaiapha, chu mi kum chuan Puithiam 49  
 Lalber a ni a, an hnênah, “Nangnin engmah in hre hauh lo, kan  
 chi zawng zawng boral lohna tûrin mi zawng zawng aia mi pakhat 50  
 thih, in tân a tha tih in ngaihtuah baw lo,” a ti a. (Chu thu 51  
 chu ama phuahchawpin a sawi lo, chu mi kum chuan Puithiam  
 Lalber a ni a, an chite aia Isua a thih tûr a sawi lâwk a ni zâwk  
 e. Chu mi chite ai chauh chuan a ni lo, Pathian fa khawvêla 52  
 darhte zawng zawng pâwl khata a hruai khâwmna tûr pawhin  
 a ni bawk.) Chutichuan, chu mi ni achin chu, amah tihlum tûrin 53  
 an inrâwn thîn a. Chuvângin Isua chu Judate zingah alangin 54  
 a lêng leh ta lo va, chuta tângin thlalêr dep lama khaw pakhat  
 Ephraim an tihah chuan a va kal ta zâwk a; chutah chuan zirtîrte  
 nêen chuan an awm ta reng a.

Tin, Judate Kalhlên Kût chu a hnai tawh a, mi tam tak 55  
 inthian tûrin, ram ata, Kalhlên Kût hmam, Jerusalem khuaah  
 an han kal a. Chutichuan, Isua an zawng a, Pathian biak inah 56  
 ding chungin an inbia a, “Engnge in rin? Kûtnaah a lo kal lo  
 vang maw?” an inti a. Puithiam lalte leh Pharisaiten amah chu 57  
 an man theih nân tupawhin a awmna an hriat chuan puan tûr  
 a ni tih thu an pe tawh si a.

**12** Tin, Kalhlên Kûtna tûr ni ruk a la awmin, Isuan mitthi 1  
 zing ata a kaihthawh Lazara awmna Bethani khua kha a lo  
 thleng a. Tin, chutah chuan amah atân zân ruai an theh a; Mar- 2  
 thiin rawng a bâwl a, Lazara erawh chu a chawhlui kîlpuitu  
 pakhat a ni a. Tin, Marin bûk zâtve spiknard hriak rimtûi to tak 3  
 a rawn keng a, Isua kete a hnawih a, a samin a kete chu a hru a;  
 tichuan, chu hriak rim chuan in chu a khat ta rum rum a.

Nimahsela, Iskariot Juda, a zirtîr pakhat, a mantîrtu tûr 4  
 chuan, “He hriak rimtûi hi engatinge duli zathuma hralhin mi 5  
 retheite hnêna an pêk zâwk loh?” a ti a. (Mi retheite a ngaih- 6  
 sak avânga chu thu chu sawi a ni lo; rûkru a ni a, tangka ip a kaw  
 a, a chhûnga dah chu a lâk thîn avâng zâwk a ni.) Tin, Isuan, 7  
 “Mi phûm ni atân khêk rawh se. Mi retheite chu kumkhuaa in 8  
 hnêna awm an ni alâwm; kei erawh chu kumkhuaa in hnêna  
 awm tûr ka ni lo,” a ti a.

Tin, Isua chutah chuan a awm tih Juda hnamchawmtên an 9

lo hre ta a; tin, an lo kal a, Isua chauh *rawn kal* chhan an ni lo va,  
mitthi zing ata a kaihthawh Lazara pawh kha hmuh duh fawmin  
a ni bawk. Tin, puithiam lalte chu Lazara pawh tihlum tûrin 10  
an inrâwn a; amah avânga Judate tam takin an pakaisan a, Isua 11  
an rin thin avângin.

Atûkah chuan, kûtnaa lo kal mipui tam takin, Isua Jerusalem 12  
khuaah a lo kal dawn tih an hriatin, tûm kaute an keng a, a hmuak 13  
tûrin an va chhuak a, "Hosanna, Lalpa hminga Israel Lal lo  
kal chu a eng a thâwl e," *tûn*, an au va. Tin, Isuan sabengtung 14  
no a hmu a, a chungah a chuang a,  
Hlau suh, Zion fanu; 15  
En teh, i Lal chu,  
Sabengtung no chung a chuangin,  
A lo kal dawn e,"

tih ziaak ang khân.

Chung chu a tûrin a zirtîrten an hre lo va; nimahsela, Isua 16  
chawimawia a awm hnuah chuan, a chanchinah chung thu chu ziaak  
a ni tih leh, a chungah chung thil chu an lo ti *ngêi* tih an lo hre ta a.

Tin, Lazara thlân ata a koh chhuah a, mitthi zing ata a kaih- 17  
thawh laia, a hnêna mipui awmte khân, *a thu chu* an hriattir ta zêl  
a. Chu mi avâng chuan a ni, mipuite pawh chuan amah chu 18  
an va hmuah ni, chu thilmak chu a ti tih an hre si a. Chutichuan, 19  
Pharisaite chuan, "Hre rawh u, engmah in tih theih lob hi; en  
rawh u, khawvêlin amah an zui tâk hi," an ti a.

Tin, kûtnaa Pathian chibai bûk târa han kalte zingah Grik 20  
tuteemaw an awm a; tin, chûngte chu Galili rama Bethsaida khuaa 21  
mi Philipa hnênah chuan an lo kal a, a hnênah, "Ka pu, Isua  
hmuh kan duh e," an ti a, an ngên a. Philipa chuan Andria a rawn 22  
hrilh a; *tûn*, Andria leh Philipa chuan Isua an rawn hrilh a.

Tin, Isuan a chhâng a, an hnênah, "Mihring Fapa chawi- 23  
mawia a awm hun chu a thleng tawh. Tih tak meuhvin, tih tak 24  
meuhvin ka hrilh a che u, Buh fang leia a tlâk loh va, a thih loh  
chuan, a mal chauhvin a awm reng thin; a thih crawh chuan, tam  
takin a rah thin. Tupawh a nun thlahlel chuan a hloh thin; 25  
tupawh he khawvêlah hian a nun ngaitlâwm chuan chatuana nunna  
tûr a vawng reng ang. Tupawhin ka rawng a bâwl chuan mi zui 26  
rawh se; ka awmnaah ka rawngbâwlto pawh a awm ang: tupawh-  
in ka rawng a bâwl chuan ani chu Pain a chawimawi ang.

"Tûnah ka rilru a mangang e; engnge ka sawi ang aw? 'Ka 27  
Pa, he mi hun lakah hian mi chhandam rawh,' ka ti ang em ni?  
Engpawh ni sela, he mi tûr hi, he mi hun thleng hian ka awm  
chhan a ni. Ka Pa, i hming chawimawi rawh," a ti a. Chuti- 28  
chuan vân atangin aw a lo chhuak a, "Ka chawimawi tawh, ka  
chawimawi leh bawk ang," a ti a.

Tin, mipui a kianga dingte chuan chu chu an hria a, "Khaw- 29  
 pui a ri a ni," an ti a; mi dangten, "Vântirhkohvin amah a bia  
 a ni," an ti a. Isuan a chhâng a, "Chu aw chu ka tâna lo chhuak 30  
 a ni lo, nangmahni tân a ni zâwk e. Tûnah he khawvêl hi ngaili- 31  
 tuah lai a ni; tûnah he khawvêl lai hi paih chhuah a ni ang. Tin, 32  
 kei lei ata khaikânin ka awm chuan, nîi zawnz zawnz keima  
 hnênah ka hip ang," a ti a. Chu thu chu a thihzia tûr hriattir 33  
 nân a sawi a ni. Tin, mipui chuan a hnênah, "Krista 34  
 chu chatuanin a awm reng dâwn tih Dân *Lehkhabuah* kan hria e;  
 nangin, 'Mihring Fapa khaikânin a awm tûr a ni,' eng ti tiha  
 ti nge i nih? Chu Mihring Fapa chu tunge ni?" an ti a, an  
 chhâng a.

Tin, Isuan an hnênah, "Êng hi rei lo tê in zingah a la awm rih 35  
 e. Êng in neih chhûng hian lêng rawh u, thimin a nan loh nân  
 che u; tupawh thima lêng chuan, a kalna chin a hre thîn lo. Êng 36  
 in neih chhûng hian êng hi ring rawh u, êng fate ni lo nih theih  
 nân," a ti a. Chûng thu chu Isuan a sawi a; tin, a kal a, an hmuh  
 loh tûrin a biru ta a.

An hmaah chutiang thilmak tam tak ti mah sela, amah an 37  
 ring si lo:

'Lalpa, kan thu sawi tuinnge ring? 38

Lal kut pawh tu hnênah nge a lan?"

tih, Zâwlnei Isaia thu sawi kha a thlen nân. He mi avâng hian 39  
 a ni an rin theih loh, Isaian.

'Aman an mit a tidel a, 40

An thinlung a tiâ a;

Chutilochuan an mitin an hmu dah ang a,

An thinlungin an hre dah ang a,

Tin, an hawi kir leh dah ang a,

Keiin anni ka tidam dah ang e,'

tih, a sawi leh avâng hian. Isaian a ropuizia a hmuh leh a 41  
 chanchin thu a sawi avângin chûng thu chu a sawi a ni.

Nimahsela, hotute a then tam takin *Isua* an ring ta a: 42  
 amaherawhchu Pharisaite avângin an inpuang lo, chutilochuan  
 inkhawmna in hnawngin an awm ang: Pathian hnêna ropuina ai 43  
 chuan, mihring hnêna ropuina an duh zâwk si a.

Tin, *Isua* a au va. "Tupawh mi ring chu kei mi ring a ni lo. 44  
 mi tirtu ring a ni zâwk e. Tupawh mi hmu chu mi tirtu hmu 45  
 a ni. Êntua khawvêla lo kal ka nih hi, tupawh mi ring apiang 46  
 thima an awm reng loh nân. Tupawh ka thu sawi briain, awi 47  
 lo mah sela, keiin thiam loh ka chantir lo: khawvêl thiam  
 loh chantir tûra lo kal ka ni lo va, khawvêl chhanhim tûra lo kal  
 ka ni zâwk si a. Tupawh mi duh lova, ka thu sawite vawnz lo chuan, 48  
 thiam loh chantirtu pakhat a nei a ni, ka thu sawi kha, kha mi

*thu* ngei khân, ni kin niah chuan amah chu thiam loh a la chantîr ang. Keimaha phuahchawpin ka sawi si lo; Pa mi tîrtu chuan 49  
ka sawi tûr leh ka hrilh tûr hi thu mi pe zâwk a ni. Ama thupêk 50  
chu chatuana nunna a ni tih ka hria; chuvâng chuan thu ka sawi  
hi, Pa mi hrilh ang zêlin ka sawi a ni”, a ti a.

**13** Tin, Kalhlên Kût hmmain Isuan he khawvêl hi chhuahsana, 1  
Pa hnêna a kal hun a thleng tawh tih a hria a, amaha mi  
khawvêla awm a hmangaih thînte chu, a tâwp thleng pawhin  
a hmangaih reng a. Tin, zanriah ei laiin, (chu mi hma pawhin 2  
diabolan Simona *fapa* Iskariot Juda chu *Isua* mantîr a rilrûktîr a),  
*Isuan*,—Pain a kutah thil engkim a vawntîr te, Pathian hnêna lo 3  
chhuak a nih te, Pathian hnêna a kal dâwn te hre reng chungin—a 4  
zanriah chaw kîl chu a tho va, a puante a dah a, inhrûkna puan a la  
a, a veng a. Tin, maihûnah tui a bun a, zirtîrte ke a sil ta a, 5  
inhrûkna puan a ven chuan a hru zêl a.

Chutichuan, Simon Petera hnênah a lo kal a. Ani chuan, 6  
“Lalpa, nang êmin ka ke i sil dâwn em ni?” a ti a. Isuan a hnên- 7  
ah, “Ka thiltih hi tûnah i hre lo; nimahsela nakin hnua i la hria  
ang,” a ti a, a chhâng a. Peteran a hnênah, “Ka ke i sil tawp 8  
lo vang,” a ti a. Isuan a hnênah, “Ka sil loh che chuan ka hnên-  
ah engmah chan i nei lo vang,” a ti a. Simon Peteran a hnênah, 9  
“Lalpa, *chuti a nih chuan* ka ke chauh ni lovin, ka kut leh ka lu  
pawh le,” a ti a. Isuan a hnênah, “Inbual tawh chu a ke lo chu 10  
sil a ngai lo, a fai vâw alâwm; nangni in fai e—in za erawh chuan  
a ni lo,” a ti a. (A mantîrtu tûr chu a hre si a; chuvângin, “In 11  
za chuan in fai lo,” a ti a ni).

Chutichuan an ke a sil a, a puante a lâk a, a thut leh chuanin 12  
an hnênah, “In chungka ka thiltih hi eng *tihna* nge ni, in hria em?  
Nangnin Zirtîrtu leh Lalpa mi ti thîn; in tidik e, ka ni ngei rêng a. 13  
Kei Lalpa leh Zirtîrtu mahin in ke ka sil chuan, nangni pawhin 14  
in ke in insil sak tûr a ni. In chungka ka tih ang hian, nangni 15  
pawhin in tih vena tûrin ka tihhmuh che u a ni si a. Tih tak 16  
meuhvin, tih tak meuhvin ka hrilh a che u, Bawî a pu aiin a ropui  
lo; tirhkoh pawh a tîrtu aiin a ropui hek lo. Chûng thil chu 17  
in hriat chuan, ti ula in eng a thâwl ang. In zaa thu ka sawi 18  
lo ve; ka thlante chu ka hria, nimahsela, *chu chu*,

‘Ka chhang eituin

A ke artui ka chungah a lek ta,’

ti, Pathian Lehkha Thu kha a lo thlen theihna tûr a ni. Tûn 19  
achinah a lo thlen hmmain ka hrilh che u hi, a lo thlen hunah kei *amah*  
*kha* ka ni tih in rin theihna tûrin. Tih tak meuhvin, tih tak meuh- 20  
vin, ka hrilh a che u, Tupawh ka tirh apiang lâwm chu, keimah  
mi lâwm a ni; tupawh kei mi lâwm chu, mi tîrtu lâwm a ni,” a ti a.

Isuan chutianga a sawi zawhin, a rilruin a mangang a, “Tih 21

tak meuhvin, tih tak meuhvin ka hrilh a che u, In zinga mi pakhatin mi mantir ang," tiin, a hriattirta a. Tin, zirtirte chuan 22 a tih bik an hre lo va, an inen hlawm a.

Tin, a zirtirte zinga mi pakhat, Isuan a hmangaiha chu, dawh- 23 kân sirah Isua ângchhûngah bawkin a awm a. Tin, Simon 24 Peteran chu mi hnênah chuan, "Tu thu ber nge a sawi, min hrilh teh," tiin, a zaizir a. Tin, ani chu a awmna ngaiha a awm a, 25 Isua awm nghêngin a lo thle phei a, a hnênah, "Lalpa, tu ber nge ni?" a ti a. Tin, Isuan, "Chhang them ka chiah saka, ka pêka 26 chu a ni ang," a ti a, a chhâng a. Chutichuan, chhang them chu a chiah hnuin, a la a, Iskariot Simona fapa Juda hnênah chuan a pe a. Tin, chhang them chu a pêk hnu chuan Setana a chhûngah 27 a lût ta nghâl a. Chutichuan, Isuan a hnênah, "I tih tûr chu ti thuai rawh," a ti a. (Tin, dawhkân sira mite chuan tuman 28 eng tiziaa ti nge a nih an hre lo. Thenkhatin, Juda chuan tangka ip a vawn avângin, "Isuan, 'Kût atân thil kan chăkkhai apiang lei 29 rawh,' a ti emaw, 'Mi retheite hnênah englo pêk tûr,' a ti emaw," an ti a ni). Tin, ani chuan chhang them chu a la a, a chhuak 30 ta nghâl a; chu mi lai chu zân a ni a.

Chutichuan a chhuah hnuin, Isuan a sawi a, "Tûnah chuan 31 Mihring Fapa chawimawiin a awm ta, amah avângin Pathian pawh chawimawiin a awm a ni. Pathianin amahah chuan ani 32 chu a chawimawi ang, a chawimawi nghâl ang. Naute u, rei lo tê in hnênah ka la awm rih e. Nangnin mi zawng ang; tin, 33 Judate hnênah, 'Ka kalna tûrah in lo kal thei lo vang,' tih ka sawi ang khân, tûnah chuti bawkin in hnênah ka sawi hi.

"Thutiam thar ka pêk che u hi, inhmangaih ula; keiin ka 34 hmangaih ang che u hian, nangni pawh inhmangaih ula. In 35 inhmangaih chuan, mi zawng zawngin ka zirtirte in ni tih chu miah chuan an hria ang," a ti a.

Simon Peteran a hnênah, "Lalpa, khawiahnge i kal dawn?" 36 a ti a. Isuan, "Ka kalna tûrah nangin tûnah mi zui thei lo vang; nakin hnuah erawh chuan mi zui ang," a ti a, a chhâng a. Peteran a hnênah, "Lalpa, engatinge tûnah pawh ka zui theih loh 37 vang che? Nangmah avângin ka nun ka paih ang," a ti a. Isuan, 38 "Keimah avângin i nun i paih ang maw? Tih tak meuhvin, tih tak meuhvin ka hrilh a che, Nangin wawi thum mi phat hma loh chuan, âr a khuang lo vang.

**14** "In thilung mangang suh se; Pathian in ring e, kei pawh 1 mi ring ve rawh u. Ka Pa inah awmna tam tak a awm a; 2 a awm loh chuan ka hrilh tawh tûr che u a ni; in tân hmun siamin ka kal dawn hi. Tin, in tân hmun ka han siam chuan, ka lo kîr 3 leh ang a, ka hnênah ka la ang che u; ka awmnaah nangni pawh in awm theih nân. Ka kalna tûr a kawng chin in hria e," a ti a. 4

Thoman a hnénah. “Lalpa, i kahua túr chin kan hre lo asin, 5  
a kawng engtinngé kan hriat ang?” a ti a.

Isuan a hnénah. “Keimah hi kawng leh thutak leh nunna 6  
ka ni: keimaha *kal* lo chu tumah Pa hnénah an thleng ngai lo.  
Kei mi hria ni ula. ka Pa pawh in hre tawh túr: tún achinah amah 7  
in hria e. anah in hmu tawh bawh.” a ti a. Philipian a hnénah, 8  
“Lalpa. Pa chu keini min hmuhtir ta che. chutichuan kan tán a  
táwk ang,” a ti a.

Isuan a hnénah. “Philip. hei leh chen hi in hnénah ka awm a. 9  
chuti pawhin ni hre lo maw? Tupawh mi hmu chu Pa hmu a ni.  
‘Pa chu keini min hmuhtir rawh,’ eng ti tiha i ti nge ni? Kei Paa 10  
ka awm leh Pa keimahah a awm tih i awi lo veni ni? In hnéna thu  
ka sawi hi. keima phuachhawpin ka sawi lo: Pa keimahah a awm  
reng a. a thil a ti zawk thlin a ui. Kei Paa ka awm leh Pa keimah- 11  
ah a awm tih mi ring rawh u; a nih loh leh. thiltih avâng tal  
hian mi ring rawh u. Tih tak meuhvin, tih tak meuhvin ka hrih 12  
a che u, Tupawh mi ring chuan thil ka tihte hi ani pawhin a ti  
ve ang; héng aia thil ropni pawh hi a la ti ang. Pa hnénah ka kal  
dawn avângin. Tin. ka hmingin engpawh in dil apiang chu. ka 13  
ti zél ang, Pa. Fapa avânga chawimawia a awm theih nân.  
Nangnin ka hmingin engpawh mi dil chuan, chu chu ka 14  
ti zél ang.

“Nangnin ni hmangaih chuan. ka thupêkte chu in zâwm 15  
ang. Tin, Pa ka dil ang a. ani chuan Thlanuantu dang a pe ang 16  
che u, chatuana in hnéna awm túrin; *chu chu* Thlarau dik tak a  
ni: khawvêlin chu mi chu an nei thei lo. anah an hmuhtir loh va an 17  
hriat hek loh avângin: nangnin ani chu in hria e, in hnénah a awm  
reng si a, nangmahniah chuan a awm dawn a ui. Fahirin ka 18  
kalsan lo vang che u; in hnénah ka lo kal leh ang. Rei 19  
lo deuh chinah khawvêlin mi hmu leh tawh lo vang; nimahsela  
nangni zawnin mi hmu ang; keimah ka nun avângin nangni  
pawh in nung ve ang. Chu mi niah chuan kei ka Paa ka awm 20  
te, nangni keimaha in awm te, kei nangmahnia ka awm te in hria  
ang. Tupawh ka thupêkte neia. zâwm chu, mi hmangaihtu a ni; 21  
tupawh mi hmangaih chu, ka Pain a hmangaih ang, kei pawhin  
ani chu ka hmangaih ang a. a hnénah ka inlâr ang.” a ti a.

Tin, Juda, (Iskariota lo zâwk chuan) a hnénah, “Lalpa, kcini 22  
hnénah i inlâr ang a. khawvêl hnéna i inlâr si lo túr chu, eng-  
tinge?” a ti a.

Isuan a chhâng a, a hnénah, “Miin mi hmangaih chuan 23  
ka thu a zâwm ang a; ka Pain ani chu a hmangaih ang a, a hnén-  
ah kan lo kal ang a. a hnénah kan awm reng ang. Tupawh mi 24  
hmangaih lo chuan ka thu a zâwm lo; thu in hriatte hi ka ta a  
ni lo, Pa mi tirtu ta a ni zâwk e. In hnéna *ka la* awm chhûng 25



hian, hêng thu hi ka hrilh che u hi. Tin, Thlamuantu, Thlarau 26  
Thianghlim, Pain ka hminga arawn tîr tûr khân, chu mi chuan  
engkim a zirtîr ang che u a, in hnêna ka sawi zawnz zawnz apiang  
a hriat chhuahtîr leh ang che u.

“Thlamuanna ka hnutchhiah a che u; keima thlamuanna ka pe 27  
a che u; khawvêlin a pêk angin ka pêk loh che u hi. In thîlung  
mangang suh se, hlaup pawh hlaup suh se, ‘Ka kal bo dâwn a, in  
hnênah ka lo kal leh ang,’ ka thizia che u kha in hre tawh e. Nang- 28  
nin mi hmangaih ni ulang Pa lîncênâ ka kal dâwn avângin in lâwm  
tûr a ni; Pa chu keimah aiin a ropui zâwk si a. Tûnah a lo thlen 29  
hma hian, ka hrilh tawh che u hi, a lo thlen huna in rin nân. In 30  
hnênah thu ka sawi leh tawh niang lo vang, khawvêl lal a lo kal  
dâwn si a, ani chuan keimahah engmah rêng a nei lo; nimahsela,  
keiin Pa ka hmangaih leh, Pain thu ni pêk ang zêlin *thil* ka ti tih, 31  
khawvêlin an hriatna tûr a *ni* hi. Tho rawh, u, heta ta i chhuak  
ang u.

**15** “Kei grêp hrui taktak ka ni, ka Pa a huan enkawltu a ni. 1  
Ka zawnpui pêng rah lo apiang a paih thîn a; a rah apiang 2  
a tithianghlim thîn, a rah tam lelizual nân. In hnêna ka thu 3  
sawi avâng chuan tûnah pawh in thianghlim tawh pang a ni.  
Keimahah awin reng rawh u, kei pawh nangmahniah *ka awm reng* 4  
*ang*. Pêng chu, grêp hrui a awm reng loh chuan amahin a rah  
thêi lo ang bawkin, nangni pawh keimaha in awm reng loh chuan,  
in rah thêi lo vang. Kei grêp hrui chu ka ni, nangni a pêngte chu 5  
in ni; tupawh keimaha awm renga, kei pawh amaha *ka awm rengna*  
chu, chu mi chu tam takin a rah thîn; keimah lovin engmah in  
ti thêi si lo. Mi keimaha a awin reng loh chuan, pêng anga paih 6  
chhuahin a awm a, a vui thîn; tin, an fawm a, meiah an paih a, a  
kâng thîn. Nangni keimaha in awm reng a, ka thu nangmahnia 7  
a awm reng bawkin chuan, in duh apiang dîl rawh u, in tân tihin  
a awm zêl ang. He mi avângin ka Pa chu chawimawûn a awm 8  
thîn, tam taka in rah hian; chutichuan ka zirtîrte in ni ang.

“Pain mi hmangaih ang bawkin kei pawhin ka hmangaih 9  
che u hi; ka hmangaihin awm reng rawh u. Nangnin ka 10  
thupêkte in zawm chuan ka hmangaihin in awm reng ang; keiin ka  
Pa thupêkte ka zawm a, a hmangaihin ka awm reng ang bawkin  
hian. Ka lâwm nangmahnia a awm reng nân leh, in lâwm a 11  
kim nân, hêng thu hi in hnênah ka sawi hi. Hei hi ka thupêk a ni,  
keiin ka hmangaih chu u ang bawkin, nangni inhmangaih ula. 12  
Mihringin a thian aia a nun a paih aliama hmangaihna nasa 13  
zâwk tuman an nei lo. Thu ka pêk apiang che u in tih chuan, 14  
ka thiantê in ni ang. Bawi ka ti leh tawh lo vang che u; a pu thil- 15  
tih bawin a hre si lo; thiantê ka ti tawh zâwk a che u; Pa hnêna  
thil ka hriat zawnz zawnz in hnênah ka puang tawh si a. Nang- 16

nin mi thlang lo, keiman ka thlang zâwk che u a, va rah tûr leh in rah awm reng tûrin ka ruat bawk a che u; ka hminga Pa hnêna in dîl apiang a pêkna tûr che uin.

“In inhmangaih theih nân hêng thu hi ka pe a che u. Khaw-  
vêlin a huat che u chuan, a *huat hma che u* pawhin keimah mi hua  
tih in hria e. Nangni khawvêla mi ni ula, khawvêlin amaha  
mi a hmangaih tûr; khawvêla mi in ni si lo va, khawvêla mi ka  
thlan chhuah zâwk che u avâng hian, khawvêlin a hua che u a ni  
e. ‘Bawi a pu aiin a ropui lo,’ tih thu ka hrilh tawh che u kha,  
hre reng rawh u. Annin kei mi tihduhdah tawh chuan, nangni  
pawh an tiduhdah ang che u; ka thu an zawm tawh chuan, nang-  
ni thu pawh an zâwm ang. Nimahsela, hêng thil zawng zawng  
hi ka hming avângin in chungah an ti ang, mi tirtu an hriat loh  
avângin. Kei lo kalin an hnênah thu sawi suh ila, sual an nei lo  
tûr; tûnah erawh zawng an sual chhuanlam tûr an nei ta lo a ni.  
Tupawh kei mi hua chuan, ka Pa pawh a hua a ni. Thil, mi  
dang tuma tih ngai lohte, an zingah ti suh ila, sual an nei lo tûr;  
tûnah erawh zawng annin kei leh ka Pa kan pahnihin min hmu  
tawh a, huat pawh min haw tawh a ni. Engpawh ni rawh se, an  
Dân *Lehkhabuah*, ‘Annin enga khawlawi lovin mi hua,’ tih, thu  
ziak kha, a lo thlenna tûrin *an ti a nih hi*.

“Tin, Pa hnên ata Thlamuantu in hnêna ka tîr tûr, Paa  
chhuak Thlarau dik tak chu, a lo thlen hunah, ani chuan ka thu a  
hriattîr ang; nangni pawhin in hriattîr bawk ang, a tîr ata ka  
hnêna in awm avângin.

**16** “Tihlungnihlohva in awm lohna tûrin hêng hi in hnênah  
ka sawi tawh hi. Inkhâwmna inahte an hnawntîr ang  
che u a; a ni, tupawh a tihlum tûr che u apiangin Pathian churîng-  
ah thil tha tiin an inhria ang, chutiang hun chu a thleng dâwn.  
Chûng thil chu an ti ang, Pa leh kei min hriat loh avângin. Hêng  
thu hi in hnênah ka sawi tawh hi, a hun chu a lo thlen hunah,  
ka hrilh tawh che u tih in hriat lehna tûrin. Hêng thil hi a tîr  
ata ka la hrilh lo rêng che u a ni, in hnêna ka la awm avângin.  
Tûnah erawh zawng mi tirtu hnênah ka kal dâwn a ni; nang-  
niho tuman, ‘Khawiahnge i kal dâwn?’ tiin, mi zâwt si lo. Hêng  
thu hi in hnêna ka sawi avângin in thilung chu lungngaiin a khat  
thlu hial ta zâwk a.

“Nimahsela, thu dik tak ka hrilh a che u; ka kal in tân a tha  
e; ka kal loh chuan, Thlamuantu chu in hnênah a lo kal dâwn  
si lo; ka kal erawh chuan in hnênah ka rawn tîr ang. Ani chu  
a lo thlen chuan, sual thuah te, fel thuah te, rorêl thuah te khawvêl  
an thiam loh a hriattîr ang: sual thuah te *thiam loh an chang ang*,  
kei mi rin loh avâng hian; fel thuah te *thiam loh an chang ang*; Pa  
hnênah ka kal dâwn a, nangnin mi hmuh leh dâwn tawh loh

avâng hian; rorêl thua te *thiam loh an chang ang*, he khawvêl lal 11  
hi thiam lohva a tlûk tawh avâng hian.

“In hnênah thu sawi tûr tam tak ka la nei cheu va, nimah- 12  
sela tûnah zawng in tlin rih lo vang. Nimahsela, amah, Thla- 13  
rau dik tak chu, a lo thlen hun chuan, thutak zawng zawngah  
chuan a hruai lût ang che u: amaha phuahchawpin thu a sawi  
dâwn si lo; thu a dawn apiang chu a hril zâwk ang; thil lo thleng  
túrte pawh a hriattîr ang che u. Ani chuan kei mi chawimawi 14  
ang; ka taa mi a la ang a, in hnênah a hriattîr dâwn si che u a.  
Pain thil a neih zawng zawng apiang ka ta a ni; chuvângin, 15  
‘Ka taa mi a la ang a, in hnênah a hriattîr ang che u,’  
ka tih hi.

“Rei lo têah nangnin kei mi hmu lo vang a; rei lo têah baw 16  
nangnin kei mi hmu leh ang,” a ti a.

Tin, a zirtîrte thenkhatin, “Kan hnêna a thu sawi hi engnge 17  
ni, ‘Rei lo têah nangnin kei mi hmu lo vang a, rei lo têah baw  
nangnin kei mi hmu leh ang,’ a tih, leh ‘Pa huêna ka kal dâwn  
avângin,’ a tih hi?” an inti a. Tin, anni *vêk* chuan, “Hei, ‘Rei 18  
lo tê,’ a tih hi eng tihna nge ni? A thu sawi hi a ngaihna kan hre  
lo,” an ti a.

Tin, amah zawh an duh tih Isuan a hria a, an hnênah, “ ‘Rei 19  
lo têah nangnin kei mi hmu lo vang a, rei lo têah baw nangnin  
kei mi hmu leh ang,’ tia, hei ka thu sawi hi in inzâwt maw? Tih 20  
tak meuhvin, tih tak meuhvin ka hrilh a che u, Nangni in mittui  
a tla ang a, in tap vak baw ang a, khawvêl erawh chu an lâwm  
ang; nangni in lungngai ang a, nimahsela in lungngaih chu  
lâwmah a chang ang. Hmeichhia in nau a vei in lungngai thîn, a 21  
hun a thlen tawh avângin; nimahsela, nau a hrin vele a thlaphân  
chu a hre leh tawh thîn lo, khawvêla mihring lo piang chu a lawm  
avângin. Tin, tûnah nangni in lungngai e; nimahsela ka hmu 22  
leh ang che u a, in thilung a lâwm ang a, in lâwm chu tuman an  
lâk sak lo vang che u. Chu mi niah chuan nangnin engmah 23  
kei mi zâwt lo vang.

“Tih tak meuhvin, tih tak meuhvin ka hrilh a che u, Pa hnên-  
ah engpawh in dîl chuan, keima hmingin a pe ang che u. Tûn 24  
thlengin ka hmingin engmah in la dîl lo; dîl rawh u, tichuan in  
hmu ang, in lâwm a kimna tûrin.

“Chung thu chu a thawiin in hnênah ka sawi tawh; a hun 25  
a thleng dâwn, chu mi *hunah* chuan in hnênah a thawiin thu ka  
sawi leh tawh lo vang a, fiah takin Pa chanchin ka hrilh zâwk  
ang che u. Chu mi niah chuan keima hmingin *thil* in dîl ang; 26  
tin, ‘Pa hnênah kei in ka ngen sak ang che u,’ ka ti lo a che u;  
Pa ngei in a hmangaih si che u a, nangnin kei mi hmangaih a, Paa 27  
chhuak ka ni tih mi rin avângin. Kei Pa hnên ata lo chhuaka,

khawvêla lo kal ka ni; khawvêl kalsana, Pa hnêna hâwng leh tûr 28  
ka ni," a ti a.

Tin, a zirtirten, "Ngai teh, tûnah zawng fiah takin thu i sawi 29  
e, a thawi rêng rêngin i sawi tāk loh hi. Nangin engkim i hria a, 30  
tuma zawh che i ngai lo tih tûnah kan hre ta; he mi avâng hian  
Pathian huên ata lo chhuak i ni tih kan awi e," an ti a.

Tin, Isuan a chhâng a, an hnênah, "Tûnah chuan in awi 31  
ta maw? Ngai rawh u. a hun a thleng dawn, a ni. a thleng tawh 32  
mek, chu mi hunah chuan mahni in thleuhvah in darli vek ang a,  
keimah chauhvin mi thlahthlam ang; nimahsela Pa ka hnênah  
a awm avângin mahni chauhvin ka awm si lo. Hêng thu hi in 33  
huênah ka sawi tawh hi, keimahah lian in thlainuanna tûrin.  
Khawvêlah hian hrehawmin in awm thîn; nimahsela, thlamuang  
takin awm rawh u. keiin khawvêl ka ngam ta," a ti a.

**17** Chûng thu chu Isuan a sawi a; tin, vanvadâkin, "Ka Pa, 1  
a hun a thleng ta; i Fapa chawimawi rawh, Fapain a chawi-  
mawi nân che; khatia nî zawng zawng chung thuneia i siam 2  
khân, a hnêna i pêk apiangte chu chatuana nunna a pêk theih  
nân. Hei hi chatuana nunna a ni, nang Pathian tak chauh leh 3  
i tîh Isua Krista hriat hi. Nangin thil tih tûr mi pêk kha ka 4  
ti zo va, khawvêlah ka chawimawi tawh a che. Aw ka Pa, 5  
khawvêl awm hma a i hnêna mawina ka neih khân, tûnah nangma  
huên ngai a mi chawimawi rawh.

"Nangin khawvêl zinga chhuak mite kei mi pêk hnênah 6  
khân i hining ka tilang ta: anni chu i ta an nih kha, nangin anni  
chu kei mi pe a ni: anni chuan i thu an zâwm ta a. Nangin thil 7  
kei mi pêk zawng zawng apiang, i hnêna chhuak a ni tih tûnah  
an hre ta. Nangin thu mi pêkte kha an hnênah ka pe tawh si a: 8  
chûng thu an vawng a, i hnêna chhuak ka ni tih dik takin an hre  
ta a. nangin nî tîr tih pawh an awi ta.

"An tîn ka ngen sak hi; khawvêl tâna ngen sak ka ni lo, nang- 9  
in mi pêkteho tân zâwk a ni: i ta an ni si a. Thil zawng zawng 10  
ka ta apiang i ta a ni e, i ta chu ka ta a ni e; annialini avângin  
chawimawin ka awm thîn. Tin, kei zawng khawvêlah ka awm 11  
tawh lo rang, hêng hn erawh hi chu khawvêlah an awm ang, kei i  
hnênah ka lo haw dawn ta. Ka Pa thianghlin, nangin kei mi  
pêkteho hi i hmingin lum rawh, pumkhat an nih theih nân,  
keimahni ang bawh hian.

"An hnêna ka awm chhûng khân, nangin kei mi pêkteho 12  
hi i hmingin ka hum thîn: anni chu ka vêng a, an zingah pakhat  
mah an boral lo, boral fapa lo kha chu: Lehkha Thu kha a lo  
thlenna tûrin. Nimahsela, tûnah i hnênah ka lo haw dawn ta: 13  
khawvêlah hêng thu hi ka sawi a ni, ka lăwm annahnia an neih  
kimna tûrin. I thu an hnênah ka pe ta e; tin, khawvêlin anni 14

chu an hua a, khawvêla mi an nih loh avângin, kei khawvêla mi ka ni lo ang bawk hian.

"Nangin anni chu khawvêl ata i lâk chhuah tûra ngên ka ni 15 lo va, mi sual lakah chuan i hum tûr *ka ti* zâwk a ni. Anni chu 16 khawvêla mi an ni lo, kei khawvêla mi ka ni lo ang bawk hian. Anni chu thutakin tithianghlim rawh, i thu chu thutak a ni. 17 Nangin khawvêla kei mi tîr ang khân, kei pawhin anni chu 18 khawvêlah ka tîr hi. Anmahni avângin ka intithianghlim a ni, 19 anni pawh thutaka an thianghlimna tûrin.

"Hênghote tân chauh hian ngen sak ka ni lo, an thu avânga 20 kei mi la ring tûrte tân pawh ngen sak ka ni bawk e; an zaa pum khat aî nihna tûrin; *ka Pa*, nang keimaha i *awm* leh, kei nangmaha 21 *ka awm* ang bawk hian, anni pawh keimahniah an awmna tûrin; nangin kei mi tîr tih khawvêlin an awi theihna tûrin. Tin, nang- 22 in ropuina mi pêk kha keiin anmahni ka pe ta; anni chu pumkhat an nihna tûrin, keini pumkhat kan *ni* ang bawk hian; kei anmah- niah, nang keimahah, anni pumkhata an awm a an fankim theih- 23 na tûrin; nangin kei mi tîr tih leh, mi hmangaih angin anni hi i hmangaih tih, khawvêlin an hriat theihna tûrin. *Ka Pa*, nangin 24 kei mi pêkte hi ka awmnaa ka hnêna awmah ka duh; nangin mi pêk ka ropuina kha an hmuhna tûrin; leilung pian hma *pawhin* nangin mi hmangaih tawh si a. Aw *ka Pa* fel tak, khawvêl 25 zawngin an hre lo chia, kei erawh chuan ka hriat che kha; hêngho pawh hian nangin kei mi tîr tih an hriat kha. Tin, an hnênah i 16 hming ka hriattîr a, ka hriattîr *leh fo* vang; nangin kei mi hmangaihna kha anmahniah a awm a, kei pawh anmahniah ka awm theihna tûrin," a ti a.

**18** Isuan chûng thu chu a sawi zawhin, a zirtîrte nên an chhuak 1 a, Kidron luikawr an kân a; chutah chuan huan a awm a, chu miah chuan an lût a, amah leh a zirtîrte nên. Tin, a mant- 2 tîrtu Juda pawh chuan chu mi hmun chu a hria; Isua chu a zirtîrte hnênah chutah chuan a lêng fo si a. Chutichuan, Juda 3 chuan *sipai* pâwl nên, puithiam lalte leh Pharisaite hpêna awm tiangkengtute nên a hruai a, khâwnvârte, meichherte, hriamte kengin chutah chuan an lo kal a.

Isuan a chung a thil thleng tûr zawng zawng chu a hre reng 4 a, a va chhuak a, an hnênah, "Tunge in zawn?" a ti a. Anni 5 chuan a hnênah, "Nazaret Isua," an ti a, an chhâng a. Isuan an hnênah, "Keimah hi ka ni," a ti a. Tin, a mantîrtu Juda pawh chu an zîngah a ding a. Tin, "Keimah hi ka ni," a tih 6 vele, an hnungtawh a, leiah an tlu hlawm a. Tin, ani chuan 7 an hnênah, "Tunge in zawn?" a ti a, a zâwt leh a. Tin, anni chuan, "Nazaret Isua," an ti a. Tin, Isuan, "Keimah hi ka 8 ni tih, ka hrih che u alâwm; nangin kei mi zawng in nih chuan

hênggho hi thlah tha rawh u,” a ti a, a chhâng a. (A thu sawi, 9  
 “Nangin kei mi pêkteho pakhat mah ka hlohral lo,” a tih kha a  
 tileru nân).

Tin, Simon Peteran khandaih a vawng a, a phawi a, Puithiam 10  
 Lalber bawî a sât a, a beng ding lam a sah thlák sak a. (Bawî  
 hming chu Malka a ni a). Tichuan, Isuan Petera hnênah, 11  
 “Khandaih kha a paiah khung rawh; Pain no kei mi pêk hi ka in  
 lo vang em ni?” a ti a.

Chutichuan, sipai pâwl nên, an hotu lalber nên, Judate tiang- 12  
 kengtute nên chuan Isua an man a, an phuar a, Ana hnênah 13  
 an hruai hmasa a, Kaiapha puzawn a nih avângin. Kaiapha chu,  
 chu mi kum chuan Puithiam Lalber a ni a. (Kaiapha chu, “Mi 14  
 zawng zawng aia mi pakhat thih a tha,” tia, Judate rawtpuitu  
 kha a ni).

Tin, Simon Peteran Isua a zui a, a zirtir dang pakhat nên. 15  
 Chu mi zirtir chu Puithiam Lalber hmêlhriat a ni a, Puithiam  
 Lalber in hual chhâng kawtlaiah, Isua hnênah a lût ve a; nimah- 16  
 sela Petera chu pâwnah kawngkhâr bulah a ding reng a. Chu-  
 tichuan zirtir dang, Puithiam Lalber hmêlhriata chu, a va chhuak  
 a, kawngkhâr vêngtu a bia a, Petera a hruai lût a. Tin, kawng- 17  
 khâr vêngtu nula chuan Petera hnênah, “Nang pawh he mi  
 zirtirte zînga tel ve i ni em?” a ti a. Ani chuan, “Ka ni lo,” a 18  
 ti a. Tin, bawite leh tiangkengtute chu chutah chuan an ding  
 hlawm a, a vawh avângin meihawlin mei an chhêm a, a lum an  
 ai a; Petera pawh an hnênah a tel a, ding chungin mei lum a ai ve a.

Tin, Puithiam Lalber chuan Isua chu a zirtirte chanchin leh 19  
 a zirtirzia thu a zâwt a. Isuan a chhâng a, a hnênah, “Khawvêl 20  
 mi hnênah, vântlâng hriatin, thu ka sawi thîn kha; inkhâwmna  
 in leh, Pathian biak in, Juda zawng zawng awm khâwmnaahte  
 chuan, ka zirtir fo thîn kha, arûkin engmah ka sawi lo. Engatinge 21  
 kei mi zawh? An hnêna ka thu sawizia chu ka thu hretute zâwt  
 rawh; ngai rawh, chúng chuan ka thu sawi chu an hria alâwm,”  
 a ti a. Chu chu a sawi veleh a kianga ding tiangkengtu pakhatin 22  
 Isua a bêng a, “Puithiam Lalber heti hian i chhâng maw?” a  
 ti a. Isuan a hnênah, “Thu sual sawi ka nih chuan, ka sualna 23  
 mi hriattir rawh; nimahsela, thu tha ka sawi pawhin engahnge mi  
 ben?” a ti a, a chhâng a. Tin, Ana chuan phuar chungin 24  
 Puithiam Lalber Kaiapha hnênah a tir a.

Tin, Simon Peteran dingin mei lum a ai a. Tin, “Nang pawh 25  
 a zirtir zînga tel ve i ni em?” an ti a. Ani chuan, “Ka ni lo,”  
 tiin a pha a. Tin, Puithiam Lalber bawî pakhat, Petera beng 26  
 sah thlâka laichîn chuan, “A hnênah huanah khân ka hmu lo  
 che em ni?” a ti a. Tichuan Petera a pha leh a; tin, âr a khuang 27  
 ta nghâl a.

Tin, Isua chu Kaiapha in aṭang chuan lal inah an hruai leh 28  
a; zîng a ni a; tin, anni zawng lal inah an lût lo, an luh zawngin  
an bawlhhlawh ang a, Kalhlên Kût chaw an ci thei lo vang.

Tin, Pilata an hnênah a va chhuak a, an hnênah, "He mi 29  
chungah hian thupawi engnge in neih?" a ti a. Anni chuan a 30  
hnênah, "He mi hi mi sual ni suh sela i hnênah kan rawn hruai lo  
vang," an ti a, an chhâng a. Tin, Pilata chuan an hnênah,  
"Nangnin hruai ulangin, in dân angin a thu rêl rawh u," a ti a.  
Judate chuan a hnênah, "Keini thuin tumah tihhlum dân a ni  
lo," an ti a. (A thihzia tûr thu, Isuan a sawi anga, a thlen nân). 32

Chutichuan, Pilata chu a inah a lût leh a, Isua a ko va, a 33  
hnênah, "Judate lal i ni em?" a ti a. Isuan, "Hei hi nangma 34  
rilru puak chhuaka i sawi nge, mi dangin an hrilh che, ka chung-  
châng thu hi?" a ti a, a chhâng a. Pilatan, "Kei Juda ka ni em 35  
ni? Nangina chite leh puithiam lalten ka hnênah an rawn hruai  
che a nih hi; *thil* engnge i tih?" a ti a, a chhâng a.

Isuan, "Ka ram chu he khawvêla mi hi a ni lo; ka ram chu 36  
he khawvêla mi hi ni sela, ka ṭhuihruaiten an bei ang, Judate hnêna  
pêka ka awm loh nân; nimahsela, ka ram zawng heta mi hi a ni  
lo," a ti a, a chhâng a. Tin, Pilatan a hnênah, "Chu, lal i ni 37  
elo?" a ti a. Isuan, "Ni e, lal ka ni asin. Thutak hriattîr hi ka  
pian chhan leh khawvêla ka rawn kal chhan a ni. Tupawh  
thutaka mi apiangin ka thu an pawm ṭhîn," a ti a. Pilatan a 38  
hnênah, "Thutak engnge ni?" a ti a.

Tin, chu thu chu a sawi zawh veleh, Judate hnênah a va chhuak  
leh a, an hnenah, "Engmah a sualna ka hmu lo. Nimahsela, 39  
Kalhlên Kûtah mi pakhat ka chhuah sak tûr che u dân in nei;  
chutichuan, Judate lal hi chhuah sak che u ila in duh em?" a ti  
a. Tin, anni chu an au leh a, "He mi hi chu ni suh se, Barabba 40  
kha ni zâwk rawh se," an ti a. Barabba chu suamhmang a ni.

**19** Tin, chutih lai chuan Pilatan Isua a hruai a, a vua a. Tin, 1  
sipaite chuan hling lukhum an phiar a, an khumtîr a, puan  
sen duk an sintîr baw k a; tin, a kiangah an lo kal a, "Chibai! 3  
Judate Lal!" an ti a, an bêng a. Tin, Pilata chu a chhuak leh a, 4  
an hnênah, "En teh u, engmah a sualna ka hmu lo tih in hriat  
nân, in hnênah ka rawn hruai chhuah hi," a ti a. Tin, Isua chu 5  
hling lukhum leh puan sen duk chu sin chungin a lo chhuak a.  
Tin, Pilatan an hnênah, "En teh u, mihringa hi!" a ti a.

Tin, puithiam lalte leh tiangkengtute chuan amah an hmuh 6  
veleh an au va, "Kraws-ah khêngbet rawh, kraws-ah khêngbet  
rawh," an ti a. Pilatan an hnênah, "Nangnin kalpui ula, kraws-ah  
khêngbet rawh u; kei zawngin engmah a sualna ka hmu si lo,"  
a ti a. Judate chuan a hnênah, "Kan dân kawng khat a awm, 7  
chu mi dân ang zêlin Pathian Fapaa a insiam avângin, a thi tûr

a ni," an ti a, an chhâng a. Tin, Pilatan chu thu chu a hriatin 8  
a hlau leh zual a; a inah a lût leh a, Isua hnênah, "Khawi 9  
lama mi nge i nih?" a ti a.

Nimahsela, Isuan a chhâng lo. Tin, Pilatan a hnênah, "Nang- 10  
in kei mi be lo vei maw? Thlah thei che ka ni, kraws-a khêngbet  
thei che ka ni tih i hre lo vem ni?" a ti a. Isuan, "Chung lam 11  
a tanga pèk i nih loh chuan, ka chungah hian tih theih rêng rêng  
i nei lo vang; chuvângin i huêna mi petu khân sual a phur zual  
a ni," a ti a.

Chu mi achin chu Pilatan thlah a tum a; nimalisela Judate 12  
an au va, "He mi hi i thlah chuanin Kaisara thian i ni lo vang;  
tupawh lala insiam apiang Kaisara do an ni," an ti a.

Tin, Pilatan chùng thu chu a hriat veleh, Isua a hruai chhuak 13  
a, a hming Lungreni,—Hebrai tawng erawh chuan Gabbatha  
an ti,—chu ini hmunah chuan rorêlna thutphahah a thu a. (Tin, 14  
chu mi ni chu Kalhên Kût Inrinni a ni a, tûktuan ei hun lai a  
ni). Tin, ani chuan Judate hnênah, "En teh u, in Lal hi!" a ti a.  
Tin, anni chu an au va, "Tiboral rawh, tiboral rawh, kraws-ah 15  
khêngbet rawh," an ti a. Pilatan an hnênah, "In Lal hi kraws-ah  
ka khêngbet ang maw?" a ti a. Puithiam lalten, "Kaisara lo  
chu lal dang kan nei lo," an ti a, an chhâng a. Chutichuan 16  
Pilatan kraws-a khenbeh tûrin amah chu an hnênah a pe ta a.

Chutichuan Isua chu an hruai ta a. Tin, ani chuan mahni 17  
tâna kraws puin 'Lu ruh hmun,' an tih, Hebrai tawnga Golgotha an  
tih chu, chu mi hmun thleng chuan a va chhuak a; chutah chuan  
kraws-ah an khêngbet a, mi dang pahnih nê, a sîr tuakah pakhat 18  
ve vein, a laiah Isua. Tin, Pilatan lehkhia a ziak a, kraws lér 19  
lamah a bel a. 'Nazaret Isua Judate Lal,' tiin ziak a ni. Tin, 20  
chu lehkhia chu Judate a then tan takin an chhiar a; Isua kraws-a  
an khenbehna hmun chu khawpui kiang a ni a; Hebrai tawng  
te, Rom tawng te, Grik tawng tein ziak a ni si a. Chutichuan, 21  
Judate puithiam lalte chuan Pilata hnênah, "Judate Lal' tiin, ziak 22  
suh; 'Judahe Lal ka ni, a ti,' tiin, ziak zâwk rawh," an ti a.  
Pilatan, "Ka ziak kha ka ziak zo tawh," a ti a, a chhâng a. 22

Tin, sipaiten Isua chu kraws-a an khenbeh zawh chuan a 23  
silhfênte an la a, phel liah an siam a, sipaiten phel khatin an chang  
theuh va; a kawr an la bawk a. Kawr chu thui loh kawr a ni a,  
a nghâwng ata apumin tali vek a ni; chuvângin anni chuan, "I  
pawt thlêr suh ang u, tu ta ber tûr nge thum i vâwr zâwk ang u," 24  
an inti a. (Pathian Lehkhia Thu,

"Ka silhfênte an insem a,

Ka kawr atân thum an vâwr a,"

tih, a thlenna tûrin). Chùng thil chu sipaiten an ti a.

Tin, Isua kraws kiangah a nu leh a nu laizâwn, Mari Klopa 25



*nupui* leh Mari Magdalini an ding a. Tin, Isuan a nu leh zirtîr 26  
a hmangaih kha a kianga ding a hmu a, a nu hnênah, “Hmei-  
chhia, en teh, i fapa kha!” a ti a. Tin, zirtîr hnênah chuan, “En 27  
teh, i nu kha!” a ti a. Tin, chuta chin chu, chu zirtîr chuan  
ama inah ani chu a hruai ta a.

Chu mi hnuah chuan, Isuan thil engkim tûnah a kim tawh 28  
tih a hria a, Pathian Lehkha Thu kha a thlen nân, “Ka tui a hâl  
e,” a ti a. Chutah chuan bêl pakhat uain thûra khat an hûng 29  
a, chutichuan spanj pakhat chu uain thûra chia khatin, husop  
tiangah an târ a, a hmuiah an han thlen a. Tin, Isuan uain thûr 30  
chu a lo in zawh chuan “A kin ta,” a ti a.

Tin, a lu a kûn a, a thlarau a thlah ta a.

Tin, Inrinni a nih avângin, ruangte chu Chawlhnia kraws-a 31  
a awm reng loh nân, (chu Chawlhni chu ni ropui a ni si a), Judaten  
Pilata hnênah an kete tihtliha, an ruang kalpuiah an ngên a.  
Tin, sipaite chu an lo kal a, a hnêna kraws-a an khenbeh mi tawn- 32  
tirh leh mi pakhat chu an kete an titliak a; nimahsela, Isua 33  
kiangah an lo kal a, a thi tawh reng tih an hria a, a kete an titliak  
ve lo va; nimahsela, sipaite zînga mi pakhatin a nâkah feiin a 34  
chhun a, tichuan thisen leh tui a chhuak ta, ngâl a.

A hmutu chuan a hriattîr tawh, (a thu hriattîr a dik a ni; a 35  
sawi dik tih a inhria), nangni pawhin in rinna tûrin. Pathian 36  
Lehkha Thu, “A ruh pakhat mah tihtliha a ni lo vang,” tih,  
thlenna tûrin chûng thil chu a lo awm ta. Tin, Pathian Lehkha 37  
Thu dangin, “An chhuna chu an la en ang,” a ti bawk a.

Tin, chûng thil tih hnuah chuan, Josefa, Arimathai khuaa 38  
mi, Isua zirtîr a ni a, nimahsela Judate a hlauh avânga arûka  
aum a ni a, ani chuan Isua ruang chu kalpui atân Pilata hnênah  
a dîl a; tin, Pilatan a phal a. Chutichuan a lo kal a, a ruang chu  
a kalpui ta a. Tin, Nikodema, a tîra zâna a hnêna lo kal kha, 39  
murra leh aloe inpawlh sa bûk sawmnga lai sinin a lo kal ve a.  
Tin, Isua ruang chu an la a, Judate inphûm dân angin englo 40  
rimtuite nên chuan puan zai sinin an tuam a.

Tin, kraws-a an khenbehna hmunah chuan huan pakhat a 41  
awm a; huanah chuan tumah la zalhna ngai loh thlân thar pakhat  
a awm. Tin, Judate Inrinni a nih avângin, thlân chu an kiang 42  
lawk a ni si a, chutah chuan Isua chu an zalh ta a.

**20** Tin, ni sarih ni hmasa berah, zîngah, khua a la thim laiin, 1

Mari Magdalini chu thlânah chuan a va kal a, lung chu  
thlân ata lâk sawnin a hmu a. Chutichuan a tlân a, Simon 2  
Petera leh zirtîr dang Isuan a hmangaiha hnênah chuan a lo kal  
a, an hnênah, “Thlân ata kha Lalpa chu an kal bopui ta, an dahna  
chin kan hre si lo,” a ti a.

Chutichuan Petera chu a chhuak a, zirtîr dang nên chuan, 3

tin, thlân lam an pan a. Tin, an tlân dôn a; zirtîr dang chuan 4  
 Petera a tlân khalh a, thlân chu a thleng hmasa a. Tin, a kûn a, 5  
 a bih a, puan zai sînte chu awm rengin a hmu a; nimahsela,  
 a chhûngah a lût lo. Tin, Simon Petera pawhin a hnungah 6  
 a rawn ûm thleng a, thlân chhûngah a lût a; puan zai sînte chu 7  
 awm reng leh, a lua inhrûkna puan awm chu, puan zai sînte zînga  
 awm lovin, zial sain hmun hranga awm a hmu a. Chutichuan 8  
 zirtîr dang, thlân thleng hmasaa pawh chu a lût ve a, a hmu a, a  
 awi a. Mitthi zîng ata a tho leh tûr a ni tih Pathian Lehkha 9  
 Thu kha an la hre si lo. Chutichuan, zirtîrte chu anmahni 10  
 inah an haw leh ta a.

Nimahsela, Mari chu pâwnah thlân kiangah tap chungin 11  
 a ding a; tichuan tap chungin a kûn a, thlân chhûng chu a bih  
 a; tin, vântirhkoh pahni puan vârsinin, Isua ruang zalhna hmunah 12  
 chuan, pakhat a lu lamah, pakhat a ke lamah thu a hmu a.  
 Tin, anni chuan a hnênah, “Hmeichhia, engatinge i ãah?” an 13  
 ti a. Ani chuan an hnênah, “Ka Lalpa an kal bopui a, an dahna  
 chin ka hriat loh avângin,” a ti a. Tin, chutia a sawi veleah a 14  
 hnung lam a hawi a, Isua ding a hmu a, Isua a ni tih a hre si lo va.  
 Isuan a hnênah, “Hmeichhia, engatinge i ãah? Tunge i zawn?” 15  
 a ti a. Ani chuan, huan enkawltu emaw a ti a, a hnênah, “Ka  
 pu, amah heta ta i kalpui a nih chuan, i dahna chin mi hrih ang  
 che, chutichuan ka la ang,” a ti a.

Isuan a hnênah, “Mari,” a ti a. Ani chu a hawi a, a hnênah 16  
 Hebrai ãawngin, “Rabboni,” a ti a; (chu chu Zirtîrtu tihna a ni  
 a). Tin, Isuan a hnênah, “Mi vuan suh; tûn thleng pawhin 17  
 Pa hnênah ka la lâwn chho lo a ni; amaherawhchu ka unaute  
 hnênah va kal la, an hnênah, ‘Ka Pa, in Pa, ka Pathian, in  
 Pathian hnênah ka lâwn chho dâwn,’ a ti a, ti rawh,” a ti a. Mari 18  
 Magdalini chu a va kal a, zirtîrte hnênah, “Lalpa chu ka hmu  
 ta,” a ti a, a hnêna thu a sawiziate pawh chu a hrih a.

Tin, chu mi ni, ni sarîh ni hmasa berah, khua a lo tlai lamin, 19  
 Judate hlauh avânga zirtîrte awmna kawngkhârte chu an khâr  
 hnu chuan, Isua an zîngah a lo ding a, an hnênah, “In chungah  
 thlamuanna awm rawh se,” a ti a. Tin, chu chu a sawi zawh chuan 20  
 a kut leh a nâk an hnênah a entîr a. Tin, Lalpa chu an hmuh  
 chuan zirtîrte chu an lâwm ta a. Tin, Isuan a hnênah, “In 21  
 chungah thlamuanna awm rawh se; Pain kei mi tîr ang bawkin  
 ka tîrh che u hi,” a ti leh a. Tin, chûng thu chu a sawi zawhin an 22  
 chungah a thaw a; an hnênah, “Thlarau Thianghlim nei rawh  
 u, tu sual pawh in ngaihdam apiang, ngaihdam a ni ang; tu sual 23  
 pawh in ngaihdam loh apiang, ngaihdam loh a ni ang,” a ti a.

Tin, Isua a lo kal lai khân sâwm leh pahnihte zînga tel ve 24  
 Thoma, Diduma an tih chu, an hnênah a awm ve lo va. Chuti- 25

chuan, zirtîr dangte chuan, a hnênah, "Lalpa chu kan hmu ta," an ti a. Nimahsela, ani chuan an hnênah, "A kuta thîr khenna serte kha ka hmuh a, thîr khenna srahte chuan ka kutzung ka khawih luh a, a nâka ka zen meuh loh chuan, ka ring lo vang," a ti a.

Tin, ni riat hnuah, a zirtîrte chu in chhûngah an awm leh a, 26  
Thoma pawh an hnênah a awm ve a. Tin, Isua a lo kal a, kawngte chu khâr a ni si a, an zîngah a lo ding ta a, an hnênah, "In chungah thlamuanna awm rawh se," a ti a. Tin, Thoma hnênah chuan, 27  
"I kutzungin han khawih la, ka kutte en rawh; i kut han ban la, ka nâkah zen rawh; ring lovin awm suh la, ring rawh," a ti a. Thoman a hnênah, "Ka Lalpa leh ka Pathian i ni," a ti a, a chhâng 28  
a. Isuan a hnênah, "Nang chuan mi hmuh avângin i ring a 29  
ni; hmu lova ring apiangte chu an eng a thâwl e," a ti a.

Tin, Isuan zirtîrte hmaah chuan chhinchhiahna dang tam 30  
tak a ti t̄euh va, chûng chu he lehkhabuah hian ziaak a ni lo; nimahsela, hêng hi, Isua chu, Krista, Pathian Fapa a ni tih in rinna 31  
tûr leh, in rin a, a hminga nun in neihna tûrin ziaak a ni.

**21** Chu mi hnuah chuan, Tiberia dîlah Isua a zirtîrte hnên- 1  
ah a inlâr leh a; heti hian a inlâr: Simon Petera te, Thoma 2  
Diduma an tih te, Galili rama Kana khuua mi Nathanaela te, Zebedeia fapa pahnihte te, a zirtîr dang pahnihte nêan an awm khâwm a. Simon Petera chuan an hnênah, "Sangha manin ka kal dâwn 3  
e," a ti a. Anni chuan a hnênah, "Keini pawh i hnênah kan kal ve ang," an ti a. Tin, an kal chhuak a, lawngah an chuang a; chu mi zân chuan engmah an man lo.

Tin, khawfîng chahin Isua t̄iauphovah a ding a; nimahsela 4  
zirtîrte chuan Isua a ni tih an hre si lo. Tin, Isuan an hnênah, 5  
"Naute u, ei tûr engilo in nei em?" a ti a. Anni chuan a hnênah, "Nei lo," an ti a, an chhâng a. Tin, ani chuan an hnênah, 6  
"Lawng sîr ding lamah khân lên dêng ulang in hmu ang," a ti a. Tin, an dêng a, sangha tam avângin an hnûk chhuak zo ta lo va.

Chutichuan, zirtîr Isuan a hmangaiha khân, Petera hnênah, 7  
"Lalpa a nih saw," a ti a. Chutichuan, Lalpa a ni tih Simon Peteran a hriat veleh, a kawr a veng a, (saruaka awm a ni si a), dîlah a zuang thla ta a. Nimahsela, zirtîr dangte chuan 8  
lawng t̄e tak t̄e chuan, lên sangha chawpa hnûk chungin an rawn pan a, (khawmual aţangin an hla si lo va, tawng zahnih emaw lek a ni a).

Tin, khawmuala an chhuah veleh, chutah chuan meihawla 9  
mei chhêm an hmu a, a chungah sangha leh chhangpêr rawh nêan. Tin, Isuan an hnênah, "Tûnah in sangha man kha a t̄hen han 10  
la rawh u," a ti a. Chutichuan Simon Petera a va chuang a, lên 11  
chu sangha lian pui puia khatin khawmualah a hnûk chhuak a, za leh sawmnga leh pathum a ni; chuti zozai chu awm mah sela

lên chu a tət si ló. *Tin*, Isuan an hnênah, “Túkthuan lo ei rawh 12  
u,” a ti a. *Tin*, zirtírte zingah tumahin a huênah, “Tunge i  
nih?” tiin an zâwt ngam lo, Lalpa a ni tih an hre reng a. *Tin*, 13  
Isua a lo kal a, chhangpêr chu a la a, an hnênah a pe a, sanghate  
pawh chu chutiangan a pe bawh a. Chu chu Isua mitthi zing ata 14  
a thawh leh hnua, a zirtírte hnêna a inlâr a wawi thumna a ni.

*Tin*, túkthuan an ei zawhin, Isuan Simon Petera hnênah chuan, 15  
“Simon, Johana *fapa*, hêngte ai hian nangin kei mi hmangaih  
zâwk em?” a ti a. Ani chuan a hnênah, “Aw, Lalpa; ka  
ngaina che tih i hria e,” a ti a. Ani chuan a hnênah, “Ka berâm  
note châwm rawh,” a ti a. *Tin*, a wawi hnihnaah, a hnênah, 16  
“Simon, Johana *fapa*, nangin kei mi hmangaih em?” a ti leh a.  
Ani chuan a hnênah, “Aw, Lalpa; ka ngaina che tih i hria e,”  
a ti leh a. Ani chuan a hnênah, “Ka berâmte enkawl rawh,”  
a ti a. *Tin*, a wawi thumnaah chuan a hnênah, “Simon, Johana 17  
*fapa*, nangin kei mi ngainâ em?” a ti a. *Tin*, a wawi thumnaah,  
“Nangin nui ngaina em?” a hnêna a tih avâng chuan Petera a  
lungngai a, a hnênah, “Lalpa, engkim i hria a, ka ngaina che  
tih i hria e,” a ti a.

Isuan a hnênah, “Ka berâmte châwm rawh. Tih tak 18  
meuhvin, tih tak meuhvin ka hrilh a che, I naupanlai khân i *taiah* i  
inhrêng a, i duhna apiangah i kal thîn a; nimahsela, i upat hunah  
i kutte i phar ang a, mi dangin an hrên sak ang chia, i duh lohna  
lamah an kai ang che,” a ti a. (Chung thu chu eng tiziaa thiin 19  
nge Pathian a chawimawi ang tih hriattîrna tûrin a sawi a ni).  
*Tin*, chu chu a sawi zawhin, a hnênah, “Mi zui rawh,” a ti a.  
*Tin*, Petera chu a hawi a, Isuan zirtír a hmangaih, zanriah ei laia 20  
a âwm nghênga lo thle pheia, “A mantîrtu tûr che chu tu ber-  
nge ni?” titua khân, arawn zui a hmu a. *Tin*, Peteran ani chu 21  
a hmu a, Isua hnênah, “Lalpa, he mi hian engnge a tih ang?”  
a ti a. Isuan a hnênah, “Ka lo kal leh thlenga awm rengah pheï 22  
duh ila, chu chu eng a i hman tûr nge ni? Nangin mi zui mai rawh,”  
a ti a. Chutichuan, chu zirtír chu thi lo tûrin a thu chu unaute 23  
zingah chuan a thang ta a; nimahsela, Isuan a thi lo vang tih a  
hnênah a sawi si ló, “Ka lo kal leh thlenga awm rengah pheï  
duh ila, chu chu eng a i hman tûr nge ni?” a ti mai a ni si a.

Chu zirtír chu hêng thu hriattîrtu leh ziaktu hi a ni; a thu 24  
hriattîr hi dik tak a ni tih kan hria e.

*Tin*, hêng lo hi Isua thiltih a dang tam tak a la awm, chung chu 25  
ziak fai vek ni dawn sela, lehkhabu ziak tûr zawn zawn chu  
khawvêlah pawh hian lengin ka ring lo.

## Tirhkohte Thiltih

I Theophil, hmâna lehkhaah khân, Isua thiltih leh a zirtîr 1  
ţantîrh zawng zawng thu kha ka zîak a ni; Thlarau Thianghlim 2  
ţanpuia a tirhkoh thlante hnêna thu a tiam zawhava vâna hruai chhoh-  
ya a awm tâk ni thlenga thu kha. Chu tirhkohte hnênah chuan 3  
hrehawm chu a tuar hnuin hriatna tam takin nungin a inentîr a,  
ni sawmli zet an hnênah a inlâr a, Pathian ram thu a sawi ţhîn.  
Tin, an awm khâwm a pâwl ve a, “Jerusalem khua kalsansuh u, 4  
Pa thiltiam ka sawi in hriat kha lo nghâk rawh u,” a ti tlat a.  
“Johana khân tuiin a baptis ţhîn a, nimahsela, ni rei lo tean 5  
Thlarau Thianghlimin baptisma in chang ang,” a ti a.

Tin, anni chuan an rawn inkhâwmin, a hnênah, “Lalpa, tûnah 6  
em ni Israelte hnênah ram i pêk leh dâwn?” an ti a, an zâwt a.

Tin, ani chuan an hnênah, “Pain a hun leh a ni, ama thu 7  
thua awma a ruat chu, nangni lo hriat tûr ani lo ve. Nimahsela, 8  
Thlarau Thianghlim chu in chunga a lo thlen hunah thiltihtheihna  
in la nei ang; tichuan, Jerusalem khuaah te, Judai leh Samari  
ram khaw tinah te, kâwl kil thleng pawhin ka thu hretute in ni  
ang,” a ti a.

Tin, chúng thu chu a sawi zawhin an hmuh reng chungin, 9  
vâna hruai chhohvin a awm a; tin, chhûmin an hmuh phâk lohvah  
a hruai bo ta a. Tin, a chhoh laia van lam an en reng laiin, mi 10  
pahnih, puan vâv sinin, an kiangah an lo ding a; chu mite chuan, 11  
“Galili rama mite u, engatinge van lam ena in din reng? He Isua  
in hnên ata vâna hruai chhohva a awm hi, vâna a chho in hmu  
ang bawh hian amah ngei hi a lo kal leh ang,” an ti a.

Tin, Olivet tlang an tih ata chu Jerusalem khuaah an kîr leh 12  
ta a; chu mi tlang chu Jerusalem khaw kiang a ni a, Chawihnia  
kalna tâwk chauh a ni. Tin, an luhin, an awmna pindan chung- 13  
nungah chuan an chho va—Petera leh Johana nêh, Jakoba leh  
Andria nêh, Philipa leh Thoma nêh, Bartholomaia leh Matthaia  
nêh, Alphaia fapa Jakoba leh, Simon Zelota pâwla mi leh, Jakoba  
fa Juda nêh an ni. Chûngho zawng zawng chu, hmeichhia tute- 14  
emaw leh Isua nu Mari nêh, Isua unaute nêh, rilru hmunkhata,  
ţahnemngai taka ţawngţaiin an awm reng a.

Tin, chúng ni chuan unaute zîngah Petera a ding a, (an za 15  
chuan za leh sawmhnih lai an ni a,) “Unaute u, Thlarau Thiang- 16  
hlimin, Davida kaa, Isua mantute hruaitu Juda thu a sawi lâwk  
kha, kha Pathian Lehkha Thu kha lo thleng rêng tûr a ni. Ani 17  
chu kan zînga chhiar tel a ni a, hêng rawngbâwlah hian chan

pawh a nei ve si a. (Tin, chu mi chuan a sual manin hmun 18  
 pakhat a lei a, a bawkkhupin a tla a, a laiah a puak keh a, a ril  
 zawng zawng a chhuak vek a. Tin, chûng thu chu Jerusalem khuaa 19  
 awmte zawng zawngin an lo hria a; chutichuan, chu hmun chu,  
 anmahni tawngin, 'Akeldama,' an ti a, chu chu 'Thisen Hmun'  
 tihna a ni.) Fakna Hla Buah hêng thu hi ziaik a ni :— 20

'A awmna tihramin awm rawh se,

A chhûngah tumah awm suh se,'

tih leh,

'A hotu nihna chu mi dangin chang rawh se,'

tih hi. Chutichuan, Lal Isua kan zînga lût thîn chhuak thîna 21  
 a awm chhûng zawnga—Johana baptisma achin, kan hnên ata 22  
 vâna hruai chhohva a awm ni thleng khân—hêng min pâwl thînte  
 zîngah hian mi pakhat a thawhleha min hriatpuitu atân a awm  
 tûr a ni," a ti a.

Tin, mi pahnih an ruat a, *pakhat chu Josefa Barsaba an tiha* 23  
*chu, (a hming dang Justa an ti bawk a,) tin, pakhat chu Matthia a*  
*ni a.* Tin, an tawngtai a, "Nang, Lalpa, mihring zawng zawng  $\frac{2}{3}$   
 rilru hretu, Juda chuan ama awmnaa kal tûrin hêng rawngbâwl  
 leh tirhkoh hna a tlâwmsan hi, a ai awh tûrin he mite pahnih hi  
 a tu zâwk nge i thlan min hriattîr ang che," an ti a. Tin, ai an 26  
 en sak a, an ai en chu Matthia chungah a lo tlu a; tichuan, ani chu  
 tirhkoh sâwm leh pakhatte zîngah chuan chhiar tel a ni ta a.

**2** Tin, Pentikost ni a lo thlenin, an zain hmun khatah an awm 1  
 khâwm vek a. Tin, thâwkkhatan vâna ata ri thlipui tleh 2  
 angin a lo thleng ta phut a. Tin, chu chuan an tthutna in chu a  
 tikhat ta vek a, tin, leite, amaha insem darhin, mei angin an 3  
 hnênah a lo inlâr ta a. Tin, an chungah a chuang theuh va, an 4  
 zain Thlaran Thianghlimin an khat ta vex a, Thlaranvin a  
 tawngtîr ang zêlin tawng dangin an lo tawng ta a.

Tin, vâna hnuai hnam tin zîng ata Pathian ngaihsak Judate 5  
 Jerusalem khuaaah an châm a. Tin, chu ri chu an hriat veleh 6  
 mipui an rawn inkhâwm a, mi tinin an tawng chu mahni tawng  
 theuhvin an lo hriat avângin an rilruin an lo buai a. Tin, an 7  
 za chuan an mangang a, mak an ti hle a, "En teh u, hêng a tawngte  
 zawng zawng hi Galili rama mi an ni lo vem ni? Engtinng 8  
 kan zaa kan tawng pianpui anga kan hriat theuh? *Thenkhat* Par- 9  
 thai hnam te, Medai hnam te, Elamitai hnam te kan ni a; *thenkhat*  
 Mesopotamia rama awm te, Judai rama awm te, Kappadokia  
 rama awm te, Ponto rama awm te, Asia rama awm te, Phrugia  
 rama awm te, Pamphulia rama awm te, Aigupta rama awm 10  
 te, Kurini khaw kiang vêla Libua rama awm te kan ni a; *thenkhat*  
 Rom khaw khual—Judate leh an saphunte nêna—kan ni a; *thenkhat* 11  
 Krît thliarkâra mi leh Arab rama mi kan ni si a; *nimahsela*, Pathian

thiltih ropuite an sawi mahni tawng theuhvin kan hriat si hi!"  
an ti a.

Tin, an za chuan mak an ti hle mai a, a ngaihna an hre lo va, 12  
" Hêng hi eng tizia nge ni?" an inti a. Thenkhatin an nuihsan 13  
a, " Uain thar an rui a nih hi," an ti a.

Nimahsela, Petera chu sâwm leh pakhatte nên an ding za a, 14  
ani chuan aw ring takin an hnênah a sawi a, " Nangni Judai rama  
mite u, nangni Jerusalem khuaa awm zawng zawngte u, hêng  
hi hria ula, ka thu pawh ngai rawh u. Hêngho hi in rin angin 15  
an rui lo ve, feh reh sân lai chauh a nih hi. Hêng hi zâwlnei 16  
Joelan a sawi kha a ni zâwk :

Pathianin, ' Ni hnuhnûngahte chuan heti hi a ni ang a, 17  
Mi zawng zawng chungah ka Thlarau ka leih ang a;  
Tichuan in fapate, in fanuten ka thu an hril ang a;  
In tlangvânten inlârñate an hmu ang a,  
In putarten mumangah an mang ang a;  
A ni, chûng niahte chuan ka bawipate, ka bawinute 18  
chungah pawh,  
Ka Thlarau ka leih ang a, ka thu an hril ang,  
Tin, chung lam vânah thilmak te, 19  
Hnuai lam leiah chhinchhiahna te ka hmuhtîr ang a;  
Thisen te, mei te, meikhu hu te nên:  
Ni thimah a chang ang a, 20  
Thla thisenah a chang ang a,  
Lalpa ni ropui tak leh hmingthang tak chu  
A lo thlen hmain;  
Tin, heti hi a ni ang a, 21  
Tupawh Lalpa hming lam apiang chu an him ang,' a  
ti e,

a tih kha.

" Nangni Israel mite u, hêng thu hi hre rawh u: Nazaret Isua, 22  
Pathianin amah hmangin in zîngah thil ropui te, thilmak tak te,  
chhinchhiahna te a tih khânin a hriat chiantîr che u kha; nangni  
ngeiin chûng chu in hre si a: kha mi kha Pathianin rêl tlat leh hriat  
lâwk angin an mantîr a, nangnin mi sualte kutin kraws-ah in 23  
khêngbet a, in tihlum ta a. Kha mi kha, Pathianin thihna phuar- 24  
nate chu a phelh sak a, a kaitho ta a; amah chu thihna chelh hlen  
rual a nih loh avângin. Tin, Davida chuan a thu a sawi a, 25  
' Ka hmaah kumkhuain Lalpa chu ka hmu tîh a.  
Ka mangan loh nân ka ding lamah a awm a ni;  
Chuvângin ka thilung a hlim a, 26  
Ka lei pawh a lâwm a;  
Ka thlarau mitthi khuah i hnutchhiah lo vang a, 27  
I mi thianghlim tawihral i phal hek lo vang a,

Chuvângin ka tisa pawh beisei takin a awm bawh ang.  
 Nangin nunna kawngte mi hriattîr a; 28  
 Nangin i hmêlin lâwmin mi tikhat ang,'

tün.

"Unaute u, chi thlahtu Davida thu hi hlau lovin in hnênah 29  
 ka sawi thei e; ani zawng a thi a, phûm pawh an phûm tawh  
 alâwm, a thlân pawh tûn thlengin kan hnênah a la awm reng a.  
 Ani chu zâwlnei a ni a, Pathianin a thâlbea mi tuemaw a 30  
 thutphah chungah a thuttîr dâwn tih chhechhamin a sawi tih  
 a hria a; tichuan, chûng chu a lo hriat lâwk reng avângin, Krista 31  
 thawh leh tûr thu a sawi a ni, 'Mitthi khuua hnutchhiabin a awm  
 hek lo, a ruang pawh a tawih hek lo,' tün. Chu Isua chu Pathian- 32  
 in a kaitho leh ta rêng a ni, chu chu a hretu kan zain kan ni e.  
 Pathian kut ding lamah chawimawiin a awm a, Thlarau Thiang- 33  
 hlim tiam chu Pa hnên ata a hmu a, in hmuh leh in hriat hi a han  
 leih a nih hi.

"Davida zawng vânah a lâwn chho lo a ni, amah ngeiin, 34  
 Jehovan ka Lalpa hnênah,  
 'Ka ding lamah thu reng rawh,  
 I hmêlmate i kephah nghahchhana 35  
 Ka siam hma loh zawng,' a ti e,  
 a ti zâwk a nih kha.

"Chutichuan, Isua, in khenbeha ngei kha, Pathianin Lal leh 36  
 Krista ni fâwmin a siam ta tih, Israel hnam tinin hre mawlh rawh  
 se," a ti a.

Tin, *chûng thu chu* an hriatin an thilunga chhun ang an lo ni 37  
 ta a, Petera leh tirhkohte dangte hnênah chuan, "Unaute u,  
 engtinngte kan tih tâk ang?" an ti a.

Tin, Petera chuan an hnênah, "Sim ula, in sual ngaihdam 38  
 nân Isua Krista hmingin baptisma chang theuh rawh u; tichuan,  
 Thlarau Thianghlim pêk hi in hmu ang. A tiam kha nangni 39  
 tân pawh, in fate tân pawh, hla taka mi zawng zawng tân pawh,  
 Lalpa kan Pathianin a hnêna a koh apiangte tân a ni e," a ti a.

Tin, thu dang tam takin a hrilhfiat a; "Tûn lai thangthar 40  
 bengtla lote lakah hian intihim rawh u," tün a fuih a.

Tin, a thu zâwm apiangin baptisma an chang ta a; chu mi 41  
 niah chuan mi sângthum lai belhchhabin an awm a. Tin, tirh- 42  
 kohte zirtîrin, inpâwlin, chhang phelin, tawngtaiin thahnem-  
 ngai takin an awm reng a. Tin, mi tinin an hlau ta a; tirhkohte 43  
 chuan thilmak leh chhinchhiahna tam tak an ti a. Tin, a ring 44  
 apiang chuan engkim an intâwm hlawm a, an rote, an sumte an 45  
 hralh a, an châkkhai daih lek theuhvin an zaa hnênah chuan an  
 sem thîn a. Tin, ni tin rilru hmunkhatin Pathian biak inah chuan 46  
 thahnemngai takin an awm thîn a, an in lamahte pawh chhang



an phel a, hlim tak leh lungawi takin an chaw an ei thîn a,  
 Pathian an fak a, mi zawng zawng lâwmzâwngin an awm thîn. 47  
 Tin, a chhandam mêk apiangte chu Lalpain ni tin an hnênah a  
 teltir zêl thîn.

**3** Tin, Petera leh Johana chu, behliang mun hunin, tawngtai 1  
 hun lai chuân, Pathian biak ina lût tûrin an chho va. Tin, 2  
 patling tuemaw a pian tirh ata kebai an rawn zâwn a, chu mi chu,  
 biak ina lûtte hnêna kut dawh atân, biak in kawngkhâr ‘Mawi’  
 an tih bulah chuan ni tin an muttîr thîn a ni a; chu mi chuan 3  
 Petera leh Johana Pathian biak ina lût tûr chu a hmu a, kut a dawh  
 a. Tin, Peteran ani chu a en reng a, Johana pawhin; tin, *Peteran,* 4  
 “Min han en rawh,” a ti a. Tin, ani chuan an lakah engemaw  
 hmuh a beisei a, a han en a. Nimahsela, Peteran, “Tangka 6  
 leh rangkachak engmah ka nei lo; nimahsela, ka neih chhun ka  
 pe ang che: Nazaret Isua Krista hmingin kein kal tawh rawh,”  
 a ti a. Tin, a kut ding lam a chelh a, a kaitho ta a; tin, 7  
 thâwkkhatan a kete leh a kheimit ruhte chu a lo chak ta ngêl a.

Tin, ani chu a zuang tho va, a ding a, kein a kal tan ta a. Tin, 8  
 kea kal kal leh, zuang zuang leh, Pathian fak chung zêlin biak  
 inah chuan a lût ve ta a. Tin, kea a kal leh Pathian a fak chu 9  
 mi zawng zawngin an hmu a; biak in Kawngkhâr Mawi bula 10  
 kut dawha thu thîn kha a nih tih an hria a; a chung a thil thleng  
 chu mak an ti êm êm a, an buai hle mai a.

Tin, ani chuan Petera leh Johana chu a chelh reng lain, mi 11  
 zawng zawngin mak an ti êm êm a, hulhiap Solomona ta an  
 tihah chuan an hnênah an lo tlan khâwm a.

Tin, Peteran chu chu a hmuhin, mite chu a bia a, “Nangni 12  
 Israel mite u, hêng hi engatinge mak in tih? Keimahni thiltih-  
 theihna leh Pathian kan ngaihsak avânga ani hi kan kaltîr ang  
 êm chuan engatinge min en reng? Abrahama te, Isaaka te, Jakoba  
 te Pathian, kan thlahtute Pathian chuan, a Chhiahhlawh Isua a 13  
 chawimawi ta a nih hi; ani chu in mantîr a, Pilatan chhuah a tum  
 pawhin a hmaah in lo duh loh kha. Mi Thianghlim leh Fel tak 14  
 kha in duh lo va, tualthattu kha in hnêna pêk in ngên ta zâwk  
 a. Nunna Siamtu chu in that a; nimahsela Pathianin ani chu 15  
 mitthi zîng ata a kaitho leh a; chu chu a hretute kan ni e. Tin, 16  
 ama hming rin avângin a hming chuan he mi in hmuh leh in hriat  
 thîn hi a tichak ta a ni; a ni, amah avângin rinna lo awm hian  
 in zaa mithmuhah a tidan ta viah a nih hi.

“Nimahsela, unaute u, in hotute pawhin an ât avânga an tih 17  
 ang khân, in ât avângin hêng hi in ti a ni tih ka hria e. Nimah- 18  
 sela, Pathianin zâwnei zawng zawng kaan, o Kristain hrehawm  
 a tuar tûr thu a hriattîr lâwk kha, khati khân a thlentîr ta a ni.  
 Chuvângin in sualte thai bo a nih theih nân sim ula, hawi kîr leh 19

rawh u, chutichuan Lalpa hnên ata harh hunte a lo la thleng thei  
ang a, Krista Isua, in tâna a ruat pawh kha, a rawn tir thei ang; 20  
*amaherawhchu*, engkim siamthat hun a thlen hma loh zawng vânin 21  
ani chu a kawh nih tûr a ni; chu mi *siamthat tûr* thu chu Pathianin  
leilung piau tirh ata a zâwlnei thianghlîm awmte kain a sawi tawh  
kha. Mosia ngein, 'Lal Pathianin keimah mi siam ang hian 22  
in unaute zingan zâwlnei pakhat a siam sak ang che u; ani chuan  
thu zawng zawng in huêna a sawi apiang chu in ngaihtlâk sak  
ang; tin, mi tupawh, chu zâwlnei thu chu ngaihtlâk sak lo apiang, 23  
mi zing ata tihbora daih an ni ang,' a tih kha. A ni, Samuela 24  
awm achin zâwlnei zawng zawng, an hnunga mite nêh, thu sawi  
apiang khân, tûn lai chanchin hi an hril lâwk bawh thîn. Nangni 25  
hi zâwlneite leh thuthlung fate in ni asin; Pathianin Abrahama  
hnênah, 'I thlah avângin khawvêla hnam tin an thawveng ang,'  
tiin, in thlahtute hnênah a tiam kha. Pathianin a Chhiahhlawh 26  
chu a ruat a, in snalte hawisantîr theuhvin malsâwm sak tûr che  
uin, nangmahni hnênah a rawn tir hmasa ber a nih hi,"  
a ti a.

**4** Tin, *Petera leh Johanan* mite hnêna thu an sawi lai chuan, 1  
puithiamho te, biak in hotu te, Saddukaiho te chu an hnên-  
ah an lo thleng phut a, mi an zirtîr leh Isua avânga mitthi zing 2  
ata thawh leh thu an hrilh avângin an lungni lo êm êm a. Tin, 3  
an man a, tlai lam a nih avângin atûk thlengin tân inah an khung  
ta a.

Nimahsela, thu ngaithlahote zinga tam takin an awi a; an 4  
tam lam chu patling hlîr pawh sângnga lai an tling a.

Tin, atûkah chuan an hotute, upate, lehkhaziaktute, Puithiam 5  
Lalber Ana te, Kaiapha te, Johana te, Aleksandra te, Puithiam 6  
Lalber chi zawng zawng te pawh Jerusalem khuaah an awm khâwm  
a. Tin, *Petera leh Johana* chu a laiah an dintîr a, "Eng tihtheih- 7  
nain nge, tu hmingin nge hêng hi in tih?" an ti a, an zâwt a.

Tichuan, *Petera* chu Thlarau Thianghlîmin a khat a, an hnên- 8  
ah, "Mi zawng zawng hotute u, upate u, mi chaklo tihthat  
thuah, 'He mi hi eng vângin nge a lo dam tâk?' tiin, vawiinah 9  
hian min chhuahchhlâl chuan, nangni zawng zawngin hre rawh  
u, Israel mi zawng zawng pawhin hre rawh se, Nazaret Isua Krista 10  
kraws-a in khenbeh, Pathianin mitthi zing ata a kaihtawh leh  
kha, amaha hming ugein he mi li hetah in hmaah damin a ding  
ta a nih hi. Nangni in satute u, in lung paih, a kila lung tangkai 11  
ber lo ni ta kha, amah hi a' ni e. Mi dang tuma hnênah chhan- 12  
damna a awm lo; vâh hnuai, mihring sak zingan, min chhandam  
tûr hming dang rêng a awm lo," a ti a.

Tin, *Petera leh Johana* huaizia chu an hmuhin, lehkha thiam 13  
lo mi leh hnamchawm mai an ni tih an hriatin, mak an ti hle a;

Isua hnénah an awm tawh tih an hre ta a. Tin, mi an tihdama 14  
chu an hnêna ding an hmu a, engmah an sawisêl thei si lo.

Chutichuan, an rorêlna ata an kal hrantîr hnuin, an inrâwn 15  
a, “ Hêng mite hi engtînge kan tih ang? thilmak thang tak an 16  
ti tih Jerusalem khuaa awm zawng zawngin fiah takin an hriat tâk  
hi; keiui pawhin kan hnial thei si lo. Nimahsela, mi hnêna a  
puan leh zual theih loh nân, tûn achinah tu hnénah mäh he hminga 17  
thu an sawi lohna tûrin i vau ang u,” an ti a.

Tichuan, anni chu an ko va, Isua hminga thu sawi tawp 18  
loh tûr leh zirtîr tawp loh tûr an ti tlat a. Nimahsela, Petera 19  
leh Johanan an hnénah, “ Pathian mithmuhin Pathian thu zawm  
aiin nangni thu zawm a dik zâwk emaw chu, ngaihtuah rawh  
u. Keini zawng thil kan hmuh leh kan hriatte kha sawi lovin 20  
kan awm thei lo,” an ti a.

Tin, anni chuan an vau leh zual a, an chhuah ta a, mipui avâng- 21  
in hremna remchâng an hmu lo; an thiltih avâng khân mi zawng  
zawngin Pathian an chawimawi si a. Thilmaka an tihdama 22  
chu kum sawmli aia tam zâwk mah a ni si a.

Tin, Petera leh Johana chu an chhuahin, anmahni pâwlte hnên- 23  
nah an va kal a, puithiam lalte leh upaten an hnêna an sawi  
apiang chu an hrilh vek a.

Chutichuan, a ngaithlatute chuan arualin aw ring takin Pa- 24  
thian hnénah, “ Lalpa, nang vâv te, lei te, tuifinriat te, a chhûnga  
awmte zawng zawng Siamtu i ni; nangin Thlarau Thianghlimin, 25  
kan thlahtu i chhiahhlawh Davida kain, hêng thu hi i sawi a ni:—

‘ Jentailte engatinge an thinur kha?

Hnam tinin engatinge thil sâwt lo an ngaihtuah?

Khawvêl lalten an ep huai huai a, 26

Hotute pawh an pungkhâwm a,

Lalpa leh a Krista chungah chuan,’

tiin.

“ He khuaah hian i Chhiahhlawh thianghlim, i hriak thih 27  
Isua chungah khân, Heroda leh Pontia Pilata nêv, Jentailte leh  
Israel mite nêv an pungkhâwm tak zet a ni, i kut leh i rilruin lo 28  
thleng tûra a ruat lâwk apiang kha ti tûrin. Tichuan, tûnah 29  
Lalpa an mi vauziate hi ngai teh; i bawite hi huai takin i thu hril- 30  
tîr la, mite tidam tûrin nangin i kut phar ang che; i chhiahhlawh  
thianghlim Isua hming avângin chhinchhiahna leh thilmak takte  
tihtîr baw ang che,” an ti a. Tin, an tawngtai zawhin an awm- 31  
khâwmna chu a lo ngêng a, an zain Thlarau Thianghlimin an  
lo khat a, huai takin Pathian thu an hril ta a.

Tin, a ringtu mipuite chu rilru hmunkhat leh ngaihtuah 32  
hmunkhatin an awm a: an zînga pakhat mahin an sum neih,  
“ Ka ta bik a ni,” an ti lo; thil zawng zawng an in tawm zâwk

thìn. Tin, tirhkohte chuan awiawm takin Lal Isua thawhleh 33  
 thu an hriattir thìn a; an zaa chungah khawngaihna nasa tak a  
 awm a. Tin, an zingah pawh tlachham tumah an awm lo; leite, 34  
 inte nei apiangin an hralh a, an thil hralhte chu a man an rawn  
 keng a, tirhkohte ke bulah an dah thìn a; an chàkkhai dah tâwk 35  
 theuhvin an sem theuh thìn a.

Tin, Josefa, tirhkohten Barnaba an tiha chu, (chu mi hming 36  
 awmzia chu, "Thlamuanna Fa," tihna a ni a,) Levia chi, Kupra  
 thliarkâra mi a ni a, a lo neih chu hralhin, a man a rawn keng 37  
 a, tirhkohte ke bulah a dah ta a.

**5** Nimahsela, mi pakhat a hming Anania, a nupui Saphiri 1  
 nèn an awm a; Anania chuan lei a hralh a, a nupui hriatin  
 a man a then a zêp ta a; tin, a then a rawn keng a, tirhkohte ke 2  
 bulah chuan a dah a.

Nimahsela, Peteran, "Anani, Thlarau Thianghlim bum tûr 3  
 leh, lei man a then zêp tûrin engatinge Setanan i thinlung a  
 tihkhah le? A awm chhûng zawng khân i ta a ni reng lo vem ni? 4  
 i hralh hnu pawh khân i thu thuin a awm lo vem hi? Engatinge  
 hêng thu hi i rilrua i ngaihtuah? Mihring bum i ni lo ve, Pathian  
 bum i ni zâwk e," a ti a.

Tin, Anania chuan chûng thu chu a hriat veleh a tlu a, a thi 5  
 ta a; tin, a hria apiangin an hlau ta êm êm a. Tin, tlangvâlhote 6  
 chu an tho va, an tuam a, an zâwn chhuak a, an phûm ta a.

Tin, dârkâr thum lai emaw chinah chuan, a nupui chu, thil 7  
 awmzia chu hre lovin a lût a. Tin, Peteran a hnênah, "Mi 8  
 hrihl rawh, lei chu heti zât chauhvin maw in hralh?" a ti a.

Tin, ani chuan, "Aw, heti zât chauh hian a ni," a ti a.

Tin, Peteran a hnênah, "Engatinge Lalpa Thlarau fiah nân 9  
 in inthurual ni? Ngai teh! I pasal phûmtute kephah chu kawng-  
 ka bulah a lo awm ta, nang pawh an zâwn chhuak ang che," a  
 ti a.

Tin, thâwkkhatan a ke bulah chuan a tlu ta nghâl a, a thi 10  
 ve ta a; tin, tlangvâlhote chu an lo lût a, ani chu thiin an rawn  
 hmu a, an zâwn chhuak a, a pasal kiangah chuan an phûm ta  
 a. Tin, kohhranhote zawng zawng leh chûng thu hria apiangte 11  
 chuan an hlau ta êm êm a.

Tin, mi zingah *Pathianin* tirhkohte kutin chhinchhiaḥna leh 12  
 thilmak tam tak a ti thìn. Tin, anniho chu an zain rilru hmun-  
 khatin Solomona Hulhliapah chuan an inkhâwm thìn a. Mi dang 13  
 erawh chu tumah an zingah an tel ve ngam ta lo va; nimahsela,  
 miin anniho chu an fak si thìn. Tin, a ring *tharho* hmeichhia 14  
 leh mipa tam takin Lalpa hnênah chuan an rawn belhchhah leh-  
 zual thìn a; chutichuan mi dam lote pawh kawthlêrahte an 15  
 zâwn chhuak a, khumahte, âwngphahahte an muttîr a, "Petera

kal pahin a hlim talin a then a zâr a hlih theih nân," an ti a.  
Tin, Jerusalem khaw kiang vêl khua ata mipuite pawh chu dam 16  
lote, ramhuai bawhlhlawh sawisakte rawn hruaiin an lo kal  
khâwm a; chûngte pawh chu an lo dam ta theuh va.

Tin, Puithiam Lalber leh a thiante zawng zawng an lo thawk 17  
a, (chûng a thiante chu Saddukai pâwl an ni a), an itsik êm êm  
a, tirhkohte chu an man a, vântlâng tân inah an khung ta a. 18

Nimahsela, zânah Lal vântirhkohe pakhatin kawngkhârte 19  
chu a rawn hawng a, a hruai chhuak a, "Pathian biak inah va 20  
ding ula, mi hnênah hêng Nunna thu zawng zawng hi va sawi  
rawh u," a ti a. Tin, chu thu chu an hriatin khawvâr hun lai 21  
vêlin Pathian biak inah chuan an va lût a, an zirtîr ta a.

Nimahsela, Puithiam Lalber leh a thiante chu an lo kal a, rorêl-  
tuho leh Israel thlahte upaho zawng zawng an ko khâwm a, tirh-  
kohte chu rawn hruaitîr tûrin tân inah chuan mi an tîr a.  
Nimahsela, tiangkengtute chu an va kal a, tân inah chuan anni 22  
chu an hmu si lo; tichuan an kîr leh a, "Tân in chu him taka 23  
inkhârin, a vêngtute pawh kawngkhâr bulah dingin kan hmu si a;  
nimahsela, kan han hawng a, a chhûngah tumah kan hmu si lo!"  
tiin, an hrilh a.

Tin, Pathian biak in hotu leh puithiam lalten, chûng thu 24  
chu an hriatin, "Hêng hi eng ti takin puang ang maw?" tiin,  
an thua chuan an mangang ta êm êm a. Tin, mi pakhat a lo 25  
kal a, an hnênah, "Ngai teh u, tân ina mi in khungte khân  
Pathian biak inah dingin mi an zirtîr ka ti!" tiin, a rawn hrilh a.

Tichuan hotu chu tiangkengtute nên chuan an va kal a, vânt- 26  
tlâng an hlah avângin tlang takin an rawn hruai a, chutilochuan  
lunga den an hlau va. Tin, an rawn hruai thlen chuan rorêltuho 27  
hmaah chuan an dintîr a. Tin, Puithiam Lalber chuan an hnên-  
ah, "He hming hian zirtîr loh tûr kan tih tlat tawh che u kha; 28  
hre rawh u, in thu zirtîrin Jerusalem khua in tikhah vek tawh  
hi, chu mi tihlum bul chu tumtîr min tum a nih hi le," tiin, a  
chhâl a.

Nimahsela, Petera leh tirhkohte chuan, "Mihring thu aiin 29  
Pathian thu kan zâwm zâwk tûr a ni. Nangnin Isua thingah 30  
khaikângin in tihlum kha, kan thlahtute Pathianin a kaitho leh ta  
a ni. Amah ngei kha Pathianin Lalah leh Chhandamtua awm 31  
atân a ding lamah a chawimawi ta a, Israelte sùal simtîr tûr leh  
ngaidam tûrin. Chûng thu chu a hretute kan nih hi; Thlarau 32  
Thianghlim, Pathianin a thu zâwm apiangte hnêna a pêk kha,  
a hretu a ni ve baw k a," an ti a, an chhâng a.

Tin, anni chuan chûng thu chu an hriatin an thîn a kheh ta 33  
êm êm a, tihlum an tum ta a.

Nimahsela, rorêltute zingah chuan a hming Gamaliela, 34

Pharisai, Dân hretu, mi zawng zawng zinga hmingthang tak mi pakhat chu a ding a, chu mite chu chhuahtîr rih tûr thu a pe a. Tin, *rorêltute* hnênah chuan, “Nangni Israel mite u, he mite chung a 35 in thil tih tum hi fîmkhûr rawh u. Tûn hma pawh khân, Theoda, 36 ‘Mi lian ka ni,’ tiin, a lo awm a; chu mi hnênah chuan mi tam tak, zali lai, an lo pakai a; ani chu tihhlumin a awm ta a; a thu zâwm apiang an zain an darh ta vek a, engmah an ni tawh lo. Chu mi *awm* hnuah chuan, hming ziaik lai khân, Galili rama mi 37 Juda kha a lo awm *leh* a; a hnênah mi thenkhat a hîp *leh* a; *nimah-sela* ani pawh chu a thi ta a, a thu zâwm apiangte chu an zain an darh ta vek mai a. *Chuvângin* tûnah ka ti a che u, hêng mite 38 hi tawh suh ula, awm mai rawh se; hêng an thil tih tum leh an thiltih hi mihring tihchhuah *mai* a nih chuan a boral ang; amah- 39 erawhchu Pathian tihchhuah a nih chuan anmahni in tiboral thei lo vang; chutilochuan Pathian do in lo ni hlahh dah ang e,” a ti a.

Tin, a sawi chu rem an ti ta a: tichuan, tirhkohte chu an ko 40 va, *an vèl* a; an velh zawhin, Isua hminga thu sawi loh tûr ti tlatin an thlah ta a. Chutichuan, *rorêltute* zing ata an kal chhuak a, chu 41 Hming avâng chuan mualpho tuar tlâka ruat an nih avângin an lâwm hle a. Tin, ni tin Pathian biak inah leh anmahni inahte, 42 “Isua chu Krista a ni,” tiin, zirtîr leh hrilh an bâng chuang lo.

**6** Tin, chûng laia, zirtîrho an pun an pun lai chuan, an ni 1 tin thil semah anmahni hmeithaite an ngaihsak thin loh avângin Grik Judate chu Hebraife chungah an lo phunnawi ta a.

Tin, sâwm leh pahnihte chuan zirtîr mipuite chu an ko va, 2 “Pathian thu *hril* bâsanin, dawhkânahte rawng kan bawl chuan a tha lo vang. Chutichuan, unaute u, in zingah Thlarau leh 3 fina khat mi hmingtha hlîr pasarih thlang rawh u, anni chu hêng thil rêltu atân hian kan siam ang; keini erawh chu tawngtai leh 4 thu rawngbâwlin kan awm leh tlat zêl ang,” an ti a.

Chûng thu chuan mipui zawng zawng chu a tilâwm a; tichuan, 5 Stephana rinna leh Thlarau Thianghlîma khat nê, Philipa nê, Prokora nê, Nikanora nê, Timana nê, Parmena nê, Nikola Judate saphun Antiokei khuaa mi nê an thlang a; chu mite chu tirhkohte hmaah an dintîr a: tin, anni chuan an tawngtai 6 a, an chungah an kut an ngat a.

Tin, Pathian thu chu a lo darh a; Jerusalem khuah zirtîr- 7 teho an pung ta êm êm a; puithiamte zingah pawh mi tam takin rinna chu an awi ta a.

Tin, Stephana chu ngilneihna leh thiltihtheihnain a khat a, 8 mi zingah thilmak leh chhinchhiaha ropui tak a ti thin a. Nimahsela, Sal Chhuakho te, Kurini khuah mi te, Aleksandria 9 khuah mi te inkhâwmna an tiha mi mi thenkhat leh, Kiliki rama

mi te, Asia rama mi te *inkhâwmnaa* mi mi *thenkhatte* chu an lo thawk a, *Stephana* chu an rawn hnial a. Nimahsela, a finna leh a sawipuitu *Thlarau* chu an letthla thei ta lo va.

Tin, mite an tham a; chu mite chuan, “*Mosia* leh *Pathian* a sawichhiat kan hria,” an ti a. Tin, mite, upate, lehkhaziaktute an fuihpawrh a, *Stephana* an bei a, an man a, rorêltute hnênah an hruai a; tin, hretu derte an siam a, chu mite chuan, “He mi hian he In *Thianghlim* leh Dân hi a sawichhe fo *thîn* a; he *Nazaret* Isua hian he In hi a *thiat* ang a, *Mosian* dân min pête kha a tidanglam dawn tih a sawi kan hria,” an ti a.

Tin, rorêltuho *thute* zawng zawng chuan *Stephana* an en reng a, a hmêl chu vântirhkoh hmêl angin an hmu a.

7 Tin, *Puithiam Lalber* chuan, “Hêng thu hi a dik em?” a. ti a.

Tin, *Stephana* chuan, “*Unaute* u, pate u, ngai teh u. Kan thlahtu *Abrahama*, *Haran* khuua a awm hmaa, *Mesopotamia* rama a awm lai khân, *Ropuina* *Pathian* chu a hnênah a rawn inlâr a, a hnênah, ‘I khaw lam leh i chiteho zîng ata chhuak la, ram ka la entîr tûr che lamah kal rawh,’ a ti a. Tin, ani chu *Kaldaiho* ram ata a kal chhuak a, *Haran* khuuah a va awm ta a; tin, a pa a *thih* hnuin chuta tângin hei tuna in awmna khaw lamah hian *Pathianin* a pêm luhtîr a. Tin, hetah hi chuan engmah hmun luah tûr, a ke nghahna tham pawh, a pe lo va; nimahsela, amah leh a hnua a thlahte thlenga ro tûrin pêk a tiam a, fa a la neih hma pawhin.

“Tin, *Pathianin* hetiangin a sawi:—‘A thlahte mi ram lamah kum zali an thang ang a, mûin bawiah an siam ang a, an tiduhdah bawk ang,’ tiin. Tin, *Pathianin*, ‘A bawitu tûrte hnam chu keimahin ka la ngaihtuah ang a, tin, chu mi zawhah chuan an lo chhuak ang a, he mi hmunah hian ka rawng an la bâwl ang,’ a ti bawk a. Tin, *Pathianin* a hnênah serhtan thu kha a thlung a; chutichuan, *Abrahama* chuan *Isaaka* a hring a, a ni riat niah a serh a tan a; tin, *Isaaka* chuan *Jakoba* a hring a; tin, *Jakoba* chuan chi thlahtu sâwm leh pahnihte kha a hring a.

“Tin, chi thlahtute khân *Josefa* an îsîk a, *Aigupta* ram lamah an hralh a; nimahsela *Pathian* a hnênah a awm a, a hrehawm tuar zawng zawngah a chhan chhuak zêl a, *Aigupta* ram lal *Pharaoa* pawh a khawngaihtîr a, mi fîng tak a ni tih a hriattîr bawk a; tichuan, ani chuan *Aigupta* ram leh a ina mi zawng zawng chungah hotuah a siam ta a.

“Tin, *Aigupta* leh *Kanaan* ram zawng zawngah chuan tîm a lo tla a, hrehawm nasa tak a lo thleng ta a; kan thlahtute chuan ei tûr rêng rêng an hmu ta lo va. Nimahsela, *Jakoba* chuan *Aigupta* ramah buh a awm tih a hriat veleh kan thlahtute chu a tîr

chhuak a; chu chu an kal țantirhna ber a ni. Tin, an kal vawi 13  
 hnihnah chuan, Josefa chu a unaute hnênah chuan a inhriattir  
 a; tin, Josefa unaute chu Pharaoa an hriattir ta a. Tin, Josefan 14  
 a pa Jakoba leh a unau zawng zawng a kohtir a; *anmahni chu*  
*sawmsariht leh panga an ni a.* Tichuan, Jakoba chu Aigupta ramah 15  
 a zuk kal a; tin, ani leh kan thlahtute chu an thi ta a, Sukem  
 khua an zâwn thleng a, Abrahaman Sukem khuua Hamora fapate 16  
 laka thlân tangka suma a leiah khân an zalh ta a.

“Tin, Pathianin Abrahamana hnêna thu a tiam kha a thlen 17  
 hun chu a lo thlen dâwnin, mite chu Aigupta ramah chuan an lo  
 pung a, an lo tam ta deuh deuh va, Josefa hre lo lal dang a lo awm 18  
 thleng khân. Chu mi chuan kan chite a ngamthlêm a, kan 19  
 thlahtute chu a tiduhdah a, an nausênte nung lo tûrin a paih  
 chhuahtir thîn a. Chu mi lai chuan Mosia a lo piang a, a hmêl 20  
 a țha êm êm mai a; a pa inah thla thum an châwm a; tin, an 21  
 paih chhuahtir Pharaoa fanuin a la a, ama fa atân a châwm ta a.

“Tin, Mosia chu Aigupta rama mite finna zawng zawng 22  
 an zirtir a, a thua leh a thiltihah a ropui êm êm a. Tin, ani 23  
 chu kum sawmli a tlin dâwn laiin a unau, Israela thlahte chu kan  
 a tum a. Tin, *an zînga* mi pakhat tihretheih tuar lai a hmu a, a 24  
 chhan a, tiduhdah tuartu phuba chu a la a, Aigupta mi chu a  
 tihlum ta a. *Mosia chuan* ama kutin Pathianin anmahni a chhan- 25  
 him tih a unauten an hria emaw a ti a, nimahsela an hre si lo.  
 Tin, atûkah *an zînga mi pahni* an insual laiin an hnênah a lo 26  
 thleng a, ‘Pute u, unau in ni alâwm; engatinge dik lo taka in intih?’  
 tiin, rem a tum a. Nimahsela, a thenawm chungah kawhmawh- 27  
 bâwltu zâwk chuan *Mosia* a nam kiang a, ‘Kan chungah hotuah  
 leh rorêltuah tuinnge siam che? Nimina Aigupta mi i tihlum 28  
 ang khân, mi tihlum i tum a ni maw?’ a ti a. Tin, chu mi thu  
 avâng chuan Mosia a tlân bo va, Midian ramah a thang reng a, 29  
 chutah chuan fapa pahni a nei a.

“Tin, kum sawmli a vei hnuin Sinai Tlâng thlalêrah, hnimbuk- 30  
 ah, meî alh zîngah vântirhkoh pakhat a hnênah a lo inlâr a.  
 Tin, Mosian a hmuh chuan, a thil hmuh chu mak a ti êm a; tin, 31  
 en tûra a va hnaih laiin Lalpa awin, ‘Kei i thlahtute Pathian ka  
 nih hi, Abrahamana Pathian, Isaaka *Pathian*, Jakoba *Pathian* chu,’ 32  
 a lo ti a. Tichuan, Mosia chu a khûr a, a en ngam ta lo va. Tin, 33  
 Lalpa chuan a hnênah, I kephah ata i pheikhawk kha phelh rawh;  
 i dinna hmun kha lei thanghlim a ni e. Aigupta rama ka mi awmte 34  
 chu an hrehawmzia ka hmu reng asin, an rûm pawh ka hre reng a,  
 anmahni chhanhim tûrin ka lo chhuk ta a ni. Hawh teh, Aigupta  
 ramah ka tir ang che,’ a ti a.

“Chu Mosia, ‘Hotu leh rorêltuah tuinnge siam che?’ tia an 35  
 hnar chu, hnimbuka vântirhkoh a hnêna inlâr khân a pui a, Pathian-



in amah ngei chu hotu leh chhanhimtu ni fâwm tûrin a tîr a ni.  
 Ani chuan Aigupta ramah te, Tuifinriat Senah te, thlalêrah te 36  
 chuan kum sawmli *chhûngin* thilmak leh chhinchhiahnate a hmuh-  
 tîr zet a, anmahni a hruai chhuak ta a.

“Israela thlahte hnêna, ‘Pathianin keimah *mî siam* ang hian, 37  
 in unaute zînga mî zâwlnei pakhat a siam sak ang che u,’ titu kha a 38  
 ni, chu Mosia chu. Chu mi chu thlalêra mi pung zînga Sinai  
 tlânga a betu vântirhkoh hnênah leh, kan thlahtute hnêna awm  
 kha a ni; chu mi chu min pêk chhâwn tûra thu nungte chu latu  
 kha a ni; kan thlahtute chuan a thu an zâwm duh lo va, an hnar 39  
 a, Arona hnênah, ‘Kan hma hruai tûrin pathiante min siam sak 40  
 rawh; he Mosia Aigupta ram ata min hruai chhuaktu lah hi, a chan-  
 chin kan hre ta si lo va,’ tiin, an rilrute chu Aigupta ram lamah a  
 lêt leh ta a. Tin, chûng lai chuan sebâwng no *lem* an siam a, a 41  
 lem chu ran talhin an bia a, anmahni kut chhuak chungah chuan  
 an hlim ta a. Chutichuan, Pathianin a hawisan a, vâna *arsiho* 42  
 chibai an bûk theihna tûrin anmahni a ensan ta a; Zâwlnei  
 lehkhahua,

‘ Israel chite u, thlalêrah khân kum sawmli *chhûngin*  
 Sa talh leh ran talhin kei mi bia em ni?  
 Moloka puan in leh pathian Rephana arsi pawh 43  
 chu,  
 Chibai bûk tûrin a lem in siamte kha,  
 In zâwn *zâwk* thîn a;  
 Chuvângin, Babulon khaw piah lamah  
 Ka hruai bo ang che u,’

tih, zia ang khân.

“A lem a hmuh anga siam tûra Mosia hriltuin a ruat ang khân, 44  
 kan thlahtuten thlalêrah khân hriattirna puan in chu an nei a.  
 Chu baw k chu kan thlahtute *thlah leh* pawhin an nei chhâwng zêl 45  
 a, Pathianin kan thlahtute hmaa Jentail a hnawh chhuahteho ram  
 an luah lai khân Josua *luh* rualin an luhpui a; Davida lo  
 awm thleng khân *chutah chuan a awm ta reng a*. Chu Davida chu 46  
 Pathian mithmuhi duhsak tlâkin a awm a, Jakoba Pathian tân  
 awmna siam sak a dil a. Nimahsela, Solomonan in chu a sak 47  
 sak ta zâwk a ni. Nimahsela, Chungnungbera chu kuta sak inahte 48  
 a awm ngai lo; zâwlnei chuan :—

Lalpain, ‘Vân ka thutphah a ni a, 49  
 Lei ka kephah ngahchhan a ni :  
 In eng angin nge mi sak sak ang?  
 Ka chawlhna hmun pawh engnge ni?  
 Keima kutin hêng thil engkim hi ka siam lo vem 50  
 ni?’ a ti e,

tia a sawi ang khân.

“ Mi tihmawh, thinlung leh beng tan lohte u, kumkhuain 51  
 Thlarau Thianghlim in dodâl fo ve; in thlahtute tih ang zêl khân  
 in ti thîn. In thlahtuten zâwlneite zîngah tunge an tihduhdah loh 52  
 ni? Mi Fel tak lo kal tûr thu hril lâwktute kha an tihlum a ; chu  
 Mi Takzet chu mantîrtu leh thattute nangmahni hi tûnah in 53  
 ni asin—Dân, vântirhkohte pêk chhâwn kha, hmu zeta zâwm  
 si lote u!” a ti a.

Tin, chûng thu chu an hriatin an thîn a khei ta a, *Stephana* 54  
 chungah chuan an ha an thial a. Nimahsela, ani chu Thlarau 55  
 Thianghlima khat a ni a, van lam a en tlat a, Pathian ropuizia  
 leh Pathian ding lama Isua ding a hmu a; “Ngai teh u, vân 56  
 inhawngte kâ hmu a, Pathian ding lama Mîhring Fapa ding  
 pawh ka hmu,” a ti a.

Chutichuan, anni chu aw ring takin an au va, an beng an hup 57  
 a, rual takin an bei chiam a, khua ata chu an hnawt chhuak a, 58  
 lungin an dêng a, a hretute chuan tlangvâl pakhat a hming Saula  
 ke bulah chuan an puante an dah hlawm a. Chutichuan, 59  
 Stephanan, “Lal Isu, ka thlarau la ang che,” tia *Lalpa* a koh  
 laiin lungin an dêng ruih ruih a.

Tin a thîngthî a; aw ring takin a au va, “Lalpa, hei an thil 60  
 tihsual hi an chungah mawh phurhtîr suh ang che,” a ti a. Tin,  
 chu thu chu a sawi zawh veleh a muhîl ta a. Saula pawh  
 chuan a thih chu a remti a.

**8** Tin, chu mi ni chuan, kohhran Jerusalem khuaa awmhote 1  
 chu nasa takin an tiduhdah t̃an ta a; tichuan, tirhkohte  
 chauh lo chu Judai leh Samari ram khaw tinah an darh ta vek a.

Tin, Pathian ngaihsak tutenemaw *Stephana* chu an phûm a, 2  
 nasa takin an t̃ah a. Saula erawh chuan kohhranhote a tiduhdah 3  
 êm êm a, in tinah a lût a, a hmei a pain a hnûk-chhuak a, tân inah 4  
 a khung thîn. Tin, a darhte chu khaw tinah an kal a, thu chu  
 an hril zêl a.

Tin, *Philipa* chu Samari khuaaah a zuk kal a, an hnênah *Krista* 5  
 thu a t̃l̃ngaupui a. Tin, ramhuai bawhlhlawhte chu mi tam tak 6  
 an manate kawchhûng ata aw ring taka auva an chhuah avâng  
 leh, zeng leh kebai tam takte pawh an lo dam tâk avângin, mipui-  
 ten a thu an hriata, a thilmak tihte an hmuhin, *Philipa* thu sawi  
 chu rilru hmunkhatin an ngaihsak a. Tin, chu mi khuaaah chuan 8  
 nasa takin an lâwm ta a.

Tin, a hming *Simona* mi pakhat a awm a; ani chuan, “Mi 9  
 lian ka ni,” tiin, hmânah chu mi khuaaah chuan dawî hmangin  
 Samari khuaa mite mak ti takin a siam thîn a; mi zawng zawng 10  
 chuan, mi chhe ber aţangin lal ber thlengin, “He mi hi Pathian  
 thiltihtheihna, Ropui an tih kha, a nih hi,” tiin, a thu an ngaihsak  
 hlawm thîn a. A dawî hmanin rei tak mak ti taka a siam thîn 11

avângin a thu an ngaihsak *thîn* a ni. Nimahsela, anni chuan 12  
 Pathian ram chanchin *tha* leh Isua Krista hming *chanchin tha*  
 Philipa hrilh chu an awi veleh, a hmei a pain baptisma an chang  
 ta a. Tin, Simona meuh pawhin a awi ve ta a; tin, baptisma a 13  
 chan zawhin Philipa hnênah a awm reng a, chhinchhiahna leh  
 thilmak nasa tak tihte a hmu a, mak a ti hle mai *thîn* a.

Tin, tirhkoh Jerusalem khuua awmte khân Samari khuua *miten* 14  
 Pathian thu an awi tih an hriatin, an hnênah Petera leh Johana 15  
 chu an *tîr* a; chu *mite* chu an zuk thlen chuan Thlarau Thiang-  
 hlim an hmuh theih nân an *taşwngtai* sak a. Chu mi hma chuan 16  
 an zîngah tuma chungah a la thleng lo; Lal Isua hmingin  
 baptisma an chang chauh a la ni. Tin, tirhkohte chuan an 17  
 chungah an kut an nghat a, Thlarau Thianghlim an hmu ta a.

Tin, tirhkohte kut nghah avânga Thlarau Thianghlim pêk a 18  
 ni tih Simonan a hmuhin, “*Heti*ang thuneihna hi mi pe ve rawh 19  
 u, tu chungah pawh kut ka nghahna apiangin Thlarau Thianghlim  
 an hmuh *ve nân*,” tiin, an hnênah tangka pêk a tum ta a.

Nimahsela, Peteran a hnênah, “I tangka hi i *boral* rualin *boral* 20  
 ve rawh se, Pathian thilpêk tangka suma lei i tum avângin. Hêng 21  
 thua hian i tel ve lo ve, chan pawh i nei hek lo; i rilru Pathian  
 ngaihin a fel lo ve. Chuvângin, i sual hi sim la, Lalpa hnênah 22  
*taşwngtai* rawh, chutichuan i rilrua i ngaihtuah hi a ngaidam mahna  
 che. Thil khâkna mîtah leh sual phuar thlûknaah i awm tih ka 23  
 hria a ni,” a ti a.

Tin, Simonan, “In thil sawi hi engmah ka chungah a thlen loh 24  
 nân nangnin Lalpa hnênah mi *taşwngtai* sak rawh u,” a ti a, a  
 chhâng a.

Chutichuan, anni chuan Lalpa thu chu an hriattîr a an sawi 25  
 zawhin, Jerusalem khuuaah an haw leh a; Samari rama mite khaw  
 tam tak hnênah Chanchin *Tha* chu an hril zêl a.

Tin, Lalpa vântirhkoh pakhatin Philipa chu a bia a, “Tho 26  
 la, chhim lama Jerusalem khuua *taşanga* Gaza khaw zuk chhun  
 kawngah khân kal rawh; chu *mi kawng* chu thlalêrah a kal tlang a 27  
 ni,” a ti a. Tichuan, a tho va, a kal ta a.

Tin, ngai teh, Ethiopia rama mi pakhat, Ethiopia lalnu Kan-  
 daki hnuaia mitilreh lal tak, a ro zawng zawng enkawltu,  
 Jerusalem khuuaah Pathian be tûrin a han kal a; a haw lam 28  
 chuan a tawlailîra *thû* chungin zâwlnei Isaia lehkhabu a chhiar  
 zêl a.

Tin, Thlarau chuan, Philipa hnênah, “Saw tawlailîr saw 29  
 va hnaih la, va pâwl rawh,” a ti a. Tin, Philipa chu *mitilreh* hnên- 30  
 ah chuan a va tlân a, zâwlnei Isaia lehkhabu a chhiar a hria a,  
 “I chhiar kha a *awmzia* i hria em?” a ti a. Tin ani chuan, “Tuma 31  
 mi hrilhfiar lohvin engtingnge ka *hriat* theih ang?” a ti a. Tin,

a hnêna thu chhuak tûrin Philipa chu a sâwm ta a. Tin, Pathian 32  
Lehkha a chhiar lai chu hei hi a ni :—

“Tal<sup>h</sup> tûrin berâm angin ani chu an hruai a;  
Berâm no a hmul mêt<sup>u</sup> hmaa a ngawi reng angin,  
Ani pawhin a kâ a âng lo;  
A tlâwm laiin a chungah thu rêl an phal lo; 33  
A thlahte chanchin tuinnge la hril ang?  
Khawvêl a<sup>ng</sup>angin a nun an lâk sak si a,”

*tih hi.*

Tin, mitilreh chuan Philipa a bia a, a hnênah, “Zâwlneiin 34  
hêng thu<sup>hi</sup> tu thu nge a sawi, ama thu nge mi dang thu? ka zâwt  
a che,” a ti a. Tin, Philipa chuan a sawi a, chu Pathian Lehkha 35  
Thu chu a bulah a tan a, a hnênah Isua *thu* a hrilh a.

Tin, kalkawnga an kal laiin tui engemaw an thleng a; tin, <sup>36</sup><sub>37</sub>  
mitilreh chuan, “En teh, heta hi tui a awm, baptisma channa 38  
tûr engin<sup>ge</sup> mi dâl kher?” a ti a. Tin, taw<sup>lailir</sup> chu a dintîr a,  
an pah<sup>ni</sup>hin, Philipa leh mitilreh chu, tuiah chuan an zuk kal dûn  
a; tin, *Philipa chuan* ani chu a baptis ta a. Tin, tui ata chu an 39  
chhuah ch<sup>hoh</sup> vele<sup>h</sup> Lalpa Thlarau chuan Philipa chu a la bo ta  
a; tin, mitilreh chuan ani chu a hmu leh ta lo, hlim taka a kal  
tâk zêl avângin. Nimahsela, Philipa chu *miin* Azota khuaah an 40  
hmu leh ta a: tin, a kal tlang a, Kaisari khua a thlen thlengin khaw  
tinah Chanchin *Tha* chu a hril zêl a.

**9** Saula erawh chuan Lalpa zirtîrho a vau thu leh thah a tum 1  
thu a la chhâk chhuak ta cheu va, Puithiam Lalber hnênah 2  
a kal a, Damaska khuaa inkhâwmna in zawng zawnga *mite* hnêna  
pêk tûrin lehkhate a dîl a, Kawnga mi chu tupawh a hmuh chuan,  
hmeichhia pawh, mipa pawh, Jerusalem khuaah phuar chunga a  
rawn hruai theihna tûrin.

Tin, a kal laiin, Damaska khua a thlen dâwnin, thâwkkhatan 3  
êng vâ<sup>n</sup> ata a vêlin a lo êng ta phut a; tin, leiah a tlu a, a hnênah,  
“Saula, Saula, nangin engatinge mi tihduhdah hi?” tiim, aw a  
hria a. Tin, ani chuan, “Lalpa, tunge i nih?” a ti a. Tin, Lalpa 5  
chuan, “Isua, i tihduhdah hi ka ni e; nimahsela, tho la, khuaah 6  
lût rawh, tichuan i tih tûr an lo hril ang che,” a ti a.

Tin, a hnêna kal vete chu dang rengin an ding a, aw zawng 7  
an hre na a, nimahsela tumah an hmu si lo va. Tin, Saula chu 8  
lei ata chu a tho va; tin, a han meng a, engmah a hmu *thei* ta lo va;  
tichuan a kutah an kai a, Damaska khuaah chuan an hruai lût a.  
Tin, ni thum khaw hmu lovin a awm a, engmah a eiin a in 9  
lo va.

Tin, Damaska khuaah chuan a hming Anania zirtîr pakhat a 10  
awm. Tin, Lalpa chuan mumang angin a hnênah, “Anani!”  
a ti a. Tin, ani chuan, “En teh, Lalpa, heta hi ka awm,” a ti a. 11

Tin, Lalpa chuan a hnénah, “Tho la, kawthlêr, Ngil an tihah chuan kal la, Juda inah, Tarsa khuaa mi, a hming Saula zâwt chhuak rawh; ngai teh, a tawngtai mêk a ni a; a hming Anania mi 12 pakhat lûta, a mit tivâr tûrin a chungah kut ngathin a hmu tawh e,” a ti a.

Tin, Anania chuan, “Lalpa, chu mi chu Jerusalem khuaa i 13 mi thianghlime chung a tihsual tamzia thu mi tam tak kaah ka hria a ni; tin, hetah pawh i hming lam apiang phuarna tûrin 14 puithiam lalte hnên ata thu a limu reng asin,” a ti a, a chhâng a.

Nimahsela, Lalpa chuan a hnénah, “Kal mai rawh; Jentailte, 15 lalte, Israela thlahte hnêna ka hming put luh nâna ka bêl ruat a 16 ni alâwm; ka hming avângin hrehawin eng tia nasa nge a tuar tûr amah ka la hriattîr dâwn a ni,” a ti a.

Tin, Anania chu a va kal a, inah chuan a lût a: tin, a chungah 17 a kut a ngath a, “Ka nau Saul, i mit vârna tûr leh, Thlarau Thianghlime khata i awm theih nân, Lalpa, i lo kalna kawnga i hnêna inlâr Isua khân mi rawn tîr a ni,” a ti a.

Tin, thâwkkhatan a mit ata puhlip ang a tla ta ngâl a, 18 a mit a vâ leh ta a; tin, a tho va, baptisma a chang ta a. Tin, 19 chaw a ei a, a harh leh ta a.

Tin, Damaska khuaa zirtîrho awmte hnénah chuan ni engzât 20 emaw lai a awm a. Inkhâwmna inahte chuan Isua chu Pathian Fapa a nihzia thu a tângaupui ta ngâl a. Tin, a thu hretu 21 zawng zawng chuan mak an ti hle a, “He ni hi Jerusalem khuaa he hming lamtute tiduhdah thîn kha a ni lo vem ni? Chúng mite chu puithiam lalte hnêna phuar chung a hruai, a rawn kal chhan a nih kha,” an ti a. Saula erawh chu a lo chak lehzuai a, chu mi chu 22 Krista a ni tak zet tih a hrilhfiah a, Damaska khuaa Juda awmte chu a tidang hiau thîn a. Tin, ni rei tak hnuah chuan Saula ti- 23 hlum tûrin Judate chu an inrâwn a; nimahsela, ani chuan an phiar chu a lo hre ta a. Tin, tihlum tûrin kuli kawngka tinah chuan a 24 chhûn a zânin an châng thîn a. Nimahsela, a zirtîrten ani chu 25 an hruai a, zânah kulh tukverhah bâwmin an thlâk thla ta a.

Tin, Saula chuan Jerusalem khuaa a thlen veleh zirtîrhote chu 26 pâwl a tum a; anni erawh chuan an zain ani chu an hlau va, zirtîr a ni ve tih an ring lo va. Barnaba erawh chuan ani chu a hruai a, 27 tirhkohte hnénah chuan a rawn kalpui a, kalkawngah Lalpa a hmuh a, a biakzia te, Damaska khuaa Isua hminga huai taka thu a hrilzia te pawh chu an hnénah a sawi ta a.

Chutichuan, Saula chu Jerusalem khuaa chuan an hnénah 28 lût thîn chhuak thînin a awm ta a, Lalpa hmingin huai takin thu a hril thîn a. Tin, Grik Judate hnénah thu a sawi a, a hnial a; 29 anni erawh chuan ani chu tihlum an tum a. Tin, unaute chuan 30

chu chu an hriatin, Kaisari khuaah an hruai chhuk a, Tarsa khuaah an tîr ta daih a.

Chutichuan, kohhranhote chu Judai ram vèlah te, Galili ram 31 vèlah te, Samari ram vèlah te chuan an nghet deuh deuh va, muang takin an awm ta a; tin, Lalpa tîh dèkin, Thlarau Thianghlim thlamuanin an awm a, an lo pung ta telh telh a.

Tin, Peteran khawvèl a fan pahin, Ludda khuaa mi thianghlim 32 awmte hnénah a zuk kal bawk a. Chutah chuan mi pakhat, a 33 hming Ainia, a zen avânga kum riat khuma mu reng a hmu a. Tin, Petera chuan a hnénah, “Aini, Isua Krista chuan a tidam 34 a che; tho la, i âwngphah zial rawh,” a ti a. Tichuan, a 35 tho ta ngâh a. Tin, Ludda khua leh Saron phaia awmte zawng zawng chuan Ainia chu an hmu a, Lalpa lam an hawi ta hlawm a.

Tin, Joppa khuaah a hming Tabithi zirtîr pakhat a awm a, 36 (*Tabithi* awmzia chu Dorki a ni e); chu hmeichhia chuan thil tih- 37 t̄hat leh thilpèk a ngah hle a. Tin, chúng lai chuan a dam lo va, 38 a thi ta a; tin, an bualfai a, pindan chungnungah an zalh a. Tin, 38 Ludda khua chu Joppa khawkiang a nih avângin, zirtirteho chuan Petera chutah chuan a awm tih an hria a, “Rei rial lovin kan hnénah lo kal ang che,” tia ngên ciam *tûrin* a hnénah mi pahnih an tîr a.

Tin, Petera chu a tho va, an hnénah a kal ve ta a. Tin, a thlen 39 veleh pindan chungnungah chuan an hruai a; hmeithai zawng zawng chu a kianga dîngin Dorki an hnéna a awm laia a kawr 40 siamte, a puan siamte entîr chungin an t̄ap hlawm a. Nimahsela, 40 Petera chuan an zain a chhuahtîr vek a, a t̄ingt̄hi a, a t̄awngt̄ai ta a; tin, ruang lam a hawi a, “Tabith, tho rawh,” a ti a. Tichuan, a mit a han meng a, Petera chu a hmuh veleh a t̄hu ta hlawl a. Tin, Petera chuan a kut a pe a, a kaitho ta a; tin, mi thianghlimte 41 leh hmeithaite chu a ko va, damin a kawhhamuh a.

Tin, chu chu Joppa khua zawng zawng chuan an hre ta vek 42 a; mi tam takin Lalpa chu an ring ta a. Tin, Petera chu ni tam 43 tak Joppa khuaah Simona savun siamtu inah a châm reng a.

**10** Tin, Kaisari khuaah a hming Kornelia mi pakhat a awm; 1 Itali pâwl an tih, chu mi pâwla sipai za hotu a ni a, Pathian 2 ngaihsak mi a ni a, a chhûngte zawng zawng nêh Pathian an t̄ih t̄hin a, mite hnénah thil tam tak a pe t̄hin a, Pathian hnénah pawh à t̄awngt̄ai fo va. Chu mi chuan behliang mun hun lai vèlah mu- 3 mang angin fiah takin Pathian vântirhkoh pakhat a hnénah lûta, 4 “Korneli,” tiin a hmu a. Tin, Kornelia chuan ani chu a lo en 4 reng a, a hlau va, “Lalpa, engnge ni?” a ti a. Tin, ani chuan a hnénah, “I t̄awngt̄ainate leh i thilpèk thute kha hriat reng t̄urin 5 Pathian hmaah a thleng chho ta a. Tûnah Joppa khuaah mite tîr la, mi pakhat Simona, Petera an tiha chu, han hruiatîr rawh;

savun siamtu Simona hnénah a thleng a ni, a in chu tuihuariat 6  
kamàh a awm," a ti a.

Tin, vântirhkoh a betu chu a kal veleh, *Kornelia chuan* a chhiah- 7  
hlawhte zinga mi pahnh leh a rawnghâwl fote zinga Pathian 8  
ngaihsak sipai pakhat a ko va; tin, thu zawng zawng chu an  
huénah a hrih zawhin Joppa khuah chuan a tir ta a.

Tin, atukah an kal laia. khaw kiang au thlen dâwain, Petera 9  
chu tawngtai tûrin, chawfâk hun lain. in chumeah a lăwn chho  
va; tin, a ril a lo tām a, chaw ei a duh ta a; nimahsela ei tûr 10  
an siam lai chuan englovin a zêl ta a. Tin, vān inhawngin, englo 11  
bāwm, puan lian tak ang, a kil lia hlina, leia uai thlain a hmu a;  
chu mi chhūngah chuan fuliafa leh, rannang leh, chunglêng sava 12  
tinrēngte an awm a. Tin, a hnénah awm. "Peter, tho rawh; talh 13  
la, ei rawh," a rawn ti a. Nimahsela. Petera chuan, "Lalpa, ni 14  
lo ve; thiāng lo leh bawhlhlawh engmah rōng ka ei ngai lo ve,"  
a ti a. Tin, aw chuan vaw huihnah. "Pathianin a tihthianghlim 15  
tawh chu nangin thiāng lo ti suh," a ti a. Chutiang hlirin vaw 16  
thum a lo awm a; tin, bāwin chu vāna khai chhohvin a awm leh  
ta ngāl a.

Tin, Petera chuan mumang anga a hmuu chu a ngaihna hre 17  
lova a mangan lain, Kornelia mi tirhte chuan Simona in chu an  
lo zāwt chhuak tawh a. kawngkhār bulah au lo ding a, an au va, 18  
Simona, Petera an tiha chu, chutah chuan a thlen leh thlen loh  
an zāwt a.

Tin, Petera chuan a mumang ang thu chu a ngaihtuah lain, 19  
Thlarauvin a hnénah, "Ngai teh, mi pathumin an zawng a che.  
Chutichuan, tho la. chhuk la, engmah ringhlel lovin anmahni zui 20  
rawh; anni chu ka tirh an ni e," a ti a.

Chutichuan Petera chu chu mite hnénah chuan a chhuk a, an 21  
hnénah, "In zawn li ka ni e; engnge in rawn kal chhan?" a ti a.

Tin, anni chuan, "Vântirhkoh thiānghlim pakhatin, Kornelia, 22  
sipai za hotu, mi fel tak, Pathian tih, Juda hnam zawng zawng  
zinga mi hmingtha hnénah chuan, i thu sawi a hriat nân, a inah  
nangmah ko tûr chein a hrih a ni," an ti a. Chutichuan mite 23  
chu a ko lût a, a riahtir ta a.

Tin, atukah chuan Petera chu a tho va, an huénah a kal a,  
Joppa khuah mi unau tuteemaw pawh a hnénah an kal ve a.  
Tin, atuk lelah Kaisari-khuah chuan an lût ta a. Tin, Kornelia 24  
chuan a laichiute leh a thian duh berte ko khāwmin, anni chu  
a lo ngāk reng a.

Tin, Petera chu a luh dāwn lai takin Kornelia chuan a lo hmuak 25  
a, a ke bulah a bawkkhup a, Pathian chibai bûk angin a bûk a.

Nimahsela, Petera chuan ani chu a kaitho va, "Ding rawh, 26  
kei pawh mihring ka ni alāwm," a ti a.

Tin, a hnénah thu sawi chungin a lút a, mi tam tak awm 27  
khâwm chu a va hmu a. Tin, an hnénah, “Juda miin hnain 28  
dang pâwl leh an hnéna kal a thian lohzia nangnin in hria a ni;  
nimahsela, tunah thiàng lo leh bawhlhlawh ka ùh túr a ni lo tih  
Pathianin mi hriattir a ni. Chuvângin mi rawn koh veleh khân 29  
lnial lovin ka lo kal ta a nih hi. Tichuan ka zâwt a che u  
engnge mi rawn koh chhan le?” a ti a.

Tin, Kornelia chuan, “Ni li a ni ta, tûn hun ang thleng hian, 30  
ka inah, behliang mun hun ðawngtâinaah ka ðawngtai a; tin,  
ngai teh, mi pakhat puan êng tak sinin ka huaah a lo ding a,  
‘Korneli, i ðawngtâina kha hriatin a awm ta, mi hnéna i thilpêkte 31  
pawh kha Pathianin a hre reng e. Chuvângin. Joppa khuaah 32  
mi tir la, Simona, Petera an tiha chu, i hnénah ko rawh; ani chu  
tuilnriat kamah sawn siantu Simona inah a thleng a ni,’ a ti a.  
Chuvângin i hnénah mi ka rawn tir ta nghâl a ni; i lo kal hi a ðha 33  
e. Chutichuan, Lalpan thu a pèk apiang che hre túrin túnah  
Pathian mithmuhin kan zain hetah kan awm a nih hi,” a  
ti a.

Tin, Petera chuan a sawi a :—“Pathianin mi duhsak bik a 34  
nei lo tih, dik takin ka hria e; nimahsela, huam tin zingah tupawh 35  
anah ðiha, fel taka ti apiang, a lâwmzâwng nî au ni thin. Ani 36  
chuan thlamuanna Chanchin Tha Isua Krista kaa hrilin, Israela  
thlalte hnénah thu a thawh a, (*Isua chu* mi zawng zawng Lal a  
ni a), Johanan a tlângaupui thin baptisma zawlah khân, thu, 37  
Galili ram aţanga lo thang ţana, Judai ram zawng zawnga thang  
chhuak kha, nangnin in hre bawh alâwm; Nazaret Isua chung- 38  
châng thu kha, khatia Pathianin ani chu Thlarau Thianghlin  
leh thiltihtheilmaa a viirzia kha; ani chuan *mi chung* ðiţha leh  
diabola tihduhdah zawng zawng tidamin a sang vèl thin a.  
Pathian a hnénah a awm avângin. Judate ramah leh Jerusalem 39  
khuaa a thiltih zawng zawng hretute kan ni e; ani chu thing lérâh  
khaiin an tihlun ta a. Pathianin ani chu ni thum niin a kaitho 40  
leh a, fiah takin a entir a, amaherawhchu mi zawng zawng hnénah  
a ni lo, Pathianin hretua a ruat lâwkate hnénah chauh a ni,— 41  
keimahni, mitthi zing ata a thawh leh huua a hnéna eia bârte  
hnénah hian. Ani chu mitthite leh mi nungte chungâ Rorêltua 42  
Pathian ruat chu a ni tih, mi hnéna tlângaupui leh hriattir tûin  
Pathianin thu niin pe a ni. Tupawh amah chu ring apiang a 43  
hming avângin sualte ngaihnathiamin an awm ang tih, hêng a  
chanchin hi zâwlnei zawng zawngin an hriattir ðiţha kha,” a ti a.

Tin, Peteran chûng thu chu a sawi lai tak chuan thu hretute 44  
zawng zawng chungah chuan Thlarau Thianghlin a lo thleng  
ta a. Tin, Serthanho zînga ringtute Petera rawn zui apiang 45  
chuan Thlarau Thianghlin pèk chu Jentailte chungah pawh leih



a nih avângin mak an ti ble a; tawng *hriat loh*tea thu sawiin Pathian 46  
fakin an hre si a.

Tin, Peteran a bua a, "Hêng mite, keimabni anga Thlarau 47  
Thianghlim hma ve hi, baptisma an chan loh nân mûn tui *hman*  
an khap thei em ni?" a ti a. Tichuan, Isua Krista hminga 48  
baptisma chan tûr thu a pe a. Chûng zawhah chuan ni engzât  
emaw châmah an ngen a.

**II** Tin, Judai rama tirikoh leh unau awmte chuan Jentailte 1  
pawhin Pathian thu an zâwn tih an hre ta a. Tichuan, 2  
Petera chu Jerusalem khua a thlen chhoh vele, Serhtanhoten a  
hnênah, "Serhtanlote inah i lût a, an hnênah i ei vei a," an ti a, 3  
an kalh a.

Nimahsela, Petera chuan a bul aţangin indawt zialin an 4  
hnênah a hrilhliah a :—"Joppa khuaah tawngtâin ka awm 5  
a; tin, englovin mi zêl a, munang angin englo bâwm, puan lian  
tak ang, a kil lia hlina. vâna ata uai thla ka hmu a; ka kiangah  
ngei mi rawn hnaih a; tin, chu chu ka en reng a, ka ngaihtuah a, 6  
leia mi fuliafate, ram sate, rannungte leh chunglêng savate ka hmu  
a. Tin, awin, 'Peter tho rawh; talh la, ci rawh' mi tiin ka hre 7  
bawh a. Nimahsela, keiin, 'Lalpa ni lo ve; thiang lo leh 8  
bawhlhlawh engmah rêng ka kaah a lût ngai lo,' ka ti a.  
Nimahsela, vâna ata aw chuan a vawi huilnaah. 'Pathianin a 9  
tihthianghlim tawh chu nangin thiang lo ti suh,' tiin mi chhâng  
a. Chutiang hlinn vawi thum a lo awm a; tin, engkim chu vânah 10  
khai chhohvin a awm leh ta a. Tin, ngai teh u, mi pathum Kaisari 11  
khua ata ka hnênah an rawn tîr a, kan awmna kawtah chuan  
an lo ding reng tawh a.

"Tin, Thlarauvin tumah thlei bik lova anmahni zui tûrin 12  
mi tîr a. Hêng unau paruk pawh bian mi zui ve a, mi inah  
chuan kan lût a; tin, ani chuan kan hnênah, a ina vântirhkoh 13  
ding a hmuhzia leh, *vântirhkoh chuan* a hnêna, 'Joppa khuaah mi  
tîr la, Simona, Petera an tih chu, han hrutîr rawh; ani chuan 14  
thu a hrilh ang chia, chu ni *thuîn* nang leh i chhûngte chu  
chhandamin in awm ang,' a tihzia pawh mûn hrilh a. Tin, thu 15  
ka sawi tirliin, Thlarau Thianghlim kan chung a lo thlen tîr lai  
ang bawh kân, an chungah a lo thleng ta a. Tin, Lalpa thu, 16  
'Johanan tuiin mi a baptis thin kha: amaherawhchu nangni  
zawng Thlarau Thianghlimin baptisma in la chang ang,' a tihziate  
kha, ka lo hre chhuak leh ta a. Chutichuan Lalpa Isua Krista an 17  
rin vele, Pathianin thilthlâwnpêk mûn pêk ang kha an hnêna a  
pêk ve ahnuin, kei tehlu hi Pathian huial rual em ka ni?" a ti a.

Chûng thu chu an hriatin an ngawi ta a, "Chuti a nih chuan 18  
Pathianin Jentailte pawh ung atân sim a phial ta a nih tak chu,"  
tiin, Pathian an lak ta a.

Tin, Stephana avānga an tihduhdaha darhte kha, Phoiniki 19  
ram te, Kupra thliarkār te, Antiokei khua te thlengin an kal a,  
Judate hnénah chauh lo chuan tū hnénah mah thu chu an hril  
lo zél a. Nimahsela, an zinga a then chu Kupra thliarkār leh 20  
Kurini khuaa mite an ni a, chu mite chuan Antiokei khua chu  
an thlenin Grikte hnénah pawh thu an sawi a, Lalpa Isua Chanchin  
Tha chu an hrilh ve ta a. Tin, Lalpa kutin anmahni a tanpui 21  
a; mi tam takin an ring a, Lalpa lam chu an hawi ta hlawm a.

Tin, an chanchin thu chu Jerusalem khuaa kohhran awmte 22  
bengah chuan a lo lút ta a: chutichuan Antiokei khaw thleng  
chuan Barnaba chu an tir chluak ta a. Tin, ani chu a va thleng 23  
a, Pathian khawngaihzia chu a hmuh chuan a láwm hle a,  
thahnemngai taka Lalpa vuan reng túrin an zain a fuih ta a.  
Barnaba chu mi tha tak a ni a, Thlarau Thianghlin leh rinnaa khat 24  
a ni. Tin, mi tam takin Lalpa hnénah an tel belhchhah ta a.

Tin, Barnaba chu Saula zawng túrin taisa khuaah a kal a; 25  
tin, a hmuh chuan Antiokei khuaah chuan a rawn hruai a. Tin, 26  
kum khat zet kohhrante inkhawmnaah chuan an tel ve thin a,  
mi tam tak an zirtir bawh thin a. Antiokei khuaah chuan a ni,  
zirtirteho chu “Kristian” an tih hmasak ber ni.

Tin, chúng lai chuan zawlnei tuteemaw Jerusalem khua aţangin 27  
Antiokei khuaah chuan an zuk kal a. Tin, an zinga ini pakhat, 28  
a hming Agaba, a ding a, khawvél zawng zawngah tam nasa tak  
a tla dawn tih Thlarau hrilhin a hriattir a; chu tam chu Klaudia  
lal lain a lo thleng ta a. Tichuan zirtirteho chuan, an theih 29  
tawk theuhvin, Judai rama unau awmte hnénah chuan  
chhawmdawlna túr thawn an tum a; chu chu an ti ta ngei a,  
Barnaba leh Saula kutah chuan upate hnénah an thawn ta a. 30

**12** Tin, chutih lai vél chuan Lal Herodan kohhrante zinga 1  
tuteemaw tihduhdah tunin a kut a lek ta a. Tin, Jakoba, 2  
Johana unau chu, khandaillin a sathlum a. Chu chuan Judate 3  
a tilawm tih a hriatin, Petera pawh chu man a tum leh zél a.  
(Chúng nite chu chhang dawiddin telh loh ni a ni.) Tin, a man 4  
hnuah chuan tan inah a khung a. sipai pawl li, pali theuh zelin,  
a vén chhawktir a; Kallilu Kút zawhin mi zawng zawng hnénah  
hruai chhuah a tum a. Chuvangin Petera chu tan inah chuan 5  
a awmtir rih a; nimahsela, kohhranhovin ania tan thahnemngai  
takin Pathian hnénah an tanngai sak thin a.

Tin, Heroda chuan a hruai chhuah dawnin, chu mi zan takah 6  
chuan Petera chu sipai pahuih inkarah khaidiat pahuih bunin a  
muhil a; a vengtute pawh kawngkhah bulah an aum a, tan in chu 7  
an veng a. Tin, ngai teh. Lalpa vantirhkohe pakhat a kiangah  
a lo ding a, ripah chuan eng engemaw a lo eng a; tin, Petera  
nakah a beng harh a, “Tho thuai rawh,” a ti a. Tin, a

khaidiatte chu a kut ata a tla ta a. Tin, vântirhkoh chuan a 8  
 hnênah, "Puan veng la, i pheikhawk bun rawh," a ti a. Tin,  
 ani chuan chutiingin a ti a. Tin, vântirhkoh chuan a hnênah,  
 "I puan bât tha la, mi zui rawh," a ti a. Tin, Petera chu a chhuak 9  
 a, a zui ta a; vântirhkoh chêtzia chu atak a ni tih a hre lo va,  
 mumanga a hmuh emaw a ti zâwk a. Tin, vêngtu tawntirh leh 10  
 a dawttu an pelh linu chuan, pâwn chhuahna tûr thîr kawngkhâr  
 chu an va thleng a, chu chu an tân a inhawng chawp ta a; tin,  
 an chhuak a, kawthlêr pakhat an pêl a; tin, vântirhkoh chuan a  
 kalsan ta nghâl a.

Tin, Petera chuan a liarh veleh, "Lalpain a vântirhkoh a tir 11  
 chhuak a, Heroda kuta mi leh Juda mite beiseina zavng zavng  
 ata mi chhandam tih tûnah dik takin ka hre ta," a ti a. Tin, a 12  
 inggaihtuah zawhin, Johana, Marka an tih, chu mi nu Mari inah  
 chuan a va kal a; chutah chuan tawngtâin mi tam tak an lo awm  
 khâwm a. Tin, sumhmun kawngkhâr a kik veleh, a hming 13  
 Rodi, nula pakhat, chhâng tûrin a va kal a. Tin, Petera aw a hriat 14  
 veleh, a lâwm avângin kawng chu hawng lovin a tlan lût leh ta  
 zâwk a, Petera kawngkhâr bulah a ding tih a va hrih a.  
 Nimahsela, anni chuan a hnênah, "I â ta a nih hi," an lo ti a. 15  
 Ani erawh chu, "Tih tak zet a ni," tiin, a tâng tâl a. Tin, anni  
 chuan, "A vântirhkoh a nih chu," an ti a. Nimahsela, Petera 16  
 chuan a kik fo va; tin, an han hawn chuan, amah chu an hmu a,  
 mak an ti hle a. Chutichuan, ani chuan an ngawihna tûrin 17  
 kutin a zâp a, Pathianin tân in ata amah a hruai chhuahziate  
 chu a hrih ta a. Tin, "Hêng thu hi Jakoba leh unaute va hrih  
 rawh u," a ti a. Tin, a chhuak a, dang lamah a kal ta a.

Tin, ni a chhuah veleh, sipaihote chu, "Petera khawiahnge a 18  
 awm tâk?" tiin, buai namênin an buai lo va. Tin, Heroda 19  
 chuan a zavng a, a hmu si lo va, a vêngtute chu a chhuahchhâl  
 a, tihlum tûrin thu a pe ta a.

Tin, Heroda chu Judai ram ata Kaisari khuaah a zuk kal a, chutah  
 chuan a awm reng a. Tin, Tura leh Sidon khuaa mite chungah 20  
 chuan a lungni lo êm êm a; tin, anni chuan Blasta, lal khum vêngtu  
 chu, an thianah an siam a, thu khat vuain a hnênah an lo kal a,  
 an khaw lamin lal khaw lama pûr chaw thîn an nih avângin rem  
 an ngên a. Tin, a ni tiam niin Heroda chuan lal puan a sin a, 21  
 lalthutphahah a thu a, an hnênah thu a sawi a. Tin, mi 22  
 zavng zavng chuan, "Pathian aw a nih hi, mihring aw a ni lo  
 ve," an ti a, an au thîn a. Tin, ani chuan Pathian hnênah 23  
 chawimawina chu a pêk loh avângin Lalpa vântirhkohvin  
 chawplehchilhin a man a, rûlhûtin a ei a, a thi ta a.

Pathian thu erawh chu a darh a, a pung ta zêl a. 24

Tin, Barnaba leh Saula chuan rawng chu an bâwl zawhin, 25

Jerusalem khua ata chu an kir leh ta a, Johana, Marka an tiha chu, an hnénah an hruai a.

**13** Tin, Antiokei khuaa kohhranho awmte zingah chuan thu 1  
hriltute leh zirtirtute an awm; *chúng chu* Barnaba te, Sumeona 2  
Nigera an tih te, Kurini khuaa mi Lukia te, lal Heroda unau túr 3  
Manaina te. Saula te an ni. Tin, Lalpa rawng an bâwl a, chaw 4  
an nghei laiin, Thlarau Thianghlimin, “Barnaba, leh Saula hi 5  
anmahni ka ruat chhan ti túrin mi tihhran sak rawh u,” a ti a. 6  
Chutichuan, chaw an nghei a an ƣawngƣai zawh chuan an chungah 7  
kut an nghat a, an kaltir ta a.

Chutichuan, Thlarau Thianghlim tirh chhuahin an kal a, 8  
Selukai khuaah an chhuk a, chuta ƣangin Kupra thliarkarah 9  
lawngin an kal a. Tin, Salamis khuaa an awm laiin Juda 10  
inkhâwmna inahite Pathian thu an hrii thin a; Johana, pawh kha 11  
an rawng bâwl túrin an hruai ve a.

Tin, thliarkar chu Paphos khaw thlengin an ƣang chhuak a, 12  
dawithiam, zâwlnei der, Juda mi pakhat an hmu a, a hning chu 13  
Barisua a ni a. Chu mi chu lal aiawhtu, Serjia-Paula, mi ƣing 14  
tak hnénah awm a ni a. Chu *lal aiawhtu* chuan Barnaba leh Saula 15  
chu a ko va, Pathian thu hriat a tum a. Nimahsela, Eluma, 16  
(*Barisua* hning *dang* awmzia hi Dawithiam a ni a), chu mi chuan 17  
lal aiawhtu chu rin lohtir tumin, anni chu a lo dodâl a.

Chutichuan, Saula, (Paula an tih bawh chu), Thlarau 18  
Thianghlimin a khat a, ani chu a en reng a, “Nang mi bum leh 19  
huatthlalâk tinrénga khat pa, nang diabola fapa, nang fel tinréng 20  
malmâk pa, Lalpa kawng fel takte hi tihchhiat i bâng lo vang 21  
maw? Hre rawh, túnah Lalpa kut i chungah a tla a nih hi, i mit 22  
a lo del ang a, khaw êng i hmu rih lo vang,” a ti a. Tichuan 23  
chhûm leh thimin amah a bawh ta nghâl a, kuta kaitu túr zawngin 24  
a vâk a vâk ta a. Tin, lal aiawhtu chuan chu thiltih chu a hmu 25  
a, Lalpa zirtir thu chu mak a ti hle a, a ring ta a.

Tin, Paula chu a hote nén chuan Paphos khua aƣang chuan 26  
lawngin an kal a, Pamphulia rama Perga khua an thleng a; tin, 27  
Johana khân anni chu a kalsan a, Jerusalem khuaah a kir leh 28  
ta a.

Nimahsela, anni chu Perga khua ata an kal zêl a, Pisidia rama 29  
Antiokei khua an thleng a; tin, Chawlhniin inkhâwmna inah an 30  
lût a, an ƣu a. Tin, Dân *Lehkhabu* leh Zâwlneite *Lehkhabu* chhiar 31  
zawhin, inkhâwmna in hotuten an hnénah mi an tir a, “Unaute 32  
u, mite fuihna thu engemaw in neih chuan sawi rawh u,” an ti a.

Tin, Paula a ding a, kutin a zâp a, a sawi a:—“Israel mite leh 33  
Pathian ƣitute u, ngai teh u. Hêng Israel chite Pathian hian kan 34  
thlahtute a thlang a, mi Aigupta rama an thang lai khân a 35  
chawimawi a, chungnung kutin chuta ƣang chuan a hruai chhuak 36

ta a. Tin, kum sawmli lai thlalêrah khân an thiltihte chu a en 18  
 thei reng a. Tin, Kanaan rama hnam sarih a tihtlâwm zâwh 19  
 hnu khân, an ram chu luah tûrin a pe *zêl* a, kum zali leh kum  
 sawmnga chhûng zawng khân. Chûng hnuah chuan rorêltute 20  
 a pe thîn a, zâwlnei Samuela thleng khân.

“Tin, chu nî hnuah chuan lai an dîl a; tichuan, Pathianin, 21  
 Saula, Kisa fa, Benjamina chia mi kha, an hnênah a pe a, kum  
 sawmli chhûng atân. Tin, ani chu a sawn bo hnu khân an lai 22  
 atân Davida a siam ta a; *Pathianin* chu mi thu chu hriattîrin,  
 ‘Davida, Jessaia fa, ka thîlung ang pu mi ka chhar ta, ani chuan  
 ka duhzâwng apiang a ti ang,’ a ti a.

“Chu mi thlahte zingah chuan, Pathianin, thutiam ang zêlin, 23  
 Israelho hnênah Chhandamtu Isua arawn thlen a; a lo kal hmam  
 Johanan sinna baptisma thu Israel mi zawng zawng hnênah 24  
 a lo hrih tē tē a. Tin, Johanan a kawng a zâwh chhuah dâwn 25  
 lai khân, ‘Nangnin tuahnge mi ruat? Ani chu ka ni lo ve.  
 Nimahsela, ngai teh u, ka hnuah mi tuemaw a lo kal dâwn a ni,  
 kei hi zawng a kephaha pheikhawk phelh tlâk pawh ka ni lo ve,’  
 a ti a.

“Unaute u, Abrahamah thlaha fate u, in zinga Pathian tih 26  
 zawng zawngte u, keimahniho hnênah hian hêng chhandamna  
 thu hi minrawn thawn chhuak a nih hi. Jerusalem khuaa awmten 27  
 an hotute nêh, ani chu an hriat loh avâng leh, zâwlneite thu,  
 Chawlhni apianga chhiar thîn kha, an hriat hek loh avângin,  
 ani chu thiam loh chantîrin, *chu mi thu chu* an hlen ta a. A thihna 28  
 khawp meuh a chungah engmah an hmuh loh pawhin, Pilata  
 hnênah tihlum an ngên a. Tin, a thu *zâwlneiten an* zia *lâwk* 29  
 zawng zawng kha a hlen zawhin, thîng ata chu an la thla a, thlânah  
 an zalh ta a. Nimahsela, Pathianin mitthi zîng ata a kaitho leh 30  
 ta a; tin, Galili ram ata Jerusalem khuaa ama ruala chho vete 31  
 hnênah chuan ni rei tak chhûngin a inlâr thîn a; chûng *mite* chu  
 tûnah hian mi hnênah a thu hretute an ni e. Keini pawhin  
 thlahtute hnêna thutiam kha a chanchin lâwmawm kanrawn 32  
 hrih che u hi, khatia Pathianin Isua a kaihthawhah khân, kan 33  
 fate hnênah hian chûng chu a hlen a ni; Sâm pahnihaah, ‘Ka  
 Fapa i ni e, vawînah hian ka hring a che,’ tih, zia ang bawh  
 khân. Tawihna *hmuna* kal leh lo tûrin *Pathianin* ani chu mitthi 34  
 zîng ata a kaihthawh tûrzia thu chu heti hian a sawi, ‘Davida  
 hnêna khawngaihna ka tiam tlattē kha nangmah ka pe ang che,’  
 tiin. Chhawngin *Hla* dangah, ‘I Mi Thianghlîm chu tawihrali phal 35  
 lo vang,’ a ti bawh a. Davida zawng, Pathian rorêl sak angin a 36  
 dam rualpuite rawng a bawl zawhah khân, a muhîl a, a thlahtute  
 hnênah an-zalh a, a tawihral tawh alâwm; Pathian kaihthawh 37  
 erawh kha chu a tawihral loh kha.

“Chutichuan, unaute u, hre rawh u; amah avàng chuan 38  
sual ngaihnathiamna thu in hnénah hrilh a nih hi; tupawh a 39  
ring apiang engkimah ama thiam chantirin an awm, chùngah  
chuan Mosia dânin thiam chantirin in awm thei lo ve.  
Chuvàngin fimkhur rawh u, chutilochuan zàwlneite *lehkhabua* 40  
an sawi kha in chungah a lo thleng dah ang e,

‘Hmusittute u, én rawh u. 41

Mak ti ula, boral rawh u;  
In dam chhúng hian thil kawng khat ka tih hi,  
Chu thil chu miin hrilh che u mah sela  
In awi tawp lo vang,

tih kha,” a ti a.

Tin, an chhuahin, Chawihni lehah chùng thu chu sawi leh 42  
atán an ngén a. Tin, inkhàwmhote chu an tìn veleh, Judate 43  
leh an saphun Pathian ngaihsak zinga mi tam takin Paula leh  
Barnaba chu an zui zél a; anni chuan an lo bia a, Pathian  
khawngaihnaah chuan awm reng túrin an fuih a.

Tin, Chawihni lehah chuan, akhua thawin Pathian thu ngaithla 44  
túrin an rawn inkhàwm a. Nimahsela, Judaten mipuite chu an 45  
hmuh veleh an itsik ém ém mai a; Paula thu sawi chu an hnial  
kalh a, an sàwt hle a.

Tin, Paula leh Barnaba chuan huai takin an sawi chhuak a, 46  
“Pathian thu hi nangmahni hnénah sawi hmasak túr réng a ni;  
nimahsela, in hnar kir a, chatuana nung tlàk lova in inruat tàk  
ahnuin, hre rawh u, Jentailte lam kan hawi ta ve ang. Chutiang 47  
chuan Lalpain thu min pe a ni,

‘Jentailte tiéngtuah ka ruat a che,  
Káwl kil thlenga Chhandamtua i awm theihna  
túrin,’

*tih ziaik ang khân,”* an ti a.

Tin, Jentailte chuan chùng thu chu an hriatin an lăwm a, 48  
Pathian thu an chawimawi a, tin, chatuana nung túra ruat apiang  
chuan an ring ta a.

Tin, Lapa thu chu, chu mi ram khawvêlah chuan a darh ta 49  
a. Nimahsela, Judate chuan hmeichhe zahawm Pathian 50  
ngaihsakte leh khuaa upahote chu an fuih a, Paula leh Barnaba  
chu an tihduhdahtir a, an ram ata an hnawt chhuak ta a. Tin, 51  
anni chuan an chungah an kepahaha vaivut an thing thla a, Ikonion  
khuu an thleng a.

Tin zirtirhote chu lăwmna leh Thlarau Thianghlimin an 52  
khat hlawm a.

**14** Tin, Ikonion khuuah chuan Judate inkhàwmna inah an 1  
lút dún a, thu an sawi tìn a, chutichuan Juda leh Grik  
tam tak pawhin an ring ta hial a. Nimahsela, ring duh lo Judaten 2

Jentailte thinlung an fuih a, unaute chu an huattîr a. Chuvângin 3  
 Lalpaah huai taka thu sawiin chutah chuan rei fe an awm a, ani  
 chuan chhinchhiaha leh thilmakte an kuta tihtîrin, a khawngaih  
 thu a hriattîr thîn a.

Nimahsela, khuaa mipuite chu an inkhûng ta a; a thenin Judate 4  
 chu an tan a, a thenin tirhkohte chu an tan a. Tin, Jentailte, 5  
 Judate, an hotute nêen chuan tirhkohte chu zahthlâk taka siam  
 leh lunga den tuma an bei dâwn laiin, anni chuan an lo hria a.  
 Lukaoni ram vêkah chuan Lustra leh Derbe khuahahte leh, a vêl 6  
 ramahte an tlân bo va; chûnghah chuan Chanchin Tha an hril  
 zêl a. 7

Tin, Lustra khuah chuan ke zeng tuemaw a thu thîn a, a 8  
 pian tirh ata kebai rêng a ni a, kein a kal ngai lo va. Chu mi 9  
 chuan Paula thu sawi a ngaithla a; tin, Paula chuan ani chu a en  
 reng a, damna tûrin rin a nei tih a hria a, aw ring takin, “I kein  
 ding ngîl rawh,” a ti a. Tin, ani chu a zuang tho va, kein a kal 10  
 ta a.

Tin, mipuiten Paula thiltih chu an hmuh velehi, Lukaoni 11  
 tawngin, ring takin, “Pathiante chu mihring angin kan hnênah  
 an lo chhuk ta a nih hi!” an ti a. Tin, Barnaba chu ‘Jupita’ 12  
 an ti a, Paula chu, thu sawitu zâwk a nih avângin, ‘Merkuria’  
 an ti a.

Tin, Jupita a biak in daipâwna awm chu, a puithiamin 13  
 sebâwngpate leh, pangpâr thihruite, kawngkhâr *kiangahte* a rawn  
 la a, mipuite nêen chuan biak nân talh an tum ta a. Nimahsela 14  
 tirhkoh Barnaba leh Paula chuan chu chu an hriat velehi,  
 an puan an pawt thlêr a, mipui zîngah chuan an zuang lût a,  
 an au va, “Pute u, hêng thil hi engahnge in tih? Keini pawh, 15  
 in nungchang ang pu mihring kan nih hi; hêng thil lawilote hi  
 in hawisan a, vân te, lei te, tufinriat te, an chhûnga awm zawng  
 zawng nêna siamtu Pathian nung hnênah chuan in lo pakaina  
 tûrin Chanchin Tha kan rawn thlen che u a nih hi. Chu Pathian 16  
 chuan hmân laiin hnam tin mahni kawng theuh zawh a phal  
 thîn a, nimahsela, amah hriattîrna awm lovin a insiam lo, chutin 17  
 thil a ti tha thîn a, vân ata ruahte leh kum that kumte a pe che u  
 a, in rilru ei tûr leh lâwmnain a tihkhah thîn che u kha,” a ti a.

Tin, chûng thu chuan mipuiten anmahni biak nâna ran an talh 18  
 tûr chu an khap zo ta hrâm hrâm a.

Nimahsela, Antiokei leh Ikonion khuaa mi Juda tuteemaw 19  
 chutah chuan an lo kal a, mipuite chu an thlêm thlu ta a; tichuan  
 Paula chu lungin an dêng a, thia an rin avângin khuah ata chu an  
 hnûk chhuak ta a. Nimahsela, zirtîrhote chu a vêla an din laiin, 20  
 a lo tho va, khuah chuan a lût leh ta a.

Tin, atûkah chuan Barnaba nêen Derbe khuah an kal ta a.

Tin, chu mi khuate hnénah chuan Chanchin Tha an hrilh a, zirtir 21  
tam tak an siam hnuin Lustra khuaah te, Ikonion khuaah te,  
Antiokei khuaah te an kîr leh zêl a, “Hrehawm tam tak tuarin 22  
Pathian ramah kan lût tûr a ni rêng a ni,” tiin, zirtirhote rilru  
an tinghet a, rinnaah chuan awm reng tûrin an fuih zêl a.

Tin, kohlrân pâwl tinah chuan upate an ruat sak a, chaw 23  
ngei chung a an tawngtai zawhin, an rin Lalpa hnénah chuan  
an kawltir zêl thîn a.

Tin, Pisidia ram chu an fang chhuak a, Pamphulia ram chu 24  
an thleng a. Tin, Perga khuaa thu an hril zawlin Attalia khuaah 25  
an zuk kal a; chuta tang chuan lawngin an chhuak a, Antiokei 26  
khua chu an lo thleng leh ta a, chu chu an thil tih zawh tâk chu ti  
tûra *unaute* Pathian khawngaihna kawltira an chhuahna kha a  
ni.

Tin, an thlen hnuin kohlrân hote chu an ko khâwm a, 27  
Pathianin anmahni hmanga thil a tih zawng zawngte leh,  
Jentailte tâna rinna kawngkhâr a hawn sakziat chu an hrilh a.  
Tin, zirtirhote hnénah chuan rei fê an awm ta a. 28

**15** Tin, mi tuteemaw Judai ranî ata an lo chhuk a, “Mosa 1  
dân anga serh in tantir loh chuan chhandam in ni thei lo  
vang,” tiin, unaute chu an zirtir a. Chutichuan, Paula leh 2  
Barnaba chu anmahni nêh inhnial nânêna an inhnial loh va an  
inkhin tlat *avângin*, Paula leh Barnaba chu an zînga tuteemaw nêh,  
chu thubuai chungah chuan, Jerusalem khuaa tirhkolite leh  
upate hnénah chho tûrin an ruat a. Chutichuan, kohlrante chuan 3  
an han thlah a, anni chuan Jentailte hawi kîr lehziat thu chu hril  
zêlin, Phoiniki ram leh Samari ram an fang chhuak ta a; tichuan  
unaute zawng zawng an tilâwm êm êm a.

Tin, Jerusalem khua chu an han thlen chuan kohlrân hote, 4  
tirhkolite, upate chuan an lo lâwm a, tin, Pathianin anmahni  
hmanga thil a tih zawng zawngte chu an hrilh a.

Nimahsela, Pharisaî pâwla mi ring *ve* tuteemaw an tho va, 5  
“Jentailte chu an serh tan tûr a ni, Mosa dân awi pawh an hnénah  
tiam kher tûr a ni,” an ti a.

Tin, tirhkohte leh upate chu, chu mi thu chu ngaihtuah tûrin 6  
an inkhâwm a. Tin, an inhnial chiam hnuin Petera a tho va, 7  
an hnénah:—“Unaute u, Jentailten keima kaa Chanchin Tha  
thu hriaa awi tûra, Pathianin hmâna in zing ata mi ruatzia kha in  
hria e. Tin, rilru hretu Pathianin keini min pêk ang bawh *khân* 8  
Thlarau Thianghlîm an hnêna pe vein an chungah a lâwm tih a  
hriattir a; tin, keini leh anni thlei bîk lovin rinin an rilru a 9  
tithianghlîm a. Chutichuan, kan thlahtute leh keini zawh tawh 10  
loh nghâwngkawh kha tûnah zirtirhote chungah nghah *tumin*  
engatinge Pathian fin in hnial kallî le? Anmahni rin ang bawh hian 11



keini *pawhin* Lalpa Isua khawngaihna avânga chhandam tûr niin kan inring si a," a ti a.

Tichuan, mipui zawng zawng chu an ngawi reng a, Barnaba 12 leh Paulan Pathianin anmahni hmanga Jentailte zînga chhinchhiahna leh thilmak a tih thu kha an hrilh chlûug zawng an ngaithla a.

Tin, an sawi zawhin Jakob an sawi ve thung a: — "Unaute 13 u, ka thu ngaithla rawh u, Pathianin ama hming pu atân an 14 zîng ata mite la chhuak tûrin Jentailte a kan tirhzia thu chu Sumeona hian a sawi ta a. Tin, chung *thu* leh zâwlneite thu hi 15 a inhmeah a ni:—

'Chûng zawhah chuan ka kîr leh ang a, 16  
 Davida bâwkte chim kha ka siam leh ang a,  
 A chhe lai apiang pawh ka rem chho leh ang;  
 Mi dang, Jentail zawng zawng ka hming ni tawn- 17  
 hote chuan,  
 Lalpa an zawn nân  
 Chu *bâwktê* chu ka tungding ang,' tiin,  
 Khawvêl siam tirh ata hêng thu hriattîr tîntu 18  
 Lalpa chuan a ti e,

tih ziaak hi.

"Chuvângin heti hian ka ruat a ni, Jentailte zînga Pathian 19 lam hawite chu tihrehawm lo ila, milem *biakna* thil bawhlhlawh 20 *ei* te, inngaih te, *sa* rehhlum leh thisen *ei* te hânna tûrin an hnênah lehkha thawn zâwk ila ka ti ber a ni. Mosian hmân lai ata tawh 21 khaw tinah a thu tlângaupuitu a nei tîin si a, inkhâwmna inahte Chawlhni apiangin a thu chu chhair a nih tîin kha," a ti a.

Tin, tirhkohte, upate, kohhran zawng zawngte nân chuan, 22 an pâwla mi thlana, Paula leh Barnaba hnênah Antiokei khuaa kaltîr t̄ha an ti a; *an thlante hming chu* Juda (Barsaba an tih) leh Sila *an ni a, chu mite chu* unaute zînga hotu deuh *an ni a*. Tin, 23 *hetiangin* an ziaak a, an kutah an thawn a:—

"Tirhkohte leh unaute zînga upaten Antiokei khua te, Suria ram te leh Kilikia rama Jentail unau awmte chibai an bûk e.

"Kan pâwl zînga mi tutenemaw thu sawiin an tibuai chu u 24 a, in rilru an timangang tih kan hria e, an hnênah thu enginah kan pe si lo va. Chuvângin thu khat vuaa kan inkhâwmîa, kan duh 25 tak Barnaba leh Paula, Lalpa Isua Krista hming avânga thih dâwn 26 lote kal rual hian, mi thlante in hnêna rawn kaltîr ve t̄ha kan ti a. Chutichuan Juda leh Sila kan rawn tîr a nih hi, anni pawhin 27 hêng thu bawh hi t̄awngkain an hrilh ang che u. Thlarau 28 Thianghlim leh keinin, hêng thu pawimawh lo hi chu, phurrit zual in chungah ngat lo ila a t̄ha kan ti; milem *biakna sa ei te, sa* 29

thisen *ei* te, *sa* rehhlum *ei* te, inngaih te bâng ula kan ti; hêng li in bân chuan in tân a t̃ha ang. Dam takin awm rawh u," *t̃in*.

Chutichuan, an tirhin an kal a, Antiokei khua an thleng chhiuk a; tin, mipui chu an ko khâwm a, lehkhua chu an pe a, tin, an chhiar zawhin thlamuanna thu avâng chuan an lo lăwm ta hle a. Tin, Juda leh Sila chu zâwlnei an ni bawh a, thu tam takin unaute chu an thlamuan a, an tinghet a. Tin, chutah chuan rei deuh an awm hnuin, anmahni tirtute hnêna hâwng leh t̃urin, unaute chuan thlamuang takin an chhuaht̃ir leh ta a. Paula leh Barnaba erawh chu Antiokei khuaah chuan Lalpa thu zirt̃ir leh hrilin an awm reng a, mi dang tam takte nê.

Tin, ni engemaw zât hnuah chuan, Paulan Barnaba hnênah, "T̃unah kal leh ila, khaw tina Lalpa thu kan hrillina apianga unau awmte kha kan zêl ila, an awm dân i en ang" a ti a.

Tin, Barnaban Johana (Marka an tih chu) an hnênah hruai a tum a, Paula erawh chuan ani chu an hnêna hruai t̃ha a ti lo, Pamphulia ramah anmahni a kirsan a, hnathawhnaa an hnêna a kal ve tâk loh avâng khân. Tichuan, nasa takin an lo inhnial ta a, chutichuan an inthen a, Barnaban Marka chu a hnênah a hruai a, Kupra *thliarkâr* lamah lawngin a kal ta a. Paula erawh chuan Sila a thlang a, unauten Lalpa khawngaihna an kawlt̃ir hnuin a kal chhuak ta a. Tin, kohhran pâwlte chu tinghet zêlin Suria leh Kilikia ram a fang chhuak ta a.

**16** Tin, Derbe khuaah leh Lustra khuaah chuan a kal bawh a; tin, chutah chuan a hming Timothea zirt̃ir pakhat a awm; *ani chu ring ve* Juda hmeichhe fapa *a ni a*, a pa erawh chu Grik a ni; Lustra leh Ikonion khuaa unau awmte chuan ani chu an fak t̃hin a. Paulan ani chu a hnêna kal veah a duh a; tichuan chu mi lama Juda awmte avâng chuan a serh a tan *sak a*, a pa chu Grik a ni tih an hre vek si a.

Tin, khaw tinah an kal pahin Jerusalem khuaa tirhkohe leh upa awmte thu rêl kha zawm atân unaute hnênah an pe zêl a. Chutichuan kohhran pâwlte chu rinnaah chuan an nghet ta a, ni tin an pung ta deuh deuh va.

Tin, Thlarau Thianghlimin Asia rama thu hrilh a khap avângin Phrugia leh Galatia ram chu an fang chhuak ta a; tin, Musia ram kiang an thlenin Bethunia rama luh an tuma, nimahsela Isua Thlarauvin a phal si lo va. Chutichuan Musia ram chu an pêl a, Troas khuaah an chhuk ta a.

Tin, zânah, Paulan mumang angin Makedonia rama ini mi pakhat dingin, "Makedonia ramah lo kai la, min pui rawh," tia ngên chiamin a hmu a. Tin, chu mang chu a man zawh veleh Makedonia ramah chuan kal kan tum ta ngâh a, an hnêna Chanchin t̃ha hrilah Pathianin min ko tih kan hria a.

Tin, Troas khua ata lawugin kan chhuak a, tluang takin 11  
 Samothraki khuaah kan kal a, atûkah chuan Neapoli khuaah kan  
 kal leh a; tin, chuta tâng chuan Philippi khuaah kan kal a, chu mi 12  
 khua chu Makedonia rama khaw pakhat a ni a, chu mi bialah  
 chuan khaw pawimawh ber a ni a, Rom khuaa mi pêmte khua a  
 ni. Chu mi khuaah chuan ni tam deuh kan châm a.

Tin, Chawlhniin kulh kawngkhâr pawn lamah lui kamah, 13  
 tawngtâina hmun nia kan rinah chuan kan kal a; tin, kan tthu a,  
 hmeichhe lo kal khâwmhote hnênah chuan thu kan sawi a. Tin, 14  
 a hming Ludi, paun sen duk zuartu Thuatira khuaa mi, Pathian  
 betu hmeichhe pakhatin kan thu a hria a, tin, Paula thu sawi  
 zâwm tûrin Lalpa chuan a thinlung a tivâr ta a. Tin, amah leh 15  
 a chhângten baptisma an chan zawhin, "Lalpa ring tak zeta mi  
 ruat chuan, ka inah lo thleng rawh u," tiin, min ngên chiam a, min  
 chelh ta a.

Tin, tawngtâina hmunah chuan kan kal laiin, nula tuemaw 16  
 ramhuai aientiam zâwlin min tâwk a, ani chuan a ai en avângin  
 a pute chu sum tam tak a hmutîr tthin a. Chu mi chuan Paula 17  
 leh keini min zui a, "Hêng mi, chhândamna kawng hrilhtu che  
 u hi, Chungnungber Pathian bawi an nih hi," tiin, a au va.  
 Chutiang chuan ni rei tak a ti tthin a. Chutichuan Paula chu a 18  
 lungni ta lo va, a hawi a, ramhuai hnênah chuan, "Isua Krista  
 hmingin a kawchhâng ata chhuah thu ka pe a che," a ti a. Tin,  
 chutih lai tak chuan a chhuak ta ngâl a.

Tin, a pute chuan an sum hmuhna a bo tih an hriatin, Paula 19  
 leh Sila chu an man a, hotute hmaah dâwr hmunah an hnûk lût  
 a. Tichuan, thu rêltute hnênah an hruai a, "Hêng mite hi Judate  
 an ni a, kan khua an tibuai êm êm a, dân engemaw kan lawm leh 21  
 zawm thiang lote hi an hril tthin a, Rom mi kan ni si a," an ti a.

Chutichuan, mipuite pawh chu tirhkohte bei tûrin an lo thawk 22  
 ve a, thu rêltute chuan an puante an phih hlih sak a, tianga vuak  
 thu an pe a. Tin, vawi tam tak an vuak zawhin tân inah an khung 23  
 a, a vêngtu hnênah him taka vên tûr an ti tlat a; chuti kauva thu 24  
 an pêk avângin ani chuan rip chhungnungah a khung a, an keahte  
 chuan thing kawh a buntîr tlat a.

Nimahsela, zan laiah Paula leh Sila chuan Pathian hnênah 25  
 an tawngtâi a, hla an sa a, mi tângten an ngaithla a; tin,  
 thâwkkhatah lir nasa takin a lo nghing a, chuichuan tân in 26  
 lungphûmte lam chu a nghing a; tin, kawngkhâr zawng zawng  
 a inhawng ngâl a, mi tin kawlbunte chu a lo inphelh ta vek a.  
 Tin, a vêngtu chu a muhîl a lo harh a, tân in kawngkhârte chu 27  
 inhawngin a lûnu a, mi tângte chu an tân bo emaw a ti a, a  
 khandaih a phawi a, a intihlum dâwn a. Nimahsela Paula chu 28  
 aw ring takin a au va, "Engmah intih suh; kan zain hetah kan

la awm vek alâwm,” a ti a. Tin, a vêngtu chuan khâwnvârte 29  
a lam a, a zuang lût a, hlauba khûr chungin Paula leh Sila hmaah  
a bawkkhup a; tin, anni chu a hruai chhuak a, “Pute u, chhandama 30  
awm tûrîr engnge ka tih tûr?” a ti a.

Tin, anni chuan, “Lalpa Isua ring la, tichuan chhandamin 31  
i awm ang, nang leh i chhûngte nêr,” an ti a. Tin, a hnênah 32  
leh a ina awm zawng zawngte hnênah chuan Lalpa thu an sawi  
a. Tin, chu mi zânah, chu mi lai la la chuan a hruai a, an vuakna 33  
vualte chu a silfai a; tin, ani leh a chhûngte zawng zawng chuan  
baptisma an chang ta ngâl a. Tin, a inah a hruai chho va, ei 34  
tûr a hlui a, tin, Pathian an rin avângin, ani chu a chhûngte  
zawng zawng nêr an hlim ta êm êm a.

Tin, ni a chhuahin, thu rêltute chuan, “Kha mite kha chhuah 35  
rawh,” tiin, mi mantute an tîr a. Tin, tân in vêngtu chuan 36  
Paula hnênah an thu a hrilh a, “Thu rêltute chuan chhuah tûr  
che uin, mi an rawn tîr a ni; chuvângin tûnah lo chhuak ula,  
thlamuang takin kal rawh u,” a ti a. Nimahsela Paula chuan an 37  
hnênah, “Rom mi kan ni si a, kan thiam leh thiam loh hre lovin  
vântlâng mithmuhi min vua a, tân inah min khung a; tûnah  
hian arûkin min hnawt chhuak dâwn vei a ni maw? a ni tawp lo  
vang; anmahni ngei lo kal sela min rawn hruai chhuak rawh se,”  
a ti a. Chutichuan mi mantute chuan, chûng thu chu thu rêltute 38  
hnênah chuan an hrilh a. Tin, Rom mi an ni tih an hriat chuan  
an hlau ta a; tin, an va kal a, an thlêm chiam a, an hruai chhuak 39  
a, khua ata chu kal bova an ngên a. Tin, tân in ata chu an  
chhuak a, Ludi inah chuan an lût a; tin, unaute chu an hmu a, an 40  
thlamuan a, an chhuak ta a.

**17** Tin, Amphipoli khua leh Apollonia khua an kal pêt a,  
Thessalonika khua an thleng ta a, chutah chuan Judate 1  
inkhâwmna in a awm a; tin, Paula a dân pângngaiin, an hnênah 2  
a lût a, Chawlni vawî thum Pathian Leikha Thu aţangin khûn  
taka chhûtpuin, Krista chu hrehawm tuar tûr rêng a nihzia te, 3  
mitthi zing ata pawh tho leh tûr rêng a nihzia te chu a hrilhfiah  
a, a tilang thîn a; “He Isua, a thu ka hrilh che u hi, amah hi  
Krista chu a ni,” a ti bawh thîn a. Tichuan, an zinga thenkhat 4  
chu thlêmthlûkin an awm a, Paula leh Sila chu an pâwl ta a;  
Pathian ngaihsak Grik mipui nasa tak leh hmeichhe puipa tam  
takte nêr.

Nimahsela, Judaten an huphurh a; dâwr hmuna mi sual 5  
thatchhia tuteemaw an hnênah an hruai a, mipui an ko khâwm a,  
khua zawng zawng chu an chawh buai a; Jasona in an rawn thâwng  
a, vântlâng hnêna hruai chhuah tumîn. Tin, anni chu an hnu lo va,  
Jasona leh unau dang tuteemaw khaw hotute hnênah an hnûk lût 6  
a, an au va, “Khawvêl chawh buaitute kha hetah pawh an lo kal

a, Jasona hian a lo thleng vei a; hênggho zawng zawng hi, 'A hming 7  
Isua, lal dang a awm,' tiin, Kaisara thu kalhin an awm thîn a ni,"  
an ti a.

Tin, mipui leh khaw hotute chuan chûng thu chu an han hriat 8  
chuan an buai ta a; tin, Jasona leh mi dangte hnên ata chu an aia 9  
hrên tûr englo an la a, an chhuah ta a.

Tin, unaute chuan a zân a zânin Paula leh Sila chu Beroia 10  
khuaah an kaltîr ta nghâl a; chuta an va thlen chuan Judate  
inkhâwmna inah an lût a. Chuta mite chu Thessalonika khuaa 11  
mi ai chuan an lo tha zâwk a, chutichuan rilru lâwm takin thu chu  
an pawm a, an thu sawi chu a dik leh dik loh hriat nân ni tin  
Pathian Lekhaah an zawng thîn a. Chutichuan, chûngho chuan 12  
mi tam takin an ring ta a; Grik hmeichhe zahawmte leh mipate  
pawh duaîn an ring ta lo baw k a.

Nimahsela, Thessalonika khuaa Judahote chuan, Paulan 13  
Beroia khuaah Pathian thu a hril tih an hriat veleh, chutah pawh  
chuan an va kal a, mipuite an fuihpawrh a, an tibuai leh ta a.  
Chutichuan, unauten tuihinriat thlenga kal tûrin Paula chu an 14  
tîr chhuak ta nghâl a. Sila leh Timothea erawh chu chutah chuan  
an la awm reng a. Tin, Paula hruaitute chuan Atheni khaw 15  
thlengin an hruai a; tin, Sila leh Timothea chu theihtâwpa a hnêna  
kal thuaina tûr thu chah sinin an haw ta a.

Tin, Paulan Atheni khuaah anni chu a lo nghah lai chuan, 16  
khua chu pathian lema khatin a hmu a, a rilruin a helh ta a.  
Chutichuan, inkhâwmna inah Judate leh Pathian ngaihsakte 17  
a hnial thîn a, dâwr hmunah pawh chuta lo awm apiangte chu  
ni tin a hnial baw k thîn.

Tin, Epikuria mi leh Stoik mi zînga mi fîng tuteemaw pawhin 18  
ani chu an rawn hnial a. A thenin, "He mi kamtam hian  
engnge sawi a tum?" an ti a. A thenin, (Isua thu leh Thawhlehma  
thu a hril avângin,) "Ram dang pathiante thu hriltu a ni âwm  
e," an ti a. Tin, ani chu a chelh a, Areopagi-ah chuan an rawn 19  
hruai a, a hnênah, "He zirtîrna thar i sawi thîn hi min hriattîr  
thei ang em? Thilmak engemaw kan bengachte i rawn thlen a ni; 20  
chutichuan hêng thil awmzia hi hriat kan duh e," an ti a. (Atheni 21  
khuaa mi zawng zawng chu, an khuaa mikhual awmte pawh, an  
hman châng apiangin thu thar tawh phawt chu sawiîn emaw,  
a ngaithla talin emaw an awm chawt thîn rêng a ni).

Tin, Paula chu, Areopagi lai takah chuan a ding a, a sawi a. 22  
"Nangni Atheni khuaa mite u, engkimah sakhaw ngaihsak tak  
mi in ni tih ka hria e. Ka lèn paha in chibai bûkate ka en laiin, 23  
maichâm pakhat, a chungah 'Hriat Loh Pathian Atân', tia ziak,  
ka hmu a ni. Chutichuan, hre lova chibai in bûk thîna kha, chu  
mi a thu chu ka hrilh che u a nih hi. Pathian, khawvêl leh a 24

chhûnga thil zawng zawng siamtu chu lei leh vân lal a nih avângin  
kuta sak inahthe a awm lo va; thil tlachham angin mihring kuta 25  
rawngbâwl sakin a awm hek lo, amah ngei chu engkim hnêna  
nunnate, thâvknate leh thil zawng zavngte petu a ni zâwk e.  
Tin, lei chung zawng zawnga awm tûrin bul hmunkhat vekin 26  
hnam tin mi a siam a, *an tûn* hun bite a ruat a, an awmna rite  
pawh a kham sak a, Pathian an zawn a, an dap an dap a, an hmuh 27  
hrâmna tûrin: nimahsela, ani chuan min hlat lo theuh si a. Amah 28  
avângin kan nung, kan che, kan awm a ni si a; nangmahni  
hlaphuahthiam tuteemaw pawhin, 'Keini pawh a thlahte kan  
ni si,' tia an sawi ang khân. Chutichuan, Pathian thlahte kan 29  
nih ahnuin, Pathian pangti chu rangkachak te, tangka te, lung te  
mihring themthiam leh remruata chherthe ang hi emaw tih, kan  
rin tûr a ni lo ve. Chutichuan, Pathianin kan hriat loh laite a 30  
haider thîn a; nimahsela, tûnah hian ram tina mi zawng zawng  
sim tûr thu a pe ta a ni, ni a tiam avângin; chu mi niah chuan,  
a mi ruata chu, leia mite fel takin a ngaihtuahtîr ang; chu chu, 31  
*Pathianin* amah chu mitthi zîng ata kaithovin, mi zawng zawng  
hnênah a hriattîr tawh a ni," tiin.

Tin, mitthi zîng ata thawhlehnâ *thu* chu an hriat veleh, a thenin 32  
an nuihsan a; a thenin, "He thu hi i hnênah kan la ngaithla  
leh ang e," an ti a. Chutichuan, Paula chu an zing ata a chhuak 33  
ta a. Nimahsela, mi tuteemaw a hnênah an tel ta tlat a, an ring ta 34  
a; chûng zînga thenkhat chu Areopagi-a mi Dionusia leh, hmeichhe  
pakhat a hming Damari leh, an hnêna *mi* dangte nên chuan  
an ni.

**18** Chûng thil hnuah chuan *Paula* chu Atheni khua ata chu 1  
a chhuak a, Korinth khuaah a kal ta a. Tin, a hming Akuila 2  
Juda pakhat a hmu a, *chu* mi *chu* Ponto rama piang a ni a, Klaudian  
Juda zawng zawng Rom khua ata chhuah thu a pèk avângin  
a nupui Priskilli nên Itali ram ata lo kal hlim a ni a. Tin, *Paula*  
chu chu *mite* hnênah chuan a thleng ta a, tin, an hnathawh ang 3  
thawk a nih avângin anmahni a hrawn a, an hnênah a thawk ve  
thîn a; an hnathawh chu puan in siam a ni a. Tin, Chawhni 4  
apiangin inkhâwmna inah khûn takin thu a hril thîn a, Judate  
leh Grikte chu thlênthlûk a tum thîn a.

Tin, Sila leh Timothea chu Makedonia ram ata chu an lo 5  
chhukin, Paula chu thu hril chauhvîn a awm ta a, Isua kha Krista  
chu a ni tih Judate hnênah a hrilhfiâh thîn a. *Nimahsela*, an 6  
dodâla an sâwtin, *Paulan* a puan a thing a, an hnênah, "In thihna  
mawh chu nangmahnin phur ang che u; kei zawng ka hul a ni e;  
tûn achinah Jentailte hnênah ka kal ang," a ti a. Tin, chuta 7  
ta chu a kal a, a hming Tita Justa mi pakhat inah a lût a, *chu* mi  
*chuan* Pathian a be thîn a; a in pawh chu inkhâwmna in nên a

inzawm a ni. Tin, Krispa, inkhâwmna in hotu chuan, a chhûngte 8  
zawng zawng nêñ Lalpa an ring a, Korinth khuah mi tam tak  
pawhin an hria a, an ring *ve* a, baptisma an chang ta a.

Tin, zânah La'pain Paula hnênah chuan mumang angin, 9  
“ Hlau suh la, ngawi lovin thu sawi *zêl* rawh; kei i hnênah ka awm 10  
alâwm, tina tûr chein tuman i chungah kut an thlâk lo vang;  
he khuahh hian mi tam tak ka nêi si a,” a ti a. Tin, Paula chu 11  
chutah chuan an zîngah Pathian thu zirtîrin kum khat leh thla  
ruk a awm ta a.

Tin, Galliova Akaia rama lal aiawha a awm laiin Judaten 12  
rual takin Paula an bei a, rorêlna thutphah hmaah an hruai a,  
“ He mi hrep hian Dân lo anga Pathian be tûrin mi a thlênthlu 13  
thîn a ni,” an ti a.

Tin, Paulan a chhân dâwnin, Galliovan Judate hnênah chuan, 14  
“ Judate u, hêng hi thil dik lo thu emaw, thil tihsual emaw tal ni  
sela, matheilovin ka ngaihsak ang che u a; nimahsela, thute, 15  
hmingte, in dân chung thute mai a nih chuan nangmahnin rêl  
*zâwk* rawh u; kei zawng chutiang thu chu ngaihtuah ka duh lo  
ve,” a ti a. Tin, rorêl thutphah aţang chuan anni chu a hnawt 16  
bo ta a. Tin, Grik mi zawng zawngin inkhâwmna in hotu 17  
Sosthena an man a, rorêl thutphah hunaah chuan an vua a,  
Galliova chuan chûng an thiltih chu engah mah a ngai lo va.

Tin, chu mi hnuah chuan Paula chu ni rei tak a la châm reng 18  
a; chu mi zawh chuan unaute chu tawng thain a then a, chuta  
ta chu Suria ram lamah lawngin a kal ta a, a hnênah Priskilli  
leh Akuila chu *an kal* ve baw a; Paulan thutiam a neih avângin  
Kenkriai khuahh a lu a mêţ zet a. Tin, Ephesi khuah chu an 19  
thleng a, chutah chuan anni chu a hnutchhiah ta a; ani erawh  
chu inkhâwmna inah a lût a, Judate hnênah khûn takin thu a  
sawi *rih* a. Tin, rei deuh châmah an ngên a, *nimahsela* a remti lo va, 20  
“ Pathianin a phal chuan in hnênah ka lo kal leh ang,” tiin, 21  
tawng thain a then a, Ephesi khuah ata chu lawngin a kal ta a.  
Tin, lawng ata chu Kaisari khuahh a chhuak a, *Jerusalem* khuahh 22  
a han kal a, kohhranhote chu chibai a bûk a; tin, chu mi zawhah  
chuan Antiokei khuahh a zuk kal ta a.

Tin, chutah chuan rei ngial a awm hnuin a kal leh a, zirtîrho 23  
zawng zawng tinghetin Galatia ram leh Phrugia ram chu a fang  
chhuak vek a.

Tin, Juda pakhat, a hming Apollova, Aleksandria khuah 24  
piang, mi fîng tak, Ephesi khuahh chuan a zuk kal a; ani chuan  
Pathian Lehkha Thute a hre nasa êm êm a. Chu mi chu Lalpa 25  
Kawng thu zir tawh a ni a, rilrua tînahnemngai tak a nih avângin  
Isua chanchin chu ngun takin a hril a, a zirtîr thîn a, Johana  
baptisma thu chauh a hre si a. Tin, inkhâwmna inah huai takin 26

thu a sawi ʔan ta a. Chutichuan Priskilli leh Akuila chuan a  
 thu sawi an hriatin, an inah an hruai a, a hnênah Pathian Kawng  
 thu fel lehzualin an hrilhfiáh ta a. Tin, ani chuan Akaia rama 27  
 kal kai a tum veleh unauten an fuih a, amah an lo lawmna túrin  
 zirtírhote hnênah lehkha an zia*k sak* a; tin, a thlen chuanin,  
 Pathian khawngaihna avânga ringtute chu nasa takin a pui a;  
 vânglâng hriatin Judate chu nasa takin a tidang a, Pathian Lehkha 28  
 Thu hmangin Isua kha Krista chu a ni tih a hriattír ʔhîn a.

**19** Tin, Paula chuan khaw chhak bial a fang chhuak zet a, 1  
 Apollova Korinth khuua a awm hlân khân Ephesi khu  
 chu a thleng a, zirtírho tuteemaw a hmu a; tin, ani chuan an  
 hnênah, “In rin tih lai khân Thlarau Thianghlim in chang 2  
 em?” a ti a. Tin, anni chuan a hnênah, “Chang lo, Thlarau  
 Thianghlim a awm tih rêng hriat pawh kan hre lo,” an ti a. Tin, 3  
 ani chuan, “Eng baptisnaah nge in chan le?” a ti a. Anni  
 chuan, “Johana baptismaah,” an ti a. Tin, Paula chuan, 4  
 “Johana kha chuan mi hnênah, ‘Mi rawn zuitu túr (Isua chu)  
 in la ring túr a ni,’ tiin, simna baptismain a baptis ʔhîn a nih kha,”  
 a ti a. Tin, chu thu chu an hriat veleh Lalpa Isua hmingin 5  
 baptisma an chang ta a. Tin, Paulan an chungah a kut a nghat 6  
 a, Thlarau Thianghlim chu an chungah a lo thleng ta a; tichuan  
 ʔawng hriat lohtein thu an sawi a, Pathian thu pawh an hril ta a.  
 An za chuan patling sâwm leh pahnih lai an ni. 7

Tin, Paula chu inkhawmna inah a lût ʔhîn a, thla thum lai 8  
 huai takin thu a sawi a, Pathian ram kawng thua chuan mi a  
 hnial a, mi a thlêmtlu ʔhîn a. Nimahsela, a ʔhen an tihmawh 9  
 a, an awi duh loh va, mipui hmaah Kawng chu an sawichhiat  
 veleh chuan, ani chuan anmahni a kalsan a, zirtírhote chu a kai  
 hrang a, ni tin Turanna zirtírna inah mi a hnial ʔhîn a. Chutiang 10  
 hlirin kum hnih lai a ti a; chutichuan Asia rama awm zawng  
 zawng Judate leh Grikte pawhin, Lalpa thu chu an hre ta hial a.  
 Tin, Pathianin Paula kutin thilmak namên a tih<sup>ti</sup>ir lo va; 11  
 chutichuan a taksa ata inhrûkna puante emaw, fênthuahte emaw 12  
 dam lote hnênah an rawn keng a, an nate a reh ʔhîn a, an  
 kawchhûng ata ramhuaite pawh an chhuak ʔhîn a.

Tin, thiam zuara vâk vâk Juda mi tutenemaw, “Paulan a 13  
 thu a tlângaupui ʔhîn Isua hmingin kan vau a che,” tiin, ramhuai  
 paite chungah Lalpa Isua hming an lam vei ʔhîn a. Tin, Juda 14  
 mi, puithiam lal pakhat, Skeva chuan chutiang ti ve ʔhîn fapa  
 pasarih a nei a. Nimahsela, ramhuaiin an hnênah, “Isua ka 15  
 awi e, Paula pawh ka hria e, nangni erawh chu tunge maw in  
 nih le?” a ti a, a chhâng a. Tin, ramhuai pai chuan a rawn 16  
 zuan a, an pahnih chuan a hneh a, a ngam ta zâwk a, chutichuan  
 chu mi in ata chu saruak leh inhliamin an tlân chhuak ta hial a.



Chutichuan, Ephesi khuaa awm zawng zawng, Judate leh 17  
 Grikte hnênah pawh, chu mi thu chu a thang ta a; tichuan an  
 zain an hlau va, Lalpa Isua hming a lian ta a. Tin, ringhote 18  
 pawh chu a then tam tak an lo kal a, an thiltihte thupha an chawi  
 a, an inpuang ta a. Dawihmang a then tam tak pawhin an 19  
 lehkhabyte an rawn sin khâwm a, mi zawng zawng mithniuhah  
 an hâl ta a, tin, a man an chhût a, chêng singnga niin an hria.  
 Chuti kauva nasa chuan Lalpa thu chu a darh a, a hneh ta zél a. 20

Tin, chûng zawhah chuan, Paulan, Makedonia ram leh Akaia 21  
 ram chu fan chluah riha, Jerusalem khuaa kal a rilrûk a, “Chuta  
 ka kal zawh chuan Rom khu a tlawh baw k tûr a ni,” a ti a.  
 Chutichuan a rawngbâwltu pahni, Timothea leh Erasta chu, 22  
 Makedonia ramah a kaltîr zet a, ani erawh chu Asia ramah a  
 awm rih a.

Tin, chûng lai vêl chuan Kawng avâng chuan mi buai 23  
 namênin an buai ta lo va. Mi pakhat, a hming Demetria, 24  
 tangkarua chhera, tangkaruaa Diani lem siamtu chuan, a  
 siamthiamte hnênah inhlawhfâkna ram tak a pe thîn a; chu mi 25  
 chuan anni chu a ko khâwm a, an hnathawh ang thawktute nê;  
 tin, an hnênah, “Pute u, he hna hi kan hausakna a ni tih in hria e.  
 Hetah Ephesi khu a chauhvah hian ni lovin, Asia ram khawvêl 26  
 zawng zawng thawh pawh, he Paula hian, ‘Kuta siam pathiante  
 hi pathian an ni lo,’ tiin, mi tam tak a thlêinthlu a, a pakaitîr zo  
 tawh a ni tih, nangni ngei pawhin in hmuin in hre baw k a:  
 chutichuan kan hnathawh a lân ang tih a hlauhawm chauh hi a 27  
 ni lo va, pathiannu ropui tak Diani biak in pawh lû an rawn  
 ngaitlâwm ang a. Asia rama mi zawng zawng leh khawvela  
 min an biak thîn hi, a ropui tehlul nê a tlâwm ang tih a  
 hlauhawm baw k a ni,” a ti a.

Tin, chûng thu chu an hriat vele, an thinur ta êm êm a, 28  
 “Ephesi khuaa mi Diani hi ropui tak a ni!” tiin, an au va.  
 Tichuan akhuain an buai ta vek a, Gaia leh Aristarka, Makedonia 29  
 rama mi, Paula hnungzuitute chu an man a, arualin ennaawm  
 inah an tlânpuî chiam a. Tin, Paulan mipui zînga luh a tum 30  
 chuan zirtîrhoten an phal lo va. Tin, Asia ram hotu berte 31  
 zînga thenkhat tuteemaw Paula thiante an ni a, a hnênah mi an  
 tîr a, ennaawm inah chuan lût lui lo tûrin an thlêin chiam a.  
 Tin, awm khâwmhote chu an buai a, mi tam zâwkin an inkhâwm 32  
 chhan pawh an hre lo va, chûvângin thenkhat thu pakhatin an  
 au va, thenkhat thu dangin an au va.

Tin, mipui zînga mi thenkhatin Aleksandra an thiamna thu 33  
 sawi dân tûr chu an hril a, Judaten ani chu mi hma lamah an nam  
 pheî a. Tin, Aleksandra chuan a kutin a zâp a, mi zawng zawng  
 hnênah chuan an thiamna thu sawi a tum a. Nimahsela, ani chu 34

Juda mi a ni tih an hriat veleh, dâkâr hnih lai aw rual takin,  
 “Ephesi khuua mi Diani hi ropui tak a ni!” ti hlîrin an au an au va.

Tin, khaw lehkhaziaktuin mipui chu a uidaih zawh chuan, 35  
 “Ephesi khuua mite u, Diani ropui tak biak in leh vân ațanga  
 mîlem tla kha, Ephesi khuua mite hi a vêngtu in ni tih tuge hre lo  
 awm ni? Chutichuan hêng thu hi hnial rual a nih loh ahnuin, in 36  
 ngawi reng tûr a ni, thu dâwn lovin engmah in ti tûr a ni lo. Hêng 37  
 mi heta in rawn hruaite hi, biak in suamhmangte an ni hek lo,  
 kan pathiannu sawichhetu lah an ni hek lo. Chutichuan, Deme- 38  
 tria leh a ținian themthiamte pawhin tu lakah pawh thupawi  
 an neih chuan, thupawi sawina inte chu hawn sa a ni alâwm, lal  
 aiawhtute pawh an awm a; inchhâl rawh se. Thil dang pawh 39  
 nei rêng in nih chuan, inkhâwm pângngaiah an rem ang.  
 Vawinah bengchhen avâng hian chhâl hlauhawmin kan awm tâk 40  
 hi, a bul awm si lovin; chuti chu a ni si a, he inkhâwm chhan hi  
 engmah kan sawi theih dâwn loh hi,” a ti a.

Tin, chutiang thu a sawi zawh chuan awmkhâwmhote chu 41  
 a țintir ta a.

**20** Tin, bengchheng chu a reh zawhin, Paulan zirtîrhote a 1  
 kohtir a, a fuih a, ținwng ținain a țin a, Makedonia rama  
 kal tûrin a chhuak ta a. Tin, thu tam taka zirtîrhote fuih zêlin 2  
 chu mi ram chu a fang chhuak a, Grik ram a thleng ta a. Tin, 3  
 chutah chuan thla thum a thang hnuin Suria ram lamah lawngin  
 a kal dâwn a, Judaten amah an phiar avângin Makedonia ramah  
 hâwn tlang a tum leh ta zâwk a. Tin, Purrha fapa Sopata Beroia 4  
 khuua mi te, Thessalonika khuua mi Aristarka leh Sekunda te,  
 Derbe khuua mi Gaia te, Timothea te, Asia rama mi Tukika leh  
 Trophima te a hnênah Asia ram thlengin an kal ve a. Chûngho 5  
 chuan kan hma an hruai a, Troas khuuah chuan min lo nghâk  
 reng a. Keini erawh chu chhang dawidim telh loh ni zawng 6  
 zawng hnuah chuan Philippi khuah ata chu lawngin kan chhuak a,  
 ni nga chinah Troas khuah an hnên kan thleng a; chutah chuan  
 ni sarih kan châm a.

Tin, ni sarih ni hmasa berah chuan, chhang phel tûra kan 7  
 awm khâwm laiin, Paulan atûka kal a tum avângin an hnênah  
 khûn takin thu a hril a; zan lai thlengin thu a sawi zêl a. Tin, 8  
 pindan chungnung kan awmkhâwmnaah chuan khâwnvâr tam  
 tak a awm a. Tin, a hming Eutuka tlangvâl pakhat tukverhah 9  
 chuan a țin a, a lo muthlu a lo muthlu a. Tin, Paulan thu a  
 sawi rei tâk avângin ani chuan a mutchhuak a tvar ta lo va, in  
 chhâwng thumna ațang chuan a tla ta a, a țin an chhar a.  
 Nimahsela, Paula a chhuk a, a chungah a bawh a, a pawm a, 10  
 “Thlaphâng suh u, a hnuk a lo la chat lo ve,” a ti a. Tin, Paula 11  
 a chho leh a, chhang chu a phel a, chaw a ei a, rei tak, khawvâr

thleng hialin an hnénah thukhawchâng a sawi a, chu mi hnuah chuan a kal ta a. Tin, rawlthar chu damin an hruai a, thlamuan 12 namênin an thlamuang ta lo va.

Tin, keini crahw chu, lawngah kan lo kal tawh a, Assi khaw 13 pan tûrin lawng chuan kan lo chhuak hmasa a, chutah chuan Paula chu la chuantîr kan tum a; ani chuan kea lo kal a tum avângin chutiangin aman a ruat rêng a ni a. Tin, Assi khuaa 14 min rawn fin chuan kan chuantîr ta a, Mitulini khua kan thleng a. Tin, chuta tâng chuan lawngin kan kal leh a, atûkah chuan 15 Kia thliarkâr zâwn kan thleng a; tin, atûk lehah Sami thliarkâr kan tlawh a; tin, atûk lehah chuan Mileti khua kan thleng leh a. Tin, Paulan Asia rama awm rei a duh loh avângin, Ephesi khua 16 chu lawngin pelh a tum sa rêng a ni, a theih chuan Jerusalem khuah Pentikost ni nan a tum a, a kal hmanhmawh a ni.

Tin, Mileti khua a tâng chuan Ephesi khuah mi a tîr a, 17 kohhran upahote a hnénah a kohtîr a. Tin, a hnên an lo thlenin 18 ani chuan an hnénah:—

“Asia ram ka tlawh tîr ni ata kha in hnêna ka awm chhûng zawng khân ka awmzia kha in hria e; thuhnuaairawlh ber chung leh, Judaten mi phiar avânga mittui tla leh, thil hrehawm ka 19 chung a tlate tuar chungin, Lalpa rawng ka bâwl thîn kha; khati khân a sâwt tûr thu in hnénah engmah hrilh ka tîm lo va, vântlâng 20 zîngah te, in tinah te ka zirtîr thîn che u a, Judate leh Grikte 21 hnénah pawh Pathian lama rilru lamlê thu leh, kan Lalpa Isua Krista lam rin tûr thu ka hriattîr thîn kha. Tin, hre rawh u, 22 tûnah hian rilrua kal lo thei lova ka inhriat avângin, Jerusalem khuah ka kal dâwn hi, chutah chuan ka chung a thil lo thleng tûr chin ka hre lo ve; Thlarau Thianghlimin, ‘Phuarna leh 23 hrehawmnain a hmuak a che,’ tiin, khaw tinah mi hriattîr thîn, chûng chauh chu ka hria a ni. Ninashsela, ka tlânsiakna kawng ka 24 hmabâk hlen tûr leh, Pathian khawngaihna Chanchin Tha hriattîr tûr, Lalpa Isua hnénah kha mi rawngbâwl hna ka hmuah kha thawk zo phawt îla, ka nun pawh thlâkhlelh tlâkah ka ruat lo ve.

“Tin, hre rawh u, nangni zawng zawng, Pathian ram thu 25 tlângaupui zêla ka vah ka vah thinnate hian ka hmêl in hmu leh tawh lo vang tih ka hria e. Chuvângin, mi zawng zawng 26 thisenah ka hul a ni tih wawinah hian ka hriattîr a che u. Pathian 27 rêl zawng zawng a zain in hnénah hrilh ka tîm loh kha. Pathian 28 kohhranho, ama thisena a leite chu, chawm tûrin, nangmahni leh in hote zawng zawng chungah chuan fimkhur rawh u, Thlarau Thianghlimin an chung a hotuah a siam che u hi. Ka kal hnuin 29 chinghne kawlhite in zîngah an lo lût ang a, pâwlho chu an zuah lo vang tih ka hria e. In zînga mi ngei pawh hi, zirtîrhote in 30

hnêna pakaitîr tûrin thu hran sawi in lo la awm ang. Chuvângin 31  
ngaihven rawh u; kum thum meuh, mittui tla chung, a chhûn a  
zâna mi tin zilh ka bân loh kha hre reng rawh u.

“Tûnah hian Pathian leh a khawngaihna thua ka kawltîr 32  
a che u, chu chuan a siam lian thei che u a, mi rilru thianghlimte  
zîngah ro chan a neihtîr thei bawk a che u. Tuma tangkate, 33  
rangkachakte, silhfênte ka awh ngai loh kha. He kutte hian 34  
keimah leh ka thiante châkkhai a deh chhuah thîn kha nangni  
ngeiin in hria e. Engkim ka tih apiangah ka tihhmuh thîn che 35  
u kha, chutiang thawk rim chung leh, Lalpa Isua thu hre reng  
chungin mi chak lote in tanpui tûr a ni; amah ngeiin, ‘Englo  
lâk aiin, pêkin lukhâwng a nei zâwk,’ a tih kha,” a ti a.

Tin, chutiang thu chu a sawi zawh chuan, a thingthi a, an zain 36  
a tawngtaipui a. Tin, an za chuan an tap zawih zawih a, an ir 37  
leh Paula ir chuktuahin an fâwp ngawih ngawih a, a hmêl an hmuh  
leh tawh loh tûr thu a sawi chu an lungngaihna ber a ni. Tin, 38  
lawng thleng chuan amah an thlah ta a.

**21** Tin, anni nên chuan kan inthen a, lawngin kan chhuak 1  
a, chu mi hnua chuan ngîl takin Koi thliarkâr kan thleng  
a, tin, atûkah Rodi thliarkâr kan thleng leh a, chuta tângin kan  
kal zêl a, Patara khua kan thleng a; tin, Phoiniki rama kai tûr 2  
lawng pakhat kan hmu a, kan chuang a, kan kal ta zêl a. Tin, 3  
Kupra thliarkâr kan hmu a, vei lam chhawnin kan pêl a, Suria  
ram lamah kan kal zêl a, Turi khuaah chuan khawmualah kan  
chhuak ta rih a; chutah chuan lawnga sum thiar chhuah tûr a ni  
a. Tin, zirtîrhote kan zawng chhuak a, chutah chuan ni sarîh 4  
kan châm a; tin, anni chuan Thlarau hrilhin, Paula hnênah  
Jerusalem khua tlawh loh tûr, an ti a.

Nimalisela, chûng ni zawhah chuan kan chhuak a, kan kal ta a, 5  
unaute chuan an zain, an nupui fanaute nên daipâwn thengin min  
thlah a; tin, tuifinriat kamah chuan kan thingthi a, kan tawngtai  
a. Tin, “Dam takin,” kan inti a, lawngah chuan kan chuang a; 6  
anni erawh chu an inah an haw leh ta a. Tin, Turi khua ata 7  
lawnga kan kal zawh chuan Ptôlemai khua kan thleng a, unaute  
chibai kan bûk a, an hnênah ni khat kan châm a.

Tin, atûkah chuan kan chhuak a, Kaisari khua kan thleng 8  
a; tin, Chanchin Tha hriltu Philipa inah kan lût a, ani chu pasarihte  
zînga pakhat kha a ni a, a hnênah kan châm a. Chu mi chuan 9  
fanu pali a nei a, nula thianghlim an ni a, Pathian thu an hril thîn a.

Tin, chutah chuan ni tam tak kan châm a, chu mi lai chuan 10  
Judai ram ata a hming Agaba zâwlnei pakhat a lo chhuk a.  
Tin, kan hnênah a lo kal a, Paula kâwnggrên a la a, a kete, a 11  
kutte amahin a inphuar a, tin, “‘Jerusalem khuaa Judate chuan  
hetiang hian he kâwnggrên neitu hi an phuar ang a, Jentailte

kutah an pe bawk ang,' Thlarau Thianghlimin a ti e," a ti a.  
 Tin, chûng thu chu kan hriat veleh, keini leh chu mi khuaa mite 12  
 chuan *Paula* chu Jerusalem khuaa han kal lo tûrin kan ngên chiam  
 a. Tin, *Paula* chuan a chhâng a, " Eng in ti nge ni, in ãah in ãah 13  
 a, ka lung in tihchhiat? Lalpa Isua hming avâng chuan Jerusalem  
 khuaa phuar chang ka huam lo va, thih pawh *ka huam* asin," a  
 ti a. Tin, thlêm rual a nih loh ahnu chuan, " Lalpa thu thu ni 14  
 rawh se," kan ti a, kan bâng ta a.

Tin, chu mi hnuah chuan kan bungrua kan siam a, Jerusalem 15  
 khuah kan han kal a. Kaisari khuaa mi zîrtîrho *tuleemaw* kan 16  
 hnênah an kal ve a, anni chuan a hming Mnasona, zirtîr hmasa  
 pâwl Kupra thliarkâra mi pakhat kan thlen in pa tûr chu an  
 hruai ve a.

Tin, Jerusalem khuah kan thlen chuan unauten hlim takin 17  
 min lo lâwm a. Atûkah chuan *Paula* hovin *Jakoba* hnênah kan 18  
 lût a; *chutah chuan kohhran* upate zawng zawng pawh an awm a.  
 Tin, *Paulan* anmahni chibai a bûk zawhin, a rawngbâwlina hmanga 19  
 Pathianin Jentailte zînga thil a tihîr apiang chu a kip a kawin  
 a sawi a.

Tin, *unaute* chuan chûng thu chu an hriatin Pathian an chaw- 20  
 mawi a; tin, *Paula* hnênah chuan, " Nauva, Judate zînga ringtute  
 tamzia i hmu a; an zain Dân chungah ãhahnem an ngai bawk a;  
 tin, nanging Jentailte zînga *Juda* awmte zawng zawng hnênah chuan 21  
 an fate serh tan loh tûr leh, dân anga awm loh tûr, tiin, *Mosia*  
 thlauhtlâkna tûr i zirtîr ãhîn tih, mi kaah i thu hi an hria a.  
 Engtinge ni ta ang le? I lo thleng tih an hre dâwn ngei si a. 22  
 Chuvângin i hnêna kan sawi ang hian ti ang che: Thutiam nei 23  
 mipa palî kan hnênah an awm; chûng mite chu hruai la, an 24  
 hnênah inthian fai ve la, an lu an meh theih nân an tân sum sêng  
 rawh; chutichuan, mi zawng zawngin mi kaa i thu an hriat apiang  
 kha, tih tak a ni lo tih an hria ang a, nangmah ngei pawh Dân  
 zawhin fel takin i awm ve zâwk tih an hre dâwn nia. Jentailte 25  
 zînga ringtute chungchâng thu zawng, mîlem biakna thil *ei*  
 kawngah te, *sa* thisen *ei* kawngah te, *sa* rehhlum *ei* kawngah te,  
 inngaih kawngah te an inthiarfihlîm tûr a ni, tiin kan rêl a, kan  
 ziaik tawh kha," an ti a.

Tin, atûkah chuan *Paulan* mipate chu a hruai a, au hnênah 26  
 a inthian fai ve a, Pathian biak inah chuan a lût a, an tâna sa talh  
 ãheuh tûr a pêk sak hma loh chuan inthen faina ni an nei rih dâwn  
 tih, *puithiam* hnênah a hrilh lâwk a.

Tin, ni sarîh chu a tlin dâwn ruaiin Asia rama Judate chuan 27  
*Paula* chu Pathian biak inah chuan an hmu a, mipui zawng zawng  
 an fuihpawrh a, ani chu an inan a, an au va, " Israel mite u,  
 min pui rawh u! He mi hi ram tinah mi zawng zawng hnênah. 28

*Juda* mi te, Dân te, he in te sawichhetu kha a nih hi; chu lo pawh, Pathian biak inah hian Grik mite pawh a luhpui a, he in thianghlím hi a tibawlhhlawh tawh a ni,” an ti a. (Chu mi hmáin khuah 29 chuan Ephesi khuah mi Trophima chu a hnénah an hmu a, Paulan chu mi chu Pathian biak inah a luhpui an ring a ni.) Tin, 30 akhuain an phu ta mur mur a, mite chu an tlân khâwm a; Paula an man a, Pathian biak in ata an hnûk chhuak a; kawngte chu an khâr ta nghâl a. Tin, ani chu tihhlum an tum lai chuan 31 Jerusalem khuah mi zawng zawng an buai tih thu chu sipai pâwl hotu lal ber hnên a han thleng a. Tin, ani chuan sipaite leh sipai 32 za hotute a hruai ta nghâl a, an hnénah a tlân chhuk a; tin, anni chuan hotu lal ber leh sipaite chu an hmuh veleh Paula vuak an bâng ta a.

Tin, hotu lal ber chuan a rawn hnaih a, *Paula* chu a chelh a, 33 khaidiat pahni buntîr thu a pe a; tunge a nih a, engnge a tih a zâwt a. Tin, mipui zingah chuan a then thu khatin an au va, 34 a then thu dangin an au va; tin, bengchheng avângin a ziazâng a hre thei lo va, kulhbînga hruai luh thu a pe a. Tin, *Paulan* 35 kailâwn a thlen laiin mipuiin an bei nasat avângin sipaiten ani chu an chawî kâng zêl a; mi zawng zawngin, “Tiboral rawh u,” tia 36 auvin, an zui huai huai si a.

Tin, Paula chu kulhbîngah chuan an hruai luh dân laiin, 37 ani chuan sipai hotu lal ber hnénah chuan, “I hnénah thu kamkhat ka sawi thei ang em?” a ti a. Tin, ani chuan, “Grik tawng i 38 hria elo? Hmâna mite fuihpawrha, mihring phihlmangho sângli thlalêra hruai chhuaktu Aigupta rama mi kha i ni lo vem ni?” a ti a. Paula erawh chuan, “Juda mi, Kilikia rama Tarsa khuah 39 mi ka ni, khaw namêna awm ka ni lo; mi khawngaih la, mi zawng zawng hnénah thu mi hrilhîr rawh,” a ti a.

Tin, a remtih veleh, Paula chu kailâwnah chuan a ding a, 40 mi zawng zawng ngawih nân a kutin a zâp a; tin, an ngawih thuap veleh Hebrai tawngin an hnénah:—

**22** “Unaute u, pate u, tûnah in hnénah ka thiamna thu ka 1 hrilh dân che u hi ngaithla rawh u,” a ti a. Tin, Hebrai 2 tawngin an hnénah thu a sawi tih an hriat veleh an ngawi lehzual a; tin, ani chuan.

“Juda mi ka ni, Kilikia rama Tarsa khuah piang ka ni, 3 nimahsela he khuah hian Gamaliela ke bulah chuan zira sei lian ka ni, kan thlahtute Dân awmze khermei tak chu zîr thîna awm ka ni, wawiina nangmahni zawng zawng ang tak hian Pathian tâna thanem bawh thîn ka ni. Tin, he Kawnga mite hitihlum hial 4 khawpin ka tiduhdah thîn a, a hmei a pain ka phuar a, tân inah ka khungtîr thîna. Puithiam Lalber leh upate zawng zawng pawhin 5 chûngthu chu mi hriatpui theie, an hnên ata pawh unaute pêk atân

lehkha ka hmuh kha; tin, Damaska khuaa awm apiang, an hrem atân, phuar chungã Jerusalem khuaa hruai tûrin ka kal kha.

“Tin, ka kal a, Damaska khaw kiang ka thlen chuan, chawfâk 6  
hun laiin, thâwkkhatan vân ata êng nasa tak ka vêlan a lo êng ta  
phut a; tin, leiah ka tlu a, ka hnênah, ‘Saula Saula, nangin 7  
engatinge mi tihduhdah hi?’ tiin, aw ka hria a. Tin, keiin, 8  
‘Lalpa, tunge i nih?’ tiin, ka chhâng a. Tin, ani chuan ka  
hnênah, ‘Nazaret Isua i tihduhdah hi ka ni,’ a ti a. Tin, ka 9  
thiante chuan êng chu an hmu na a, mi betu aw erawh chu an  
hre lo. Tin, keiin, ‘Lalpa, engnge ka tih ang?’ ka ti a. Tin, 10  
Lalpa chuan ka hnênah, ‘Tho la, Damaska khuah lût rawh, thil  
zawng zawng i tih tûra ruat apiang an hrih ang che,’ a ti a. Tin, 11  
chu êng ropui avâng chuan khuah ka hmu thei ta lo va, ka thianten  
kutin mi kai a, Damaska khuah ka lût ta a.

“Tin, mi pakhat, Anania, Dân kawnga Pathian ngaihsak leh, 12  
chuta Juda awmte zawng zawng hnêna hmingtha chu ka hnênah  
a lo kal a, ka kiangah a ding a, ka hnênah, ‘Ka nau Saul, mit 13  
vâr nei rawh,’ mi ti a. Tin, chu mi lai tak chuan amah ka han  
hmu ta a. Tin, ani chuan, ‘Kan thlahtute Pathianin a duhzâwng 14  
hriaah leh Mi Feltaka chu hmua, a tawngkâ hriaah pawh a ruat  
tawh che a. I hmuh leh i hriat thuah khân mi zawng zawng 15  
hnênah ama thu hretu i ni ang. Tin, engatinge i la awm reng le? 16  
Tho la, ama hming lam chungin baptisma chang la, i sualte  
tlêngfai ta che,’ mi ti a.

“Tin, Jerusalem khuah hian ka hâwn leh hnuin, Pathian 17  
biak ina ka tawngtai laiin, englovin mi zêl a; tin, ‘Hmanhmawh 18  
la, Jerusalem khuah ata chhuak rawh; ka chanchin i hrih tûr chu an  
pawm dâwn loh hi,’ a mi tih lai ka hmu a.

“Tin, keiin, ‘Lalpa, inkhâwmna in tîna a ringtu che apiang 19  
tân inah ka khung a, ka vuak thîn kha an hre si a; tin, i thu hretu 20  
Stephana thisen an chhuah lai khân kei pawh a kiangah ka ding a,  
ka lo remti a, a tihlumtute puante ka vêng hlawm bawh a ni,’ ka  
ti a.

“Tin, ani chuan, ‘Kal rawh; heta tângin hla taka Jentailte 21  
hnênah ka tîr zâwk ang che,’ mi ti ta a,” a ti a.

Tin, chu thu thleng chuan an ngaithla a; tin, aw ring takin, 22  
“Mi hetiang nek hi khawvêl ata tiboral rawh u; nung tui a ni lo  
va,” an ti ta a. Tin, an au va, an puante an hlip a, an paih a, 23  
vaivut an vânvawrh a, chutichuan, sipai hotu lal ber chuan Paula 24  
chu kulhbîng chhûnga hruai luh thu a pe a, a chungah chuti êma  
an au chhan chu hriat nân vuak chungã chhâl tûrin a ti a.

Tin, savun hruia an phuar belhbawm zawhin, Paulan a kianga 25  
ding sipai za hotu hnênah chuan, “Rom mi rêng rêng in vav thei  
em ni, thiam loh chantîr hnu pawh ni leh ngihl si lo?” a ti a.

Tin, sipai za hotu chuan chu chu a hriat veleh, sipai hotu lal ber 26  
 hnênah chuan a kal a, “I thil tih tûr hi fimkhur teh khai! He  
 mi hi Rom mi a lo ni e,” a ti a, a hrilh a. Tin, sipai hotu lal ber 27  
 chu a lo kal a, a hnênah, “Rom mi i ni maw? Mi hrilh rawh,”  
 a ti a. Tin, ani chuan, “Ni e,” a ti a. Tin, sipai hotu lal ber 28  
 chuan, “Chu mi khuaa mi ni tûrin kei zawngin tangka tam tak ka  
 sêng asin,” a ti a, a chhâng a. Tin, Paula chuan, “Kei zawng  
*Rom mi rênga piang ka ni,*” a ti a. Tichuan *nghaisa chung*a chhâl 29  
 tumte chuan ani chu an kalsan ta nghâl a; sipai hotu lal ber pawhin  
*Rom mi a ni tih a hriat chuan a hlau va, a phuar avângin a hlau*  
*bawk a.*

Tin, atûkah chuan, Judaten eng vângin nge *Paula* an hêk 30  
 tih hriat fel tumin, *sipai hotu lal ber chuan* ani chua phelha, puithiam  
 lalte leh rorêltu zawng zawngte inkhâwm tûr thu a pe a, Paula a  
 hruai chhuk a, an hmaah a dintîr ta a.

**23** Tin, Paula chuan rorêltute chu a en reng a, “Unaute u, 1  
 vawiin thlengin Pathian mithmuha ãha lama ka hriat apiang  
 tiin ka awm ãhin e,” a ti a.

Tin, Puithiam Lalber Anania chuan, *Paula* kianga dingte 2  
 hnênah a kaa ben sak tûr a ti a. Tin, Paula chuan a hnênah, 3  
 “Nang lung pal hnawih vârpâ, Pathianin a bêng *zâwk* ang che;  
 nang, Dân anga mi ngaihtuah tûrin i ãthu a, Dân lo anga mi ben  
 tûr i ti vei a ni maw?” a ti a. Tin, a kianga miten, “Pathian 4  
 Puithiam Lalber i hau vei maw?” an ti a. Tin, Paulan, “Unaute 5  
 u, Puithiam Lalber a ni tih ka hre lo a ni; ‘I chipuite hotu chungah  
 thu ãha lo sawi suh,’ tih pawh ziaak a ni si a,” a ti a.

Tin, Paulan a ãthen Saddukaite, a ãthen Pharisaite an ni tih a 6  
 lo hriatin, rorêltute zîngah chuan a au va, “Unaute u, Pharisai  
 ka ni, Pharisai fapa pawh ka ni; mitthi beiseina leh thawhlehna  
 thuah chhuahchhâlin ka awm a nih hi,” a ti a.

Tin, chu chu a sawi zawh chuan, Pharisaite leh Saddukaite 7  
 an lo inhnial a, rorêltute chu an inkhing ta a. (Saddukaihoten,  
 “Mitthi thawhlehna rêng a awm lo, vântirhkohte, thlaraute pawh 8  
 a awm hek lo,” an ti ãhin; Pharisaihote erawh chuan chu mi kawng  
 pahnih chu a *awm tih* an awi si a.) Tichuan nasa takin an buai 9  
 ta a; Pharisaite lama mi lehkhaziaktute ãthenkhat an ding a, an hnial  
 a, “He mi hi engmah a sualna kan hre lo ve; thlarau pawhin,  
 vântirhkoh pawhin ani hi bia pawh ni sela, engnge pawh ang?” an 10  
 ti a. Tin, an inhnial nasat deuh deuh avângin, sipai hotu lal ber  
 chuan Paula an pawh sawm a hlau va, sipaite hnênah, zuk kala  
 an zîng ata kulhbînga han hruai chho lui tûrin a ti a.

Tin, azânah chuan Lalpa chu *Paula* kiangah a ding a, 11  
 “Thlamuang takin awm rawh, Jerusalem khuaa ka thu i hriattîr  
 ang bawk hian Rom khuaa pawh i hriattîr tûr a ni,” a ti a.



Tin, ni a chhuahin Judate an tang rual a, Paula an thah hma 12  
loh zawng engmah eia bâr lo tûrin chhia an inchham a. Chu mi 13  
thu phiartute chu sawmli aia tam an ni. Tin, anni chu puithiam 14  
lalte leh upate hnênah an kal a, “Paula kan thah hma loh zawng  
engmah tem lo tûrin chhia kan chham ta vak a ni. Chuvângin 15  
nangnin, rorêltute nên a thu fel lehzuala ngaihtuah tum angin,  
in hnêna hruai thla tûrin sipai hotu lal ber hnênah pehhêl deuhvin  
han sawi rawh u; in kiang hnai a thlen hma pawhin, keini amah  
that tûrin kan inpeih reng e,” an ti a.

Nimahsela, Paula farnua fapain an chên thu chu a lo hria a, 16  
kulhbingah chuan a va lût a, Paula a va hrilh a. Tin, Paula chuan 17  
sipai za hotu pakhat a ko va, “He tlangvâl hi hotu lal ber hnênah  
chuan hruai rawh; a hnênah thu engemaw sawi tûr a  
nei a ni âwm e,” a ti a. Chutichuan, sipai hotu lal ber hnênah 18  
chuan a va hruai a, “Paula, mi tang khân mi ko va, he tlangvâl  
hi i hnêna rawn hruai tûrin mi tîr a, i hnênah thu engemaw sawi  
tûr a nei a ni âwm e,” a ti a.

Tin, sipai hotu lal ber chuan a kutah a chelh a, a kal hranpui 19  
a, arûkin, “Engnge mi hrilh tûr i neih chu?” tiin, a zâwt a.

Tin, ani chuan, “Paula thu chu fel lehzual deuhva i ngaihtuah 20  
tûr angin, naktûkah rorêltute hnêna hruai chhuk tûrin Judaten  
dîl che an remti tâng a. Nimahsela, an thu lo awi suh ang che; 21  
an zînga mi sawmli aia tamin an châng reng a, chu mite chuan,  
amah an thah hma loh chu engmah eia bâr lo tûrin chhia an chham  
a; tûnah hian i thu nghâkin inpeih sain an awm reng a ni,” a ti a.

Tin, sipai hotu lal ber chuan tlangvâl chu a kaltîr a, “Hêng 22  
thu hi mi lo hriattîr tawh tih tumah hrilh suh ang che,” a ti tlat a.  
Tin, sipai za hotu pahnih a ko va, “Zân mut reh hunah Kaisari 23  
khaw thlenga kal tûrin sipai zahnih nên, sakawr chung chuang mi  
sawmsarih nên, fei keng mi zahnih nên siam rawh u,” a ti a; tin, 24  
Ram Awptu Felika hnênah chuan him taka an thlentîr theih nân  
Paula an chuantirna tûrin sate lo siam tûr a ti bawk a.

Tin, hetiangin lehkha a ziaak a:— 25

“Klaudia Lusian Felika Ram Awptu tha ber chibai a bûk e. 26

“He mi hi Judaten an man a, an thah dâwn laiin an hnênah 27  
sipaita hruaiin ka kal a, Rom mi a ni tih ka hria a, ka chhan  
chhuak ta a. Tin, an hêkna chhan hriat ka duh a, an rorêltute 28  
hnênah ka hruai chhuk a; chutichuan an dân thu engahte emaw 29  
hêk a ni tih ka hria a, nimahsela an hêkna thuah thihna leh phuarna  
khawp neuh tûrin engmah ka hre si lo. Tin, Judaten amah an 30  
châng tih miin mi hriattîr veleh, i hnênah ani hi ka rawn tîr ta  
nghâl a ni, a hêktute pawh a chung a thupawi an neih apiang i  
hmaa sawi tûrin thu ka pe bawk a,” tiin.

Chutichuan, sipaita chuan a thupêk ang chuan Paula chu a- 31

zân azânin an hruai a, Antipatri khua an thlenpui a. Tin, 32  
 atûkah chuan sakawr chung chuang mite chu a hnêna kal zêl tûrin  
 an kîrsan a, kulhbingah chuan an kal leh ta a; tin, anni chu Kaisari 33  
 khua chu an thleng a, Ram Awptu hnênah lehkhah chu an pe a,  
 Paula pawh a hmaah an dintîr a. Tin, Ram Awptu chuan a chhiar 34  
 zawhin, *Paula awmna ram a zâwt a*. Tin, Kilikia rama mi a ni  
 tih a hriat veleh, “A hêktu che pawh chu an lo thlen hunah i  
 thupawi ka ngaihtuah ang,” a ti a. Tin, Heroda inah vên tûr 35  
 thu a pe a.

**24** Tin, ni nga chinah Puithiam Lalber Anania a lo thleng 1  
 chhuk a, upa tuteemaw nêh, a hming Tertulla thu sawi thiam  
 pakhat nêh; tin, Paula chung a thupawi chu Ram Awptu hnênah  
 an sawi a.

Tin, *Paula* chu an koh chhuah hnu chuan Tertulla chuan amah 2  
 a hêk tam a:—“Felik tha ber, nangmaha zârah thlamuang êm  
 êmin kan awm avâng leh, i enkawl avânga he chite tân hian sualte  
 khap thatin a awm thîn avângin, kumkhuain khawiah pawh 3  
 lungawi takin kan lâwm thîn. Amaherawhchu, i tân ninawm 4  
 lutuk nih ka duh lo va, i nunnêmnain thu kamkhat *erawh chu* min  
 ngaihtlâk sak tûrin ka ngên a che. He mi hi mi huatthlala tak, 5  
 khawvêla Judateho zawng zawng chawh buaitu leh, Nazaret 6  
 mite pâwla an tupa ber pakhat a nih kan hria a; Pathian biak 7  
 in tihbawlhhlawh a tum bawh a; *chuwângin* kan man a ni; nangmah 8  
 ngeiin chhuahchhâlin, kan hêkna thil zawng zawng hi ama lakah  
 i hre thei ang,” a ti a.

Tin, Judate pawh chuan, “Chûng thu chu chutiang chu a ni,” 9  
 tiin, an tanpui ve a.

Tin, Ram Awptu chuan thu sawi tûra Paula chu kuta a zah 10  
 veleh, Paula chuan:—“Nang kum tam tak he chite rorêl saktu  
 hi i nih ka hriat avângin lâwm takin ka thiamna thu ka sawi dâwn  
 hi. Jerusalem khuaah Pathian be tûrin ka han kal achin chu ni 11  
 sâwm leh ni nhiih lo liam a la ni lo vang tih i la hre thei ang; Pathian 12  
 biak inah pawh, inkhâwmna inahte pawh, khuaah pawh tumah ka  
 hnial leh mipui ka fuihpawrh annin mi hmu hek lo; tûnah pawh 13  
 an mi hêkna thu hi i hriatah a bul an chhui chhuak thei hek lo  
 vang. Nimahsela, he thu hi i hnênah ka inpuang ang, ‘Pawl 14  
 hrang’ an tih Kawng dân angin kan thlahtute Pathian ka be thîn—  
 Dân leh Zâwlneite *Lehkhahua* ziaik zawng zawng ringin; tin, mi felte  
 leh fel lote thawhlehnâ a awm ang tih Pathian lamah ka beisei a, 15  
 hênghote pawh hian chûng chu an awi ve bawh si a; chu mi avâng 16  
 chuan Pathian hnên lamah leh mihring hnênah pawh rilru sual  
 lo mawlh hi vawn fo ka tum thîn. Tin, kum tam tak hnuah 17  
 hian ka chipuite hnênah thilpêk tûr leh sa talh tûr rawn sinin ka  
 lo kal a; tin, chûng *thil ka pêk* lai chuan, mipui tellovin, bengchheng 18

lovin, Pathian biak inah thianghlimin mi hmu a. Nimahsela, 19  
 chutah chuan Asia rama mi Juda tuteemaw an awm kha, chùngte  
 chuan ka chungah thu an neih chuan hetah hian i hmaa awmin  
 mi hêk tûr a ni. A nih loh, leh hêng mite ngei hian rorêltute 20  
 hmaa ka din lai khân, ka tihsual engnge an hmuh sawi rawh se, he 21  
 thu kamkhat avâng hian a nih nghâl loh chuan, an zînga  
 dîngin, ‘Mitthi thawhlehnâ thuah vawînah hian in hmaah  
 chhuahchhalhin ka awm a nih hi,’ ka tih kha,” a ti a, a  
 chhâng a.

Tin, Felika chuan Kawng thu chu a hriat fel deuh avângin, 22  
 “Sipai hotu lal ber Lusîa chu a lo thlen chhuk hunah in thu  
 ka la rem ang,” tiin, a dah ta rih a.

Tin, Paula chu duat deuhva, a thiantê rawngbâwl sak khap 23  
 lova, vêtîr tûrin sipai za hotu hnênah chuan thu a pe a. Tin, 24  
 ni engzât emaw chinan Felika chu a lo kal leh a, a nupui Drusilli  
 Juda hmeichhia nê, Paula chu a kohtîr a, Krista Isua rinna thu  
 chu a ngaithla a. Tin, Paula chuan felna thu te, insûm thute, 25  
 rorêlna lo la awm tûr thute khûn taka a hrih laiin Felika chuan  
 hlauhawm a ti êm a, “Kal leh ta rih tawh, hun remchâng ka neih  
 hunah ka ko vang che,” a ti a. Paulan tangka a pêk a beisei baw 26  
 a, chuvângin a ko zing deuh va, a be thîn a ni.

Nimahsela, kum hñih a vei hnuin Porkia Festan Felika chu 27  
 a thlâk ta a; tin, Felika chuan, Judate zîngah hmingthat a duh a,  
 Paula chu phuar sain a hnutchhiah ta a.

**25** Chutichuan Festa chuan ram chu a awp ta a; tin, ni thum 1  
 chinah Kaisari khua aţang chuan Jerusalem khuaah a han  
 kal a. Tin, puithiam lalte leh Juda puipate chuan a hnênah 2  
 Paula chungchâng thu chu a chhe lamin an lo hriattîr a.  
 Jerusalem khuaa han hruaitîr tûrin khawngaihna an lo ngên chiam 3  
 baw a; kalkawnga lo châna thah an tum a. Nimahsela, Festa 4  
 chuan, “Paula chu Kaisari khuaah an vêng reng a ni, kei pawh  
 rei lo tean ka haw dâwn e. Chuvângin, chu mi chuan sualna a 5  
 neih chuan in zînga thu nei apiangin mi zui chhuk sela, hêk  
 rawh se,” a ti a, a chhâng a.

Tin, an zîngah chuan ni riat emaw, ni sâwm emaw lo liam 6  
 chu a châm lo va, Kaisari khuaah a haw thla ta a; tin, atûkah  
 chuan rorêlna thutphahah a thû a, Paula chu rawn hruai tûrin  
 thu a pe a. Tin, ani chu a lo thlen chuan, Jerusalem khuaa mi 7  
 Juda lo chhukte chu a vêlah an dîng a, a chungah thupawi tam tak  
 rit tak takansawi an sawi a, a bul erawh chu an chhui chhuak thei  
 si lo va; tin, Paula chuan a thiamna thu a sawi a, “Judate Dân 8  
 chungah te, Pathian biak in thuah te, Kaisara chungah te pawh,  
 thil rêng rêng ka tîsual lo ve,” a ti a.

Nimahsela, Festa chuan Judate zînga hmingthat a duh a, 9

Paula hnênah chuan, “Jerusalem khuaa han kal a, khitah ka hmaa hêng thu hi rêl i duh em?” a ti a, a chhâng a.

Paula erawh chuan, “Kaisara rorêlna thutphah hmaa, ro mi 10 rêl sakna tûrah hian ka din hi; Judate chungah thil engmah ka tisual lo, nang pawhin chu chu i hre Chiang hle si a. Mi sual ka 11 nih a, thihna khawp meuh thil ti ka nih chuan, thih pawh ka hnial lo ve; nimahsela hênggho mi hêkna thil hi a bul engmah a awm loh chuan, tumahin an hnênah mi pe thei lo vang. Kaisara hnênah ka thlen ang,” a ti a.

Tin Festa chuan a rorêlpuite a biak râwn zawhin, “Kaisara 12 hnênah thlen i tum vei a, Kaisara hnênah i kal mawlh ang chu,” tiin, a chhâng a.

Tin, ni engzât emaw chinah chuan lal Agrippa leh Berniki 13 chu Kaisari khua an lo thleng a, Festa chibai an búk a. Tin, 14 ni tam tak chutah chuan an châm avângin Festa chuan Paula thupawi chu lal hnênah chuan a sawi a, “Felika khân mi tâng tuemaw a hnutchhiah a; Jerusalem khuaa ka awm lai khân 15 puithiam lalte leh Juda upaten a chungchâng thu mi hrih a, thiam loh chantîr an ngên a. Tin, keiin an hnênah, ‘An hêka 16 leh a hêktute an inhmatawn a, an hêkna kawngah a thiamna thu sawi vena remchâng a hmuh hma loh chuan, mi rêng rêng hrem túra thlah hi Rom khuaa mi dân a ni lo ve,’ tiin ka chhâng a. Tin, heta an lo thlenin, rei rial lovin atûkah chuan rorêlna 17 thutphahah ka thû a, chu mi chu han hruai túrin thu ka pe a. Tin, a hêktute an din laiin, ka rin ang rêngin a chungah sualna 18 thupawi engmah rêng an sawi si lo va; an sakhaw dânte leh, Isua, 19 mi pakhat thi tawh, Paula chuan, ‘A nung leh a ni,’ tiin, a sawi a, chutih avâng chuan a chungah thubuaite an nei a lo ni zâwk a. Tin, keiin chûng thute chu ngaihtuah ngaihna rêng ka hre lo va, 20 Jerusalem khuaa kala, khita chûng thu chu rêl sak a duh leh duh loh ka zâwt a. Nimahsela, Paula chuan Lalber rêla khêk a ngên 21 ta zâwk a, chuvângin Kaisara hnêna ka kaltîr theih hma loh chuan vêng túrin thu ka pe a,” a ti a.

Tin, Agrippa chuan Festa hnênah chuan, “Kei pawh chu mi 22 thu sawi chu ngaihlhâk ka lo duh fô rêng a ni,” a ti a. Tin, ani chuan, “Naktûkah a thu sawi i ngaihlhâ ang chu,” a ti a.

Chutichuan, atûkah chuan Agrippa leh Berniki chu ropui 23 takin an lo kal a, thu sawina inah an lo lût a, sipai hotu liante nêh, khuaa mi tha deuh deuh nêh; tin, Festa thuin Paula an rawn hruai luhtîr a.

Tin, Festa chuan, “Lal Agrippa leh heta kan zînga awm 24 zawng zawngte u, he mi in hmuh hi a ni, a chungchâng thua Judate zawng zawngin an zain nung tawh lo tûr, tia auva, Jerusalem khuah leh heta mi biakna kha. Nimahsela, thihna 25

khawp meuhvin engmah a ti lo tih ka hria a; tin, amahin Lalber 25  
 hnêna thlen a tum avângin tirh ka tum a ni; nimahsela, a thu 26  
 mumal engmah-ka lal hnênah ziaktûr ka hre si lo va. Chuvângin  
 in hmaah karawn hruai chhuah hi, Lal Agripp, nangma hmaa  
*rawn kruai* bik deuh ka ni e, chhuahchhâl zawha engemaw tal  
 ziaktûr ka hmuh theih nân. Mi tâng, Lalber hnêna tirha, a 27  
 chungan an hêkna thu hriat teltir loh chu, âthhlâk niin ka hre  
 si a,” a ti a.

**26** Tin, Agrippa chuan, Paula hnênah chuan, “I thiamna 1  
 thu i sawi thei e,” a ti a.

Tin, Paula chuan a kut a phar a, a thiamna thu a sawi a:—“Lal 2  
 Agripip, Judaten mi hêkna zawng zawnga ka thiamna thu vawiinah  
 hian i hmaa ka sawi dâwn avâng hian lăwmin ka inhria; hei hi ka  
 lăwmna ber a ni, Judate zingah dân leh thubuai zawng zawng 3  
 kawnga i fin ngawt avângin: chuvângin muang taka mi ngaihlâk  
 sak tûrin ka ngên a che. A tîra ka naupan lai ata ka chite zingah 4  
 leh Jerusalem khuah ka awm dân kha Judate zawng zawngin an  
 hria e; a tîr ata ka chanchin an hria e, khatia kan sakhaw pâwl 5  
 khermei ber dân pângngaia Pharisaiia ka awm kha, an duh chuanin  
 mi sawipui thei a ni. Tin, Pathianin kan thlahtute hnêna thu a 6  
 tiam kha beisei kawng thuah hetah tûnah rorêl saka da dân hi; chu  
*thutiam* chu, kan hnam sâwm leh hnam hnihin, a chhûn a zânin 7  
 Pathian rawng thahnemngai taka bawlin hmuh an beisei thîn.  
 Aw lalpa, chu mi beisei thu avâng chuan Judaten mi hêk a nih hi.

“Pathianin mitthite a kaitho tih hi engatinge awiawm lova 8  
 in ruat ni? Kei pawhin Nazaret Isua hming kalh lamin thil tam 9  
 tak ti ila thain ka lo ring thîn a. Chu ang chu Jerusalem khuah 10  
 ka ti bawkt hîn a; tin, puithiam lalte hnênah thu ka hmu a, mi  
 thianghlimte zinga mi tam tak tân inahte ka khung bawkt hîn a;  
 tin, an tihhlum laiin tihhlum remti lamah ka tang bawkt hîn a.  
 Tin, inkhâwmna in tinah ka hrem fô va, *Isua* thu sâwtîr ka tum 11  
 hrâm thîn a; tin, an chungah ka kawlh êm êm a, ram dang khaw  
 thleng pawhin ka tiduhdah thîn a.

“Chutiang ti tûrin, puithiam lalte thu hmu leh, an tirhna 12  
 lehkha kengin, Damaska khuah ka kal a; tin, e, lalpa, ka kal 13  
 laiin chawfâk hun a ni a, vân ata êng engemaw, ni êng aia êng  
 zâwk, keimah leh ka kalpuite vêlah êngin ka hmu a. Tin, kan 14  
 zain leiah kan tlu a, Hebrai tawngin, ‘Saula, Saula, nanging  
 engatinge mi tihduhdah hi? Chhunna tiang khen i tân a nâ e,’ mi  
 tiin aw ka hria a.

“Tin, keiin, ‘Lalpa tunge i nih?’ ka ti a. 15

“Tin, Lalpa chuan, ‘Isua i tihduhdah hi ka ni; nimahsela, tho 16  
 la, ding rawh; hêng i thil hmuhte leh, i hnêna ka la inlârna tûr thilte  
 nên, *chu* mi rawngbâwlah leh hretua siam tûr chein i hnênah ka  
 LUSHAI N. T. 16

rawn inlâr a nih hi; mi zawng zawng leh Jentailte kut ata ka 17  
 chhanhim ang che; an mit tivâr tûrin an hnênah ka tirh che hi,  
 chutichuan thim chu êng lamah an hawisan ang a, Setana 18  
 thuneihna chu Pathian lamah an hawisan ang, sual  
 ngaihnhathiamna an hmuh nân leh mi rin avânga thianghlim  
 tawhte zînga ro chan *an neih nân*, a ti a.

“ Chuvângin, lal Agripp, vâna mi inlâra chu ka hnial lo va, a 19  
 tîrin Damaska khuaa mite hnênah, *chu mi hnuaah chuan* Jerusalem 20  
 khuaa mite hnênah te, Judai ram tina mite hnênah te, Jentailte  
 hnênah te pawh, sim hming pu tlâka thil tia, sima, Pathian lam  
 an hawina tûrin ka hril zâwk thîn a ni. Chûng avâng chuan a 21  
 ni Judaten Pathian biak inah mi man a, tihhlum mi tum tâk ni.  
 Nimahsela, Pathian hnên atanga tanpuina ka hmuh avângin 22  
 vawiin thlengin mi tete leh mi liante hnêna thu hriattirin ka la awm  
 reng a, zâwlneite leh Mosian lo thleng tûr an tih thu chauh lo  
 chu thu dang sawi lovin; khatia Kristain hrehawm a tuar ang a, 23  
 tin, mitthi zîng ata a thawh leh avângin mi zawng zawng hnênah  
 leh Jentailte hnênah pawh êng hmuhtirtu hmasa ber a ni ang,  
 an tih thu kha,” a ti a.

Tin, chutianga a thiamna thu a sawi laiin, Festa chuan, aw 24  
 ring takin, “ Paula, i â a ni; i zir tamnain a tiâ che a nih hi,” a ti a.

Nimahsela, Paula chuan, “ Festa tha ber, ka â lo asin; thu 25  
 dik tak leh thu fîng tak ka sawi zâwk a nih hi. Hêng thu hi lal 26  
 hian a hria alâwm, a hnênah pawh hlau lovin ka sawi hi; hêng  
 thil hi engmah a hnênah zêp a ni lo tih dik takin ka hria e; hêng  
 hi in kila tih a ni si lo. Lal Agripp, zâwlneite thu i awi em? I 27  
 awi tih ka hria e,” a ti a.

Tin, Agrippa chuan Paula hnênah, “ Rei lo tê chauh thlêma 28  
 Kristiana mi siam i tum a nih hi!” a ti a.

Tin, Paula chuan, “ Rei sela, rei suh sela, nang chauh ka ti lo, 29  
 vawiina ka thu hretu zawng zawng pawh hi, keimah anga awm  
 atân Pathian hnênah ka dîl a ni, kawlte hi crawh chu *bun ve* lovin,”  
 a ti a.

Tin, lal nê, Ram Awptu nê, Berniki nê, an hnêna thute 30  
 nê chuan an tho hlawm a; tin, an kal hrang a, an inbia a, “ He 31  
 mi hian thihna leh kaw! bunna khawp meuh thil engmah a lo tih  
 loh hi,” an ti a. Tin, Agrippan Festa hnênah, “ He mi hian 32  
 Kaisara hnêna thlen lo tiam tawh suh sela chuan a chhuak mai  
 tûr,” a ti a.

**27** Tin, Itali rama lawnga kan kal tûr thu an tihlûk vele, 1  
 Paula leh mi tâng dang tuteemaw Awgusta pâwla mi sipai  
 za hotu a hming Julia an kawltir a. Tin, Adramuttini khaw 2  
 lawng, Asia ram tuifinriat kama khaw awmte tlawh tûrah chuan  
 kan chuang a, tuifinriatah kan kal ta a; Makedonia rama mi

Aristarka, Thessalonika khuua mi kan hnênah a awm a. Tin, 3  
 atukah Sidon khuua kan tlawh a. Tin, Julia chuan Paula a ti tha  
 hle a, intiharh tûrin a thiante hnênah a lêngtir a. Tin, chuta 4  
 tangin tuifinriatah kan kal leh a, thliin a ni lo lamah min nem  
 avângin Kupra thliarkâr phên thli ûp lamah kan tlân a. Tin, 5  
 Kilikia ram leh Pamphulia ram dep tuifinriat kan pelh hnuin,  
 Lukia rama Mura khuua kan thleng a. Chutah chuan sipai za 6  
 hotu chuan Aleksandria khaw lawng Itali ram tlawh tûr chu a  
 hmu a; chu miah chuan min chuantîr a. Tin, ni rei tak zawi 7  
 zawiin kan kal a, Knidos khaw zâwn harsa takin kan thleng  
 hrâm hrâm a, thliin min hnar avângin Salmoni hrûla Kret  
 thliarkâr phên thli ûp lamah kan tlân a; tin, harsa takin vaukam 8  
 kan hrût a, Litengsâwl Mawi an tih hmun chu kan thleng ta a;  
 chu mi kiangah chuan Lasai khuua a awm.

Tin, ni tam tak a ral tawh avâng leh, lawnga kal a hlauhawm 9  
 tawh avângin, (Chaw Nghei ni chu a lo pêt tawh si a,) Paula  
 chuan anni chu a zilh a, an hnênah, “ Pute u, lawnga tuna kal hi 10  
 chhiatna leh boralna nasa tak a thleng dawn tih ka hria e, a sum  
 leh lawng chungah chauh *ka ti* lo va, keimahni chungah pawh *ka ti*  
*a ni,*” a ti a. Nimahsela, sipai za hotu chuan Paula thu sawi ai 11  
 chuan lawng pu leh lawng neitu thu a awi zâwk a. Tin, thlasik 12  
 tuar nân litengsâwl chu a rem loh avângin a tam zâwkin, chuta  
 tanga tuifinriata kal chhuaha, Phoiniki khuua thlen hrâma, chuta  
 thlasik tuar an rawtpui a; *Phoiniki* chu Kret thliarkâra litengsâwl  
 pakhat a ni, hmâr chhak leh chhim chhak chhawng a ni.

Tin, chhim thli chu zawi zawia a lo tleh veleh chuan, an 13  
 duhzâwng an hmu emaw an ti a, thîrchakai chu an khai chhuaka,  
 Kret thliarkâr kam chu an hrût an hrût a. Nimahsela, rei lo tê 14  
 achinah khawmual lam aţang chuan thli na tak a lo tleh chhuk ta  
 a, chu *thli* chu Eurakuilo an ti thîn a. Tin, lawng chu a rawn 15  
 nam fuh a, thli lam a hawi theih loh veleh kan thlah ta a, min lên  
 min lên ta mai a. Tin, a hming Klaudi thliarkâr tê tak tê phên 16  
 thli ûp lamah kan tlân a, harsa takin lawnglêng kan hum  
 thei hrâm a; tin, an kai chhuah hnuin chhanna hruite an hmang 17  
 a, lawng hnuai lamah an la vêt a, an phuar a; tin, puanzârna  
 engkim an titlu a, chutilochuan Surti-a len luh an hlau va,  
 chutichuan min lên min lên ta a. Tin, atukah tuifâwnin min 18  
 vawrh nek avâng chuan, lawnga sum chu tuiah an paih tan ta a.  
 Tin, atuk lehah anmahni kut meuhvin lawng hungrua an paih 19  
 chhuak leh ta a. Tin, ni rei tak, ni pawh, arsi pawh a lang lo va, 20  
 thlipui namênin min nuai lo va, nun rêng kan beisei tawh lo.  
 Tin, chaw ei lova rei tak an awm hnuin, Paula an zingah a ding a, 21  
 “ Pute u, Kret thliarkârah khân phelh lovin, ka thu kha awia, hêng  
 chhiat leh boralna hi thlen lo tûr in ni na a le. Nimahsela, tuna 22

pawh hian thlamuang taka awm tûrin ka fuih a che u; in zîngah  
tumahin nun in hloh dâwn lo ve, lawng erawh hi chu a bo dâwn a  
ni. A ta ka ni a, a rawng ka bâwl thin Pathian kha, chu mi 23  
vântirhkoh pakhat zâninah hian ka kiangah a lo ding a, ka hnênah,  
'Paula, hlau suh, Kaisara hmaah i ding tûr a ni; tin, ngai rawh, 24  
lawnga i hnêna kal zawng zawngte pawh hi Pathianin a pe a che,'  
mi ti a ni. Chuvângin, pute u, thlamuang takin awm rawh u; 25  
Pathian ka ring e, mi hrilh ang zêlin a awm dâwn. Nimahsela, 26  
thliarkâr engah emaw min lên chhuak tûr a ni," a ti a.

Tin, Adria *tuifinriatah thliin* leh lam leh lamah min lên min 27  
lên a, zan sâwm leh zan li a tlin zân chuan, zan laiah emaw,  
lawng mite chuan khawii khawmual emaw thleng dâwnin an  
inhria a; chutichuan, tui thûk lam an teh a, hlam sawmnhihin an 28  
hria a; tin, rei lo tean an teh leh a, hlam sâwm leh hlam ngain an  
hria a. Tin, lawng mei lamah thîrchakai pali an thlâk a, 29  
chutilochuan lung chhe hmunah min lên chhuak hlauh dah ang e,  
tih an hlau va; tin, khawvâr hlân an nghâkhlel hle  
mai a.

Tin, lawng mite chuan lawng hnâr lamah thîrchakaite thlâk 30  
tûr anga tiderin, lawnglêng chu *tuifinriatah* an thlâk a, lawng  
chu tlânsan an tum a, chu mi laiin Paula chuan, sipai za hotu leh 31  
sipaihte hnênah chuan, "Hênggho hi lawnga an awm reng loh  
chuan in him thei lo vang," a ti a. Tichuan, sipaihte chuan 32  
lawnglêng hruite chu an zai chat a, an thlah ta a.

Tin, khawvâr dâwn lai chuan, Paulan mi zawng zawng chu 33  
chaw eiah a tîr a, "Vawiin hi ní sâwm leh ni li a ni tawh, engmah  
ei lovin in nghâk a, in nghei reng a ni. Chuvângin, chaw ei 34  
atân ka tîr chiam a che u; in damna tûr a nih hi; in zîngah tumaha  
samzai pakhat mah a boral lo vang," a ti a. Tin, chu thu chu a 35  
sawi zawhin chhang a la a, mi zawng zawng hmaah chuan  
Pathian hnênah lâwm thu a sawi ta a; tin, a phel a, a ei tan ta a.  
Tin, anni pawh thlamuang takin an awm a, chaw an ei ve ta a. 36  
Tin, lawnga mi chu kan zain zahnih leh sawmsarih leh paruk kan 37  
ni a. Tin, an ei kham chuan, buh chu *tuifinriatah* an paih a, 38  
lawng an tizâng deuh va.

Tin, ni a chhuah chuan, khawmual chu khawii lai nge a nih 39  
an hre lo va; nimahsela, khawii litengsâwl emaw *tiapho* nei an  
hmu a, chu mi chungah chuan an theih chuan, lawng tlân chhuahtîr 40  
an tum a. Tin, thîrchakai *thlunnate* chu an zai chat a, *tuifinriatah*  
an hnutchhiah a; chu mi rualin karherna phuarnate chu an phelh  
a, hma lam puanzâr chu thli chhêm tûr ziaîn an hnûk chho va,  
*tiapho* chu an pan ta a. Nimahsela, *tuizangkhauih pahni* 41  
*intawhna* hmunah kan lût hlauh va, lawng chu lei an *suttîr* ta a;  
tichuan, lawng hnâr lam chu a tâng ta tlat a, tihchêt zawh lohvin



a awm reng a, a mei lam erawh chu tuifawn a nasat avângin a keh sawm tan ta a.

Tin, sipaiten mi tângte chu tihlum an rawt a, chutilochuan 42  
túi hleuh kaite an awm ang a, an tlân bo vang tih an hlau va.  
Nimahsela, sipai za hotu chuan Paula chhanhim a duh a, an thil 43  
tum chu a khap a; tui hleuh thiam apiang tuifinriatah zuan thlâka  
khawmual lo kai hmasa tûr leh, mi dang chu, a then thingphêk  
chungahte, a then lawng bungraw dang chungahthe kai túrin thu a 44  
pe a. Chutiang chuan an zain khawmualah him takin an kai ta  
vek a.

**28** Tin, kan kai zawh chuan, thliarkâr hming chu Meliti a ni 1  
tih kan lo hre ta a. Tin, awze miten khawngaih namênin 2  
min khawngaih lo va; ruah a lo sùr avâng leh a vawh avângin  
mei an chhêm a, kan zain min lo lâwm a.

Tin, Paula chuan thing têt khat a fawm a, meiah a tuah a, a 3  
sat avângin rûl a lo chhuak a, a kutah a chu a, a bet reng a. Tin, 4  
awze mite chuan rannung a kuta inkhai reng chu an hmuhin,  
“He mi hi tualthat a ni phawt e, tuifinriat ațângin tlân chhuak  
mah sela Phubalatua chuan a nun a awi tawh lo a nih hi,” an ti a.  
Nimahsela, ani chuan rannung chu meiah a thing thla a, engmah 5  
a ti lo va. Anni erawh chuan a vûn emaw, thâwkkhata thia a 6  
tlûk nghâl emaw an ring a; tin, rei tak an nghâk reng a, engmah  
a ti lo tih an hriat chuan an rilru an lamlêt a, “Pathian a nih hi,”  
an ti ta zâwk a.

Tin, chu mi hmun kiangah chuan chu mi thliarkâra lal ber a 7  
hming Publia ram a awm; chu mi chuan min lo lâwm a, ni thum  
lâwm takin min thleng a. Tin, Publia pa khawsik leh santên 8  
veiin a lo mu reng a; tin, Paula a hnênah a lût a, a țawngtai a, a  
chungah a kutte a nghat a, a tidam ta a. Chu chu a tih zawh 9  
chuan, chu mi thliarkâra mi dang nâ nei apiang chu an lo kal a,  
an dam ta hlawm a; chu mite chuan nasa takin min chawimawi a; 10  
tin, kan kal dâwn chuan kan châkkhai apiang lawngah an dah  
hlawm a.

Tin, thla thum chinah, a hming Phîr, Aleksandria khaw lawng, 11  
thlasika thliarkâra awm tawh, chu mi lawngah chuan kan kal ta a.  
Tin, Surakus khua kan tlawh a, chutah chuan ni thum kan châm 12  
a. Chuta țângin kan kal kual a, Region khua kan thleng a; tin, 13  
ni khat chinah chhim thli a lo tleh a, atûk leha Puteoli khua kan  
thleng leh a; chutah chuan unaute kan hmu a, an hnêna ni sarih  
châman min thlêm a; chutiang chuan Rom khaw lamah kan kal 14  
ta zêl a. Tin, unauten kan chanchin an hriat veleh chuta țang 15  
chuan Appia Dâwr leh Khualbûk Pathum chinah min hmuak  
tûrin an lo kal a; Paulan chu mite chu a hmuh chuan Pathian  
hnênah lâwm thu a sawi a, a muang ta a.

Tin, Rom khuaa kan luh chuan Paula chu a vêngtu sipai 16  
linênah amah chauhvawm an phal a.

Tin, ni thum chinah Paula chuan Judate hotu deuh apiang a 17  
ko khâwm a; tin, an rawn inkhâwmin an hnênah:—"Unaute u,  
mi zawng zawng leh kan thlahtute dân chungah engmah ka tih loh  
pawhin Jerusalem khua ațangin Rom mite hnênah mi tântîr a ni.  
Tin, anni chuan mi chhuahchhâl zawhin thihna khawp meuh ka 18  
chungah engmah a awm loh avângin thlah mi tum a. Nimahsela, 19  
Judaten chu chu an hnial avângin Kaisara hnêna thlen lo thei ka  
ni ta lo va; nimahsela, ka chite hêkna neia ti ka ni lo ve. Chûng 20  
kawngah chuan nangmahni hmuhah leh biak atân ka ko che u a  
ni; Israelte beisei *ka tawmpui* avânga he khaidiat hi bun ka ni si a,"  
a ti a.

Tin, anni chuan a hnênah, "I chanchin Judai ram ata 21  
lekhatein kan hmu hek lo, unaute tumahin heta lo kalin i chungah  
thupawi engmah an puang hek lo, sawi pawh an sawi hek lo.  
Amaherawhchu, he pâwl hi ram tinah sawichhiat an ni si a, nanging 22  
engtinge i ngaih hriat kan duh e," an ti a.

Tin, ni an tiam a, *chu mi niah chuan* a thlen inah a hnênah mi 23  
tam tak an lo kal a; zîng ațangin tlai lam thlengin an hnênah *chu  
thu chu* a hrihfiâh a, Pathian ram thu a hriattîr a, Mosia Dân  
*Lehkhahu thu* leh Zâwlneite *Lehkhahu* thuin Isua lamah anmahni  
a thlêm a thlêm a.

Tin, a thenin a thu sawi chu an ring a, a thenin an ring lo va. 24  
Tin, an inngeih ta lo va, Paulan thu kamkhat a sawi zawhin an kal 25  
chhuak ta a. *A thu sawi chu hei hi a ni*:—"Thlarau Thianghlimin  
zâwlnei Isaia kaan in thlahtute hnêna a sawi kha, a dik ngawt mai,

He chite hnênah hian va sawi rawh:— 26

Beng zawngin in hre na ang a, a ngaihna erawh chu  
in hre tawp lo vang:

Hmuh zawng in hmu na ang a, hriat erawh chu in  
hre tawp lo vang:

He chite thinlung hi a lo chawlawl ta a, 27

An bengte a lo ngawng deuh va,

An maimichhîng bawk a,

Chutilochuan kan mitin kan hmu ang a,

Kan bengin kan hria ang a,

Kan thinlungin kan hre bawk ang a,

Kan hawi kîr leh ang a,

Anin min tidam hlauh dah ang e,' an ti a,

a tih kha.

"Chutichuan, Pathian chhandamna thu hi Jentailte hnêna 28  
thawn a ni tih hre rawh u, anni zawngin ngaih pawh an ngaithla  
ang," a ti a.

Tin, *Paula* chu kum hnih pumhlûm ama in hawhah a awm a, 30  
 a hnena lut apiang a lawm thîn a, Pathian ram thu a, Lal 31  
 Isua Krista thu pawh huai takin a zirtîr thîn a, tumahin amah  
 an khap si lo va.

# Rom Khuaa Mite Hnêna Tirkkoh Paula Lehkha Thawn

— : O : —

I Paula, Isua Krista bawi, tirkkoh *ni túra* koh, Pathian 1  
Chanchin Tha *hril túra* tihhrana chuan, (chu *Chanchin Tha*, a Fapa 2  
kan Lalpa Isua Krista thu chu, *Pathianin* hmân laiin a Lehkha  
thianghlimah chuan a zâwlneite kain a tiam tawh a; ani chu tisa  
lam thua chuan Davida thlaha piang a ni a, thianghlimna thlarau  
lam thua *erawh chuan* mitthi zîng ata a thawhlehma chuan Pathian 4  
Fapa a nih nasa takin a hriattîr a; a hming avânga rinna chu hnam 5  
tin zînga mi awitîr tûrin, amah avâng chuan khawngaihna leh  
tirkkoh nihna kan chang ta; chúng zîngah chuan nângni pawh 6  
Isua Krista kohte in ni a:)

Rom khuaa Pathian duh tak, mi thianghlima *awm túra* kohte 7  
zawng zawng hnênah.

Pathian kan Pa leh Lal Isua Krista hnên ata khawngaihna leh  
remna in hnênah awm rawh se.

Khawvêl zawng zawngah in rinna thu a than avângin in zaa 8  
chungka ka lâwmna thu Isua Krista zârah ka Pathian hnênah ka  
sawi hmasa rih a ni. Ka *ṭawngṭainahte* chuan, bâng lovin in 10  
*hming* ka lam fo va, tûnah tal hian in hnêna ka lo kalna tûrin  
Pathian thu thua zin hun remchâng ka hmuh hrâm hrâm theih nân  
ka dîl ṭhîn tîh, a Fapa Chanchin Tha ka thlarauva a rawng ka  
bâwl ṭhîn Pathian chu a hretu a ni si a. In nghehna túra thlarau 11  
lam thilpêk engemaw ka pêk theihna tûr che uin hmuh ka châk  
hle si che u a; chu chu, in rinna leh ka *rinnain* kan inthlamuan 12  
tawn theihna tûr, ka *tihna* a ni.

Tin, unaute u, Jentail dangte hnêna ka *thawh rim rah* ka hmuh 13  
tawh ang bawkin, nangni zîngah pawh rahte ka hmuh theihna  
tûrin in hnênah wawi tam tak lo kal ka tum tawh tîh in hriat loh  
ka duh lo va; nimahsela, tûn hma zawng khân dâlin ka awm fo  
ṭhîn a. Grik mite leh Awze mite hnênah bat ka nei; mi fîng leh 14  
mi fîng lote hnênah pawh. Chutichuan, nangni Rom khuaa 15  
awmte hnênah pawh Chanchin Tha ka theihtâwpa hril tûrin  
ka inpeih reng a ni.

Chanchin Tha chu ka zahpui si lo va; tupawh a ring apiangte 16  
tân chhandamna túra Pathian thiltihtheihna a ni si a; a tîrin Juda

mi tân a ni a, tin, Grik mi tân pawh a lo ni leh a. Chu miah 17  
chuan, rin lehzual nân, rinnain Pathian felzia chu a lo lang a,  
“ Mi fel chu rinnain a dam ang,” tia zia ang khân.

Thutak fel lo taka dâltute Pathian ngaihsak lohna leh fel 18  
lohna zawng zawng chungah chuan vân ațangin Pathian thinur  
a lo lang a ni; Pathianin a hriattîr tawh avângin Pathian chanchin 19  
hriat tûr mi chu an rilruah hriattîrin a awm si a. A thil hmuh 20  
theih loh (a chatuan thiltihtheihna leh a Pathianzia chu) khawvêl  
siam tîrh ata fiah taka hmuhin a awm a, thil siamah chuan a lang  
a ni; chuvâng chuan chhuanlam tûr an nei lo; Pathian hre siin 21  
Pathian angin an chawimawi lo va, lâwm thu pawh an sawi hek  
lo; thil lawilo an ngaihtuah ta zâwk a, an thinlung â chu a lo thim  
ta a. Finga inggain mi âah an lo chang a, thi thei lo Pathian 22  
ropuina chu thi thei mihringte leh, sava te, fuliafa te, rannung te 23  
lem angah an chantîr ta a.

Chuvângin an taksa zahthlâk taka insiam tawn tûrin an 24  
thinlung châkzâwng anga thil bawlhhlawh tih *phalin* Pathianin a  
hawisan a ni. Pathian thutak chu dâwta chantîrin, a Siamtu *biak* 25  
aiin a siama chu biain a rawng an bawl ta zâwk si a. A *Siamtu* chu  
chatuana fak tlâk a ni. Amen.

Chu mi avângin Pathianin zahthlâk taka hur *phalin* a hawisan 26  
a; an hmeichhiate meuh pawhin an awm dân pianpui chu dân lo  
anga awm tûrin an intidanglam si a; mipate pawhin hmeichhe  
hman dân pângngai bânsana, hurin an inît a, mipa leh mipa ța 27  
lo takin an inti a, an sual man hmuh tûr chu anmahniah an hmu a.

Tin, Pathian hriat an duh loh avângin, thil mawi lote ti tûra 28  
a duh loh zâwng rilru neih *phalin* Pathianin a hawisan ta; *chutichuan* 29  
fel lohna zawng zawng te, sualna zawng zawng te, duhâmna  
zawng zawng te, suahsualna zawng zawng tein an lo khat a; itsikna  
te, tualthahna te, inhauna te, bumna te, nungchang țaht lohna  
tein an khat a; sescia thu lâk hmang te, mi rêlhmang te, Pathian 30  
huatzâwng te, intivei te, chapo te, mi uang te, thil sual thar  
tichhuaktu te, nu leh pa thu awi lo te, rilru nei lo te, thutiam 31  
bawhchhetu te, hmangaihna pianpui nei lo te, khawngaihna nei  
lo te an lo ni a; chutianga thil titute chu thi zia rêng an ni tih 32  
Pathian ruat chu hre reengin, anmahni changa ti pawh ni lovin,  
*mi dang* ti ținhte chungah chuan an lâwm bawh țin.

**2** Chuvângin, aw mihring, *mi* sawisêltu tupawh ni mah la, 1  
chhuanlam rêng i nei lo ve; mi dang i sawisêlna ngeiah  
chuan nangmah leh nangmah thiam loh inchantîr i ni asin;  
nang, sawisêltu pawhin chutiang thilte chu i ti ve si țin a.  
Chutiang thil ti țintute chungah chuan Pathianin a sawisêlna 2  
chu thu dik tak lam zêl a ni tih kan hre si a.

Aw mihring, chutiang thil ti ținhte sawisêltu, nangin chutiang 3

i ti ve bawk si a; Pa thianin a sawisêlna chu pumpelh i inring em ni? A nih loh leh, Pathian thatnain simna tûrin a hruai thîn che 4  
 tih hre lovin, a thatna ngahzia leh, a entheihzia leh, a dawhtheihzia 5  
 te chu i ngainêp em ni? I luhlul leh i thinlung khauh avângin, 6  
 thinurna leh Pathian rorêlna fel tak lo lanna ni atân chuan, i 7  
 chungah thinurna i inkhâwl khâwm chawp a ni. *Pathian* chuan 8  
 mi tin an thiltih ang zêlin a rêl sak ang; thil tha ti fan 9  
 fana, ropuina leh chawimawina leh boral theih lohna zawngtute 10  
 hnênah chuan, chatuan nunna a *pe ang*; amaherawhchu, 11  
 kawhmawh bâvla, thutak zâwm lova, fel lohna zâwm zâwktute 12  
 chungah chuan, thinurna leh thinrimna te, hrehawmna leh 13  
 lungngaihna nasa tak te a *awm ang*, mihring thil tisual apiangte 14  
 thlarau chungah a *awm ang*, Juda mi thlarau chungah a *awm hmasa* 15  
*ang a*, tin, Grik mi thlarau chungah a *awm leh ang*; amaherawhchu, 16  
 thil tha titu apiang hnênah chuan ropuina te, chawimawina te, 17  
 thlamuanna te *pêk a ni ang*, Juda mi hnênah *pêk hmasak a ni ang a*, 18  
 tin, Grik mi hnênah a *ni leh ang*; Pathianin mi duhsak bîk a nei si 19  
 lo va. Tupawh Dân *nei* lova thil tisual chu, Dân lo bawkin a 20  
 boral ang; tin, tupawh Dân *neia* thil tisual chu, Dân rorêlin a 21  
*awm ang*. Dân hretu *maite* chu Pathian mithmuhin mi fel an ni 22  
 lo va; Pathianin, ka Chanchin Tha sawi anga, mihringte thurûk 23  
 Isua Krista hmanga a ngaihtuah niah chuan, Dân anga titute chu 24  
 mi fela chhiarin an *awm zâwk ang*. Dân nei lo Jentailten mahni 25  
 thinlung pianpuia Dân *thille* chu an tihin, chûng chuan 26  
 Dân nei lo mah sela, anmahni leh anmahni dânah an innei 27  
 chawp si a, an thinlungah Dân thiltih ziaak a ni tih an entîr a, *chu* 28  
*chu* an chhia leh tha hriatnain a hriatpui a, an rilrute chu a 29  
 inhnial a, thiam loh a chantîr thûl a, thiam a chantîr thûl a.

Nimahsela, nang Juda hming pu i ni si a, Dân chu i rin chhan 17  
 a, Pathian i chhuan a, a duhzâwng i hriat a, Dân *thua* zirtîrin i 18  
*awm avângin thil* tha tak chu tha i ti a, Dânah chuan finna leh 19  
 thutak awm dân i neih avângin nang ngei mitdelte hruaitu, thim 20  
 zînga awmte êntu, mi fîng lote tîfîngtu, nausênte zirtîrtu niah i 21  
 inring a; *chutiang i nih ahnuin*, nang, mi dangte zirtîrtu, nangmah 22  
 i inzirtîr lo maw? Nang, *mi rûk ru lo tûra hrilhtu*, nangin i ru 23  
 thîn maw? Nang, *mi uirê lo tûra hrilhtu*, nangin i uirê thîn maw? 24  
 Nang, milem hawtu, nangin *milem biak ina thille* i ru thîn maw? 25  
 Nang, Dân chhuangtu, nangin Dân i bawhchhiat avângin Pathian 26  
 i tihmingchhe thîn a ni maw? *An ziaak ang ngei khân Pathian* 27  
 hming chu nangmahni avângin Jentailte zîngah tihchhiatin a awm 28  
 ta a nih hi.

Dân zâwmtu i nih chuan serhtan chu a sâwt tak zet a ni; Dân 25  
 bawhchhetu i nih erawh chuan, i serhtan chu tan loh *ang mai a lo* 26  
 ni tawh. Chuvângin, serhtan loh miin Dân thu ruatte a vawn 27

chuan, a serhtan loh chu tan anga ngaih a ni dâwn lo vem ni? Tin, mahni pianziaa serhtan lohvin Dân chu a zawm kim chuan, nang, 27  
 lehkhâ thu leh serhtan Dân nei sia Dân bawhchhetu, a sawisêl dâwn lo che em ni? Alang *maia* *Juda* mi ni chu *Juda* mi *tak a ni* lo 28  
 va; alanga tisa *maia* serhtan chu serhtan *tak a ni* bawh hek lo. Amaherawhchu, alang *mai* ni lova *Juda* mi ni chu, *Juda* mi *tak a* 29  
*ni*; tin, serhtan *tak* chu, rilru lama *tan a ni*, lehkhâ thu *maiah* ni lovin, thlarauvah *a ni*; chu mi chuan mihring fak a hlawh lo va, Pathian *fak a hlawh zâwk a ni*.

**3** A nih leh, *Juda* mi chuan *sâwtna* engnge a neih chuan 1  
 bik? Serhtan pawh engnge a *sâwtna*?

Kawng tinah a *sâwt* hle; Pathian thute an hnênah kawltîrin a 2  
 awm avâng a ni ber a. Mi thenkhatten rinna nei lo *mah* sela, 3  
 engnge maw tichuang le? An rin lohna chuan Pathian rinawmzia engmah lovah a siam chuang em ni? Hnai lo ve; Pathian chu mi 4  
 dik tak ni sela, mi tin erawh chu dawthei ni zâwk rawh se;

“Nangin i thu sawiin thiam i chan theih a,

Rorêla i awm pawhin i hneh theih nân,”

tih ziaak ang khân.

Nimahsela, kan fel lohna hian Pathian felna chu a tihlan mawi 5  
 lehzuâl chuan engnge kan sawi ang? Pathianin mi a hrem hian, *mi* fel lo a ni em ni? (Mihring dân angin ka sawi a ni).

Hnai lo ve; chuti a nih chuan Pathianin engtingnge khawvêl 6  
 ro a rêl ang? Nimahsela, ka dâwt thu sawi avâng a Pathian thu 7  
 dikzia amah tiropui khawp hiala a lan lehzuâl si chuan, engatinge kei pawh mi sual anga thiam loh chantîra ka la awm ni? Engatinge 8  
 (min hêk a, mi thenkhatin *sawi loh pui* min sawitîr angin) “Thil tha a lo thlen theih nân thil sual i ti ang u,” tiin, kan sawi *zâwk* loh? Chutiang mite chuan thiam loh an chan chu a fel a ni.

A nih leh *anni aiin* kan tha chuang bik em ni? 9

Hnai lo ve; Judate leh Grikte chu sual bawia awm vekah tûn hma lam pawh kan puh tawh kha;

“Tumah mi fel tak rêng an awm lo, 10

Pakhat mah *an awm* hauh lo;

Tumah hre thiam rêng an awm lo, 11

Tumah Pathian zawng rêng an awm lo.

A ni lo lamah an pêng ta vek a, 12

Engmaha tlâktlai lovin an lo awm ta vek a;

Tumah thil tha ti rêng an awm lo,

Pakhat tê mah *an awm* hauh lo.”

“An hrawk chu thlân inhawng *a ni* a; 13

An leiin bunna thu an sawi a.”

“An kam chlungah rûl tûr *a awm a*.”

“An kê chu ânhhe lawhna leh thu khâm a khat a.” 14

“ An ke chu thisen chluah túrin a pên chak a; 15  
An kawngah chuan boralna leh hrehawmna a 16  
awm a;

Thlamuanna kawng pawh an hre lo.” 17

“ An mithmuhah Pathian tihna rêng a awm lo,” 18

tih ziaak ang khân.

Dânin engpawh a sawi apiang chu, Dân thu thua awmte 19  
hnênah a sawi a ni tih kan hria a; ka tinrêng a chip theih nân leh  
khawvêla mi zawng zawng Pathian rorêlin an awm theih nân.  
Chutichuan, Dân thiltih avângin mi tumah a mithmuhin thiam 20  
changin an awm lo vang; Dân avângin sual hriat famkimna a  
lo awm a ni si a.

Nimahsela, tûnah Dân leh Zâwlneite hriattîr angin Dân lova 21  
Pathian felna chu tihlanin a awm ta; chu chu Pathian felna, Isua 22  
Krista rin avânga a ring apiangte hnêna tihlana awm chu a ni;  
(danglamna rêng a awm lo va, mi zawng zawngin thil an tisual 23  
tawh vek a, Pathian ropuina an chang zo ta lo a ni); *chûng ringtute* 24  
*chu*, Krista Isuaa tlanna awm avâng chuan, a khawngaihnaa  
athlâwna thiam chantîrin an awm a; Pathian dawhtheihnaa  
hmân lai sualte haiderin a awm avâng khân, Pathianin ama 25  
felzia entîr nân, *Krista Isua* chu, a thisena, rinna avânga, sual  
thuphachawinaah a ruat a; tûn laia a felzia entîr nân a ni— 26  
amah ngei chu mi fel a nih theihna tûr leh, Isua ring apiang thiam  
chantîrtu a nih theihna tûrin.

Inchhuanna chu khawiahnge a awm ni le? Pawn lama khâr 27  
hnanin a awm ta. Eng dânin nge ni le? Thiltihna dânin em ni?  
Ni lo ve, rinna dânin a ni zâwk. Chutichuan, Dân thiltih ni 28  
lovin, rinnain miin thiam changin kan ruat a ni.

Pathian chu Judate *Pathian* chauh em ni? Jentailte *Pathian* 29  
pawh a ni ve lo vem ni? Ni *ve e*, Serhtante chu *an* rin avânga thiam 30  
chantîrtu tûr leh, Serhtan lohte chu *an* rin azâra thiam chantîrtu  
tûr chu Pathian pakhat chauh a nih si chuan, Jentailte *Pathian*  
pawh a ni ve ang chu.

A nih leh, rin avângin Dân chu engmah lovah kan siam 31  
em ni? Hnai lo ve, Dân chu kan tinghet zâwk a ni.

**4** A nih leh, Abrahama, tisa dâna kan thlahtu chuan, engnge 1  
a hmuh kan tih ang?

Abrahaman thiltih avânga thiam a chan si chuan, chhuan 2  
tûr a nei a ni; Pathian lamah crawh chuan a *nei* lo ve: Pathian 3  
Lekhain engnge a sawi ni? “ Abrahama chuan Pathian a ring  
a, tin, chu *rinna* chu a felnaa ruat a ni,” *tiin, a sawi a ni*. Tin, 4  
hnathawktu hlawn chu khawngaihnaa ruat a ni lo va, bata ruat  
a ni zâwk e. Amaherawhchu, hna thawk lova, Pathian ngaihsak  
lo thiam chantîrtu ring zâwka rinna chu, ama felnaa ruat a ni. 5



Mi, a thiltih ngaihtuah lova, Pathianin fela a ruata chu, mal 6  
 a sâwm sak thu Davida pawhin,  
 “ An bawhchhiatmate ngaihdama awm leh, 7  
 An sualte khuha awm chu  
 An eng a thâwl e,  
 Lalpan khawlohna *neia* a ruat loh chu 8  
 A eng a thâwl e,”

*tia* a sawi ang khân.

A nih leh, chu mi engthâwlna chu Sertanho chungah *chauh* 9  
 nge a awm, Serhtanlohho chungah pawh? “ Abrahama rinna chu  
 a felnaa ruat a ni,” kan ti si a. Chu chu eng tia ruat nge ni le? 10  
 A serh tan hnuah nge, a serh tan hmain?

A serh tan hnuin a ni lo va, a serh tan hmain a ni zâwk.  
 Chutichuan, serhtan lohva a awm laia rinnaa felna a hmu *tih* 11  
 hriatna, serhtan chhinchhiahna chu a hmu a; chu felna chu an  
 tâna ruat a nihna tûrin serhtan lohte zinga ringtu zawng zawng  
 pa a nih theih *nân*; Serhtanho pa pawh a nih theih bawk *nân*— 12  
 serhtan mai *pa* a ni lo va, kan pa Abrahama serhtan lohva a awm  
 laia rinna a neih anga nei fâwmte pa a ni zâwk.

Dân avângin Abrahama leh a thlahte hnênah chuan khawvêl 13  
 roluahthu tûr a ni ang tih thu zawng tiam a ni si lo va, rinnaa felna  
 avângin a ni zâwk e. Dâna mite chu roluahthute an *nih* si chuan, 14  
 rinna engah mah a îlâktlai lo va, thutiam pawh chu engmah a ni  
 ta lo va; Dân chuan thinurna a siam si *thin* a; Dân *awm* lohnaah 15  
 erawh chuan bawhchhiatna pawh a awm hek lo. Chuvângin *††*  
 khawngaihna *nih* theih *nân* rinna avângin a *nih* *hi*, thlahte zawng  
 zawng chuan thutiam chu matheilova an hmuhna tûrin, Dân  
 nei mite chauhvîn an *hmu* lo *vang* a, Abrahama neih ang rinna  
 neite pawhin an *hmu* bawk ang. Mitthite tinungtu leh, *thil* awm  
 lote awm anga sawitu, a rin Pathian mithmuhah chuan, *Abrahama*  
 chu kan zaa pa a ni, (“Chi tam takte paah ka siam a che,” tih  
 zia ang khân). Beiseina âwm a awm loh pawhin ani chuan 18  
 beisei takin a ring a, chi tam takte pa a lo nih theih *nân*; “Khit  
 zât khian i thlahte an *la* awm ang,” tia hrilh ang khân. Tin, 19  
 rinna nghet lo chuang lovin, a taksa thi tawh anga awm chu a  
 ngaihtuah a, (amah chu kum za lai *mi* a ni *si* a), Sari chin pawh a 20  
*ngaihtuah baw* a, nimahsela, rinna tlachhamin Pathian thutiam chu  
 a ringhlel lo va, Pathian a chawimawi a, a thutiam chu a 21  
 hlawhtlintîr thei tih a awi hle bawk a, a rinna chu a lo nghet ta  
 zâwk a. Chuvângin a *rinna* chu a felnaa ruat a lo ni tawh. 22

Chutichuan, a *rinna* chu a *felnaa* ruat a ni tih *hi* amah avâng 23  
 chauhva zia ang a ni lo va, keimahni avâng pawhin a ni. Isua kan 24  
 Lalpa mitthi zîng ata kaithotu chu ringtu kan ni a, kan *rinna* chu  
*felnaa* ruat a ni dâwn. Chu *Isua* chu kan sual avângin mantîrin 25

a awm a, thiam kan channa tûrin kaihtawhin a awm bawk a.

**5** Chuvângin, rinna avânga thiam changa awmin, kan Lalpa 1  
Isua Krista avângin Pathian nên inremi i awm ang u; 2  
amah avâng vêk chuan he khawngaihna kan din nghehnaah hian 2  
rinnain kan lût ta a; Pathian ropuina beisein lăwmîn i awm bawk 2  
ang u.

Tin, chuti chauh chu ni lovin, kan hrehawmnaah pawh lăwmîn 3  
i awm ang u, hrehawmna chuan chhelna a siam a, chhelna chuan 3  
hriatfiahna a siam a, hriatfiahna chuan beiseina a siam tih kan hre si 4  
a; tin, Thlarau Thianghlim kan hnêna miu pèk khân Pathian 5  
hmangaihna chu kan thinlunga a leih tawh avângin beiseina chuan 5  
a timualpho lo va. Kan la chak loh lai khân, a hun tein Krista chu 6  
mi sualte ai chuan a lo thi ta si. Mi fel aia thih miin a duh âwm 7  
lo hle si a, mi tha ai erawh chuan mi tuemaw tal chuan thih a ngam 7  
mial mahna. Nimahsela, Pathian chuan a mi hmangaihna chu 8  
fak tlâkin a lantir a, mi sualte kan la nih laia Krista kan aia a thih 8  
avâng khân. Chutichuan, a thisena thiam chantira kan awm tawh 9  
hnu hian, amah avângin Pathian thinurna lak ata chu chhandamin 9  
kan awm ngei ang. Hmêlma kan nih lai maha a Fapa thihna 10  
avânga Pathian nêna lo inrem tawh kan nih si chuan, 10  
inrema kan awm tawh hnu hian a nunna avângin chhandamin 10  
kan awm ngei ang. Chuti chauh pawh a ni lo va, inremna tuna 11  
min hmuhtirtu kan Lalpa Isua Krista avâng chuan Pathianah 11  
kan lăwm bawk a ni.

Chutichuan, mi pakhat avângin sual khawvêlah a lût a, sual 12  
avângin thihna a lût bawk a, chutiang bawkin mi zawng zawngin 12  
thil an lo tihsual avângin thihnain mi zawng zawng a fan chhuak 12  
ta a. Dân awm hmam khawvêlah sual a awm tawh si a; dân a 13  
awm si loh chuan sual chu suala ngaih a ni lo; nimahsela, Adama 14  
awm achin Mosia awm thlengin Adama bawhchhiatna anga thil 14  
tisual lote chungah pawh thihna chuan ro a rêl thin. Adama chu 14  
la lo kal tûra nên tehkhinna a ni.

Nimahsela, thilthlâwnpêk chu sualna nên a inang lo bawk. 15  
Mi pakhat sual avâng mah khân mi tam tak chu an thih si chuan, 15  
Pathian khawngaihna leh mi pakhat Isua Krista khawngaihna 15  
avânga thilpêk chu mi tam tak chungah vûrin a awm ngei ang. 15  
Tin, thilpêk chu, mi pakhat sual avânga thil lo awm nên a inang 16  
hek lo; thiam loh chantirna rorêlna chu mi pakhat avângin a lo 16  
awm a, thiam chantirna thilthlâwnpêk erawh chu, sual tam tak 16  
avângin a lo awm ta zâwk si a. Mi pakhat sual avânga thihnain, 17  
chu mi pakhat avâng maha ro a rêl si chuan, khawngaihna nasa 17  
tak leh felna thilpêk hmutute chuan, mi pakhat (Isua Krista) avâng 17  
khân nunnaah chuan ro an rêl ngei ang.

Chutichuan, sual pakhat avângin thiam loh chantirna *rorêla* 18  
*chu* mi zawnz zawnz chungah *a lo awm a*; chutiang bawkin thil fel  
 pakhat tih avângin nunna *hmuh nân* thiam chantirna *thilthlâwnpêk*  
*chu* mi zawnz zawnz chungah *a lo awm*. Mi pakhat tihmawh avâng 19  
 khân mi tam tak chu mi sual an lo ni ta a; chutiang bawkin, mi  
 pakhat tihawi avâng khân mi tam tak chu mi fel an lo ni ang.

Tin, sual *a lan* lehzual theih nân Dân *a lo awm* leh ngâh a. 20  
 Nimahsela, sual *a punna* apiangah khawngaihna chu *a pung*  
 lehzual thîn; sual chuan thihuin ro *a rêl ang* takin, khawngaihna 21  
 chuan felnain chatuan nun channa klawp hialin kan Lalpa Isua  
 Krista zâra ro *a rêl* theih nân.

6 Engnge kan sawi tâk ang le? Khawngaihna chu *a pun* 1  
 lehzual theih nân سوالين کان اوين رنځ دآون یم نی؟ Hnai  
 lo ve. Keini sual kawnga thi tawh, سوالين ځنگتينځه کان لا نون 2  
 theih cheu vang? Keini zingah Krista Isuaa baptisma chang 3  
 apiangte chu *a thihnaah* baptis-in kan awm tih in hre lo emaw ni?  
 Chuvângin, *a thihnaah* baptisma kan chanin, *a hnêna* phûm vein 4  
 kan awm; Pa ropuinain mitthi zîng ata Krista *a kaihthawh* ang  
 khân, keini pawh nunna tharin kan awm theih nân. *A thihna* 5  
 anpuin *amah* nêen kan inzawm tawh si chuan, *a thlawhlehna* *anpu*  
 pawhin kan *inzawm* bawk ang. Hêng li hria ila: kan mihring 6  
 hlui chu *a hnênah* khenbehin *a awm* ve ta, sual *pu* taksa chu  
 tihborala *a awm* theih nân, tûn achinah sual bawia kan awm  
 lohna tûrin. Tupawh thi tawh chu, sual lakah *a chhuak* 7  
 tawh si a. Tin, Krista hnêna kan thih ve tawh chuan, *a hnênah* 8  
 kan nung ve bawk ang tih kan ring a ni; Krista chu mitthi zîng  
 ata kaihthawhin *a awm a*, *a thi* leh dâwn tawh lo tih *kan* hre si 9  
 a; thihna chuan ama chungah thu *a nei* tawh lo. *A thihna* chu 10  
 sual lam kawngah chatuan atân vawi khat chauh *a thi a ni*, *a*  
 nunna erawh chu Pathian lam kawngah *a nung a ni*.  
 Chutiang bawkin nangni pawh sual lam kawngah thi tawhah inruat 11  
 ula, Pathian lam kawngah erawh chuan Krista Isuaah nungah  
*inruat* rawh u.

Chuvângin, in *taksa* duhzâwng in zawmna tûrin, in taksa thi 12  
 theiah chuan سوالناین رو ریل سوه سه. In taksa pêngte *pawh* fel 13  
 lohna hriamhrei atân سوالنا هنناه په فال هک سوه u;  
*amaherawhchu* mitthi zîng ata nung leh angin Pathian hnênah inpe  
 ula, in taksa pêngte pawh chu felua briamhrei atân Pathian hnênah  
 په فال زآوک رآوه u. سوالناین ین چونهه تھو ا نهی دآون تآوه 14  
 si lo, dân rorêla awm in ni lo va, khawngaihna rorêla awm in ni  
 zâwk si a.

Engtingge ni ang le? Dân rorêla awm kan nih loh va, 15  
 khawngaihna rorêla awm kan nih zâwk avâng hian kan sual tûr  
 em ni ang?

Hnai lo ve. Tu hnênah pawh an thu awi tûra bawia in luh 16  
 chuan (thihna khawpa sual *bawi* emaw, felna khawpa thu awi *bawi*  
 maw), a thu in awia baw chu in ni tih in hre lo vem ni? 17  
 Amaherawhchu, sual bawite ni mah ula, zirtîr dân, a hnêna in  
 inpêkna chu rilru tak zetin in lo awi a; tin, sual lak ata 18  
 chhuahin in awm a, felna bawite in lo ni ta a; chuvângin Pathian  
 hnênah lâwm thu awm rawh se; (in tisa chak lohzia avângin  
 mihring dânin thu ka sawi a ni e); in taksa pêngte chu 19  
 bawhlhlawhna hnênah leh, bawhchhiatna tûrin bawhchhiatna  
 hnênah bawia in pe phal ang khân, tûnah in taksa pêngte chu  
 thianghlîmna tûrin felna hnênah bawiah pe phal rawh u. Sual 20  
 bawite in nih lai khân felna lakah in fihlîm a ni. Tûna in thil 21  
 zahpui tâkahte hian, khâng lai khân rah engnge in lo hmuh thîn  
 le? Khâng thil tâwpna kha thihna a ni thîn asin. Tûnah erawh 22  
 chuan sual lakah tihfihlîma awma, Pathian bawite in lo nihin,  
 thianghlîmna *hmu* khawpin in rah in nei asin, chu mi tâwpna  
 chatuana nunna nê. Sual man chu thihna a ni si a; Pathian 23  
 thilthlâwnpêk erawh chu kan Lalpa Krista Isua zârah chuan  
 chatuana nunna a ni.

**7** A nih leh, unaute u, dân chuanin mi a dam chhûng zawng 1  
 a chungah ro a rêl thîn tih in hre lo vem ni? (dân hre mite  
 hnênah ka sawi a nih hi). Hmeichhe pasal nei chu a *pasal* dam 2  
 chhûng zawng dânin a pasalâh phuar belhbawmin a awm thîn;  
 nimahsela, a pasal chu a thih chuan, pasal kawngah dân ata chu  
 thlahin a awm thîn. Chutichuan, a pasal dam chhûnga mi dang 3  
 a nei chuan, “Uirenu” an ti ang; a pasal a thih erawh chuan  
 chu dân ata chu thlahin a awm a, chutichuan, mi dang nei mah  
 sela uirê a ni lo.

Chutichuan, ka unaute u, mi dang (Pathian lama kan rah 4  
 theihna tûrin mitthi zîng ata kaihtawha ngei kha) in nei theih  
 nân, Krista taksa avângin Dân kawngah tihthihin in lo awm ta a.  
 Tisaa kan awm lai khân Dân avânga duhzâwng sual lo chhuakte 5  
 chuan, kan taksa pêngahte, thihna khawpa rah tûrin a thawk  
 thîn. Tûnah erawh chuan min chelhtu lakah thi tawhin, Dân 6  
 ata thlahin kan awm ta, lehkha ziaak hlui ang *mai* ni lova, thlarau  
 thara rawng kan bâwl theih nân.

Engnge kan sawi tâk ang le? Dân chu sual em ni? 7

Hnai lo ve. Nimahsela, Dân avânga *hriat* ni suh sela chu, sual  
 ka hre lo tûr; Dân chuan, “Awt suh,” ti suh sela chu, aw hî ka  
 hre lo tûr a ni. Nimahsela, sualnain, thupêk avâng chuan 8  
 remchân lai hmuin, aw hna tinrêng ka chhûngah a awmtîr a.  
 Dân lo chuan sualna chu thi a ni. Tin, hmânah khân kei dân 9  
 lovin ka nung a; nimahsela, thupêk chu a lo awm veleh sual a lo  
 harh a, kei chu ka thi ta a. Tin, nunna tûra thupêk chu thihna 10

*tír a lo ni tih ka lo hre ta a ; sualnain thupêk avâng* 11  
chuan, remchân lai hmuin mi bum a, *thupêk* chu hmangin mi  
tihlum ta a ni. Chutichuan, Dân chu a thianghlím a ni, *thupêk* 12  
pawh chu a thianghlím a, a fel a, a *ṭha* a ni.

A nih leh, *thil ṭha* chu ka tân *thihna* a lo ni em ni? 13

Hnai lo ve. Sualna chu *ka tân thihna* a lo ni ta zâwk a ni;  
chutichuan, *sualna* chu sualna a ni tih a lan theih nân, *thil ṭha*  
chu hmangin mi tihlum a ni; sualna chu (*thupêk* avâng khân)  
sual nasa tak a lo nih theihna tûrin. Dân chu thlarau lam *thil* a ni  
tih kan hre si a; kei erawh chu tisa lama mi, *sual bawia hralh* 14  
tawh ka ni. *Thil* ka tih hi, a ngaihna ka hre si lo; ka *thil* tih ṭhîn 15  
hi, ka *thiltih* duhzâwng a ni si lo, ka *thil* huatzâwng tak chu ka ti  
zâwk ṭhîn a ni. Ka tih duh loh zâwng chu ka tih si chuan, Dân 16  
chu a *ṭha* tia awi ka ni ang asin. Chutichuan, ka *thiltih* hi keima 17  
tih a ni tawh lo va, *sual* keimaha awm *tih chu* a ni zâwk. Keimahah 18  
(chu chu ka tisaah *tihna* a ni) *thil ṭha* rêng a awm lo tih ka hria;  
*thil ṭha tih* duhna chu keimahah a awm *na* a, *thil ṭha tihna* erawh  
chu a awm si lo. *Ṭhatna tih* ka duh hi ka ti lo va; sualna *tih* ka 19  
duh loh hi, ka ti zâwk si ṭhîn a. Ka duh loh zâwng chu ka tih si 20  
chuan, a titu chu kei ka ni tawh lo va, *sual* keimaha awm chu a  
ni zâwk e.

Chutichuan, he dân hi ka lo hre ta: *thil ṭha tih* ka duh laiin 21  
sualna ka hnênah a lo awm ṭhîn a ni. Ka rilru tak takin Pathian 22  
dân chungah ka lâwm si ṭhîn a; nimahsela, ka taksa pêngahte 23  
hian dân danglam a awm *tih* ka hria, chu chuan ka rilru dân a do  
va, ka taksa pêngtea sualna dân awm hnênah chuan salah mi  
hruai ṭhîn a.

Mi rethei ka va ni tehlu êm! He thihna taksa lakah hian tuinnge 24  
mi chhan chhuak ang? Isua Krista kan Lalpa avângin Pathian 25  
hnênah lâwm thu ka sawi a ni.

Chutichuan, keimah tak chuan ka rilru chuanin Pathian dân  
rawng ka bâwl ṭhîn, ka tisa erawh chuan sualna dân *rawng ka bâwl*  
*ṭhîn*.

**8** Chutichuan, tûnah zawng Krista Isuaa awmte tân chuan, 1  
thiam loh chantîrna rêng a awm tawh lo. Krista 2  
Isuaa Nunna Thlarau dân chuan sualna leh thihna dân ata chu  
mi tichhuak tawh si a. Tisa avânga Dân chu a chak loh va, a tih 3  
theih rual loh chu, Pathianin ama Fapa ngei, tisa *sual* ang puin,  
*sual thawi* nânrawn tîrin, tisa sualna awm chu thiam loh a chantîr  
ta a ni; tisa dân zawh lova Thlarau dân zawh zâwktu keimahniah 4  
hian Dân thu ruat chu hlena a awm theihna tûrin.

Tisa dân awmte chuan tisa lam *thilte an* duh ṭhîn; Thlarau 5  
dân awmte erawh chuan Thlarau lam *thilte an duh ṭhîn*. Tisa lam 6  
thilte duh chu thihna a ni si a, Thlarau lai *thil* duh erawh chu

nunna leh thlamuanna a ni; tisa duhzâwng chu Pathian dona a 7  
 nih avângin. Chu chu Pathian dânin a awm si lo va, awm pawh 8  
 a awm thei bawh hek lo a ni. Chutichuan, tisa awnte chuan 9  
 Pathian an tilâwm thei lo.

Nimahsela, Pathian Thlarau nangmahnia a awm tak zet 9  
 chuan, tisa awm in ni lo va, Thlarauva *awm in ni* zâwk e.  
 Amaherawhchu, tupawh Krista Thlarau nei lo chu, amaha mi a  
 ni lo. Krista chu nangmahnia a awm si chuan, suauna avângin 10  
 taksa a thi a ni; thlarau erawh chu felna avângin nunna a ni.  
 Nimahsela, mitthi zing ata Isua titho lehtua Thlarau chu 11  
 nangmahnia a awm chuan. mitthi zing ata Krista Isua titho lehtu  
 khân, nangmahnia awm Thlarau zârah chuan, in taksa thitheite  
 chu a tinung bawh ang.

Chuvângin, unaute u, bat kan nei; tisa dâna awm tûrin tisa 12  
 lakah *erawh chuan* a ni lo. Tisa dâna in awm chuan in thi ngei 13  
 tûr a ni; amaherawhchu, taksa thiltithe Thlarauva in tihhlum  
 thin chuan, in nung ang. Pathian Thlarau hruaja awm apiangte 14  
 chu, Pathian fate an ni si a. Hlauva awm leh tûrin bawi nihna 15  
 thlarau in hmu a ni si lo va; fa nihna thlarau in hmu a ni zâwk e,  
 chu *thlarau avâng chuan* "Abba! (Ka Pa!)" tûn, kan au thin hi.  
 Thlarau ngei chuan keimahni thlarau nê, Pathian fate kan ni 16  
 tih *min* hriattir thin; tin, fate *kan* nih chuan, roluahute *kan* ni a; 17  
 Pathian roluahute, Krista hahpuitute *kan* ni; a hnêna chawimawiin  
 kan awm ve theihna tûrin *amah* kan tuarpui tak zet chuan.

Tûn laia tuarnate hi *nakina* kan chung a ropuina tihlan tûr nê 18  
 chuan tehkhin thamah ka ruat si lo. Thil siam zawng zawngte 19  
 chuan, beisei êm êmin, Pathian fate lo lanna chu an nghâkhlel  
 hle si. Thil siam zawng zawngte chu thil lawilo thu thua 20  
 awmtûrin an awm tawh, (an duha *awm an ni* lo va, a awmtirtu avâng  
 a ni zâwk e), beiseina neiin; thil siam zawng zawngte ngei pawh 21  
 chu chhiatna bawi ata tihchhuahin an awm ang a, Pathian fate  
 zelêna ropuah chuan an lût dâwn si a. Thil siam zawng zawngte 22  
 chu tûn thlengin rûm leh nauvei na tuarin an awm hlawm tih  
 kan hre si a. Chu chang a ni lo, keini ngei pawh, Thlarau 23  
 hmalruai neitute hian, fa *kan* nihna (kan taksa tlanna chu)  
 nghâkin, keini muih pawh kan rilruin kan rûm bawh si.  
 Beiseinain a ni, chhandamin kan awm ni; nimahsela, hmuh 24  
*theih* reng beiseina hi beiseina a ni lo ve. Miin a hmuh *theih* reng  
 chu engatinge a la beisei thin? Kan hmuh loh chu kan beisei erawh 25  
 chuan kan nghâk fan fan thin a ni.

Chutiang bawkin, Thlarau chuan kan chak lohnate a pui thin 26  
 a; eng tia tawngtai tûr nge tih kan hre si lo va; nimahsela, Thlarau  
 chuan rûm sawi hleih theih lohvin *min* tawngtai sak thin. Tin, 27  
 Pathian *duhzâwng* ang zêlin mi thianghlimte chu a tawngtai sak

thin avângin, rilrute Entu chuan Thlarau duhzâwng chu a hre thin a ni.

Tin, Pathian hmangaihtu. *amaha* ruat anga a kohvate tân 28  
chuan, an thatna tûrin eugkimin a thawh sak hlawm thin tih kan  
hria; a hria lăwkate chu aia Fapa ang taka awm tûrin a ruat 29  
lăwk si a, a *Fapa* chu unau tam takte zînga fa tir a lo nih theih nân.  
Tin, a ruat lăwkate chu a ko baw k a; tin, a kohvate chu thiam a 30  
chantîr baw k a; tin, thiam a chantirate chu a chawimawi baw k  
a.

Chúng thua chuan engnge kan sawi ang le? Pathian kan 31  
lama a tan chuan tuinng min do thei ang? Ama Fapa ngei *pawh* 32  
zuah lova, kan zaa aia petu chuan, thil zawng zawng pawh  
athlăwnin min pe tel lo vang em ni? Pathian mi thlante chu tuinng  
hêk ang? Thiam chantirtu kha Pathian a ni si a. Tui nng thiam 33  
loh chantîr ang? Thia kha Krista Isua chu a ni si a; a ni, tho leh  
ta zăwka, Pathian ding lama awma, min sawi saktu bawka kha  
a ni.

Krista hmangaihna ata chu tuinng min then ang? 35  
Hrehawmnain emaw, lungngaihna emaw, tihduhdahnain emaw,  
tămin emaw, saruaknain emaw, hlauhawmnain emaw, khandaihin  
emaw min then ang em ni?

(“ Nangmah avângin nilêngin thahin kan awm thin; 36  
Berâm talh tûrte anga ngaih kan ni,”

tih zia k ang khân).

Then suh e, chúng zawng zawngah chuan, min hmangaihtu 37  
avâng chuan, ropui taka ngamtu kan ni. Thihna te, nunna 38  
te, vântirhkoh te, lalna te, thil awm sa te, thil lo la awm tûr te,  
thiltihtheihna te, sanna te, thûkna te, thil siam dang réng réngte  
pawhin, kan Lalpa Krista Isuaa awm Pathian hmangaihna ata  
chu, min then thei lo vang tih dik takin ka hre si a.

9 Kristaah chuan thu taktak ka sawi a ni, ka daw lo ve, 1  
Thlarau Thianghlim zârah chuan ka chhia leh tha hria tna  
pawh hian mi hria tpu i a, ka thinlungah hian hrehawmna nasa 2  
tak leh lungngaihna reh thei lo ka pai asin; ka unaute, tisa lama ka 3  
chipuite aia hian, kei hi Krista hnên ata tihhran *khawp laiin*  
ânchhe dawngin awm hial ila ka ti si a; Israel mi an ni si a; fa 4  
nihna te, ropuina te, thuthlung zawng zawng te, Dân pêkna te,  
Pathian rawngbâwl na te, thutiam zawng zawng te an ta a ni a;  
pute chu an ta ni baw k a, tisa lam thua Krista chu anmahni zîng 5  
ata lo *chhuak* a ni baw k a; ani chu thil zawng zawng chung a awm,  
chatuana fak tlăk Pathian a ni. Amen.

Nimahsela, Pathian thu chu engmah lo anga awm ta a ni lo ve. 6  
Israela thlahte chu Israel mi an ni vek lo ve; Abrahama thlahte an 7  
nih avângin an zain a fate an ni vek hek lo; “ Isaakaah hian i

thlahte an ti ang," *tih* a ni zâwk. Chu chu, tisa fate chu Pathian 8  
 fate an ni lo va, thutiam fate chu *Abrahama* thlaha ruat an ni zâwk,  
 tihna a ni. Thutiam chu hei hi a ni: "Tün ang hun hian ka 9  
 lo kal ang a, Sari chuan fapa a hring ang," *tih hi*. Chu chang 10  
 a ni lo ve, Rebeki pawhin mi pakhat (kan pu Isaaka) laka *phîr* a  
 pai lai khân—*naute chu* an la pian hmaa, chhia leh tha an la tih 11  
 hmain, thiltih vâng ni lovin, a kotu *duh* vâng ni zâwkin, thlan lam  
 thua Pathian thu ruat chu a ngheh theih nân—a hnênah chuan,  
 "A upa zâwkin a naupang zâykw rawng a bâwl ang," *Pathianin* a 12  
 tih kha. "Jakoba ka hmangaih a, Esauva erawh chu ka hua," 13  
 tih ziaik ang khân.

Engnge kan sawi tâk ang le? Pathianah chuan fel lohna a awm 14  
 em ni?

Hnai lo ve. Ani chuan, "Ka khawngaih apiang chu ka 15  
 khawngaih ang a, zah ka ngaihna chung apiangah chuan zah ka  
 ngai ang," tiin, Mosia hnêna a sawi si kha. Chuvângin, a duhtu 16  
 avâng a ni lo va, a tlântu avâng a ni hek lo, a khawngaihtu  
 Pathian avâng a ni zâwk e. Pathian Lehkha Thuin Pharaoa 17  
 hnênah chuan, "He mi avâng ngawt hian ka tungding chia,  
 nangmaliah chuan ka thiltihtheihna ka entîr theihna tûr leh,  
 khawvêl zawng zawnga ka hming a than theih nân," a ti si a.  
 Chutichuan, *Pathianin* a duh apiang a khawngaih thin a, a duh 18  
 apiang pawl a tiluhlul thin a ni.

Nang chuan ka hnênah, "Engatinge a la dem cheu ni? A 19  
 duhzâwng tuinngge dodâl ni?" i ti dawn a ni *awm e*.

A ni, nimahsela aw mihring, Pathian hnial *zeitu* chu tunge 20  
 maw i nih le? Thil siam chuan a siamtu hnênah, "Engatinge  
 hetiang a mi siam?" a ti ang em ni? *Bellei* tlang khat bêl pakhat 21  
 hlu taka, bêl pakhat hlu lo taka siam tûrin, bêlvawtu chuan bellei  
 chungah thu a nei lo vem ni? Khawngaihna bêl, ropui tûra a lo 22  
 buatsaih lâwkate chungah chuan, a khawngaihna ngahzia a entîr  
 theih nân, thinurna bêl boral tlakte chungah chuan, *Patliianin* a  
 thinur leh a thiltihtheihna lantîr duh mah sela, a dawh hrâm hrâm  
 chuan, engnge pawl ang? (Chu *khawngaihna bêlte* chu Judate zing 24  
 ata chauh ni lovin, Jentailte zing ata pawl kohte kan ni).

Hosea *lehkhabuah* chuan, 25

"Ka mite ni *ngai* lo chu, 'Ka nite,' ka ti ang;  
 Tîn, hmangaih *ngai* lohvi chu, 'Hmangaihi,' ka ti  
 ang.

Tîn, heti hi a lo ni ang a, an hnênah, 26

'Ka mite in ni lo ve,' a tihna hmunah ngei chuan  
 Pathian nung fate vuahin an awm ang,"

tih ziaik ang bawkhân. Isaia pawhin Israel mite thu aupuiin, 27

"Israel mite chu tuifinriata tiau zâtin tian mah sela, a *hrem* bâk



*chauh* chu chhandamin an awm ang. Lalpa chuan rang taka tizo 28  
damin lei chungah a *hrem tûr* thu a hlen dawn si a," a tih kha.

Isaia *vêkin*,

29

" Mipuite Lalpa chuan chi thlahtu min lo zuah sak  
suh sela chu  
Sodom khua angin kan lo awm tawh ang a,  
Gomorrah khua anga siamin kan lo awm tawh bawh  
ang."

tia a lo sawi lâwk ang bawh khân.

Engnge kan sawi tâk ang le? Jentail, felna um lote chuan, 30  
felna an lo phâk tawh a ni,—rinna avâng a felna chu. Israel, 31  
felna dân umte erawh chuan, *felna* dân chu an phâk zo ta lo. Eng 32  
vâng nge ni? Rinnain an um lo va, thiltiha *hmuh theih* angin an um  
avâng a ni. Tlûkna lungah chuan an tlu si a;

" Ngai teh, Zionah chuan tlûkna lung leh 33  
Dâna lungpui ka dah a,  
Tupawh amah ring apiang chu  
A mualpho lo vang,"

tih ziaik ang khân.

**10** Unaute u, ka thinslung duhzâwng leh anni tâna Pathian 1  
hnêna ka *ṭawngṭaina* chhan *ber* hi, chhandama an lo awm  
theihna tûr a ni. Pathian lamah *ṭahnnem* an ngai tih ka hriatpui 2  
a ni, hre famkim ang erawh chuan an *ngai* lo. Pathian felna hre 3  
lovin, anmahni felna tihngheh tumin, Pathian felnaah an intulût  
si lo.

Krista chu a ring apiangte tân felna an *hmuh theihna* tûrin Dân 4  
tibângtu a ni si a. Mosia chuan, " Dâna felna zâwm chu, chu 5  
*felna* avâng chuan a nung ang," tiin, a ziaik a. Rinnaa felna 6  
erawh chuan heti hian a sawi: " In rilruin, ' Tunge vânah lâwn  
ang?' emaw (chu chu *chung lam ata* Krista hruai chhuk tûr *tihna*  
a ni); ' Tunge leilâwtah chhuk ang?' emaw (chu chu mitthi zîng 7  
ata Krista hruai chhohleh tûr *tihna* a ni) ti suh u," tiin. A nil leh, 8  
engnge a sawi? " Thu chuanin a hnaih a che, i kê leh i thinslungah  
pawh a awm," tiin, a sawi a ni; chu chu rinna thu kan hrih *ṭhin*  
hi a ni; " I kain Isua chu Lalpa a ni tih i ṭan a, mitthi zîng ata 9  
Pathianin a kaitho tih i thinslunga i rin chuan, chhandamin i awm  
ang," tih hi. Miten thinslungin an ring a, felna an hmu *ṭhin* a; 10  
kain an ṭan a, chhandamna an hmu bawh *ṭhin* a ni. Pathian 11  
Lehkha Thuin, " Tupawh amah ring apiang an mualpho lo vang,"  
a ti a ni. Juda leh Grik mite chu engah mah an danglam chuang 12  
si lo va, *Lalpa* pakhat an zaa chungah Lalpa a ni a, a lamtu apiangte  
chungah chuan *ṭhatna* a ngah si *ṭhin* a. Tupawh Lalpa hming 13  
lam apiangte chu chhandamin an awm ang," tih a ni a.

A nih leh, an rin lohva chu engtinngae an lam ang? A thu an 14

hriat lohva chu engtinngge an rin ang? Thu hriltu *awm* lovin engtinngge an hriat ang? Tih an nih loh chuan engtinngge thu an 15  
 hriat ang? “Thil tha chanchin lâwmawm thlentute ke chu a va mawi êm!” tih zia ang khân. Nimahsela, Chanchin Tha chu an 16  
 za chuan an awi vek lo. Isaian, “Lalpa, kan thu sawi tuinnge ring?” a ti si a. Chutichuan, rinna chu hriatna avângin *a lo awm* 17  
*thin a*, tin, hriatna chu Krista thu avângin *a lo awm*.

A nih leh, an bengin an hre lo vem ni? Hria e le, 18

“An thâwm chu ram tinah a thang a,  
 An thu chu kâwlkil thlengin *a thang chhuak tɛ*”

A nih leh, Israel miten an hre lo vem ni? 19

“Chia sawi tham lohte chu *hmangin*  
 Ka thiktir ang che u a;  
 Chi fing lote chu *hmangin*  
 Ka tithinur ang che u a,”

tiin, Mosian a sawi hmasa ber.

Tin, Isaian huai takin, 20

“Mi zawng lote hmuhin ka awm a,  
 Mi lam lote hnênah hriattirin ka awm a,”

a ti a.

Amaherawhchu, Israel mite thua chuan, 21

“Mi tihmawh leh hnialhrâtte tân  
 Nilêngin ka bânthe ka phar thin kha,”

a ti a.

■ A nih leh, Pathianin a mite chu a paih thla em ni? 1  
 Hnai lo ve. Kei pawh Israel mi, Abrahamah thlah, Benjamina hnam ka ni si a. Pathianin a mi hriat lâwkte chu a paih thla lo ve. 2  
 Pathian Lehkha Thuin Elija thu a sawi hi in hre lo vem ni? Ani chuan Israel mite chung thu Pathian hnênah a thlen a,

“Lalpa, i zâwlneite an tihlum a; 3  
 I maichâmte an tichim a;  
 Keimah chauh ka la awm a,  
 Kei pawh mi tihlum an tum a ni,”

a tih hi.

Nimahsela, Pathianin engtinngge a chhân? “Baala *hmaa* thingthi 4  
*ngai* lo mi sângsarih keimah atân ka la zuah reng a ni,” *tiin a chhâng a*.

Chutiang bawkin, tân lai pawh hian khawngaiha thlan ang 5  
 zia zia in *paih thlak* bâk chu an *la awm*. Khawngaihna avâng 6  
 a nih chuan, thiltih avâng a ni tawh lo vang; chuti a nih loh chuan, khawngaihna hi khawngaihna a ni tawh lo vang.

Engtinngge ni ta ang le? Israel mite chuan an zawn chu an 7  
 hmu lo va, Thlante erawh chuan an hmu a, a dang *zawng zawngte* chu an chawlawl zo tawh a. “Pathianin vawiin thlengin an 8

hnénah mutthlûkna thlarau a pe a, hmuh theih lohna mitte, hriat theih lohna bengte nêh,” tih ziaak ang khân.

Tin, Davida chuan,

9

“ An dawhkân chu an tân thang leh, fal leh,

Tlûkna leh, thungrulhna lo ni rawh se;

An hmuh theih loh nân an mitte lo thim rawh se, 10

Nangin an hnungzâng kûntîr fo vang che,”

a ti a.

A nih leh, an petek chu an tlûk *hlenna* tûr em ni?

11

Hnai lo ve. An tlûk avângin Jentailte hnénah chuan chhandamna *a lo thleng* ta zâwk a ni, *Israel mite* thiktîr nân.

Tichuan, an tlûkna mah khawvêl tihhausakna a nih a, an kiamna 12

*mah* Jentailte hausakna *a nih* bawh chuan, an famkimna chu *an hausakna* a va ni lehzual dâwn êm!

Chutichuan, nangni Jentailte hnénah ka sawi a ni. Kei <sup>13</sup>/<sub>14</sub>

Jentailte tirkkoh ka nih avângin, ka chipuite ka thiktîr theih hrâmna tûr leh, an zînga thenkhatte ka chhandam theihna tûrin,

ka rawngbâwlina hi ka chawimawi a ni. Anmahni paih thlâkna 15

*mah* khawvêl thian lehna a nih chuan, *anmahni* lawm lehna *tûr*

chu thilina ata nun lehna lo chu engnge *ni ang?* Tin, *chhang hlâwm* 16

sawh thlâk hmasak chu a thianghlim chuan a hlâwm pum chu

chutiang bawh a ni; tin, a zung chu a thianghlim chuan a zârte chu

chutiang bawh a ni. Tin, a zâr thenkhatte chu tihtliaha a awmin, 17

nang, oliv suak nia, anmahni zînga zawmin i awm a, oliv thinga

thatna zung tâwm ve tawh i nih chuan, zâr *dangte* lakah chuan 18

inchhuang suh. Inchhuang mah la, nang a zung châwmtu i ni

lo va, a zung chu a châwmtu che a ni zâwk e.

Tin, nangin, “Zawma ka awm theih nân zârte tihtliahin 19

an awm tawh alâwm,” i ti ang le.

A ni, an rin lohna avângin tihtliahin an awm a, nang i rinna 20

avângin i ding a ni. Chapo suh la, hlau zâwk rawh; Pathianin

zâr takte chu a zuah si loh chuan, nang pawh a zuah bik lo vang 21

che.

Chutichuan, Pathian thatzia leh a tihbaihia chu ngaihtuah 22

rawh; a tlute tân chuan a tihbai *a ni*; nang atân erawh chuan a

tha *a ni*, a thatnaa i awm reng chuan; chutilochuan, nang pawh

sah thlâkin i awm ve ang. Tin, anni pawh chu ring lova an awm 23

reng loh chuan, zawmin an awm ang; Pathianin anmahni a zawm

leh thei si a. Nang oliv suak reng ata sah chlum *mah*, pian dân 24

lo anga oliv thing thaah zawma i awm chuan, chûng a *zâr* tak

takte chu, anmahni oliv thing pângngaiah chuan zawm *an va* ni

dâwn nasa êm!

Unaute u, lie thurûk hi in hriat loh ka duh si lo, chutilochuan 25

in intifing ang; Jentailte famkimna a lo thlen hma chuan *Israel* mi

thenkhatte chungah chawlawlna a lo thleng *rih* a ni, tih hi; 26  
chutichuan, Israel mi zawng zawng chhandamin an awm ang;

“Zion atangin Chhandamtu chu a lo chhuak ang a,  
Jakoba hnên ata Pathian ngaihsak lohna a tibo  
vang;”

“Chu chu an hnêna ka thuthlun tûr chu a ni, 27  
An sualte ka lâk bo hunah chuan,”

tih ziaik ang khân.

Chanchin Tha lam ngaihtuah chuan, nangmahni avângin 28  
hmêlma an ni a; Thlan thu lam ngaihtuah erawh chuan thlahtute  
avâng khân duh takte an ni. Pathianin a thilthlâwnpêkah leh a 29  
kohnaah chuan a rilru a lamlêt *ngai* si lo va.

Hmânah chuan Pathian thu in awi lo va, nimahsela tûnah 30  
chuan an awi loh avângin khawngaihna in hmu si a, chutiang  
bawkin, tûnah chuan, *Pathianin* a khawngaih che u avâng hian, 31  
khawngaihna an hmuh ve theihna tûrin anni pawh chuan an  
awi ta lo a nih hi. Pathianin a khawngaih vek theih nân *mi* 32  
zawng zawng awi lohnaah a khung ta vek si a.

Pathian finna leh hriatna ngahzia chu a va thûk êm! A rorêlnate 33  
chu hriat theih rual leh, a kawngte chu chhui theih rual a va ni lo  
êm! Lalpa rilru chu tuinnge hria? tunge a remruat saktuah pawh 34  
tang tawh? a rulh leh tûr pawhin a hnênah tuinnge thil pe hmasa? 35  
Amah atang leh, amah avâng leh, amah atân thil zawng zawng a 36  
lo awm a ni si a; ama hnênah chuan chatuanin ropuina chu *awm  
rawh se. Amen.*

**12** Chuti chuan, unaute u, Pathtian khawngaihna avâng hian, 1  
inthawina uung leh thianghlim leh Pathian lawm tlâk ni tûrin  
in taksa chu inhlânah ka ngên a che u; *chu chu* in rawngbâwlina âwm  
rêng a ni. He khawvêl dân ang hian awm suh ula; Pathian 2  
duhzâwng, a tha leh, lawm tlâk leh, that famkim chu, in hriatfiah  
theih nân, in rilru athara awmin lo danglam zâwk tawh rawh u.

*Pathianin* mi pêk khawngaihna avâng hian in zîngah tumah 3  
in inngaihhlut tâwk aliama inngaihlu lovin, Pathianin mi tin  
hnêna rinna tâwk a pêk ang zêlin fel taka ngaihtuah zâwk tûrin,  
ka ti theuh a che u. Taksa pumkhatat pêng tam tak kan nei a, 4  
pêng zawng zawng thiltih *erawh* chu a inang lo va, chutiang bawkin,  
keini tam tak ni *mah* ila, Kristaah chuan taksa pumkhat kan ni a: 5  
a mal malin inpêng tawn theuh kan ni. 6

Khawngaihna min pêk angzia zêlin thilthlâwnpêk hrang hrang  
kan nei *theuh* a, thu hrilh *tur* a nih chuan, kan rin tâwk ang zêlin *i*  
*hril* ang u; rawngbâwl *tûr* a nih chuan, rawng *i* bâwl *tlat* ang u; zirtîrtu 7  
pawhin zirtîr *tlat rawh se*; zilhtu pawhin zilh *tlat rawh se*; thil petu 8  
chuan ui lovin *pe rawh se*; rorêltuin taima takin *rêl rawh se*; mi  
khawngaihtuin lâwm takin *khawngaih rawh se. Hmangaihna chu* 9

vervêkna tel lovin ni rawh se. Sual lam chu hua ula, tha lam chu pawm tlat rawh u. Unaute hmangaih kawngah chuan, hmangaih 10 takin inlaint tawn theuh rawh u; chawimawi kawngah chuan, induhsak tawn theuh ula; taihmâk kawngah chuan, thatcheh suh 11 ula; thlarau kawngah chuan, thahnemngai ula; Lalpa rawng bawl ula; beiseina kawngah chuan, lâwm ula; hrehawm tuarna 12 kawngah chuan, chhel ula; tawngtâina kawngah chuan *tawngtai* fan fan ula; mi thianghlimte tlâkchhamnaah chhawmdâwl ula; 13 mikhualte lâwmin awm fo ula.

A tiduhdahtu che u chu malsâwm sak ula; malsâwm ula, 14 ânchhia chu lawh suh a. Lâwmte chu lâwmpui ula, taptu chu 15 taphui rawh u. Ngaihtuah hmunkhatin awm tawn theuh rawh u. 16 Inngaihtuah sâng *lutuk* suh ula, mi têtê pâwl zâwk rawh u. Intifing suh u. Tu sual pawh سوالin thungrûl suh u. Mi zawng zawng 17 ngaiha thil mawi ngaihtuah lâwk rawh u. A theih phawt chuan, 18 nangmahni lam tal, mi zawng zawng nêin inremin awm rawh u. Duh takte u, in phuba la suh ula, *Pathian* thinurna kian zâwk rawh 19 u, “ Phuba *rêng rêng* keima lâk tûr a ni, keiman ka thungrûl ang,” Lalpain a ti,” tih ziaak a ni si. Chuvângin, i hmêlma a rilâm 20 chuan ei tûr pe rawh, a tuihâl chuan in tûr pe rawh: chutiang i tih chuan a lu chungah meiling i chhêk khâwm a ni ang. Sual ngam 21 chein awm suh la, thatnain sual chu ngam zâwk rawh.

**13** Mi tin an chungah rorêltute thu thuin awm rawh se. 1 *Pathian* thu lovin tumah rorêltu an awm si lo; *rorêltua* awmte hi *Pathian* ruat an ni. Chuvângin, tupawh rorêltu hnial chu 2 *Pathian* ruat dodâl an ni a; a dodâltute chuan anmahni chungah rorêlna an hmu ang. Rorêltute chu thil tha *tîtu* tân 3 chuan hlauhawm an ni lo va; thil tha lo *tîtu* tân erawh chuan *hlauhawm* an ni. A nih leh, rorêltu hlau lova awm i duh em? Thil tha ti la, a fak i hlauh ang chu; ani chu i thatna tûra *Pathian* 4 rawngbâwltu a ni si a. Nimahsela, thil sual i tih chuan, hlau rawh, khandaih chu a keng mai mai si lo va; ani chu *Pathian* rawngbâwltu, thil tisualtu chungah thinura phuba latu a ni si. Chuvângin, thinur *hlauh* vâng chauh ni lovin, i chhia leh tha 5 hriatna avâng pawhin *rorêltu* thu thuin i awm tûr rêng a ni. He mi avâng hian chhiah pawh in chawi thîn alâwm; chutiang 6 thil ngei ti fan fan tûrin *Pathian* rawngbâwltute an ni si a. Mi 7 zawng zawng hnênah pêk tûr apiang pe rawh u; leiman *pêkna tûra* hnênah chuan leiman *pe ula*; chhiah *chawina tûra* hnênah chuan chhiah *chawi ula*; tih *tûra* chu tih ula; pawisak *tûra* chu pawisa rawh u.

Inhmangaih tawma ngawt lo chu, tuma engmah ba suh u; mahni mihringpui hmangaihtu chuan dân chu a zawh famkim tawh si a. Hêng, “ Uirê suh, Tual that suh, Ru suh, Awt suh,” tih leh, thupêk dang la awm rêng rêngte hi, “ Nangmah i

inhmangaih angin i vêngte i hmangaih tûr a ni," tih hian a khai  
khâwm vek si a. Hmangaihnain vêngte a tikhaw lo ngai 10  
lo va; chuvângin hmangaihna hi dân zawh famkimna  
a ni.

Tûn lai thil awmzia in hriat avâng leh, muhîl thawhharh a hun 11  
tawh tak zet tih in hriat avângin, chu chu *ka sawi a ni*; tûnah chuan  
kan rin *tirh* lai ai khân kan chhandamna chu a hnai ta zâwk si a.  
Zân hi a ral lek lek tawh a, khua a vâw dâwn ta e; chuvângin 12  
thima thiltih chu paih ila, êng thuamin i inthuum ang u. Chhûna 13  
*awm* angin mawi takin i awm ang u, zu in buai leh zu ruia awm  
lovin, hur leh inngaih hmanga awm lovin, insual leh inîtsika awm  
lovin. Lal Isua Krista chuan inthuum zâwk ulang, in tisa châkna 14  
*puitlin* tûrin engmah insiam suh u.

**14** Tin, rinnaa chak lo mi chu, a rinhlêhnate sawisêl lovin 1  
lâwm rawh u.

Mi pakhatin thil engkim ei theiin a inring a, mi chak lo erawh 2  
chuan thlai *chauh* a ei thîn. *Engkim* ei mi chuan a ei lo mi hmsut 3  
suh se; ei lo mi pawhin a ei mi chu sawisêl suh se; Pathianin ani  
chu a lâwm tawh alâwm. *Mi* dang chhiahhlawh sawisêltu chu 4  
tunge maw i nih *le?* a dîn leh a tlûk chu ama hotu tân a ni.  
Nimahsela, ani zawng dintîrin a awm ang, Lalpa chuan a dintîr  
thei si a.

Mi pakhatin ni khat hi ni dang ai hian a ngaihlû bîk thîn a, 5  
mi dangin ni zawng zawng hi *inang theuhvin* a ngai thîn a ni.  
Mi tin mahni rilruah inhre Chiang rawh se. Ni serhtu chuan 6  
Lalpa chawimawi nân a serh thîn a ni. Tin, *engkim* eitu chuan,  
Pathian hnênah lâwm thu a sawi avângin, Lalpa chawimawi nân  
a ei thîn; a ei lotu pawh chuan, Pathian hnênah lâwm thu a sawi  
a, Lalpa chawimawi nân a ei lo thîn a ni. Tumah mahni 7  
tâna nung kan ni lo va, tumah mahni tâna thi kan ni hek lo.  
Kan nun chuan, Lalpa tân kan nung a; kan thih pawhin Lalpa tân 8  
kan thi a ni si; chuvângin, kan nun pawhin, kan thih pawhin,  
Lalpa ta kan ni. Krista thihna leh a lo nun *lehna* chhan chu, mi 9  
nung leh mitthi Lalpa a nih theihna hi a ni si.

Nimahsela, nangin engatinge i unau i sawisêl ni? a nih loh leh, 10  
nangin engatinge i unau i hmsut ni? Pathian rorêlna thutphah  
hmaah kan vâiin kan la dîng dâwn si a;

“Lalpa chuan, ‘Mi tinrêng 11

Ka hmaah an kûn ang a,

Lei tinrêng pawh Pathian hnênah a inpuang ang,’

Tiin, chhia ka chham a ni,” a ti a,

tihi ziaak a ni si a.

Chutichuan, kan zain Pathian hnênah mahni chanchin kan 12  
sawi theuh tûr a ni. Chuvângin, i insawisêl tawh suh ang u, 13

tupawhin mahni unau dâlna emaw tlûkna emaw siam loh tum zâwk rawh u.

Amah ngawtah chuan thiàng lo engmah rêng a awm lo tih 14  
Lalpa Isuaah chuan ka hre êm êm mai, englo thiàng lova ngaitu  
tân erawh chuan, amah atân chuan a thiàng lo a ni. I englo ei 15  
vângin i unau rilru a nat chuan, hmangaih dâñ ang i zawh tawh lo  
a ni. A thih ai Kristan a thih saka chu i englo eiin tiboral suh.

Chutichuan, in tâna thâtna chu sual lama sawiin awm suh se; 16  
Pathian ram chu ei leh in lam thu a ni si lo va, felna te, remna te, 17  
Thlarau Thiànghlîma lâwmna te a ni zâwk e. Tupawh chûng 18  
thuah chuan Krista rawngbâwl chu Pathian lâwmzâwng leh,  
mihring fakin a awm thîn a ni. Chutichuan, inremna tûr leh, 19  
intihsâwt tawnna tûr thilte chu i ùm ang u. I englo ei vângin 20  
Pathian hnathawh tichhe suh. Thil zawng zawng a thiànghlîm  
ngei mai, nimahsela, a englo eiin mi a tihtlûk chuan, a eitu tân sualna  
a ni. I unau tlûkna tûr a nih chuan, sa ei loh te, uain in loh te, 21  
thil engpawh tih loh a thâ a ni. Rinna i neih chu Pathian hmaah 22  
nangmah chauhvâ hriatin nei mai rawh. Mahni thâ tih kawnga  
thiam loh inchantîr lo chu a eng a thâwl e. Amaherawhchu, 23  
ringhleltuin a ei chuan, rinnain a ei loh avângin, thiam loh a chang  
a ni; engpawh rinna lova tih chu sual a ni si a.

**15** Chutichuan, keini mi chakte hian, mahni lâwmna zawng 1  
lovin, mi chak lote chak lohnate chu kan tuarpui zâwk tûr  
a ni. Mahni vêngte tihsâwt nân an thâtna tûrin tihlâwm i tum 2  
thêuh ang u; Krista pawh chuan mahni lâwmna a zawng si lo; 3  
“Nangmah hautute hauna chu keima chungah a tla ta a,” tih  
ziak ang khân a ni zâwk. Pathian Lehkha Thua chhelna leh 4  
thlamuanna hmua beiseina kan neih theihna tûrin, hmân laia  
ziak apiangte chu keimahni min zirtîrna tûrin ziak a ni si a.  
Chutichuan kan Lalpa Isua Krista Pathian leh a Pa chu, thinlung 5  
hmunkhat leh thuruala kan chawimawi theihna tûrin, chhelna  
leh thlamuanna Pathian chuan, Krista Isua sawi angin, rilru 6  
hmunkhat pu tawnin awmtîr che u rawh se. Chuvângin, Krista 7  
chuan Pathian tihropui nân a lâwm che u ang bawkhân, inlâwm  
tawn rawh u.

Hei hi ka sawi chu a ni; thlahtute hnêna thutiamte kha tinghet 8  
tûr leh, a khawngaihna avânga Jentailten Pathian an chawimawi  
theihna tûrin, Pathian thu a dik tih hriattîr nân Krista chu  
serhtante rawngbâwlthuah a lo awm a,

“ Chuvângin, Jentailte zingah chuan

Ka fak ang chia,

I hming chawimawina tûrin

Hla ka sa ang,”

tih ziak ang khân. Tin,

“ Nangni Jentail zawng zawngte u,  
A mite nêl lâwm rawh u,”

a ti leh a. Tin,

11

“ Nangni Jentail zawng zawngte u,  
Lalpa chu fak rawh u;  
Mi zawng zawng pawhin  
Amah fak rawh se,”

a ti leh a. Tin, Isaian,

12

“ Jessaia zungzâm chu a awm ang a,  
Jentailte Lala awm tûrin  
A lo chhuak tûr chu a awm bawh ang;  
Ani chu Jentailte chuan an beisei chhan ang,”

a ti leh bawh a.

Thlarau Thianghlim thiltihtheihna zârah beiseina in ngah 13  
theihna tûrin, beiseina Pathian chuan, in rin avângin, lâwmna  
leh remna tinrêngin tikhat che u rawh se.

Tin, ka unaute u, nangmahni chung thu chu, nangmahni 14  
ngei thatnain in khat a, finna tinrêng in ngah a, in inzilh tawn  
thei bawh tih keimah tak pawhin dik takin ka hria. Nimahsela, <sup>†</sup>  
Jentailte zînga Krista Isua rawngbâwtua ka awm theihna tûrin  
Pathianin mi pêk khawngaihna avâng hian, hriatpui tûr che uin  
khawimaw kâr kârah huai deuhvin ka ziaak a ni. Ka Jentail hlante  
chu, Thlarau Thianghlim tihthianghlim an ni a, lawm tlâk an  
nih theihna tûrin, Pathian Chanchin Tha kawngah puithiam hna  
ka thawh a ni.

Chutichuan, Pathian lam kawngah Krista Isuaah chuan chhuan 17  
tûr ka nei a ni. Kristan Jentailte awitir tûrin, thu sawi leh <sup>†</sup>  
thiltihin, chhinchhiahnate leh thilmakte thiltihtheihnaa, Thlarau  
Thianghlim thiltihtheihnaah chuan, keimah mi hmanga a thil  
tihte lo chu engmah ka sawi ngam si lo va. Jerusalem khua leh a  
vêl ram atângin, Illurikon ram thlengin, Krista Chanchin Tha chu  
ram tinah ka hril kim tawh; keimah mi hmanga a thil tih chu chuti kau  
chu a ni. A ni, mi dang lungphûm chung a rem chho ka lo nih 20  
loh nân, Chanchin Tha chu Krista hming lam tawhna hmunah  
hril lovin,

“ A chanchin la hrilhna ngai loh mite chuan 21  
An hmu ang a,  
La hre ngai lo te chuan  
An hria ang,”

tih ziaak ang khân, hrilh ka tum zâwk tîin a ni.

Chuvâng tak pawh chuan a ni, in hnêna lo kal ka t̄hulh fo 22  
t̄hin ni. Tûnah erawh chuan, hêng ram vêlah hian thawhna 23  
hmun rêng ka nei ta lo va, kum tam tak chu in hnêna lo kal  
châkin ka awm tawh bawh a, Spain rama ka kal hun apiangin— 24



ka kal pethan hmuh che u ka beisei si a, nangmahni pâwl kham  
deuh zet ih, chu lama ka kalnaah chuan nangniho mi zuk thlah  
ka beisei bawk a.

Tûnah, erawh chuan, mi thianghlimho rawng bâwl turin 25  
Jerusalem khuaah chuan ka kal *rih* dâwn a ni. Makedonia leh 26  
Akaia rama mite chuan lungni takin Jerusalem khuaa mi  
thianghlimho zînga retheite tân sum an thawhlâwn tawh si a.  
A ni, lungni takin an ti a ni, an lakah an ba rêng bawk a ni; 27  
Jentailen an thlarau lam thilte an tawmpui si chuan, khawvêl  
lam thilte anmahni chhawmdâwl ve thung a tûl rêng a ni.

Chuvangin, chu chu ka tiha, rah pawh chu anmahni fel taka 28  
ka hmuhar zawhin, nangmahni tlawhin, Spain ramah ka kal  
zêl ang. Tin, in hnêna ka lo kal hun chuan, Krista malsâwmna 29  
famkin pun ka lo kal ang tih ka hria.

Unawt u, in mi tawngtai saknaah chuan, Judai rama ring <sup>30</sup><sub>31</sub>  
lote laka ka him theih nân leh, Jerusalem khua atân chhawmdâwna  
ka ken bi roi thianghlimho lâwmzâwng tak a nih theih nân mi  
tawngtaipui hrâm hrâm tûrin Lalpa Isua Krista leh Thlarau  
Thianghlim hmangaihna in ka ngên chiam a che u; Pathian remtih 32  
anga him taka in hnêna ka lo kal a, kan harh tlân theihna tûrin.

Remna Pathian chu in zaa hnênah awm rawh se. Amen. 33

**16** Kan farnu Phoibi, Kenkriai khuaa kohhranho rawngbâwlto <sup>1</sup><sub>2</sub>  
hi, Lalpa hminga mi thianghlimte ang bawka in lo lawmna  
tûr leh, in puih a ngaihna apianga pui tûrin hmêlhriattir che u ka  
duh a ni. Amah ngei pawh hi mi tam tak puitu a lo ni tshin a,  
keimah ngei pawh *mi pui* a ni.

Priskilli leh Akuila, Krista Isuaa ka hnathawhpui, ka nun 3  
*chhanhim* nâna ngâwng dawhte kha chibai *mi bûk sak* ang che u; 4  
kei chang ni lovin, Jentail kohhranho pâwl zawng zawngin anni  
hnênah chuan lâwm thu an sawi a ni. An ina kohhran *inkhâwmho* 5  
chu *chibai mi bûk sak* bawk ang che u.

Ka duh tak Epaineta, Asia rama Krista ring hmasa ber kha,  
chibai *mi bûk sak* ang che u.

Mari, in tâna thawk rimtu kha, chibai *mi bûk sak* ang che u. 6

Ka chipui Andronika leh Junia, ka tânpuite kha, chibai *mi* 7  
*bûk sak* ang che u; anni chu tirkhohte zînga hmingthang tak an  
ni a, ka aia Kristaa awm hmasa zâwk an ni a.

Amplia, Lalpaa ka duh tak kha, chibai *mi bûk sak* ang 8  
che u.

Kristaa kan hnathawhpui Urbana leh ka duh tak Stakua kha, 9  
chibai *mi bûk sak* ang che u.

Kristaa *mi tak*, Apellia kha, chibai *mi bûk sak* ang che u. 10

Aristobula *chhúngte* zînga mite kha chibai *mi bûk sak* ang  
che u.

Ka chipui, Herodiona kha, chibai *mi* bûk *sak* ang che u. 11  
Narkissa *chhिंगte* zînga mi, Lalpaa awmte kha, chibai *mi* bûk  
*sak* ang che u.

Truphaini leh Truphosi, Lalpaa thawk rim *thînte* kha, chibai 12  
*mi* bûk *sak* ang che u.

Duh tak Persi, Lalpaa thawk rim *êm êm* tawh kha, chibai *mi*  
bûk *sak* ang che u.

Lalpaa thlan Rufa leh a nu, ka nu ve bawk kha, chibai *mi* bûk 13  
*sak* ang che u.

Asunkrita te, Phlegona te, Hermia te, Patroba te, Herma te, 14  
an hnêna unau awmte nên khân, chibai *mi* bûk *sak* ang che u.

Philologoa leh Juli nê, Nirea leh a farnu nê, Olumpa nê, 15  
an hnêna *mi* thianghlîm awm zawng zawng nê khân, chibai *mi*  
bûk *sak* ang che u.

Fawh thianghlîmin chibai inbûk rawh u. 16

Krista kohhranho pâwl zawng zawngin chibai an bûk hlawm  
a che u.

Tin, unaute u, zirtîrna thu nangmahni zir loh lama inthenna 17  
leh tlûkna siamtute chu vêng *thâ* tûr leh hawisan tûrin ka ngên  
a che u. Chutiang mite chuan kan Lalpa Krista rawng an bâwl 18  
lo va, anmahni pum *rawng an bâwl* zâwk *thîn* a; an kam *thât* leh  
an kam thiamin *mi* fîng lote rilru an bum *thîn*.

In awizia chu *mi* zawng zawng zîngah a thang chhuak ta si a. 19  
Chuvângin, nangmahni chung thuaah ka lâwm a ni; amaherawhchu,  
*thâ* lamah chuan in fin a, sual lamah in fin loh ka duh a ni. Tin, 20  
remna Pathian chuan in kephah hnuaiah Setana chu a rawn rah  
perhtîr thuai ang che u.

Kan Lalpa Isua Krista khawngaihna chu in hnênah awm rawh  
se.

Ka hnathawhpui Timothea leh ka chipui Lukia te, Jasona 21  
te, Sosipatera tehovin chibai an bûk a che u.

Kei, Tertia, *he mi* lehkha ziaktu *hian*, Lalpa hmingin chibai ka 22  
bûk a che u.

Keimah leh kohhranho zawng zawng thlen in pa Gaia chuan 23  
chibai a bûk a che u.

Khuuaa sum enkawltu Erasta leh, unaupa Kuarta chuan chibai  
an bûk a che u.

Ka Chanchin *Thâ* leh Isua Krista thu hrilh angin, thurûk 24  
puanna ang *hian*, (chu *thurûk* chu chatuan ata a inthup *thîn* a,  
tûnah erawh chuan tihlan a ni a, rinna chu an lo awina tûrin,  
chatuan Pathian thupêk ang zêlin, zâwlneite Lehkha Thuin hnam  
tin hnênah hriattîr a ni tawh), nangni tinghet theitu Pathian fînga 27  
chauh hnênah chuan, Isua Krista avângin, chatuana ropuina awm  
rawh se. Amen.

# Korinth Khuaa Mite Hnêna Tirkoh Paula Lehkha Thawn Pakhatna

—:o:—

Paula, Pathian duhzâwnga Isua Krista tirkohva koh, leh 1  
*kan* unaupa Sosthena chuan:

Korinth khuaa Pathian kohhranho awm, Krista Isuaa tihhran, 2  
mi thianghlím *ni túra* kohte hnênah, ram tina kan Lalpa (anmahni  
leh keimahni *Lalpa*) Isua Krista hming lam zawng zawng hnênah  
nên.

Pathian kan Pa leh Lalpa Isua Krista hnên ata khawngaihna 3  
leh remna in hnênah awm rawh se.

Krista Isuaa Pathian khawngaihna in hnêna pêk avâng khân 4  
in chung thua Pathian hnênah lâwm thu ka hril fo thîn; engkimah,  
thu sawi tinrêngah leh hriatna tinrêngah, amahah chuan 5  
tihhausaka in awm thua khân; chutiingin Krista thu ka hriattîr 6  
chu nangmahniah tihngheha a awm kha; chutichuan, kan Lalpa 7  
Isua Krista inlârna nghâkin, thilpêk rêngrêngah in hlawhtling lo lo  
ve; *ani* chuan, kan Lalpa Isua Krista niah chuan sawisêlbova in 8  
*awm nân*, a tâwp thlengin a tinghet bawk ang che u. Pathian, a 9  
Fapa Isua Krista kan Lalpa pâwlâa ko lúttu che u kha, a rinawm  
a ni.

Tin, unaute u, in zain thu thuhmun in sawi a, in zînga inthenna 10  
rêng a awm lohna túrin, rilru hmunkhat leh ngaihtuahna  
hmunkhata fel taka in inzawm tlat zâwkna túrin kan Lalpa Isua  
Krista hmingin ka ngên a che u. Ka unaute u, in chungchâng thu 11  
chu in zîngah inhnialnate a awm tih Kloîi *chhûngte* chuan mi hrilh  
a ni. Hei hi a ni ka tih chu, mi tinin, “Kei Paula pâwl ka ni,” 12  
“Kei zawng Apollova pawl *ka ni*,” “Kei zawng Kiphaa pawl  
*ka ni*,” “Kei zawng Krista pawl *ka ni*,” in tih hlawm hi.

Krista chu thenin a awm em ni? Paula in aia khenbehin a awm 13  
em ni? A nih loh leh, Paula hminga baptis-in in awm em ni?  
Krispa leh Gaia lo chu in zînga mi tumah ka baptis loh che u 14  
avângin Pathian hnênah lâwm thu ka sawi thîn a ni; chutilochuan 15  
miin keima hminga baptis in ni tih an sawi dah ang e. Stephana  
chhûngte erawh chu ka baptis bawk a; chûng lo chu mi dang ka 16  
baptis emaw ka hre lo.

Krista chuan baptis túrin mi tîr si lo, Chanchin Tha hril túrin 17  
mi tîr zâwk a ni; thu finga hril lovin, chutilochuan Krista kraws

chu engmah lovah an chantîr dah ang e. Kraws thu chu boral 18  
mêkte tân chuan âtna a ni si a; keini chhandam mêkte tân erawh  
chuan Pathian thiltihtheihna a ni zâwk e.

“ Mi fing finna chu ka tiboral ang a, 19  
Remhre remhriatna chu ka paih thla ang,”

tih ziaak a ni si a.

Mi fing chu khawiahnge? Lekhaziaktu chu khawiahnge? 20  
He khawvêla hnialtu chu khawiahnge? Pathianin khawvêl finna  
hi âthtlâk a ni tih a hriattîr lo vem ni? Pathian finnaah chuan,  
khawvêlin finna hmanga Pathian an hriat theih loh hnuin, thu 21  
hril âthtlâk hmanga a ringtute chhandam chu Pathianin tha  
a ti hle si a. Judatechuan chhinchhiahnate an phûit thîna, Grikte 22  
chuan finna an zawng bawh thîn a; keini erawh chuan Krista 23  
khenbeh thu kan hril thîn a nih li; *chu chu* Judate tân chuan  
tlûkna, Jentailte tân âtna a ni a; nimahsela Judate pawh ni sela, 24  
Grikte pawh ni sela, kohte tân zawng Krista, Pathian thiltihtheihna  
leh Pathian finna chu a ni. Pathian âtna chu mihring aiin a fing 25  
zâwk a, Pathian chak lohna pawh chu mihring aiin a chak zâwk  
bawh si a. Unaute u, a kohna che u hi ngaihtuah teh u, tisa lama 26  
mi fing tam tak te, mi chak tam tak te, mi tha tam tak te *koh an nih*  
lohzia hi; nimahsela, Pathianin khawvêl thil âte chu a thlang 27  
zâwk a, mi finge chu a tihmualpho theihna tûrin; tin, Pathianin  
khawvêl thil chak lote chu a thlang a, thil chakte chu a tihmualpho  
theihna tûrin; tin, khawvêl thil chhia leh thil hmusitawmte, thil 28  
awm lote nêl lam Pathianin a thlang a, thil awmte chu engmah  
lova a siam theihna tûrin; chutichuan, Pathian hmaah mi tumah  
an inchhuang thei lo vang. Nangni erawh chu ama zârah Krista 29  
Isuaah chuan in awm a ni; *ani* chu Pathian hnên ata kan tân 30  
finnaah siam a ni, felnaah te, thianghlimnaah te, tlannaah te nêl;  
chutichuan, an ziaak ang khân, “A chhuang apiangin Lalpa 31  
chhuang rawh se.”

**2** Tin, unaute u, kei zawng Pathian thurûk hrilh che uin in 1  
hnêna ka lo kal lai khân, thu sawi ropui leh finna *ropui* nêna 2  
lo kal ka ni lo. Isua Krista, amah ngei khenbeha a awm *thu* 3  
chauh lo chu in zîngah engmah rêng hriat ka tum loh kha. Tin,  
chak lo leh hlauvin, nasa taka khûr chungin in zîngah ka awm a.  
Tin, in rinna chu mihring finnaa innghat lovin, Pathian 4  
thiltihtheihnaa *inngkata* a awm theih zâwkna tûrin, ka tawngka  
chhuak leh ka thu hrilhthe chu thu finga thlêmna thuin a ni lo va,  
Thlarau leh thiltihtheihna hriattîrin a nih zâwk kha.

Amaherawhchu puidingte zîngah chuan thu fing zawng kan 6  
sawi thîn, nimahsela he khawvêl thu fing hi a ni lo, he khawvêl  
rorêltu boral tûrte *thu fing* hi a ni hek lo; Pathian thu fing thurûk  
chu kan sawi zâwk thîn a ni, *thu fing* inthup, kan ropuina tûra 7

Pathianin khawvêl awm hmaa a ruat lâwk tawh chu. Chu chu he 8  
 khawvêl rorêltute rêng rêng hian an hre lo; hria sela chuan ropuina  
 Lalpa chu an khêngbet lo vang.

“ Mita hmuh *ngai loh*, beng a hriat *ngai loh*, 9  
 Mihring rilrua hùt *ngai lo*,  
 Pathianin a hmangailtute tân  
 A buatsaih apiangte chu,”

tih ziaik ang zâwk khân. Keini erawh chu *chúng chu* Pathianin 10  
 Thlarauvin min hriatîr ta a ni; Thlarau chuan engkim a chhui  
 chhuak si thîn; a ni, Pathian thu ril pawh. Mihring *thute* chu 11  
 mihring rilru a chhûnga awm vêk lo chuan, mihring zîngah  
 tuînge hria ang? Chutiang bawkin Pathian *thute* chu Pathian  
 Thlarau vêk lo chuan tuman an hre lo. Chutichuan, athlâwna 12  
 Pathianin *thil* min pêkte chu kan hriat theihna túrin, keini  
 zawngin khawvêl thlarau ni lovin, Thlarau, Pathian hnêna mi chu,  
 kan hmu zâwk a ni. Mihring finna zirtîr thua *sawi* lovin, Thlarau 13  
 zirtîr thua *sawi* zâwkin, Thlarau lam *thute* chu thlarau lam mite  
 hnêna hrihfhahin, *chúng thil min pêk thute* pawh chu kan sawi thîn.  
 Khawvêl mi chuan Pathian Thlarau lam *thilte* chu a lâwm thîn lo, 14  
 ani ngaih chuan âthhlâk a ni si a; Thlarauva hriat fiah a nih  
 avângin a hre thei lo rêng rêng bawk a ni. Thlarau mi erawh 15  
 chuan thil engkim a hre fiah thîn a, ani lah chu tuman an hre fiah  
 si lo. Tuînge Lalpa rilru hre tawha, amah chu zirtîr thei ang? 16  
 Keini erawh chuan Krista rilru kan pu a ni.

**3** Tin, unaute u, thlarau mite hnêna sawi angin in hnênah thu 1  
 ka sawi thei lo va, tisa mite hnêna sawi angin *ka sawi* zâwk  
 kha, Kristaa nausênte hnêna *sawi* ang maiin. Chaw ni lovin, 2  
 hnutein ka chawm che u kha, *chaw* in la ei theih loh avâng khân;  
 a ni, tûnah pawh in la *ei* thei ta lo fo a ni, tisa mi in la nih fo  
 avângin. In zîngah inîtsikna leh inhnialna a awm thîn avâng  
 hian tisa mi *la* niin mihring angin in *la* awm a ni lo vem ni? Mi 4  
 pakhatin, “ Paula pâwl ka ni,” mi dangin, “Kei zawng Apollova  
 pâwl ka ni,” in tih chhûng zawng mihring in *la* ni lo vem ni?

Apollova chu engnge a nih le? Paula pawh chu engnge a nih? 5  
 Rawngbâwltu, nangmahni rintîrtu che u *chauh* an ni asin, *chu* pawh  
*chu* Lalpan a pêk ang ve ve chauh zêlin a ni. Keim ka phun 6  
 a, Apollovan tuin a chawm a, nimahsela Pathianin a thantîr a ni.  
 Chutichuan, a thantîrtu Pathian chauh lo chu, a phuntu chu 7  
 engmah a ni lo va, tuia chawmtu pawh chu engmah a ni hek lo.  
 Tin, a phuntu leh tuia chawmtu chu pumkhat an ni, nimahsela 8  
 anmahni thawh rim ang zêlin mahni lâwmman an hmu ve ve  
 ang. Keini zawng Pathian hna thawhpuite kan ni si a; nangni 9  
 Pathian thlawhhma chu in ni a, Pathian in sak chu *in ni bawk a*.  
 Pathian khawngaihna mi pêk ang zêlin in sa hotu ber fing tak 10

angin keim lungphûn ka ren a, mi dangin a chungah in an sa a. Nimahsela mi tin a chungah an sakzia tûrah chuan fimkhur theuh rawh se. *Lungphûm* rem tawh sa lo chu lungphûn dang tuman 11 an rem thei tawh si lo va, chu *lungphûm* chu Isua Krista chu a ni. Tin, lungphûm chungah chuan tupawhin rangkachakin *emaw*, 12 tangkain *emaw*, lung man tamin *emaw*, thingin *emaw*, hnimin *emaw*, buhpawliu *emaw* in sa sela, mi tin hnathawh chu a lang tawh ang. Ni chuan a tilang dawn si a, meia a inlâr dawn avângin; mei ngei 13 chuanin mi tin hnathawh chu eng ang nge a nih a fiah tawh ang. Tu hnathawh pawh a chungah a sak chu a awm reng chuan, chu 14 ni chuan lâwmnian a hmu ang. Tu hnathawh pawh a kan chuan, 15 chu mi chuan a chàn ang; amah tak tak erawh chu chhandamin a awm ang, anaherawhchu meia *kal* tlang ang *main*.

Pathian in in nih leh Pathian Thlarau nangmahniah a awm 16 reng tih in hre lo vem ni? Tupawhin Pathian in chu a tikhawloh 17 chuan chu ni chu Pathianin a tikhawlo vang; Pathian in chu a thianghlim si a, chu in chu nangmahni in ni e.

Tuman mahni intihder suh se. In zingah tupawh he 18 khawvêlah hian finga a inngaih chuan, a lo fin theihua tûrin mi âah lo chang rawh se. He khawvêl finna hi Pathian ngaihin âtna 19 a ni si a. “Ani chuan mi finge chu annalnu fin vervênain a âwk thîn,” tih ziaak a ni si a; “Lalpa chuan ni finge 20 ngaihtuahnate chu athlawn a ni tih a hria,” tih *ziaak a ni* leh bawk a.

Chuvângin tuman mihringte chluang suh se. Engkim hi in <sup>21</sup>/<sub>2</sub> 21 ta a ni vek si a; Paula emaw, Apollova einaw, Kiphaa emaw, khawvêl emaw, nunna emaw, thihua emaw, thil awm sa emaw, thil lo la awm tûr emaw; a zavaiin in ta vek a ni; nangni pawh Krista ta in ni a; Krista pawh chu Pathian ta a ni. 23

**4** Keiniho hi Krista rawngbawltuah leh Pathian thurûk 1 enkawltuah miin nin ngai rawh se. Hetah luan enkawltu 2 chu mi rinawm nih a ngai bawk a ni. Nimahsela nangrûn mi 3 fiahna leh mihring ngaihtuahnain mi fiahna chu ka tân thil tê tak tê a ni; mahni pawh ka infiah *ngai* lek lo. Engmah indemna 4 ka inhre si lo va; nimahsela, chu chuanin thiam mi chantîr chuang lo; mi fiahthu chu Lalpa a ni zâwk. Clutichuan, a hun hma hian 5 engmah fiah suh u, Lalpa lo kal hma loh zawng; ani chuan thima thil thuhrûkte chu êngah a rawn la chluak ang a, thîlunga tumte pawh chu a tilang bawk ang; chu mi huah chuan mi tinin Pathian lakah chuan mahni *chan tâwkah* fak an hlawh theuh tawh ang.

Tin, unaute u, thu ziaakte chu in khûm lohna tûrin, keimahniah 6 hian in zir theih nân, chûng thute chu in thatna tûrin kei leh Apollova ka inbel a ni, in zingah tuman pakhat chluangin pakhat in uan khum loh nân. Nang tuinnege tilêm chuang che? I dawn 7

loh chu engnge i neih ni? I dawn a nih si chuan engginge dawn  
 ni lo anga i uanpui ni? Tûn apangin in tlai ta a, tûn apangin in 8  
 hausa ta a, kan tel lovin ro in rêl ta a nih hi le; a ni, ro rêl *tak tak*  
 ula chu ka duh a ni, keini pawhin nangmahni nêna ro kan rêl  
 theih nân. Pathianin keini tirhkohte hi thi tûra ruat sa angin a 9  
 hnuhnûng berah min târ chhuakah ka ngai a ni; khawvêlte leh  
 vântirhkohte leh mihringte mithmuha en nawma siamin kan awm  
 hi. Keini zawng Krista avângin mi â kan ni a, nangni erawh 10  
 chu Kristaah chuan *mi* fing in ni zâwk e; keini zawng kan chak  
 lo va, nangni erawh chu in chak e; nangni zawng *mi* chawimawiin  
 in awm a, keini erawh chu *mi* hmusitin kan awm zâwk a ni. Tûn 11  
 thleng pawh hian kan rilâmin kan tuihâl a, silhfên kan khawp  
 lo va, mi kut thak hnawihna kan ni a, awmna bulbâl kan nei lo va;  
 mahni kuta thawkin kan rim hle a; min min hauvin mal kan 12  
 sâwm sak thîn a; min min tihduhdahin kan tuar hrâm thîn a;  
 min min hêkin kan thlêm thîn a; tûn thleng pawh hian khawvêl 13  
 hnâwmhnaw, thil zawng zawng bawhlhlawh angin min min  
 siam a ni.

In zahna tûrin hêng thu hi ka ziaak lo va, ka fa duh takte anga 14  
 zilh tûr che uin *ka ziaak* zâwk a ni. Kristaah chuan zirtirtu singkhat 15  
 nei mah ula, pa zawng tam tak in nei si lo a ni; keini Krista Isuaah  
 chuan Chanchin Thain ka hring che u a nih kha. Chutichuan, 16  
 mi zir tûrin ka ngên a che u. Chu mi avâng chuan Timothea, 17  
 Lalpaa ka fa duh tak leh rinawm chu in hnênah ka rawn tîr a  
 ni; ani chuan Kristaa ka awm dân, ram tina kohhranho pâwl tina  
 ka zirtîr thîn ang hi, a hriattîr leh ang che u.

Tin, kei in hnêna lo kal tawh lo tûr ang maiin thenkhat in 18  
 uang a ni. Nimahsela, Larpain rem a tih chuan, rei lo tê chinah 19  
 in hnênah ka lo kal ang; chutichuan mi uangte thu chu ni lovin,  
 an thiltihtheihna chu ka hre zâwk tawh ang. Pathian ram chu 20  
 thua a awm lo va, thiltihtheihnaah a awm zâwk a ni. Engnge  
 in duh zâwk? vuakfung nên nge in hnênah ka lo kal ang 21  
 a, hmangaihna leh thuhnuairawlh rilru *pûin*?

**5** In zîngah inngaih a awm tih thu a thang vêl chiam a ni; 1  
 chutiang inngaih chu Jentailte zîngah pawh awm ngai hlei  
 lo, in zînga mi pakhatin a pa nupui a neih kha. Tin, chu thil titu 2  
 chu in zîng ata hnawh chhuah nâna lungngaih tâk aruanging in uang  
 zâwk si a.

Keimah ngei hi, taksain *ka* tel lo na a, thlarauvah erawh chuan 3  
*ka* tel a, thil chuti kau titu chu tûnah pawh Lalpa Isua hmingin in  
 zînga tel ang takin ka ngaihtuah zo tawh; nangni leh ka thlarau chu 4  
 kan Lalpa Isua thiltihtheihnaa inkhâwmin, mi chutiang chu, a 5  
 thlarau Lalpa niah chuan chhandaniin a awm theih nân a tisa  
 tiboral tûrin, Setana pe îla *ka ti a ni*.

In uan chhan hi a tha lo ve. Dawidim tlém tein chhang 6  
hláwm chu apumin a fan chhuak thín tih in hre lo vem ni? 7  
Dawidim tel lo in ni ang bawkin chhang hláwm thar in lo nih 7  
theih nán dawidim hluí chu thianfai rawh u. Kan Kahlên 8  
Kútna túr pawh an talh tawh si a, Krista ngei chu; chuhángin, i 8  
kút ang u, dawidim hluia *kút* lovin, nunchhiat leh sualna dawidima 8  
*kút* hek lovin, takna leh dikna chhang dawidim telh lohvin i *kút* 8  
zâwk ang u.

Ka lehkha thawnah khân, inngaihmangete páwl lo túrin in 9  
hnénah ka ziaak kha; he khawvéla inngaihmangete emaw, duhâm 10  
leh hléprute emaw, milem betute emaw li zawng *páwl* hauh loh 10  
*túr ti ka ni lo ve*; chutiang ni sela chuan khawvéla ata kal chhuak ngei 10  
túr in ni dáwn si a. Túnah erawh chuan, tupawh, Unau hning 11  
pu siin, inngaihmangete mi emaw, mi duhâm emaw, milem be mi 11  
emaw, hauhmang mi emaw, zu ruilhmangete mi emaw, hlépru mi 11  
emaw ni sela, páwl lo túrin in hnénah ka ziaak a ni; mi chutiang 11  
hnénah chuan ei pawh ei lo túrin. Pawn lama mite chu keiin ka 12  
ngaihtuahna engnge awm? Nangnin chung lama mite in 12  
ngaihtuahin, pawn lama mite erawh chu Pathianin a ngaihtuah 13  
thín a ni láwm ni? Chu mi sual chu in zing ata hnawt chhuak 13  
rawh u.

**6** In zingah tupawhin mi dang chungah thupawi nei ula, mi 1  
thianghlimte hmaa *thlen* lovin, mi fel lote hmaah in thlen 1  
ngam dáwn em ni? A nih leh, mi thianghlimte chuan khawvéla 2  
an ngaihtuah dáwn tih in hre lo em ni le? Tin, khawvéla *nah* hi in 2  
ngaihtuaha a awm *dáwn* chuan, thil té berte pawh chu ngaihtuah 2  
tlâk lo em ni in nih le? Tún dam chhûng khawsak thute chu sawi 3  
loh, vântirhkohte *lam pawh* kan ngaihtuah dáwn tih in hre lo vem 3  
ni? Chutichuan, tún dam chhûng khawsak thute ngaihtuah túr in 4  
neihin kohhranho zinga mi hmusitawnte chu in ngaihtuahthín 4  
em ni? In zahna túrin ka sawi a ni. A unaute kâra thu titlu thei 5  
mi fng pakhat tal in zingah in *hmu* thei lo a ni ang maw, unauvin 6  
a unau rorélnaa a thlen zâwk thín? ring lote hmaah a ni ngâl si. 6  
A ni, hei hi in fel zawh zên lohna pakhat chu a ni pang mai, 7  
thupawi in neih tawn thín hi. Engatinge dik lo taka *tiha* chu in 7  
tuar zâwk loh? Engatinge tihdáwnna chu in *tuar* zâwk loh? A ni, 8  
nangmahni ngeiin in unaute chungah pawh in tidik lo va, in 8  
tidáwnng zâwk thín.

A nih leh, mi fel lote chuan Pathian ram an luah lo vang tih 9  
in hre lo em ni le? Bumin awm suh u; inngaihmangete emaw, 9  
milem betute emaw, uirête emaw, mi hurte emaw, mawngkawhurte 10  
emaw, rûkhmangete emaw, mi duhâmte emaw, zu ruilhmangete 10  
emaw, mi hauhmangete emaw, hléprute emawin Pathian ram an 10  
luah lo vang. Tin, nangni thlenkhat chutiang mi in nih 11



thin kha; nimahsela, Lalpa Isua Krista hmingah leh kan Pathian Thlarauvah tlenfai in ni tawh a, tihthianghlim in ni tawh a, thiam chang in ni tawh.

Thil engkim *tih* ka tăn a thiàng a, nimahsela thil engkim *tih* 12  
a tha *kher* lo; thil engkim *tih* ka tăn a thiàng a, nimahsela eng  
bawiah mah ka inphal lo. Ei türte *chu* pum tăn a ni a, pum 13  
chu ei türte tăn a ni; nimahsela Pathianin a tiboral ve ve dawn.  
Tin, taksa hi inggaih năn a ni lo va, Lalpa tăn a ni zawk e; Lalpa  
pawh chu taksa tăn a ni. Tin, Pathianin Lalpa chu a kaitho va, 14  
keini pawh a thiltihtheihnain min kaitho ve bawh ang. In taksa 15  
chu Krista pêngte a ni tih in hre lo vem ni? Krista pêngte chu lăk  
sakin nawhchizuar pêngahte ka siam dawn em ni le? Hnai lo ve. 16  
A nih leh, nawhchizuar zawm chu amah năn pumkhat an ni tih in  
hre lo em ni le? “An pahnihin tisa pumkhat an lo ni tawh ang,”  
a ti si a. Lalpa zawm erawh chu amah năn thlarau pumkhat an ni. 17  
Inggaih hi tlănsan rawh u. Mihring thil tihsual tinrêng hi taksa 18  
păwn lainah a ni; mi ngaihihnang erawh chuan ama taksa chungah  
thil a tisual a ni. A nih leh, in taksa chu, in chhûnga awm Pathian 19  
hnên ațanga in hmuh Thlarau Thianghlim in a ni tih in hre lo em  
ni le? Mahni ta pawh in ni lo va, mana lei in ni tawh asin;  
chuvăngin in taksaah chuan Pathian chawimawi rawh u. 20

**7** Tin, in thil ziaik thute kha chu:—Mipa tăn hmeichhe 1  
khawih loh a tha a ni. Nimahsela, inggaihnhate a awm thin 2  
avăngin mipain nupui bik nei theuh sela, hmeichhia pawhin  
pasal bik nei theuh rawh se. Pasal chuan a nupui hnênah a chan 3  
tūr tâwk chu pe rawh se; chutiang bawkin nupui pawhin a pasal  
hnênah a chan tūr tâwk chu pe bawh rawh se. Nupui chuan ama 4  
taksa chungah thu a nei lo va, a pasal chuan thu a nei zawk a  
ni; chutiang bawkin pasal pawhin ama taksa chungah thu a nei  
lo va, a nupui chuan thu a nei zawk a ni. Tawngtai tūra in inpek 5  
theihna tūr leh, in inpăwl leh theihna tūrin, rei lo tē atăna rem in  
tih ve ve chauh loh chuan a tua mah intidăwng suh u, chutilochuan  
in insûm zawh loh avăngin Setanan a thlên dah ang che u.  
Nimahsela, he thu hi thu pe lamin ka sawi lo va, phal lam thuin ka 6  
sawi zawk a ni. Nimahsela, in zawng zawng keimah ang tak hian 7  
awni vek sela ka duh a ni. Amaherawhchu mi tinin Pathian  
linên ata thilpék malini hnuhzăwng an nei theuh a ni, pakhatin  
kawng dangin, pakhatin kawng dangin. Nimahsela lêngtulte leh 8  
hneithaite hnênah chuan *heti hian* ka ti a ni: Keimah ang tak  
hian awin sela an tăn a tha ang. Insûm theihna an neih loh 9  
erawh chuan innei rawh se; hur aini inneih chu a tha zawk si.

Tin, innei sate hnênah chuan thu ka pe (keina *pék erawh chu* 10  
ni lovin, Lalpa *pék a ni* zawk): Nupui chuan a pasal then suh se;  
a then vek chuanin pasal nei tawh lovin awm law law rawh se, 11

a nih loh leh, a pasal nêñ vêk inrem leh rawh se; tin, pasal chuan a nupui ma suh se.

Mi dang hnênah erawh chuan Lalpa ni lovin keimahin ka sawi: 12  
Unau tupawhin nupui ring lo mi nei sela, ani chuanin a hnêna  
awm reng a lungnih chuan ma suh se. Tin, hmeichhia pasal 13  
ring lo mi nei chuanin, a pasalin a hnêna awm reng a lungnih  
chuan, then suh se. Pasal ring lo mi chu a nupui zârah 14  
tihthianghlimin a awm a, nupui ring lo mi pawh chu a pasal  
zârah tihthianghlimin a awm bawh si a; chuti ni suh sela in fate  
chu an thianghlim lo vang; nimahsela an thianghlim reng e.  
Nimahsela, a ring lo zâwk chuan then sela, then mai rawh se, 15  
chutiangah zawng unaupa emaw, farnu emaw hrên an ni tawh lo  
ve; Pathian erawh chuan remnaah min ko a ni. Aw nupui, i pasal 16  
i chhandam dâwn leh dâwn loh engtinngê i hriat ni? Aw pasal, i  
nupui i chhandam dâwn leh dâwn loh engtinngê i hriat ni?

Engpawh ni sela, Lalpa chuan mi tin hnêna a sem pângngai 17  
ang theuh leh, Pathianin mi tin a kohna pângngai ang theuhvah  
awm rawh se. Chutiangan kohhran pâwl zawng zawngah ka  
ruat thin. Serhtan tawh hnu koli an awm em? Serhtan loh mi 18  
lo ni suh se. Serhtan lova awm koh an awm em? Serhtantîr suh  
se. Pathian thupêkte pawm chauh loh chu serhtan hi engmah a 19  
ni lo va, serhtan loh pawh hi engmah a ni hek lo. Mi tin kohva 20  
an awm laia an chan pângngaiah chuan awm reng theuh rawh se.  
Bawia i awm koh i ni em? Chu chu ngaihtuah duh suh, i chhuah 21  
theih si erawh zawngin hmang zâwk rawh. Bawia awm Lalpaa 22  
kohva chu Lalpa baw chhuahtîr a ni si a; chutiang bawkin baw  
lova awm kohva chu Krista baw a ni a. Mana lei in ni tawh; 23  
mihringte bawiah lût suh u. Unaute u, mi tin kohva in awm laia 24  
in chan pângngaiah chuan Pathian hnênah awm reng rawh u.

Tin, nula thianghlim lam thua zawng Lalpa thupêk réng ka 25  
nei lo va; nimahsela, rinawma awm tûrin Lalpa hnên ata  
khawngaihna hmu ka nih avângin ka ngaihtuahzia ka sawi ang. 26  
Chutichuan tûn lai hrehawm avâng hian hei hi thin ka ring, mi  
a awm ngaia awm reng hi. Nupui phuar belhbawm i ni em?  
Phelhna zawng suh. Nupui phuar belhbawm loh i ni em? 27  
Nupui zawng suh. Nimahsela, nupui i neih chuan thil i tisual lo 28  
ve, nula thianghlim pawhin pasal a neih chuan thil a tisual hek  
lo. Amaherawhchu, chutiang mite chuan tisaah chuan hrehawm  
an tuar ang; nimahsela kei zawngin tuar lohtîr che u ka duh a ni.

Amaherawhchu, unaute u, hei hi ka ti a ni: tûn achinah chuan 29  
nupui neite chu nei lo anga an awm theihna tûr leh, tapte chu tap 30  
lo anga an awm theihna tûr leh, lâwmte chu lâwm lo anga an awm  
theihna tûr leh, leitute chu nei lo anga an awm theihna tûr leh, khawvêl  
hmangtute chu hmang lutuk lova an awm theihna tûrin hun

hi tihlawi in a awm a ni; he khawvêl awm dân hi a boral mêk a nih hi.

Nimahsela, lungkham nei lova in awm ka duh sak che u a ni. 32  
Nupui nei lo chuan Lalpa tihlâwm theihnazia tûr ngaihtuahin  
Lalpa lam thil chu a lungkham thîn. Nupui nei crawh chuan 33  
a nupui tihlâwm theihnazia tûr ngaihtuahin khawvêl lam thil chu  
a lungkham zâwk thîn. Tin, pasal uei leh nula thianghlîm chu 34  
an inang lo bawk a. Pasal nei lo chuan a taksa leh a thilarauyah  
chuan thianghlîm takin a awm theihna tûrin Lalpa lam thil chu a  
lungkham thîn; pasal nei crawh chuan a pasal tihlâwm theih-  
nazia tûr ngaihtuahin khawvêl lam thil chu a lungkham zâwk thîn.  
Chûng chu nangmahni thâtna tûrin ka sawi a ni; hruia ka hlin 35  
theihna tûr che uin *ka sawi* lo va, *awm dân mâwi tâwka in awm  
theihna* tûr leh, Lalpa rawng chu buai lova in bâwl theihna tûrin  
*ka sawi zâwk a ni*.

Amaherawhchu, tupawhin a *fa* nula thianghlîm a *lên reitir* 36  
kawngah tidik lova a inrin chuan, ani chu a vânglâi a nih a, a tûl  
bawk si chuan, a tih duh chu ti rawh se; thil a tisual lo ve: neih-  
tir rawh se. Nimahsela rilru nghet tak pua, tûl ti lova, ama duhzâwng 37  
crawh chu hlen theia, a *fa* nula thianghlîm chu vawn reng a rilrua  
tum tlattu chuan a tiṭha *zâwk* ang. Chutichuan, pasal neih-tirtu 38  
chuan a tiṭha e, nimahsela, a neih-tir lotu chuan a tiṭha leh-zual  
a ni.

Nupui chu a pasal a dam chhûng chuan phuor a ni; nimahsela, 39  
a pasal a thih tawh chuan a duh apiang a uei thei ang,  
amaherawhchu Lalpaa *awm mi a ni tûr a ni*. Nimahsela, keia 40  
ngaih chuan, a awm ngaia a awm reng chuan a eng a thâwl zâwk  
ang; kei pawhin Pathian Thlarau chu nei ve bawkin ka inring  
a ni.

**8** Tin, milente laka inthawina thilte thu kha chu:—Kan 1  
zainhriatna kan nei theuh tih kan inhria. Hriatna zawngin *mi*  
a uantir thlin a, hmangaihna crawh chuan *mi* a siantṭha thîn.  
Tupawhin thil engemaw hriatna a inrin chuan, a hriat tûr ang chu 2  
a la hre lo ve. Amaherawhchu, tupawhin Pathian a hmangaili 3  
chuan, chu mi ngei chu ama hriat a ni. Chutichuan, milente 4  
laka inthawina thil ei kawngah zawng, khawvêlah hian milem reng  
rêng chu engmah an nih loh-zia leh, pakhat chauh lo chu Pathian  
dang reng reng an awm loh-zia chu kan hria. Vânah emaw, 5  
leiah emaw, pathian hming pute awm mah sela, (chutiang pathian  
tam tak leh lalpa tam tak an awm si a) keini tâu crawh chuan 6  
Pathian pakhat chauh (Pa chu) a awm a, ama hnên aṭangin  
engkim a chhuak a, keini pawh ama tâna awm kan ni; Lalpa  
pakhat *chauh* (Isua Krista chu) a *awm* bawk a, amah avângin  
engkim a awm a, keini pawh amah avâng bawka awm kan ni.

Amaherawhchu, chu hriatna chu ni zawng zawngah a awm 7  
 lo; chutichuan thienkhatin, tûn thlengin milem be thang an nih  
 avângin, milem laka inthawina thil ang taka *ngaiin* an ei thîn;  
 tichuan, an chhia leh tha hriatna chu a chak loh avângin a lo  
 bawhlhlawh thîn. Nimahsela ei tûr hian Pathian mit min tluntir 8  
 chuang lo vang; ei mah suli ila kan chhe chuang hek lo, ei mah  
 ila kan tha chuang hek lo. Nimahsela, fimkhur rawh u, 9  
 chutilochuan duh duha in tlat theihna hi engenaw tîn mi chak  
 lote tân tlûkna a lo ni dah ang e. Nang, hriatna nei mi, tupawhin 10  
 milem biakna ina chaw kila an limuh si che chuan, anni chu ni  
 chak lo lo ni sela, an chhia leh tha hriatna chuan milem laka  
 inthawina thil ei a lo ngani dâwn lâwm ni? Tichuan, i hriatna 11  
 avâng chuan mi chak lo (unau a thih ai Kristan a thih saka chu),  
 a boral dâwn a ni. Unaute chung a chutiang thil in tihsual a, an 12  
 chhia leh tha hriatna chu a chak loh nâk alaia in hliam hlahu  
 hian, Krista chungah thil tiusual in ni. Chu mi avâng chuan ei 13  
 tûr hian ka unau a tihtlûk chuan, ka unau ka tihtlûk lohna tûrin  
 kumkhuan sa rêng rêng ka ei tawli lo vang.

**9** Zalên ka ni lo vem ni? Tirkohi ka ni lo vem ni? Kan 1  
 Lalpa Isua ka hmu tawh lo vem ni? Nanguiho chu Lalpaa  
 ka linathawh in ni lo vem ni? Mi dangte tân tirkoh ni mah suli 2  
 ila, nangni tân tal zawng ka ni; Lalpaa ka tirkoh nih  
 chhinchhiaha chu nangmahni hi in ni asin. Mi chhualichhâltute 3  
 ka chhânna chu hei hi a ni. Ei leh in tûrin thu kan nei lo vem 4  
 ni? Tirkoh dangte leh Lalpa unaute leh Kiphaa ang khân nupui 5  
 ring mi hruai vêl tûrin thu kan nei lo vem ni? A nih loh leh, lina 6  
 thawk lo tûrin kei leh Barnaban thu kan nei lo bik em ni? Sipai 7  
 tunge mahni inchâwma râl kâp ngai ni? Tuinnge, a rah ei si  
 lovin, grêp huan siam *ngai* ni? A nih loh leh, tuinnge, ran rual  
 hnute ei si lovin, ran rual enkawl *ngai* ni?

Chung thu chu mihring ang maiin ka sawi em ni? Dân thu 8  
 pawhin chung ngei chu a sawi bawk lo vem ni? Mosia Dân 9  
*Lehkhahuah* chuan, “Sebâwngpân buh a chîl laiin a hmu phuar  
 suh ang che,” tih ziak a ni si a. Pathianin sebâwngpa tân mai  
 em ni a ngaihtuah sak ni? Keimahni tân chauh a sawi a ni lâwm 10  
 ni? Ni e, keimahni tân a ni an ziak ni; lei lettu chuan beisei neiin  
 leh tûr a ni a, buli vawtu pawh chuan chan neih ve beiseiin *vuak*  
*tûr a ni* si a.

Keinin thlarau lam *thilte* chu in huêna kan tuh tawh chuan, 11  
 in tisa lam *thilte* chu seng mah ila, thil hlâwk tak em ni ang? Mi dang 12  
 mahin in chung a thuneihna chu an chau chuan, keini hi *chang* tûr  
 kan ni lehzual lâwm ni? Nimahsela, chu thuneihna chu kan hniang  
 lo; Krista Chanchin Tha kan dâl lohna tûrin eugkim kan tuar  
 hrâm hrâm zâwk a ni. Thil serh buatsaih veltute chuan Pathian 13

biak ina mi thil an ei leh, maichâm rawngbâwtute chuan mai-  
châm nén chanvo an nei tih in hre lo vem ni.' Chutiang takin, 14  
Lalpa chuan Chanchin Tha hriltute chu Chanchin Tha chu an  
ei hmuh nân a ruat a ni.

Nimahsela kei zawngin chung chu pakhat mah ka lunang lo a 15  
ni; ka chung a chutianga in tih nân héng thu hi ka ziaak a ni hek  
lo; tupawhin ka chhuan hi engmah lova an siam ai chuan, thi mai  
ila ka tân a tha zawk si a. Chanchin Tha hril mah ila, chhuan 16  
túr réng réng ka nei si lo, tih mākmauh ka chungah a innghat a  
ni si a; Chanchin Tha hril suh ila, ka chung a pik dawn si a. Chu 17  
chu mahni thu thuin ka tih chuan lāwmman ka nei a ni; nimahsela,  
mahni thu thuin a nih si loh chuan Chanchin Tha enkawlna hna ni  
kawltir mai a ni ang. Ka lāwmman chu engnge ni le? Chanchin 18  
Thaa ka thuneihna chu ka hman zawh loh nân, Chanchin Tha  
ka hrilhin, hlawh lova Chanchin Tha rawng ka bāwl theih hi a ni.

Tuma bawi ni mah suh ila, mi tam lehzuah ka lāk luh theihna 19  
túrin mi zawng zawng bawiah ka insiam ta. Tichuan, Judate 20  
ka lāk luh theihna túrin Judate hnénah Juda mi angin ka awm  
thin; Dân hnuaia awmte ka lāk luh theihna túrin Dân hnuaia  
awmte hnénah Dân hnuaia awm angin ka awm thin, Dân hnuaia  
awm si lovin; dân nei lote ka lāk luh theihna túrin dân nei lote 21  
hnénah dân nei lo angin ka awm thin, Pathian dân awi lo si lovin,  
Krista dân zāwm siin. Chak lote ka lāk luh theihna túrin chak 22  
lote hnénah chak lo angin ka awm thin; engemaw ti tala thenkhatte  
tal ka chhandam theihna túrin mi zawng zawng hnénah engkim  
ka ni tawh. Chanchin Tha avāngin engkim ka ti thin, chan ka 23  
neih ve theih nân.

Intlānsiakhote chu an zain an tlán a, nimahsela pakhat chauhvín 24  
lāwmman a hmu thin tih in hre lo vem ni? In hmuh theih nân  
chutiang takin tlán rawh u. Tin, intihsiaaknaahote chuan a bei 25  
tāl tál apiang chu engkimah an insúm thin a ni. Anni zawngin  
lallukhum chhe thei hmu túrin an bei a, keini erawh chuan lallukhum  
chhe thei lo hmu túrin. Chutichuan, chutiang takin tlán chhan 26  
mumal hre lo lovin ka tlán thin. Chutiang tak bawkin boruak  
ngawt hnek lovin ka sual thin, ka taksa ka hnek vak vak a, bawiah 27  
ka siam zawk thin; chutilochuan mi dangte hnénah ka tlāngaupui  
hnu pawhin engemaw tiin keimah ngei hi pailh tlākin ka awm  
dah ang e.

**10** Unaute u, héng hi in hriat loh ka duh lo ve, khatia kan 1  
thlahtute zawng zawng chhûm hnuaia an awm vek a, an  
zaa tuifinriat pawh an kai vek a, an zaa chhûmah leh tuifinriatah 2  
pawh Mosia bél túra baptis-a an awm vek a, an zaa thlarau lam 3  
chaw hmunkhat pawh an cí theuh va, an zaa thlarau lam in túr 4  
hmunkhat pawh an in theuh kha; anmahni zuitu thlarau lam

lungpuia mi kha an in theuh si a; chu lungpui chu Krista a ni. 5  
Nimahsela, an zinga mi tam zawk chungah chuan Pathian a lung-  
ni ta lo va; thlalêrah khân tluhlumin an awm a.

Tin, chúng chu kan tân entirna a ni, thil sual an châk ang 6  
bawk khân kan châk *ve* loh nân. An zinga thenkhat *milem betu an* 7  
*ni* ang khân milem betu ni suh u, “ Mipui chu ei leh in tûrin  
an thu hlawm a, infiam tûrin an tho leh a,” tih ziaak ang khân. 8  
An zinga thenkhatin nula an ngai a, ni khatah sîngnhîh leh sâng- 9  
thumin an tlûkhlum phah ang khân, i inngai hek suh ang u. An 9  
zinga thenkhatin *Lalpa* an fiah a, rûla tihborala an awm phah  
ang khân, Lalpa chu i fiah hek suh ang u. An zinga thenkhat 10  
an phunnawi a, tiboraltu tihborala an awm phah ang khân,  
phunnawi hek suh u.

Tin, chúng chu entirna tûrin an chungah a lo thleng a nih 11  
kha; keini, hun tâwp lo thlennate hi, min zilhna tûrin an ziaak a  
ni bawk a. Chuvângin dinga inring chu fîmkhur rawh se, chu- 12  
tilochuan a tlu *dah* ang e. Mîhring tuar theih ang chauh lo chu 13  
thlêmna rêng rêng in chungah a thleng *ngai* lo. Pathian zawng  
a rinawm a ni, ani chuan in *tuar* theih tâwk aliam chu thlêmna  
in tawh a phal lo vang; in tuar theihna tûrin thlêmna rualin tlan  
chhuahna kawng a siam nghâl zawk ang.

Chuvângin ka duh takte u, milem biak hi tlânsan rawh u. 14  
Mi fîngte hnêna *sawi* angin ka sawi a ni; ka thu sawi hi ngaihtuah 15  
rawh u.

Malsâwmna no mal kan sâwm sak thîn hi, Krista thisen 16  
tâwmpuina a ni lo vem ni? Chhang kan phel thîn hi, Krista taksa  
tâwmpuina a ni lo vem ni? Keini mi tam tak hi chhang tlang 17  
khat, taksa pumkhat, kan nih hi; kan zain chhang tlang khata  
mi kan chang theuh si. Tisa lama Israelho chu en teh u; in- 18  
thawina *sa* eitute chuan maichâm chu an tâwmpui lo vem ni?  
Engnge ni ka sawi le? Milem laka inthawina chu thil a ni tih leh, 19  
milem pawh chu thil a ni tih *ka sawi em ni*? Jentailte inthawina chu, 20  
Pathian lakah ni lovin, ramhuaiho lakah an inthawi thîn a ni tih  
*ka sawi* zawk a ni; nangni zawngin ramhuaiho in tâwmpui ka  
duh sak lo che u asin. Lalpa no leh ramhuai no in in kawp thei 21  
lo vang; Lalpa dawhkâna mi leh ramhuai dawhkâna mi in ei  
kawp thei *hek* lo vang. A nih loh leh, Lalpa chu thîk tûrin 22  
chawhthawh kan tum a ni maw? Amah aiin kan chak zawk em  
ni?

Thil engkim tih a thiang a, nimahsela thil engkim tih a tha 23  
kher lo. Thil engkim tih a thiang a, nimahsela thil engkim tihin  
*mi* a siamtha lo. Tupawhin mahni *thatna tîr* zawng lovin mi 24  
dang *thatna tîr* zawng zawk rawh se. Sadâwra an zawrh apiang 25  
chu chhia leh tha hriatna avânga enginah zâwt *kher* lovin ei *mai* 26

rawh u; lei leh a chhûnga mi zawng zawng hi Lalpa ta a ni si a. Ring lo mi zînga tuinemaw a sâwm che u a, kal in duh si chuan, 27 chhia leh tha hriatna avânga engmah zâwt *kher* lovin, an hlui che u apiang chu ei *mai* rawh u. Amaherawhchu tuinemaw, “Hei 28 hi inthawina a ni,” tiin, a hrilh che u chuan, a hriattirtu che u avâng leh, chhia leh tha hriatna avângin ei suh u—*nangma* chhia 29 leh tha hriatna ka ti lo va, mi dang *chhia leh tha hriatna* chu a ni ka tih zâwk ni. Engahnge mi dang chhia leh tha hriatnain ka zalêna a sawisêl ni? Lâwm taka ka chan chuan, a chungah lâwm thu ka 30 sawina chungah hian engahnge sawichhiat ka nih ni?

Chutichuan, in ei pawhin, in in pawhin, in tih apiangah pawh, 31 Pathian ropuina tûr hlirin ti rawh u. Keiun mahni sâwtina zawng 32 lovin, chhandam an nih theihna tûrin mi tam tak *sâwtina zawng* zâwkin, mi zawng zawng engkima ka tihlâwm ang tak hian, Judate tân pawh, Grikte tân pawh, Pathian kohhranho tân pawh an tlûk phahna tûr rêng rêng engmah ti suh u.

|| Mi zirtute ni rawh u, kei pawh Krista *zirtu* ka ni ang bawh 1 hian.

Tin, engkima mi hriat reng avâng leh, thurochhiah ka hrilh 2 che u ang taka in vawn tlat *avângin* ka fak a che u. Amaherawhchu, 3 mipa tawh phawt lu chu Krista a ni, hmeichhe lu chu mipa a ni, Krista lu chu Pathian a ni tih hi in hriat ka duh a ni. Mipa, 4 lukhum khum chungah *ṭawngṭai* emaw, thu hril emaw apiangin, an lu chu an timualpho a ni. Amaherawhchu, hmeichhia lukhum 5 khum lova *ṭawngṭai* emaw, thu hril emaw apiangin, an lu an timualpho a ni; ziah kâwn nên thuhmun reng a ni si a. Hmeichhia 6 lukhum khum lova a awm si chuan mêt law law rawh se; amaherawhchu, hmeichhe tân lu meh emaw, ziah kâwn emaw a zahthlâk si chuan, lukhum khum zâwk rawh se. Mipa zawng 7 Pathian anpui leh ropuina a nih avângin lukhum khum tûr a ni lo rêng rêng si a; hmeichhia erawh chu mipa ropuina a ni. Mipa 8 hi hmeichhia aṭanga *chhuak* a ni lo va; hmeichhia erawh chu mipa aṭanga *chhuak* a ni zâwk a. Mipa hi hmeichhe tâna siam a ni 9 hek lo; hmeichhia erawh chu mipa tâna siam a ni zâwk. Chu 10 mi avâng chuan vântirhkohte avângin hmeichhiain *mipa* thuneih *chhinchhihna* a khum tûr a ni. Nimahsela, Lalpaah chuan, hmei- 11 chhia hi mipa lovin a awm *thei* lo va, mipa pawh hi hmeichhia loving a awm *thei* hek lo. Hmeichhia hi mipa aṭanga *chhuak* a ni 12 ang bawkin, mipa pawh hi hmeichhe laka *piang* a ni si a; amaherawhchu, engkim hi Pathian aṭanga *chhuak* vek a ni. Nangmahni 13 inngaihtuah rawh u, hmeichhiain lukhum khum lova Pathian hnêna *ṭawngṭai* hi a mawi em ni? Mipa hian sam sei a neih 14 chuan, a tân a zahthlâk a ni tih in thinlung pianpui pawhin a hriattir lo che u em ni? Hmeichhia erawh chuan sam sei a neih 15

chuan a tán ropuina a ni zawk; a sam chu a khuhua túra pèk a ni si a. Engpawh ni rawh se, tupawh hnial áwmin awm sela. 16 chutiang dân réng réng kan nei lo, Pathian kohhranhó páwhte pawhin an nei hek lo.

Amaherawhchu, he thu ka hrilh che uah hian ka fak thei lo a che u, in that lehzuálna túr lam ni lovin. in chhiat lehzuálna túr lam zawk in inkháwm thín aváng hian. A hnasa berin, koh- 18 hranhova in inkháwm in zingah inthenna a awm thín tih mi sawi ka hre si a; rin pawh ka ring deuh bawk a ni. In zinga a- 19 taktakte chu an lan theih nán, in zingah rin hranna pawh a awm bawk túr réng a ni.

Chutichuan, in inkháwm in Lalpa zanriah ei rual a ni lo, mi 20 tinin in eiin mahni zanriah in ei hnasa si thín a; tichuan, mi 21 pakhat ril a tám a, mi pakhat a rui si a. Eng tizia nge? ei leh 22 inna túr in in nei lo vem ni? A nih loh leh. Pathian kohhranhó in hmusitin, engmah nei lote chu in mudphó em ni? In hnúah engnge ka sawi tak ang? Ka fak dáwn che u em ni? He mi lau ngah hian ka fak thei lo a che u.

Ka thu hrilh chháwn che u kha Pathian buén ata ka hmuh 23 asin, khatia, Lalpa Isua chuan manthia a awm zána, chhang a lák a, láwm thu a sawi zawha a phel a. “Hei hi ka taksa in aia 24 pèk túra chu a ni, mi hriat reng nán hei hi ti thín rawh u,” a tih kha. Chutiang bawka, zanriah ei zawha no pawh chu a lák a, 25 “He no hi ka thisena thuthlung thar chu a ni, in in apiangin mi hriat reng nán hei hi ti thín rawh u,” a tih kha.

Chu chhang chu in ei a, no chu in in apiangin, a lo kal leh hua 26 loh zawn Lalpa thihna chu in entir thín a ni si a. Chuvángin, 27 tupawh ei tlák lova, chhang chu ei emaw, Lalpa no in emaw apiang chu, Lalpa taksa leh thien chungah thian loh a chang ang. Chutichuan, mi mahni infiah chawp zawk rawh se, chu- 28 tiangin chhang chu eiin no chu in rawh se. A ei leh a intu chuan 29 Lalpa taksa chu khún taka a ngaihtuah si loh chuan, mahni chungá rorélna túrin a eiin a in thín a ni si a. Chuvángin, in zinga ni 30 tam tak in chak lovin in bawhsáwm a ni, duai pawh in muhil lo ve. Amaherawhchu, khún takin mahni inngaihtuah thín 31 ila chuan rorél sakín kan awm thín lo túr. Nimahsela, rorél 32 saka kan awm pawhin, khawvél néna thiam loh changa kan awm ve loh nán, Lalpa thununin kan awm thín a ni.

Chuvángin, ka unaute u, ei túra in inkháwm in nghák hláwm 33 thín rawh u. In inkháwm chu rorélna in tuar phah lohna túrin, 34 tupawhin a ril a tám chuan a in lamah ei rawh se. Tin, thu dang chu ka lo kal hun apiangah ka raen tife ang e.

**12** Tin, unaute u, thlarau lam thilpék thute chu in hriat loh 1 ka duh lo ve. Jentailte in nih lai kháu eng tizia pawha 2



an hruai ang che a apiang khân, khâng uilem aw nei lote lamah  
khân hruai bovin in awm tih in hria e. Chuvângin, tuman 3  
Pathian Thlarauva thu sawin, “Isua chu âuchihe dawng a ni,”  
an ti *ngai* lo; tin, tuman, Thlarau Thianghlimah chauh lo chuan,  
“Isua chu Lalpa a ni,” an ti thei *ngai* lo tih ka hriattir a che u.

Tin, thilpek hrang hrang a awm a, Thlarau crawh chu 4  
hmunkhat a ni. Rawngbawl dân hrang hrang pawh a awm a, 5  
nimahsela Lalpa chu hmunkhat a ni. Hnatlawh dân hrang 6  
hrang pawh a awm a, Pathian crawh chu hmunkhat a ni—mi  
zawng zawng engkim thawkin chu.

Nimahsela sawt dânna túrin Thlarau hriattirna chu mi tin 7  
hnêna pèk theuh a ni. Mi pakhat hnênah, Thlarauvah chuan, 8  
finna thu pèk a ni a; mi dang hnêuah, chu Thlarau vèk thu chuan,  
hriatna thu pèk a ni a; tin, mi dang hnênah, chu Thlarau vèkah 9  
chuan, rinna pèk a ni a; mi dang hnênah, Thlarau hmunkhatah  
chuan, tihdam theihna thilpèkte pèk a ni a; mi dang hnênah thilmak 10  
tihtheihmate pèk a ni a; mi dang hnêuah thu hriih theihna pèk a ni a;  
mi dang hnênah thlarauite hriat dik theihna pèk a ni a; tin, mi dang  
hnênah tawng chi hrang hrangu thu sawi theihmate pèk a ni a; mi  
dang hnênah tawng hriat lohthe hriihfiah theihna pèk a ni si a; nimah- 11  
sela, chúng zawng zawng chu, Thlarau hmunkhat vèk chuan,  
mi tin hnêuah a duh ang zêla sem theuhvin a thawk thîn.

Taksa hi pumkhat a ni a, pèng tam tak a nei a, taksa pèngte 12  
zawng zawng chu, tam mah sela, taksa pumkhat a ni si a; Krista  
chu chutiang bawh chu a ni. Kan zain, Judate emaw, Grikte 13  
emaw, bawh emaw, bawh lo emaw, taksa pumkhata awm túrin  
Thlarau pakhat chauhvah baptis-in kan awm theuh si a, Thlarau  
pakhat chauh min intir theuh bawh a.

Taksa hi pèng khat chauh a ni si lo va, pèng tam tak a ni zâwk. 14  
Kepah hian, “Kut ka nih loh avângin taksa tel ka ni lo ve,” 15  
ti sela, chu mi avâng chuan taksa tel lo a ni chuang lo ve. Tin, 16  
beng hian, “Mit ka nih loh avângin taksa tel ka ni lo ve,” ti  
sela, chu mi avâng chuan taksa tel lo a ni chuang lo ve. Taksa 17  
pum pui hi nít ni vek sela, ri hriatna chu khawiahnge a awm  
ang? A pum puiin ri hriatna ni vek sela, rim hriatna chu khawiah-  
nge a awm ang? Nimahsela Pathianu pèng tinrêngte hi taksaah 18  
hian a duhna apiangah a awmtir theuh tawh a ni. Chutichuan,  
chúng zawng zawng chu pèng khat chauh ni sela, taksa hi khawi- 19  
ahnge a awm ang? Amaherawhchu pèng tam tak an ni zâwk a, 20  
nimahsela taksa pumkhat chauh a ni si a.

Tin, mit hian kut hnênah, “Engah mah ka duh lo va che,” 21  
a ti thei lo; lu pawh hian kephahte hnênah, “Engah mah ka duh  
lo va che u,” a ti thei bawh hek lo. A ni, chutih ahnêkin, taksa 22  
pèng chak âwm lo zâwka langte hi an pawimawh zâwk êm êm

a ni; tichuan, taksa pêng chawimawi tlâk loh zâwka kan ruat 23  
 ðhinte hi, chûng ngei chu kan chawimawi nasa zâwk ðhîn; chu-  
 tichuan, kan pêng mawi lote hian mawina nasa zâwk an hmu  
 ðhîn; kan pêng mawite erawh hi chuan *chutianga tih* an ngai lo.  
 Taksaah hian inðhenna rêng rêng awm lova, a pêngte hian inang 24  
 taka an inbuaipui tawn ðeuh zâwkna tûrin, Pathianin, *mawina*  
 nei lo pêng chu chawimawi nasa zâwkin, taksa hi a remkhâwm  
 a ni zâwk. Chutichuan, pêng khatin a tuar chuan, pêng zawng 26  
 zawngin an tuarpui ðhîn, pêng khat chawimawiin a awm chuan,  
 pêng zawng zawngin an lâwmpui ðhîn.

Chutichuan, nangniho hi Krista taksa chu in ni a, a pêngte 27  
 in ni ðeuh bawk a. Tin, Pathianin ðhenkhat chu kohhranho 28  
 zîngah a dah a—a pakhatnaah chuan tîrhkohte, a pahnihaah  
 chuan thuhrltute, a pathumnaah chuan zirtirtute *a dah a*; chu  
 mi hnuaah chuan thilmak tihte *a awm a*; chu mi hnuaah chuan  
 tihdam *theihna* thilpêkte, ðanpui *theihna thilpêkte*, rorêl *thiamna*  
*thilpêkte*, ðawng chi hrang hranga *thu sawi theihna thilpêkte chu a awm*  
*leh a*. An zain tîrhkoh an ni vek em ni? an zain thuhrltu an ni 29  
 vek em ni? an zain zirtirtu an ni vek em ni? an zain thilmak 30  
 titu an ni vek em ni? an zain ðawng *hriat lohtein* thu an sawi vek em  
 ni? an zain thu an hrilfiah vek em ni? Thilpêk ropui berte chu 31  
 châk hle zâwk rawh u.

Tin, kawng ða lehzual ka entîr dâwn a che u.

**13** Mihring ðawngte leh vântîrhkoh ðawngtein thu sawi mah 1  
 îla, hmangaihna ka neih si loh chuan, dâr ri mai mai emaw,  
 dâr benthek ri mai mai emaw ka lo ni ang. Tin, thu hrilh theihna 2  
 neiin, thurûk zawng zawng leh hriatna zawng zawng hre vek  
 mah îla, tlâng sawn theihna khawp hial rinna famkim nei mah  
 îla, hmangaihna ka neih si loh chuan engmah ka ni lo vang. Tin, 3  
*mi retheite* châwm nân ka sum zawng zawng pe vek mah îla, ka taksa  
 pawh kâng tûrin inpe mah îla, hmangaihna ka neih si loh chuan  
 ka tân engmah a sâwt lo vang.

Hmangaihna a dawhthei a, ngil a nei *bawk* ðhîn; hmangaih- 4  
 nain a îtsîk lo va; hmangaihna a infak lo va, a uang lo va, a 5  
 che mawi lo lo va, mahni hma a sial lo va, a thinur duh lo va,  
 sual lamah a ngaihtuah lo va; fel lohnaah a lâwm lo va, thutak 6  
 erawh chu a lâwmpui ðhîn a; engkim a tuar hrâm hrâm a, engkim 7  
 a ring a, engkim a beisei a, engkim a tuar chhuak ðhîn.

Hmangaihna hi engtikah mah a reh lo vang; amaherawhchu, 8  
 thu hrilhnate hi *awm* mah sela tihbân a la ni ang a, ðawng *hriat*  
*lohte* hi *awm* mah sela a la bâng ang a, hriatna hi *awm* mah sela  
 tihbân a la ni ang. A kim lovin kan hria a, a kim lovin thu kan 9  
 hril bawk ðhîn a ni. A famkim a lo thlen hunah erawh chuan a 10  
 kim lo hi tihbân a ni tawh ang. Ka naupan laiin naupang ðawngin 11

ka ɬawng a, naupang *hriatin* ka hria a, naupang *ngaihtuahin* ka ngaihtuah ɬhîn; tûna ka lo puitlin hnu hian naupang *tih dân chu* ka bân tawh. Tûnah zawng dârlhlangah kan hmu riai 12  
ruai a ni, chutih hunah erawh chuan inhmatawnin *a ni tawh ang*: tûnah zawng a kim lovin ka hria, chutih hunah erawh chuan mi hriat kim ɬhîn ang hian ka hre kim tawh ang.

Chutichuan, hêng pathum, rinna te, beiscina te, hmangaihna te 13  
hi a awm reng *ang*; ɬin, hêngahte hian a ropui ber chu hmangaihna hi a ni.

**14** Hmangaihna hi ûm zêl ula, thlarau lam thilpêkte pawh 1  
châk cheu rawh u, amaherawhchu thu in hrilh theihna tûr lek phei chu *châk bik rawh u*. ɬawng *hriat lohva* thu sawi 2  
chuan mihring hnêna sawi ni lovin, Pathian hnêna sawi a ni zâwk si a, tuman *a thu sawi chu* an hre si lo; nimahsela, thlarauvah chuan thurûk a sawi a ni. Thu hriltu erawh chuan mihring hnênah 3  
siamthamna *thu te*, fuihna *thu te*, thlamuanna *thu te* a sawi zâwk ɬhîn. ɬawng *hriat lohva* thu sawi chuan mahni *chauh* a insiamtha 4  
ɬhîn, thu hriltu erawh chuan kohhranho a siamtha zâwk ɬhîn. ɬin, in zain ɬawng *hriat lohtea* thu in sawi ka duh sak che u a, 5  
nimahsela thu in hrilh *ka duh sak leh* zual *che u* a ni; kohhranhovin insiamthamna an hmuh theihna tûrin a hrilhfiah *leh nghâl* loh chuan, thu hriltu chu ɬawng *hriat lohtea* thu sawitu ai chuan a ropui zâwk rêng rêng a ni.

Tûnah, unaute u, ɬawng *hriat lohtea* thu sawiin in hnênah 6  
lo kal ang ıla, hriattirna lam emaw, hriatna lam emaw, thu hrilna lam emaw, zirtirna lam emaw in hnêna ka sawi si loh chuan, engnge ka tihsâwna che u awm ang? Thil nung lo ri theite pawh, 7  
phênglâwng emaw, ɬingtang emaw hi, mumal neia a rik loh chuan eng *hla* nge an tuma an kaih, engtingnge a hriat theih ang? Tawtawrawt hi mumal nei lova a rik chuan tunge râl kâp tûrin 8  
inbuatsaih ang? Chutiang bawkin nangni *pawhin* lei hian ɬawng hriat awla in sawi loh chuan, eng thu nge in sawi engtingnge a hriat theih ang? boruaka ɬawng *mai* in ni ang asin. Khawvêlah hian 10  
ɬawng chi hrang tam tak a awm a ni ang e, nimahsela awmze nei lo rêng rêng a awm si lo. A ɬawng awmzia *erawh chu* ka hriat 11  
si loh chuan kei hi a sawitu tân awze mi ka ni ang a; a sawitu pawh chu ka tân awze mi a ni hawk ang.

Chutichuan, nangni *pawhin* thlarau lam *thilpêkte* chung a 12  
thahnem in ngaih avâng hian kohhranho siamthamna tûra in ngah theih nân zawng rawh u.

Chuvângin ɬawng *hriat lohva* thu sawi chuan a hrilhfiah theih 13  
nân ɬawngtai rawh se. ɬawng *hriat lohva* ka ɬawngtai chuan, 14  
ka thlarau zawngin a ɬawngtai ngei a, ka hriatna erawh chu a hlâwk chuang lo. Engtingnge ni ta ang le? Thlarauvin ka ɬawngtai 15

ang a, hriattheihna pawhin ka *ṭawngtai* bawk ang; thlarauvin hla  
 ka sa ang a, hriattheihna pawhin ka sa bawk ang. Chutulochuan, 16  
 thlarauvin mal sâwm sak *mah* la, la hre lote awmnaa awm chuan i  
 lâwm thu sawiah chuan engtinge “Amen,” a tih theih ang, i  
 thu sawi chu hre *thei* lo puin? Nang zawngin lâwm thu i sawi 17  
*ṭha* zet tak a, mi dang erawh chu a siamtha chuang si lo. Nang- 18  
 mahni zawng zawng aiin *ṭawng hriat loh*tea thu ka sawi hnem  
 zâwk avângin Pathian hnênah lâwm thu ka sawi a, nimahsela, 19  
 kohhranho inkhâwmnaah chuan *ṭawng hriat loh*va thu singkhat  
 sawi aiin, mi dangte ka zirtîr theih nân ka hriattheihnain thu  
 panga *chauh* sawi ka duh zâwk a ni.

Unaute u, rilru lamah naupang sul u; amaherawhchu, sual 20  
 kawngah zawng nausén ula, rilru lamah erawh chuan puitling  
 rawh u. Dán *Lehkh*abwah chuan, “‘Awze mite *kain* leh, ram 21  
 danga mite hmuiin, hêng mite hnênah hian thu ka sawi ang a;  
 chuti pawhin mi ngaithla chuang lo vang,’ Lalpan a ti,” tih ziak  
 a ni. Chuvângin *ṭawng hriat loh*te hi ringte tân chhinchhiahna a ni lo 22  
 va, ring lote tân a ni zâwk; thu hril erawh hi chu ring lote tân chhin-  
 chhiahna a ni lo va, ringte tân a ni zâwk. Chuvângin, kohhranho 23  
 zawng zawng in inkhâwmin, in zaa *ṭawng hriat loh*tea thu  
 in sawi chuan, la hre lote emaw, ring lote emaw lo lût sela,  
 â an ti dâwn lo che u em ni? In zaa thu in hrilh erawh chuan, 24  
 ring lo emaw, la hre lo emaw lo lût sela, a thiam lohzia in zaa  
 tihlan a ni tawh ang a, in zaa chhuahchhalh a ni tawh ang; a  
 thinlunga thurûkte chu tihlanin a awm tawh ang; chutichuan 25  
 bawkkhupin Pathian chibai a bûk ang a, Pathian in zingah a  
 awm tak zet tih a puang ang.

Unaute u, engtinge ni ta ang le? Inrawn inkhâwmin, fakna 26  
 hla emaw, thu zirtîr emaw, hriattîrna thu emaw, *ṭawng hriat loh*  
 emaw, hrilfiahna emaw in nei theuh thîn a. Engkim siamthatna  
 tûrin tih ni rawh se. Tupawhin *ṭawng hriat loh*va thu an sawi 27  
 chuan pahnihin emaw, a tam berin pathumin emaw *ni sela*,  
 inchhâwk zêlin *ni* bawk rawh se; tin, mi pakhatin hrilfiah rawh  
 se; hrilfiahtu an awm loh erawh chuan kohhranho inkhâwmnaah 28  
 chuan ngawi rengin awm sela, mahni leh Pathian hnênah sawi 29  
 rawh se. Thu hriltute pawhin, pahnihin emaw, pathumin emaw  
 sawi sela, mi dangte chuan ngun takin ngaihtuah rawh se.  
 Amaherawhchu, a kianga ṭhu mi dang hnênah hriattîrna thu 30  
 pêkin a lo awm chuan, a hmasa chu ngawi mai rawh se. Mi 31  
 zawng zawngin an zir theihna tûr leh, mi zawng zawng thlamuanga  
 an awm theihna tûrin, in zain pakhat zêlin thu in hril thei si a.  
 Thu hriltute thlaraute chu thu hriltute thu thuin an awm a ni. 32  
 Pathian chu buaina Pathian a ni lo va, remna Pathian a ni zâwk 33  
 si a, mi thianghlim kohhranho pâwl zawng zawnga a aum ang hian.

Kohhranho *inkhâwmnaah* chuan hmeichheho chu ngawi rengin 34  
awm rawh se; anni zawng an thu sawi phal a ni si lo;  
Dân *Lehkhabin* a sawi ang bawkhân, thu zâwmin awm zâwk  
rawh se. Tin, engpawh zir an duh chuan in lamah mahni pasal 35  
zâwt rawh se; kohhranho *inkhâwmnaa* hmeichhe thu sawi hi a  
zahthlâk si a.

Pathian thu hi nangmahni laka chhuak a ni maw? A nih loh 36  
leh, nangmahni hnên chauhvah a lo thleng a ni maw? Tupawh  
thu hriltuah emaw, thlarau miah emaw a inngaih chuan, in hnêna 37  
thu ka zia hi Lalpa thupêk a ni tih lo hre rawh se. Nimahsela 38  
tupawhin a hriat loh chuan, hre lovin awm mai rawh se.

Chutichuan, ka unaute u, thu hrilh hi châk hle ula, ãawng 39  
*hriat lohtea* thu sawi pawh hi khap suh u; nimahsela engkim mawi 40  
tak leh fel taka tih ni rawh se.

**15** Tin, unaute u, Chanchin *Tha* ka hrilh che u kha ka hriattir 1  
*leh ang* che u a; chu *Chanchin Tha* chu in lâwm a, chu miah  
vêk chuan in ding a; ka thu hrilh che u kha in ring mai mai a nih 2  
loh va, in pawm tlat a nih chuan, chu miah bawkhuan chhandam  
mêkin in awm a ni. A hmasa berin, ka hmuh ve bawkhuan chu ka 3  
hrilh chhâwn che u kha; khatia, Krista chu Pathian Lehkha Thu  
ang zêla kan sualte avânga a thih a, an phûm a; Pathian Lehkha 4  
Thu ang zêla ni thum nia kaihtawha a awm a, Kiphaa hnêna a  
lo inlâr te kha; chu mi hnuah chuan sâwm leh pahnihtê hnênah 5  
*a inlâr leh a*, chu mi hnuah chuan unau zanga aia tam hnênah 6  
*a inlâr leh a*, chu mi zînga mi tam zâwk chu tûn thlengin an la  
dam cheu va, ãhenkhat erawh chu an muhîl ta a; chu mi hnuah 7  
chuan Jakoba hnênah *a inlâr leh a*; chu mi hnuah chuan tirhkoh  
zawng zawngte hnênah; tin, a tâwp berah chuan, a hun lova 8  
piang ang, keima hnênah pawh *a inlâr a*. Kei zawng tirhkoh 9  
zînga tê ber, Pathian kohhranho ka tihduhdah avânga tirhkohva  
vuah tlâk loh ka ni si a. Nimahsela, Pathian khawngaihna 10  
avângin ka nih nih ka ni ta; tin, a khawngaihna mi pêk chu  
athlâwnin a awm lo va; chutih ahnêkin, anmahni zawng zawng  
aiin ka thawh rim zâwk kha; nimahsela keimahin ka *thawh* lo 11  
va, Pathian khawngaihna ka hnêna awm khân *a thawh* zâwk a  
ni. Engpawh ni sela, kei pawhin, anni pawhin, khati khân kan  
hril ãhin a, khati khân nangnin in ring bawkh a.

Tin, Krista thu, mitthi zîng ata kaihtawhin a awm tih an 12  
hrilh si chuan, eng tizia nge in zînga ãhenkhatin, “Mitthi  
thawhlehma rêng rêng a awm lo,” in tih ni? Mitthi thawhlehma 13  
rêng rêng a awm si loh chuan, Krista pawh kha kaihtawhin a  
awm lo vang; tin, Krista kha kaihtawhin a awm loh chuan, 14  
kan thu hrilh hi engmah lo a ni ang a, in rin pawh engmah lo a 15  
ni *bawkh* ang. A ni, Krista a kaitho tih Pathian kan hriatpui

avâng khân, Pathian lam thuah hriatpuitu dawthei kan lo ni baw k ang—mitthite kaihthawha an awm loh chuan, amah pawh a kaitho lo vang chu. Mitthite kaihthawhin an awm si loh chuan, 16 Krista pawh kha kaihthawhin a awm lo vang; tin, Krista kha 17 kaihthawhin a awm loh chuan, in rin chu engmah lo a ni ang a, in sualnaah chuan in la awm fo a ni ang. Chuti a nih chuan, 18 Kristaa muhil tawhte kha an boral ta a ni ang. Tûn dam chhúng 19 chauhva Krista chung a beiseina kan neih chuan mi zawng zawnga khawngaihthlák ber kan lo ni ang.

Nimahsela, Krista chu mittli zing ata kaihthawhin a awm 20 tak zet a ni, muhilde thawh hmahruaitu a lo ni ta. Mihring 21 vânga thihna a lo awm avângin, mihring avâng vèkin mitthi thawhleha a lo awm ta baw k a. Adamaah chuan mi zawng 22 zawng an thi t̃hin ang hian, Kristaah chuan mi zawng zawng tihnunin an awm baw k ang. Nimahsela, inahni hun t̃heuh 23 zêlah; Krista chu thawh hmahruaitu a ni a; chu mi hnua a lo kal lehnaah chuan Krista tate chu. Chu mi hnua chuan a tâwp 24 chu a lo la thleng ang; chu mi hnua chuan, rorêna zawng zawngte leh, thuneihna leh thiltihtheihna zawng zawngte a tihbo hnua, Pathian hnênah, Pa hnên ngeiah chuan ram chu a pe ang; a 25 hmêlma zawng zawng a ke hnuaia a dah hnua loh chuan ani chu lalah a awn tûr rêng a ni si a. Hmêlma hnunung ber tihbova 26 awm tûr chu thihna hi a ni. “Ani chuan a ke hnuaiah engkim 27 a dah si a,” nimahsela, “A hnuaiah engkim dahin a awm,” a tih hian, a hnuaia engkim dahitu chu a tel ve lo tih a lang reng a ni. Tin, a hnuaia engkim dahin a awm hun chuan, Fapa ngei pawh 28 chu a hnuaia engkim dahitu hnuaiah chuan dahiu a awm baw k ang, Pathian chu engkim a engkim a nih theihua tûrin.

Chutiang a nih loh chuan, mitthi puala baptisma changte 29 chu engtinge an tih ang? Mitthite chu kaihthawha an awm dâwn hauh loh chuan, eng atân nge anmalui puala baptisma an chan t̃hin le? Eng vângin nge keini pawh hi dârkâr tina 30 hlauhthâwnawina kan awm t̃hin ni? Unaute u, Krista Isua kan 31 Lalpaa ka chhuanna che u chu chhâlin, “Ní tin ka t̃hi t̃hin,” ka ti a ni. Mihring tih angin Ephesi khuua sakawhte kha sual ka 32 nih chuan, ka tân engnge sâwt ang? Mitthi kaihthawha an awm dâwn loh chuan i eim i in ang u hmang, naktukah kan thi dâwn alâwm. Bunin awm suh u; “Thian sualte chuan nungchang t̃ha 33 an tikhawlo t̃hin.” Fel takin harh ula, thil tisual suh u. thenkhat 34 chuan Pathian hriatna rêng in neih loh hi; hei hi in lo zahna tûrin ka sawi a ni.

Nimahsela, tuinemaw, “Mitthite chu engtinge kaihthawhin an 35 awm dâwn? taksa eng ang puin nge an lo kal dâwn?” a ti u ni ang e.

Nang ni â, nangmah ngeim i tuh t̃hin pawh hi, a thih zet loh 36

chuan tihnunin a awm hlei nê̄m; tîn, i tuh t̄hîn hi, a taksa la awm 37  
 tûr chu i tuh lo va, a fang mai i tuh zâwk t̄hîn, buh fang emaw,  
 chi dang fang emaw a ni thei e; nimahsela, Pathianin ama duh 38  
 ang zêlin taksa a pe t̄hîn, a fang tin hnênah mahni taksa t̄heuh  
 chu. Tisa zawng zawng hi tisa chi khat a ni lo va; mihring tisa 39  
 a dang a, sa tisa a dang a, sava tisa a dang a, sangha tisa a dang  
 a ni. Vân taksate a awm baw̄k a, lei taksate pawh; nimahsela 40  
 vân taksa ropuina chu a dang a, lei taksa ropuina chu a dang a ni.  
 Ni ropuina chu a dang a, thla ropuina chu a dang a, ars̄ite ropuina 41  
 chu a dang a; arsi leh arsi pawh ropuinaah chuan a inang si lo.

Mitthi thawhlehn̄a pawh hi chutiang baw̄k a ni. Tawihtheia 42  
 tuhin a awm a; tawihthei lova kaihthawhin a awm; chawimawi  
 lohva tuhin a awm a, repui taka kaihthawhin a awm; chak lova 43  
 tuhin a awm a, thiltihtheihna neia kaihthawhin a awm; mihring  
 lam taksa tuhin a awm a, thlarau lam taksa kaihthawhin a 44  
 awm. Mihring lam taksa a awm chuan, thlarau lam taksa pawh  
 a awm ang. Chutiang baw̄kin, "Mihring hmasa ber Adama 45  
 chu mi nung a lo ni," tih ziāk a ni; Adama hnuhnûng zâwk chu  
 nunna petu thlarau a lo ni a. Nimahsela, thlarau lam chu a awm 46  
 hmasa lo va, mihring lam chu a awm hmasa zâwk; chu mi hnuah  
 chuan thlarau lam chu a awm a. Mihring hmasa ber chu leia mi, 47  
 leia siam a ni a; mihring pah̄nihna chu vâna mi a ni. Leia siam 48  
 ni ang kha, leia siam mite pawh hi an ni a; vâna mi ang kha,  
 vâna mite pawh chu an ni. Tin, leia siam mi anna kha kan put 49  
 angin, vâna mi anna chu kan pu baw̄k dâwn a ni.

Unaute u, "Tisa leh thisen hian Pathian ram chu a luah thei 50  
 lo vang a; tawihthei hian tawihthei lo chu a luah hek lo vang," tih  
 ka sawi a nih hi. Ngai teh u, thurûk ka hrilh dâwn che u hi: Kan 51  
 zain kan muh̄il kher lo vang a, nimahsela kan zain taw̄taw̄râwt  
 hnuhnûng ber rîk hunah chuan, rei lo teah, mit khap kâr lovah, 52  
 tihdanglamin kan awm vek tawh ang; taw̄taw̄râwt chu a ri dâwn  
 si a, chutichuan, mitthite chu tawihthei lova kaihthawhin an  
 awm ang a, keini pawh tihdanglamin kan awm tawh ang. He 53  
 tawihthei hian tawihtheih lohna a sin tûr a ni a, he thitheih pawh  
 hian thihtheih lohna a sin baw̄k tûr a ni. Chutichuan, he tawihthei 54  
 hian tawihtheih lohua a sin a, he thitheih hian thihtheih lohna  
 a sin hunah, chu mi hun ngeiāh chuan, "Hnehnain thihna a lem  
 zo ta," tih thu ziāk hi a lo thleng ang.

Aw thihna, i hnehna chu khawiahnge a awm tâk? Aw thihna, 55  
 i tûr chu khawiahnge a awm tâk? Thihna tûr chu sual a ni a; 56  
 sual thiltihtheihna chu dân thu chu a ni. Nimahsela, kan Lalpa 57  
 Isua Krista zâra hnehna min petu Pathian hnênah chuan lâwm  
 thu awm rawh se. Chuvângin ka unau duh takte u, nghet takin, 58  
 tihchê̄t rual lohvin, Laipa hna t̄hahnemngai taka thaw̄k fovin awm

rawh u, in thawhrimna chu Lalpaah chuan athlâwn ngai lo tih in hre si a.

**16** Tin, mi thianghlimte tâna thawhlâwm thu kha zawng, 1  
Galatia rama kohhranho pâwl hnênahte thu ka pêk angin 2  
nangni pawhin lo ti ve rawh u. Ni sarih ni hmasa berah chuan mi 3  
tinin, malsâwmna in hmuh angzia zêlin dah khâwl theuh ula; ka 4  
lo kal huna thawhlâwm khawn rêng rêng a awm loh nân. 5  
Tin, in khawngaih thilpêk chu Jerusalem khuua kalpui tûrin 6  
ka lo thlen hunin tupawh tha in tih apiang lehkhate kengin ka tîr 7  
ang. Tin, ka kal vena âwm a nih pheichuan, ka hnênah an kal ang. 8

Tin, Makedonia ram ka fan chhuah hnuah chuan in hnênah 9  
ka lo kal ang; Makedonia ram chu ka fang rêng rêng dâwn si a. 10  
Nangni hnênah erawh chuan ka châm reng a ni thei e, thlasik 11  
chhûng zawng pawh a ni mahna, khawiah pawh ka kalna tûr 12  
apiangah nangnin mi thlah theihna tûrin. Tûna kal pah maia 13  
hmuh che u ka duh lo va, Lalpan rem a tih chuan in hnênah rei 14  
deuh châm ka beisei si a. Nimahsela Pentikost thlengin Ephesi 15  
khuuaah hian ka châm reng ang, kawngka zau tak leh sâwt tak 16  
ka tân a inhawng si a, dotute tam tak an awm bawk. 17

Tin, Timothea kha a lo thlen chuan ti lova in hnêna a awm 18  
nân fimkhur rawh u; keiin ka thawh ang bawh hian Lalpa hna 19  
chu a thawk si a. Chuvângin, tuman hmusit suh se; ka hnêna 20  
a lo kal theih nân thlamuang takin thlah zâwk ang che u; unaute 21  
rualin amah lo hmuh ka beisei si a. 22

Kan unau Apollova thu kha chu, unaute ruala in hnêna lo 23  
kal tûrin ka ngên chiam a, nimahsela, tûnah zawng lo kal a duh 24  
hauh lo va; a remchân hunah erawh chuan a lo kal ang. 25

Invêng ula, rinnaah chuan ding nghet ula, intihuai ula, chak 26  
takin awm rawh u. In tih apiang chu hmangaiha tih ni vek rawh se. 27

Unaute u, Stephana chhûngte chu Akaia rama awi hma- 28  
hruaitute an ni a, mi thianghlimte rawngbâwl tûrin an inpe tih in 29  
hria e; chutiang mite hnênah leh, hnathawha tanpui leh, thawk 30  
rim apiangte hnênah chuan intulût tûrin ka ngên a che u. 31

Tin, Stephana te, Phortunata te, Akaika te an lo kal hi ka 32  
lâwm a ni, in awm loh pawh lang lovin mi siam avângin. Anni 33  
hian ka rilru leh in rilru an tiharh si a, chutichuan, hetiang mite 34  
hi lâwm rawh u. 35

Asia ram kohhranho pâwlte hian chibai an bûk a che u. Akuila 36  
leh Priskilli, an ina kohhran inkhâwmho nêh hian Lalpaah chuan 37  
chibai tam takin an bûk a che u. Unau zawng zawng hian 38  
chibai an bûka cheu. Fawh thianghlimin chibai in bûk theuh rawh u. 39

Kei Paulan keima kut ngeia chibai ka bûkna che u a nih hi. 40  
Tupawhin Lalpa a hmangaih loh chuan ânhche dawngin awm 41  
rawh se. Kan Lalpa chu a lo kal e. Lalpa Isua Krista khawngaih- 42  
hna chu in hnênah awm rawh se. Krista Isuaa ka hmangaihna 43  
hi in zaa hnênah awm rawh se. Amen. 44



# Korinth Khuaa Mite Hnêna Tirkoh

## Paula Lehkha Thawn Pahnihna

---

I Paula, Pathian duhzâwnga Krista Isua tirkoh leh kan 1  
unaupa Timothea chuan :

Korinth khuaa Pathian kohhranho awmte hnênah, Akaia ram  
zawng zawnga mi thianghlim awm zawng zawngte hnênah nêh.

Pathian kan Pa leh Lalpa Isua Krista hnên ata khawngaihna 2  
leh remna in hnênah awm rawh se.

Kan Lalpa Isua Krista Pathian leh Pa, khawngaihnhate Pa leh 3  
thlamuanna zawng zawng Pathian chu, fakin awm rawh se.  
Pathianin keimahni min thlamuanna ngeiin hrehawm eng anga 4  
awmte pawh chukan thlamuan ve theihna tûrin, ani chuan kan hreh-  
awmna zawng zawngah min thlamuan thîn. Krista tuarnate 5  
chu kan chung a chuang a liam ang tak hian, kan thlamuanna 6  
hi Krista zârah a chuang a liam a ni. Nimahsela, hrehawma  
kan awm leh, nangmahni thlamuanna tûr leh chhandamna tûr  
a ni a; thlamuana kan awm leh, nangmahni thlamuan vena tûr a ni  
a, chu chuan kan hrehawm tuar bawh hi chhel taka in tuarnaah  
chuan a thawh thîn a ni. Tin, hrehawmna chang vete in nih 7  
ang hian, thlamuanna chang vete in ni bawh tih kan hriatin, kan  
beisei sakna che u hi a nghet a ni.

Unaute u, Asia rama kan chung a hrehawm thleng thu kha 8  
in hriat loh kan duh lo va, khatia, nasa taka, tuar zawh rual lohva,  
nun rêng pawh beisei lo khawp hiala delhbeha kan awm kha. A ni, 9  
mahni leh mahni inring lova, Pathian, mitthi kaithotu chu kan  
rin zâwkna tûrin, keimahniah chuan thi tûra inchhân chawpna  
kan lo nei ta. Chu Pathian chuan chuti kauva thihna nasa lakah 10  
chuan min chhanchhuak tawh a, min la chhanchhuak leh ang ;  
min la chhanchhuak leh zêl dâwn tih, amahah chuan beiseina kan  
nghat a; mi tam tak zâra thilpêk kan hmuh avângin mi tam takin 11  
kan chung a lâwm thu an sawi theihna tûrin, nangni pawhin in mi  
tawngtai saknaah chuan min tan rualpui ula.

Kan chhuan chu hei hi a ni, kan chhia leh tha hriatna thu 12  
hriattir chu, thianghlimna leh Pathian dikna neiin, tisa finnaah  
ni lovin, Pathian khawngaihna zâwkin khawvelah hian kan chêt  
kha, nangmahni lamah kan che tha lehzual a. In chhiar thina, 13  
awi pawh in awia lo kha chu thu dang rêng rêng in hnênah kan 14

ziak lo ; kan Lalpa Isua Niah chuan nangni kan chhuan in ni dâwn ang bawkin, keini pawh in chhuan kan ni dâwn tih nangni thenkhatin min awi sak ve ták ang khân, a tâwp thlengin kan thu chu in awi ka beisei bawk a.

Tin, chu ni rinna neiin, khawngaihna leihnih in lunuh theihna 15  
tûrin, in hnênah lo kal huasa ila, nangmahni tlawh pahin, Make- 16  
donia ramah kal zêl ila, Makedonia ram aţangin in hnênah to lêt  
leh ila, ka ti a ; tin, Judai rama ka kalua tûrah chuan nangmahni  
thlahin awm ila, ka ti bawk a. Chutichuan, chutiang ka rilruk 17  
lai khân ka rilru ngheh lohzia lantir em ni ka nih ? A nih loh leh,  
ka hnênah, “ A ni, a ni ” tih leh “ A ni lo, a ni lo, ” tih chu awm  
ve ve tûrin, thil tih ka tum thin chu tisa angin em ni ka tum ? Eng- 18  
pawh ni rawh se, Pathian a rinawm angin, nangmahni lamah kan  
thu hi “ A ni ” tih leh “ A ni lo ” tih a ni ve ve si lo. Pathian Fapa 19  
Isua Krista, a thu kei leh Silvana leh Timothean in zînga kan  
hriha kha “ A ni ” leh “ A ni lo ” a ni ve ve si lo va, amahali chuan  
“ A ni ” tih a awm zâwk a ni. Pathian thutiamte chu engzât 20  
pawh ni se, amahah chuan “ A ni ” tih chu a awm si a ; chutichuan,  
amah avâng pawhin “ Amen ” tih chu a awm a ni, keimahni avânga  
Pathian ropuina tûrin.

Tin, Kristaa nangmahni nêna min tinghetu leh keini min 21  
thihtu chu Pathian a ni ; ani chu nin chhinchhiahtu leh, kan 22  
thinlunga zakhamna Thlarau min petu a ni bawk a.

Nimahsela, ka thlarau chungah hretu atân Pathian ka ko a ni, 23  
nangmahni zuah tûr che uin a ni Korinth khuaa ka lo kal ták loh  
ni. In rinna chungah lalna kan nei, ka ti lo va, in lâwmna ţan- 24  
puitu kan ni, ka ti zâwk a ni ; rinnaa ding in ni si a.

**2** Nimahsela, keima lam thuaah zawng hei hi ka lo tum ta tlat 1  
a ni, lungngai chung chuan in hnêna lo kal leh tawh lo tûrin.  
Keinka tihlungngaihsiche u chuan, ka tihlungngaiha vêk lo chuan  
tunge mi tilâwmtu ni ang le ? Chutichuan, kha ngei kha ka ziak 2  
a ni, chutilochuan, ka lo kal hunah ka lâwmna tûrte lakah chuan 3  
lungngaihna ka hinu zâwk dah ang e ; ka lâwmna chu in za  
lâwmna a nih ka rin sak hlawm si che u a. Mittui tam tak tla 4  
chungin, thinlung hrehawm leh thlaphâng êm êma ka ziak a nih  
kha ; chu chu tihlungngaiha in awmna tûr a ni lo va, in chungah  
hmangaihna nasa lehzual ka neih hi in hriat theih zâwkna tûrin  
a ni.

Nimahsela, tupawhin mite a tihlungngaih chuan, keimah chauh 5  
mi tilungngai a ni lo va, (ka tih luattuk lohna tûrin) in zain a  
tilungngai hlek theuh zâwk che u a ni. Chutiang mi tân chuan 6  
mi tam takin an hrem chu a tâwk tawh a ni. Chutichuan hrem 7  
leh tawh ahnêkin in ngaidamin in thlamuan zâwk tûr a ni, chuti-  
lochuan engemaw tiin mi chutiang chu a lungngaih lutuknain a lem

zo dah ang e. Chu mi avâng chuan ama lama in hmangaihna 8  
 chu tinghet túrin ka ngên a che u. He mi avâng pawh hian ka 9  
 ziaak a ni, kawng tinrênga thu in awi leh *awi loh* ka fiah theihna  
 túr che uin. Eng kawngah pawh mi in ngaihdam apiang, kei 10  
 pawhin *ka ngaidam ve a*; kei pawhin ka ngaihdam tawh sa chu,  
 engpawh ka lo ngaihdam tawh chuan, nangmahni avângin Krista 11  
 hmaah chuan *ka ngaidam a ni*; chutilochuan Setanan min dinchan  
 khalh dah ang e; a ngamthlêmna chu kan hai si lo va.

Tin, Krista Chanchin *Tha hril* túra Troas khua ka thlen lai 12  
 khân, Lalpaah chuan kawng mi lo hawn sak *na a*, ka unaupa Tita 13  
 chu ka hmuh loh avângin ka thlarau lamah chuan muanna rêng  
 rêng ka nei chuang lo va; chutichuan, anni chu *ṭawng ṭhain* ka  
 ṭhen a, ka chhuak a, Makedonia ramah ka kal ta a.

Nimahsela, Kristaa hnehnaa min hruai fotu leh, keimahni 14  
 hmanga hmun tina amah hriatna rim hriattirtu Pathian hnênah  
 chuan lâwm thu awm rawh se. Chhandam mēkahte leh boral 15  
 mēkahte chuan Pathian tân Krista rimtui kan ni sia; *pâwl* khatte 16  
 tân chuan thihna lakah thihna túr rim *kan lo ni a*, *pâwl* khatte tân  
 chuan nunna laka nunna túr rim *kan lo ni a*. Chûng ang atân  
 chuan tunge tling zo vang? Mi tam takin Pathian thu hi mite 17  
 buma sumdâwn nân an hmang angin keini zawngin kan *hmang*  
 ve si lo va; tih tak zet zâwkin, Pathian tih zâwkin, Pathian mit-  
 hmuhin Kristaah chuan *thu* kan sawi ṭhîn a ni.

**3** Mahni insawimawi kan ṭan leh dâwn ta maw? A nih loh 1  
 leh, in hnêna *pêk túr* emaw, in hnên ata emaw sawimawina  
 lehkha, mi ṭhenkhat *tân a ngai* angin, kan tân a ngai ve dâwn maw?

Nangni hi kan lehkha, kan thinlunga ziaak, mi zawng zawng 2  
 hriat leh chhiar chu in ni e; Krista lehkha, keimahni min ziaaktîr, 3  
 lehkhataua ziaak ni lo, Pathian nung Thlarauva *ziak* zâwk, lung  
 phêka *ziak* ni lo, tisa thinlung phêka *ziak* zâwk chu in ni tih  
 Chiang taka lantîr a ni si a. *Tîn*, Pathian lamah chutiang rinna 4  
 chu Krista zâra kan neih a ni; engpawh keimahni aṭanga chhuaka 5  
 ruat túrin keimahni ngawtin kan tlin kan ti lo va; kan tlin theihna  
 chu Pathian hnên ata a ni zâwk. *Amah* bawh chuan thuthlung 6  
 thar rawngbâwltuahte min tlintîr a; a lehkha *thu mai rawng-*  
*bâwltuahte* ni lovin, a thlarau *rawngbâwltuahte* a ni zâwk e; lehkha  
*thu mai* chuan a tihlum si ṭhîn a, thlarau erawh chuan a tinung  
 ṭhîn a ni.

Mosia hmêl a ropui avângin Israel fate chuan a hmêl an en 7  
 reng thei lo va (chu ropuina chu a ral ta riai riai a) thihna rawng-  
 bâwlna lunga hawrawpa ziaak *mah*, chuti khawpa ropuiin a thlen 8  
 chuan, Thlarau rawngbâwlna chu engti taka ropuiin *thleng* ang  
 maw? Thiaia loh chantirna rawngbâwlna *mah* a ropui chuan, 9  
 felna rawngbâwlna chu ropui lamah chuan a nasa zâwk êm êm

tûr a ni. Tihropuia awm tawha chuan he mi lamah zawng ropuina 10  
 rêng a nei ta si lo, ropuina *nasa zâwk* chuan a khûm avângin. Ral 11  
 ta riai riaia *mah* ropuiin a *thlen* chuan, awm reng tûra chu ropuia  
 tuamin a awm zâwk êm êm *tûr a ni*.

Chutichuan, chutiang beiseina kan neih avângin engkim kan 12  
 sawi chhuak thîn a ni, Mosia *tih* ang khân kan ti lo ve; *ani chuan* ral 13  
 ta riai riaia *ral* tâwpna chu Israel fate chuan an en reng lohna tûrin  
 a hmai chu hmaikhuhnain a khuh a; an rilru crawh chu tihkhauh- 14  
 vin a awm ta zâwk a; wawiin thleng pawh hian thuthlung hlui chu  
 an chhiarin khuhna pângngai chu hlîm lohvin a awm reng si a, chu  
 khuhna chu Kristaah chuan tihbovin a awm ta a. Nimahsela, 15  
 wawiin thleng hian Mosia *Lehkhabu* an chhiar apiangin an thin-  
 lungah chuan khuhna a awm thîn.

Nimahsela, *an thîlung* chu Lalpa lama a hawi tik apiangin 16  
 khuhna chu lâk bo a ni tawh ang.

Tin, Lalpa chu Thlarau chu a ni a; Lalpa Thlarau awmna 17  
*apiangah* chuan zalênna a awm thîn. Chutichuan, keini chu kan 18  
 zain hmai khuh lovin dârthlang anga Lalpa ropuina chhun ênin,  
 ropuina ațanga ropui zêlin, chu mi anpui ngeia awm tûrin tih-  
 danglamin kan awm thîn, Lalpa (Thlarau) ata chu *kan hmuh* ang  
 zêlin.

**4** Chu mi avâng chuan khawngaihna kan hmuh ang zêla 1  
 he rawngbâwlina hi *kan* neih avângin kan dawl lo va; thil 2  
 zahthlâk inthupte chu kan malmâk ta zâwk a, ngamthlêmna thu  
*kan* hmang lo va, Pathian thu mi bum nân *kan* hmang hek lo;  
 thutak hriattîrin Pathian mithmuhiin mi tin chhia leh tha hriatna  
 mit kan intluntîr zâwk thîn a ni. Nimahsela, kan Chanchin 3  
 Tha hi khuhin a awm chuan, boral mêkahte hian a ni khuha a  
 awm ni; Krista, Pathian anpui, a ropuizia Chanchin Tha êng chuan 4  
*anmahni* a chhun ên *theih* lohna tûrin, chûngahte chuan he khaw-  
 vêl pathian hian ring lote rilru a tidel ta a. Mahni *thu* kan hril 5  
 si lo va, Krista Isua chu Lalpa a nih *kan hril* zâwk *thîn a*, keini  
 pawh Isua avânga in bawi *kan* nih *kan hril bawh thîn*. Isua Krista 6  
 hmêlah chuan Pathian ropuizia hriatna êng chu *min* pe tûrin,  
 “Thim ata êng a êng chhuak ang,” titu Pathian chuan kan  
 thinlungte hi a chhun êng ta si a.

Nimahsela, thiltihtheihna nasatzia chu keimahni hnêna mi 7  
 ni lovin, Pathian ta a nih theih zâwkna tûrin, chu ro chu hlum  
 bêlahte kan vawng a ni. Leh lam leh lama nêksâwrin *kan awm a*, 8  
 nimahsela, kan thaw a ipik si lo; mangangin *kan awm a*, nimahsela,  
 kan bei a dawng si lo; tihduhdahin *kan awm a*, nimahsela, kalsanin 9  
*kan awm* si lo; vuak thlûkin *kan awm a*, nimahsela, tihboralin *kan*  
*awm* si lo; *kan taksaah* hian kumkhuain Isua thihna chu kan pu zêl 10  
 thîn a, Isua nunna pawh kan taksaah hian a lan theih nân. Keini 11

mi nungdama *la* awmte hi Isua avânga thi tûra mantîrin  
kan awm fo va, Isua nunna pawh kan tisa thi theiah hian a lan theih  
nân. Chutichuan, keimahniah hian thihnain a thawk *thîn a*, 12  
nangniah erawh chuan nunnain a *thawk zâwk thîn a ni*.

Amaherawhchu, “Ka ring a, chuvângin thu ka sawi a ni,” 13  
tih zia ang khân, chu mi rinna rilru ngei puin, keini pawhin kan  
ring ve a, chuvângin thu kan sawi bawk a; Lalpa Isua kaithotu 14  
chuan keini pawh Isua hnênah min kaitho ve dâwn a, nangmahni  
nên min dintîr dâwn tih *kan hre si a*. Engkim nangmahni *thatna* 15  
tûr a ni si a, khawngaihna chu mi tam zâwk zâra tihpuna awmin,  
Pathian ropuina tûrin lâwm thu nasa tak a sawi<sup>tîr</sup> theih nân. Chu 16  
mi avângin kan dawł lo va; kan pawn lam mihring hi lo awngrawp  
telh telh mah sela, kan chhung lam mihring chu ni tin siam thar  
zêlin a awm zâwk a ni. Kan hrehawm nêp tak, tûn mit khap kâr 17  
chhûng chauhvaw a awm tûr hian, ropuina nasa tak chatuan atân  
min siam sak nasa tulh tulh a ni; thil hmuh theih<sup>te</sup> hi en lovin, thil 18  
hmuh theih lohte chu kan en zâwk si a; thil hmuh theih<sup>te</sup> hi rei  
lo tê atân a ni a, thil hmuh theih lohte erawh chu chatuan atân  
a ni si a.

**5** Kan awmna leia in hi *thiat mah* sela, vânah, in kuta sak 1  
loh, chatuana awm tûr, Pathian hnên ata in nghet chu kan  
nei tih kan hre si a. Vân ata kan awmna tûr sin thua chāk 2  
êm êmin he mi *inah* hian kan rûm tak meuh si *thîn a*; chutianga 3  
sinin awm ila saruakin kan lo awm lo vang. Keini he awmnaa 4  
awmte hi rit phurin kan rûm tak zet si a, sin lova awm kan duh  
vâng a ni lo va, sin thuaha awm kan duh vâng a ni zâwk, thi thei  
hi nunna lem zawhîn a awm theih nân.

Tin, chu mi ngei atâna min buatsaihtu chu Pathian a ni, 5  
zakhamna Thlarau min petu kha. Chutichuan, taksaa kan awm 6  
chhûng hian Lalpa hnênah kan awm lo tih hriain, kumkhua  
muang takin kan awm *thîn*; (hmu theia *kal* lovin, rinnain kan kal 7  
zâwk si a;) muang takin kan awm, ka ti, taksaa awm lova Lalpa 8  
hnêna awm kan duh zâwk.

Chuvângin, awm ila, awm suh ila, ama lâwmzâwng *mi nih* 9  
kan tum tlat *thîn a ni*. Mi tinin, taksaa thil *tihte*, a chhia a 10  
*thain*, kan tih ang zêla *kan* hmuh *theuh theihna* tûrin, Krista  
rorêlna *thutphah hmaah* chuan tihlanin kan awm vek tûr a ni si a.

Chutichuan, Lalpa *thih nachâng* hriain mihringte chu kan 11  
thlêm *thîn a*, Pathian hnênah erawh chuan lantîrin kan awm a;  
nangmahni chhia leh *tha hriatnaah* pawh lantîra kan awm ka  
beisei. In hnênah kan insawimawi leh a ni lo va, thinlung lam 12  
ni lova, a lang lam mai chhuangtute chu engemaw chhânna tûr  
in neih theihna tûrin keimahni lamah chhuan chhan siam che  
uin kan sawi zâwk a ni e. Kan ât leh, Pathian tân a ni a; kan 13

fin leh, nangni tân a ni si a. Krista hmangaihna chuan min tîr 14  
 lui a ni; heti hian kan ngaihtuah : Mi zawng zawng *thih* aiin mi  
 pakhat a thi a, chuvângin mi zawng zawng chu an thi a ni; tin, 15  
 a nungte chu anmahni tân an nun tawh loh va, an *thih* aia thia  
 tholeha tân chuan an nun tawh zâwkna tûrin a ni, mi zawng  
 zawng *thih* aiin a *thih* ni. Chu mi avâng chuan tûn achin- 16  
 ah hian keini zawngin tisa lamah chuan tumah kan hre tawh lo  
*vang*; tisa lamah Krista chu lo hre tawh mah ila, tûnah zawng 17  
 kan hre leh tawh lo ve. Chu mi avâng chuan tupawh Kristaa a  
 awm chuan, thil siam thar a lo ni a; thil hluite chu a ral ta a;  
 ngai teh u, a lo thar ta.

Nimahsela, engkim Pathian hnên ata chhuak a ni a; ani chuan 18  
 Krista avângin amah nêin inremmin min siam a, inremna rawng-  
 bâwl hna min pe a; khatia, Pathianin Kristaah chuan khawvêl 19  
 hi amah nêin inremmin a siam a, an bawhchhiatnate chu *bawh-*  
*chhiatnaa* ruat sak lovin, inremna thu min kawltîr kha. Chutichuan, 20  
 Krista aia palai kan ni a, Pathianin keimahni min hmangin a ngên  
 chiam *che u* tih theih a ni; “Pathian nêin lo inrem rawh u,” *tîin*,  
 Krista aiah kan ngên *che u* a ni. Amalah chuan Pathian felna  
 kan lo nih theihna tûrin, sual réng réng hre lo chu Pathianin 21  
 keimahni avângin sualah a siam a.

**6** Tin, Pathian khawngaihna chu sâwtpui lova in hmuh 1  
 lohna tûrin, amah thawhpuiin kan ngên chiam a *che u*.

“Hun lâwniawmah ka ngaithla chia, 2

Chhandamna niah ka tanpui *che*,”

a ti si a.

Ngai teh u, tûn hi hun lâwmawm chu a ni a; ngai teh u, tûn  
 hi chhandamna ni chu a ni.

Kan rawngbâwl hna hi an dem lohna tûrin eng kawngah 3  
 mah tlûk phahna tûr réng réng kan siam lo va; Pathian rawng- 4  
 bâwltute angin engkimah *mi* niit tlungin kan awm zâwk tîin, nasa  
 taka chheluaah te, hrehawmnaah te, nêksâwrnaah te, huawlichêp- 5  
 naah te, vuaknaah te, lung in tânaah te, buainaah te, thawhrim-  
 naah te, mutmawhnaah te, chaw ngheinaah te, thianghlinaah 6  
 te, hriatnaah te, dawhtheihnaah te, ngilneilnaah te, Thlarau  
 Thianghlimah te, hmangaihna taktakah te, thutak thua te, 7  
 Pathian thiltihtheihnaah te; ding lam leh vei lama felna hrian-  
 hreitein, ropuina leh chawimawi lohnain, hming sawichhiat leh 8  
 hming sawithatin; tihdertu angin, mi dik tak ni siin; *mi* hriat tham 9  
 loh angin, hmingthang tak siin; thi lek lek angin, ngai teh u, kan  
 nung *si*; thunun angin, tihhlum *si* lohvin; lungngai angin,  
 nimahsela lâwm fo siin; rethei angin, nimahsela mi tam tak 10  
 tihausa siin; engmah nei lo angin, nimahsela engkim ngah siin.

Aw Korinth-a mite u, in hnênah kan kê *kan* âng a, kan thin- 11

lung a zau ta. Keimahniah hian hnawhchêpin in awm lo va, 12  
 nangmahni thinlungah a ni hnawhchêpa in awm zâwk ni.  
 Tichuan, *ka pêk che u ang ngei mi pe ve thung tûrin* (fate hnêna 13  
*sawi angin ka sawi a ni*) nangni pawh tihzauvin awm ve rawh u.

Ring lo mite nên rual lo taka nghâwngkaw!l bāt dūnin awm 14  
 suh u; suahsualna leh felnain engnge inṭâwmna an neih? A nih  
 loh leh, thim leh êngin engnge inṭâwlna an neih? Beliara leh Krista 15  
 pawhin engnge inngeihna an neih? A nih loh leh, ring lo leh ringtu  
 chuan engnge chan dun an neih? Mîlemte leh Pathian biak in 16  
 pawhin engnge inremna an neih? Keini zawng Pathian nung  
 biak in kan ni si; Pathianin,

“Anmahniah ka awm ang a,  
 Anmahniah ka lêng baw! ang;  
 Tin, an Pathian ka ni ang a,  
 Anni pawh ka mite an ni ang,”

a tih ang khân. Chuvângin, 17

“ ‘An zîng ata lo chhuak ula,  
 Ahrangin awm rawh u,  
 Thil bawlhhlawh rêng rêng paw! dek suh u,’  
 Lalpan a ti,”

chutichuan,

“ ‘Ka lâwm ang che u a,  
 In tân Pa ka ni ang a, 18  
 Nangni pawh ka tân fanu fapa in ni ang,’  
 Lalpa Engkimtitheia chuan a ti.”

**7** Chutichuan, duh takte u, chúng thutiam chu *kan* neih 1  
 avângin, tisa leh thlarau bawlhhlawhna zawng zawngah  
 i intifai ang u, Pathian ṭih dēk chungā thiānghlimna tifamkimin.

*In thinlungah* hmun mi kian rawh u; tu chungah mah kan 2  
 tisual lo va, tumah kan tikhawlo lo va, tumah kan dīnchan khalh  
 lo ve. Chu chu thiam loh chantīr tūr *che uin* ka ti a ni lo ve; 3  
 thih leh thi tlānga, dam leh dam tlāng tūrin kan thinlungah hian  
 kan vawng che u tih hmān lawkah khân ka sawi kha. Nangni 4  
 lamah chuan ka ṭawng ngamzia hi a nasa a. ka chhuanzia che u hi  
 a nasa a ni; thlamuannain ka khat a, kan hrehawmna zawng  
 zawngah chuan hlimin ka khat liam a. Makedonia ram kan thlen 5  
 pawh khân kan tisain muanna rêng rêng a nei chuang lo va,  
 leh lam leh lamah chuan tihhrehawmin *kan aum ta* zâwk a; pawn  
 lamah insualnate *a awm a*, chhung lamah hlauhate *a aum a*. 6  
 Nimahsela, inngaitlāwinte thlamuantu, Pathian chuan, Tita lo 7  
 kalna chuan min thlamuan ta a; a lo kalna chauh chuan a ni  
 lo va, in lunglēnzia te, in ṭahzia te, ka chungā in ṭahnemngaihzia  
 te min hrilhin, nangmahnia a thlamuanna pawh chuan *min*  
*thlamuan ta* a ni; chutichuan, ka lâwm lehzuat ta a.

Ka lehkha thawn khân tilungngai che u mah ila ka inchhîr 8  
 ta lo; *a tirah* erawh *kha* chuan ka inchhîr a ni, kha lehkha thawn  
 khân a tilungngai che u tih ka hriat avângin; nimahsela rei lo tê  
 chauh a nih kha. Tûnah chuan ka lâwm a ni, tihlungngaiha in 9  
 awm avâng a ni lo va, simna tûra in lungngaih avâng a ni zâwk  
 e. Keimahni *avânga* engmah in chân lohna tûrin Pathian *duhzâwng*  
 anga tihlungngaihin in awm si a. Pathian *duhzâwng* anga lung- 10  
 ngaihna chuan, chhandamna tûrin, inchhîrna thlen lo simna  
 chu a siam si thîn a; khawvêl lungngaihna erawh chuan thihna  
 a siam zâwk thîn. Tichuan, ngai teh u, Pathian *duhzâwng* 11  
 anga tihlungngaiha in awmna ngei chuan fîmkhurna te, insawi  
 thiamna te, thîurna te, hlauhna te, lunglênna te, thahnemngaihna  
 te, phubalâkna te nangmahniah a va siam nasa êm ve aw !  
 Engkimah chûng thuah chuan in thiàng tih in intilang ta a.  
 Chutichuan, in hnênah zia mah ila, a sual titu avâng 12  
 khân ka *ziak* lo va, a sual tuartu avâng khân *ka zia*  
 hek lo, kan chung a in thahnemngaihia Pathian mithmuha  
 in hnêna hriattîra a awm theihna tûrin *ka zia* zâwk  
 a ni.

Chuvângin, thlamuanin kan awm ta rêng a; keimahni thla- 13  
 muanna chauh lovah pawh, Tita lâwmna avângin kan lâwm  
 nasa lehzual a, nangni zawng zawngin a rilru in tihharh sak tâk  
 avângin. A hnênah eng kawngah pawh nangmahni chhuang che 14  
 u mah ila, ka mualpho si lo va; *mualpho* ahnékin engkim in  
 hnêna thu taktaka kan sawi thîn ang khân, Tita hmaa kan  
 chhuan chu thu taktak a lo ni ta ngei a. Tin, in zaa *a thu* in 15  
 awizia te, hlau leh khûr chung a amah in lawmzia te chu hre  
 rengin, a thîlung chu nangmahni lamah a *chéng* nasa lehzual ta 16  
 a ni. *Kawng* tinrêngah in chung a muan avângin ka lâwm  
 a ni.

**8** Tin, unaute u, Makedonia rama kohhranho pâwlte zînga 1  
 Pathian khawngaihna pêk chu kan hriattîr dâwn a che u;  
 khatia hrehawma fiahna nasa tak chung a an hlimna liam leh nasa 2  
 taka an retheihna chu a liam a, an thilphalna nasa taka *a chan* tâk-  
 zia kha. Khawngaihna, mi thiànglimte rawngbâwla tel ve chu, 3  
 nasa taka min dîl chiamin, an theih tâwkin, a ni, an theih  
 tâwk aia liam pawh, anmahni thu thuin *an fe* tih ka hriatpui asin. 4  
*Chu* pawh *chu* kan rin loh ang takin an ti a, Pathian duhzâwngin, 5  
 anmahni ngei Lalpa hnênah leh keini hnênah an inpe hmasa  
 tê tê a ni; chutichuan, hmâna a lo tih tan tawh avâng khân he 6  
 khawngaihna pawh *hi* nangmahnia ti zo nghâl tûrin Tita chu  
 kan ngên ta hial a.

Chutichuan, engkim—rinna te, thu sawi thiamna te, hriatna 7  
 te, thahnemngaihna zawng zawng te, min hmangaihna te—in



ngah ang hian, chu khawngaihna pawh chu in ngah theih nân  
*taihmk̄k chhuah rawh u.* Thu pe lamin ka sawi lo va, mi dang ṭhahnem- 8  
 mngaihna in hmangaihna takzia pawh chu fiah tûrin *ka sawi* 9  
*zâwk a ni.* Kan Lalpa Isua Krista khawngaihna chu, a retheihna  
 avânga in lo hausak theihna tûrin hausa mah sela nangmahni  
 avâng ngeiin a lo retheih tâk kha, in hre si a.

Tichuan, chu miah chuan *ka* ngaih dân ang a ni ka sawi ni, 10  
 chu chu in tân a ṭha si a, kum khat a ni tawh a ṭan hmasatute  
 in ni a, in ti ṭan chauh pawh ni lovin, duh pawh in duh ṭan ta bawh  
 a. Chutichuan, duh tûrin inpeihna a *awm* ang khân, in neih ang 11  
 zêla hlenna pawh a *awm theihna* tûrin, tûnah zawng ti hlen tawh  
 rawh u. Inpeihna chu a *awm phawt* chuan, *mi* a neih loh pui 12  
 ni lovin, a neih angzia zêla a *pêk chu* lâwm tlâk a ni si a. Mi 13  
 dang an rin loh va, nangni in rimna tûrin ka ti a ni lo va, inchawh- 14  
 rual nân, in neih liam chu tûn lai hian an tlâkchham phuhrûk-  
 na a lo nih a, an neih liam pawh in tlâkchham phuhrûkna a lo  
 la nih ve thung theihna tûrin *ka ti* zâwk a ni; chutichuan chawh- 15  
 rualna a lo *awm thei* ang; “A *chhar* tam chuan a chuangin a nei lo  
 va, a *chhar* tlêm chuan a tlachham hek lo,” tih ziaak ang khân.

Tin, in chung a *ka ṭhahnemngaihna* ang Tita thinlunga pe 16  
 ṭhîntu Pathian hnênah chuan lâwm thu *awm rawh* se. Ani 17  
 chuan kan ngenna chu a pawm ngei a; nimahsela *kan ngen avâng*  
*chauh ni lovin*, amah ngei chu ṭhahnemngai tak a ni a, ama thu  
 thuin in hnêna *kal tûrin* a *chhuak dâwn* a ni. Tin, a hnênah 18  
 unaupa kan tîr ve *dâwn* a, *ani* chu Chanchin Ṭha *kawnga an fak*  
*thu* kohhranho pâwl zawng zawngah a *thang chhuak a*; chuti chauh 19  
 pawh a ni lo va, Lalpa ropuina tûr leh kan inpeihzia *entîr* tûra  
 a rawng kan bâwl he khawngaihna *thuah hian* kan hnêna khaw  
 fang ve tûra kohhranho pâwlte ruat ve rêng a ni bawh a. A 20  
 rawng kan bâwl he thilpêk *kawngah hian* tuman min dem lohna  
 tûrin *kan fîmkhur* a; Lalpa ngaih chauhvah ni lovin, *mihring* 21  
 ngaih pawha thil mawi kan ngaihtuah lâwk ṭhîn a ni. Tin, 22  
 an hnênah kan unaupa kan kaltîr ve *dâwn* a, *ani* chu *kawng tam*  
*takah ṭhahnemngai tak a ni tih* vawi tam tak kan fiah tawh a,  
 tûnah phei chuan a rin êm êm che u avângin ṭhahnem a ngai  
 nasa lehzuat *ta a ni.* Tita hi chu, ka ṭhian leh nangmahni 23  
 lama ka hnathawhpui a ni a; tin, kan unaute hi chu, kohhranho  
 pâwlte tirkoh, Krista ropuina chu *an ni.* Chu mi avâng chuan, 24  
 in hmangaih *tih hriatna* leh, kan *chhuanna* che u *hriatna* chu koh-  
 hranho pâwlte hmaah chuan an hnênah tilang rawh u.

9 Mi thianghlimte rawngbâwl thu zawng in hnêna ka ziaak 1  
 a ngai lo ve; in inpeihzia chu ka hre si a, chu mi *kawng* 2  
*thuah* chuan, “Kum khat a ni tawh Akaia ram chu inbuatsaihin  
 an *awm ta*,” tiin, Makedonia rama mite hnênah ka chhuang

thîn che u a; chutichuan, in thahnemngaihna chuan an zînga  
 mi tam tak a chawh harh ta a. Nimahsela, chu mi kawng thuah  
 chuan ka chhuanna che u chu engmah lo a lo nih lohna tûrin  
 unaute hi ka kaltîr *dâwn* a, ka sawi ang taka inbuatsaihin in lo  
 awm theih nân; chutilochuan, Makedonia rama mi tutenemaw mi  
 lo zui hlauhvin, inbuatsaih lova an rawn hmuh che u chuan, keini  
 (nangni kan ti lo) he *kan rinna che u* kawngah hian kan mualpho  
 dah ang e. Chuvângin, unaute hi, in hnêna lo kal hmasaa, tlang  
 taka thilpêk in tiam lâwk kha lo siam lâwk tûra ngen tûlin ka ring  
 a ni, chu mi ngei chu lâk luih ang lova, tlang taka pêk ang  
 zâwkin peih saa a lo awm nân.

Amaherawhchu *chutiang kawngah chuan*, theh tlêm chuan a ât  
 tlêm bawh ang a theh tam chuan a ât tam bawh ang. Mi tinin ui  
 chung a *pe* lovin, *pêk* loh theih loh anga ngaia *pe* hek lovin, an thin-  
 lunga an tum ang zêlin *pe* theuh *rawh se*; Pathian chuan hlim taka  
 petu a ni, a hmangaih ni. Tin, Pathianin khawngaihna tinrêng in  
 chungah a vûr thei a ni; chutichuan nangnin engkimah a tâwk  
 zet nei fovin, hnathawh tha tinrêng atân in ngah thei ang ;

“A sem darh a;

Retheite hnênah a pe a;

A felna chu kumkhua in a awm reng,”

*tih* ziaik ang khân.

Tin, thilphalna tinrêng, keimahni avânga Pathian hnêna lâwm  
 thu sawina siamtu chu *nei tûra*, engkima tihhausaka awmin, thehtu  
 hnêna chi petu leh ei atân chhang *petu* chuan in theh tûr chi chu a  
 pe *che uin* a tihpun *sak* ang *che u* a, in felna rahte chu a tihhlâwk  
*sak* bawh ang *che u*. He chhawmdâwl na rawngbâwl na hian mi  
 thianghlimte tlâkchhamnate chu a phuhrûk sak chauh pawh a ni si  
 lo va, Pathian hnêna lâwm thu sawina tam taka changin a luang  
 liam bawh a ni; he rawngbâwl na hian a fiahna *che u* avângin,  
 Krista Chanchin Tha lama in thurin in zawmzia avâng leh,  
 anmahni tân leh ini zawng zawng tân thawhlâwmnaa in thilphal-  
 zia avâng hian Pathian an tiropui thîn asin; anmahni ngei  
 pawhin in chung a Pathian khawngaihna nasa êm êm avângin, in  
 tân tawngtai sak chungin an ngai hle che u a ni. A thilpêk sawi  
 hleih theih loh avângin Pathian hnênah lâwm thu awm rawh se.

**10** Tin, kei Paula, in zînga in mithmuha thuhnuairawlh taka  
 awma, in hnêna awm loh veleha nangmahni lam zuam si  
 thîna ngei hian, Krista zaidamna leh nunnêmnain ka ngên a che  
 u; a ni, in hnêna ka awm hunah, thenkhat, tisa anga awma min  
 ruatte chung a huai taka awm ka tum ngamna ang hian, ka zuam  
 lohna tûr *che uin* ka ngên a che u. Tisaah awm mah ila, tisa indo  
 angin kan indo lo va, (keini inrâlthummate chu tisa a ni si  
 lo va, kulhpui nghet takte thiatna tûra Pathian zârah thil t

thei tak a ni zâwk,) hnialnate leh thil sâng tinrêng Pathian hriatna 5  
dâl tûra sâng taka siamte chu thiatin, ngaihtuahna tinrêng Krista  
thu awina salah kan hruai a; in thu awizia a famkim hunah chuan 6  
thu awi lohna zawng zawng phuba la tûrin kan inpeih baw a.

In mithmuha thil awmte chu a ni, in en thin ni. Tupawhin 7  
Krista ta nia a inrin chuan, hei hi mahniin ngaihtuah leh rawh se,  
amah chu Krista ta a ni ang bawkin, keini pawh kan nih ve hi.  
Kan thuneihna (nangmahni thiat nân ni lova, nangmahni siamthat 8  
zâwk nâna Lalpan min pêk hi) chhuang nasa lehzuah mah ila ka  
mualpho dawn si lo va; ka lehkhaw thawnte chuan tihhlauh che 9  
u tum anga ka lan loh nân chu chu ka ti a ni. “A lehkhaw thawnte chu 10  
a ritin a khauh va, a taksa lam erawh chu a awmnêm a, a tawng  
pawh a sitawm a ni,” an ti si a. Chutiang mi chuan hei hi 11  
ngaihtuah rawh se, in hnêna kan awm loh laia lehkhaw thawna thua  
kan awm angin in hnêna kan awm hunah pawh thiltihah kan awm  
baw a ang.

Thenkhat mahni insawimawite zingah chuan kan inchhiar tel 12  
ngam lo va, anmahni nân kan intekkhin ngam hek lo; amaherawhchu,  
anni zawng mahni leh mahniintehin, mahni leh mahni intekkhin  
rilru nei lovin an awm. Keini erawh zawng kan tehna tâwk aliam- 13  
ah chuan kan uang lo vang a, Pathianin bial min chantir a,  
chu tehna ang zêl chuan kan uang zâwk ang, nangmahni pawh bial  
hial tûra tehna chu. Bial phâk loh pui bial che u angin kan huam 14  
zau lutuk si lo; Krista Chanchin Tha hrilin in khaw thleng pawhin  
kan lo kal kha: kan tehna tâwk liama mi, mi dang thawh rimte chu,  
kan chhuang lo va; in rin a than angzia zêlin, kan bial chin ang  
zêlah, in zingah nasa taka tihlenin kan awm ang tih biseina kan nei  
zâwk a, buatsaih sa kawng thua chuan mi dang bial chhuang 16  
lovin, in piah lam ram thleng pawha Chanchin Thakanhrilh theih  
nân. Nimahsela, “A chhuang apiangin Lalpa chu chhuang rawh 17  
se.” Mahni insawimaw chuan fak a hlauh si lo va, Lalpan a sawi- 18  
maw chuan fak a hlauh zâwk a ni.

II Ka ât deuhnaah hian nangnin mi dawhtheih ka va duh êm ! 1  
A ni, dawh pawh mi dawhthei ngei chhap e. Pathian thik-  
nain asin ka thik che u ni; Krista hnênah chuan nula thianghlim 2  
angin ka pêk theihna tûr che uin, pasal pakhat ka hual sak si che u  
a. Nimahsela, rûl chuan a ngamthlêmnain Evi a buru ang khân 3  
Krista lama takna leh thianghlimna ata chu engemaw tiin in rilru  
chu an tikhawlo dah ang e, tih ka hlauthâwng a ni. A lo kala 4  
chuan Isua dang, a thu kan hrilh ngai loh chu a hrilh a, thlarau  
danglam in dawn ngai loh leh, chanchin tha danglam in lawm ngai  
loh chu, in dawn si chuan, lei chu mi ngaithei che u a maw. 5  
Chûng tirkoh lian berte chu eng kawngah mah tluk loh ka inring 6  
lo asin. Thu sawiah zawng tawng hmang thiam mah suh ila,

hriatnaah chuan *chutiang* ka ni lo; a ni, engkimah, *mi* zawng zawng zingah, nangmahni lama kan lantir kha.

A nih loh leh, Pathian Chanchin Tha athlawn ngawta ka hrih 7  
a, chawisana in awm theihna tura ka intihhniam khan, thilka tisual  
a lo ni maw? Nangmahni rawng ka bawl theihna turin *an hnén* 8  
*ata* hlauh lain, kohhran pawl dangte ka ruk sak a. Tin, in hnena 9  
ka awm a ka tlakchham lai khan, tumah ka tihautak lo va; unaute  
chu Makedonia ram ata an lo kalin ka tlakchhamna chu *mi* rawn  
phuhruk sak si a; engkimah nangmahni tihautak lovin ka insiam  
kha, *khatiang khan* ka insiam zel ang. Krista thutak keimaha a 10  
awm ang hian, Akaia ram lama he ka chhuanna hi tuman mi  
tihreh sak lo vang. Eng vangin nge? ka hmangaih loh che u 11  
avang em ni? Pathianin a hria. Nimahsela, remchanna *hmu* duhte 12  
lak ata remchanna chu ka sah chah theihna turin, ka tih  
thin hi ka ti zel ang; an chhuannaah chuan keimahni awm ang  
hian an lo awm theih nan. Mi chutiangte chu Krista tirhkohva 13  
insiam chawpa, tirhkoh derte, hnathawktu mi bum hmangte  
an ni si a. *Chu chu* a mak lo ve; Setana meuh pawh eng 14  
tirhkohvah a insiam chawp si thin a. Chuvangin, a rawng- 15  
bawltute pawh chu felna rawngbawltuah insiam chawp *mah* sela  
thil mak a ni lo ve; chungho tawpna chu an thiltih ang zelin a ni  
ang.

Ka sawi leh ang, Tuman mi aah mi ruat suh se; nimahsela *mi* 16  
*ruat vek* chuan, kei pawhin tlem tala ka chhuan ve theih nan, mi  
a angin mi dawh rawh u. Ka sawi hi Lalpa angin ka sawi lo va, 17  
ka chhuan rinna hian a ang takin *ka sawi zawk* a ni. Mi tam 18  
takin tisa anga an chhuan avangin kei pawhin ka chhuang ve teh  
ang. Nangni zawng le *mi* fing in nih avangin mi ate chu lungawi 19  
takin in dawh si thin a. Miin bawiah siam che u sela, ei zo duak 20  
che u sela, *salah* man che u sela, mahni inchawimawi sela, in hmaiah  
beng che u sela, in dawh si thin a.

Kan lo chak ta lo angin insitin ka sawi a ni. Nimahsela tupawh- 21  
in eng kawngah pawh an ngam apiang (a takin han sawi ta ila)  
kei pawhin ka ngam. Hebrai mite an ni maw? kei pawh ka ni.  
Israel mite an ni maw? kei pawh ka ni. Abrahama thlahte an ni 22  
maw? kei pawh ka ni. Krista rawngbawltute an ni maw? (mi a 23  
angin han sawi ta ila) *ka ni zawk mah*; thawh rimnaahte nasa  
lehzualin, tan ina tannahte nasa lehzualin, vuaknahte hleihluak  
takin, thihnahte wavi tam tak. Judate lakah vuakna wavi khata 24  
wavi sawmli tling lo wavi nga ka tawk a; wavi thum tianga vuakin 25  
ka awm a, wavi khat lunga denin ka awm a, wavi thum lawng  
chhiatna ka tawk a, zan khat leh ni khat tuifinriatah ka awm a;  
khaw fannahte wavi tam tak, luite laka hlauhawmahte, suam- 26  
hmangte laka hlauhawmahte, *ka* chipuite laka hlauhawmahte, Jen-

tailte laka hlauhawmahte, khawpuia hlauhawmahte, thlalêra  
 hlauhawmahte, tuifinriata hlauhawmahte, unau derte zinga  
 hlauhawmahte; thawhhahna leh thawhrimnaah te, mutmawh- 27  
 naachte vawi tam tak, rilâm leh tuihâlnaah te, chaw ngheinaahte  
 vawi tam tak, khawsik leh saruaka awmnaah te. Tin, ka sawi 28  
 lohte lo pawh chu kohhran pâwl zawng zawng ka ngaihtuahna,  
 ni tin mi delh reng hi a awm bawk a. Ka chak lohpuì lohva chak 29  
 lo tunge awm ngai? ka alh phah lohva tihtlûk tunge awm ngai?

Chhuang tûr ka nih vêk chuan ka chak lohna lam thilte a ni ka 30  
 chhuan ang. Lalpa Isua Pathian leh Pa, kumkhuaa engthâwla 31  
 awma chuan, dâwt ka sawi lohzia a hria e.

Damaska khuaah khân lal Areta hnuaia rorêltu chuan mi man 32  
 tûrin Damaska-a mite khawpuì chu a vântîr a; tin, tukverah 33  
 kulh hrûlah chuan bâwmin mi thlâk a, tichuan, a kut ata ka  
 relhru hlen ta a.

**12** Ka chhuang rêng rêng tûr a ni. That zawng a tha lo va, 1  
 nimahsela Lalpa hnên ata inlârna leh hriattîrna thu ka sawi  
 kai teh zêl ang. Kristaa mi pakhat ka hria, chu mi ngei chu kum 2  
 sâwm leh kum li a ni ta (taksain emaw a awm ka hre lo, taksa lovin  
 emaw a qum ka hre hek lo; Pathianin a hria) vân thumna meuhvah  
 khian lâk chhohvin a awm a. Tin, chu mi ngei chu (taksain emaw 3  
 a awm, taksa lovin emaw ka hre lo; Pathianin a hria) Paradis-a lâk 4  
 chhohva a awm leh, thu sawi hleih theih loh, mihring sawi thian  
 lohte chu a hria tih ka hria. Mi chutiang chu ka chhuang ang; 5  
 nimahsela, ka chak lohna lo chu mahni ka inchhuang lo vang.  
 Chhuang duh mah ila mi â ka ni lo vang, thu taktak ka sawi dâwn 6  
 si a; nimahsela ka insûm ang, chutilochuan tupawhin mi hmuh  
 ang leh ka laka thu an hriat ang aiin mi ngai ropui zâwk dah ang e.

Tin, hriattîrnate chu a nasat êm êm avânga ka inngaihhlut 7  
 lutuk loh nân tisaah hlîng mi pe a ni, Setana tirhkoh, kut thak  
 hnawih nâna mi hmangtu tûr chu; chutilochuan ka inngaihlu lu-  
 tuk dah ang e. Chu mi chungchâng thua chuan, mi kiansan 8  
 theih nân Lalpa chu vawi thum ka dil a. Tin, ani chuan ka hnên- 9  
 nah, "Ka khawngaihna i tân a tâwk e; ka thiltihtheihna hi  
 chak lohnaah asin tihfamkimin a awm ni," a ti ta a. Chuti-  
 chuan, Krista thiltihtheihna chu ka chung a awm theih nân  
 lâwm êm êmin ka chak lohnate hi ka chhuang tawh zâwk ang.  
 Chuvângin, Krista avângin chak lohnaahte, chhiatnaahte, nêk- 10  
 sâwrnaahte, tihduhdahnaahte, hnawhchêpnaahte ka lâwm thîn  
 a ni; ka chak loh apiangin a ni ka chak thîn ni.

Ka lo â ta a nih hi: nangnin á lo theilovah misiam a ni; kei chu 11  
 nangmahni mi chawimawi tûr ka ni asin, engmah ni mah suh ila,  
 eng kawngah pawh tirhkoh lian berte chu ka tluk lo si lo. Tirh- 12  
 koh nih chhinchhiahnate chu chhelna tinrêng neîin, chhinchhia-

nate, thilmakte, thiltihtheihnatein in zînga tih a nih taktak kha. Eng kawngah nge ni, kohhran pâwl dangte aia hnuai zâwka siama 13  
in awmna chu? keimah ngei hian ka tihhautak loh che u kawngah  
khân a nih nghâl loh chuan. Chu mi dik lohnaah chuan mi  
ngaidam rawh u!

Ngai teh u, hei hi in hnêna lo kal tûrin ka inpei h a vawi thumna 14  
tûr a ni; tin, ka tihhautak lo vang che u, in ta chu zawng ka ni si lo  
va, nangmahni *a ni ka zawn* zâwk che u ni; faten nu leh pate tân an  
khâwl khâwm sak tûr a ni lo va, nu leh paten fate tân an *khâwl*  
*khâwm* sak zâwk *tûr a ni* si a. Tin, kei zawngin in thlarau tân lâwm 15  
êm êmin ka hmangral ang a, inhmangral vekin ka awm bawk ang.  
A chuang a liama ka hmangaih che u avâng khân, keiin hma-  
ngaihna tlêm zâwk ka dawn phah a ni maw?

Amaherawhchu, kei chuan ka tihhautak lo che u ni ta sela; 16  
nimahsela *mi* vervêk rêng rêng lo niin, ngamthlêmin ka man che u a  
lo ni. In hnêna ka tirhte zîngah khân tuemaw tal hmangin ka hlâwk 17  
phah che u em ni? Tita chu ka fuih a, amarualin unaupa chu ka tîr 18  
a ni. Tita chuan hlâwk phahna rêng rêng a nei che u em ni?  
Rilru hmunkhat pua lêng *dûn* kan ni lo vem ni? Hniak thuhmun  
*chiaha lêng dûn* kan ni lo vem ni?

Tûn chhûng zawng hian nangmahni hnêna kan thiamnâ thu 19  
sawiah min ring reng a ni âwm a. Kristaah chuan Pathian  
mithmuhah a ni thu kan sawi ni. Nimahsela, duh takte u,  
engkim hi nangmahni siamthatna tûr a ni. Ka lo kal hunah 20  
engemaw tiin ka duh anga ka rawn hmu.1 loh che u a, kei pawh  
in duh angin mi hmu lo dah ang, tili leh, engemaw tiin inhaunate,  
initsiknate, thinurnate, inkhinnate, inrêlnate, sesea thu lâkte, 21  
inngaihhlut lutuknate, buainate a lo awm dah ang, tih leh, ka lo  
kal hunin ka Pathianin in zîngah mi timualpho leh pekin, tûn hma  
lama thil tisualtute zînga *thil* bawhlhlawh *tih te*, inngaih te, hur te  
chînga sim si lo mi tam takte chu ka tîh dah ang e tih, ka hlau asin.

**13** Hei hi in hnêna ka lo kal a vawi thumna tûr a ni. Hretute 1  
pahni h emaw, pathum emaw kaah chuan thu tinrêng tihngheh-  
in a awm ang. Ka sawi lâwk tawh a, tin, Krista keimaha thu 2  
sawi thîntu chu fiahna in zawn avângin, vawi hnihnâa in hnêna ka  
awmlaiaka sawiangkhân, tûnah, in hnêna awmlavin, tun hma lama  
thil tisualtute hnênah leh mi dang zawng zawng hnênah ka sawi  
lâwk leh *dawn*, 'Ka lo kal leh chuan ka zuah lo vang,' tih hi; ani chu  
nangmahni lamah a chak lo lo va, in zîngah thil ti thei tak a ni  
zâwk a ni. Ani chu chak lohna avângin khenbehin a awm a ni a, 4  
nimahsela, Pathian thiltihtheihna avângin a nung ta reng a ni.  
Keini pawh amahah chuan kan chak lo a ni, nimahsela, nang-  
mahni lama Pathian thiltihtheihna avângin a hnênah kan nung  
ve ang.

Rinnaah chuan in awm emaw, nangmahni ngei inchhin thîn 5  
 ula; nangmahni ngei infiah thîn rawh u. A nih loh leh, nangmah-  
 niah Isua Krista chu a awm tih nangmahni ngeiin in hre fiah lo vem  
 ni? duh loh in nih nghâl loh chuan. Keini erawh chu duh lohvin 6  
 kan awm lo tih in la hriain ka ring. Tin, thil rêng rêng in tihsual 7  
 lohna tûrin Pathian hnênah kan dîl thîn a; *chu chu* keini hi  
 duhawma kan lan theihna tûr a ni lo va, nangnin a mawi  
 apiang in tih theih nân a ni zâwk, keini chu duh loh angin  
 awm mah ila. Thutak tan tûr lo chuan, thutak do tûrin 8  
 engmah kan ti thei lo a ni. Keini kan chak loh lai pawha nangni 9  
 in chak hian kan lâwm thîn asin; hei hi kan dîl bawk thîn, nang-  
 mahni that famkimna tûr hi. Chuvang chuan tichhe tûr ni lova, 10  
 siamtha tûr zâwka, Lalpan thuneihna mi pêk ang zêl khân, *in*  
*hnêna ka* awm huna na taka ka zilh loh nân *che u*, *in hnêna ka* awm  
 loh lai hian hêng thu hi ka ziaak a ni.

A tâwp berah chuan, unaute u, lâwm takin awm rawh u. 11  
 Tihthat famkimin awm ula; thlamuang takin awm ula; rilru  
 hmunkhat pu ula, lungruah takin awm rawh u; tichuan hma-  
 ngaihna leh remna Pathian chu in hnênah a awm dâwn zuk nia.  
 Fawh thianghlimin chibai inbûk rawh u. Mi thianghlim zawng 12  
 zawngte hian chibai an bûk a che u. 13

Lalpa Isua Krista khawngaihna te, Pathian hmangaihna te, 14  
 Thlarau Thianghlim pâwna te chu in zaa hnênah awm rawh se.

# Galatia Rama Mite Hnêna Tirkoh

## Paula Lehkha Thawn

Paula, tirkoh (mihringte tirk chhuah ni lovin, mihring zârah ni hek lovin, Isua Krista leh mitthi zîng ata a kaithotu, Pa Pathian zârah a ni zâwk) leh, ka hnêna unau awm zawng zawngte chuan:

Galatia rama kohhranhote hnênah.

Pa Pathian leh kan Lalpa Isua Krista hnên ata khawngaihna leh remna in hnênah awm rawh se: ani chuan, kan Pathian leh kan Pa remtihzâwngin tûn lai khawvêl sual tak lakah hian min chhan chhuah theih nân kan sualte aiah amah a inpe ta; Pathian hnênah chuan ropuina chatuanin awm rawh se. Amen.

Krista khawngaihna zâra a kotu che u kha chuti thuta Chanchin Tha hrang lama in pakaisan hi mak ka ti a ni; chu chu Chanchin Tha a ni ve si lo; nangmahni tibuaiin, Krista Chanchin Tha tihdanglam duh tuteemaw an awm mai a ni a. Nimahsela, keimahniin emaw, vân ațanga lo chhuk vântirkoh pawhin emaw, Chanchin Tha kan hrilh che u lo kha chu Chanchin Tha dang rêng lo hrilh che u sela, ânhche dawngin awm rawh se. Hmâna kan sawi ang khân tûnah ka sawi leh dâwn a ni, “Chanchin Tha in pawma lo kha chu, Chanchin Tha dang tupawhin hrilh che u sela, ânhche dawngin awm rawh se.” A nih leh, tûnah hian mihring nge ka thlêm, Pathian? A nih loh leh, mihring em ni tihlâwm ka tum ni? Mihring tilâwmin la awm ila, Krista bawi ka ni lo vang.

Chutichuan, unaute u, ka Chanchin Tha hrilh kha mihring lam thu a ni lo tih ka hriattîr a che u. Mihring hnên ata hmu ka ni hek lo, mi mi zirtîr ka ni hek lo, Isua Krista inlârna avânga hmu ka ni zâwk si a. Judate sakhaw biak dânah chuan hmân laia ka awm dân chu in hre tawh si a, khatia Pathian Kohhranho nasa taka tiduhdaiin ka tihbuai thin kha; tin, mi thlahtute thurochhiah chung a thahnem ka ngaih nasat bik avângin Judate sakhaw biak dân kawngah chuan ka chite zînga ka rualpui tam takte ka lehpêl ta a. Tin, ka nu pum chhûng ațanga ni tihrangtu leh a khawngaihna avânga mi kotu Pathian chuan, Jentailte zînga a Chanchin Tha ka hrilh theih nân a Fapa chu lungni taka keimaha a inlârtîr lai khân, tisa leh thisen nên inrâwn lovin, tirkoh ka nih imaa tirkoh lo ni tawhte hnênah Jerusalem khuaa han kal hek lovin,



Arabia ramah ka kal bo ta nghâl zâwk a; tin, Damaska khuaah ka kîr leh ta a.

Tin, kum thum a vei hnuin Kipha kan tûrin Jerusalem khuaah 18 ka han kal a, a hnênah ni sâwm leh ni nga ka châm a. Tirkoh 19 dangte erawh chu Lalpa unau Jakoba chauh lo chu, tumah ka hmu lo va. (Ngai teh mah u! In hnêna thu ka ziate hi 20 Pathian mithmuhah pawh ka daw lo ve.) Chu mi hnuah chuan 21 Suria leh Kilikia ramahte ka lo kal a.

Nimahsela Judai ram Kohranho Kristaa awmte hniêhriat ka 22 la ni lo ta fo va, "Hmâna min tiduhdahtu khân hmâna rinna thu 23 a tikhawloh thin kha tûnah a hril ta zâwk a ni," tih, mi sawi chauh an hria a. Tin, keimah avângin Pathian an chawimawi 24 ta a.

**2** Tin, kum sâwm leh kum li a vei hnuin Tita pawh chu hruai 1 vein Barnaba rualin Jerusalem khuaah ka han kal leh a. Tin, 2 hriattirna avângin ka han kal a, Jentailte zînga Chanchin Tha ka tlângapui thin hi anmahni ka han hrilh a; uimahsela, mi lian deuhte chu ahrangin ka hrilh a, chutilochuan athlâwnin ka tlân hlauh dah ang e, a nih loh leh, tlân thlâwn ka lo ni dah ang e. Nimahsela, Tita ka hnêna awm pawh chu Grik mi ni mah sela 3 serhtan luih sakín a awm ta lo va; chu chu unau der arûka an 4 hruai luhte avâng a ni; chungte chu bawia min siam theih nân Krista Isuaah chuan zalênna kan neih hi enthla tûrin arûkin an lût a. Nimahsela, Chanchin Tha thutak chu in hnêna a awm reng 5 theih nân dârkâr khat tê pawh intulûtin an thu kan zâwm lo va. Tin, mi lian deuhva an ruatate lakah chuan (eng ang mi pawh ni 6 sela, ka tân engmah a lêm chuang lo; Pathianin tumah a thlei bik lo va;) mi lian deuhva an ruatate chuan engmah mi belhchhah chuang si lo va: chutih ahnêkin, Serhtante Chanchin Tha Petera 7 hnêna kawltîra a awm angin, Serhtan lohte Chanchin Tha ka hnênah kawltîrin a awm tih an hria a. (Serhtante tirkoh 8 ni tûrin Petera tâna thawh saktu ngei chuan, Jentailte tirkoh ni tûrin ka tân pawh mi thawh sak si a); khawngaihna mi pêka chu an hriat pawhin, Jakoba te, Kipha te, Johana te, bana an ruatate 9 chuan, keini Jentailte hnêna kal tûr leh anni zawng Serhtante hnêna kal tûrin kei leh Barnaba chu inpâwlina kut ding lamte min pe ta zâwk mah a. Retehte kan hriat reng chauh an duh, chu 10 tak chu tih ka tum tlat rêng thin a ni.

Tin, Kipha chu Antiokei khuaa a lo kaf laiin demawm taka a 11 awm avângin a hmaichhan ugeiah ka dodâl a. Mi tuteemaw 12 Jakoba huên ata an lo kal hma chuan ani chuan Jentailte hnênah chauh a ei thin a: nimahsela, an lo thlen veleh Serhtan nite chu a hlauh avângin tel leh ta lovin a intihrang ta si a. Juda dangte pawh an vervêk ve ta hlawn a, chutielman Barnaba meuh pawh 13

an vervêkna hruai bovin a awm ta hial a. Nimahsela, Chanchin 14  
 Tha thutak angin an awm fel lo tih ka hriatin, Kipha hnênah  
 an zaa hmaah, “Nang, Juda mi i ni si a, Judate awm anga awm  
 lovin, Jentailte awm anga i awm zâwk chuan, eng tiziain nge  
 Jentailhote Judate awm anga i awm luihtîr thin ni?” ka ti a.  
 Keini zawng Jentail mi sualte ni lovin, Juda mi rênga piang kan 15  
 ni a—nimahsela, Dân thiltihte avângin mi thiam changin a awm  
 lo va, Isua Krista rin avâng chauhvîn *thiam changin a awm zâwk* 16  
 tih *kan* hre si a—keini pawhin, Dân thiltih avâng ni lovin, Krista  
 rinna avâng a thiam changa kan awm theih nân, Krista Isua chu  
 kan ring a ni; dân thiltihte avângin mihring rêng rêng thiam  
 changin an awm dawn si lo. Kristaah thiam changa awm kan 17  
 tum chung khân keini ngei pawh mi sual kan lo nih hlah si chuan,  
 Krista chu sual rawngbâwltu a lo ni em ni? Hnai lo ve. Ka 18  
 thil thiatte kha ka sak leh si chuan, bawhchhetu *ka nih* ka inhriattîr  
*mai* a ni ang. Pathian lam kawnga ka lo nun theih nân kei zawng 19  
 Dân avângin Dân lam kawngah ka thi tawh si a. Krista hnênah 20  
 khenbehin ka awm ta; nimahsela, ka nung a ni; keimah *erawh*  
*chu* ka ni tawh lo, Krista chu keimahah a nung zâwk a ni; tin,  
 tûnah tisaa ka nung hi rinnaa nung ka ni—Pathian Fapa, mi  
 hmangaiha ka aia inpetu, rinnaah chuan. Pathian khawngaihna  
 chu ka bawh bo lo ve, Dân avâng a felna a awm si chuan, Krista 21  
 chu athlâwnin a thi a ni ang.

**3** Aw, Galatia rama mi âte u, tuinge dâwi che u? in 1  
 mithmuh ngeiah Isua Krista chu khenbehin chiang taka  
 lantîr a nih tehlul nêh.

Hei chauh hi in hnên ata lo hriat ka duh, Dân thiltihte avângin 2  
 nge Thlarau chu in hmuh, *in* ngaihlâk a *in* rin avângin? Heti 3  
 êmin in â maw? Thlarauva tan tawh siin, tisain in zo dawn em  
 ni? Thil chuti zozai chu sâwtpui lovin in tuar em ni? Sâwtpui 4  
 lo ni tak tak ta ang sela. Tin, in hnêna Thlarau petu che u leh 5  
 in zînga thilmak titu chuan Dân thiltihte avângin nge *a tih*,  
*in* ngaihlâk a *in* rin avângin? Abrahaman Pathian a ring a, 6  
 tin, chu *rinna* chu a felnaa ruat a ni ang khân. Chutichuan, hre 7  
 rawh u, rinnaa awmte, chûng ngei chu Abraham a fate an ni. Tin, 8  
 Pathian Lehkha Thu chuan, Pathian rinna avângin Jentailte  
 thiam a chantîr dawn tih hre lăwkin, “Nangmahah chuan hnam  
 tin malsâwm sak in an awm ang,” tiin Abraham hnênah Chanchin  
 Tha chu a hrilh lăwk kha. Chutichuan, rinnaa awmte chu 9  
 Abraham rinawma nêh chuan malsâwm sak in an awm ve thin  
 a ni.

Dân thiltiha awm apiangte chu ânhche hnuaiah an awm si 10  
 a; “Dân Lehkhabua thu ziaak zawng zawng *anga* ti tûra awm  
 reng lo apiang chu ânhche dawngin an awm thin,” tiin, ziaak a

ni si a. Tin, Pathian mithmuhin tumah rêng Dân avâng a thiam 11  
 chang an awm lo tih a lang reng a ni. “ Mi felte chu rinnain an  
 nung ang,” *tih* a ni si a; tin, Dân chu rinnaa mi a ni lo, “ Chûng 12  
*anga* titu chu chûngah chuan a nung ang,” *tih* a ni zâwk e. Krista 13  
 chu kan aia ânhhe *dawng* lo niin, Dân ânhhe lak ata min tlan  
 chhuak ta; (“ Thinga khaiân apiang chu ânhhe dawng an  
 ni,” tih ziaa a ni si a); chutichuan, Abrahama *chunga* nalsâwmna 14  
 chu Krista Isuaah chuan Jentailte chungah a lo awm thei ang a,  
 tichuan rinna avângin Thilarau tiani chu kan hinu thei ang.

Unaute u, mihring angin ka sawi hi, mihring thuthlung pawh 15  
 ni mah sela, tihngheh tawh hnuin an phielh ngai lo va, belh pawh  
 an belhchhah ngai hek lo. Tin, Abrahama hnênah a ni, thu 16  
 chu tianin a awin ni, a chi thlah hnênah pawh. Mi tam tak  
 chung thu *sawi* angin, “ Chi thlahite hnênah pawh,” a ti lo va; *mi*  
 pakhat chung thu *sawi* angin, “ I chi thlah hnênah pawh,” a ti a  
 ni zâwk e, chu chu Krista chu a ni. Tin, *hefi* lian ka ti a ni: 17  
 Thuthlung Pathian lo tihngheh tawh chu, Dân kum zali leh *kum*  
 sawmthum hnua lo awm tawh khân, thutiam chu eugmah lova  
 siainin a tibo lo ve. Roluah tûr chu Dân avâng a nih chuan, 18  
 thutiam avâng a ni tawh si lo vang; nimahsela, Pathianin, thutiam  
 avângin a ni, Abrahama hnênah a pêk ni.

A nih loh leh, eng tiziaa Dân chu awm nge ni le? 19

Chi thlah, thutiamna chu, a lo kal hma loh zawng  
 bawhchhiatnate avângin belhchhahin a awm a, vântirhkohte  
 hmanga palai kuta rêl a ni. Tin, palai rêng rêng *mi* pakhat 20  
 lakah *palai* a ni ngai lo ve, Pathian erawh chu pakhat a  
 ni.

A nih loh leh, Dân chuan Pathian thutiamte chu a dodâl em 21  
 ni le ?

Hnai lo ve, Dân *mi* tinung thei rêng pêkin aawm tawh si chuan,  
 felna chu Dân avângin a awin ngei tûr a ni. Nimahsela, Isua 22  
 Krista rin avâng a thiltiam chu a ringtute hnêna pêk a nih theih  
 nân Pathian Lehkha Thu chuan sual hnuaiah engkim a khârkip  
 ta vek a. Nimahsela, rinna a lo thlen hma khân, rinna la lang 23  
 tûr atân khârkipa, Dân hnuaia vên kan nih kla. Chutichuan 24  
 rinna avâng a thiam kan chan theihna tûrin Dân chu Krista hnên  
 lama min kairuaitu a lo ni a. Nimahsela, tûnah rinna a lo 25  
 thlen hnu hian, kairuaitu hnuaiah kan awm tawh lo ve. Krista 26  
 Isua rin avângin Pathian fate in ni vek si a; in zînga Kristaa bap- 27  
 tisma chang apiangte kha Krista chuan in inthuan tawh si a.  
 Chutah chuan Juda mi a awm theih loh va, Grik mi pawh a awm 28  
*theih* hek loh, chutah chuan bawi a awin theih loh va, bawi lo pawh  
 a awm *theih* hek loh, chutah chuan mipa leh hmeichhia pawh a  
 awm theih loh; Krista Isuaah chuan in zain pumkhat in ni si a.

Tin, Krista ta in nih chuanin, Abraham a thlah, thutiam anga 29  
roluahtu tûrte, in ni.

**4** Nimahsela, *heti hian* ka ti a ni: Roluahtu tûr chu engkim 1  
chungah lotu ni mah sela, naupang a la nih chhûng  
zawng bawi nêh engah mah a danglam chuang lo ve; a pa ruat 2  
hun chu a lo thlen hma loh chuan vêngtu leh enkawltute hnuaiah 3  
a awm zâwk a ni. Chutiengin keini pawh naupang kan nih lai 4  
khân, khawvêl A Aw B hnuaiah bawiah kan awm; nimahsela, a 5  
a hun bi a lo kim khân fa nihna kan hmuh theih nân Dân hnuaia  
awnte chu tlan tûrin Pathianin a Fapa, hmeichhe hrin, Dân 6  
hnuaia lo piangin, a tîr chhuak ta a. Tin, fa in nih avângin 7  
Pathianin a Fapa Thlarau chu, “Abba! (Ka Pa!)” tia auvin, kan  
thilungah a rawn tîr a. Chutichuan, bawi i ni tawh lo va, fa 7  
i ni zâwk e: tin, fa i nih chuan, Pathian zâra roluahtu tûr i ni.

Nimahsela, khâng Pathian in hriat loh lai khân, an pianzia 8  
rêng pawha Pathian ni hlei lote bawi in ni a. Tûna Patluan in 9  
lo hriat hnu hi zawngin—ni lo, Pathian *mi* hriat in lo nih *hu hian*,  
*tih tûr* a ni zâwk e,—A AW B derdêp leh kawnkaw, a bawia awn  
leh in châkate lamah chuan, eng tiziaa hawi kîr leh nge in nih? 10  
Ni te, thla te, hun te, kum te in serh thîn. In tân tha ka sêng 11  
thlawn dah law maw tih ka hlauh sak a che u.

Unaute u, ka ngên a che u, keimah angin awm rawh u, kei 12  
pawh nangmahni angin *ka awm* si a. Ka pawh engmah in khawih  
lo. Chanchin Tha in hnêna ka hrilh hmasak tum kha *ka tisa* 13  
chak lohna avâng a ni tih in hre si a. Tin, ka tisaa in tân thlêma 14  
awm chu in hmusit lo va, in ten hek lo; Pathian vântirhkoh angin,  
Krista Isua ang *maiin*, mi lawm tâk zâwk kha. Vâncei in intihua 15  
kha khawiahnge ni ta le? Tih theih phei chu ni sela nangni in  
mitte kher chhuakin mi pe tawh ang tih ka hriat sak che u asin.  
Chutichuan, thu dik tak ka hrilh che u avângin in hmêlma ka lo 16  
ni ta em ni? Tha lamah ni hauh si lovin thahnemngai takin an 17  
zawng chhuak thîn che u a; a ni, anmahni in zawn theih nân  
nawn lama khâr hnan che u an duh a ni. Thu tha lamah erawh 18  
chuan eng lai pawhin thahnemngai taka zawna awm fo hi a tha a  
ni, in hnêna ka awm lai chauh ni lovin. Ka naute u, Krista 19  
chu nangmahniah siam puitlina a awm hma loh chuan nau veiin ka  
vei leh che u hi. A ni, tûn lai hian in hnêna awma, ka aw 20  
tihdanglam ka châk theihzia mai chu; in chung thuali ka nang-  
ang si a.

Dân hnuaia awm duhte u, mi hrilh rawh u, Dân *thu* chu in 21  
ngaithla thîn lwm ni? Heti hian ziaak a ni si a: “Abrahaman 22  
fapa pahni a nei a, pakhat chu bawinu lakah, pakhat chu bawi  
lonu lakah. Nimahsela, bawinu laka *mi* chu tisa dân angin a 23  
piang a, bawi lonu laka *mi* erawh chu thutiam avângin a piang a

ni," tih hi. Chûng thu chu tehkhinna a ni; chûng hmeichhiate 24  
 chu thuthlung pahnih *an* ni; pakhat chu Sinai Tlânga mi, bawi ni  
 tûra fa hringtu chu; chu chu Hagari a ni. Tin, Hagari hi Arabia 25  
 rama Sinai Tlâng chu a ni a, Jerusalem tûn laia awm nêh hian  
 ang khat *an* ni, a fate nêh bawiah *an* awm si a. Chung lam Jeru- 26  
 salem erawh chu bawi a ni lo va, chu ngei chu keini nu a ni.

"Nang, ching, *fa* hring *ngai* lo, hlim rawh, 27  
 Nang, nau vei *ngai* lo, au chhuak rawh;  
 Pasal nei mi ai chuan khawharnu chuan  
 Fate a nei tam zâwk si,"

tih ziaak a nih kha.

Tichuan unaute u, keini hi, Isaaka ang khân, thutiam fate 28  
 kan ni. Nimahsela, chu mi lai chuan tisa dân a lo piang chuan 29  
 Thlarau dân a lo piang chu a tiduhdah ang khân, tûnah *pawh*  
 chutiang bawh a ni. Nimahsela, Pathian Lehkha Thuin engtinge 30  
 a sawi? "Bawinu chu, a fapa nêh, hnawt chhuak rawh; bawinu  
 fapa chuan bawi lonu fapa chu ro a luahpui dân si lo," a ti.  
 Chutichuan unaute u, bawinu laka fate kan ni lo va, bawi lonu 31  
 laka *fate kan ni* zâwk.

**5** Bawi ni lo tûrin Krista chuan min chhuahtîr kha, 1  
 chutichuan ding nghet ula, bawi nghâwngkawlah chuan  
 tâng leh tawh suh u.

Ngai teh u, kei Paulan in hnêna ka sawi hi, serh in tantîr 2  
 chuan Krista chu in tân engmah sâwt na a ni lo vang. A ni, Dân 3  
*thu* zawnz zawnz zâwm tûra batu *an* ni tih serhtantîr apiang  
 hnênah ka hriattîr leh a nih hi. Nangni Dân a thiam chan tumte 4  
 u, Krista nêh in inthên ta: khawngaihna chu in tlûksan ta. Keini 5  
 zawnzin Thlarau zârah rinnain felna beiseina kan nghâk si a.  
 Krista Isuaah chuan serhtan engmah a sâwt lo, serhtan loh *pawh* 6  
*engmah a sâwt* hek lo; rinna, hmangaihnaa thawh erawh chu, a  
*sâwt a ni*.

Tha takin in tlân thîn kha le; thutak chu in zawn loh nân 7  
 tûnngê dâl ta che u? He thlêmna hi a kotu che u hnên ata a ni lo 8  
 ve. Dawidim tlêm tein *chhang* hlâwm chu apumin a fan chhuak 9  
 thîn. In ngaihtuah danglam chuang lo vang tih, Lalpaah chuan 10  
 kei zawnzin nangni lam ka ring che u a ni; nimahsela, a tibuitu  
 che u chu, tupawh ni sela, a chung a thu tlu tûr chu a tuar ang.  
 Unaute u, kei hian serhtan *thu* ka la hril fô si chuan, engatinge 11  
 tihduhdahin ka la awm cheu? Chutiang a nih si chuan kraws  
 inchhuihna chu tihbo a ni tawh ang. Tibuitute che u chu intan 12  
 fithla law law sela ka duh a ni.

Nangni, unaute u, bawi ni lo tûrin koh in ni si a; nimahsela, 13  
 in bawi nih lohna chu tisa tâna remchângah *hmang* suh ula,  
 hmangaihna in rawng inbâwl sak tawn theuh zâwk rawh u.

“Nangmah *i inhmangaih* angin *i vêngte i hmangaih* tûr a ni,” 14  
 tih thu kamkhatah hian Dân *thu* zawnz zawnz chu a famkim  
 tawh a ni si. Nimahsela, in inseh a, in inei tawn si chuan, in 15  
 intihboral tawn loh nân fîmkhur rawh u.

Chutichuan *hei hi* ka ti a ni: Thlarauvah awm rawh u, tichuan 16  
 tisa châkna chu in zâwm dâwn lo nia. Tisa hian Thlarau dona 17  
 lam a châk thîn, Thlarau *pawhîn* tisa dona lam a châk bawk si thîn;  
 thil *tih* in tumte chu in tih theih loh nân chûngte chu an inkalh  
 si. Nimahsela, Thlarau hruaia in awm chuan, Dân hruaiah 18  
 chuan in awm lo ve. Tin, tisa thiltihte chu a lang fiah a ni; chûng 19  
 chu hêng hi a ni: inngaihna te, bawlhhlawhna te, hurna te, milem 20  
 biakna te, dawithiamna te, huatna te, inhauna te, thîkna te,  
 thîurna te, inkhinna te, awm hranna te, rin hranna te, itsikna 21  
 te, zu ruihna te, zu hmun hlimna te, chutiangte chu: chûng  
 kawngah chuan tûn hmaa, “Chutiang thil tihhmangte chuan  
 Pathian ram an chang lo vang,” tia ka hrilh lâwk che u ang khân,  
 ka hrilh lâwk che u hi. Thlarau rah erawh chu hmangaihna 22  
 te, hlimna te, remna te, dawhtheihna te, ngilneihna te, thâtna te,  
 rinawmna te, thuhnuairawhna te, insûmtheihna te a ni zâwk 23  
 e; chutiang kalhzâwngin Dân *thupêk* réng a awm lo ve. Tin, 24  
 Krista Isua mite chuan tisa chu, a sual ngaihtuahna leh a  
 châknate chawpin, an khêngbet ta. Thlarauva nung kan nih 25  
 chuan Thlarauvah *vêk* i awm leh bawk ang u. Incho tawna, 26  
 initsik tawnin, i inngaihlu suh ang u.

**6** Unaute u, mi, sual engpawh a tih lai phâwkin awm sela, 1  
 nangni thlarau mite u, “Thlêmna ka tâwk ve dah ang e,”  
 tia invêng thâ chungin chutiang mi chu thuhnuairawh takin tung-  
 ding leh rawh u. In ritphurhte chu inchhlâwk tawn rawh u, 2  
 chutichuan Krista dân *thu* chu in zâwm a ni ang.

Mi engmah ni si lovin, mi lian deuhva a inruat chuan. a inbum 3  
 chawp *mai* a ni si. Mi tinin mahni thiltih fiah theuh zâwk rawh 4  
 se, chu mi hunah chuan, mi dang chung ni lovin, mahni chung  
 chauhvah chhuan tûr a nei ang. Mi tinin mahni phur an phur 5  
 theuh dâwn si a.

Tin, thu zirtîr dawngtu chuan thil thâ zawnz zawnz zirtirtu 6  
 hnênah pe ve rawh se. Bumin awn suh u; Pathian chu hmu: 7  
 zia a ni lo ve; mûn a theh apiang, chu mi vêk chu a seng bawk dâwn  
 si a. Mahni tisa lama thehtu chuan tisaa mi chhiatna a seng ang a: 8  
 Thlarau lama thehtu erawh chuan Thlaraua mi chatuana nuuna  
 a seng dâwn a ni. Tichuan, *thil* thâ tih i ning suh ang u; kan in- 9  
 thlahdah loh zawnzin a hun takah chuan kan seng dâwn si a.  
 Chutichuan, remchâng hun kan neihzia ang zêlin mi zawnz 10  
 zawnz chungah *thil* thâ i ti ang u, rinna chhûngte zînga mi  
 chungah *i ti* deuh ber ang u.

Keima kut ngeiin in hnênah lehkha hraw pui puia ka ziaak hi 11  
 en rawh u. Tisaa hmêl intihmawi duh apiangten serhtana awm 12  
 tûrin an tîr lui tîn che u a ni; engmah dang vâng a ni lo va,  
 Krista kraws avânga tihduhdah an tuar loh nân chauh a ni.  
 Serhtante meuh pawh chuan Dân *thu* an zâwm chuang si lo va, in 13  
 taksaah chhuan tûr an neih theih nân serhtantîr che u an duh mai  
 a ni.

Kei erawh chuan kan Lalpa Isua Krista kraws lo chu ka 14  
 chhuan loh tûrzia mai chu, chu mi zârah chuan khawvêl hi ka tân  
 khenbehin a awm ta, kei pawh khawvêl tân *khenbehin ka awm a ni*.  
 Siam thar lehna lo chu, serhtan hi engmah a ni lo va, serhtan loh 15  
 pawh *engmah a ni* hek lo. Tin, chu mi dân anga awm apiangte  
 chungah chuan remna leh khawngaihna awm rawh se, Pathian 16  
 Israelte chungah pawh.

Tûn achinah hjan tumahin mi tibuai tawh suh se; ka taksaah 17  
 hian Isua chhinchhiahnate ka pu si a.

Unaute u, Lalpa Isua Krista khawngaihna in thlarau hnênah 18  
 awm rawh se. Amen.

# Ephesi Khuaa Mite Hnêna Tirkhoh

## Paula Lehkha Thawn.

Paula, Pathian duhzâwnga Krista Isua tirkhoh chuan: 1  
Mi thianghlim Ephesi khuaa awm Krista Isuaa mi rinawm-  
te hnênah chuan.

Pathian kan Pa leh Lalpa Isua Krista huên ata khawngaihna leh 2  
remna in hnênah awm rawl se.

Kan Lalpa Isua Krista Pathian leh Pa chu fakín awm rawl 3  
se. Ani chuan vân *hmunalite* khiu Kristaah chuan thlarau lam  
malsâwm sakna tinrêngin mal min sâwn a; hmangaihnaa 4  
thianghlim leh sawisêlbovin ama hmaah kan awm theihna tûrin  
leilung pian hmam *Krista* nin thlan ang khân; a khawngaihna 5  
ropuizia fak tûrin ama lungduha lâwmzâwng augin Isua Krista  
zârah ama tân faa siam tûra nin lo ruat lâwk tawli avângin.  
Chu *khawngaihna* chu Duhtakaah chuan atilâwnin min pe a; a 7  
thisen avângin amahah chuan kan tanna kan nei a ni—a  
khawngaihna ngahzia ang zêla kan bawlihiatnate ngaihdamna  
chu. Chu *khawngaihna* chuan aman fng tak leh remhre takin 8  
min vûr a ni, a duhzâwng thurûk kan hnêna min liriattîrin; hun  
bi kim khawsak hunah a lâwmzâwng (engkim—vâna thil awnte, 9  
lei chunga thil awmte pawh—Krista fâwk khâwm tîr chu)  
amahin *tih* a tum ang khân; amah ngeikhi chuan a ni. Ama 11  
duhzâwnga remruat ang zêla thil engkim titi tum anga ruat  
lâwk ni tawhin, amahah baw chuan a ro tûra siam kan ni, keini 12  
Krista lo beisei hmasa tawhte li a ropui fakna kan lo nihna tûrin.  
Amahah chuan nangni pawh, thutak thu (in chhandamna 13  
Chanchin Tha chu) in ngaihtlâk a, rin pawl in rin hmin,  
amahah chuan Thlarau Thianghlini tiam chuan chhinchhiahin  
in awm kha. Chu chu *Pathian* ropuizia fak nân ama ta ngei tlan 14  
chhuahna tûrin kan roluahna tûra zakhamna a ni.

Chuvângin, kei pawhin Lalpa Isuaa rinna in zinga awm, 15  
mi thianghlimte zawng zawng chunga in *lantîr* baw thîn chu  
ka lo hriatin, kan Lalpa Isua Krista Pathian, ropuina Pa chuan, 16  
amah hriatna kawngah finna leh hriat chiantîrna thlarau a pêk  
theihna tîr che uin ka tawngtainahte chuan in hming lamin in  
chungâ lâwm thu hrilli ka bâng lo; chutichuan, in thilung mitte 18  
tilivâra lo awmin, ama kohna beiseina te, mi thianghlimbovah



chuan a ro luah tûr ropui ngahzia te, mitthi *zîng* ata a kaihthawh <sup>1 9</sup>  
 lai leh, lalna te, thuneihna te, thiltihtheihna te, rorêlna zawng  
 zawng te, he mi khawvêlah chauh ni lova *khawvêl* lo la thleng tûr  
 pawha hming sak tinrêngte chung daihah vân *hmunahte* a ding lama  
 a ðhuttir laia Kristaa a thawh, a thahrui chakna thawhzia ang zêl  
 khân keini ringtute lama a thiltihtheihna len nasatzia te hi, eng  
 ang nge a nih in hre thei ang. Tin, thil engkim a ke hnuaiah a <sup>22</sup>  
 dah a, amah cliu engkim zawng zawng chungah lu atân kohhranho  
 hnênah chuan a pe a, *kohhranho* chu a taksa a ni, engkim engkima <sup>23</sup>  
 tikhattu famkimna chu.

**2** Nangni pawh in bawhchhiat leh in sualte avânga thi in <sup>1</sup>  
 nih lai khân a tinung che u a ni; chûngahte chuan hmânah <sup>2</sup>  
 khân he khawvêl dân anga in awm kha, boruaka thuneihna lal,  
 tûna awi lo fate chhûnga thawk mêktu thlarau dân ang hian.  
 Chûng *awi lo fate* zîngah chuan, keini pawh hmânah chuan tisa <sup>3</sup>  
 leh rilru duhzâwng tiin, kan tisa châknate *angin* kan awm vek  
 a, mi dangte ang bawkin thinurna faa piang rêng kan nih kha;—  
 nimahsela, Pathian chuan khawngaihna a ngahin a ini hmangaihna <sup>4</sup>  
 nasa tak avâng khân, kan bawhchhiatnate avânga thi kan nih lai <sup>5</sup>  
 meuh pawhin, Krista rualin min tinung ve a, (khawngaihnaa  
 chhandam in ni ta e), Krista Isuaah chuan ama rual vêka min <sup>6</sup>  
 kaithovin, vân *hmunalite* ama hnênah min ðhuttir ta a: chutichuan <sup>7</sup>  
 hun lo la thleng tûrahte chuan Krista Isuaah hian kan chungah  
 ngilneiin, a khawngaihna ngah nasatzia chu a entir thei ang.  
 Rinna avânga khawngaihnaa chhandam in ni si a; chu pawh chu <sup>8</sup>  
 nangmahnia chhuak a ni lo va, Pathian thilpêk a ni; thiltih avâng  
 a ni lo ve, chutilochuan min an chhuang dah ang e. Thil ðha <sup>9</sup>  
 ti atân Krista Isuaah chuan siama awmin, ama kut chhuak kan  
 ni si a; chu *thil ðha tih* chu kan awmna tûrin, Pathianin a buatsaih  
 lâwk a ni.

Chuvângin, hmâna nangni tisaa Jentail, tisaa kuta siam <sup>11</sup>  
 “Serhtan” an tihten “Serhtanloh” an tihate u, khatih lai khânin, <sup>12</sup>  
 Krista lovin, Israelho khua leh tui nêin inmihranin, khawvêlah  
 hian beiseina rêng nei lo leh Pathian lova awmin, tiamna thuthlung  
 lakahte mikhuala in awm kha hre reng rawh u. Tûnah crawh <sup>13</sup>  
 chuan, Krista Isuaah, nangni hmâna hla taka awmte kha, Krista  
 thisen chuan tihhnaihin in lo awm ta a. Amah chu kan inremna <sup>14</sup>  
 a ni si a; ani chuan intaina (thiltih tûrahte thupêk dân awm chu) <sup>15</sup>  
 a tisaa tibovin, *pâwl* hnihte chu pumkhatah a siam a, an kâr  
 pindanna bang chu a tichim a; chutichuan amahah chuan pahnihte  
 chu mihring thar pumkhatah siamin inremna a siam thei ang a,  
 kraws zârah, taksa pumkhatah, pahnihte chu Pathian nêin a <sup>16</sup>  
 inremtir thei bawh ang, chu mi *kraws* chuan intaina chu a tihhlum  
 avângin. Tin, a lo kalin, nangni hla taka awm ðhînte hnênah <sup>17</sup>

renna Chanchin Tha a hrilh che u a, hui taka awm thinte hnénah pawh remna Chanchin Tha a hrilh baek a. Ama zâran 18  
Thlarau hmunkhata Pa hnêna luh theihna kan nei ve ve a ni.

Chutichuan, tânah mikhual leh mi châm mai in ni tawh lo va, 19  
ni thianghlilte nên chuan tualkhat leh Pathian chhúngte in ni  
ta zâwk a ni; Krista Isua ngei chu a kila lung pawinawh ber 20  
nîn, tirhkohte leh zâwlncite lungphûm chung a sak in ni a; amahah 21  
chuan lung rem hrang theuhite, rein taka chuktnahin. Lalpaah  
chuan biak in thianghlilnah a chang zêl thîn a; nangni pawh 22  
amahah chuan. Thlarauva, Pathian awmna túra rein khâwm  
in ni.

**3** Chuvâng chuan, kei Paula, nangui Jentailte avânga 1  
Krista Isua mi tâng hian—nangui tan Pathian khawngaih 2  
enkawlina hna mi pêk kha in lo hre tawh châwk ang a; khatia. 3  
thurûk chu hriattîrma hriattîra ka awm kha. hmâna tawi tea ka  
ziak ang thu kha; kha mi avâng khân. in chhiarin Krista thurûk 4  
ka hriatzia hi in hre thei ang. Chu chu tûn laia a tirhkoht 5  
thianghlilte leh a zâwlnei thianghlilte hnénah Thlarau hriattîrin  
a awm ta ang hian, tûn hna lam khân mihiring fate hnénah 6  
hriattîrin a awm ngai lo; chu chu lei hi a ni, Chanchin Tha avâng 6  
hian Krista Isuaah chuan, Jentailte hi robuahpui te, taksa pêngpui 7  
te, thutiam dawnpui te an nih hi. A thiltihtheihna thawhzia 7  
anga, athlâwna pêk Pathian khawngaihna chu mi pêk angzia  
zêlin chu Chanchin Tha rawngbâwtua siam ka ni.

Jentailte hnêna Krista hausakna chhui chhuah rual lohite 8  
chanchin hril tûr leh, thurûk chatuan atanga Pathian engkim 9  
siamtuah inthupa awin enkawlina chu engnge ni tih in zawng 10  
zawng entîr tûrin, kei mi thianghlilni zawng zawnga tê ber 11  
aia tê zâwk hnénah hian chu khawngaihna chu pêk a ni.  
Chutichuan, kan Lalpa Krista Isuaah tih a tum, a chatuana renruat 12  
ang zêlin, tûn laia vân hmunahte khian lalna leh thuneihnate  
hnénah chuan, Pathian sinna tinrêng kohhranho avângin hriattîrin  
a awm thei ang; chu Krista Isua kan rin avâng chuan amah 12  
vêkah chuan nêna leh ngam taka luh theihna kan nei.

Chutichuan, nangmahni vânga ka hrehawm tuarnate avâng 13  
hian beidawng lo tûrin ka ngên a che u, chhúngte chu in ropuina  
a ni.

Chuvâng chuan, Krista chu rinna avânga in thirlunga a chên 14  
theih nân, a ropuina ngahzia ang zêlin, a Thlarau zârah mihiring 15  
chhungnung lamah chuan thiltihtheihnaa tihchakin a awmtîr  
theihna tûr che nîn, Pa, lei leh vâna chhúngkaw tinrêng hming  
chawi chhana hinaah chuan ka thingthi thîn a; chutichuan,  
Pathian famkimna tinrêng thuka tihkhaha in awin theih nân,  
nangni hinangaihnaa zung kai leh ngahchhan neia awmin, mi

thianghlim zawng zawng nêh chuan *a* zauzia te, *a* seizia te, *a* sânzia te, *a* thûkzia te hriat chian theihna leh, Krista hmangaihna hriat phâk loh hriat *theihna* in nei thei ang.

Tichuan, keimahnia thawk thîn thiltihtheihna ang zêlin, kan 20  
dîl leh kan ngaihtuah zawng zawng aia nasa zâwk titheitu hnênah  
ngei chuan, chatuanin chhuan zawng zawng thlengin, koh- 21  
hranhovah leh Krista Isuaah chuan ropuina awm rawh se. Amen.

**4** Chutichuan, inggaihlâwmna leh thuhnuairawlhna zawng  $\frac{1}{3}$   
zawng *neia*, hmangaihnaa indawh tawn chungaw dawhtheihna  
*neia*, remna phuarnaah chuan Thlarau inpumkhatna chu vawng  
tûra beia, *a* kohna che u phua awm tûrin, kei, Lalpaa mi tâng  
hian ka ngên *a* che u. A koh chhan che u beiseina hmunkhata 4  
koh in ni ang bawk khân taksa pakhat leh Thlarau pakhat *chauh*  
*a awm a*; Lalpa pakhat, rinna limunkhat, baptisma hmunkhat, 5  
engkim Pathian leh Pa pakhat *chauh a awm a*; ani chu engkim 6  
chungah *a awm a*, engkim fang chhuakin *a awm a*, engkim chhûngah  
*a awm bawk a ni*.

Nimahsela, athlâwna Krista thilpêk tehna ang zêlin 7  
khawngaihna chu kan hnênah theuh pêk *a ni*. Chuvângin, 8

“Chung lama *a* han chhoh lai khân

Mante chu salah *a* hruai *a*,

Mihringte hnênah pawh

Thilpêkte *a* pe *a*,”

*a* tih chu.

(Tichuan, “A han chho,” *tih* hi, lei hmun hnua berahte 9  
*a* lo chhuk hmasak zet loh chuan engtiunge ni ang le? Lo chhuka 10  
chu, engkim *a* tikhah theih nâna, vân zawng zawng chung  
daiha han chhova vêk bawk kha *a ni*.) Tin, rinna leh Pathian 11  
Fapa hriatna kawngah chuan thu khat vuaa, puitlinga, Krista  
famkimna lenzia tluka kan zaa kan lo awm hma loh zawng,  
rawngbâwl hna thawk tûra mi thianghlimte tihfamkim nân,  
Krista taksa siamtha tûrin thenkhatte chu tirlikoli *atân* te, then-  
khatte chu zâwlnei *atân* te, thenkhatte chu Chanchin Tha hriltu  
*atân* te, thenkhatte chu kohhran châwmtu leh zirtirtu *atân* te *a* pe  
*a*; chutichuan, dik lohna ngamthlêmna angin, fîng vervêka mihring 14  
bum chawpin, zirtîrna thli tinrênga leh lam leh lama vawrh leh  
len len naupang kan ni tawh lo vang *a*, hmangaiha thu dik tak 15  
sawiin, engkimah amahah kan thang lian thei zâwk ang: *amah*  
chu Lu *a ni*, Krista chu. Amaha zârah taksa pumhlûm chuan, 16  
inzawmna tinrêng thawh avânga rem taka inchuktuah leh inzawm  
khâwmin, pêng tin thawhia ang theuhvin, hmangaihnaa in-  
siamtha tûrin, taksa chu *a* lo tipung thîn *a ni*.

Chutichuan hei hi ka sawiin Lalpaah chuan ka hriattîr *che* 17  
*u a ni*: Jentailte chu rilru lawi lo pua an awm angin awm tawh

suh ula, hriat lohna annahniah a awm, chu ni *hriat lohna* avâng 18  
 chuan Pathian nunna lakah thena lo awnui, an hriatnaah chuan  
 an lo thim a ni, an thinlung a chawlawl avângin. Chùngte 19  
 chuan inhriat chhuah theihna rêng rêng an neih tawh loh avângin,  
*thil* bawlhhlawh tinrêng duhâm taka ti tûrin hurnaah an inpumpêk  
 ta a. Nangni erawh chuan chutiengin Krista chu in zir lo ve; 20  
 a *aw* ngaithlaa amahah zirtîra awm in nih tawh phawt chuan, 21  
 Isuaa thutak awm ang hi: “ In hmân lai awm dân kawnga mihring 22  
 hlui, bumna châkna anga chhe deuh deuh kha, hlíp thla ula,  
 in rilru thilaravah chuan a tharin lo awm ula, mihring thar, 23  
 thutak felna leh thianghlimnaa Pathian anga siam khân, inthuum 24  
 bawk ula,” *tih thu hi.*

Chutichuan, dâwt sawi bânin, mahni thenawin hnênah 25  
 thu dik tak sawi theuh rawh u; inpêng tawn theuh kan ni si a.  
 Thinrim ula, sual erawh chu sual suh u; in thinur chu niin tlâkpui 26  
 suh se; Diabola chu lunun kian hek suh u. Rûkhmang chuan 27  
 ru tawh suli sela; tlachham hnênah chuan pèk tûr a neih theihna 28  
 tûrin a kuta thil tha thawkin rim zâwk rawh se. Thu tha lo 29  
 rêng in kaan chhuak suh se, a tûlzia ang zêla siamtha tûrin *thu*  
 tha apiang *chhuak zâwk rawh se*, a ngaithlatute tân khawngaihua  
 a lo nih theih nân. Tin, Pathian Thilarau Thianghlim chu 30  
 tilungngai suh u, tlanua ni atân chuan amahah chhinclihiaha  
 in awm kha.

Khâkna te, thinurna te, tanhna te, ânna te, sawichhiatna te 31  
 zawng zawng chu bânsanin awm rawh se, sualna zawng zawng  
 nân. Tin, inkhawngaih tawna lainatna neiin awm ula, Pathianin 32  
 Kristaa a ngaidam che u ang bawkin inggaidam tawn rawh u.  
**5** Chutichuan, a fa duh takte angin Pathian awm dân latute 1  
 ni rawh u. Tin, Kristan a hmangaih che u a, rimtui atân 2  
 Pathian hnêna thil hlanah leh inthawinaa kan aia a inpêk ang  
 bawk khân hmangaihnaah awm rawh u.

Nimahsela, ini thianghlimte tiha mawi awn rêngin, inggaih 3  
 leh bawlhhlawh zawng zawng, duhâmna nân, in zîngan lam pawl  
 lamin awm suh se; zahmawh te, thu lawi lo sawi te, fiamthu te 4  
 pawh, chûng chu a mawi lo a ni; chûng *tih* ai chuan lâwm thu  
 hrii zâwk rawh u. Inngaihhmang leh ini bawlhhlawh leh, mi 5  
 duhâm rêng rêng chuan (*mi duhâm* chu milem betu a ni a) Krista  
 leh Pathian ramah chuan chan rêng an nei lo a ni tih in hre hlesi a.

Tuman thu lawi lo maiin bum che u suh se; chûng thil avâng 6  
 chuan Pathian thinur chu awi lo fate chungah a thleng si thîn a.  
 Chuvângin anmahni tawmpui suh ang che u. Hmânah khân 10  
 thim in ni a, tûnah erawh chuan Lalpaah chuan êng in lo nih  
 tâk hi; Lalpa lâwmzâwng engnge ni tih fiahin, êng fate angin  
 awm rawh u, êng rali chu thatna leh, felna leh, thutak zawng

zawngah a lang si a. Tin, thim thiltih rah nei ngai lovahte chuan 11  
 telna rêng nei suh ula, *tel* ahnêkin a thiam lohzia hriattîr zâwk  
 rawh u; arûka an thil tih thinte chu a sawi pawh a zahthlâk si a. 12  
 Amaherawhchu, thil engkim a thiam lohzia hriattîra awm hi, êng 13  
 tihlan a ni thîn: tihlana awm apiang chu êng a ni si a. Chuvângin, 14

“Nang muhil! meng la,  
 Mitthi zîng ata tho rawh,  
 Tichuan, Krista chuan  
 A chhun êng ang che,”

a tih kha.

Chutichuan, mi fing lote anga *awm* lovin, mi fingte anga *awm* 15  
 zâwkin, in awm dânah fîmkhur rawh u; nite hi a that loh avângin 16  
 remchânate lei zêl rawh u. Chu mi avâng chuan â duh suh 17  
 ula, Lalpa duhzâwng engnge ni tih lo hre zâwk rawh u. Tin, 18  
 uain ruiin awm suh u, chu miah chuan insûm lohna a awm si a;  
 Thlarauv khatin awm zâwk rawh u. Fakna hlate, Pathian hlate, 19  
 thlarau lam hlatea inbe tawnin, Lalpa chu in thinlunga hla sak  
 sak, tîngtang kai sak rawh u. Kan Lalpa Isua Krista hmingin, 20  
 Pathian, Pa ngei hnênah chuan, engkim chungah lâwm thu hril  
 fo rawh u. Krista tîh dêkin intulût tawn theuh rawh u. 21

Nupuite u, Lalpa hnêna in *intulût* ang hian mahni pasalte 22  
 hnênah *intulût* rawh u. Krista chu amah ngei taksa chhandamtu 23  
 nia, kohhranho lu a ni ang bawh hian, pasal chu nupui lu a ni si a.  
 Chutichuan, kohhranho Krista hnêna an intulût ang bawh hian 24  
 nupuite chu engkimah an pasalte hnênah *intulût* rawh se.

Pasalte u, in nupuite hmangaih rawh u, Kristan kohhranho 25  
 a hmangaih a, an aia mahni a inpe ang khân, *anni* chu tua sila 26  
 thu chuan tifaiin a tithianghlim theih nân; chutichuan, 27  
 kohhranho chu, bawhlhlawh kai lo leh, zûr lo leh, chutiang thil  
 rêng pu lovin, thianghlim leh hmêlhem lova awm zâwkin, amah  
 leh amah *kohhranho* ropui takah a inpe chawp thei ang. Chutiang 28  
 bawkin pasalte pawhin mahni taksate angin mahni nupuite chu an  
 hmangaih tûr a ni. Mahni nupui hmangaihtu chu mahni  
 inhmangaih a ni. Tuman mahni tisa an haw ngai si lo va, an 29  
 chawmin an duat zâwk thîn a ni. Kristan kohhranho a *chawmin* a  
*duat* ang hian; a taksa pêngte kan ni si a. Chu mi avâng chuan 30  
 mipain a nu leh a pa kalsanin a nupui a vuan ang a, tin, an pahnih 31  
 chuan tisa pumkhat an lo ni tawh ang. Chu thurûk chu a ropui 32  
 a ni, nimahsela, kei zawngin Krista leh kohhranho thu ka sawi  
 a ni. Engpawh ni sela, nangmahni zînga mi pawhin mahni a 33  
 inhmangaih ang bawkin mahni nupui hmangaih theuh rawh se:  
 nupui pawh chu a pasal tîh dêk tûrin *fîmkhur* rawh se.

6 Naupangte u, Lalpaah chuan in nu leh in pate thu zâwm 1  
 rawh u; chu chu *thil* dik a ni si a. “I nu leh i pa chawimawi 2

rawh,” (chu chu thupêk tiam nei hmasa ber a ni). “ Chutichuan 3  
i tân a ̣ha ang a, leiah hian i dam rei bawk ang.”

Tin, nangni pate u, in fate tithinur suh ula, Lalpa thununnaah 4  
leh zilhnaah chuan enkawl zâwk rawh u.

Bawite u, Krista *thu zâwm* angin ̣ih dèk leh khûra thinlung 5  
sakhat vuain, mihring tilâwmtute *mâi* anga mit rawng bâwl lovin, 6  
Krista bawi anga thinlunga Pathian duhzâwng ti zâwkin, mihring 7  
*rawng bâwl ang mâi* ni lovin, Lalpa *rawng bâwl* ang zâwka duh tak 8  
chunga rawng bâwlin, bawi ni sela, bawi ni suh sela, mi ̣in ̣in 8  
thil ̣ha an tih ̣heuh apiang chu Lalpa hnên ata a ngai vèk an  
hmu leh ang tih hriain, tisia in hotute *thu zâwm* rawh u.

Tin, nangni hotute u, chutiang bawkin, anmahni leh 9  
nangmahni Hotu chu vânah a awm tih leh, ani chuan mi duhsak  
bik a nei lo tih hriain, vau lovin an chungah ti *ve* rawh u.

A tâwp berah chuan, Lalpaah leh a chakna thahruiah chuan 10  
thiltihtheihna nein lo awm rawh u. Diabola ngamthlêm̄nate 11  
chu in do zawh nân Pathian râlthuum famkimin inthuum rawh  
u. Kan buante hi tisa leh thisen an ni si lo, lalnate leh, 12  
thuneihnate leh, he thim chungah khawvêl rorêltute leh, vâ  
*hmun*hte thlarau سوالھ awmte an ni zâwk e. Chuvângin ni 13  
̣ha lovah chuan in do zawhna tûr leh, in tih zawh vek hnu pawh-  
a in din theihna tûrin, Pathian râlthuum famkim chu la rawh u.

Chutichuan, in kâwng chu thutaka hrêngin, felna âwmphaw 14  
chu hain, remna Chanchin ̣ha inbuatsaihna chu in keah bunin 15  
ding rawh u: chûng lo pawh chu rinna phaw la ula, chu mi chuan 16  
mi sual thal alh thei zawng zawng chu in timit thei ang. Tin, 17  
chhandamna lukhum leh Thlarau ngûnhnâm (Pathian Thu chu)  
la ula, ̣awng̣tâina leh dilna tinrêngin eng hun pawha Thlarauva 18  
̣awng̣tâiin, chu mi kawngah chuan mi thianghlim zawng zawng  
tân ̣hahnemngai tak leh dil tlatin ngaihven rawh u; Chanchin 19  
̣ha thurûk huai taka puang tûra, ka kâ ka âna thu sawitira ka  
awm theih nân ka tân pawh *mi dil sak rawh u*, chu mi kawngah 20  
chuan ka sawi tûr ang chu huai taka ka sawi theihna tûrin. Chu  
mi *Chanchin ̣ha* palai khaidiat bun ka ni.

Nimahsela, nangni pawhin engtinngê ka awm, ka chanchin 21  
in hriat theih nân, Tukika, Lalpaa unau duh tak leh rawngbâwltu  
rinawm tak hian, engkim a hriattir ang che u; he mi avâng tak 22  
hian amah chu in hnênah karawn tîr a ni, kan chanchin in hriat  
theihna tûr leh, ani hian in thinlung a tihthlamuan theihna  
tûrin.

Pa Pathian leh Lalpa Isua Krista hnên ata remna leh rinna 23  
tel hmangaihna uanaute hnênah khân awm rawh se. Kan 24  
Lalpa Isua Krista chuai lova hmangaihtute zawng zawng hnênah  
khawngaihna awm rawh se.

# Philippi Khuaa Mite Hnêna Tirkoh

## Paula Lehkha Thawn

---

Paula leh Timothea, Krista Isua bawite chuan: Krista 1  
Isuaa mi thianghlim Philippi khuaa awm zawng zawngte  
hnênah, *kohhran* hotute leh rawngbâwtute hnênah nêh.

Pathian kan Pa leh Lalpa Isua Krista hnên ata khawngaihna 2  
leh remna in hnênah awm rawh se.

Ni hmasa ber ațang khân tûn thlengin Chanchin Tha puan 3  
darhnaa in tel ve thîn avângin ka hriat chhuah apiang che uin  
ka Pathian hnênah lâwm thu ka hril thîn, nangmahni zawng zawng  
ka țawngțai sakna che u apiangah hlîm taka dîl fovin.  
Nangmahnia thil tha ti țantu khân Isua Krista ni thlengin a 6  
tifamkim zêl dâwn, chu ngei chu ka ring tlat si a. Nangmahni 7  
zawng zawng lamah chutiang rilru put chu kei atân chuan a âwm  
rêng a ni, ka thînlungah ka vawn che u avângin; ka kawlbunnaahte,  
Chanchin Tha thiamna thu ka sawinaah leh ka tihnghehnaahte  
pawh, in zain khawngaihna chu mi țawmpuitute in ni si a. Krista 8  
Isua lainatna chuan in zavaiin ka ngaihzia mai che u chu Pathian  
mi hriatpuitu a ni asin le.

Tin, in hmangaihna in hriat famkimna leh bengvârna tinrêng 9  
a ngah lehzual nân ka țawngțai thîn hi; chutichuan, Pathian  
ropuina leh fakna tûra Isua Krista zâra felna rah awm chuan  
lo khatin, Krista ni atân chuan ataktak leh sawisêlbo in nih theihna  
tûrin, thil tha bikte chu tha in ti thei ang.

Tin, unaute u, ka chung a thil lo thlengte kha Chanchin Tha 12  
tihdarhna tûr a lo ni ta hlah zâwk tih in hriat ka duh  
a ni; chutichuan, ka kawlbunnate hi Praitorian sipai pâwl zawng 13  
zawng zingah leh mi dang zawng zawng hnênah chuan Krista  
avâng a ni tih a lang chhuak ta: Lalpaa unau tam zâwkte pawh 14  
chuan ka kawlbunte avânga lo ring tlatin, hlau lovin Pathian thu  
hrilh kawngah an huai nasa lehzual a ni. Thenkhat zawngin itsik 15  
leh hnialna avâng pawhin Krista thu an tlângaupui thîn; thenkhat  
erawh chuan lâwm avângin an tlângaupui bawk thîn: pâwl pakhat 16  
chuan, Chanchin Tha thiamna thu sawi tûra ruat ka ni tih hriain,  
hmangaih avângin an hril thîn a ni; pâwl pakhat erawh chuan, 17  
ka kawlbun chungah hian lungngaihna mi belhchhah sak tumin,  
ti taktak ni lova, hnialna avângin Krista thu an hril zâwk thîn.

Eng tizia nge ni le? Engmah dang a ni lo va, kawng tinrêngah 18  
 aderin emaw, atakin emaw, Krista *thu* hrilhin a awm rêng rêng  
 a ni; chûngah chuan ka lâwm a, a ni, ka la lâwm zêl ang. Chu 19  
 chu in mi tawngtai sakna avâng leh Isua Krista Thlarau mi pêk  
 avângin, ka chhandamna a lo ni dâwn tih ka hre si a, engah mah  
 tihmualphovin ka awm dâwn lo va, huai taka, *ka awm* pângngai 20  
 ang fovin, tûnah pawh nunna avângin emaw, thihna avângin  
 emaw, ka taksaah Krista chawimawiin a awm zâwk dâwn tih ka  
 beiseina leh ka châkna ang zêl hian. Kei atân zawng nun hi 21  
 Krista a ni si a, thih pawh hlâwkna a ni. Nimahsela, tisaa nun 22  
 hi *ka chan* ni sela—chu chu ka hnathawh rah ni *ang sela*, chutichuan  
 a engnge ka thlan zâwk dâwn zawng ka hre lo. A lai laklawhah 23  
 hian a ngaihna hre lovin ka awm mai a ni, kal chhuaha Krista  
 hnêna awm châkna ka neih avângin, chu chu a tha zâwk êm  
 êm si a. Nimahsela nangmahni avângin tisaa awm reng hi a 24  
 tûl zâwk a ni. Tin, chu chu ka rin tlat avângin ka awm reng 25  
 dâwn tih ka hria, a ni, rinnaah chuan in lo than lenna tûr leh  
 in lâwmna tûrin in zaa hnênah ka awm reng dâwn tih  
 ka hria, chutichuan in hnêna ka awm leh dâwn avângin in mi 26  
 chhuanna chu Krista Isuaa a nasat lehzual theihna tûrin.

Engpawh ni sela, in awm dân chu Krista Chanchin Tha 27  
 nên inmawi phawt rawh se, chutichuan, nangmahni rawn kan  
 che u mah ila, in hnênah awm lo mah ila, thlarau hmunkhata ding  
 nghetin, rilru hmunkhata Chanchin Tha rinna *thu tana* bei  
 tlângin, dotute eng kawngah mah hlau lovin in awm tih, in  
 chanchin ka hre thei ang, chu chu anmahni tân boral *tûr an nih*  
 hriattirna fiah tak a ni, nangni tân crawh chu chhandam *tûr in nih*  
 hriattirna fiah tak a ni zâwk e, chu pawh chu Pathian laka mi a ni.  
 Krista avânga amah in rin chauh ni lovin, amah avânga in tuar 29  
 pawh phal a ni si a; indona keimaha in hmuh thin, tûnah pawh 30  
 keimahah a awm tih in hriat, chu mi ngei chu in neih *ve* tâk hi.

**2** Chutichuan, Kristaah tanpuina rêng rêng te, hmangaih 1  
 thlamuanna rêng rêng te, Thlarau pâwna rêng rêng te,  
 lainatna leh khawngaihna rêng rêng te a awm chuan, rilru  
 hmunkhata awmin, hmangaihna hmunkhat neiin, inthuruala 2  
 rilru hmunkhata awmin, ka lâwmna tifamkim rawh u. Elrel 3  
 leh inngaihhlut avânga engmah ti lovin, mi tinin inngaitlâwm  
 takin mahni aiin mi dang tha zâwkah ruat theuh *rawh se*; mahni 4  
 ta ta *mai* en lovin, mi dang ta pawh *en* theuh zâwk rawh u.

He rilru, Krista Isua pawha awm baw kha, nangmahniah 5  
 awm rawh se; ani zawngin Pathian anga awma, Pathian tluka 6  
 awm chu thil thlâkhlelh hleih theihah a ruat lo va, mihringte  
 anga lo piangin, bawi angah a insiam a, amah leh amah a 7  
 intitlâwm ta zâwk a. Tin, mihring anga lo awmin, a inngaitlâwm 8



a, thi khawp hiala thu zâwmin a lo awm ta a, kraws-a thihna ngei chu. Chu mi avâng chuan, Isua hmingin mi tin—vâna mite, <sup>9</sup> leia mite, lei hnuaia mite nê—an thingthit nân leh, Pa Pathian tihropuina tûrin, “Isua Krista chu Lal a ni,” tiin, lei tinrêngin a puan nân, Pathianin ani chu nasa takin a chawimawi ve ta thung a, hming zawng zawnga hming chungnung ber chu a pe ta a.

Chutichuan, ka duh takte u, thu in zawm fo ang khân ka awm 12 chauhva *thawk* lovin, tûna ka awm loh hlân hian *thawk* zâwk mahin, hlau leh khûr chungin nangmahni chhandamna *thawk* chhuak rawh u; ama lâwmzâwng atâna tih tum tûr leh bei tûra 13 nangmahnia *thawktu* chu Pathian a ni si a.

Sual nei lo leh nuntlangte, chhuan bengtla lo leh tihmawhte <sup>††</sup> zînga Pathian fa sawisêlbote in nih theihna tûrin phunnawina leh inhnialnate awm lovin engkim ti rawh u, (chûngho zîngah chuan nunna thu hlânin khawvêlah hian tiêngtu angin in lang thîn,) chutichuan athlâwna tlân ka nih loh va, athlâwna *thawk* 16 rim ka nih hek loh avângin, Krista niah chuan chhuan tûr ka nei thei ang.

A ni, in rinna inthawina leh rawngbâwlina chungah chuan 17 leih buakin awm dâwn mah ila ka lâwm a ni, in zain ka lâwmpui baw a che u. Chutiang bawkin nangni pawh lâwm ulangin, 18 mi lâwmpui ve rawh u.

Nimahsela, in chanchin ka hriat a, ka thlamuan ve theihna 19 tûrin, rei lo tê chinah Timothea hi in hnêna rawn tîrh Lalpa Isuaah chuan ka beisei a ni. Hetiang rilru pu, in awmzia tih tak zeta 20 ngaihtuah saktu tûr che u tumah ka nei si lo. An zain Isua 21 Krista tân zawng lovin, mahni tân an zawng si thîn. Nimahsela, 22 ani hi chu fiaha a awm tawhzia in hria, fain a pa rawng a bâwl angin, Chanchin Tha tihdarh kawngah rawng mi bâwlpui thîn kha. Chutichuan, ka chanchin tûr ka hriat velehi ani hi rawn 23 tîr nghâl ila ka ti a ni.

Nimahsela, keimah ngei pawh rei lo tê china lo kal Lalpaah 24 chuan ka inring tlat a ni. Nimahsela, Epaphrodita, ka unaupa, ka 25 hnathawhpui, ka sipaipui leh in tîrhkoh, ka thil tlâkchhama mi chhawmdâwltu hi in hnêna rawn tîrh tûlin ka hria. Ani chuan 26 in zain a ngai êm êm si che u a, a nâ tih in lo hriat avângin nasa takin a lungngai baw a. Thi chhâwnga nâ zawng a ni ngei 27 tak a; nimahsela, Pathianin ani chu a khawngaih a; tin, ani chang ni lovin, lungngaih chungah lungngaih lehzuallna ka neih loh nân kei mi *khawngaih* a ni fâwm baw e. Chutichuan ani 28 hi in hmuh leh huna in lâwm theihna tûr leh, kei ka lungngaih a thathnem theihna tûrin ka rawn tîr hmanhmawh deuh a ni. Chutichuan, ani hi hlim takin Lalpaah chuan lo lâwm ulangin, 29

hetiang mi hi ngaihlu rawh u; in mi chhawmdâwna tlin bâk chu 30  
 chhunzawm nân thih dâwn lova bein, Krista hnathawhna avângin  
 thi chhâwngin a lo awm ta si a.

**3** A tâwp berah chuan, ka unaute u, Lalpaah lâw m rawh 1  
 u. Thu pângngaite in hnêna zia k nawn leh hi kei atân 2  
 zawng ninawm a ni lo ve, nangni tân a sâwt baw k si a. Ui lakahte 2  
 chuan fimkhur rawh u, thil tha lo titute lakah chuan fimkhur  
 rawh u. Innghaisaho lakah chuan fimkhur rawh u. Keini, 3  
 Pathian Thlarau zâra *Pathian* bia leh, Krista Isua chhuang leh,  
 tisa chung a rinna rêng nghat lotute hi Serhtanho kan ni zâwk  
 si a.

Duh phei ila, kei pawh tisa chung a rinna nghat thei ka ni 4  
 asin. Mi dang rêng rêngin tisa chungah rinna nghahchhan  
 neia an inruat chuan, kei ka *inruat* leh zual a ni; ni riat nia serh 5  
 tan, Israela thlaha mi, Benjamina chia mi, Hebraite laka Hebraia 5  
*piang ka ni a*; Dân lamah chuan Pharisai *ka ni a*; thahnemngaih 6  
 lamah chuan kohhranho tiduhdahtu *ka ni a*; Dân thua felna 6  
 lamah chuan sawisêlbo ka ni. Nimahsela, ka tâna hlâwkna tûr 7  
 apiangte chu chûng chu Krista avângin chânnah ka ruat ta a 7  
 ni. A ni tak meuh mai, ka Lalpa Krista Isua hriatna ropui 8  
 bikzia avângin thil engkim pawh chânnah ka ruat a ni; amah 8  
 avângin thil zawng zawng ka chân ta vek a, chûng chu  
 hnâwmhneah lek ka ngai a, Krista ka hmuh theihna tûr leh, 9  
 mahni felna (Dâna felna chu) nei lovin, Krista rin avânga *felna*  
 (rin avânga Pathian laka felna chu) nei zâwkin, amaha awm ka 10  
 lo nih theihna tûrin; a thihna anpuia thiin, amah nê, a thawhlehnâ 10  
 thiltihtheihna nê, a tuarnate tawmpuina nê ka hriat theih 11  
 nân; mitthi zîng ata thawhlehnâ chu ka chang thei hrâm mahna, 11  
 tiin.

Hmu tawh reng inti ka ni lo va, famkim tawh reng inti pawh 12  
 ka ni hek lo; “Krista mi man chhan chu ka man thei dah law 12  
 maw,” tiin, a ûmin ka ûm zâwk a ni. Unaute u, manah ka 13  
 inngai lo. Amaherawhchu *he* thil pakhat *hi ka ti thîn*—hnung lama  
 thil awmte chu theihngihla, hma lama thil awmte chu banin,  
 Krista Isuaa Pathian chung lam koh chhan lâwmmah *hmu* tûrin, 14  
 tiam chin lam chu ka pan tâl tâl a ni. Chutichuan, puitling 15  
 apiang chutiang rilru puin i awm ang u; tin, eng *kawngah* pawh  
 rilru danglam pu in lo nih chuan, chu pawh chu Pathianin a la  
 hriattîr ang che u. Engpawh ni sela, kan phâk chin ang zêl 16  
 hian i awm phawt mai ang u.

Unaute u, ka *awm dân* zirtute lo ni hlawm rawh u, tin, entawn 17  
 tûr keini min nei a, chu mi ang zêla awmte chu en tha rawh u.  
 Mi tam tak an kal a, chu mite chu Krista kraws hmêlma *an ni* tih 18  
 an chanchin ka hrilh fo che u kha, tûnah pawh tap chungin ka

hrilh che u hi; chûngho tâwpna chu boralna a ni, an pathian chu an pum a ni, an ropuina pawh chu an mualphona a ni, khawvêl thil an duh t̄hîn a ni. Keini zawng kan khawsakna chu vânah a 20 ni si a; chuta t̄ang vêk chuan Chhandamtu, Lal Isua Krista chu kan nghâk reng a ni. Ani chuan a thawhin, engkim pawh 21 ama thu thuin a awmtîr thei, chu mi thawhzia ang zêlin kan tlâwm lai taksa hi, ama taksa ropui anga awm tûrin, a siamtha leh ang.

**4** Chuvângin, ka unau duh tak leh ngaih tak, ka lâwmna leh. 1 ka lallukhumte u, chutiang chuan Lalpaah ding nghet rawh u, ka duh takte u.

Lalpaah chuan rilru hmunkhat pu tûrin Euodii ka ngên 2 a, Suntuki pawh ka ngên bawk a ni. A ni, nang pawh, ka 3 nghâwngkaw! bahpui taktak, ka sâwm bawk a che, kha hmeichhiate kha t̄anpui rawh. Chanchin Thaah chuan mi beipui si t̄hîn a, Klemenena nê, ka thawhpui dang Nunna Bua hming chuangte nê khân.

Lalpaah chuan lâwm fo rawh u: ka ti leh pek t̄hîn ang, Lâwm rawh u. In dawhtheihzia mi zawng zawng hriat ni rawh se. 5 Lalpa chu a hna! e. Engah mah mangang suh u; engkimah 6 t̄awngt̄ai leh d̄ilin, lâwm thu hril tel zêlin, in duhnate chu Pathian hnênah hriattirin awm zâwk rawh se. Tichuan Pathian 7 thlamuanna rilru rêng rênga hriat sên loh khân, in thinlung leh in ngaihtuahnate chu Krista Isuaah chuan a vên sak ang che u.

A tâwp berah chuan, unaute u, a dik apiang te, a zahawm 8 apiang te, a fel apiang te, a thianghlim apiang te, a duhawm apiang te, a thangmawi apiang te—th̄atna rêng a awm a, fakna rêng a awm phawt chuan—chûng chu ngaihtuah rawh u. In 9 thil zir te, in thil pawm te, in thil hriat te, keimaha in thil hmuh te pawh kha, khâng ang kha ti t̄hîn ang che u; tichuan Thlamuanna Pathian chuan a awmpui ang che u.

Nimahsela, in mi ngaihtuah sakna chu tûn hnua in rawn 10 tihthar leh tâk avâng hian Lalpaah chuan ka lâwm hle a ni; chutiang kawng chu ngaihtuah kha zawng in ngaihtuah teh meuh va, remchâng erawh chu in hmu lo mai a ni. Ka tlâkchham 11 thu sawi zawng ka ni lo ve; kei zawng eng ang pawhin awm mah ila, lungawi zêl ka chîng tawh si a. Tlâwm taka awm dân ka 12 thiam a, hausaa awm dân pawh ka thiam bawk a; thil tinrêngah leh thil zawng zawngah tlai leh ril̄t̄ama awm dân, hausa leh tlachhama awm dân thurûk chu ka hre chhuak tawh. Mi 13 tichaktuah chuan engkim ka ti thei a ni. Nimahsela, ka 14 mangannahte hian mi lo manganpui hi in tītha e. Tin, nangni 15 Philippi-a mite u, Chanchin Tha thlen tirh laia, Makedonia ram ātanga ka kal chhuah lai khân, nangni chauh lo chuan kohhran pâwl pakhat mahin thilpêk leh dawn kawngah chuan

mì tạnpui lo tih nangni ngeiün in hre baw k a; Thessalonika khuua 16  
*ka awm lai* pawh khân, ka tlâkchhamna phuhrûk tûrin, vawi khat  
 chang ni lovin, vawi hnih lai in rawn thaw n kha. Thilpêk chu 17  
 zawng ka ni lo va; rah, nangmahni lama pung *túr* chu, zawng  
 ka ni zâwk e. Nimahsela, engkim ka nei a, ka ngah a ni;  
 Epaphrodita *kuta* in thil *mî* thawnte chu ka lo hmu a ka phuisui ta. 18  
*Chûng chu* englo rímtui rim, inthawina chhân tlâk, Pathian  
 lâwmzâwng a ni. Tin, ka Pathian chuan Krista Isuaa a ropuina 19  
 ngahzia ang zêlin, in tlâkchhamna tinrêng pawh a phuhrûk sak ang  
 che u.

Tin, kan Pathian leh kan Pa hnênah chuan chatuanin ropuina 20  
 chu awm rawh se. Amen.

Krista Isuaa mi thianghlim tinrêng chibai *mî* bûk sak ang che 21  
 u. Ka hnêna unau awmte hian chibai an bûk a che u. Mi 22  
 thianghlim zawng zawngten chibai an bûk che u a, Kaisara  
 chhûngte zînga mi hian an bûk deuh ber a che u.

Lalpa Isua Krista khawngaihna chu in thlarau hnênah awm 23  
 rawh se.

# Kolossa Khuaa Mite Hnêna Tirkoh

## Paula Lehkha Thawn

Paula, Pathian duhzâwnga Krista Isua tirkoh leh Timothea 1  
 kan unau chuan:  
 Kolossa khuaa Kristaa mi thianghlimte leh unau rinawmte 2  
 hnênah chuan.  
 Pathian kan Pa hnên ata khawngaihna leh remna in hnênah  
 awm rawh se.  
 Vânah in tân beiseina an dah sak che u avângin, Krista Isua 3  
 in rinzia leh mi thianghlim zawng zawngte chung a hmangaihna  
 in neihzia kan lo hriat achin, in tâna ãawngtâi fovin, Pathian  
 kan Lal Isua Krista Pa hnênah chuan lâwm thu kan hril ãhîn 4  
 a. Chu mi *beiseina* chanchin chu, hmânah, Chanchin *Tha* thutak  
 thua khân in hre tawh. Chu mi *Chanchin Tha* chu khawvêl 5  
 zawng zawngah rahin a pung zêl ang bawk hian in hnêna a thlen  
 kha. Chutiang bawkin, Epaphra kan bawipui duh tak laka in  
 zir angin, tih tak zeta Pathian khawngaihna chu in ngaihlâk a in  
 hriat ni achinah khân, nangmahniah pawh *rahin a pung zêl* ãhîn 6  
 a ni. *Epaphra* hi kan ai awhin Krista rawngbâwltu rinawm tak 7  
 a ni a, ani hian thlarauva in hmangaihna chu min hrilh bawk a.  
 Chu mi avâng chuan, thlarau lam finna leh hriat theihna 8  
 zawng zawng kawngah ama duhzâwng hriat famkimnaah chuan  
 in lo khah theih nân, kan hriat ni achin chu keini pawhin ãawngtâi  
 leh dîl sak che u kan bâng lo; chutichuan, hnathawh tinrênga 9  
 lo rahin, Pathian hriat famkimna kawnga lo sâwt deuh deuhvin,  
 hlim taka chhelna leh dawhtheihna tinrêng *nei* tûra a ropuina 10  
 chakzia ang zêla chakna tinrênga lo chakin, Pa, ênga mi  
 thianghlimhote ro chu ãawm ve tlâka min rawn siamtu hnênah  
 chuan lâwm thu hrilin, kawng tinrênga *amah* tilungawi tûrin 11  
*Lalpa zui* tlâkin in awm thei ang. Ani chuan thim thuneihna 12  
 laka min chhan chhuakin, a Fapa hmangaih taka ramah chuan min  
 kaitir ta a; amahah chuan kan tlanna kan hmu a ni—kan sualte 13  
 ngaihdamna chu. Ani chu hmuh theih loh Pathian anpui, 14  
 thil siam zawng zawnga piang hmasa ber chu a ni a; amahah 15  
 chuan engkim siam a ni a, vâna awmte, leia awmte nêh, hmuh  
 theihthe, hmuh theih lohte nêh, lalthutphahte pawh rorêlnate  
 pawh, lalnate pawh, thuneihnate pawh; engkim ama siam a ni, 16

ama ta tûr bawka *siam a ni*; tin, ani hi chu engkim awm hmain 17  
 a awm rêng a ni, amahah chuan engkim a dîng ho bawk a ni.  
 Ani chu taksa (*chu chu kohhran*ho) lu a ni a; engkimali chungnung 18  
 ber a lo nih theih nân, a bulpui, mitthi zîng ata piang hmasa  
 bera chu a ni. Famkimna tinrêng chu amaha a awm reng leh, 19  
 a kraws thisen chuan remna lo siamin, amahah chuan engkim amah  
 nên a inremtîr hi, *Pa lungnihzâwng* tak a ni si a; amah ngeiah  
 chuan leia thil awmte pawh, vâna thil awmte pawh *amah nên a*  
*inremtîr hi*.

Tin, nangni, hmâna in thiltih sualnaah khân *ama lakah* thenin 21  
 in lo awm a, in rilruah chuan a hmêlma in lo nih bawk kha,  
 nimahsela, tûnah zawng, a hmaah chuan thianghlim tak leh,  
 hmêlhem lo leh, sawisêlbova a dintîrna tûr che uin, a thihnain  
 a tisa taksaah chuan *amah nên a inremtîr* tawh che u a ni;  
 nghahchhan neia nghet taka awma, Chanchin Tha in hriata 23  
 beiseina aţanga sawn bo thîn lova, rinnaah hian in awm reng  
 phawt chuan: chu *Chanchin Tha* chu vân hnuaia thil siam zawng  
 zawngte zînga tlângaupui a nih kha; kei Paula hi chu mi rawng-  
 bawltua siam ka ni.

Tûna ka tuar sakna che uah hian ka lâwm a, Krista hrehawm 24  
 tuar bâk chu a taksa avângin ka tisaah hian ka chhunzawm zêl  
 a ni; a taksa chu kohhran ho hi an ni. Pathian thu *hril* kim tûra 25  
 enkawl na hna Pathianin in tân mi pêk ang zêlin chûngho  
 rawngbawltua siam ka ni. *Chu Pathian thu chu* chatuan leh chhuan 26  
 awm achin thurûk inthup kha a ni; tûnah erawh chuan a mi  
 thianghlimte hnênah lantîrin a awm ta. Chûng hnênahte chuan 27  
 Jentailte zîngah chu thurûk ropuina ngahzia chu Pathianin  
 hriattîr a duh rêng a ni; chu thurûk chu, Krista nangmahnia awm,  
 ropuina beisei chhan chu a ni: mi tin Kristaah chuan thafamkima 28  
 kan dintîr theihna tûrin, mi tin zilhin, mi tin finna tinrênga  
 zirtîrin, a *chanchin* kan hrilh thina hi; chutianga *dintîr* thei tûrin 29  
 nasa taka keimaha a thawh, chu mi a thawhzia ang zêla bei tâl  
 tâl in ka thawk rim bawk thîn a ni.

**2** Nangmahni leh Laodikei khuua awmte leh, tisa ka hmêl 1  
 hmu lo apiangte tân eng tikauva nasain nge ka bei sak tâl  
 tâl che u hi in hriat ka duh si a; chutichuan Pathian thurûk (finna 2  
 leh hriatna ro zawng zawng thurûkna Krista chu) an hriat theih  
 nân, hriata rin tlatna lukhâwng zawng zawng chu dawng tûra,  
 hmangaihnaa insuih khâwmin, an thinlungte chu thlamuangin a  
 awm thei ang. Tuman tawng kam thiamin an bum loh nân 4  
 che u, chûng chu ka ti a ni. Tisain in hnênah awm mah suh îla, 5  
 lâwm taka awmin, in felzia leh Krista in rin nghehzia enin,  
 thlarauvah chuan in hnênah ka awm si a.

Chuvângin, Krista Isua, Lalpa chu in lawm ang khân, amaha 6

zung kai leh tem chho deuh deuhva awmin, an zirtîr che u ang  
khân in rinnaah chuan nghet taka awmin, lâwm thusawi lo ngahin,  
amahan chuan awm rawh u.

Fîmkhur rawh u, chutilochuan tupawhin Krista *thu* ang ni 8  
lovin, mihring *thu* rochhiah leh khawvêl A Aw B ang zâwkin  
*an* *thu* fîng leh bumna mai maiin râl lâkin *an* la dah ang che u.  
Amahah chuan Pathian famkimna tinrêng chu taksa neiin a awm 9  
reng si a. Amahah chuan in famkim ta bawk a; *ani* chu lalna 10  
leh thuneihna zawng zawng lu a ni. Krista serhtannaah chuan 11  
tisa taksa hlip vekin amah vêkah chuan kuta serhtan ni lova  
serhtan in nih kha; baptismaah chuan a hnêna phûm in lo ni ve 12  
tawh si a, chu mi vêkah chuan mitthi zîng ata amah kaithotu  
Pathian hnathawh rin avânga a hnêna kaihthawh in nih ve kha.  
Tin, uangni in bawhchhiatnate leh in tisa serhtan lohna avângin 13  
thi in lo ni a, nangmahni ngei chu amah nêa a tinung che u a nih  
kha; kan bawhchhiatna zawng zawngte min ngaidam a, batna 14  
lehkha thupêka ziak, kan chung a awm, min dodâl thîna chu a  
thai bo tawh si a: chu ngei chu kraws-a khêngbetin a la kiang 15  
ta a, tin, lalna leh thuneihnate chu hlip thlain, chu *kraws*-ah chuan  
chûngte chu hnehin, alangin hriattîr nân a hmang ta a.

Chutichuan ei *thuah* emaw, in *thuah* emaw, kût ni *thuah* emaw, 16  
thla thar *thuah* emaw, chawlhni *thuah* emaw tuman sawisêl che u  
suh se; chûng chu thil lo thleng tûrte hlin a ni, atak erawh chu 17  
Krista ta a ni. Tuman mahni duh *thu* maia thuhnuairawlhna 18  
leh vântirlikoh biakna hmangin, in lâwmman chu chhuh sak che  
u suh se, *an* thil hmuhahte chuan chêng rengin, *an* tisa lam rilru  
*avânga* chapo mai maiin, Lu chu vuan tlat si lovin *an* awm. Ama 19  
zârah chuan, taksa pumhlûm chu, inzawmna leh phuarnate  
avânga châwm leh inzawm khâwma awmin, Pathian thán lennain  
a thang lian thîn a.

Khawvêl A Aw B chu Krista hnêna in thihsan ve tawh chuan, <sup>20</sup>/<sub>32</sub>  
engatinge khawvêlah *la* nung angin, mihringte thutiam leh zir-  
tîrna, "Tawk tawk suh la, tem hek suh la, deh pawh dek suh," tih  
anga thupêkte lakah hian in intukluh ni? Chûng ang thil zawng  
zawng chu hman chung a boral tûr a ni. Chûng ang thilte chu, 23  
mahni duh anga biak leh, thuhnuairawlh leh, taksa sawisakah  
chuan *tih* âwin angin a lang ngei mai, nimahsela, tisa duhzâwng  
zawm khap kawngah chuan engmah rêng a sâwt chuang lo.

**3** Chutichuan, Krista hnênah kaihthawhin in awm ve tawh 1  
chuan, chung lam, Pathian ding lama thû Krista awmnaa thil  
awmte chu zawng rawh u. Chung lama thil awmahte chuan in 2  
rilru ngat tlat rawh u, leia thil awmahte chuan *ngat* lovin. In 3  
thi tawh a, in nunna chu Pathianah chuan Krista hnênah thuhruk-  
in a awm si a. Krista kan nunna chu a lo inlâr hunah chuan 4

nangni pawh ama hnênah ropui zîngah in inlâr ve ang. Chuti- 5  
chuan, in taksa pêng leia awmte hi tihlum rawh u, inngaihna te,  
bawhlhlawhna te, hurna te, châkna sual te, duhâmna te hi,  
(*duhâmna* chu mîlem biakna a ni si a;) chúng thil avâng chuan a ni 6  
Pathian thinur chu awi lo fate chungah a thlen. *thin* ni; nangni pawh  
hmânah chúng thilahte chuan in nun lai *khân*, chúngahte chuan 7  
in awm *thin* kha. Tûnah erawh chuan nangni pawhin hêng 8  
zawng zawng, tauhna te, thinurna te, huatna te, sawichhiatna te,  
in kaa chhuak *ṭawng* zahmawh te hi tibo rawh u, dâwt inhrilh tawn  
suh u; mihring hlui chu a thiltihte chawpin in hlip thla tawh a, 9  
mihring thar chuan in inthuum tawh si a, chu *mihring thar* chu, 10  
hriat famkimna *nei* tûrin, a siamtu anpui anga siam tharin a awm  
mêk a ni; chu miah chuan Grik mi leh Juda mi, serhtan leh tan loh, 11  
awze mi te, Skuthia mi te, bawi te, bawi lo te *pawh* a awm theih loh;  
Krista chu engkim ni zâwkin, engkimah a awm bawh a  
ni.

Chutichuan, Pathian mi thlan, *mi* thianghlim leh duh takte 12  
angin lainatna thinlung te, ngilneihna te, inngaihtlâwmna te,  
thuhnuairawlhna te, dawhtheihna te chuan inthuum rawh u,  
tupawhin tu chungah pawh thupawi nei ang ula, indawh tawnin 13  
inngaidam tawn ula; Lalpa chuan a ngaihdam che u ang tak *khân*  
ngaidam ve rawh u. Tin, chúng zawng zawng chungah chuan 14  
hmangaihna *inbel rawh u*, chu chu phuar famkimna a ni. Tin, 15  
Krista thlamuanna chuan in thinlungah ro rêl rawh se, *chutiang ni*  
tûrin taksa pumkhata koh in ni rêng asin; lâwm nachâng hre bawh  
rawh u. Krista thu chu finna tinrêngin nangmahniah awm *ṭeuh* 16  
rawh se; fakna hla te, Pathian hla te, thlarau lam hla tea inzirtîrin  
inzilh tawn ula, thinlungah khawngaihna *nei* in Pathian chu hla sak  
sak rawh u. Tin, in tih apiang chu, thu *sawiah* emaw, thil tihah 17  
emaw ama zârah Pa Pathian hnêna lâwm thu hril chungin Lalpa  
Isua hmingin ti vek rawh u.

Nupuite u, Lalpaa a âwm tâwk ang zêlin in pasalte hnênah 18  
intulût rawh u.

Pasalte u, in nupuite hmangaih ula, an lakah vîn suh u. 19

Naupangte u, engkimah in nu leh in pate thu zâwm rawh u, 20  
chu chu Lalpaah chuan a lâwmawm si a.

Pate u, in fate tinuar suh u, chutilochuan an bei a dawng dah 21  
ang e.

Bawite u, tisaa in hotute thu hi engkimah zâwm rawh u, 22  
mihring tilâwmtute mai anga mit rawng bâwl lovin, thinlung sakhat  
vuaa Lalpa *ṭih* dêk chungin *zâwm zâwk rawh u*. A rulhna, roluah  $\frac{3}{4}$   
tûr chu, Lalpa hnên ata in hmu dâwn tih hriain, in tih apiang chu  
mihring tân anga *ti* lovin, Lalpa tân anga *ti* zâwkin, châk takin ti  
rawh u; Lalpa Krista rawng in bâwl a nih hi. Thil dik lo titu 25



chuan a thil dik lo tih man chu a hmu leh ang; mi thlei bikna rêng a awm si lo va.

**4** Hotute u, nangni pawhin vânah Hotu in nei tih hriain, in 1  
bawite chungah a fel leh a mawi tâwk chu ti rawh u.

Ṭawngṭai fan fan ula, chu miah chuan lâwm thu hril chungin 2  
ngaihven rawh u. Mi phuarna chhan Krista thurûk chu hril 3  
tûrin Pathianin thu atân kawng min tihkuak sak theih nân keini  
pawh min ṭawngṭai sak rawh u, ka sawi tûr ang taka ka puan theih- 4  
na tûrin. Remchâna lei zêlin, pâwn lama mite lakah chuan 5  
fing takin awm rawh u. Mi tin engtia chhân ṭheuh tûr nge ni tih 6  
in hriat theih nân in ṭawngka chhuak chu, chia al, khawngaihna  
tel ni fo rawh se.

Lalpaaunau duh tak, rawngbâwltu rinawm, kan bawipui Tukika 7  
hian ka chanchin zawng zawng a hriattir ang che u. He mi avâng 8  
ngei hian ani chu in hnênah ka rawn tir a ni, kan chanchin in hriat  
theihna tûr leh, in thilung a tihthlamuan theihna tûrin; Onesima, 9  
unau rinawm leh duh tak, nangmahni zînga mi nên hian. Anni  
chuan hêng lama thil awmzia zawng zawng hi an hriattir ang che u.

Aristarka ka tânpuipa hian chibai a bûka che u; Marka, Barna- 10  
ba tupa pawhin *chibai a bûk a che u*, (ama chungchâng thua thu-  
pêkte in hmuh kha; in hnêna a lo kal chuan lo lâwm rawh u);  
Isua, Justa an tiha hian *chibai a bûk bawk a che u*. Chûng chu 11  
Serhtan mi an ni a; chûng chauh chu Pathian ram thu lamah chuan  
ka thawhpui, mi thlamuantute *an ni*.

Epaphra nangmahni zînga mi, Krista Isua bawipa hian chibai 12  
a bûk a che u, *ani chuan* Pathian duhzâwng apianga puitling leh rin  
tlatna *neia* in din theihna tûrin, a ṭawngṭainahte chuan nangmahni  
tân a bei fo ṭhîn a ni. Nangmahni tân te, Laodikei khuaa awmho 13  
tân te, Heirapoli khuaa awmho tân te ṭhahnem a ngai êm êm tih  
ka hriatpui asin.

Luka dâktawr duh tak leh Dema hian chibai an bûk a che u. 14

Laodikei khuaa unau awmte kha chibai *mi bûk sak* ang che u; 15  
Numpha leh a ina kohhran *inkhâwmho* chu chibai *mi bûk sakbawk*  
ang che u. Tin, he lehkha thawn hi in zînga in chhiar hnuin 16  
Laodikei kohhranho zîngah pawh chhiattir ve rawh u; nangni  
pawhin Laodikei khuaa mi kha lo chhiar ve bawk ang che u. Tin, 17  
Arkippa hnênah khân, “Rawngbâwlina Lalpaa i hmuh kha hlen  
tûrin fimkhur rawh,” ti ang che u.

Kei Paulan, keima kut ngeia chibai ka bûkna *che u a nih* hi. 18  
Ka kawlbunte hi hre reng rawh u. Khawngaihna in hnênah awm  
rawh se.

# Thessaloni Khuaa Mite Hnêna Tirhkoh Paula Lehkha Thawn Pakhatna

Paula leh Silvana leh Timothea chuan: Pa Pathian leh 1  
Lalpa Isua Kristaa Thessalonika khuaa mi kohhranhote  
hnênah.

Khawngaihna leh remna in hnênah *awm rawh se.*

Kan Pathian leh Pa hmaah chuan, rin *avânga* in thiltihzia  
te, hmangaih *avânga* in thawh rimzia te, kan Lalpa Isua Krista  
beisei *avânga* in chhelzia te kha theihngihl lova hre reengin, kan  
ṭawngṭainahte chuan in hming lamin, nangmahni zawng zawng 4  
avângin Pathian hnênah lâwm thu kan hril fo ṭhîn a ni. Unau, 5  
Pathian duh takte u, a thlanzia che u kha *kan* hria a, khatia kan  
Chanchin Ṭha chu thu chauhvâ in hnêna thleng lova, thiltihtheihna  
leh Thlarau Thianghlîm leh nasa taka rin tlatna *nên a lo thlen*  
zâwk kha; nangmahni hma sialin in chungah eng ang mi nge kan  
lo nih tâk kha in hre si a. Tin, thu chu, hrehawm tuar chungin, 6  
Thlarau Thianghlîma lâwmin, *in lo pawm a*, keimahni leh Lalpa  
zirtute in lo ni a. Chutichuan Makedonia leh Akaia rama ringtu 7  
zawng zawngte tân entawwna in lo nih kha. Lalpa thu chu 8  
nangmahni aṭangin a thang chhuak ta si a, Makedonia leh Akaia  
ramah chang ni lovin, hmun tinah pawh Pathian lama in rinzia  
chu a thang ta a; chutichuan keinin engmah sawi rêng a ngai ta  
lo. Anmahni ngeiin, in zîngah eng ang luhna nge kan hmuh 9  
kan chanchin chu an hriattîr ṭhîn si a; Pathian nung leh dik tak 10  
rawng bâwl tûr leh, a Fapa (mitthi zîng ata a kaihthawh, thinur  
lo thleng tûr laka min chhan chhuaktu Isua kha) vâna ata lo nghâk  
tûrin, milemte Pathian lama in hawisanzia pawh kha *an hriattîr*  
*bawṭ ṭhîn a ni.*

2 Unaute u, in zînga kan luhna kha a lo thlâwn ta lo tih 1  
nangmahni ngeiin in hre si a; *thlawn* ahnêkin, chu mi hma 2  
chuan, in hriat tawh angin, Philippi khuah chuan hrehawm  
tuar leh zahthlâk taka siama kan awm hnu khân buai êm êm  
chung *pawhin* Pathian Chanchin Ṭha in hnêna sawi tûrin kan  
Pathianah chuan kan lo huai tâk zâwk kha. Kan thu hril hi 3  
dâwta chhuak a ni si lo va, bawhlhlawha chhuak a ni hek lo va,  
ngamthlêmnain a ni bawṭ hek lo va; Chanchin Ṭha kawltîra 4  
awm tûrin Pathian ṭha tih mi kan nih ang ngeiin, mihring tilâwm

tûr ang ni lovin, kan thinlung fiahtu Pathian *tilâwm* zâwkin, thu kan sawi zâwk ðîn a ni. Eng lai mahin fak derna thu emaw, duhâm khuhna emaw kan hman an hre ngai si lo tih in hriat kha, (Pathian *min* hriatpuitu a ni); Krista tîrhkoh *ka* nih avângin mi tân hautak zet ni thei mah ila, mihring lakah, nangni lakah pawh, mi dangte lakah pawh, chawimawina kan zawn *an hre* ngai hek lo. Nu nau pawmin ama fate a duat angin in zîngah nunnêm takin kan awm zâwk kha. Chutiang bawkin, kan duhzâwng tak in lo nih tâk avâng khân, kan duh ngawih ngawih che u a, Pathian Chanchin Tha chauh ni lovin, keimahni nun pawh pêk hial che u kan peih kha. Unaute u, kan thawh hahzia leh kan thawh rimzia kha in hre reng e: in zîngah tumah kan tihhautak lohna tûr che uin a chhûn a zâna thawkin, Pathian Chanchin Tha kan hrilh ðîn che u kha. Nangni ringtute chung a thianghlim tak leh fel tak leh demawm lo taka kan awmzia kha min hriatpuitute in ni, Pathian nê. Ama ram leh ropuinaa ko lûtta che u Pathian mi ni tlâka in awm theihna tûrin, pain ama fate chung a *tih* angin, fuih leh thlamuan leh hriattîr che uin, in chung theuhva kan *tîhztâ* kha in hre si a.

He mi avâng hian bâng lovin Pathian hnênah lâwm thu kan hrilh baw ðîn, Pathian thu kan hnên ata in hriat, in pawm laikhân, mihring thu pawmin in pawm lo va, Pathian thu pawmin in pawm zâwk avâng khân; chu chu *Pathian thu* a ni rêng a, nangni a ringtute chhûnga thawk baw ðîna chu a ni. Nangni, unaute u, Judai rama Pathian kohhran pâwl Krista Isuaa awmte zirtu in lo nih kha, anni chuan Judate lakah an *tuar* angin, nangni pawhin nangmahni rama mite lakah in *tuar* ve baw si a. Chûng Judate chuan Lalpa Isua leh zâwlneite pawh an that a, keini pawh min hnawt chhuak a, Pathian an *tilâwm* lo va, mi zawng zawng an kalh ðîn; chhandam an nih theihna tûra Jentailte hnêna thu hrilh min khap si ðîn; an sual *tehna* tikhat fo tûrin: nimahsela, thinur chu tâwp khâwk dêrin an chungah a lo thleng ta.

Nimahsela, unaute u, rei lo tê atân nangmahni nê thinlung lama inthen lova, hmêl lam *chauhva* inthena kan awm rih avângin, châk tak chung a in hmêl hmu tûrin kan bei nasa lehzualthîn a ni; in hnêna lo kal kan tum tlat si a, kei Paula ngei pawh hian vawh hnih lai lo kal *ka tum nghe nghe tawh a*, nimahsela, Setanan min dâl ðîn a ni. Kan beiseina emaw, kan hlimna emaw, kan lallukhum chhuan emaw engnge ni le? A lo kal hunah kan Lalpa Isua hmaah chuan nangmahni ngei in ni dâwn lâwm ni? Nangmahniho hi kan chhuan leh kan hlimna in ni asin.

**3** Chutichuan, kan *tuar* zawh tâk loh chinah chuan Atheni khuaah keimahni chauh hnutchhiahin awm ila tha kan ti a, Timothea, kan unaupa Krista Chanchin Tha lama Pathian rawngbâwltu hi, tinghet tûr che u leh in rinna kawnga thlamuan tûr

che uin, *kan*rawn tîr a ni, hêng hrehawm tuarnate avâng hian tu- 3  
mah an ngîn lohna tûrin, hêngte hi *tuar* tûrin ruat kan ni tih nang- 4  
mahni ngeiin in hre si a. In hnêna kan awm lai khân hrehawm  
tuar tûr kan ni tih kan hrilh lâwk ngei che u kha; chutiang ngei 5  
chuan a thleng tawh a, chu chu in hriat kha. Chu mi avâng  
chuan ka tuar zawh tâk loh hnuin, thlêmtu chuan a  
thlêm thlu hlahu ang che u a, kan thawh rimna chu a  
thlâwn dah ang e, tiin, in rinzia ka lo hriat theihna tûrin *mi* ka  
rawn tîr a ni.

Nimahsela, Timothea chu in hnên ațangin tûnah kan hnên 6  
a lo thlen hian, *hmuh* che u kan *châk* ang bawkin min hmuh châk  
êm êmin khawngaih takin min hre reng fo tih *thu* leh, in rinna leh 7  
in hmangaihna chanchin lâwmawm tak min rawn hawn a; chu  
mi avâng chuan, unaute u, kan manganna leh hrehawmna zawng  
zawngah, in rinna avângin in chungah thlamuang takin kan  
awm ta. Tûnah chuan kan nung ta, Lalpaa in din ngheh phawt 8  
hi chuan. In hmêl kan hmuh theihna tûr leh, in rinna lama in 9  
tlâkchhamna kan phuhrûk sak theihna tûr che uin a chhûn a zâna 10  
nasa taka țawngțaiin, kan Pathian hmaah in chungah kan hlimna  
zawng zawng avâng hian nangmahni lam thua Pathian hnênah  
eng lâwm thu nge kan hrilh ve thung theih ang le aw?

Tichuan, kan Pathian, *kan* Pa ngei chuan, kan Lalpa Isua 11  
pawhin, in hnên lamah min hruai rawh se. Tin, nangmahni lama 12  
hmangaihna kan ngah angin, nangmahni lamah inhmangaih  
tawna leh mi zawng zawng lamah hmangaihna chu Lalpa chuan  
tihpun sak in tihngah sak che u rawh se: chutichuan, kan Lalpa 13  
Isua a mi thianghlim zawng zawngte nêna a lo kal hunah, kan  
Pathian leh *kan* Pa hmaah in thilungte thianghlimna kawngah  
sawisêlbovin a tinghet thei ang che u.

**4** Chutichuan, unaute u, a tâwp berah chuan, in awm dân 1  
tûr leh Pathian in tihlâwm dân tûr, (*tûna* in awm dân ang hi)  
kan hnên ata in lâk ang khân in ngah lehzualna tûrin Lalpa Isuaah 2  
chuan kan ngênin kan fuih che u a ni. Lalpa Isua zârah chuan  
eng thute nge kan pêk che u kha in hre si a. Pathian duhzâwng, 3  
in thianghlimna tûr chu hei hi a ni, inngaih bânzan ula; Pathian 4  
hre lo Jentailhote anga hur kawnga châk lovin, thianghlim leh  
chawimawiin mahni bêl vawng thiam theuh ula; chu mi kawngah 6  
chuan tuman bawhchhiain a unau chungah thil țha lo ti suh sela;  
Lalpa chu chûng ang thil titu zawng zawng phuba latu a nih  
avângin—keini pawhin kan hrilh lâwkin kan hriattîr tawh che u 7  
ang khân. Pathianin bawhlhlawh tûrin min ko si lo va, thiang- 8  
hlimah *min* ko zâwk a ni. Chuvângin a pawisa lotu chuan mihring  
pawisa lo a ni lo va, Pathian, a Thlarau Thianghlim pe țhîntu che  
u chu, *pawisa* lo a ni zâwk.

Amaherawhchu, unaute hmangaih kawng thu chu ziak sak 9  
 in ngai lo ve, inhmangaih tawn tûrin nangmahni ngei Pathian 10  
 zirtîrin in awm si a. Makedonia ram zawng zawnga unau awmte 11  
 zawng zawng chungah chuan chu chu in ti ngei baw k a ni.  
 Nimahsela, unaute u, in ngah leh zual nân leh, ngawi deuhva  
 awm leh, mahni thil tih leh, thu kan pêk che u ang khân in kuta  
 thawh in tum tlat nân kan fuih che u a ni; chutichuan pawns 12  
 lama mite chungah mawi takin in awm thei ang a, engmah in  
 tlachham thei lo vang.

Nimahsela, unaute u, mi dang beiseina rêng nei lote anga 13  
 in lungngaih loh nân, muhîlte chanchin in hriat loh kan duh  
 lo ve. Isua a thi a a tho leh ta tih kan rin si chuan, Isuaa muhîl 14  
 tawhte chu Pathianin ama rualin a rawn hruai ve baw k ang. Hei 15  
 hi Lalpa thuin in hnênah kan sawi a ni, Keini Lalpa lo kal thlenga  
 nunga lo la awm rengate hian, muhîl tawhte chu kan lehkhah  
 tawp lo vang, tih hi. Lalpa ngei chu au thâwm nê, vântirhkhoh 16  
 chungnung ber aw nê, Pathian tawtawrâwt ri nê, vân aţangin  
 a lo chhuk dâwn si a; tin, Kristaa thi tawhte chu an tho hmasa  
 ang a; chu mi hnuah chuan keini nunga lo la awm rengate hi, 17  
 boruakah Lalpa hmuak tûrin anmahni rualin chhûm zingahte  
 khian lâk chhohvin kan awm ang; chutichuan kumkhua in Lalpa  
 hnênah kan awm tawh ang. Chuvângin hêng thu hian 18  
 inthlamuan tawn rawh u.

**5** Amaherawhchu, unaute u, a hun leh a ni kawng thute 1  
 rêng ziak sak che u in ngai lo ve. Lalpa Ni chu zânah 2  
 rûkru angin a lo thleng dâwn tih nangmahni ngeiin chiang takin  
 in hre si a. “Muanna leh himna,” tia an sawi lai takin hmeichhe 3  
 nau vei angin chawplehchilha boralna an chungah a thleng ang  
 a, an pumpelh tawp lo vang. Nimahsela, unaute u, nangni zawng, 4  
 chu mi Ni chuan rûkru anga a nanna tûr che uin thimah in awm  
 lo ve; êng fâte leh ni fâte in ni vek si a; zâna mi kan ni lo va, thima 5  
 mi kan ni hek lo. Chuvângin mi dangte angin i muhîl suh ang u 6  
 khai, i mengin i ngaihven zâwk ang u. Muhîlte chu zânah a ni 7  
 an muthilh thîn ni; zu ruite pawh chu zânah a ni an ruih thîn ni.  
 Nimahsela, keini zawng nia mi kan nih avâng hian, rinna leh 8  
 hmangaihna âwmphaw chu hain, chhandam beiseina chu lukhuma  
 hmangin, i ngaihven zâwk ang u. Pathianin thinurna *tuar* tûr 9  
 ni lovin, kan Lalpa Isua Krista zâra chhandamna hmu tûr zâwkin  
 min ruat a ni si a; kan men pawhin, kan muthilh pawhin amah 10  
 nêna kan nun tlan theih nân ani chu kan *thih* aiin a thi a  
 ni. Chuvângin, infuih tawnin, intisâwt tawn theuh rawh u, in 11  
 tih rêng thîn ang hian.

Nimahsela, unaute u, in zinga thawk rim leh, Lalpaa in hotua 12  
 awm leh, zilhtute che u chu hre tûr leh, an hnathawh vânga 13

hmangaiha ngaihlu êm êm tûrin kan ngên che u a ni. Inremin awm rawh u.

Tin, unaute u, kan ngên a che u, dân ang lova awmte chu 14  
 zilh ula, rilru tête chu fuih ula, chak lote chu tanpui ula, mi zawng  
 zawng lakah dawhthei takin awm rawh u. Tuman tu sual pawh 15  
 suala thungrûl lo tûrin fimkhur rawh u; *in thil intih sak* tawinna  
*lamah* leh, mi zawng zawng chung a *in tih sakna lamah* pawh, a ðha  
 apiang ùm fo zâwk rawh u. Lâwm fo ula; bâng lovin ðawngtai 16  
 ula; engkimah lâwm thu hril fo rawh u; chu chu nangmahni lam  
 thuah Krista Isuaah chuan Pathian duhzâwng a ni si a. Thlarau 19  
 chu timit suh ula: thu hrilte hmusit suh u; engkim fiah zâwk 20  
 ula: a ðha apiang pawm tlat ula; sual anga lang zawng zawng 22  
 lakah chuan inthiarfihlîm rawh u.

Tin, remna Pathian ngei chuan in pumin tithianghlim che 23  
 u rawh se; tin, in thlarau leh, *in* rilru leh, *in* taksa chu kan Lalpa  
 Isua Krista lo kal hunah chuan, sawisêlbovin apuma humhimin  
 awm rawh se. A kotu che u chu a rinawm a, tih pawh a ti baw 24  
 ang. Unaute u, min ðawngtai sak rawh u. Unau zawng 25  
 zawngte kha fawh thianghlimin chibai *mi* bûk rawh u. He 26  
 lehkha hi unau zawng zawng hnênah chuan chhiar tûrin Lalpa 27  
 hmingin ka ngên a che u.

Kan Lalpa Isua Krista khawngaihna chu in hnênah awm 28  
 rawh se.

# Thessalonika Khuaa Mite Hnêna Tirkoh

## Paula Lehkha Thawn Pahnihna

I Paula leh Silvana leh Timothea chuan: Pathian kan Pa 1  
leh Lalpa Isua Kristaa Thessalonika khuaa mi kohhranhote  
hnênah.

Pa Pathian leh Lalpa Isua Krista hnên ata khawngaihna leh 2  
remna in hnênah *awm rawh se.*

Unaute u, nangmahni chung thua hian Pathian hnênah 3  
lâwm thu hril fo tûr rêng kan ni; chu chu a âwm rêng a ni, in  
rinna chu nasa taka t̄hang lianin, in zaa in inhmangaih tawn  
t̄heuhna chu a pung lehzual si a; chutichuan, mi tihduhdahna che 4  
u zawng zawngah leh hrehawm in tuarnahte chuan in chhelzia  
leh in rinzia avângin Pathian kohhran pâwlte zîngah chuan keinin  
kan chhuang t̄hin che u a ni; *chûng chu*, Pathian rama mi ni tlâka 5  
ruat in ni thei dâwn tih, Pathian rorél fel tak chhinchhiahna fiah  
tak a ni, chu mi *ram* avânga tuar in nih hi; Lalpa Isua, Pathian hre 6  
lo mi leh kan Lalpa Isua Chanchin Tha awi lo mite chung a phuba  
lain a vântirkoh chak takte nê, meialh zînga vâ a t̄anga a inlâr  
hunah a tihrehawmtute che u chu hrehawma thungruh leh nangni  
hrehawm tuartute hi keimahni nêna chawlhnaa *ruh thung* chu Pa-  
thian tân thil fel tak a ni si a. Chu mi niah chuan, a mi thiang- 9  
hlimahte chuan chawimawia awm tûr leh, ringtu zawng zawng- 10  
ahte chuan (kan thu hriattir che u kha in ring si a) mak tih tûra  
a lo kal hunah chuan, *chûng Pathian hre lo mi leh kan Lalpa Isua*  
*Chanchin Tha awi lo mite* chuan hrem an tuar ang, Lalpa hnên ata leh  
a chakna ropuina a t̄anga chatuana boralna chu. Chutianga 11  
*chawimawi leh mak tih a nih theih nân kan Pathianin a* kohna che  
uah chuan koh tlâk nia a ruat theihna tûr che u leh, t̄hat duhna tin-  
rêng leh rinna hnathawh *tinrêng a* thiltihtheihnaa a hlawhtlîntir theih-  
na tûrin kan t̄awngt̄ai sak fo t̄hin che u a nih hi; chutichuan, kan 12  
Pathian leh Lalpa Isua Krista khawngaihna ang zêlin kan Lalpa  
Isua hming chu nangmahniah chawimawiin a awm thei ang a,  
nangni pawh amahah *chawimawiin in awm thei ang.*

2 Nimahsela, unaute u, kan Lalpa Isua Krista lo kalna leh a 1  
hnêna kan han inkhâwmna tûr thua chuan, “Lalpa Ni chu 2  
a thleng reng tawh,” tihna thlarau avângin emaw, thu avângin  
emaw, kan hnên a t̄anga lehkha thawn ang avângin emaw, in

rilru ngñin thuai lohna tûr leh in buai hek lohna tûrin kan ngên a che u. Tuman engmahin tihder che u suh se; tlûksanna chu a lo thlen hmasak zeta, Dân Bawhchhepa, boral fapa chu a lo lan loh chuan *chu mi Ní chu a thleng dâwn si lo va*. Ani chuan Pathiana an vuah apiang leh, sakhua zawng zawng dovin, an chung a *awm tumin* a inchawimawi *ang*: chutichuan Pathian biak ina thuin Pathian ang hialin a intâr chhuak ang.

In hnêna ka lo awm lai khân chùng thu chu ka hrilh thîn che u tih in hre reng lo vem ni? Ama hun tê *chauhva* a lo lan theihna tûrin enginngê khap tûnah in hria e. Dân bawhchhiatna thurûk chuan tûnah pawh a thawk mêk a ni si a; nimahsela, lâk bova a awm hma loh chuan tûnah hian a khaptu a *awm*. Chu mi *lâk bo* hunah chuan Dân Bawhchhepa chu a lo lang tawh ang, Lalpa Isuan ani chu a kaa thawin a tihlum ang a, a lo kala inlârnain a tiboral ang. Chu *Dân Bawhchhepa* lo kalna chu Setana thawhzia ang zêlin, thiltihtheihna tinrêng te, chhinchhiaha tinrêng te, dâwt thilmak *tinrêng* te nê, boral mête tân fel lohna bumna tinrêng nê a ni *ang*; chhandama an awm theihna tûrin thutak hmangaihna chu an pawm loh avâng a ni. Chuvâng chuan dâwt thu chu an awina tûrin Pathianin sual hnathawhna an hnênah a *thlentîr* ang, thutak awi lova fel lohnaa lâwm zâwkte chuan thiam loh an chan vek theih nân.

Unau, Lalpa duhtakte u, Thlarau tihthianghlim leh thutak awia chhandama awm tûrin a tîr ata Pathianin a thlan che u avângin in chung thuah hian Pathian hnênah lâwm thu hri fo tûr rêng kan ni. Chuti *ang* atân chuan ani chuan kan Chanchin Tha hianin a koh che u kha, kan Lalpa Isua Krista ropuina nei tûrin.

Chutichuan, unaute u, ding nghet ula, thurochhiahte chu, thu sawiin emaw kan lehkha thawnin emaw *kan zirtîr* che u kha, pawm tlat rawh u. Tichuan, kan Lalpa Isua Krista ngei leh, Pathian kan Pa, min hmangaihtu leh khawngaihna avâng chatuana thlamuanna leh beiseina tha min petu chuan, in thîlungte chu tithlamuanging, thil tihthat leh thu sawi that tinrêngah tinghet rawh se.

**3** A tâwp berah chuan, unaute u, Lalpa thu hi, nangmahni zînga a *awm* ang khân, pungin chawimawia a awm theihna tûr leh, mi luhlul leh *mi* sualte laka kan him theihna tûrin, min tawngtai sak rawh u; *mi* zawng zawng chuan rinna an nei veksi lo va. Amaherawhchu Lalpa chu a rinawm e, ani chuan a tinghetin mi sual lakah chuan a hum ang che u. Thu kan pêk apiang *che u* kha in zawm thîn a, in la zawm leh zêl pawh Lalpaah chuan kan ring che u a ni. Tin, Lalpa chuan in thîlungte chu Pathian hmangaihnaah leh Krista chhelnaah chuan hruai lût rawh se.

Tin, unaute u, kan hnên ata thurochhiaha an hmuh anga *awm*



lova, dân lo anga awm unau tinrêngte lakah chuan inthiarfihlîm  
 tûrin kan Lalpa Isua Krista hmingin thu kan pe a che u. Nang- 7  
 mahni ngeiin min zir dân tûr in hre si a; in zîngah dân lo angin kan  
 chêt ngai loh kha; tu kut ata mah athlâwnin in chhang kan ei ngai 8  
 hek lo, in zîngah tumah kan tihhautak lohna tûr che uin a chhûn  
 a zâna hah tak leh rim taka thawk chungin *kan ei zâwk a ni*; kan 9  
 theih loh avâng a ni lo va, nangnin min zirna tûrin in mi  
 entawn atân kan insiam zâwk a ni. In hnêna kan awm lai pawh 10  
 khân he thu hi kan pêk che ukha, "Tupawhin hna a thawh duh loh  
 chuan, ei pawh ei suh se," tih hi. In zînga thenkhat dân lo anga 11  
 awm thînte chanchin kan hre si a, chûng chuan hna rêng an thawk  
 lo va, an tei mai mai zâwk thîn a ni. Tichuan chûng angte chu, 12  
 ngawî renga thawk tûr leh, anmahni chhang ei tûrin Lalpa Isua  
 Kristaah chuan thu pein kan fuih a ni.

Unaute u, nangni erawh chuan thil t̃ha tih ning suh u. Tin, <sup>13</sup>  
 tupawhin he lehkha hawna kan thu hi a zawm loh chuan, chu mi <sup>14</sup>  
 chu in pâwl hauh loh nân chhinchhiah rawh u, a zah theihna  
 tûrin. *Nimahsela*, hmêlma angah zawng ruat suh ula, unau angin 15  
 zilh zâwk rawh u.

Tin, remna Lalpa ngei chuan kumkhuain kawng tinrênga<sup>h</sup> 16  
 remna pe che u rawh se. Lalpa chu in zaa hnênah awm rawh se.

Kei Paulan, keima kut ngeia, chibai ka bûkna *che u a nih* hi; 17  
 hei hi ka lehkha thawh tinrênga chhinchhiahna a ni, hetianga ka  
 zia<sup>h</sup> hi. Kan Lalpa Isua Krista khawngaihna in zaa hnênah 18  
 awm rawh se.

# Timothea Hnêna Tirkoh Paula Lehkha Thawn Pakhatna

Paula, Pathian min Chhandamtu leh Krista Isua kan Beiseina ruat anga Krista Isua tirkoh chuan:

Rinnaa ka fa taktak Timothea hnênah.

Pathian kan Pa leh, Krista Isua kan Lalpa hnên ata, khawngaihna te, zahngaihna te, remna te *lo awm rawh se*.

Zirtîrna danglam rêng an zirtîr lohna tûr leh, thawnthu mai mai leh chhui sên loh thlahtute thu (chu chuan, rinnaa Pathian khawsakzia awm hi tihsâwt aiin, inhnialna a siam zâwk tîn) an ngaihsak lohna tûrin, mi tîenkhate kha i zilh theih nân, Makedonia rama ka kal dâwn laia, Ephesi khuua awm reng tûra ka ngen ang che khân, *tûnah pawh ka la ngén fo a che*;—nimahsela, zilhna chhan chu thinlung thianghlîm leh, chhia leh t̄ha hriatna thiang tak leh, rinna taktak a t̄anga lo chhuak hmangaihna chu *an neih theih nân a ni*; mi tîenkhate an kal kawî avângin chu chu an p̄nsan a, thu lawi lo sawina lamah *an kal ta a*; an thu sawi awmzia leh paukhauh taka an thu hrih chanchin chu hre si lovin, Dân zirtirtute nih an duh t̄hîn a ni. Dân chu a t̄ha a ni tih kan hre si, miin a hman t̄hat phawt chuan. Hêng hi hria sela:—Dân hi mi fel tak tâna siam a ni lo va, dân pawisa loho leh dân bawh-chheho tân te, Pathian ngaihsak loho leh mi sualho tân te, mi thianghlîm loho leh Pathian zah loho tân te, pate thattuho leh nute thattuho tân te, mihring thattuho tân te, inngaihmangho tân te, mawngkawhurho tân te, mihring rûkhmangho tân te, dawtheiho tân te, chhechham derho tân te leh, fâk tlâk Pathian Chanchin T̄ha ropui zirtirna dik ka hnêna kawltîr ang ni lova, thil dang rêng awm apiangte tân pawh chuan *siam a ni zâwk e*.

Mi tichaktu Krista Isua kan Lalpa hnênah chuan lâwm thu ka sawi a ni, hmânah sawichhetu leh tiduhdahtu leh sawisatu ni mah ila, rinawma mi ngaih a, a rawngbâwltua mi ruat tâk avâng hian; nimahsela, ring lo chung a hre lova ti ka nih avângin a ni, zahngaihna ka lo hmuh ni; tin, kan Lalpa khawngaihna chu, rinna leh Krista Isuaa hmangaihnain nasa takin a liam ta.

“Krista Isua mi sualte chhandam tûrin khawvêlah hian a lo kal,” tih hi, a rinawmin a pawm tlâk êm êm a ni; an zînga mi sual ber ka nih hi. Nimahsela, he mi avâng hian a ni zahngaihna

ka hmuh ni, Isua Krista chuan *mi sual* ber keimahah hian a dawh-theihzia zawng zawng a lantîr theih nân; tûn achina chatuana nunna hmu tûra amah la ring tûrte kawhhmuhna tûrin. Lalber chatuana awm, chhe thei lo, hmuh theih loh, Pathian *taka* chauh chu, chatuana chawimawi leh ropuiin awm rawh se. Amen.

*Ka* fa Timothe, hmâna i chanchin an hrilh lâwk thute ang khân, chu zilhna thu chu ka kawltîr a che, chûng chuan indona tha chu i do theih nân; rinna leh chhia leh tha hriatna thiag tak pawm tlatin; mi thenkhatten chûng chu paih thlain rinna kawngah chuan lawng keh angin an keh chhe ta. Chûng zingah chuan Humenaia leh Aleksandra an ni a; Pathian sawichhiat loh an zir theih nân anni chu Setana ka pe a ni.

**2** Chutichuan, a tîr berin, thil dîl *ṭawngṭaina* te, *ṭawngṭaina* hrim hrim te, *ṭawngṭai* sakna te, lâwm thu sawina te, mi zawng zawng tân siam sak tûrin ka fuih a che; lalte leh thuneitute zawng zawng tân pawh; Pathian ngaihsak leh zahawm taka inrema thlamuanga kan khawsak theih nân. Chu chu min chhandamtu Pathian ngaihin a ṭhain, a lawm tlâk a ni; ani chuan mi zawng zawng chhandama awmah leh thutak hriaah a duh a ni. Pathian pakhat *chauh* a awm a, Pathian leh mihring inkâra Palai pakhat *chauh* a awm bawk a, amah chu mihring a ni, Krista Isua, mi zawng zawng tlan nâna inpea chu: *chu chu* a hun tak zêla hriattîrin a awm tûr a ni; chu mi ti tûrin tlângaupuituah leh tirhkohva ruat ka ni; (thu taktak ka sawi a, ka daw lo ve;) rinna leh thutaka Jentailte zirtirtua *ruat ka ni*.

Chutichuan, mipahovin hmun tinah kut thianghlim pharin, thinrim lo leh inhnial lovin *ṭawngṭai* sela ka duh a ni. Chutiag bawkin hmeichheho inthlahdah lo leh inbel lutuk lovin, thuam inchawih tâwkin inchei sela, sam phiarin emaw, rangkachakin emaw, tuikeplungin emaw, puan man tam tak taktein emaw *inchei* lovin; amaherawhchu, (hmeichhia, Pathian ngaihsak intite chu inphu tâwkin) thil tihṭhatin inchei sela *ka duh*. Hmeichhiain thu awi tlatin ngawi rengin zir rawh se Amaherawhchu, hmeichhiain zirtîr zawng ka phal lo, mipa chungu thu neih *ka phal* hek lo, ngawi rengin awm zâwk *rawh se*. Adama chu siam hmasak a ni a, chu mi hnuah chuan Evi chu siam a ni si a. Tin, Adama chu bumin a awm lo va, hmeichhia erawh chu bumin a awm a, bawchhiatnaah a tlu ta a. Nimahsela. rinna leh hmangaihna leh thianghlimna *neiin*, rilru fel tak nêna an awm lo chuan, fa hrin avângin chhandamin an awm ang.

**3** “Tupawh *Kohhran* hotua ṭan duh chuan. hnathawh tha a duh a ni,” tih hi a dik a ni. Chutichuan, *Kohhran* hotu chu sawisêlbo, nupui pakhat nei, insûm thei, rilru dik tak. mi fel, mi lawm dân thiam, zirtîr thiam. uain ruih hmanag lo, mi velh

hmang lo, mi nunnêm ni zâwk tûr, kawhmawhbâwl lo, tangka 4  
 sum ngaina lo, zahawm taka fate killawia mahni in chhûng  
 khawsak rêl fel thiam mi ni tûr a ni; (miin ama in chhûng khawsak 5  
*mah* a rêl fel thiam si loh chuan, Pathian Kohhranho engtinngé  
 a enkawl theih ang?) Ring thar mi ni tûr a ni lo, chutilochuan 6  
 chapovin a awm ang a, diabola thiam loh channa chu a chang ve  
 dah ang e. Chûng lo pawh chu, pawn lama mite fakin a awm 7  
 bawk tûr a ni, chutilochuan sawichhiata awmin, diabola thangah  
 a âwk dah ang e.

Chutiang bawkin, *Kohhranho* rawngbâwltute chu mi zahawm 8  
 an ni tûr a ni; kamtam te, uain heh te, hlêpna bawhlhlawha  
 duhâm *mi* te an ni tûr a ni lo; chhia leh tha hriatna thiengin rinna 9  
 thurûk chu pawm *mi an ni zâwk tûr a ni*. Tin, chûngte pawh chu 10  
 fiahin awm hmasa rawh se, chu mi hnuah sawisêlbo an lo nih chuan,  
*Kohhranho* rawngbâwl lam hna thawk rawh se. Chutiang bawkin 11  
 hmeichhiate *pawh mi* zahawm an ni tûr a ni, hêktute ni *lovin*,  
 insûm thei *leh* engkima rinawm an ni tûr a ni. *Kohhranho* 12  
 rawngbâwltute chu *an* fate leh anmahni in chhûng khawsak rêl  
 felin, nupui pakhat nei ni rawh se. *Kohhranho* rawngbâwl lam 13  
 hna thawk tha tawhte chuan dinna tha tak leh, Krista Isuaa rinna  
 kawngah chuan huaina nasa tak an insiam si thîn a.

Rei lo tê chinah i hnêna lo kal beiseiin hêng thu hi i hnênah 14  
 ka ziak a ni; nimahsela, ka la awm rei tâk *dahin* Pathian chhûngte 15  
 zînga mi engtia an awm tûr nge tih i hriat theih nân *ka ziak* a ni;  
*Pathian chhûngte* chu Pathian nung Kohhranho, thutak ban leh  
 inngahna chu *an* ni. Tin, Pathian ngaihsakna thurûk chu hnial 16  
 rual lohvin a ropui a ni:—

“Tisaa lo langa,  
 Thlarauba thiam changa,  
 Vântirhkohte hmuha,  
 Jentailte zînga tlângaupuia,  
 Khawvêlah hian *mile* rina,  
 Ropuinaa hruai chhoh tâka chu.”

**4** Nimahsela, nakin hunah chuan mi thenkhatte chu, mi 1  
 dawtheite vervêkna avângin, hruaibona thlaraute leh 2  
 ramhuaite zirtîrna thu ngaihsakin, rinna chu an la bânsan ang  
 tih Thlaraub chuan chiang takin a sawi a. Chûng *mi dawtheite*  
 chu anmahni chhia leh tha hriatna ngeia thîr linga deh ang an 3  
 ni a, inneih *an* khap thîn a, englo ei tûrte (thutak hriaa ringtuten  
 lâwm thu sawia pawm tûra Pathianin a siamte chu) ei loh tûr  
*an ti thîn*. Pathian thil siam tinrêng hi a tha si a, lâwm thu hrila 4  
 pawm a nih tawh phawt chuan engmah duh loh tûr a ni lo; Pathian 5  
 thu leh tawngtânain tihthianghlim a ni tawh si a.

Chûngte chu unaute i hriattîr chuan, Krista Isua rawngbâwltu 6  
 ̣ha tak, rinna leh zirtîrna ̣ha *tûn thlenga* i la zawm thua châwm  
 i ni ang. Amaherawhchu, Pathian zah lohna leh pitarte thawnthu 7  
 mai mai duh suh. Tin, Pathian ngaihsak tûrin insawizawi rawh:  
 taksa insawizawina hi sâwt zawng a sâwt ve bawk a; Pathian 8  
 ngaihsakna erawh hi chuanin, nunna tûna awm sa leh la awm  
 leh tûr *pêk* tiamna a neih avângin *kawng* tinrêngah a sâwt a ni. 9  
 He thu hi a rinawmin a pawm tlâk êm êm a ni. Chutichuan,  
 Pathian nung chu kan rin avângin kan thawk rim a, kan bei  
 hrâm hrâm a ni si a; ani chu mi zawng zawng Chhandamtu a ni  
 a, a ringtute *Chhandamtu* a ni deuh ber mai. Chûng thu chu pe 11  
 la, zirtîr rawh.

I naupai:na tumahin ngainêp suh se; thu sawi kawngah te, 12  
 chêtze kawngah te, hmangaihna kawngah te, rinna kawngah te,  
 thianghlimna kawngah te ringtute tihmuhtu ni zâwk ang che.  
 Ka lo kal hma loh zawng chhiar te, thu hrih te, zirtîr te bei rawh. 13  
 Nangmaha awm thilpêk, hrih lăwk *anga*, upahote kut nghata, 14  
*Pathianin* a neihtîr che kha thlahthlam suh. Mi zawng zawng 15  
 hnêna i sâwtina a lan theih nân chûng thilahte chuan taima la,  
 chûngah chuan inhmang zo rawh. Nangmah leh i zirtîrnaah 16  
 chuan fîmkhur la; chûng thil *tiin* awm reng rawh; chutiang tiin  
 nangmah leh i thu ngaithlatute chu i chhandam dăwn zuk nia.

**5** Putar deuhte hau suh la, ̣a angin thlêm zâwk rawh; 1  
 rawlthar deuhte chu unau angin; pitar deuhte chu nu angin; 2  
 nula deuhte chu thianghlim takin farnu angin.

Hmeithai, hmeithai taktakte chu chawimawi rawh. 3  
 Nimahsela, hmeithai tupawhin fate emaw, tute emaw nei sela, 4  
 chûngte chuan anmahni in chhûng lamah Pathian ngaihsaka awm  
 leh, anmahni hringtute chungah ̣hat ve thung zir zet rawh se;  
 chu chu Pathian lăwmzâwng a ni si a. Hmeithai taktak mahni 5  
 chauhva awm chuan, Pathian chungah beiseina a nei tlat a, a  
 chhûn a zânin dil leh ̣awngtăiin a awm fo ̣hîn a. Amah- 6  
 erawhchu, *hmeithai mahni* nawmna *ngawta* inpe chu, a dam  
 lai *pawhin* a thi a ni. Sawisêlbova an awm theih nân chûng *thu* 7  
 pawh chu pe rawh. Nimahsela tupawhin mahni mite tân a 8  
 ngaihtuah lăwk lohva, mahni in chhûnga mite ber tân mah a  
 ngaihtuah lăwk loh chuan, rinna chu a phatsan a, ring lo mi aiin a  
 sual zâwk a ni.

*Hmeithai chu* kum sawmruk achin hnuai lama mi ni lova, mi 9  
 pakhat nupui ni tawha, thil ̣ha tih kawnga *mi* faka a awm chuan,  
 hmeithaia ziak theih a ni—fate lo chăwmtlei tawha, mikhualte lo  
 thleng tawha, mi thianghlimte ke lo sil tawha, mi mangangte  
 lo chhawmdăwl tawha, thil ̣ha tinrêng taima taka a lo tih tawh  
*phawt* chuan. Hmeithai la nula deuhte erawh chu ziak duh suh; 11

Krista lama an lo ngheh lohvin pasal neih an duh si *thìn* a; an rin 12  
 tirhna chu an paih avângin thiam loh changin an awm *thìn* a  
 ni. Tin, chu lo pawh chu, in tinah an lêng lâwr a, thatchhiat 13  
 pawh an ching *thìn* a; thatchhiat chang pawh ni lovin, thu sawi  
 loh tûr sawiin, kamtam leh mite thiltih rêl sak an *ching* bawh  
*thìn* a ni. Chutichuan, *hmeithai* la nula deuhthe chuan pasal nei sela, 14  
 fate nei sela, in chhûng khawsak rêl sela, sawisêlna tûr remchâng  
 rêng hmêlma chu hmuhtîr suh sela ka duh a ni. Tûnah pawh 15  
 mi thenkhat chuan Setana lam panin an pênsan ta si a.

Ringtu hmeichhiain hmeithaite nei sela amahin chhawmdâwl 16  
 rawh se; Kohhranhu chu tihbuiin awm suh se; hmeithai tak-  
 takte chu an chhawmdâwl theih nân.

Kohhran upa rorêl thate chu a leh hniha chawimawi tlâka 17  
 ngaih ni rawh se, thu *hril* leh zirtîrnaa thawk rimte chu *chawimawi*  
*tlâka* ngaih leh zual ni rawh se. Pathian Lehkha Thu chuan, 18  
 “Sebâwngpain buh a chîl laiin a hmuí phuar suh ang che,” a ti a.  
 “Hnathawktu chu a hlawh hmu tlâk a ni,” a ti bawh a.

Kohhran upa an hêkna chu, hretu pahni emaw pathum emaw 19  
 kaa mi lo chu pawm suh. Thil tisualtute chu mi zawng zawng 20  
 hmaah zilhau rawh, mi dangte pawhin an hlahv ve theih nân.

Hêng thu hi thleithlâk bik nei lovin, thlei bik neia engmah 21  
 ti lovin, Pathian leh Krista Isua leh vântirhkoh thlante mithmuhin  
 zâwm tûrin thahnemngai takin ka hriattîr a che. Tuma chungah 22  
 kut ngat thut suh la, mi dang sualnahte chuan tel hek suh;  
 intithianghlim reng rawh.

Tui *chauh* in mi ni tawh suh la, i pum avâng leh i dam loh fo 23  
 avângin uain tlêm tê hmang *thìn* ang che.

Mi thenkhat sualte chu a lang reng a, rorêlnaah a thleng 24  
 hmasa *thìn*; mi thenkhat erawh chu an hnungah a zui zâwk  
*thìn*. Chutiang bawkin thil tha tih lang reng mi a awm, chutiang 25  
 lo mite pawh chu thup theih a ni lo.

**6** Pathian hming leh a zirtîrna thu sawichhiata a awm loh nân, 1  
 bawi ngâwngkawh bôt apiangte chuan anmahni pute  
 engkimah chawimawi tlâkah ngai rawh se. Tin, ringtu pu neite 2  
 chuan unau an nih avângin ngainêp suh se, amaherawhchu, sâwtina  
 hmutute chu ringtu leh duh takte an nih avângin an rawng bawl  
 sak leh zual rawh se.

Chûng thu chu zirtîr la, fuih rawh. Mi tupawhin zirtîrna 3  
 dang a zirtîr a, thutak (kan Lalpa Isua Krista thu chu) leh, Pathian  
 ngaihsak lam zirtîrna a awi loh chuan, ani chu a chapo va, engmah  
 a hre lo va, *hriat ahnêkin* inhnial leh thu kalh kawngah chuan a  
 â ta zâwk a ni. Chûng aţang chuan awhna te, insualna te,  
 sawichhiatna te, tha lo lama rinna te, hnialhrâtna te a chhuak  
*thìn* a; chutiang *hnialhrât mite* chu rilru chhe nei leh thutak nei lo mi, 4

Pathian ngaihsak hi hlâwkna emaw titu an ni. Pathian ngaihsakna 6  
 hi lungawina tel zawngin hlâwkna nasa tak a ni rêng a ni.  
 Khawvêlah *hian* engmah kan luhpui si lo va, engmah kan chhuahpui 7  
 thei bawh hek lo. Nimahsela, ei tûr leh silh tûr neiin, chungah 8  
 chuan kan lungawi ang. Amaherawhchu, hausak tumte chu, 9  
 thlêmnaah te, thangah te, âthlâk leh tikhawlo thei duhna tam  
 takah te, an tlu lût thîn, chûng *duhnate* chuan chhiatna leh boral-  
 naah chuan mite a tipil thîn. Tangka sum ngainat hi sual tinrêng 10  
 bul a ni si a; chu chu thenkhatten an awt a, rinna chu an kal  
 bosan a, anmahni leh anmahni lungngaihna tam takin an inchhun  
 tlang ta chuk a.

Nimahsela, nang, Pathian mi, chûng thilte chu tlânsan la, felna 11  
 te, Pathian ngaihsakna te, rinna te, hmangaihna te, dawhtheihna  
 te, thuhnuairawlhna te ûm zêl rawh. Rinna intihsiakna tha chu 12  
 bei la, chatuan nunna chu vuan rawh; chu mi *chang* tûrin koh i  
 ni a; hretu tam takte mithmuhah tanna tha chu i tan tawh kha.

Pathian, thil engkim tinungtu leh, Krista Isua, Pontia Pilata 13  
 hmaa tanna tha tantu mithmuhah chuan thu ka pe a che; kan 14  
 Lal Isua Krista rawn inlâr leh hma loh chuan thupêk kha  
 thianghlim tak leh sawisêlbova pawm tûrin. Chu *inlârna* chu a 15  
 hun takah chuan fak tlâk Thuneitu tak chauh, lalberte Lalber, lalte 16  
 Lal chuan a entîr ang; amah chauh chuan thih theih lohna a nei a,  
 êng hnaih theih rual loliva chuan a awm a, amah chu tumahin  
 an hmu *ngai* lo va, hmuh pawh an hmu thei hek lo; ama hnênah  
 chuan chatuana chawimawina leh thiltihtheihna awm rawh se.  
 Amen.

He mi khawvêla hausate hi chapo lo tûr leh sum rinawm 17  
 lovah hian an beiseina nghat lova, thil zawng zawng lâwmna  
 tûra tam taka min petu Pathian chungah chuan *ngat* zâwk tûrin  
 zilh rawh; thil tha ti tûrin, thil tha tih ngah tûrin, thil phala, 18  
 thawhlâwm peih *tûrin*, nunna, *nunna* taktak chu an vawn theih 19  
 nân, hun lo thleng tûr atân chuan lungphûm tha tak an tâna  
 khâwl khâwm *tûrin fuh rawh*.

Aw Timothe, i hnêna kawltîra awm chu vawng tha rawh. 20  
 Pathian zah lo lam thu sawi mai mai leh, dik lo taka "Finna"  
 an vuah hnialna hi hawisan *rawh*. Chu chu thenklatten nei emaw 21  
 intiin, rinna kawng chu an kal kawisan to a.

Khawngaihna i hnênah awm rawh se.

# Timothea Hnêna Tirkoh Paula Lebkha Thawn Pahnihna

Paula, Krista Isuaa nunna awm tiamna *thu* chu *hrilh* kawnga 1  
Pathian duhzâwnga Krista Isua tirkoh chuan:  
Ka fa duh tak Timothea hnênah. 2

Pathian *kan* Pa leh Krista Isua *kan* Lalpa hnên ata khawngaihna  
te, zahngaihna te, remna te *lo awm rawh se*.

Lâwmin ka khah theih nân hmuh che *ka* duh êm êm a, i mittui 3  
hre rengin a chhûn a zânin bâng lovin ka *ṭawngtainaahte* chuan  
ka hriatpui ṭhin che avângin Pathian hnênah lâwm *thu* ka hril  
a ni, mi thlahtute chena, chhia leh ṭha hriatna thiang *tak* neia,  
a rawng ka bâwl ṭhina *hnênah* chuan; rinna taktak nangmaha awm 5  
chu *ka* hre reng *si* a, chu *rinna* chu a tîrin i pi Loisii-ah chuan a awm  
a, i nu Euniki-ah chuan *a awm* bawk a, nangmahah pawh *a awm*  
tih dik takin ka hria.

Chuvângin, ka kut nghah avânga Pathian thilpêk nangmaha 6  
awm *kha* chhêm alh tûrin ka hriatpui che a ni. Pathianin hlauhna 7  
thlarau min *pe* lova, thiltihtheihna leh hmangaihna leh rilru fel  
*tak* *neihna thlarau min pe* zâwk si a. Chutichuan, kan Lalpa *thu* 8  
hriattîrna chu zahpui suh la, kei ama mi tâng pawh hi mi *zahpui*  
hek suh ang che. Chanchin Ṭha avânga hrehawm hi Pathian  
thiltihtheihna angzia zia in *mi* tuarpui zâwk ang che. *Ani* chuan 9  
kan thiltih angte ni lovin, ama ruat leh khawngaihna ang zâwkin  
min chhandam a, kohna thianghlimin min ko bawk a; chu *khaw-*  
*ngaihna* chu leilung pian hmâin Krista Isuaah chuan min pêk a ni 10  
tawh, nimahsela, min Chhandamtu Krista Isua inlârna avâng  
hian tûnah tihlanin a awm ta. *Ani* chuan thihna chu a tiboralin,  
Chanchin Ṭhain nunna leh boral theih lohna a tilang ta; chu mi 11  
*Chanchin Ṭha* *thu* chu *hriattîr* tûrin tlângapuituah leh tirkohvah  
leh zirtirtuah ruat ka ni. Chuvâng chuan a ni, hêng thil pawh hi 12  
ka tuar ni; nimahsela ka zak lo ve; ka rina chu ka hria, a hnêna  
ka kawltir chu chu mi ni atân chuan a vawng ṭha thei tih dik  
takin ka hre bawk a.

Krista Isuaa awm rinna leh hmangaihna *neiin*, *thu* dik dân 13  
ka kaa i hriatte *kha* nei tlat rawh. Thil ṭha i hnêna kawltira 14  
awm *kha*, kan chhûnga Thlarau Thianghlim awm hianin, vawng  
ṭha rawh.



Asia rama awm zawng zawngten mi hawisan tih kha i hria a; 15  
 an zingah chuan Phugella leh Hermogena an tel a ni. Lalpa 16  
 chuan Onesiphora chhungle hnênah zahngaihna pe rawh se, ani  
 chuan mi tiharh fo va, ka khaidiat *bun* pawh *mi* zahpui si lo va;  
 Rom khuaa a awm lai khân ngun takin mi zawng chhuak ta zâwk 17  
 a ni. (Chu mi niah chuan Lalpa hnênah zahngaihna hmu tûrin 18  
 Lalpa chuan ani chu ruat rawh se). Ephesi khuaa rawng a bâwl  
 nasatzia kha i hre hle bawh a ni.

**2** Chutichuan, nang, ka fa, Krista Isuaa khawngaihna awmah 1  
 hian thiltihtheihna neiin awm ang che. Tin, hretu tam 2  
 takte zinga ka kaa thu i hriatte kha, chûng chu mi rinawm, mi  
 dangte zirtîr chhâwng thei tûr angte hnênah chuan kawltîr rawh.  
 Krista Isua sipai tha tak angin hrehawm *mi* tuarpui rawh. 3  
 Sipai a awm tûra thlangtu chu a tihlâwm theih nân, sipai tumah 4  
 indo laiin *tân* damchhûng khawsaknate hian a intihnewk *ngai* lo  
 va. Tin, intihsiaaknahte pawh chuan miin bei *mah* sela, dân 5  
 angin a bei loh chuan khumtîrin a awm *ngai* lo va. Lo neitu 6  
 thawk rim chu a rah chang hmasatu a ni tûr a ni. Ka *thu* sawi hi 7  
 ngaihtuah rawh; Lalpa chuan *kawng* engkimah hriat theihna a pe  
 dâwn si chia.

Isua Krista, Davida thlaha mi, ka Chanchin Tha sawi anga 8  
 mitthi zing ata tho leha kha hre reng rawh; chu *Chanchin Tha avâng* 9  
 chuan thil tisualtu angin phuar khawp hialin hrehawmte ka tuar  
 thîn a ni; nimahsela, Pathian thu chu phuarin a awm si lo.  
 Chuvângin, Krista Isuaa awm chhandamna chu, chatuana ropuina 10  
 nân an hmuve theihna tûrin, Thlante avâng chuan engkim ka  
 tuar thîn. *He* thu *hi* a rinawm a ni: 11

“ A thihnaah kan thih tawh si chuan,  
 A nunnaah kan nung bawh ang;  
 Kan tuar chuan, 12  
 A rorêlnaah ro kan rêl ang;  
 Amah kan phatsan chuan,  
 Ani pawhin min phatsan ang;  
 Keini rinawm lovin awm *mah* ila, 13  
 Ani chu rinawmin a awm reng a ni;  
 Amah leh amah a inphat thei si lo va,”

*tih hi.*

Chûng thu chu hriatpui la, thu *mai mai* chung a inhnial 14  
 loh nân Lalpa mithmuhah thahnemngai takin hriattîr rawh,  
*chu chu* engmah a sâwt lo va, a ngaithlatute tân boralna a ni  
*zâwk* thîn.

Hnathawktu, thutak thu fel taka hmang chu zak tûr a ni lo 15  
 angin, Pathian ngaiha thaa inentîr tûrin thahnem ngai rawh.  
 Amaherawhchu, Pathian zah lo lam thu sawi mai mai chu hawisan 16

thîn ang che; chutiang mite chu Pathian ngaihsak lohna lamah  
 an nasa lehzuall ang a, an thu pawh chuan pân chhe *ei* angin a 17  
*ei* zêl ang; an zîngah chuan Humenaia leh Phileta an tel a ni;  
*chúng* mite chuan, “Thawhlehma chu tûnah pawh a ni tawh daih,” 18  
 tiin, thutak kawng chu an kal *kawisan* a, mi thenkhatte rinna an  
 tibo thîn a. Nimahsela, Pathian lungphûm ngiet chu a *la* dîng 19  
 reng a, he chhinchhiahma hi a nei a: “Lalpa chuan ama tate  
 chu a hria,” *tih* leh, “Lalpa hming lam apiang chuan sual kalsan  
 rawh se,” *tih* hi. Nimahsela, in ropuah hian bungbêl rangkachak 20  
 leh tangkaruaa siam mi chauh a awm lo va, thing leh belleia siam  
 mite pawh a awm *thîn* a; thenkhatte ngaihhlut tûr a awm bawk  
 a, thenkhatte chu ngaihhlut loh tûr a awm bawk a. Chuvângin 21  
 miin chûng thil lakah a inthiarfihlîm chuan, bungbêl thianghlîm,  
 Lalpa hman tlâk, hnathawh tha tinrênga inpeih sa, ngaihhlut tûr  
 mi a ni ang.

Nimahsela, tleirâwl châknate chu tlânsan la, thinlung 22  
 thianghlîma Lalpa lam apiangte zîngah chuan felna te, rinna  
 te, hmangaihna te, remna te ûm ve rawh. Amaherawhchu, 23  
 indonate a hring thîn tih hriain, inhnialna âthlîk leh fîng lovahte  
 chuan tel duh suh. Lalpa bawi chuan do tûr a ni si lo va, mi 24  
 zawng zawng chungah zaidamin, zirtîr thiamin, sual chungah 25  
 dawtheiin, do tûra insiamte chu thuhnuairawlh takin a  
 zirtîr zâwk tûr a ni; chutichuan, Pathianin thutak chu  
 an hriat famkim nân a simtîr hlauhvin, Pathian duhzâwng 26  
 ti atân Lalpa bawin a manin, Diabola thang ata an chhuak thei  
 mahna.

**3** Tin, hei hi hre rawh, ni hnahnungahnte chuan hun khirh 1  
 takte a lo awm ang. Mi mahni inhmangaihtu te, tangka 2  
 ngainatu te, intivei te, chapo te, *Pathian* sawichhetu te, nu leh pa  
 thu awi lo te, lâwm nachâng hre lo te, thianghlîm lo te, hmangaih- 3  
 hna pianpui nei lo te, huaikawmbâwl te, hêktu te, insûm thei  
 lo te, mi kawlsen te, tha duh hauh lo te, vervêk te, thuhnudâwn 4  
 lo te, ingaihlu te, Pathian hmangaih aia mahni lâwmna mai  
 hmangaih zâwktu te an ni dâwn si; Pathian ngaihsak anna an 5  
 nei ang a, nimahsela a thiltihtheihna chu an awi lo vang; chûng  
 ang chu hawisan rawh. Chûng ang zînga mite chu, inahte 6  
 lûta. sual rit phur hmeichhe â deuhte sala man thîntute kha an  
 ni si, *chutiang* hmeichhuate chu châkna tinrênga hruai be, zir fo sia  
 thutak hre phâk ngai lo an ni. Tin, Jannia leh Jambuan Mosia 7  
 an dodâl ang khân, chûng mite pawh chuan thutak hi an dodâl  
 thîn; rilru chhe tawh, rinna kawngah chuan *Pathian* duh loh zâwng  
 mi an ni. Nimahsela *chúng* aliam chu an ti lo vang, an âtzia ini 9  
 zawng zawng hnênah a lo lang dâwn si a, *Jannia* leh *Jambua* âtzia  
 a lo lang ang khân.

Nang erawh chuan ka zirtîrna te, *ka awm dân te, ka thil* tum 10  
 te, *ka rinna te, ka dawhtheihna te, ka hmangaihna te, ka chhelna*  
 te, *mi mi* tihduhdahna te, *ka tuarna te i hre hle mai*; Antiokei 11  
 khuaah te, Ikonion khuaah te, Lustra khuaah te ka chung a thil  
 thleng *leh* tihduhdah ka tuarnate kha; chung zawng zawngah  
 chuan Lalpa chuan mi chhandam ta si a. A ni, tupawh Krista 12  
 Isuaa Pathian ngaihsaka awm tum apiang chuan tihduhdahnate 13  
 an tuar bawh ang. Mi sual leh tihdertute erawh chu, mi bum  
 leh buma awmin an sual zual deuh deuh ang.

Nimahsela, nang zawng, tu hnêna zir nge i nih leh, Krista 14  
 Isuaa rinna awm avâng chuan chhandamna hmu khawpa tifing 15  
 thei che Lehkha Thianghlimte chu i naupan têt ata hre tawh i  
 ni tih inhriain, i thil zir leh *i thil* hriat chianahte chuan awm reng  
 rawh. Pathian Lehkha Thu tinrêng, Pathian thâwk khuma 16  
 pêk tawh phawt chu, zirtîr kawngah te, thiam loh chantîr kawngah  
 te, zilh kawngah te, felna zirtîr kawngah te a sâwt bawh a ni;  
 Pathian mi chu, hna tha tinrêng thawk tûra kim taka inthuamin a 17  
 famkim theih nân.

**4** Pathian mithmuh leh, mi nung leh mitthi ngaihtuahtu 1  
 tûr Krista Isua *mithmuhah* chuan, a inlârna leh a ram chhâlin,  
 thahnemngai takin ka hriattîr a che: Thu chu hril rawh; a hunah 2  
 te, a hun lovah te pawh bei zêl rawh; dawhthei taka zirtîr chungin  
 an thiam loh hriattîr la, zilh la, fuih rawh. Zirtîrna dik an ngaih 3  
 peih loh hun a la thleng dân si; an bengte a zat avângin anmahni  
 duhzâwng angin zirtirtute an hnênah an khâwm zâwk ang a, 4  
 an bengte chu thutak lamah an chhungawng ang a, thawnthu lam  
 panin an pêng tawh ang. Nang erawh chu engkimah fîmkhur 5  
 la, hrehawm tuar la, Chanchin Tha hriltu lam hna thawk la, i  
 rawngbâwl na kha hlen rawh.

Kei zawng tûnah pawh hlanin ka awm mêk a ni si a, ka chhuah 6  
 hun a thleng tawh e. Intihsiakna tha chu ka bei zo tawh a, ka 7  
 tlânsiakna kawng ka hlen tawh a, rinna chu ka vawng reng tawh  
 a ni; tûnah chuan felna lallukhum chu ka tân dahin a awm tawh 8  
 a, chu chu Lalpa, ngaihtuahtu fel tak chuan chu mi niah chuan  
 mi pe ang; ka hnênah chauh ni lovin, a inlârna ngai apiangte  
 hnênah pawh.

Rang takin ka hnênah lo kal hrâm rawh; Dema chuan tûn 9  
 lai khawvêl hi a ngaihnat avângin mi kalsan a, Thessalonika 10  
 khuaah a kal ta si a; Kreskea chu Galatia ramah a kal ta a, Tita  
 chu Dalmatia ramah a kal ta bawh a. Luka chauh ka hnênah 11  
 a awm ta a. Marka kha sâwm la, han hruai ve rawh, ani chu  
 rawngbâwl lamah ka tân a tangkai si a. Tukika zawng Ephesi 12  
 khuaah ka tîr ta. I lo kal hunah Troas khuaa Karpa hnêna 13

kawrfual ka hnutchhiah kha, lehkhahute nên khân rawn keng la,  
savun lehkhah mawlh kha *rawn keng ang che.*

Aleksandra, dâr chhûn thiam kha, ka chungah a sual êm êm 14  
thîn a ni, Lalpa chuan a thiltih ang zêlin a thungrûl ang; a lakah 15  
khân nang pawh fîmkhur rawh, kan thu a dodâl nasa êm si a.

Ka thiamna thu ka sawi hmasak tum chuan tumah rêngin 16  
mi tanpui lo va, mi thlahthlam ta vek zâwk a ni; a mawh chu  
phurin awm hlawm suh se. Chanchin *Tha* keimah avânga hrilh 17  
kimin a awm theih nân leh, Jentailte zawng zawng chuan an  
hriat theih nân, Lalpa chuan mi tan a, mi tichak ta zâwk a ni;  
tin, sakeibaknei kaa mi kha chhan chhuahin ka lo awm ta a ni.  
Lalpa chuan sualna zawng zawng lakah mi chhan chhuak ang a, 18  
a vân ramah chuan him takin mi thlen ang; amah chu chatuana  
ropuiin awm rawh se. Amen.

Priski leh Akuila, Onesiphora chhûngte nên khân, chibai 19  
*mi bûk sak* ang che. Erasta chu Korinth khuaah chuan a awm ta 20  
reng a, Trophima erawh chu Meleti khuaah dam lovin ka kalsan  
ta a. Thlasik hmain lo kal hrâm hrâm ang che. 21

Eubula te, Pudea te, Lina te, Klaudii te, unau zawng zawngte  
nên chibai an bûk a che.

Lalpa chu i thlarau hnênah awm rawh se. Khawngaihna 22  
in hnênah awm rawh se.

# Tita Hnêna Paula Lehkha Thawn

Paula, Pathian bawi, chatuana nunna beiseia Pathian  
thlante rinna kawngah leh Pathian ngaihsak lam thutak  
hriatna kawnga Isua Krista tirhkoah bawh chuan: (Chu *chatuana*  
*nunna* chu Pathian dâwt sawi thei lova chuan khawvêl awm hmawh  
a tiam a; nimahsela, ama hun takahte chuan a thu chu thuchahah  
chuan a tilang ta, chu *thuchah* chu Pathian kan Chhandamtu  
thupêk ang zêla kawltir ka ni.)

Tita, vântlâng rinnaa ka fa taktak hnênah.

Pa Pathian leh Krista Isua kan Chhandamtu hnên ata  
khawngaihna leh remna awm rawh se.

He mi avâng hian Kret thliarkârah khân ka hnutchhiah  
che a ni, thil tihfel bâkte chu i tihfel zêlna tûr leh, thu ka pêk che  
ang khân khaw tinah upate i ruatna tûrin; tupawh sawisêlbo,  
nupui pakhat nei, fate *Pathian* thu ring, nawmsak bawl lutuk  
kawnga sawisêl hlauh lo, dân ang lova awm lo nei an nih tawh  
phawt chuan. *Kohhran* hotu chu Pathian sum enkawltu a nih  
avângin sawisêlbo ni tûr a ni; mi tihmawh, thîn ram, uain ruih  
hmang, mi velh hmang, hlêpna bawhlhlawha duhâm *mi* ni tûr  
a ni lo va; mi lawm dân thiam, tha lam duh, rilru dik tak, mi fel,  
mi thianghlim, insûm thei *mi* ni zâwk tûr a ni a; zirtirna dik tak  
kawngah chuan *mi* a fuih theihna tûr leh, hnialtute chu thiam  
loh a chantir theihna tûrin zirtirna ang zêl thu rinawm chu pawm  
tlat *mi* ni bawh tûr a ni.

Dân ang lova awm, thu sawi mai maite leh tihdertute mi  
tam tak an awm si a, serhtanho zînga mi an ni deuh ber; chûngho  
kâ chu huh sak tûr a ni, hlêpna bawhlhlawh duh vânga thu zirtir  
loh tûr zirtirin, mite a chhûng chhûngin an chawh khawlo si  
thîn a. Anmahni zînga mi anmahni zâwlnei pakhat ngeiin,  
“Kret thliarkâra mite chu dawthei te, sakawh sual te, thatchhe  
chaw hehte an ni fo mai,” tiin, a sawi kha. Chu thu hriattir chu  
a dik a ni. Chuvâng chuan Judah thawnthute leh thutak  
hawisan thînte thupêkte chu ngaihsak lovin, rinnaah chuan an  
dik theihna tûrin na takin zilhau rawh.

*Mi* thianghlimte tân chuan engkim a thianghlim thîn;  
nimahsela mi bawhlhlawh leh ring lote tân chuan engmah thiang-  
hlim rêng a awm thîn lo, an rilru leh an chhia leh tha hriatna  
rêng pawh a bawhlhlawh tawh a. “Pathian kan hria,” tiin,

an ẵng ẵn a, nimahsela, tenawm te, thu awi lo te, thil ẵa tinrẻng tih kawnga Pathian duh lohẵngte an ni a, an thiltih an phatsan si ẵn.

**2** Nang erawh chuan zirtirna dik tak nẻna inhmeh thu sawi rawh. Putarte chu insẻm thei, zahawm, rilru fel tak, rinna leh hmangaihna leh chhelnaah dik tak ni tẻn fuih rawh. Pitarte pawhin Pathian Thu chu sawichhiatin a awm loh nẻn, nulate chu an pasalte hmangaih tẻ te, an fate hmangaih tẻ te, rilru fel taka awm tẻ te, thianghlim taka awm tẻ te, mahni ina thawktua awm tẻ te, ngilneia awm tẻ te, anmahni pasalte thu thua awm tẻ tea an thunun theihna tẻn an awm dẻn rẻng Pathian zah mite, hẻktute leh uain heh mite ni lova, ẵa lam zirtirtute ni tẻn fuih bawh rawh.

Chutiang bawkin, tlangvẻlthe chu rilru fel tak pu tẻn fuih rawh. Leh lama ẵngte zinga min kan chungah thu ẵa lo rẻng sawi tẻ an neih loh avẻng an zah theih nẻn, engkimah thil ẵa tih kawngah tihhmuh tuah intilang la, i zirtirnaah chuan i takzia te, i zahawmzia te, i thu sawi dikzia sawisẻl rual loh te chu tilang rawh.

Bawite chuan Pathian kan Chhandamtu zirtirna thu engkima an cheimawi theih nẻn, hnial lovin, kutkem hmang lovin, rinawmna ẵa zawng zawng tilang zẻkin, an pute thu thua awm tẻ leh, engkima an lẻwmzẻng awm tẻn fuih rawh. Mi zawng zawng hnẻnah chhandamna rawn thlenin Pathian khawngaihna a lo lang ta si a; beisẻna lẻwmawm—kan Pathian ropui tak Chhandamtu Isua Krista ropuina inẻrna chu—nghẻkin, Pathian ngaihsak lohna leh khawvẻl chẻknate bẻnsanin, tẻn lai khawvẻlah hian insẻm leh fel tak leh Pathian ngaihsakin kan awm tẻ a ni tih min zirtir a. Anẻ chuan bawhchhiatna zawng zawng lak ata min tẻn theihna tẻ leh, chi tẻn bẻk, thil ẵa tiha ẵahnemngai, ama tẻna a tihthianghlim theihna tẻn kan aiin a inẻk kha.

Thunei takin chẻng thu chu hrih la, fuih la, zilh rawh. Tuman hmusit che suh se.

**3** Lalte leh thuneitute laka intulẻt tẻ te, thu awi tẻ te, thil ẵa tinrẻng tiha inẻih tẻ te, tumah sawichhe lo tẻ te, kawhmawh bẻwl lo tẻ te, mi zawng zawng laka thuhnuai-rawhna tinrẻng tilanga nunnẻm tẻ tein anmahni hriat chhuhẻtir leh rawh.

Keini pawh hmẻnah khẻn ỏ tak te, thu awi lo te, buma awm te, chẻkna leh lẻwmna tinrẻng rawng bẻwl te, sual leh itsik hmanga awm te, tenawm te, inhaw tawn te kan ni si a. Nimahsela, Pathian kan Chhandamtu ngilneihzia leh mihring chung a hmangaihzia chu a lo lan lai khẻn, thil fel taka tih, keimahni ỏzia tihte chu, chu mi avẻng ni lovin, siamtharna silna leh Thlarau

Thianghlim siamthāt lehna chuanin, a khawngaihna ang zêl  
 zâwkin min chhandam ta. Chu *Thlarau Thianghlim* chu Isua Krista 6  
 kan Chhandamtu zârah chuan nasa taka kan chung a leih kha.  
 Chutichuan, a khawngaihnaa thiam chantira lo awmin, chatuana 7  
 nun beiseina ang zêla roluahtu tûra siamin kan awm thei ang.

“Pathian ring tawhte chuan thil tha ti zêl tûrin ngaihtuah 8  
 rawh se,” tih thu hi a rinawm a ni, chúng thu chanchin chu huai  
 taka i hrilh tlat ka duh a ni. Chúng thu chu mihringte tân a  
 thain a sâwt a ni; nimahsela zawhna âthlāk te, thlahtute thu 9  
 chhuina te, inhnialna te, Dân thua insualna te chu hawisan zêl  
 rawh; chúng chu thil sâwt lo leh engmah lo a ni si a.

Rin hran nei mi chu vawi hnih khat zilh hnu chuan duh 10  
 suh; chutiang mi chu a kal pêngin a sual a ni tih in hria e, amah 11  
 leh amah thiam loh inchantir a ni si a.

Artema emaw, Tukika emaw, i hnêna ka rawn tih hunah 12  
 chuan, Nikopoli khuaah ka hnênah lo kal hrâm hrâm ang che;  
 chutah chuan thlasika awm ka tum si a. Zîna, dân hretu leh, 13  
 Apollova chuan engmah an tlākchham loh nân, an zinnaah chuan  
 thahnemngai takin puibâwm ang che. Kan *mite* pawh chuan, 14  
 rah lova an awm loh nân, tlākchhamna pawimawh atâte chuan  
 thil tha ti zêl tûrin zir rawh se.

Ka hnêna awm zawng zawngte hian chibai an bûk a che. 15  
 Rinnaa min hmangaihtute kha chibai *min* bûk *sak* ang che. In  
 zaa hnênah khawngaihna awm rawh se.

# Philemona Hnêna Paula Lebkha Thawn

Paula, Krista Isua mi tâng leh, kan unaupa Timothea chuan: 1

Kan duh tak leh *kan* thawh rimpui Philemona hnênah te, kan farnu Aphi hnênah te, kan sipaipui Arkippa hnênah te, i ina kohhran *inkhâwmho* hnênah te pawh. 2

Pathian kan Pa leh Lalpa Isua Krista hnên ata khawngaihna leh remna in hnênah awm rawh se. 3

Lalpa Isua lamah leh mi thianghlim zawng zawng lama hmangaihna leh rinna i neih chu lo hre thînin, ka tawngtâinaahte chuan i hming lam fovin, ka Pathian hnênah lâwm thu ka hril thîin; i rinna thawhlâwm chu, nangmahnia awm thil tha tinrêng hriat famkimna kawngah chuan, Krista lama a lo sâwt theihna tûrin. Unaupa, nangma zâra mi thianghlimte thinlung a lo harh tâk avângin i hmangaihnaah chuan ka hlimin ka thlamuang êm êm thîin asin. Chuvângin a âwm tâwk chu *ti tûrin* thu pèk che Kristaah ngam êm êm mah ila, hmangaihna avângin (Paula putar meuh *ka ni a*, tûnah Krista Isua mi tâng ka lo ni ta na a) a ngenin ka ngên zâwk a che; ka fa Onesima, kawl bun chung a ka hrin atân hian i hnênah ka ngen sak e. *Ani* chu hmânah khân i tân a tângkai lo va, tûnah cawh chuan kei leh nang atân a tângkai ta e; amah tak, ka thinlung ngei hi, i hnênah ka rawn tîr kîr leh ta a ni; ani chu Chanchin Thaa kawl *ka* bunnaah hian nangma aia rawng mi bâwl sak theihna tûrin ka hnênah awmtîr reng ka duh hle a ni; nimahsela, i khawngaihna chu *khawngaih* luihtîr ang ni lovin, i thu thu ang a nih theih zâwkna tûrin, i thu lovin engmah tih ka duh lo. Rei lo tê a then che hi kumkhuaa amah chu i neih hlenna ai a ni mahna, *nimahsela*, bawi ang ni tawh lova, bawi aia tha, unau duh tak ang zâwk hian; kei atân *duh tak a ni* bîk a, nang atân lek phei chuan, tisaah leh Lalpaah chuan a va ni dâwn lehzual êm!

Chutichuan, thiana mi ngaih chuan, keimah angin amah hi lo lâwm ang che. Tin, i chungah thil engpawh tisualin emaw, i engilo emaw a bat chuan, keima batah ruat ang che; kei Paulan keima kut ngeia ka ziaa a nih hi, keiman ka rulh sak ang; ka lakah nangmah ngei pawh i inbat bawkia chu hrilh che zawng ka ni lo ve. A ni, unaupa, nangmah avângin Lalpaah chuan lâwmna mi neihtîr la; Kristaah chuan ka thinlung tihah ang che. 20

Ka sawi aia nasa zâwk mahin i ti ang tih ka hriat avângin, 21



i awi ringin i hnênah ka ziaak a nih hi. Engpawh ni sela, chu 22  
 chang ti lovin, thlenna tûr mi lo buatsaih sak bawk ang che; in  
 ɣawngɣainate avângin in hnênah pêk ka ni dâwn tih ka inring  
 si a.

Epaphra, Krista Isuaa ka tânpuipa hian, chibai a bûk a che; 23  
 ka hnathawhpui Marka te, Aristarka te, Dema te, Luka te 24  
 pawhin *chutiang bawkin an bûk a che.*

Kan Lalpa Isua Krista khawngaihna i thlarau hnênah awm 25  
 rawh se. Amen.

# Hebraite Hnêna Lehkha Thawn

Pathian, hmasânga thlahtute hnêna bung tam tak leh 1  
kawng tinrênga Zâwlncitea thulo sawitukhân, hêng ni tâwpah 2  
hian keimahni hnênah a Fapaah chuan thu a sawi ta. Chu mi  
chu engkim rochungtuah a ruat a, chu mi pawh chuan khaw-  
vêlte chu a siam a; ani chu a ropuina êng leh, a tak anpui ngei 3  
leh, ama thiltihtheihna thua engkim tungdingtu niin, sualte a  
tlenfai hnuin chung lama Ropuibera ding lamah khian a han thu 4  
a; vântirhkohte aia hming tha zâwk a rochun ang ngeiin an aia  
ropui zâwk a lo ni tawh si a. Vântirhkohte zîngah tu hnênah 5  
nge *hêng thu hi* a sawi ngai le?

“Nang zawng ka Fapa i ni e,  
Wawiin hian ka hring che a ni,”

*tih leh,*

“A tân Pa ka ni ang a,  
Ani chu ka tân Fapa a ni ang,”

*tih hi.* Tin, Fa tira chu khawvêlah hian a hruai luh lehin, 6  
“Pathian vântirhkohte zawng zawng pawhin  
Amah chibai bûk rawh se,”

a ti a. Tin, vântirhkohte chungchâng thua chuan *hei hi* a 7  
sawi a ni:

“Ani chuan a vântirhkohte chu  
Thlih a chantîr thîn a,  
A rawngbâwtute pawh  
Meialhah a *chantîr thîn*,”

*tih hi.* Fapa chungchâng thua crawh chuan *hei hi* a sawi a ni. 8

“Aw Pathian, i lalthutphah chu  
Chatuanin a awm tûr a ni;  
Dikna lal tiang pawh chu  
I ram lal tiang chu a ni.  
Felnâ chu i ngainâ a, 9  
Bawhchhiatna chu i huat kha;  
Chuvângin, Pathian, i Pathian chuan,  
I thiante ai chuan  
Hlimna hriak a thih nasat tâk che hi,”

*tih leh,*

“Nang, Lalpa, a tîrin  
Leilung nghahchhan i phum tawh a,

10

Vânte pawh i kut chhuak a ni;  
 Chûngte chu a la boral ang a, 11  
 Nang erawh chu awm hlen *tûr* i ni;  
 Tîn, chûng zawng zawngte chu  
 Silhfên angin a la hlui ang a,  
 Puan angin i zial bawh ang a— 12  
 Silhfên ang maiin,  
 Tichuan, a lo danglam tawh ang;  
 Nang erawh chu i pângngai fo va,  
 I kumte pawh a ral lo vang,”

*tîin.*

Nimahsela, vântirhkohte zîngah tu chungchâng thuah nge *hei* 13  
*hi* a sawi ngai ni?

“ I hmêlmate i kephah nghahchhana  
 Ka siam hma loh zawng  
 Ka ding lamah *ṭhu rawh*,”

*tih hi.*

Anni zawng zawng chu rawngbâwlna thlaraute, chhandamna 14  
 rochungtu *tûrte* tân rawngbâwl *tûra* tîrh chhuah an ni lo vem  
 ni?

**2** Chuvângin, beng a kan hriatte kha *ṭhahnemngai* takin kan 1  
 pawisa leh zual *tûr* a ni, chutulochuan kan tawh bo hlah dah  
 ang e. Vântirhkohte hmanga thu sawi *mah* kha a lo ngheh a, bawh- 2  
 chhiatna leh thu awi lohna tinrêngte chuan thungrulhna fel tak a  
 hmuh zêl si chuan, heti kauva chhandamna ropui hi thlahthlam ila, 3  
 engtinng e kan tlan chhuah theih teh lul ang? Chu mi *chhandamna*  
*thu* chu a *tûra* Lalpa hmanga sawi a ni tawh a, a hretute chuan min  
 tihngheh sak a; Pathian pawhin, chhinchhiahnate leh thilmakte 4  
 leh thiltihtheihna tinrêngte nê, ama duh ang zêla Thlarau  
 Thianghlim thil semte nê chuan, anni chu a hriatpui a.

Khawvêl lo la awm *tûr* a chanchin kan sawia chu, vântirh- 5  
 kohte hnuaiah zawng a dah lo. Nimahsela, mi tuemaw chuan 6  
 khawiah emaw *hêng thu hi* sawiin a hriattîr ta zâwk;

“ Mihring hi engnge maw a nih a, i hriat reng ṭhin ni?  
 Mihring fapa pawh hi *engnge maw a nih a*, i kan  
 ṭhin ni?

Ani chu vântirhkohte aia hnuaîn i siam rih a; 7  
 Ropuina leh chawimawina i khumtîr a,  
 I kut chhuak chungahnte chuan hotuah i siam  
 bawh a; 8

A ke hnuaiahte engkim i dah a,”

*tîin.*

Chutichuan, engkim a hnuaia a dah avângin a hnuaia dah  
 loh engmah a nei lo. Aniaherawhchu, tînah zawng engkim a

hnuaiah awmin kan la hmu rih lo ve. Nimahsela, Isua, vântirh-kohte aia hnuaia siam riha chu, thihna tuar avânga ropuina leh chawimawina khumtîra awmin kan hmu ta zâwk a ni, Pathian khawngaihna zârah thihna chu mi tin a tem sakna tûrin. A tân engkim awma, a zâra engkim awm bawka tân chuan, fa tam tak ropuinaa a hruai luh zawngin, an chhandamna siamtu kha tuarnate avânga tihfamkim chu, a âwm rêng si a.

Tithianghlimtu leh tihthianghlimate chu an zain *Mi Pakhata* chhuak an ni si a; chuvângin ani chuan anmahniho chu “Unaute” tih a zak lo ve.

“Ka unaute hnênah i hming ka hril ang a;  
Awm khâwm zîngahte chuan  
Hla sain ka fak ang che,”

tiin. Tin, a ti leh a. Tin,

“Amahah ka rinna ka ngat ang,”

“En teh u, kei leh  
Pathian mi pêk naupangte hi,”

a ti leh pek a. Tichuan, naupangte hi tisa leh thisen changte an nih hlawm avângin, amah ngei pawhin chûng bawk chu a chang ve ta a; thihnain thihna thuneitu (chu chu Diabola a ni) a tihboral theihna tûr leh, thih hlahv vânga dam chhûnga bawia awm zawng zawngte chu a chhan chhuah theihna tûrin.

A tanpui thinte chu vântirhkohte an ni hauh si lo va, Abrahama thlahte an ni, a tanpui zâwk thin chu. Chutichuan, mite tân sual thupha chawina siam sak tûrin, Pathian lam thilahte chuan Puithiam Lalber *mi* lainat thei leh rinawm tak a nih theih nân, engkima a unaute anga lo awm chu a tân a tûl rêng a ni. Amah ngei chuan thlêmna tâwkin a lo tuar tawh avângin thlêmna tâwkte chu a tanpui thei a ni.

**3** Chutichuan, vau thianghlim, vau kohna chang vete u, kan thurina Tirhkoh leh Puithiam Lalber, Isua chu, ngaihtuah rawh u; *Pathian* chhûngte zawng zawng zîngah Mosia a rinawm ang bawk khân, ani chu ruattu lakah chuan a rinawm a ni. Chhûngkaw puipa chu a chhûngte aiin an chawimawi zâwk ang ngeiin, ani chu Mosia aiin ropui lehzualna hmu tlâka ruat a ni tawh si a. Chhûng tin hian puipa tuemaw tal an nei theuh si a; engkim puipa erawh chu Pathian a ni. Tin, chu mi hnua thu la sawi tûrte hriattîr nân, Mosia chu *Pathian* chhûngte zawng zawng zînga rawngbâwltuah zawng a rinawm ngei a; Krista erawh chu *Pathian* chhûngte chung a Fapaah a rinawm a ni. A chhûngte chu keimahni kan ni, a tâwp thlengin kan huaina leh kan beisei chhuanna hi nghet taka kan vawn tlat phawt chuan.

Chutichuan, Thlarau Thianghlim sawi ang bawkin:—

- “ Vawiin hian a aw in hriat chuan 8  
 Thlaléra thlémna nia  
 An tihvui lai ang khân,  
 In thínlung tikhauh suh u;  
 Chutah chuan in thlahtute chuan 9  
 Mi fiahin mi thlêm a,  
 Kum sawmli chhûnga  
 Ka thiltihte chu an hmu a;  
 Chutichuan chu mi chhuanho chungah ka lungni 10  
 lova,  
 ‘ An thínlungin an ngai sual fo thìn a,  
 Ka kawngte pawh an hre lo,’ ka ti a,  
 Ka thinura ka chhechham ang khân 11  
 Ka chawlhnaah chuan an lût lo vang,”

tiin.

Unaute u, fimkhur rawh u, chutilochuan, Pathian nung chu 12  
 bânsan tûrin in zîngah tu chhûngah pawh rin lohna thínlung  
 sual a lo awm dah ang e. “ Vawiin” an tih chhûng hian ni tinin 13  
 infuih tawn zâwk rawh u, chutilochuan in zînga mi tupawh hi  
 sual bumnaa tikhkhauhvin in awm dah ang e. Krista changtute 14  
 kan lo ni ta si a, kan rin chhan tãntirhna kha a tâwp thlengin  
 nghet taka kan vawn tlat phawt chuan,

- “ Vawiin hian a aw in hriat chuan 15  
 An tihvui lai ang khân  
 In thínlung tikhauh suh u,”

an tih chhûng zawng hian.

A nih leh, tutenge ni, hre reng sia tivui kha? Aigupta ram 16  
 aţanga Mosia hruaia chhuak zawng zawng kha an ni lo vem ni?  
 Tin, tute chungah nge ni, kum sawmli chhûnga a lungnih loh 17  
 kha? Tisualtu an ruang thlaléra tlu tate chungah khân a ni lo  
 vem ni? Tin, thu awi lote hnênah chauh lo chuan tu hnênah 18  
 nge a chawlhnaa lût lo tûra chhechhama a tiam ni? Chutichuan, 19  
 rin lohna avângin an lût thei ta lo tih kan hria a ni.

**4** Chuvângin i hlau vang u, chutilochuan a chawlhnaa 1  
 luhna thutiama la awm reng siin, in zîngah tupawh tling  
 lo angin in lo awm mial dah ang e. An hnêna hrilh a nih ang baw 2  
 khân Chanchin Tha kan hnênah hrilh a ni ngei si a; nimahsela,  
 an thu ngaihthlâk chuan anmahni a tisâwt si lo, ngaithlatu tak-  
 takte nênn rinnaa zawmin an awm loh avângin. Keini ring tawhte 3  
 hi chu chawlhnaah chuan kan lût mêk a nih hi,

- “ Ka thinura ka chhechham ang khân  
 Ka chawlhnaah chuan an lût lo vang,”

a tih ang khân; leilung pian tîrh ata hnate chu thawh zawh a ni  
 tawh na a. Khawü hmunah emaw ni sarîh ni thu hetiangin 4

a sawi asin, “ Tin, ni sarih niah chuan Pathian chuan a hnathawh  
zawng zawng a chawlhsan ta a,” *tiin*. Tin, he *hmunah* hian, 5

“ Ka chawlhnah chuan an lût lo vang,”

a ti leh a. Chutichuan, *thenkhat* chu mi *chawlhnah* chuan an 6  
la luh tûr *thu* a la awm avâng leh, hmâna Chanchin Tha hrihl  
dawngtute chu awi loh vânga an luh tâk loh avângin, rei tak hnu  
khân Davidaah chuan, “ Vawiin hian,” *tiin*, ni engemaw a ruat 7  
nawn leh a ni,

“ Vawiin hian a aw in hriat chuan

In thinlung tikhauh suh u,”

tia, a hmaa ka sawi ang khân.

Josua chuan anniho chu a chawlhtir tawh si zawngin, chu 8  
mi hnuah chuan ni dang thu chu a sawi lo vang. Chutichuan, 9  
Pathian mite tân chuan Chawlhnia chawlhnâ a la awm ta fo va.  
A chawlhnâ lût tawha chu, Pathianin ama *hnathawhte* a chawlhsan 10  
ang khân, chu mi pawh chuan a hnathawhte a chawlhsan ve ta a.  
Chutichuan, tumah chu mi awi loh entirna anga *awma* an tlûk 11  
loh nân chu chawlhnâ lût tûr chuan *thahnem* i ngai ang u.  
Pathian thu hi a nung a, thil a ti thei a, *khandaih* hriam tawn eng 12  
*ang* ai pawhin a hriam a, nunna leh thlarau, ruhtuah leh thlîng  
phel hrang khawp hialin a chhun thei a, *thiulunga* ngaihtuah 13  
leh tumte hi a hre ngâh thei a ni. Thil siam ama mitlmuha  
lang lo rêng rêng a awm lo; kan chanchin kan thlenna tûra mit-  
hmuhah chuan engkim saruak leh inhawng sain a awm zâwk  
a ni.

Tichuan, vânahte kal tlang tawh Puithiam Lalber ropui tak, 14  
Isua Pathian Fapa chu, kan neih avângin kan thurin hi i pawui  
tlat ang u. Puithiam Lalber kan chak lohzia inhriatnate *min* 15  
hriatpui phâk lo nei kan ni si lo; *keimahni* anga kawng tiirênga  
thlêmna tâwk tawh, sual cawh chu sual lo, *nei kan ni zâwk* e.

Chutichuan, zahngaihna kan hmuh theihna tûr leh, *puih* kan 16  
ngaih huna tanpuina khawngaihna kan hmuh theihna tûrin, khaw-  
ngaihna lalthutphah chu huai takin i hnaih ang u.

**5** Puithiam Lalber apiang, sualte avânga thilpêk leh inthawi- 1  
nate an hlan kawp theihna tûra, mihring zînga mi lûk hrana lo  
awmin, Pathian lam thilahte chuan mihringte tân ruat an ni si thîn: 2  
*chûngte* chuan engmah hre lote leh kawng bote chungah zai an dawh  
thei thîn a ni, *anmahni* ngei pawh chak lohna hual vêlin an awm 3  
ve bawk avângin. Tin, chu mi avâng chuan mite tân an hlan sak  
angin *anmahni* tân ngei pawh sualte avângin hlan ve lo thei an ni lo. 4  
Tin, tuman chu mi chawimawina chu mahniin an inbel ngai lo, 5  
Arona anga Pathian loh an nih si loh chuan. Chutiang bawkin  
Krista pawh chu Puithiam Lalbera siam tûrin mahni a intiropui  
lo ve,

“ Nang zawng ka Fapa i ni e,  
Wawin hian ka liring a che,”

*tia*, a hnêna sawitu khân *a tiropui ta zâwk* a ni;

“ Nang zawng, Melkisedeka awm dân anga 6  
Chatuana Puithiam i ni e,”

*tia*, *hmun* danga a sawi ang bawk khân.

Ani chuan, a tisa put lai niahte khân, thihna laka amah 7  
chhandani theitu hnênah chuan nasa taka au leh mittui tla  
chungin tawngtainate leh dîlnate a hlân a, a tih dèk thin avângin  
ngailthlâkin a awm bawk a; Fapa meuh pawh ni mah sela a thil 8  
tuarhte chuan thu awi a zir ta a ni; tichuan, tihthafamkima lo 9  
awnin, a thu awi zawng zawngte tân chatuana chhandamna  
bulpui a lo ni ta; Melkisedeka awm dân anga Puithiani Lalberah 10  
Pathianin a vuah a.

Chu ni chanchinah chuan thu tam tak sawi tûr kan nei a, 11  
hrilhtiah pawh a harsa, in beng a lo chhêt ták avângin. A hun 12  
ngaihtuah zawngin zirtirtu ni tawh hial âwm in ni na a, Pathian  
thu bul ber A Aw B te chu zirtîr in ngai leh ta a, chaw rum  
ni lova hnute *la* ngai mi ang in lo nih ták hi. Hnute ring apiang 13  
chuan felna thua hian hriatna an nei si lo, nausen an nih avângin.  
Chaw rum erawh chu puitlingte tân a ni, chûngte chuan an hman 14  
fo avângin chhia leh t̃ha fiah tûrin an hriattheihnate chu an  
sawizawi tawh.

**6** Chutichuan, Krista thu bul hril tawh lovin puitlin lam 1  
i pan ang u; thiltih thi simna te, Pathian lama rinna te,  
baptismate leh, kut nghah leh, mitthi thawhlehnate leh, chatuana  
rorêna kawng lam zirtîrna te lungphûm chu phûm leh tawh  
lovin. Pathianin rem a tih chuan chu chu kan ti ngei ang. 3

Tin, wawî khat rilru tihvâra, vân thilpèk tema, Thlarau 4  
Thianghlim chantîra, Pathian thu t̃ha leh hun lo la awm tûra 5  
thiltihtheihna tem tawh zeta tlûksante kawng thu zawng—chu 6  
mite chu an simna tûrin siam thar leh rual an ni lo, Pathian Fapa  
chu anmahni tân khêngbet nawn leha timualpho au nih avângin.  
Lei, a chungâ ruah tui tla fo chu lo in tawha, miin an thawh sakate 7  
tâna thlai *ei* tlâk rawn chhuahtu chuan, Pathian lakali malsâwmna  
a hnu thin a ni; amaherawhchu hnimhlingnei leh buarte a chhuah 8  
chuan mâkin a lo awm a, ânhhe dawng thaw a lo ni thin a, a  
tâwpah chuan hâl a tâwk thin.

Nimahsela, duh takte u, chutiang thu sawi mah ila, nangni 9  
zawngin *chutiang thil aia* thil t̃ha zâwk, chhandamnâa tel thilte  
chu, in tih kan ring a che u. In hnathawh leh a hming chungâ 10  
hmangaihna in lantîr, mi thianghlimte rawng in lo bâwl, tûn  
thleng pawha in la bâwl cheu chu, theihnghilh tûrin Pathian chu  
mi fel lo a ni si lo va. Nimahsela, a tâwp thlenga beiseina famkim 11

*hmu* tûr. *ni* in taihmâk pângngai ang khân taihmâk chhuah theuh  
fo ula kan ti êm êm mai; chutichuan, in inthlahdah lo vang a, 12  
rinna leh nghah peihna vânga thutiamte rochung tawhte zirho  
in ni zâwk ang.

Pathianin Abrahamama hnêna thu a rawn tiam lai khân, *amah* 13  
aia ropui zâwk chhâla chhia a chham theih loh avângin, amah  
leh amah inchhâlin, “Matheilovin mal ka sâwm sak ngei ngei 14  
ang chia, tih pawh ka tihpun sak ngei ngei ang che,” tiin, chhia  
a chham ta a. Chutichuan, chhel taka a tuar chhuah hnuin, 15  
thiltiam chu a hmu ta ngei a.

Mihringte hian *an aia* ropui zâwk chhâlin chhia an chham 16  
thîn a ni; an inhnialna tinrêngah pawh tihnghehna tûrin  
chhechham hi tihtâwpna a ni thîn. Chutichuan, Pathianin 17  
thutiam rochung tûrte hnênah chuan a rêl danglam theih lohzia  
nasa lehzuala entîr duhin, chhechhamna thu a palaitîr a; Pathian 18  
daw rual a nih lohna thil danglam thei lo pahnih avângiu, keini  
inchhanhim nân kan hmaa beiseina dah chu chelh tûra tlânte  
hian, fuihna nasa tak kan neih theihna tûrin. Chu *beiseina* chu 19  
nunna thîrchakaiah kan nei a, rinawm leh nghet tak a *ni*, puanzâr  
chhûnga miah pawh chuan a lût a; chutah chuan Isua, Melkisedeka 20  
awm dân anga chatuana Puithiam Lalber lo ni tawhin, kan tân  
hmahruaituah a lo lût ta a.

**7** Chu Melkisedeka, Salem lal, Pathian Chungnungbera 1  
Puithiam, Abrahamama lalho that haw lo hmuaka malsâwmtu,  
Abrahaman engkimah sâwma pakhat a pêk ve bawka kha,  
puithiamah a awm reng fo si a. A *hming awmzia* hrilfiahin a  
hmasa berah Felna Lal a ni a, a dawt lehah Salem Lal a ni bawk  
(chu chu Remna Lal tihna a ni), *ani chu* pa nei lovin, nu nei lovin,  
chi thlahtute chanchin nei lovin, *awm* tan ni nei lovin, nun tâwp  
pawh nei hek lovin, Pathian Fapa anga siam a ni zâwk.

Tichuan, chi thlahtu Abrahaman a râl lâk tha apiang zînga 4  
mi sâwma pakhat a pêka chu, chu mihring ropuizia chu ngaihtuah  
teh u. Levia thlahte zînga puithiam hna chang apiangte chuan 5  
Dân *thu* angin mite lakah sâwma pakhat lâk tûr thu an hmu ngei  
a ni, chu chu an unaute lakah a ni, chûngho chu Abrahamama  
thâlbea chhuak ni mah sela; amaherawhchu, an zînga a thlahtute 6  
chhui tel ve lohva khân Abrahamama lakah sâwma pakhat a la a,  
thutiamte vawngtu chu mal a sâwm ta bawk a. Nimahsela, 7  
hnial rual lohvin, a tê zâwk chu ropui zâwka malsâwm sakin a  
awm thîn. Tin, hetah hian mihring thi thînte hian sâwma pakhat 8  
an hmu thîn a, chutah crawh chuan ‘a nung reng’ tia, a thu an  
hriattîra chuan a *hmu a ni*. Tin, Levia, sâwma pakhat la thîntu 9  
mah hian, Abrahamama kutah khân sâwma pakhat a pe tawh, tih



theih a ni; Melkisedekan a lo hmuah lai khân a pa thâlbeah a la 10  
awm si a.

Tichuan, Leviahô puithiam nihna avânga famkimna hmuh 11  
theih a nih chuan (chu mi hnuaiah chuan miten Dân *thu* an lo  
hmu si a), Arona awm dân anga ruat lovin, Melkisedeka awm  
dân anga puithiam dang lo awm hi engnge a la ngaihna? Puithiam  
nihna chu a lo danglam tâk avângin Dân *thu* chu tihdanglam 12  
ve a lo ngai rêng a ni. Hêng a *thu* an sawia hi hnam hrang mi 13  
a ni si a, chu mi hnam zînga mi chu tumah maichâmah chuan an  
che ngai lo. Kan Lalpa chu Juda hnam zînga lo chhuak a ni tih a 14  
lang fiah si a, chu mi hnam thua chuan Mosian puithiamho  
kawng *thu* engmah a sawi lo. Tin, Melkisedeka anga puithiam 15  
dang, tisa thupêk Dân *thu* anga siam mi ni lo, nun tâwp nei lo 16  
thiltihtheihna anga siam zâwk mi a lo awm dawn chuan, *kan thu*  
*sawi kha* nasa takin a fiah lehzuang;

“ Nang zawng, Melkisedeka awm dân anga, 17  
Chatuana Puithiam i ni e,”

tih, hriattîr a ni si a. A chak loh leh a sâwt lohna avângin thupêk 18  
awm hmasa chu paihin, (Dân *thu* chuan engmah a tifamkim 19  
si lo), beiseina tha zâwk, Pathian kan hnaihna thîn hi, hruai luhin  
a lo awm ta hlah zâwk a ni.

Tin, chhechham loh a nih loh avângin (anni zawng chhechham 20  
lova puithiama siam an ni si a; ani erawh chu, 21

“ ‘Nang zawng chatuana Puithiam i ni e,’ tîin,

Lalpan chhia a chham a, a lamlêt tawh-lo vang,”

tia, a hnêna sawitu *kut* khân chhechhama, *Puithiama siam* a ni 22  
zâwk) chuti bawka nasa chuan Isua chu thuthlung tha zâwk  
tihnghehpuitu a lo ni ta.

Tin, anni zawng thih avânga awm hlen an thulh thîn avângin, 23  
puithiama siam an tam ngei a; ani erawh chu chatuana a awm 24  
reng avângin, a Puithiam nihna chu thlâk theih rual lohvin a  
nei ta zâwk a ni. Chutichuan, amaha Pathian hnêna lo kalte 25  
chu a tâwp khâwk thlengin a chhandam thei bawk a ni, anmahni  
tawngtai sak tûrin chatuana a nun reng avângin.

Chutiang Puithiam Lalber, *mi* thianghlim, depdê lo, 26  
bawhlhlawh kai lo, mi sualte laka awm hrang, vânte aia chungnung  
zâwka siam tawha chu, kan tân a âwm rêng si a. Ani chuan 27  
chúng Puithiam Lalberte *hlan* ang chuan, ni tin mahni sual avânga  
inthawina hlan hmasak zeta, chu mi hnua mite *sual* avânga hlan  
a ngai lo ve; chu chu wawi khatah a lo ti tlingtla ta nghâl si a,  
mahni a inhlan chawp lai khân. Dân *thu* chuan, mihring chak 28  
lohna neite chu, puithiam lalberah a ruat thîn a; chhechham *thu*,  
Dân *thu* hnua lo awm erawh chuan, Fapa, chatuan atân tihfamkim  
tawha chu, a ruat zâwk a ni.

**8** Tichuan, kan thu sawite zingah hian a pawimawh ber <sup>1</sup>/<sub>2</sub>  
 chu *hei hi a ni*:—Chutiang Puithiam Lalber, vânahte khian  
 Ropuibera lalthutphah ding lama han thua, Hmun Thianghlim  
 leh biak bûk taktak, mihring sak ni lo, Lalpa sak zâwka rawng-  
 bâwltu chu kan nei tih hi.

Puithiam Lalber apiangte chu thilpêk leh inthawinate hlân <sup>3</sup>  
 tûrin ruat an ni si a; chutichuan he *Puithiam Lalber* pawh hian  
 engemaw tal hlan tûr neih a ngai a ni. Leiah hian lo awm sela <sup>4</sup>  
 chuan, puithiam rêng a ni lo vang, Dân thu ang zêla thilpêk  
 hlântute lo awm sa an awm avângin. Chûngte chuan vân thilte <sup>5</sup>  
 chu a lem leh a hlim rawng an bâwl thîn a, Mōsian biak bûk a sak  
 dawn laia Pathian hriha a awm ang khân; “Tlânga entawn  
 tûr chu an entîr che ang khân engkim siam tûrin fîmkhur rawh,”  
 a tih kha.

Tûnah erawh chuan thuthlung tha lehzual palai a nih angzia <sup>6</sup>  
 zêlin rawngbâwl hna tha zâwk a lo chang ta, chu *thuthlung* chu  
 thutiam tha zâwk chungahte siam a ni.

Chu mi *thuthlung* hmasa chu demna awm lovin lo awm sela <sup>7</sup>  
 chu, a pahnihna atân chuan hmun an zawng lo tûr. Anmahni <sup>8</sup>  
 demin *hêng hi* a sawi si a:

“Ngai teh, nite a lo thleng dawn e, Lalpan a ti,  
 Chûng niahte chuan Israela chhûngte leh,  
 Juda chhûngte hnênah chuan thuthlung thar ka  
 siam ang:  
 An thlahtute Aigupta ram ațanga hruai chhuak <sup>9</sup>  
 tûra  
 An kuta ka chelh nia  
 An hnêna ka thlun ang kha ni lovin;  
 Ka thuthlungah chuan an awm reng si lo va,  
 Tichuan anni chu ka ngaihsak ta lo a ni, Lalpan a ti.  
 Chûng ni hnuah chuan Israela chhûngte hnêna <sup>10</sup>  
 Thu ka thlun tûr chu hêng hi a ni, Lalpan a ti;  
 An rilruah ka thupêkte ka dah ang a,  
 An thinthlungah ka zia baw ang a;  
 Tin, anni tân Pathian ka ni ang a,  
 Kei atân anni chu ka mite an ni baw ang;  
 Tin, mi tinin, ‘Lalpa chu hre rawh,’ tiin, <sup>11</sup>  
 Mahni tualkhatpui leh,  
 Mahni unau an zirtîr dawn tawh lo va;  
 A tè ber ațangin a lian ber thlengin  
 An zain mi hre theuh tawh dawn a ni.  
 An bawhchhiatnahte zah ka ngai ang a, <sup>12</sup>  
 An sualte pawh ka hre reng dawn tawh si lo,”

“ *Thuthlung thar,*” tiin a sawi avâng khân a hmasa chu a 13  
 tihlui ta a ni. Tichuan, lo hluia lo upa tawh chu a ral dawn  
 dawn a ni.

9 Tin, *thuthlung* hmasa pawh khân Pathian rawngbâwl  
 dânte leh a hmun thianghlim, he khawvêla *hmun thianghlim* chu 1  
 a nei a. Biak bûk an siam a, a tawntirh chu khâwnvâr dahna 2  
 te, dawhkân te, chhangdah te awmna a ni ; chu chu Hmun  
 Thianghlim an ti a ni. Tin, puanzâr pahnihna piaha chuan 3  
 biak bûk, Hmun Thianghlim Ber an tih chu a awm a ; chu niiah 4  
 chuan rangkachak rimmti hâlna bâwm leh, thuthlunna bâwm  
 rangkachak tia luan chu a awin a, chu mi *thuthlunna bâwm* chhûnghah  
 chuan Manna awmna rangkachak bêl te, Arona tiang lo chawr te,  
 thuthlunna *lung phêk* te a awm a ; a chung lamah, zahngaihna 5  
 thutphah hliahin, ropuina Cherubte an awm bawh a ; chûng thute  
 chu tûnah zawng a kip a kawiin kan sawi thei lo vang.

Tiu, chûng thilte chu chutianga siam a lo ni a, Puithianhovin 6  
 Pathian rawng bâwlin, biak bûk tawntirhah chuan an lût fo tîn  
 a ; a dawttuah erawh chuan Puithiam Lalber chauh kum tin vawi 7  
 khat, thisen *keng* lo lovin, a *lût tîn* ; chu chu mahni tân leh mite  
 sual atân a hlân tîn. Thlarau Thianghlimin hei hi a hriattîr 8  
 a : Hmun Thianghlima luhna kawng chu a la lang rih lo ve, biak  
 bûk tawntirh chu a la din chhûng chuan, tih hi ; chu chu tûn lai 9  
 tehkhinna hi a ni ; chu mi ang zêlin, thilpêk leh inthawinate pawh  
 an hlân tîn, chûngte chuan chhia leh t̃ha hriatna kawngah  
 chuan a betu chu a tifamkim thei lo ; *chûng chu* (ei tûr te, in tûr  
 te, sil tûr hrang hrang te nên) tisa lam dânte chauh, siamthah 10  
 hun hma atân ruat chu a ni.

Nimahsela, Krista chu thil t̃ha lo awm tûrahte Puithiam 11  
 Lalbera lo kalin, biak bûk, kuta sak loh, (chu chu hêng thil siam  
 zînga mi a ni lo tihna a ni), ropui leh famkim zâwk kal tlangin, 12  
*kan tân* chatuana tlanna hmu tawhin kêlte leh bâwng note thisen  
 vâng ni lovin, ama thisen vâng zâwkin, Hmun Thianghlimah  
 chuan vawi khatah a lo lût tlingtla ta nghâl a. Kêl leh bâwngpate 13  
 thisen leh, bâwngla vâp mi bawlhhlawh chungah theh mahin tisa  
 thiang khawpa a tithianghlim si chuan, Krista, chatuana Thlarau 14  
 zâra hmêlhem lova Pathian hnêna inhlâna thisen chuan, Pathian  
 Nung rawng bâwl tûrin in chhia leh t̃ha hriatna chu thiltih thite  
 lakah chuan a va tithianghlim dawn nasa êm !

Tin, he mi avâng hian, ani chu thuthlung thar palai a ni, 15  
 thuthlung hmasa hnuia bawhchhiatnate lak ata tlan nân mi a lo  
 thih tâk avângin kohvate chuan chatuana roluah tûr thutiam  
 chu an chang thei ang. Thurochhiah awmna apiangah a chhiahtu 16  
 tihna awm ve lo thei a ni si lo. Mi an thih hnuin thurochhiahin 17

thu a nei si ðin, a chhiahtu la dam chhông crawh chuan thu rêng a nei lo.

Chutichuan *thuthlung* hmasa pawh kha thisen lovin an tinghet 18  
lo. Dân *thu* ang zêlin thupêk apiang chu Mosian mi zawng zawng 19  
a hrilh hnuin, “Hei hi Pathianin in hnêna a pèk tlat thuthlung 20  
thisen a nih hi,” tiin, bawng note leh kêlte thisen chu, tui nê, sâpsen nê, husop nê a la a, lehkhabu ngei leh mi zawng zawng pawh chu a theh a ni. Chu lo pawh chu, biak bûk leh 21  
rawngbâwlina hmanrua zawng zawng chu chutiang bawkin thisen chuanin a theh ta bawk a. Tin, Dân *thu* zawngin engkim thaw 22  
mai hi thisena tihthianghlimin a awm ðin a, thisen chhuah lohvin ngaihdamna rêng a awm lo.

Chutichuan, vâna thil awm angte chu chông chuan 23  
tihthianghlimin a awm tûr rêng a ni, vâna thil taktakte crawh chu chông aia inthawina ða zâwktein *tihthianghlimin a awm tûr a ni*. Krista chu, kuta sak hmun thianghlim, atak anpuiah 24  
chuan, a lût si lo va; tûnah Pathian hmaah kan aia ðing tûrin vânah ngei a *lût ta zâwk a*; nimahsela, Puithiam Lalber chu kum tinin, 25  
mahni *thisen* lo, thisen keng chung a Hmun Thianghlima a lût ðin angin, ani chu mahni inhlân fo tûrin a *lût* hek lo; chuti ni sùh 26  
sela, leilung pian tîr achin vawî tam tak a tuar tawh tûr a ni; nimahsela, tûn lai hun tâwpah hian inthawî nâna inhmang chawpin sual tihbo nân vawî khatah a lo lang ta nghâl a ni. Tin, mihring 27  
tân vawî khat thih ruat a ni, chu mi hnuaah chuan rorêlna a *awm ang*; chutiang bawkin Krista pawh, mi tam tak sualte kalpui 28  
tûra vawî khat hlana awm tawhin, chhandamna hmu tûra amah lo nghâktute hnênah chuan, sual tel lovin vawî hnihnâah a lo lang leh ang.

**10** Dân *thu* chuan, *thil* ða, lo awm tûrte anpuî tak nei lovin, 1  
a ða chauh a neih avângin, kum tina inthawina pângngai an hlan fote chuanin, a lo hnaite chu engtikah mah an tîfankim thei dâwn si lo. Chuti ni sùh sela, a betute chu vawî khata 2  
tihthianghlimin nghâla awmin, sual inhriatnate an neih loh avângin hlan an bâng tawh daih dâwn lâwm ni? Nimahsela, 3  
chông *inthawinaah* chuan kum tinin sualte hriat lehna a lo awm fo zâwk ðin. Bawngpate leh kêlte thisen chuan sualte tibo 4  
thei rual a ni si lo. Chutichuan, khawvêla a lo luh laiin 5

“Inthawina leh thil hlan i duh lo va,

Ka tân taksa mi buatsaih sak zâwk a:

Hâlrâla pumpêknaahte leh, 6

Sual tâna *inthawinaahte* chuan

Lâwmna rêng i nei lo.

Chu veleh chuan, keiin, ‘Aw Pathian, ngai teh, 7

(Lehkhabu zialah chuan ka thu ziaak a ni a)  
I duhzâwng ti tûrin ka lo kal e,' ka ti a,"

a ti a.

A chhakah hian, " Inthawina te, thil hlan te, hâlrâla pumpêkna 8  
te, sual tâna *inthawina* te i duh lo va, chûngah chuan lâwmna  
i nei hek lo," a ti a, (chûngte chu Dân *thu* anga hlan a ni a), chu  
veleh chuan, " Ngai teh, i duhzâwng ti tûrin ka lo kal e," a lo 9  
ti ta a. A pahnihna hi a tundin theihna tûrin a hmasa chu a la  
bo ta a ni. Chu mi duhzâwng chuan, Isua Krista taksa vawi 10  
khata hlan nghâl vâng khân, tihthianghlimin kan awm ta.

Tin, puithiam tinrêngin kâwla ni chhuak chhiara rawng- 11  
bâwlin, sualte engtik maha tibo thei lo inthawina pângngai hlân  
fovin, an ding thîn; ani crawh hi chu, chatuan atân sualte tâna 12  
inthawina pakhat *chauh* a hlân hnuin, Pathian ding lamah a han  
thu ta zâwk a; chuta chin chu, a hmêlnate a kephah nghahchhana 13  
siam an nih hma loh zawng a nghâk reng a. Thil hlan pakhat 14  
*chauhvin* tihthianghlim tawhte chu chatuan atân a tifamkim tawh  
si a.

Tin, Thlarau Thianghlim pawh chuan min hriattîr bawh 15  
a:

" Chûng ni hnuah chuan 16  
An hnêna thu ka thlun tûr chu hêng hi a ni, Lalpan  
a ti;  
An thinslungah ka thupêkte ka dah ang a,  
An rilruah ka ziaak bawh ang,"

*tia*, a sawi hnu khân,

" An sualte leh an bawhchhiatnate 17  
Ka hre reng tawh lo vang,"

a ti si a. Tichuan, chutiangte ngaihdamna apiangah chuan 18  
sual tân thil hlan a awm tawh lo a ni.

Chutichuan, unaute u, kawng min ruat sak, kawng thar leh 19  
nungah chuan, puanzâr chu (chu chu a taksa tihna a ni) kal tlangin, 20  
Isua thisen avâng chuan Hmun Thianghlimah khân luh kan  
huam avâng leh, Pathian chhûngte chungâ Puithiam ropui tak 21  
kan neih avângin, kan thinslunga chhia leh tha hriatna tha lo 22  
chu theh fai saka awma, kan taksa pawh tui fima buala awmin,  
rinna famkim *neia* thinslung tak zet puin i hnaih ang u. Kan 23  
beisei thurin hi, a ngih lohna tûrin i pawm tlat ang u, thutiamtu  
chu a rinawm si a; tin, hmangaih leh thil tha tiha inchawk tho 24  
tûrin inngaihtuah tawn ang u; thenkhat tih dân anga kan 25  
inkhâwnte bânsan lovin, *infuih tawn zâwk ang u*; ni chu lo hnai  
telh telha in hriatin *infuih tawn* nasa lehzual sauh *rawh u*.

Thutak hriatna famkim chu kan chan hnua thil kan tihsual 26  
luh si chuan, sualte tâna inthawina a awm tawh hauh lo vang

a, rorêlna hlahh lăwkna răpthlăk tak engemaw leh, dotute kăngral 27  
 tŭr thinurna mei *a awm tawh zăwk ang*. Mosia Dân *thu* pawisa 28  
 lo mi chu hretu pahnih pathum emaw thuin, lainatna tel lovin,  
*an* thi thŭn. Pathian Fapa rapbeta, thuthlung thisen amah 29  
 tihthianghlamna chu thil narâna ruata, khawngaihna Thlarau  
 tivuitu chu, chu mi ai chuan eng tia hremna nasa zăwk nge tuar  
 tlăka ruat tŭr nia in ngaih? “Phuba *rêng rêng* keima lăk tŭr a ni,  
 keiman ka thungrŭl ang,” tih leh, “Lalpa chuan a mite a ngaih- 30  
 tuah ang,” *ti lehtu* chu kan hre si a. Pathian nung kuta tlŭk chu 31  
 thil răpthlăk tak a ni.

Nimahsela, hmâna tihêna in awm hnua tuarna buai nasa tak in 32  
 tuar lai nite kha hre leh rawh u; kawng khatah chuanhmusit leh 33  
 hrehawmte pawh tuarin en nawma siamin in awm a, kawng khatah  
 chuan chutianga hmâna awmte chu tuarpuitute in lo ni a. Kawl 34  
 bunte chu in lainat a, sum tha zăwk, awm hlen bawh tŭr chu, mah-  
 niin in nei tih hriain in sum lăk sakte pawh lăwm taking in lo tuar  
 ta bawh si a.

Chutichuan, in rinna, lăwmman pêk nasa tak nei *tŭr* chu, paih 35  
 bo suh u. Pathian duhzăwng in tih hnuin thiltiam chu in hmuh 36  
 theih nân chhelnâ in ngai asin.

Rei lo tē achinah 37

Lo kal tŭra chu a lo kal dăwn si a,

Rei a rial tawh lo vang.

Nimahsela, ka mi fel chu 38

Rinnain a nung ang:

A hnungtawlh *erawh* chuan,

Ka rilruin amahah chuan lăwmna rêng a nei lo vang.

Nimahsela, keini zawng boral tŭra hnungtawlh păwla mi kan 39  
 ni lo va; nunna humhim tŭra rinna nei păwla mi *kan ni* zăwk.

|| Tin, rinna hi thil beiseite awm ngeiahriatna, thil hmuh lohte 1  
 hriatfiahna a ni. Chu miah chuan upahote khân fak 2  
 an hlawh si a.

Rinnain khawvêlte hi Pathian thua siam fel diam a ni tawh 3  
 tih kan hria, chutichuan *thil* hmuh theihthe hi thil langtheitea  
 siam a ni lo.

Rinnain Abela chuan Kaina ai chuan inthawina tha zăwk 4  
 Pathian hnênah a hlân a, chu mi avâng chuan mi fel a ni tih hriat-  
 tîrna a hlawh a, Pathianin a thilpêkte kawngah chuan thu a  
 hriattîr a; tin, chu mi *rinna* avâng chuan ani chuan thi tawh *hnuin*  
 thu a la sawi ta fo a ni.

Rinnain Enoka kha thihna hre lo tŭra lăk bovin a lo awm a; 5  
 tin, Pathianin a lăk bo avângin hmuh theih a ni ta lo va; lăk bova  
 a awm hmâin Pathian lăwmzăwng mi a ni tih an hriattîr tawh rêng

a. Nimahsela, rinna lovin *ama* lâwmzâwng *mi* nih rual a ni lo; 6  
 Pathian hnêna lo kal chuanin, ani chu a awm tih leh, zawngtute  
 hnêna lâwmman pêk hman a ni *tih*, rin tûr a ni.

Rinnain Nova chu thil lo la lang lote kawng thua *Pathian* 7  
 hriha lo awmin, Pathian tih dêkin, a chhûngte chhandam nân  
 lawng a tu a; chu chuanin khawvêl chu thiam loh a chantir ta a,  
 rinna avânga felna awm chu rochungtu a lo ni ta baw a.

Rinnain Abrahama chu kohva a awm lai khân a rochun tûr 8  
 hmuna lût tûrin kal chhuah thu a pawm ta a; tin, a kalna tûr lam  
 pawh hre lovin a kal chhuak ta a. Rinnain ram tiamah khân *mi* 9  
*rama* châm ang *mai*in a lo châm ta reng a, thutiam hmunkhat a  
 rochunpui tûr Isaaka leh Jakobate nên chuan puan inahte an awm  
 a; khua lungphûmte nei mi, Pathian rêlbâwl leh siam chu a  
 ngâk reng si a.

Rinnain Sari ngei pawhin, a tiamtu chu rinawma a ruat avâng- 11  
 in, tar hnu tawhin chi pai theihna a hmu a. Chutichuan, *mipa* 12  
 pakhat lakah (ani chu mitthi ang a ni si a) vâna arsita anga tam,  
 tuifinriat kama tiau vaivut anga chhiar sên loh an lo chhuak ta a.

Chûng zawng zawngte chu rinna *nei*in an thi ta a, thiltiamte chu 13  
 chang lovin; nimahsela chûng chu hla tak aţanga hmuin, chi-  
 bai an lo bûk tawh a, leiah hian mikhual leh khualzin *mai* an ni tih  
 an inhriattir tawh baw a. Chutiang thu sawite chuan anmahni 14  
 ram tûr an zawng tih an tilang si a. Tin, an chhuahna ram chu  
 lungkham sela chuan, hâwnna remchâng an hmu tawh ngei tûr a 15  
 ni. Nimahsela, tûnah zawng *ram* t̃ha lehzual chāk an lo ni a, 16  
 chu chu vâna mi a ni; chutichuan, Pathianin an Pathian tiha awm  
 chu a zak lo ve; an tân khua *lam* a lo buatsaih sak tawh si a.

Rinnain Abrahama chu fiaha a awm khân Isaaka chu a han 17  
 hlân a; a ni, thutiamte lâwm taka changtu, “Isaakaah hian i thlah- 18  
 te an ti ang,” an tiha ngei khân, Pathianin mitthi zîng ata pawh  
 kaitho theia ruatin, a *fapa* neih chhun a hlân; chuta ta chu teh-  
 khinnain a hnu leh ta ngei baw a.

Rinnain Isaaka chuan thil lo la thleng tûrte thua pawh Jakoba 20  
 leh Esauva mal a sâwm sak a.

Rinnain Jakoba chuan, thih dâwn lai khân, Josefa fate chu mal 21  
 a sâwm ve ve a; a tiang hmâwr rinchanin Pathian a be baw a.

Rinnain Josefa chuan, a thih a lo hnaih khân Israela thlahte 22  
 chhuah tûr thu a sawi a; a ruhte kawng thua thu a pe baw a.

Rinnain Mosia a pian lai khân, nausên hmêl t̃ha tak a ni an 23  
 tih avângin, thla thum chhûng a nu leh a pa thuhrûkin a awm  
 a; lal thupêk pawh an hlau lo.

Rinnain Mosia chuan, a lo puitlin hnu khân, Pharaoa fanua 24  
 fapaa vuah a duh lo va; rei lo tē atân sual nawmna hlinpui ai 25  
 chuan Pathian mite nêna tihduhdah tuar a thlang ta zâwk a;

Krista an hmusitna chu Aigupta ram rote ai chuan sum ropuizâwk- 26  
ah a ruat a; lâwmman pêk tûr chu a thlîr thîn avângin.

Rinnain lal thinurna chu hlau lovin Aigupta ram a kalsan a, 27  
hmuh theih lohva chu a hmuh avângin a tuar tan tan a ni.

Rinnain Kalhlên Kût leh thisen theh kha a siam a, fa tîr tiboral- 28  
tu chuan anmahni a tawh lohna tûrin.

Rinnain khawmuala kal angin Tuifinriat Senah khân an kal 29  
kai a; Aiguptahovin chu chu tih an tum ve a, lem zawhin an awm  
ta a.

Rinnain Jeriko khaw kulh kha ni sarîh an hual hnuin a chim ta a. 30

Rinnain Rahabi nawhchizuar kha awi loho zîngah chuan 31  
a boral ve ta lo, enthlatute chu tlang taka a lawm avângin.

Tin, engnge ka la sawi cheu vang? Gideona thu te, Baraka 32  
thu te, Samsona thu te, Jephtha thu te leh, Davida thu te, Samuela  
thu te, zâwlnêiho thu te hril ila, hunin mi daih dâwn si lo va; chúngte 33  
chuan rinnain ramte an la a, thil fel an ti a, thutiamte an chang a,  
sakeibaknei khâte an tihchih sak a, mei thiltihtheihna an timit a, 34  
khandaih hriam lam an pumpelh a, chak lohna ata chak taka  
siamin an awm a, indonaah chuan mi hrât khawkhêng an lo  
ni a, hnam dang indo pâwlte an tlânchhiattîr a. Hmeichhiaten 35  
an mitthite tho leh an hmu a, mi dangte pawh sawisakin an awm  
a, thawhlehna tha leh zual an chan theihna tûrin chhan chhuah  
an duh lo va; mi dangte pawhin tih nawm nah leh vuakte an tuar 36  
a, a ni, chu lo pawh chu, kawlbun leh tân ina khungte an tâwk bawk  
a; lunga denin an awm a, thingzainaa zai bunin an awm a, thlêmna 37  
an tâwk a, khandaiha sahlumin an awm a; berâm vun leh kêl  
vun sinin an vâkvai a; rethei takin, hrehawm takin, tihduhdahin an  
awm a; (chúnggho tân chuan khawvêl hi awmna tlâk a ni lo) 38  
thlalêrah te, tlângah te, pûkah te, khuarkhurumah te an vâk an  
vâk thîn a.

Tin, chúng zawng zawngte chuan an rinna avânga fak lo 39  
hlawh tawhin, thiltiam chu an chang lo va, keini tel lova anni chu 40  
tihfamkima an awm loh nân Pathianin keimahni kawng thuah  
thil engemaw tha leh zual a buatsaih tawh avângin.

**12** Chutichuan, thlirtute chuti kauva chhûmpui nasa tak 1  
hual vêla kan awm avâng hian, min tih nawk apiang leh  
sual keimahnia bet tlat chu i dah ve ang u, tin, Isua, kan rinna  
siamtu leh tifamkimtu lam chu enin, kan hmaa intlânsiakna tûr  
awmah hian chhel takin i tlân zêl ang u. Ani chuan a hmaa  
hlîmna awm avâng chuan, mualphona chu ngainêpin, kraws  
chu a tuar a, Pathian lalthutphah ding lamah khian a han thu  
ta a. In thlarau lamah in inthlahdah a, in lo hah loh nân, anmahni 3  
chung a tha lo tûrin mi sualte chutianga hnialkalhna tuartu chu



ngaihtuah teh u khai. Sual dovin thisen chhuak khawpin in 4  
la tâng lo va: fuihna thu, fate *zilh* anga zilhna che u kha, in lo 5  
theihngihl ta e.

“Ka fa, Lalpa thununna chu ngainêp suh la,  
A zilhauva i awmin inthlahdah hek suh;  
Lalpa chuan a hmangaih chu a thunun thîn a, 6  
Fa a lawm apiang chu a vaw thîn asin ni,”

tih hi. In tuar hi *nangmahni* thunun nân a ni; fate *chung a tih* angin 7  
Pathianin in chungah a ti a nih hi; pa thunun loh fa tunge awm ngai  
le? *Fa* zawng zawng hlawh thîn thununna chu hlawh lova in awm 8  
erawh chuan, fa tak ni lovin, sâwn in ni a ni ang asin.

Chu lo pawh chu min thunun tûrin kan tisa pate kan neih 9  
kha, chûngte chu kan zah si a; chu mi aia nasa zâwkin, *kan* nunna  
tûrin, thlaraute Pa thu thuin kan awm dâwn lâwm ni? Anni 10  
chuan ni rei lo tê, tha an tih ang zêlin *min* thunun ngei tak a, ani  
erawh chuan, a thianghligna chu *kan* chan ve theih nân, kan  
thatna tûrin *min thunun zâwk a ni*.

Tin, thununna rêng rêng hi *tuar* lai chuan lâwmawmin a lang 11  
lo va, lungchhiatthlâkin a *lang* zâwk thîn, *tuar* hnuah erawh chuan  
chu mia sâwizawia awmte tân chuan rah thlamuanawm tak, felna  
chu a chhuah sak thîn.

Chutichuan, kut uai thlate chu char rawh u, khûp zawite nê; 12  
tin, kebai chu tihpelhsawlh lohva, tihdamin a awm zâwk nân, 13  
in kete tân kawng ngilte siam rawh u.

Mi zawng zawng nêna inremna leh thianghligna ùm rawh 14  
u, chu mi *thianghligna* lovin tuman Lalpa an hmu lo vang: ngun 15  
takin en rawh u, chutilochuan Pathian khawngaih tling zo lo  
tuemaw an lo awm ang a, khâkna zung engemaw lo chawra tibuai  
*che uin*, chu chuan mi tam tak chu tihbawlhhlawhin an awm ang 16  
a, inngaihhmang emaw, Esauva anga Pathian zah lo mi emaw an  
lo awm dah ang e. Ani chuan a fa tîr nihna chu chaw vawi khat  
eiah a hralh a. Chu mi hnuah chuan malsâwmna chu rochun a 17  
duh pawhin, mittui *lla* chungin thahnemngai takin zawng mah  
sela, rilru lamlêtna remchâng a hmuh loh avângin paihin a awm  
ta tih in hre si a.

Nangni zawng *tlâng* khawih theih, meia kâng te, chhûm dum 18  
te, thim te, thlipui te, tawtawrâwt rikna te, thu sawi thâwm 19  
*awmna* te kha thleng in ni si lo va; (chu thâwm hretute chuan  
thu dang rêng an hnêna sawi tawh lo tûrin an ngên a, “Sa lam 20  
pawhin tlâng chu khawih sela, lunga denhlumin a awm tûr a ni,”  
*tih*, thupêk kha an tuar thei ta si lo va; an thil hmuh pawh chu a 21  
hlauhawm êm êm a, *chutichuan* Mosian, “Ka hlauvin ka khûr  
nasa êm êm,” a tih hial kha:) Zion tlâng te, Pathian nung khua, 22  
vân Jerusalem te, chhiar sên lohho, vântirhkoh inkhâmpui te,

fa tîr vâna hming chuang kohhranho hnên te, Pathian, mi zawng 23  
zawng ngaihtuahu hnên te, mi fel tihthatfamkimho thlarau hnên 24  
te, Isua, thuthlung thar palai hnên te, thisen theh, Abela *thisen*  
aia *thu* tha zâwk sawitu hnên te thleng in ni zâwk.

Thu sawitu chu in lo duh lo dah ang e, fîmkhur rawh u. Leia 25  
*anmahni* zilh lâwktu kha an duh loh *maha hremna* an pumpelh si loh  
chuan, keini, vân ațanga *min zilh lâwktu* hawisantute hian, kan  
*pumpelh* lo lehzuall ang. Chu mi lai chuan a av khân lei hi a 26  
tinghîng a; nimahsela tûnah hian, “Vawî khat chu lei chang  
ni lovin, vân pawh ka la tinghîng leh ang,” tiin, a tiam ta zâwk a.  
Tin, “Vawî khat chu *ka la tinghîng leh ang*,” tih hian, thil nghîng 27  
lote chu a awm reng theihna tûrin, thil lo nghîngte chu thil siamte  
ang maiin sawn bovin a *awm dâwn tih* a hriattîr a ni. Chutichuan, 28  
ram tihngghîn rual loh kan chan *avâng* hian, khawngaihna i nei  
ang u, chu mi zârah chuan zah leh tîh dèk chungin Pathian  
lâwmzâwng rawng kan bâwl thei dâwn zuk nia; kan Pathian 29  
hi *mi* kanralhmag mei a ni si a.

**13** Unau inhmangaihna hi awm zêl rawh se. Mikhualte chung- 1  
ah hmangaih chhuah theihngghilh suh u; chutiang tiin 2  
thenkhatten hre lovin vântirhkohte an lo thleng si a. Phuara 3  
awmte chu phuar ni ve angin hre reng ula; hrehawm tuarte chu  
taksaa awm ve bawk in nih avângin *hre reng rawh u*. Mi zawng 4  
zawng zîngah inneih hi chawimawiin *awm sela*, khum pawh  
tihbawlhhlawh lohvin *awm rawh se*; inggaite leh uirête chu  
Pathianin a ngaihtuah dâwn si a. In rilru putzia chu tangka 5  
ngaihnatna tel lo ni rawh se; in thil neih chhun chungahte chuan  
lungawî rawh u; amah ngeiin, “Engtikah mah ka thlahthlam  
tawp lo vang chia, kal pawh ka kalsan tawp lo vang che,” a  
ti si a. Chutichuan, huai takin,

“Lalpa chu mi tanpuitu a ni,

Ka hlau lo vang;

Mihringin engnge mi tih *theih ang*?”

kan ti tîin a ni.

In hotu, Pathian thu lo hrihtute che u chu, hre reng ula, an awm 7  
dâna thil chhuak chu ngaihtuahin an rin dân zir rawh u.

Isua Krista chu nimirah nê, vawîinah nê, kumkhua pawhin 8  
a pângngaiin a *awm fo vang*. Zirtîrna tinrêng leh *zirtîrna* mak 9  
tak len bovin awm suh u; thilung hi khawngaihnaa tihngheha  
awin chu a t̃ha si a, ei tûrtea tihngheha awm lovin; chutiang kawng  
lungkhahte chuan chûngah chuan sâwna an hmu chuang lo.  
Keini zawngin maichâm kan nei a, chu miah chuan biak bûk 10  
rawngbâwtute chuan an ei tûr a ni lo. Ran, a thisen Puithiam 11  
Lalberin Himun Thianghlina sual tâna *hlana* a luhpui t̃hina  
ruangte chu, daipâwnah an hâl t̃hîn si a. Chutichuan, Isua 12

pawhin, ama thisen ngeia nite chu a tihthianghlun theihna 12  
 túrin, kulh kawngkhâr páwn lamah chuan a lo tuar ta a. Chuti- 13  
 chuan, amah an hmositua chu phurin daipáwnah a hnén lamah i  
 kal chhuak ang u. Hetah hian khaw hmuon nghet kan nei si lo va, 14  
*khaw* lo la awm túr chu kan zawng zawk a ni. Tichuan, ama zarah 15  
 chuan faka inthawina hi Pathian huénah i hlán fo yang u, chu chu  
 a huing tanna hmuite rah chu a ni. Nimahsela, thil tihphet leh 16  
 thilphal hi theihughilh suh u; chuiang inthawina chungah chuan  
 Pathian a huingi êm êm si a.

In hotute thu awi ula, *an* thu thuin awm rawh u; chanchin 17  
 sawi túr an nih avângin, lungngai chunga *saei* lova, blin chunga  
 an sawi theihna túrin, in thlarau an vên sak thîn che u a ni;  
*lungngai chunga saei* chu in tân a pawl túr a ni si a.

Mín tawngtai sak rawh u; engkimah fel taka awm tunan, chhia 18  
 leh tha hriatua thiàng tak kan nei tih dik takin kan inhre si a. Tin, 19  
 rang deuhva in huéna tih leh in ka awm theih nân, chu chu ti túrin  
 ka ngén lehzuai sauh che u a ni.

Tin, renua Pathian, berâm Vêngtu ropui tak, kau Lalpa Isua 20  
 chu, chatuana thuhhlunna thisen zâra mitthi zing ata hruai chhuak  
 lehtu khân, a mithmuha a lâwmzâwng *ang* apiang Isua Krista 21  
 zarah keimahniah thawkin, a duhzâwng ti túrin thil tha tinreng  
 kawngah tifankin che u rawh se; *Isua Krista* huénah chuan  
 ropuina chamanin awm rawh se. Amen.

Nimahsela, unante u, ka ngén a che u, fuilna thu hi ngaithei 22  
 hrâm hrâm rawh u; in hnénah thu dêin tê ka zia si a. Kan 23  
 unaupa Timothea kha an chhuahtir ta tih lo hre *te* rawh u; a lo  
 kal hua deuh chuan, amah nê kan rawn hmu ang che u.

In hotute zawng zawng leh, mi thiànghlunte zawng zawng 24  
 kha chibai *mi* búk *sak* ang che u. Itali rama nite hian chibai  
 an búk a che u.

In zaa hnénah khawngaihna awm rawh se. Amen. 25

# Jakoba Lebkha Thawn

| Jakoba, Pathian leh Lalpa Isua Krista bawiin, Hnam 1  
Sâwm leh Hnam Hnih darhte chu chibai a bûk e.

Ka unaute u, in rinna fiahna chuan chhelna a siam tih hriain, 2  
thlêmna tinrêng in tawh hunin lâwmna hlîrah ngai rawh u.  
Tin, engmah tlachham lova in famkim a, in puma in him theih 3  
nân, chhelna chuan thawk famkim rawh se. 4

In zîngah tupawhin finna a tlâkchham chuan, mi zawng zawng 5  
hnêna hau lo leh ui lova pe thîntu Pathian chu dîl rawh  
se, chutichuan a hnênah pêk a ni ang. Nimahsela, ringhlel hauh 6  
lovin rinna neiin dîl rawh se, ringhleltu chu tuifinriat fâwn thli  
chhêm lèn leh vawrh ang a ni si a. Chutiang mi, rilru bulbâl 7  
nei lo, a thiltih zawng zawnga nghet lo mi chuan, Lalpa hnênah 8  
engmah hmuh inring suh se.

Unau daikilkâra mi chu, chawimawia a awm avângin lâwm 9  
rawh se; hausa erawh chu, tihtlâwma a awm avângin lâwm zâwk 10  
rawh se; hlobet pâar angin a la ral mai dâwn si a. Ni a lo chhuah 11  
a, thli lum tak a lo tlehin hlobet a tivuai a; tin, a pâar chu a rêm  
a, a awm dân mawizia chu a boral thîn; chutiang bawkin mi  
hausa chu a kalnaah chuan a lo vuai dâwn si a.

Thlêmna tuar hrâm hrâmtu chu a eng a thâwl e; fiahna a awm 12  
hnuin nunna lallukhhum, *Lalpan* amah hmangaihute hnêna a  
tiam chu, a hmu dâwn si a.

Tuman, thlêmna an tawh laiin, “Pathian thlêm ka ni,” ti 13  
suh se; Pathian chu sual thlêm rual a ni lo, amah pawhin tumah  
a thlêm ngai lo. Mi tin mahni châknaa hruai bo leh hîpa an awm 14  
chuan, thlêmna an tâwk a ni zâwk e. Tin, châkna chuan no a 15  
pai a, sual a hring thîn a; tin, sual chuan a lo puitlinin, thihna  
a hring thîn. Ka unau duh takte u, bumin awm suh u. Thilpêk 16  
tha leh thilpêk famkim zawng zawng chu chung lam aţangin, 17  
êngte Pa hnên ata, a lo chhuk thîn a ni, amahah chuan danglamna  
leh herna hlim rêng rêng a awm thei lo. A thil siamte 18  
hmahruaitu ang kan lo nih theih nân, ama chuhzâwngin thutak  
lakah chuan min hring a ni.

Unau duh takte u, chûng chu in hria e; nimahsela, mi tinin 19  
ngaihthlâk chuh sela, thu sawi chuh lo sela, thin tinel rawh se:  
mihring thinurnain Pathian felna chu a siam si lo. Chuvângin, 20  
bawhlhlawh zawng zawng leh sual khat liam chu dah bo ula, 21

thu tuh, in thlarau chhandam thei chu, thuhnuaairawlh takin pawm rawh u.

Nimahsela, mahni inbumin ngaithlatute chauh ni lovin, thu 22  
zâwmute lo ni zâwk rawh u. Tupawh thu ngaithlatu nia, zâwmtu 23  
ni si lo chu, mi dâthlalinga a pianpui hmai ngun taka inen ang 24  
chu a ni: ngun takin a inen a, a kal bo va, mi eng ang nge a nih  
a intheihngihlil ngihl si thîn. Amaherawhchu, tupawh dân 25  
famkim, zalêna dân hi, biha, chutianga awm renga, ngaithlaa,  
theihngihlil leh mai thîntu ni lova, zâwma, hna thawk fo thîntu  
ni zâwk chu, chu mi chu a thiltihah malsâwmin a awm ang.

Tupawh sakhaw ngaihsak nia inringa, a lei vêng tha si lova, 26  
mahni thinlung inbum zâwk chu, chu mi sakhaw biak dân chu  
engmah a ni lo ve. Kan Pathian leh Pa mithmuha sakhaw biak 27  
dân thianghlil leh sual tel lo chu hei hi a ni, fahrah leh hmeithaite  
an hrehawm laia kan leh, khawvêl bawhlhlawh kai lova insiam  
thîn hi.

**2** Ka unaute u, kan Lalpa Isua Krista, Ropuina Lalpa chu 1  
ring chungin, mi thlei bik nei suh u. In inkhâwmna inah 2  
mi rangkachak zungbun bun, puan mawi tak sin lo lût sela, tin,  
mi rethei puan chhe tak sin lo lût bawk sela; tin, puan mawi tak 3  
sin chu in ngaihsak a, a hnênah chuan, “Nang he hmun thaah  
hian thu rawh,” in tih a, tin, mi rethei hnênah chuan, “Nang  
chu sawtah sâwn ding la, a nih lo leh, ka ke nghahchhan hrûlah  
hian thu rawh,” in tih chuan, in rilruah thlei bik neiin ngaihtuahna 4  
sual pua sawisêltute in lo ni dâwn lâwm ni? Ka unau duh takte 5  
u, ngai teh u, Pathianin he khawvêl thila retheite hi, rinnaa hausa  
tûr leh, amah hmangaihtute hnêna a tiam ram chu luahtu tûrahte  
a ruat lo vem ni? Nangni zawngin mi rethei chu in timualpho 6  
ta zâwk a ni. Mi hausate chu a tiduhdahtu che u leh, rorêna  
ina hnûk lût thîntu che u chu an ni lâwm ni? Hming zahawm 7  
tak in put hi sawichhetute chu an ni lâwm ni? Nimahsela Pathian 8  
Lehkha Thu, “Nangmah i inlmangaih angin i vêngte i hmangaih  
tûr a ni,” tih lal dân hi in zawm chuan, in ti tha e; amaherawhchu 9  
mi thlei bik in neih chuan in tisual a ni, Dânin bawhchhetuah a  
chantîr si che u a. Tupawhin Dân zâwm kim mah sela, kawng 10  
khata a tihsual si chuan, a zaah chuan thiam loh changin a  
awm tawh a ni. “Uirê suh,” titu chuan, “Tual that suh,” 11  
a ti bawk si a. Chutichuan, uirê lo mah la, tual i thah si chuan,  
Dân bawhchhetu i ni rêng rêng tawh a ni. Chuvângin zalêna 12  
dâna rorêl sak tûrate angin thu sawi ula, thil ti bawk rawh u. Mi 13  
chungah khawngaihna nei lo chu, khawngaihna tel lovin rorêl  
sakin a awm ang; khawngaihna chu rorêna lakah a inchhuang  
thîn a ni.

Ka unaute u, miin, “Rinna ka nei,” ti mah sela, thiltih a neih 14

si loh chuan, enguge sáwt *ang?* Chutiang rinna chuan *amah* a  
 chhandam thei *ang* em ni? Unaupa emaw, unaunu emaw, saruaka 15  
 awmin an ni tin chaw tlachham sela, tin, in zinga tuinemaw an  
 huenah, "Thlamuang takin kal ula, lum tak leh puar takin awm 16  
 rawh u," ti ula, taksa táua thil châk khai chu in pèk si loh chuan  
 enguge sáwt *ang?* Chutiang bawkin rinna chu, thiltih nei lovin 17  
 amah chauhvin a awm chuan thi a ni.

A ni, mi tuinemaw, "Naugin rinna i nei a, keiin thiltih ka 18  
 uci a ni; i rinna chu i thiltih tel lovin mi enür rawh, tin, keiin  
 ka thiltihin ka rinna ka enür *ang* che. Pathian chu pakhat a 19  
 ni tih i ring a ni *maw?* I uitha e; ramhuante pawhin an ring a, an  
 khür thin asin," a ti *ang*.

Aw, mi lawilopa, thiltih tel lova rinna *mai* chu engmah a ni 20  
 lo tih i hre duh em le? Kan thlahu Abrahamna chuan a fapa Isaaka 21  
 inaichâm chunga a hlan lai khân thiltih avângin thiam a chang  
 a ni lăwm ni? Rinna chuan a thiltih nêñ a thawk dùn a, tin, 22  
 thiltih avângin a rinna chu a famkim ta uih i liria e. Pathian 23  
 Lehkha Thu, "Abrahama chuan Pathian a ring a, chu *rinna* chu  
 a felnaah ruat a ni," tih thu kha a lo hlawhling a, uichuan, Pathian  
 Thianah vuahin a awin ta a. Rinna avâng ngawt ni lovin, thiltih 24  
 avâng *zâwkin*, miin thiam a chang thin uih in hre ta.

Chutiang bawkin, Rahabi nawhchiazuar *pawh* khân tirkohie 25  
 kha a lo lăwm a, kawng danga a háwntir lai khân, thiltih avângin  
 thiam a chang a ni lăwm ni? Thlarau tel lovin taksa chu thi a ni, 26  
 chutiang bawkin thiltihue tel lovin rinna *pawh* chu thi a ni.

**3** Ka uname u, in zinga mi tam tak hi zirtirtuahte lo awin 1  
 suh u. *zirtirtuin* rorêhua nasa lehzual kan ráwk *ang* uih kan  
 hre si a. Thil tam takah chuan kan zain kan sual si thin. 2

Tupawh thu sawi kawnga a sual loh chuan, chu mi chu  
 mi puitling a ni a. a taksa pum pawh vêng thei *mi* a ni. Ngai tch 3  
 u, kan thu an awi theih nân sakawr kaahie thirbarh kan barh  
 chuan an taksa pum pawh kan kaiher thin. Ngai tch u, lawngie 4  
 pawh hi a lian hle a, thli na tak chhêm lénin a awm thin na a,  
 uinahsela, a thieru chuan a *kaltir* duhna lam apiangah uiherna  
 té tak tein a thier thin. Chutiang bawkin lei pawh hi taksa pêng 5  
 té tak té a ni a, nasa takin a uang thin. Ngai tch u, mei té tak  
 tein thing a va tikâng nasa ém! Tin, lei hi mei a ni; kan taksa 6  
 pêngie zinga khawlohna hlăwm chu lei hi a ni; chu chuan taksa  
 apumin a tibawhlhlawh a, pianpui rawlailir chu a tikâng a, amah  
 chu hremmun uihkan a ni.

Sa chi tinrêng te, sava *chi tinrêng* te, rannung *chi tinrêng* te, 7  
 tuifinriata mi *chi tinrêng* te hi khawingam theih an ni si a, mihringie  
 khawingamin an awm baw a; amaherawlichu lei hi tumahin an 8

khawingam thei lo a ni; thihna hlova khat, sual awm hle hle thei lo a ni. Chu chuan Lalpa leh Pa kan fak thîn a; chu vêk chuan 9  
 Pathian anga siam mihringte chu ânchhia kan lawh bawk thîn a ni. Ka hmunkhat aţangin fakna leh ânchhelawhna a chhuak 10  
 thîn. Ka unaute u, chúng thil chu chutiang ni tûr a ni lo ve. Tuikhur hian hna hmunkhatah tui tui leh tui tui lo a tichhuak 11  
 thîn em ni? Ka unaute u, theipui kûngah oliv thei a rah thei em 12  
 ni? a nih loh leh, grêp hruiah theipui a *rah thei em ni?* chutiang bawkin chi *khur* hian tui al lo a tichhuak *thei* hek lo.

In zîngah tunge lînga, thu hre thei awm? Thuhnuairawlh 13  
 tak leh fîng takin a thiltihte awm dân thatin entir rawh se. Nimahsela, in thîlungah îtsîkna nasa tak leh inelna in neih chuan, 14  
 thu dik uan khum suh ula, *thu dik* dodâlin dâwt sawi hek suh u. Chu finna chu chung lam aţanga lo chhuk chu a ni lo va, khawvêl 15  
 leh taksa châkna leh ramhuaia mi a ni zâwk e. Inîtsîkna leh 16  
 inelna awmnaah chuan buaina leh thiltihsualna tinrêng a awm thîn. Chung lam aţanga finna lo chhuak erawh chu a tîrin a 17  
 thianghlîm phawt a, chu mi hnuah chuan inrem a duh a, a nunnêm a, a tihnuam a, khawngaihna leh rah thain a khat a, thlei bîk a  
 nei lo va, a vervêk lo a nî. Felna rah chu remna siamtute tân 18  
 remnain tuh a nî.

**4** In zînga indona leh inhnialnate hi khawi aţanga lo chhuak 1  
 nge ni? In taksa pêngahte indona siam thîntu, in duhzâwng aţangte chuan lo chhuak a ni lo vem ni? In châk a, in nei si lo va: 2  
 tual in that a, in awt a, in nei thei si lo va: in inhnial a, in indo va; in dîl loh avângin in nei lo va; in dîl a, in dîl dik loh avângin 3  
 in hmu lo, in nawmsak nân hman in tum si a.

Nangni uirenute u, khawvêl thian nihna hi Pathian hmêlma 4  
 nihna a ni tih in hre lo vem ni? Chutichuan tupawh khawvêl thian nih duh apiang chuan Pathian hmêlnaah a insiam thîn a ni. A nih loh leh, “Thlarau keimahnîa a chêntîr chuan thîk 5  
 khawp hialin *min* duh a nî,” tih hi, Pathian *Lehkha Thuin* engmah lovin sawiin in ring em ni? Nimahsela, khawngaihna tam leh zual 6  
 a pe thîn; chuvângin *Pathian Lehkha Thuin*, “Pathianin *mi* chapote a dodâl a, inngaitlâwmte erawh chu khawngaihna a pe thîn,” a ti a ni.

Chutichuan, Pathian thu thuin awm rawh u; anaherawhchu 7  
 Diabola dodâl rawh u, tichuan a tlân bosan ang che u. Pathian 8  
 hnaih rawh u, tichuan anin a hnaih ang che u. Mi sualte u, in kutte silfai rawh u; rilru bulbâl nei lote u, in thîlung tithianghlîm rawh u. Hrehawin ula, lungngai ula, ţap rawh u; in nuih lungngaihah chang sela, in hlîm nguiah chang rawh se. Lalpa 10  
 mithnuhin inngaitlâwm rawh u, tichuan a chawiniawi ang che u.

Unaute u, insawichhe tawn suh u. Tupawhin a unau a 11  
 sawichhiatin emaw, a unau a sawisêlin emaw, Dân a sawichhiain  
 Dân a sawisêl a ni; nimahsela, Dân i sawisêl chuan, Dân zâwmtu  
 i ni lo va, rorêltu i ni zâwk e. Dân petu leh rorêltu pakhat 12  
*chauh* a awm, chhandam *theia*, tiboral *theia* chu; nang thenawmte  
 sawisêltu chu tunge maw i nih le?

Tûnah ngai teh u khai, nangni, “Vawiinah emaw, naktûkah 13  
 emaw, chu mi khawpuiah chuan kan kal ang a, chutah chuan  
 kum khat kan va thang ang a, kan sumdâwng ang a, hlâwkna  
 kan hmu ang,” titute u. Naktûkah chuan engnge lo awm dâwn 14  
 in hre si lo. In nunna chu engnge ni? Chhûm rei lo tê lo lang a,  
 ral leh ta mai thîn *ang* hi in ni si a. Chutichuan, “Lalpan rem 15  
 a tih chuan kan dam ang a, chu mi kha mi kan ti ang,” in ti tûr  
 hi a ni. Nimahsela, in uannate hi in chhuang zâwk si a, chutiang 16  
 chhuanna zawng zawng chu sual a ni. Chutichuan, tupawh 17  
 thil tha tih tûr hriaa ti si lo chu, a tân sual a ni.

**5** Mi hausate u, ngai teh u khai! In chung a hrehawm lo 1  
 thleng dâwn mêk avâng chuan tap ula, chiau vak vak rawh 2  
 u. In rote a chhe ta a, in puante sùlrûlin a ei zo ta. In 3  
 rangkachak leh in tangkate a tuiêk zo ta a; a tuiêk chu in thiam  
 lohzia hriattirna a ni ang a, in tisa chu mei *kan* angin a ei ang.  
 Ni hnuhnûngah chuan ro in khâwl khâwm a nih hi. Ngai teh u, 4  
 in lova *buh* âta inhlawhfate hlawh, tihdera in pêk loh kha, a au va,  
 a âttute *mangang* au thâwm pawh chu Mipuîte Lalpa bengah a lo  
 lût ta a. Khawvêlah hian nuamsa takin in awm a, in inkhawhral 5  
 mai mai a; inthah niin in thinlung in titlai a. Mi fel chu thiam 6  
 loh in chantir a, in that ta a; ani chuan a dodâl lo a che u.

Chutichuan, unaute u, Lalpa lo kal hma loh zawng chhel 7  
 takin awm rawh u. Ngai teh u, lo neitu chuan ruah tui tla hmasa  
 leh hnuhnûng chu a hmuh hma loh chuan chhel takin lei rah hlu  
 tak chu a nghâk thîn. Nangni pawh chhel takin awm rawh u; 8  
 in thinlung tinghet rawh u; Lalpa lo kalna chu a hnai tawh si a.  
 Unaute u, thiam loh changa in awm loh nân, inphun suh u; ngai 9  
 teh u, Rorêltu chu kawngka bulah a ding reng a ni.

Unaute u, Lalpa hminga thu sawitu zâwlneite chu, tuar dân 10  
 leh chhel dân kawngah chuan entawn atân hmang rawh u. Ngai 11  
 teh u, tuartute chu engthâwl kan ti a; Joba chhelzia chu in hria a,  
 Lalpan a tâwpa a tihzia pawh kha in hmu bawk a, Lalpa chu  
 khawngaihna in a khahzia leh zah a ngaih theihzia pawh kha.

Nimahsela, ka unaute u, engpawh ti mah ula chhia chham 12  
 suh u; vân chhâlin emaw, lei chhâlin emaw, thil dang rêng rêng  
 chhâlin emaw *chhia chham suh u*; “Ni” in *tih* chu “Ni” ni sela,  
 “Ni lo” in *tih* chu “Ni lo” ni rawh se; chutilochuan thiam loh  
 changin in awm ang.



In zingah thil tha lo tuar an awm em? Tawngtai rawh se. 13  
 Hlim an awm em? Fakna *hla* sa rawh se. In zingah dam lo an awm 14  
 em ? Kohhran upa kohtir sela, annin Lalpa hminga hriak hnawihin  
 a chungah tawngtai rawh se; tin, rinnaa tawngtaina chuan dam lo 15  
 chu a chhandam ang a, Lalpa chuan ani chu a kaitho vang; tin,  
 thil a lo tihsual tawh chuan ngaihdam sak a ni ang. Chutichuan, 16  
 tihdama in awm theih nan in sualte thupha chawi tawn ula,  
 intawngtai sak tawn thin rawh u.

Mi fel tawngtaina chuan thil nasa tak a ti thin. Elija chu 17  
 keimahni nungchang ang pu mihring bawh a ni a, ani chuan ruah  
 sur loh nan thahnemngai takin a tawngtai a; tin, kum thum leh  
 thla ruk chhung zawng lei chungah ruah a sur ta lo va. Tin, a 18  
 tawngtai leh a, vanin ruah a surtir a, leiin a rahte a rawn chhuah-  
 tir ta a.

Ka unaute u, in zinga mi tupawh thutak atang chuan bo sela, 19  
 tin, tuinemaw hawi kirtir sela, mi sual a kawng bona ata hawi 20  
 kirtirtu chuan thihna ata a thlarau a chhandam ang a, sual tam tak  
 a khuh sak bawh ang tih inhre rawh se.

# Petera Lehkha Thawn Pakhatna

Petera, Isua Krista tirhkoh chuan :

1  
2

Ponto ram te, Galatia ram te, Kappadokia ram te, Asia ram te, Bithunia ram tea Darhho awm, awi tûr leh Isua Krista thisen theh *dawng* tûra Thlarau tihhrana, Pa Pathian hriat lâwk anga thlante hnênah chuan.

In chungah khawngaihna leh remna tihpunin awm rawh se.

Kan Lalpa Isua Krista Pathian leh Pa chu fakin awm rawh se. 3  
*Ani* chuan a khawngaihna nasa tak ang zêlin, mitthi zing ata Isua Krista thawhlehnâ avângin beiseina nung *hmu* tûrin min hring leh a, rochan chhe thei lo, bawhlhlawh kai lo, chuai *thei* lo, vâna in tâna 4  
khêk chu *hmuhna* tûrin; chhandamna, hun hnuhnûnga, lang tûra 5  
peih sa chu *hmu* tûrin, rinna avângin Pathian thiltihtheihnâa vên chu *in ni*. Chu miah chuan nasa takin in hlim a ni, tûnah (a tûl 6  
chuan) thlêmna tinrêng avângin lungngai rih mah ula; in rinna 7  
fiahna, rangkachak meia fiah hnu pawha boral thîn aia hlu zâwk chu, Isua Krista inlâr *hunah* chuan fakna leh chawimawina leh ropuina tûr a lo nih theih nân. *Amah* chu *hmu ngai* lo *pawhin* 8  
in hmangaih a, *amah* chu tûnah *hmu* lo mah ula *in* ring a, lâwm sawi hleih theih loh leh ropui takin in hlim êm êm thîn; in rin 9  
chhan—*in* thlarau chhandamna chu—hmuin.

In chungah khawngaihna *lo thleng tûr* thu hril lâwktu zâwlneiten, 10  
Krista Thlarau anmahnia awm chuan Krista tuarna tûrte leh chu 11  
mi hnua ropuina awm tûrte chu a hriat lâwktîr laite khân, eng *hun* nge ni, eng ang hun nge ni a hriattîr thîn tih chhui chhuah *tumin*, chu chhandamna chanchin chu an zawng a, ngun takin an chhui thîn. 12  
Chûng thu chuan mahni *rawng inbâwl* lovin, nangmah-  
ni rawng an bâwl zâwk tih an hnênah hriattîr a ni tawh, chûng *thu* chu vân aţanga tîr chhuah Thlarau Thianghlim ţanpuin Chanchin Tha hrilhtu che u khân tûnah an hrilh che u a; chûng thil chu vântirhkohten bih an duh thîn a ni.

Chuvângin, in rilru puan vengin ngaihven ula, Isua Krista 13  
inlâr *hunah* chuan khawngaihna a rawn sin sak tûr che u chu beidawng lovin beisei zêl rawh u; fa tihawite angin, in hriat loh 14  
*laia* in hmân lai châknate anga awm lovin; a kotuche u chu a thiang- 15  
hlim angin nangni pawh *in* chêtzia zawng zawngah lo thianghlim zâwk rawh u; “Nangni in thianghlim tûr a ni, kei ka thianghlim 16  
si a,” tih ziak a nih kha.

Tin, thlei bik nei lova mi tin hnathawh ang theuhva ngaihtuah 17  
 thîntu chu Pa anga in lam chuan, *heta* in châm chhûng zawng tîh  
 dêkin awm rawh u; in thlahtute pêk chhâwn, in awm dân eng- 18  
 khaw ni lawilo lak ata chu, thil chhe thei, tangka leh rangkachaka  
 tlan in ni lo va, berâmno hmêlhem lo leh bawlhhlawh kai lo thisen  
 anga, Krista thisen hlu chuan *tlan in ni zâwk* tih in hre si a; *ani* chu 20  
 leilung pian hmâin ruat lâwkin a awm ngei mai, nimahsela, hun  
 hnuhnûngahte hian nangmahni avângin inlârin a awm a; amah  
 avângin mitthi zîng ata a kaithotu leh a ropuina petu Pathian 21  
 ringtute innia, in rinnalehin beiseina chu Pathianah a awm theih nân.

Unaute hmangaih taktak tûrin thutak zâwma in thlarau in 22  
 tihthianghlin tawh avângin thilunga thahnemngai takin  
 inhmangaih tawn rawh u; chi chhe thei lakah ni lovin, Pathian 23  
 thu nung reng leh awm rengah chuan, *chi* chhe thei lo laka piang  
 thar in ni zâwk si a.

“ Mi zawng zawng hlobet ang an ni a, 24  
 An ropuina zawng zawng pawh  
 Hlobet pâr ang a ni.  
 Hlobet chu a vuai a,  
 A pâr chu a tla a,  
 Lalpa thu erawh chu 25  
 Chatuanin a awm reng a ni,”

*tih a ni* si a. Chu chu a ni Chanchin Tha thu *an* hrilh che u kha.

**2** Chutichuan, sualna zawng zawng te, ngamthlêmna zawng 1  
 zawng te bânzan ula, nausên piang tharte angin thlarau lam 2  
 hnute engmah pawlh loh chu châk rawh u, chu miah chuan chhan-  
 damna tling khawpa in than leh theih nân; Lalpa chu *mi* khawngaih 3  
 thei tak a ni tih in hriat tawh phawt chuan. *Amah* chu lung nung, 4  
 mihringte duh loh ngei, Pathian ngaihah erawh chuan thlan *leh* hlu  
 tak a ni, ama hnênah chuan lo kalin, nangni pawh lung nungte 5  
 angin thlarau lam ina rem chhohvin in awm, Isua Krista zâra  
 Pathian lâwmzâwng thlarau lam inthawina hlân tûrin puithiam  
 thianghlimho in lo nih nân. Chuvângin, Pathian Lehkha Thuah 6  
 chuan,

“ Ngai tch u, Zionah chuan a kila lung pawimawh  
 ber, thlan, hlu tak ka rem a ni;  
 Amah ringtu chu a mualpho lo vang,” *tih*, a chuang

a ni.  
 Chutichuan, nangni a awite tân chuan hlu tak a ni, a awi 7  
 lote tân erawh chuan.

“ In satuten lung an duh loh kha,  
 Chu ngei chu a kila lung tangkai ber a lo ni ta,”  
 “ Tlô! na lung leh dâna lungpui” nê. 8

An awi lo va, thua chuan an tlu si thîn a; *chutianga ti* tûrin ruat an ni rêng bawk a. Nimahsela, thim ata chhuaka, a êng mak taka lût tûra kotu che u thâtna chu in entîr theih nân, nangni zawng chi thlan, lal puithiamho, hnam thianghlim, *Pathian* mite ngei in ni si a; hmân lai khân mi rêng in ni lo va, tûnah erawh chuan *Pathian* mi in ni ta a; *hmân lai khân* zahngaihna in hmu lo va, tûnah erawh chuan zahngaihna in hmu ta a.

Duh takte u, mikhual leh khualzin in nih avângin, thlarau do thîntu tisa châknate bânzan tûrin ka ngên a che u; Jentailte zînga in chêtzia chu mawi tak ni rawh se, chutichuan thil tisualtute anga an sawichhiat che u kawngah chuan in thil tithat an hmuhte avângin fanin an awm hunah chuan *Pathian* an chawimawi thei ang.

Lalpa avâng chuan mihring ruat apiangte hnênah intulût rawh u, chungnunga awm lalber hnênah emaw, thil tisualtute chung a phuba la tûr leh, thil tithatute fak tûra ama tîrh *chhawn* Ram Awptu hnênah pawh. Hei hi *Pathian* duhzâwng a ni si, mi âte *thu sawi* fîng lo chu thil tha tia in tihdan hi; zalên in ni a, *nimahsela* in zalênna chu sual khuh nân hmang lovin, *Pathian* bawia awm nân *hmang* zâwk rawh u. Mi zawng zawng chawimawi rawh u. Unauhote chu hmangaih rawh u. *Pathian* tîh dêk rawh u. Lalber chu chawimawi rawh u.

Chhiahhlawhte u, tî dêk hlîrin in hotute thu thuin awm rawh u; *mi* tha leh *mi* nunnêmte lakah chauh ni lovin, *mi* nunrâwngte lakah pawh. Miin *Pathian* hriatna avângin tuar loh tûr tûr tuarin lungngaihna a tuar hrâm hrâm chuan, chu chu *Pathian* lâwmzâwng a ni si. In sual a, kut thlâk in tuarin chhel takin tuar *mah* ula, fakna engnge in *hlawh* thîn? Amaherawhchu, thil in tithat a, in tuarin chhel taka in tuar chuan, chu chu *Pathian* lâwmzâwng a ni. Krista pawh khân a tuar sak che u avângin, hetiang *ti* tûrin koh in ni asin; a hniaka in zuina tûrin entawn tûr a hnutchhiah che u kha. Ani chuan thil rêng a tisual lo va, a kaah ngamthlêmna a awm hek lo; mi hauva a awm laiin a hau ve thung lo va, a tuar laiin a vau lo va; fel taka ngaihtuah thîntua hnênah chuan a *inpe* zâwk a. Sual lamahte thi tawhin felna lamah kan nun theih nân amah ngeiin thingah khân a taksain kan sualte a phur a; amah vuakna vualte chuan tihdamin in awm ta a. Berâm bo anga in bo kha, tûnah erawh chuan in thlarau vêngtu leh Hotu hnênah chuan in kîr leh tâk hi.

**3** Chutiang bawkin nangni nupuite u, mahni pasalte thu thuin awm rawh u; chutichuan, *an zînga* tupawhin thu chu awi lo mah sela, thu lovin an nupuite chêtziaa hnehin an awm thei ang, tîh dêk chung a in chêtze thianghlim enin. In *incheina* chu pawn lam incheina—sam phiar te, rangkachak tîh awrh te,

silhfêna inthuum te chu—ni lovin, thinlunga mihring thuhrûk chu, 4  
 rilru thuhnuairawlh leh nunnêm *silhfên* chhe thei lova inthuum  
*ni zâwk rawh se*, chu chu Pathian mithmuhin a hlu êm êm a ni.  
 Chutiingin hmasânga hmeichhe thianghlim Pathian ringtute 5  
 pawh kha mahni pašalte thu thua awmin an inchei si thîn a; Sarin 6  
 Abrahama chu “Lalpa” tiin a thu a awi ang khân. Thil tha  
 tiin, tihhlauhna rêng hlau lova in awm chuan *Sari* fate in ni ang.

Nangni pasalte u, chutiang bawkin, hmeichhia hi bêl keh 7  
 awl zâwk an *nih* avâng leh, khawngaihna nunna chu chanpuitu  
 an nih avângin, chawimawi chungin hriatna ang zêlin *in nupuite*  
 hnênah awm rawh u, in tawngtainate dâlin a awm loh nân.

A tâwp berah chuan, in zain rilru hmunkhatin awm ula, 8  
 inlaintat tawn ula, unau angin *inhmangaih* ula, khawngaihna nei  
 ula, thuhnuairawlh in awm rawh u; sual sualin thungrûl suh ula, 9  
 hauna haunain *thungrûl* hek *suh ula*, malsâwm hlauh zâwk rawh  
 u. He mi avângin koh in ni si, malsâwmna chang tûr hian.

“Nunna hmangaih duh leh 10  
 Ni thate hmuh *duh* chuan  
 Sual lakah a lei vêng tha *sela*,  
 A hmui pawh ngamthlêmna thu sawi lo tûrin  
*Vêng tha rawh se.*  
 Sual hawisanin 11  
 Thil tha ti rawh se;  
 Remna zawngin  
 Um zêl rawh se.  
 Lalpa mit chu mi felte chungah a fu a, 12  
 A beng pawh an tawngtaina lamah a *chhi* si thîn a,  
 Amaherawhchu Lalpa hmêl chu  
 Thil tisualtute chungah a awm thîn.”

*tih a ni si a.*

Thil tha lama thahnem in ngaih chuan in pawl khawihu tûr 13  
 tunge awm ang? Nimahsela, felna avânga lo tuar ta ang in nih 14  
 chuan, *in eng a thâwl ang*. An hlauhawmna chu hlau suh ula,  
 mangang hek suh u; amaherawhchu in thinlungah Krista chu 15  
 Lalah ruat rawh u; nangmahnia awm in beisei chhan zâwt apiang  
 che u chhâng tûrin inpeih sa fo ang che u, nimahsela,  
 thuhnuairawlh tak leh tih dêk chungin; chhia leh tha hriatna thiang 16  
 tak nei ula, chutichuan an sawichhiatna che u kawngah chuan,  
 Kristaa in awm dân tha tak sawihnâwmtute chu tihmualphovin  
 an awm thei ang.

Thil sual tih vânga tuar ai chuan Pathian remtihzâwng a 17  
 nih chuan thil tha tih vânga tuar hi a tha zâwk si a. Pathian 18  
 hnêna min hruai theih nân Krista chuan sualte avângin vawi  
 khat a tuar baw si a, mi fel chuan mi fel lo aiin a *tuar a*; tisaah

tihthihin a awm a, thlarauvah crawh chuan tihnunin a awm ta a;  
 chu chuanin tân ina thlarau awmte hnênah chuan *thu* a zuk 19  
 tlângaupui a, chùng chuan hmâna Nova dam laia, lawng siam 20  
 chhùng zawnga, Pathian dawhtheihnain a nghah lai khân an awi  
 lo va; chu *lawngah* chuan *mi* tlêm tê (chu chu mi pariat tihna  
 a ni) tuia chhandamin an awm ta; chu mi anpui (baptisma) chuan, 21  
 Isua Krista thawhlehma avângin tûnah a chhandam che u a ni,  
 (tisa bawlhhlawh tihfai *mâi* ni lovin, chhia leh *ṭha* hriatna thianga  
 Pathian lamna hi a ni zâwk e); *Isua Krista* chu vânah kalin, Pathian 22  
 ding lamah a awm a; vântirhkohho te, thuneihna te, thiltihtheihna  
 te ama *thu* thua awmtirin an awm a.

**4** Chutichuan, Kristan tisaa a tuar avângin nangni pawh 1  
 chutiang rilrûknain inthuam ve rawh u; tisaa tuar tawh  
 chuan sual a bânsan tawh si a; chutichuan, tûn hnuah tisaa in la 2  
 awm chhùng zawngin mihring châkna lamahte awm tawh lovin,  
 Pathian duhzâwng lamah in awm tawh ang. Jentailte duhzâwng 3  
 tih nân leh, hurnaah te, *taksa* châknaah te, uain hehnaah te, zu  
 hmun hlimnaah te, zu in honaah te, milem biakna tenawm takah  
 te awm nân tûn hma kha a tâwk tawh ang; chùngah chuan 4  
 anmahni nawmsak bâwl luattuk anga in bâwl ve tâk loh hi mak an  
 ti a, an sawichhe *ṭhîn* *che* u a ni; anni chuan nii nung leh mitṭhite 5  
 ngaihtuah tûra inpeih sa hnênah chuan an chanchin an *la* sawi  
 ang. He mi avâng hian a ni, mitṭhite hnênah pawh chuan 6  
 Chanchin *ṭha* hrih a nih ni, tisaa awm mihringte anga ngaihtuahin  
 an awm a, thlarau erawha Pathian anga an nun theih nân.

Nimahsela, thil zawng zawng tâwpna chu a hnai tawh a, 7  
 chavângin in *ṭawngṭai* theih nân rilru fel tak puin fîmkhur rawh  
 u. Engkim aiin *ṭhahnemngai* takin inhmangaih tawn rawh u; 8  
 hmangaihna in sual tam tak a khuh si *ṭhîn* a. Phunnawi lovin 9  
 inmikhual tawn ula; mi tinin thilpêk in hnuh ang zêlin, Pathian 10  
 khawngaihna tinrêng enkawltu *ṭhate* angin, chùng chuan rawng  
 inbâwl tawn *ṭheuh* rawh u. Mi tupawhin *thu* a sawi chuan 11  
 Pathian thute angin *sawi rawh se*; mi tupawhin rawng a bâwl chuan  
 Pathianin chakna a pêk ang zêlin *bâwl rawh se*; chutichuan Isua  
 Krista avângin Pathian chu thil engkimah chawimawiin a awm  
 thei ang, ropuina leh rorêlna chu chatuana ama ta a ni si a. Amen.

Duh takte u, in zînga fiahna nasa tak lo awm, nangmahni 12  
 fiahna tûra in chung a lo thleng hi, thilmak in chung a thleng angin  
 mak ti suh u. Krista tuarnahte tuarpuitute in nihzia ang zêlin 13  
 lâwm zâwk rawh u; chutichuan a ropuina a lo lan hunah chuan  
 nangni pawh hlim takin in lâwm thei ang. Krista hming avânga 14  
 hau in nih chuan in eng a thâwl e; ropuina *Thlarau* leh Pathian  
 Thlarau chu in chungah a awm si a. Nimahsela, in zîngah tuman 15

tualthattu *a nih* avângin emaw, rûkru *a nih* avângin emaw, thil  
tisualtu *a nih* avângin emaw, mi dangte thiltih rêl saktu *a nih*  
avângin emaw tuar suh se. Anaherawhchu, Kristian *a nih* 16  
avângin *tuar* sela zak suh se; chu mi hming *avâng* chuan Pathian  
chawimawi zâwk rawh se. Rorêlna chu Pathian chhûngteah 17  
hian *tan* a hun tawh si a; tin, keimahui *maha* a *tan* hmasak chuan,  
Pathian Chanchin *Tha thu* zâwm lote tâwpna chu eng tin tak  
ni ang maw? Tin, mi fel *mah* chhandam hrâm hrâm *a nih* chuan, 18  
Pathian ngaihsak lo leh mi sual chu khawiahnge an lan ang? Chu- 19  
vângin, Pathian remtihzâwng anga tuarte chuan thil *tha* tiin an  
thlraute chu Siamtu rinawm tak huênah kawltir rawh se.

**5** Chutichuan, in zinga *kohhran* upate chu. kei, in upatpui, 1  
Krista tuarnate hretu, ropuina lo lang tûr chang vetu tûr  
hian ka fuih *a che u*; In zinga Pathian pâwlho awm chu enkawl 2  
rawh u; tih tûr *a nih* vâng ni lovin, Pathian thu anga châk chung  
zâwkin, hlêpna bawllhlawh *duh* vâng ni hek lovin, rilrua *duh* tak 3  
zâwkin, in chante chungah intilal hek lovin pâwlho entawnan  
insiani zâwkin ho rawh u. Tin, Berâu Vêngtu Lalber chu *a lo lan* 4  
hunin, ropuina lallukhun vuai thei lo chu in hmu ang.

Chutiang bawkin, nangui tleirâwl deuhte u. upa hnênahte 5  
intulût rawh u. A ni, in zain rawng inbâwl tawn theuh tûr in  
thulinuairawlnain inthuan rawh u; Pathianin chapote *a dodâl*  
*a*, inngaitlâwmte erawh chu khawngaihna *a pe si* thîn.  
Chuvângin, *a hun* teah chuan *a chawimawi* theihna tûr *che* 6  
uin, Pathian kut chak tak hnuaiah chuan intihnuai ula, anin  
*a ngaihsak* thîn *che u* avângin in manganna zâwng zâwng ama 7  
chungah nghat vek rawh u.

Ngaihven ula, simkhur rawh u; in khingpui Diabola chu, 8  
sakeibaknei rûm thîn angin *a ei* theih tûr zâwngin *a plu* ruai  
thîn; in nau khawvêla awmhote chungah chuan chutiang tuarna 9  
chu *a thleng te* *a ni* tih hriain, ring nghet taka awmin, amah chu  
do rawh u.

Tin, khawngaihna zâwng zâwng Pathian, *a chatuan* ropuina 10  
chang tûra Kristaa kotu ngei *che u* chuan, rei lo tê in tuar hnuan  
*a siamtha* famkimin, *a tinghetin*, *a tichak* ang *che u*. Ama 11  
hnênah chuan rorêlna chu chatuanin *awm rawh se*. Amen.

Ka unaupa rinawm taka ka ruat Silvana kutah hian, nangmahni 12  
fuih leh, chu chu Pathian khawngaihna taktak *a ni* tih hriattîrin,  
tawi tein in hnênah *ka zia* *a ni*; chûngah chuan ding nghet rawh  
u. Babulon khuaa awm nangmahni anga thlan nu hian chibai *a* 13  
bûk *a che u*; chutiang bawkin *ka fapa* Marka pawhin *chibai a bûk*  
*a che u*. Hmangaihna fawha fâwpin chibai inbûk rawh u. In 14  
zinga Kristaa awm apiangte hnênah chuan remna awm rawh se.

# Petera Lehkha Thawn Pahnihna.

Simon Petera, Isua Krista bawi leh tirhkoh chuan: Isua 1  
Krista kan Pathian leh Chhandamtu felna avânga rinna  
hlu tak *kan chan* ang chang vete hnênah.

Pathian leh kan Lalpa Isua hriatnaah chuan in chungah 2  
khawngaihna leh remna tihpunin awm rawh se; ama ropuina 3  
leh thatna zâra min kotu, a chanchin hriat avângin a Pathian  
thiltihtheihnainnunna leh Pathian ngaihsakna lam kawngah chuan  
thil zawng zawng min pe si a. Chûng zârah chuan a thutiam hlu 4  
tak leh ropui nasa takte chu min pe a ni; chutichuan, châkna  
avânga khawvêla chhiatna lo awm hi tlân chhuahsan tawhin;  
chûng *thutiam hlu tak leh ropui nasa takte* avâng chuan Pathian  
nungchang in tawmpui ve thei ang.

A ni, chu mi avâng tak chuan taihmâk rêng rêng chhuahin, 5  
in rinnaah chuan thatna telh ula, in thatnaah chuan hriatna  
*telh ula*, in hriatnaah chuan insûmna *telh ula*, in insûmnaah chuan 6  
chhelna *telh ula*, in chhelnaah chuan Pathian ngaihsakna *telh ula*,  
in Pathian ngaihsaknaah chuan unaute hmangaihna *telh ula*, in 7  
unaute hmangaihnaah chuan hmangaihna *telh rawh u*. Chûng 8  
chu in ta a nih a, a pun zêl si chuan, kan Lalpa Isua Krista hriatna  
kawngah hian thatche lo leh rah lo lovin a siam thîn che u a ni.  
Tupawh chûng *thil* nei lo chu mitdel a ni a, hnaï tea mi chauh 9  
a hmu *thei* a, a hmân lai sualte tlenfai sakna chu a theihnghilh  
ta si a.

Chuvângin, unaute u, a kohna leh a thlanna che u chu tinghet 10  
tûrin taihmak chhuah lehzual rawh u; chûng chu in tih zawngin  
engtikah mah in tlu lo vang; chutichuan, Isua Krista kan Lalpa 11  
leh Chhandamtu chatuan rama luhna chu an hmuhtîr nasa hle  
dawn si che u a.

Chuvângin, chûng *thil* chu hriain, thutak in hnêna awmah 12  
chuan in nghet na a, chûng thil chu hriatpui tûr che uin ka inpeih  
fo vang. Tin, he bâwktea ka awm chûng zawng hian nangmahni 13  
hriatpuiin chawh harh *fo* che u tha ka ti a ni; kan Lalpa Isua 14  
Kristan mi hriattîr ang khân ka bâwktê dah bo *hun* chu a thleng  
thuai ang tih ka hre si a. A ni, ka kal chhuah hnuin chûng thil 15  
chu in hriat reng fo theih nân ka bei ang. Kan Lalpa Isua Krista 16  
thiltihtheihzia leh a lo kal lehna *thu* chu ka hriattîr lai che u khân,  
thawnthu fîng taka ngaihtuah chhuah *maite* zâwm kan ni lo va, a



ropuina hmutute kan ni zâwk asin. Ani chuan Pa Pathian hnên 17  
 ata chawimawina leh ropuina a hmu a, chu mi lai chuan ropuina  
 nasa tak ațang chuan hetiang aw hi a hnênah a lo thleng a: "Hei  
 hi ka Fapa duh tak, ka lawm êm êma a ni," *tîn*. Tin, tâng 18  
 thianghlimah chuan a hnêna kan awm lai khân chu aw chu vân  
 ațangin a lo chhuak keimahni *ngein* kan hria a ni.

Tin, hril lâwkna thu nghet lehzuai chu kan nei a ni, khu a 19  
 lo vâ a, vâparh arsi chu in thilunga a lo chhuah hma loh  
 zawng chu chu khâwnvâr hmun thima êng an *ngaihsak* anga in  
 ngaihsak chuan in ti ța ang, Pathian Lehkhaa thu hril lâwk 20  
 rêng rêng hi mahniin hrilhfah tûr a ni lo tih hre hmasa phawt  
 ula. Thu hrilh lâwk rêng rêng hi mihring thua chhuak a ni ngai 21  
 si lo va, miten Thlarau Thianghlim tirhin, Pathian hnên ata an  
 sawi zâwk *thin* a ni.

**2** Nimahsela, mite zingah chuan zâwlnei derte pawh an lo 1  
 chhuah kha, chutiingin in zingah pawh zirtirtu derte an  
 la awm ang, *anni* chuan, anmahni leitu Lalpa meuh chu phatsanin,  
 mi tichhe thei rin hrannate arûkin an rawn luhpuî ang a, mahni  
 chung a chawplehchilha boralna an thlentir ang. Tin, *mi* tam 2  
 takin an hurna lam thiltihte chu an ching ve ang a, anmahni  
 avângin kawng dik tak chu sawichhiat a ni ang. Tin, *sum* awh 3  
 avângin dâwt thuin sumdâwn nân an hmang ang che u; *nimahsela*,  
 hmâna an chung a thu tlu chu a châwl lo va, an boralna pawh a  
 muhil lo ve.

Vântirhkohten thil an tihsual lai khân Pathianin a zuah lo va, 4  
 hremhmunah a paih a, rorêl saka khêk tûrin khuarkhurum thimah  
 a khung zâwk si a; tin, amah ngaihsak lote *awmna* khawvêlah 5  
 khân tui tilêtin, hmân lai khawvêl chu a zuah lo va, nimahsela,  
 Nova felna thu hriltu, mi dang pasarih nêna a chhandam ta a; tin, 6  
 Sodom leh Gomorra khuate chu amah ngaihsak lo la awm tûrte  
 entir nân a hmang a, vuta chantirin, tiboralin thiam loh a chantir  
 ta a; tin, Lota mi fel, mi sualte awm dân hur tak avânga lungngai 7  
 êm êma chu a chhandam ta a; (chu mi fel chu an zinga a awmin, 8  
*a mitin* a hmu a, *a* bengin a hria a, dân lo anga an thiltihte chuan  
 a rilru fel chu ni tin a intina êm êm si *thin* a;)—Lalpa chuan 9  
 amah ngaihsaktute chu thlêmna ata chhan chhuah dân leh, fel  
 lote chu rorêl ni atân chuan hrem chung a khêk dân a hria; châkna 10  
 bawhlawh kawnga tisa anga awm leh, rorêl sakna hmusittute lek  
 pheî chu *rorêl ni atân hrem chung a khêk dân* a hre lehzuai a ni. Âthuai  
*leh* tihmawh an ni a, ropuinate an sawichhiat *pawhin* an khûr *ngai*  
 lo; vântirhkoh chakna leh thiltihtheihna nei zâwkte *mahin*, Lalpa 11  
 hmaah chuan an chung thu rêl sakin an sawichhiat si loh kha.  
 Nimahsela, hêng nungcha ngaihtuahna nei lo, mana tihboral tûra 12  
 sa chauhva piangte ang hian, thil an hriat lohte chu sawichhiain,

anmahni chhiatnain an chhe ngei ang, thil tihsual mana thil sual 13  
 tuarin. Chhûna ruaiṭheh buai nuam ti mi an ni a. In hnêna  
 ruai an ṭhehin, anmahni inbumna ruai ṭheh *an nih avângin*, bawlh-  
 hlawh kaite leh tikhawlohnate *an ni a*; mit uirea khat sual  
 bân thei lote *an nei a*; mi ngeth lote *an thlêm thlu a*; awḥ hmang 14  
 thinlung *an pu a*; ânchedawng fate *an ni a*; Bosara *fapa* Balaama, 15  
 thil tihsual hlawh ngainatu kawng chu *an zawḥ tawḥ avângin* kawng  
 dik chu *an kalsan a*, an vâk bo ta a; nimahsela ani chu a bawhchhiat- 16  
 na avângin zilhhauvin a awm ta a; sabengtung ṭawng thei lo chu  
 mihring ṭawngin a lo ṭawng a, zâwlnei âtna chu a khap a ni.

Chûng chu tuikhur tui awm lo leh, chhûm thlipui chhêm len 17  
 an ni; chûngte tân chuan thim chhah mup chu khêk a ni tawḥ.  
 Thu lawilo pâwr tak taka sawiin, suala awmte zîng ata tlân chhuak 18  
 mête chu tisa châknaah hurnain an thlêm thlu si ṭhîn.

Anmahni chu chhiatna bawi ni chung rengin mite chu bawi 19  
 chhuah thu an tiam ṭhîn a; mi ngamtu apiangin chu mi ngei chuan  
 bawiah a siam ṭhîn a ni. Lalpa leh Chhandamtu Isua Krista *an* 20  
 hriat avângin khawvêl bawhlhlawhnate an tlân chhuahsan hnuin  
 chu mi *vêkah* chuan an tân leh a, ngamin an awm *leh si chuan*, an  
 awmze hnuhnûng chu a tîra ai chuan a lo chhe ta zâwk a ni ang.  
*Kawng fel chu* hriat hnua, thupêk thianghlim an hnêna kawltîr chu 21  
 hawisan ai chuan, kawng fel chu hre lo sela an tân a ṭha zâwk tûr  
 a ni si a. “Ui ama luak lamah a kîr leh a, vawkpui inbualfai tawḥ 22  
 pawḥ chirhdiakah inbual *tûrin a kîr leh a*,” tih, thufing tawî dik tak  
 ang thu chu an chungah a lo awm ta a ni.

**3** Duh takte u, tûna in hnêna ka zîak hi ka lehkha thawn 1  
 pahnihna a ni a, chûng chuan hriatpui tûr che uin, in rilru  
 thianghlim ka chawḥ harḥ ve ve a, zâwlnei thianghlimte thu sawi 2  
 lâwk leh, in tirḥkohte *kaah* Lalpa leh Chhandamtu thupêk chu in  
 hriat rengna tûrin; hei hi hre hmasa ula, ni hnuhnûngahte chuan 3  
 nuihsantute chu anmahni châkna anga awmin, nuihsan chungin  
 an lo kal ang a, “A lo kal *lehna* thutiam chu khawiahnge? Siam 4  
 tirḥ aṭangin engkim a awm pângngai angin chì thlahtute muthilh  
 ni ata tawḥ kha a *la* awm zêl alâwm,” an la ti ang. Hêng hi an 5  
 haider lui si ṭhîn: Pathian thuin hmân laiin vânte a lo awm a, lei  
 pawḥ tui ata leh tui zîngah awm khâwmin a *lo awm a*; chûngah 6  
 chuan chu mi laia khawvêl awm chu tuiin a chîm a, a boral ta, tih 7  
 hi; nimahsela, tûnah vânte leh lei awmte hi chu mi thu avâng vêk  
 chuan Pathian ngaihsak lo mite rorêl leh boral ni atân khêkin,  
 mei atân khâwl khâwm a ni tawḥ.

Nimahsela, duh takte u, he thu kamkhat hi theihngihl suh u, 8  
 Lalpa ngaih chuan ni khat hi kum sângkhat ang a ni a, kum  
 sângkhat pawḥ ni khat ang a ni, tih hi. *Mi ṭhenkhatin* muanga 9

an ruat angin Lalpa chu a thutiam kawngah chuan a muang lo ve;  
tuma boral duh lova, mi zawng zawng lo sim duhin, nangmahni  
lamah a dawhthei a ní zâwk e. Nimahsela Lalpa ni chu rûkru 10  
angin a lo thleng ngei ang; chu mi niah chuan vânte chu nasa taka  
riin a boral ang a, thil bulte chu *meia* emralin a awm tawh ang a,  
lei leh a chhûnga hnathawh awmte hi a kângral ang.

Chûng thilte chu chutianga boral vek tûr a ni tih *in* hriat 11  
avângin Pathian ni lo thlen *hun tûr* chu beisei leh, ðhahnemngai taka  
duhin, awm dân thianghlím leh Pathian ngaihsak kawngah chuan  
mi eng ang nge in nih tûr le? Chu mi *ni a thlen* avângin vânte lo  
kângin a boral ang a, thil bulte pawh chu *meia* em tuiin a awm tawh  
ang. Nimahsela, a thutiam ang chuan vân tharte leh lei thar, a 13  
chhûnga felna awmte chu kan beisei a ni.

Chuvângin, duh takte u, chutiang thilte chu in beisei avângin, 14  
bawlhhlawh kai lo leh sawisêlbovin, thlamuang taka *in* awm a  
hmuh theih nân che u, taihmâk chhuah rawh u. Tin, kan Lalpa 15  
dawhtheihzia chu chhandamnaah ruat rawh u; kan unaupa duh  
tak Paula pawhin, a hnêna finna pêk ang zêla in hnêna a zia ang  
khân; a lehkhâ thawn zawng zawngah chuan, chûng *thu* chu sawiin, 16  
chutiang bawkin a *ziak a ni*; chûngah chuan *thu* hriat har takte a  
awm a, chûng chu mi fîng lo leh mi nghet loten, Pathian Lehkha  
Thu dang *an ngai kawi* angin an ngai kawi a, mahni leh mahni an  
intihboral phah ðhîn.

Chutichuan, duh takte u, nangnin *chûng thu chu* in lo hriat lâwk 17  
avângin fîmkhur rawh u, chutilochuan mi sualte dik lohnaa  
hruai bova awmin, in nghet ðha lai in tlu dah ang e. Amaherawh- 18  
chu. kan Lalpa leh Chhandamtu Isua Krista khawngaihna leh  
hriatnaah chuan lo ðhang lian rawh u. Tûnah leh chatuan thleng-  
in ama hnênah chuan ropuina awm rawh se. Amen.

# Johana Lehkha Thawn Pakhatna.

I Nunna Thu, a tîr ata awm kha, kan bengin kan hriat kha, 1  
kan mitin kan hmuh kha, kan en reng a, kan kuta kan dap kha, 2  
chu mi chanchin chu; (chu mi Nunna chu a lo lang ta a, kan lo 3  
hmu a, kan hriattîr baw k a, chu chatuan Nunna, Pa hnêna awm 4  
kan hnêna lo lang chu kan hrih che u a nih hi;) chu mi kan hmuh 5  
leh kan hriata chu in hnênah kan hrih ve che u a nih hi, 6  
nangni pawhin min pâwl ve theih nân; keini min pâwl na chu Pa 7  
leh a Fapa Isua Krista pâwl na a ni tawh reng si a. Tichuan, kan 8  
lâwm a famkim theih nân hêng thute hi kan zia k a nih hi. 9

Tin, thuchah a hnên ata kan hriata, in hnêna kan hrih chhâwn 10  
tûr che u chu hei hi a ni:—Pathian chu êng a ni a, amahah chuan 1  
thim rêng rêng a awm lo. 2

Thima awm siin, “Amah ka pâwl,” kan tih chuan, dâwt kan 3  
saw i a ni, thutak pawh chu kan zâwm lo; amaherawhchu, amah chu 4  
êngah a awm angin keini *pawh* ênga awm kan nih chuan, kan 5  
inpâwl tlâng a, tin, a Fapa Isua thisenin kan sual zawng zawng 6  
min tlenfai sak thîn a ni. 7

“Sual ka nei lo,” kan tih chuan mahni leh mahni kan inbum a, 8  
thutak chu keimahniah a awm lo a ni. Kan sualte thupha kan 9  
chawi chuan, kan sualte ngaidam tûr leh, kan fel lohna zawng 10  
zawng tlêngfai tûrin amah chu a rinawmin a fel a ni. “Thil ka 1  
tisual lo,” kan tih chuan, amah chu dawtheiah kan siam a, a thu 2  
pawh keimahniah a awm lo a ni. 3

2 Ka naute u, thil in tihsual loh nân hêng thu hi in hnênah 1  
ka zia k a nih hi. Tin, tupawhin thil a tihsual chuan, Pa 2  
hnêna mi sawipuitu, Isua Krista mi fel chu kan nei e; ani chu kan 3  
sualte thupha chawina a ni; keimahni *sual* chauh ni lovin, khawvêl 4  
zawng zawng *sual thupha chawina* pawh a ni. 5

Tin, a thupêkte pawm kan nih chuanin, chu miah chuan 6  
amah kan hria tih kan inhria e. A thupêkte pawm si lovin, 7  
“Amah ka hria,” titu chu mi dawthei a ni, thutak amahah a awm 8  
lo. Tupawh a thu pawm erawh chu amahah chuan Pathian a 9  
hmangaihna a famkim tak zet tawh a ni. Amahah kan awm tih he 10  
miah hian kan inhria a ni, “Amahah ka awm reng thîn,” titu 1  
chu, ama awm ang baw k khân a awm ve tûr a ni. 2

Duh takte u, thupêk thar zawng in hnênah ka han zia k lo va; 3  
thupêk hlui, a tîr ata in neih kha ka *zia k* zâwk a ni. Chu thupêk 4

hlui chu in thu hriat tawh hnu kha a ni. Nimahsela, thupêk 8  
 thar ziaak ka ni bawk ang chu, (chu chu amahah leh nangmahniah  
 a lang a ni,) thim chu a bo mêk avâng leh, êng taktak chu tûnah  
 a lo ên tâk *avâng* hian. Mahni unau haw si a, “Engah ka awm,” 9  
 titu chu, tûn thleng pawhin thimah a la awm reng a ni. Mahni 10  
 unau hmangaihtu chu êngah chuan a awm reng a, amahah chuan  
 tlûkna rêng a awm lo. Mahni unau hawtu erawh chu thimah a 11  
 awm a, thimah a vâk bawk a ni; thimin a mit a tihdel tawh  
 avângin a kalna pawh a hre thîn lo.

Naute u, ama hming avânga in sualte ngaihdam a nih tâk 12  
 avângin in hnênah ka ziaak a nih hi. Pate u, amah, a tîr ata 13  
 awm renga chu in hriat avângin in hnênah ka ziaak a nih hi.  
 Rawltharte u, mi sual chu in ngam tâk avângin in hnênah ka  
 ziaak a nih hi.

Naute u, Pa chu in hriat avângin in hnênah ka ziaak a nih kha.  
 Pate u, amah, a tîr ata awm renga chu in hriat avângin in hnênah 14  
 ka ziaak a nih kha. Rawltharte u, in chak a, Pathian thu  
 nangmahniah a awm reng a, mi sual chu in ngam tâk avângin  
 in hnênah ka ziaak a nih kha.

Khawvêl hi hmangaih suh ula, khawvêla thil awmte pawh 15  
 hi *hmangaih hek suh u*. Mi tupawhin khawvêl hi a hmangaih  
 chuan, Pa a hmangaihna amahah a awm lo. Khawvêla thil 16  
 awm zawng zawng, tisa châkna te, mit châkna te, dam chhûng  
 ropuina lem te hi Paa chhuak a ni lo va, khawvêla chhuak a ni zâwk  
 si a. Khawvêl hi, a châknate chawpin a boral mêk a ni. Pathian 17  
 duhzâwng titu erawh chu kumkhuain a awm reng ang.

Naute u, hun hnuhnûng ber chu a ni ta e, Krista dodâltu 18  
 a lo kal ang tih in hriat ang khân, tûnah pawh Krista dodâltu  
 tam tak an lo chhuak ta; chuvâng chuan hun hnuhnûng ber a  
 ni ta tih kan hria e. Anni chu kan zîng atângin an chhuak a, 19  
 nimahsela keimahni mi *tak* an ni lo ve; keimahni mi *tak* ni sela kan  
 hnênah an awm *ve* zêl tûr a ni si a; nimahsela an zain keimahni  
 mi *tak* an ni lo vek tih a lan fiah theih nân *min chhuahsan ta*  
*a ni*.

Mi Thianghlim hnên ata *hriak* thihna in chang a, engkim 20  
 in hria a ni. Thutak chu in hriat loh avângin ka ziaak a ni lo, 21  
 in hriat avâng leh, thutakah dâwt engmah a chhuah *ngai* loh  
 avângin *ka ziaak* zâwk a ni. Isua chu Krista a ni tih awi lotu 22  
 aliama dawthei tunge awm? Krista dodâltu chu Pa leh Fapa 23  
 awi lotu hi a ni. Tupawh Fapa awi lo chuan Pa pawh a pawm  
 chuang lo; Fapa awitu erawh chuan Pa pawh a pawm a ni.

Nangni zawngin, a tîr ata in hriata kha nangmahniah awmtîr 24  
 reng rawh u. Chu mi a tîr ata in hriata chu nangmahnia a awm  
 reng chuan, nangni pawh Fapaah leh Paah chuan in awm reng

ang. Tin, hei hi a ni, amah ngeiin thil min tiana kha—chatuana nunna hi.

Chung nangmahni hruai bo tumtute thu chu, in hnênah ka 26  
ziak a ni. Nangni zawng, ama hnên ata *hriak* thihna in hmuh 27  
kha nangmahniah a awm reng a, tuma zirtir in ngai lo ve; ama  
*hriak* thihna chuan thil zawng zawng thu a zirtir zâwk che u avâng  
leh, dik tak a ni a, dâwt pawh a nih loh *avângin*, chu mi chuan a  
zirtir che u ang khân amahah awm reng rawh u.

Chutichuan naute u, amahah awm reng rawh u; tichuan, amah 28  
chu lo inlâr *mah* sela, a lo kalin a hmaah zak lovin huai takin  
kan awm thei ang. Amah chu mi fel a ni tih in hriat chuan, 29  
ni tupawh felna ti chu ama hrin a ni tih in hria e.

**3** Ngai teh u, Pain min hmangaihna chu a va nasa êm! 1  
“Pathain faahte,” min vuah tâk hi; *chutiang chu* kan ni reng e.  
He mi avâng hian khawvêlin min hre lo a ni, amah chu *an* hriat  
loh avângin. Duh takte u, tûnah hian Pathian fate kan ni a, 2  
engtinge kan la awm dâwn tih erawh chu a la lang rih lo ve;  
amah a lo inlâr chuan, amah angin kan awm dâwn tih zawng kan  
hria, amah chu a awm pângngai ang takin kan hmu dâwn si a.  
Tupawh ama chungu chu mi beiseina chu nei apiangin amah a 3  
thianghlim angin a intithianghlim tîn.

Tupawh thil tisual apiangin dân pawh a bawhchhe tîn; sual 4  
hi dân bawhchhiatna a ni si a. Amah chu sualte la bo tûrin 5  
a lo lang tawh tih in hria e; amahah chuan sual engmah a awm  
si lo va. Tupawh amaha awm reng chuan thil a tisual lo; tupawh 6  
thil tisual chuan amah chu a hmu lo va, hriat pawh a hre hek lo.  
Naute u, tuma bumin awm suh u; felna titu chu a fel a ni, amah 7  
a fel ang *bawkin*. Thil tisualtu chu diabolaa chhuak a ni; diabolaa 8  
chuan a tîr ata thil a tisual si a. Pathian Fapa lo lan chhan *ber*  
chu, diabolaa hnathawhte a tihboral theih nân a ni. Tupawh 9  
Pathian hrin chuan, *Pathian* chi amahah a awm reng avângin thil  
a tisual tîn lo; Pathian hrin a nih avângin thil a tisual thei hek 10  
lo. He miah hian Pathian fate leh diabolaa fate a hriat a ni;  
tupawh felna ti lo chu Pathiana chhuak a ni lo, a unau hmangaih  
lova pawh chu *Pathiana chhuak a ni* hek lo.

Hei hi a tîr ata thuchah in hriata kha a ni si a, kan inhmangaih 11  
tawn *theuh* tûr a ni, tih hi; Kaina, mi sual laka mi, mahni unau 12  
thattu ang khân awm lovin. Eng vângin nge a thah tâk le?  
Ama thiltihte a sual a, a unau *thiltihte* a fel avângin. Unaute u, 13  
khawvêlin *an* huat che u chuan mak ti suh u. Unaute kan 14  
hmangaih avângin thihna ata kan chhuak a, nunnaah kan lût  
tawh tih kan hria e. Tupawh hmangaihna nei lo apiang thihnaah  
a *la* awm reng a ni. Tupawh a unau hua chu tualthat a ni; 15

tualthattu tumah chatuana nunna pai reng rêng an awm lo tih in hre si a.

He miah hian hmangaihna *engnge a nih* kan hria, amah chuan 16  
kan tân a nunn̄ a pêk tâk avângin ; keini pawhlin unaute tân kan  
nunna kan pêk *ve* tûr a ni. Nimahsela, tupawh khawvêl sum 17  
neiin, a unau tlachhamin hmu sela, ani chu lainat si suh sela, Pathian  
hmangaihna chu amahah engtinnḡe a awm ang? Naute u, thu 18  
*chauhvin* i hmangaih suh ang u khai, lei *chauhvin i hmangaih* hek  
*suh ang u*, thiltih leh tih tak zetin *ni zâwk rawh se*. Chu miah chuan 19  
thutaka mi kan ni tih kan inhria ang a, kan rilruin thiam loh min  
chantirna kawngah chuan ama mithmuh ngeiah kan rilru kan  
thlêm dai baw̄k ang; Pathian chu kan rilru aiin a ropui zâwk a,  
engkim a hre si a. Duh takte u, kan rilruin thiam loh min chantir 21  
loh chuan, Pathian lamah kan huai a ni; tichuan, a thupêkte 22  
kan zawm a, a mithmuha thil lâwmawm kan tih thîn avângin,  
kan dîl apiang a hnên ata kan hmu zêl thîn a ni. Tin, a thupêk 23  
chu hei hi a ni, a Fapa Isua Krista hming ring ila, aman thu min  
pêk angin inhmangaih tawn baw̄k ila. A thupêkte zâwm chu 24  
amahah a awm reng a, amah pawh chu amahah *a awm reng baw̄k*  
*a ni*. Tin, he miah hian amah chu keimahniah a awm reng tih kan  
hria, Thlarau min pêkah hian.

**4** Duh takte u, thlarau nazawng ring suh u, amaherawhchu 1  
thlaraute chu, Pathian laka mi an ni nge ni lo fiah rawh u;  
thu hriltu der tam tak khawvêlah an lo chhuah tâk avângin. He 2  
miah hian Pathian Thlarau chu in hria *ang*: thlarau engpawh  
Isua Krista tisaah a lo chang tih tan chu Pathian laka mi a ni;  
thlarau engpawh Isua tan lo chu, Pathian laka mi a ni lo ve; chu 3  
chu Krista dodâltu *thlarau*, lo kal tûr in hriata kha a ni e; tûnah  
pawh khawvêlah a awm tawh reng a ni.

Naute u, Pathian hnên ata in ni a, chúng chu in ngam tawh 4  
e; nangmahnia awma chu khawvêla awma ai chuan a ropui zâwk  
avângin. Anni chu khawvêla mi an ni a; chuvângin khawvêla 5  
mi *angin* an tawng a, khawvêlin an thu *an* ngaithla thîn a ni.  
Keini Pathian laka mi kan ni a: Pathian hretu chuan kan thu a 6  
ngaithla thîn a; Pathian laka mi lo chuan kan thu a ngaithla thîn  
lo. Chúngah chuan thlarau dik tak leh thlarau dik lo kan hria a ni.

Duh takte u, i inhmangaih tawn theuh ang u; hmangaihna hi 7  
Pathian laka chhuak a ni si a; mi tin hmangaihna nei apiang,  
Pathian hrin *an* ni tawh a, Pathian an hre baw̄k a. Hmangaihna 8  
nei lo chuan Pathian a hre lo; Pathian chu hmangaihna a ni si a.  
He miah hian Pathian hmangaihna kan chungah a lo lang ta, 9  
amah avânga kan nun theihna tûrin Pathianin a Fapa neih chhun  
khawvêla arawn tîrhah hian. He miah hian hmangaihna a awm, 10

keimahnin Pathian kan hmangaih *ka ti a ni lo va*, amahin min hmangaih a, kan sualte thupha chawina ni túrin a Fapa a rawn tîr *ka ti a ni zâwk e*. Duh takte u, Pathianin chuti kauva min hmangaih chuan, keini pawh kan inhmangaih tawn theuh tûr a ni. Tuman eng lai mahin Pathian an hmu ngai lo. Kan inhmangaih tawn chuan Pathian keimahniah a awm reng ang a, a hmangaihna pawh keimahniah a famkim bawk ang. Amaha kan awm reng leh amah chu keimahniah a awm reng tih he miah hian kan hria, a thlarau min pêk tawh avâng hian.

Tin, Pain Fapa chu khawvêl Chhandamtua awm túrin a rawn tîr tih kan hmu tawh a, kan hriattîr a ni. Tupawh, “Isua Pathian Fapa a ni,” tia tan apiang chu, amahah chuan Pathian a awm reng a, ani pawh chu Pathianah a awm reng bawk a ni. Pathianin keimahniah hmangaihna a neih chu kan hria a, kan ring bawk a ni. Pathian chu hmangaihna a ni; hmangaihnaa awm reng chu, Pathianah a awm reng a, Pathian pawh amahah a awm reng a ni. He miah hian kan chungah hmangaihna a famkim tawh, rorêl nia hlau lova kan awm theihah hianin; ama awm anga khawvêlah hian kan awm avângin. Hmangaihnaah chuan hlauhna rêng a awm lo: hmangaihna famkimin hlauhna a hnawt chhuak zâwk thîn a ni, hlauhnaah chuan hremna a awm si a; a hlautu chu hmangaihnaah a la famkim lo a ni. Amahin min hmangaih hmasak avângin kan hmangaih a ni.

Miin, “Pathian ka hmangaih e,” tiin, a unau haw si sela, amah chu dawthei a ni; a unau a hmuh tawh renga mah a hmangaih loh chuan, Pathian a hmuh ngai lohva chu engtinngae a hmangaih theih ang? Ama hnên ata he mi thupêk hi kan nei, “Tupawhin Pathian a hmangaih chuan, a unau pawh a hmangaih bawk tûr a ni,” tih hi.

**5** Tupawh Isua hi Krista a ni tih ring chu Pathian hrin a ni; tupawh a hringtu hmangaih chuan, a hrina pawh a hmangaih thîn. He miah hian Pathian fate kan hmangaih tih kan hria, Pathian kan hmangaih a, a thupêkte kan zawm hian. Pathian kan hmangaihna chu hei hi a ni, a thupêkte kan zawm hi; a thupêkte chu a khîrh si lo va. Pathian hrin tawh phawt chuan khawvêl a ngam zêl si a; hei hi a ni, khawvêl hneha ngamna chu, kan rinna hi. Isua hi Pathian Fapa a ni tih ringtu chauh lo chuan tuinngae khawvêl ngam thîn le?

He mi hi a ni, tui leh thisena lo kala chu, Isua Krista hi; tui chauhvah ni lovin, tuih leh thisenah a ni zâwk e. Hriattîrtu chu Thlarau hi a ni, Thlarau chu thutak a nih avângin. Hriattîrtu chu pathum an awm, Thlarau leh tui leh thisente chu; chûng pathum chu an inthurual a ni. Mihring hriattîrna mah kan pawm chuan, Pathian hriattîrna chu a ropui zâwk si a; Pathian



hriattirna chu hei hi a ni, “*Ka Fapa chanchin ka hriattir tawh,*”  
 tih hi a ni si a. Pathian Fapa ringtu chuan mahniah hriatna a 10  
 nei a ni; Pathian ring lotu chuan amah chu dawtheiah a siam a  
 ni, Pathianin a Fapa chanchin a hriattir chu a rin loh avangin.  
 Hriattirna chu hei hi a ni, Pathianin chatuana nunna min pe a, 11  
 chu mi nunna chu a Fapaah a awm a ni. Fapa chu neitu chuan 12  
 nunna chu a nei; Pathian Fapa nei lotu chuan nunna chu a nei lo.

Chatuana nunna in nei tih in inhriat theih nan, nangni Pathian 13  
 Fapa hming ringtute hnénah héng thu hi ka ziaak a ni. Hei hi 14  
 ama chungá kan huaina chu a ni, engpawh a duhzáwng anga kan  
 díł chuan anin min ngaihthlák sak thin hi; tichuan, engpawh 15  
 kan díł apiang min ngaihthlák sak tih kan hriat chuan, a hnéna  
 kan thil díla chu kan hmu tawh tih kan hria a ni.

Tupawhin a unau thihna khawp ni lo soal tiin hmu sela, a díł 16  
*sak ang a*, tichuan *Pathianin a díltu* hnénah chuan thihna khawp  
 ni lo soal titute tân chuan nunna a pe ang. Thihna khawp soal  
 a awm a; *chutiang* lamah chuan a díł sak túr ka ti a ni lo ve. Fel 17  
 lohna zawng zawng hi soal a ni; thihna khawp ni lo soal pawh  
 a awm bawh a ni.

Tupawh Pathian hrin chuan thil a tisual lo tih kan hria e; 18  
 Pathian Hrina khân amah chu a hum reng a, Mi Soal chuan tawh  
 pawh a tawh *thei* lo reng a ni. Tin, Pathian laka mi kan nih leh, 19  
 khawvél pumhlúm hi Mi Soal *thu thuin* a awm tih kan hria e. Tin, 20  
 Pathian Fapa chu a lo kal a, Mi Diktak chu hre thei túrin hriat  
 theihna min pe tih kan hre bawh a; tin, keini, a Fapa Isua Kristaa  
*kan awm hian*, Mi Diktakah chuan kan awm a ni. Ani chu Pathian  
 dik tak a ni a, chatuana nunna pawh a ni.

Naute.u, milem lakah inthiarfihlím rawh u.

# Johana Lehkha Thawn Pabnihna

Upa chuan:

1  
2

Hmeichhe tha thlan leh a fate hnênah.

Thutak, keimahnia awm reng, kumkhua pawha kan hnêna awm tûr avâng hian, tih tak zetin ka hmangaih che u a ni; kei chang ka ni lo ve, thutak chu hria apiang pawhin a ni.

Pa Pathian leh, Pa Fapa Isua Krista hnên ata, khawngaihna te, zahngaihna te, remna te chu, thutak leh hmangaihna kan hnênah a awm ang. 3

Pa hnên ata thupêk kan hmuh ang khân i fa tuteemaw thutaka awmin ka hmuh avângin ka lâwm hle a ni. 4

Hmeichhe tha, i hnênah thupêk thar zia ang ni lovin, a tîr ata kan neih ang kha *ziak* zâwkin, kan inhmangaih tawna tûrin ka ngên chiam a che. Tin, hei hi hmangaihna a ni, ama thupêk ang zêla kan awm hi. Thupêk, a tîr ata in hriat ang chu hei hi a ni, chu miah chuan in awm tûr chu. Bumtu tam tak—Isua Krista chu tisain a lo kal tih tan lotute kha—khawvêlah hian an lo chhuak ta si a. Chutiang mi chu a ni, bumtu leh Krista dodâltu chu. 5  
6  
7

Kan thawh chhuah sate kha in hloh loh va, a man chu a kima in hmuh *theih* zâwk nân, invêng tha rawh u. Tupawh Krista zirtîrna thua awm reng lova, khûm chuan, Pathian a nei lo ve. Chu mi zirtîrna thua awm reng *erawh* chuan, chu mi ngei chuan Pa leh Fapa a nei khawp a ni. Tupawh chu mi zirtîrna thu chû rawn keng lovin, in hnênah lo kal sela, in inah thlentîr suh ula, ãawng kam tha pawhin thlah suh u; ãawng kam ãhaa thlahtu chu a thil tihsualah chuan a tel ve si a. 8  
9  
10  
11

In hnênah thu tam tak sawi tûr ka neih avângin lehkhah leh lehkhatusiin *ziak* ka duh lo ve; in lâwm a kim theih nân in hnêna lo kala, inhmatawna inbiak ka beisei zâwk a ni. 12

I laizâwnnu thlana faten chibai an bûk a che. 13

# Johana Lebkha Thawn Pathumna

Upa chuan:

Duh tak Gaia, tih tak zeta ka hmangaiha hnénah chuan.

Duh tak, i thlarau chuan malsáwmna a hmuh angin, engkimah malsáwmna i hmuh leh i dam theih nân ka ƣawngƣai ƣhîn a ni. Unaute lo kalin, i takzia (thutaka i awm ƣhinzia chu) *min* rawn hriattîr lai khân, ka lâwm êm êm si a. Ka fate thutakah an awm tih ka hriat aliama lâwmna nasa zâwk rêng ka nei lo ve.

Duh tak, unaute mikhual ni mah sela, an chung a i tih apiangah rinawm takin i ti ƣhîn a; chúng chuan kohhranho hmaah i hmangaihna an hriattîr tawh; anni chu an zinnaah chuan Pathian *mi ni* âwm rênga i puihbawm chuan a ƣha ang; Hming avâng hian Jentailte hnên ata engmah la lovin an chhuak si a. Chutichuan, thutak thawhpuitute kan nih theih nân chutiang *mi* chu keinin kan lâwm tûr a ni.

Kohhranho hnénah khân *thu* tlêm chu ka ziaƣ tawh; nimahsela, Diotrepha, an zînga chungnun duh ƣhîn khân min lâwm si lo. Chuvângin, ka lo kal chuanin, a thiltihte ka hriat chhuahtîr leh ang, kan chungah *thu* sual sawiin a kamtamzia hi; chu pawh chu tâwk a ti lo va, amah ngeiin unaute a lâwm lo va, a lâwm duhte pawh a khap a, kohhranho zîng ata a hnawt chhuak ƣhîn.

Duh tak, sual chu zir suh la, ƣha chu zir zâwk *ang che*. Thil ƣha titu chu Pathian laka mi a ni; thil sual titu chuan Pathian a hmu *ngai* lo.

Demetria chuan mi zawng zawng fak a hlawh a, thutaka *fak* ngei a *hlawh* bawƣ a; a ni, keini pawhin kan fak a ni; kan fakna hi a dik a ni tih i hria e.

I hnénah *thu* tam tak ziaƣ tûr ka nei a, nimahsela, lehkhatur leh lehkhaziaknain i hnêna ziaƣ ka duh lo va; rei lo tê chinah hmuh che ka beisei zâwk a, tichuan inhmataawmnin kaninbia ang. Thlamuanna i chungah awm rawh se. *Kan* ƣhianten chibai an bûk a che. *An* hming lam ƣheuhvin ƣhianta chu chibai *mi* bûk *sak* ang che.

# Juda Lehkha Thawn.

---

Juda, Isua Krista bawi leh Jakoba unau chuan: Pa Pathiana 1  
hmangaih, Isua Krista tâna khêk, kohvate hnênah chuan.

Khawngaihna te, remna te, hmangaihna te in chungah tihpunin 2  
awm rawh se.

Duh takte u, kan vântlâng chhandamna thu in hnêna ziaik 3  
ka tum hrâm hrâm laiin, mi thianghlimte hnêna rinna vawi khat  
kawltîr lamah chuan thahnemngai taka beia fuih tûr che uin in  
hnênah *lehkha* ziaik a tûl *tih ka lo hria*. Mi tuteemaw arûka lût 4  
an awm si a, hmân laia he thiam lohna chang tûra ruatate chu;  
*chûng chu* Pathian ngaihsak lo mite *an ni* a, kan Pathian khawngaihna  
chu hurnaah *an* chantîr a, kan Hotu leh *kan Lalpa nêih* chhun,  
Isua Krista chu an awi lo bawk a.

Tin, engkim vawi khat hre vek mah ula, Lalpa chuan Aigupta 5  
ram aţangin mite a chhan chhuah a, chu mi hnuin a ring lote  
chu a tihboralzia kha hriatpui che u ka duh a ni. Tin, 6  
vântirhkohte anmahni tirkoh nihna pawm lova, an awmna  
pângngai kalsan zâwkte chu, ni ropui rorêlna atân thim hnuaiah  
chatuan phuarnaa *phuar* chungin a khêk a ni. Sodom leh Gomorra, 7  
an kiang vêla khuate nêen, chutiang bawkin inngaihnaa  
inpumpêkin, tisa hrang an ûm ve tâk avângin, chatuana meia  
hremna tuarin, hriattîr nâna târ chhuahin an awm ang khân.

Nimahsela, chûngte pawh chuan chutiang bawkin an 8  
*mumangah* tisa *an* tibawlhhlawh a, rorêl sakna *an* hmusit a,  
*ropuinate* an *sawichhe* tîin. Nimahsela, Mikaila vântirhkoh 9  
chungnung ber *mah* khân, diabola nêen *an* inbei a, Mosia ruang  
thua *an* inhniai laiin, *diabola* chung thu rêl sakin a sawichhe ngam  
lo va, “*Lalpan* hau zâwk che rawh se,” a ti ta zâwk a. Chûng 10  
mite *erawh* chuan thil *an* hriat loh apiang an sawichhe tîin a;  
*tin*, *ngaihtuahna* nei lo sate anga hriatna pianpui an neihte chu,  
*chu mi kawng ngeiah* chuan an intichhe tîin. An chung a pik e! 11  
*Kaina kawng* chu an zawh a, hlawh hmu tûrin Balaama sual  
*kawngah* chuan an tlân vak vak a, Kora hnialnaah chuan an boral  
tâk kha. Chûngte chuan in hnênah ruai an thehin inhmangaihna 12  
ruaithehnaah chuan lungpui tui chîm vekte chu an ni a, hlahu  
nachâng hre lo berâm vêngtu mahni inchâwmte *an ni*; chhûm  
tui pai lo, thli chhêm lente *an ni*; favânga thing, rah lo, vawi hnih  
thi tawh, zung chawpa pawhchhuahte *an ni*; tuifinriat fâwn 13

invawrh, mahni mualphona phuan chhuakte *an ni*; arsi vâk vâk, chatuana thim chhah mup khêk sakate chu *an ni a*.

Tin, chu *mite* hnênah pawh chuan Enoka, Adama ațanga 14  
pasarihna chuan a hril lâwk a, “Ngai teh u, mi zawng zawng 15  
chungah rorêl tûr leh, Pathian ngaihsak lote zawng zawng Pathian  
ngaihsak lohna hna Pathian ngaihsak lo chungah an thawh zawng  
zawng kawngah leh, Pathian ngaihsak lo mi sualten a chungah  
thu khauh tak an sawi zawng zawng kawnga, thiam loh chantîr  
tûrin Lalpa chu, a mi thianghlim sîngkhatte nêl a lo kal a ni,”  
tiin.

Chûngte chu phunnawitu leh sawisêltute an ni a, anmahni 16  
châkna ang zêlin *an awm*, a, an kâte pawhin *uan* thu pâwr tak a  
sawi a, hlâwkna duh vângin mi an ngaina thîn a ni.

Nimahsela, duh takte u, nangni zawngin kan Lalpa Isua Krista 17  
tirhkohten thu an hrilh lâwkte kha hre reng rawh u, “Hun 18  
nhuhnûngah chuan Pathian ngaihsak lo lam anmahni châkna  
ang zêla awmin, nuihsantute an lo la awm ang,” tih, in hnêna  
an sawiziate kha. Chûng *mite* chu tisa mi, Thlarau nei lo, pâwl 19  
hrangte siamtu chu an ni.

Nimahsela, duh takte u, nangni zawngin in rin chhan 20  
thianghlim ber chungah chuan nangmahni leh nangmahni inrem  
chhovin, Thlarau Thianghlimah țawngțaiin, chatuan nunna 21  
*neihtîrna* khawp kan Lalpa Isua Krista khawngaihna chu nghâk  
chungin, Pathian hmangaihnaah chuan invawng țha rawh u.  
Thenkhat, ringhlela awmte chu khawngaih rawh u; thenkhat, 22  
mei ata la chhuak thuai ula, chhandam rawh u; thenkhat, *an* 23  
tisa bawlhhlawh kaina silhfên lam pawh chu tenin, hlau chungin  
khawngaih rawh u.

Tichuan, in tlûk loh nâna vêng thei che u leh, a ropuina hma 24  
taka nasa zeta hlimin bawlhhlawh kai lova dah theitu che u, kan  
Chhandamtu Pathian taka chauh hnênah chuan, kan Lalpa Isua 25  
Krista avângin, hun rêng awm hmaah leh tûnah leh chatuan  
thlengin, chawimawina te, ropuina te, rorêlna te, thuneiha te  
*awm rawh se*. Amen.

# Johana Hnêna Isua Krista Thu Puan Chhuah

---

I Isua Krista thu puan chhuah, Pathianin a bawite hriattîr 1  
atân a hnêna a pêk, thil lo awm lawk tûr *thu chu*; tin, *chu* 2  
*chu* a vântirhkoh hmangin a bawi Johana a rawn hriattîr a; chu 2  
*Johana* chuan Pathian thu leh Isua Krista hriattîrna thu, a thil 3  
hmuh zawng zawngte thu chu a hriattîr a. He hrih lăwkna *bu* 3  
thu chhiartu leh ngaithlaa a chhûnga thu ziak pawmtute chu an  
eng a thăwl e; a hun chu a hnai tawh si a.

Johana chuan: 4

Asia rama kohhranho păwl sarihte hnênah chuan.

Awm mēka leh awm tawha leh lo awm tûra hnên ațang te, a 4  
lalțhutpah hmaa Thlarau pasarih awmho hnên ațang te, Isua 5  
Krista, thu hretu rinawm tak, mitthi zîng ata piang hmasa bera  
leh leia lalte rorêltu hnên ațangte chuan, khawngaihna leh remna  
in hnênah awm rawh se. Mîn hmangaiha, a thisenin kan sualte  
lak ata min tlan chhuaka, khua leh tuih leh a Pathian leh a Pa 6  
lama puithiama min siamtu hnênah, a *ni*, ama hnên ngeiah, ropuina  
leh rorêlna chu chătuânin awm rawh se. Amen.

Ngai teh u, ani chu chhûmte nên chuan a lo kal dăwn e; 7  
mit tinrêngin a hmu ang a, a chhuntute ngei pawh khân; khawvêla  
hnam zawng zawngin amah an țah bawk ang. A *ni*, Amen.

“Kei Alpha leh Omega ka *ni*,” Lalpa Pathian, awm mēka 8  
leh awm tawha leh lo awm tûra, Engkimtithēia chuan a ti a *ni*.

Kei Johana, in unaupa leh, Isuaa hrechawmna te, khua leh 9  
tui te, chhelna te țăwmpuitu che u hi, Pathian thu avâng leh Isua  
hriattîrna thu avângin Patmos thliarkâr an tihah chuan ka awm  
a. Lalpa niah chuan Thlarauvin ka lo awm a, tin, ka hnung 10  
lamah, tawtawrăwt *ri* ang, aw ring takin, “I *thil* hmuh tûr chu 11  
lehkhabuah ziak la, kohhranho păwl sarihte hnênah, Ephesi  
khuah te, Smurna khuah te, Pergamos khuah te, Thuatira  
khuah te, Sardis khuah te, Philadelphia khuah te, Laodikei  
khuah te chuan thawn rawh,” a tih ka hria a.

Tin, mi biakna aw chu hmuh *tumin* ka han lehhawî ta a. Tin, 12  
ka han lehhawî chuan, rangkachak khăwnvăr dahna pasarih  
ka hmu a; khăwnvăr dahna zîngah chuan mi tuemaw mihring 13  
fa ang, ke lēr thlenga puan sin, a âwma rangkachak kăwnghrêna

inhreng ka *hmu* baw*k* a. Tin, a lu leh a sam chu berâm hmul vâ*r* 14  
 angin a vâ*r* a, vû*r* ang maiin; a mitte chu meialh ang a ni a; a 15  
 kephahte chu dâr tle mi ang a ni a, rawh tuina meia rawh.  
 thianghlim tawh ang maiin; a aw chu tui tam tak ri ang mai a ni.  
 Tin, a kut ding lam chuan arsi pasarih a keng a; a kâ a tang chuan 16  
 khandaih hriam tawn hriam tak a chhuak a; a hmêl chu ni sat  
 vâng lai tak ang a ni. Tin, amah chu ka hmuh vele*h*, thi ang 17  
 dêrin a ke bulah ka tlu ta a. Tin, ani chuan a kut ding lam chu  
 ka chungah ngatin ka hnênah, “ Hlau suh ang che; kei Hmasabera 18  
 leh, Hnuhnûngbera leh, Mi Nunga chu ka ni, ka lo thi a, *nimahsela*,  
 ngai teh, kumkhua atân ka nung leh ta a ni. Thihna leh Mitthi  
 Khaw chabite chu ka nei baw*k* a.

“ Chutichuan, i thil hmuh tawhte leh, thil awm mête leh, 19  
 tûn hnua thil lo awm tûrte *thu* chu zia*k* rawh; ka kut ding lama 20  
 arsi pasarih awm i hmuhte leh, rangkachak khâwnvâr dahna  
 pasarihte thurûk chu. Arsi pasarih chu kohhran*ho* pâwl sarihte  
 tirhkoh an ni a; khâwnvâr pasarih chu kohhran*ho* pâwl sarihte  
 chu an ni a.

**2** “ Ephesi khu*aa* kohhran*ho* pâwl tirhkoh hnênah chuan 1  
*heti hian* zia*k* rawh:—

‘ A kut ding lama arsi pasarih keng*a*, rangkachak khâwnvâr  
 dahna pasarih zînga vei veia khân, hêng thu hi a sawi a ni; I 2  
 thiltihzia te, i thawh rimzia leh i chhelzia te, mi sualte i ngaihtheih  
 lohzia te ka hria. *Tirhkoh* ni si lo*va* tirhkoh intite chu i fiah baw*k* a,  
 dawthei an ni tih i lo hre tawh a; chhelna i nei baw*k* a, ka hming 3  
 avângin i tuar tawh a, i chau si lo va. *Nimahsela*, demna che ka 4  
 nei a ni, i hmangaihna hmasa ber kha i bân tâk avângin.  
 Chutichuan i tlûksan tâk chu hre reng la, simin, thiltih hmasa 5  
 berte kha ti leh rawh, chutilochuan i hnênah ka lo kal ang a, i sim  
 loh zawngin i khâwnvâr dahna kha a hmun ata ka sawn ang.  
*Nimahsela*, hei hi i thatna chu a ni, Nikola ho thiltihte i huat hi; 6  
 chu chu kei pawhin ka haw ve a ni. Thlarauvin kohhran*ho* 7  
 pâwlte hnêna thu a sawi hi beng nei chuan hre rawh se. A hnehtu  
 apiang Pathian Paradis-a Nunna Thing*a* mi ka eitir ang, a ti e,  
 tiin.

“ Tin, Smurna khu*aa* kohhran*ho* pâwl tirhkoh hnênah chuan 8  
*heti hian* zia*k* rawh:—

‘ Hmasabera leh Hnuhnûngbera, thia lo nung leh taa khân,  
 hêng thu hi a sawi a ni: I hrehawmzia te, i pachhiatzia te, 9  
 (*nimahsela* i hausa si a), *Juda* tak ni lo*va*, Setana inkhâwmna in ho  
 ni zâwk si a, *Juda* intiho sawichhiatzia te ka hria. I tuar tûrte 10  
 hi hlau suh: ngai teh, fiah*a* in sawm theih nân, diabol*a* chuan in  
 zînga mi thenkhat tân inah a khung dâwn che u a ni; tin, ni  
 sâwm hrehawm in tuar ang. Thih thlengin rinawmin lo awm

rawh, tichuan nunna lallukhum ka pe ang che. Thlaraubin koh- 11  
hranho pàwlte hnêna thu a sawi hi beng nei chuan hre rawh se. A  
hnehtu apiang thih hnihna chuan engmah a tih lo vang, a ti e, 'tîin.

"Tin, Pergamos khuua kohhranho pàwl tirkoh hnênah 12  
chuan *heti hian* ziak rawh:—

'Khandaih hriam tawn hriam tak neia khân hêng thu hi a  
sawi a ni: I awmna, Setana thutphah awmna kha ka hria: tin, 13  
ka hming i vawng tlat a, ka thu hretu Antipa, Setana awmnaa  
in zînga an thah, ka mi rinawm tak awm lai meuh pawh khân  
mi rinna hi i phatsan lo baw k a. Nimahsela, tlêmim demna che 14  
ka nei, khata Balaama zirtirna thu pawm tuteemaw in awmpui  
avâng khân; ani chuan milem biakna sa an eina tûr leh, an  
inngaihna tûrin Balaka chu Israela thlahte hmaah tlûkna dah  
a zirtîr kha. Nang pawhin Nikola ho zirtirna thu chutiang 15  
bawka pawm tuteemaw i awmpui baw k a ni. Chutichuan, sim  
rawh; chutilochuan i hnênah ka lo kal thuai ang a, ka ka khandaih  
chuanin anmahni ka rawn do vang. Thlaraubin kohhranho 17  
pàwlte hnêna thu a sawi hi beng nei chuan hre rawh se. A hnehtu  
apiang hnên ngeiah chuan manna thuhrûk zînga mi ka pe ang a,  
lung vâw pawh ka pe ang, chu mi lunga hming thar ziak nê; chu  
hming chu a changtu chauh lo chuan tuman an hre lo, a ti e, 'tîin.

"Tin, Thuatira khuua kohhranho pàwl tirkoh hnênah chuan 18  
*heti hian* ziak rawh:—

'Pathian Fapa, mit meialh ang neia, a kephahte dâr tle mi  
anga khân, hêng thu hi a sawi a ni: I thiltihzia te, i hmangaihzia 19  
te, i rinzia te, i rawngbâwlzia te, i chhelzia te ka hria, i thiltih  
hnuhnûng berte chu a tira mi ai khân a nasa zâwk tih ka hre baw k.  
Nimahsela demna che ka nei, hmeichhia Jezebeli, Zâwlneinu 20  
intii kha i ngaihtheih avângin; ani chuan ka bawite chu inngaih  
leh milem biakna thil ei zirtîrin, a hruai bo baw k thîn a ni. Tin, 21  
simna tûrin a hnênah hun bi ka tuk a, nimahsela, mi ngaih a *chîn*  
chu a sim duh lo. Ngai teh, amah chu khumah ka paih dâwn 22  
a ni; a uirêtute pawh chu, a thiltih chînte chu an simsan loh  
zawngin, hrehawm nasa takah ka paih baw k dâwn. A fate chu hriin 23  
ka tihlum baw k ang a; tichuan, kei rilru leh thinlung entu ka ni  
tih kohhranho pàwl zawng zawng chuan an hria ang; tin, in  
thiltih ang zêlin ka pe theuh ang che u. Nimahsela, nangni, 24  
Thuatira khuua mi dang awm, chu zirtirna thu pawm lova, Setana  
thil thûk an tihte hre lo apiang hnênah chuan, Phur rit dang rêng  
ka bel lo vang che u, ka ti a ni. In neih sa crawh kha chu ka lo 25  
kal hma loh chuan vawng tlat rawh u. Tichuan, a hnehtu apiang 26  
leh a tâwp thlenga ka thiltihte pawmtu apiang, keiin ka Pa laka  
ka hmuh ang baw k hian, chu mite chu hnam tin chungah thu ka  
neihtîr ang; tin, ammi chuan, bêlvawtu bêlte keh sawm depa a 27



awm angin, thîr tiangin an ro an rêl sak ang. Tin, vârpah arsi chu 28  
anmahni ka pe ang. Thlarauvin kohhranho pâwlte hnêna thu a 29  
sawi hi beng nei chuan hre rawh se, a ti e,' *tiin*.

**3** “Tin, Sardis khuua kohhranho pâwl tirkkoh hnênah 1  
chuan *heti hian* ziaak rawh:—

‘Pathian Thlarau pasarih leh arsi pasarih neia khân hêng 2  
thu hi a sawi a ni: I thiltihziat ka hria, thi reng si a, nung hming  
i put hi. Invêng la, thil la awm, thi lek lekte kha, tinghet rawh ; 2  
i thiltihte rêng ka Pathian mit tlung zovin ka hmu si lo.  
Chutichuan, i chanzia leh i hriatzia kha hre reng rawh; tin, *chu* 3  
*chu* pawm la, sim rawh. I invên loh zawngin rûkru angin ka lo  
kal ang a, eng hunah nge ka rawn phâwk dâwn che i hre dâwn  
si lo. Nimahsela, Sardis khuua khân an puante tibawlhhlawh 4  
lo hming tlêm tê i nei a ni; anni chu *puan* vâp *sinin* ka hnênah  
an lêng ve thîn ang; *chutiang ti* tlâk an ni si a. A hnehtu apiang 5  
chutiangin puan vâp te sintir an ni ang; tin, Nunna Bu ata an  
hming chu ka thai bo tawp lo vang a, ka Pa hmaah leh a vâp-  
tirkkohte hmaah chuan an hming ka tãz zâwk ang. Thlarauvin 6  
kohhranho pâwlte hnêna thu a sawi hi beng nei chuan hre rawh  
se, a ti e,' *tiin*.

“Tin, Philadelphia khuua kohhranho pâwl tirkkoh hnênah 7  
chuan *heti hian* ziaak rawh:—

‘Mi thianghlima, mi dîk taka, Davida chabi neia, tuma khâr 8  
loh tûra hawnga, tuma hawn loh tûra khâra khân, hêng thu hi  
a sawi a ni: I thiltihziat ka hria. Ngai teh, tuma khâr theih loh 8  
kawngka hawn sa i hmaah ka awmtîr e, thiltihtheihna tlêm tê i  
neih avângin; *chuti chung pawhin* ka thu i pawm a, ka hming pawh  
i phat loh kha. Ngai teh, Setana inkhâwmna in ho zînga mi, 9  
*Juda tak* ni lova, dâwt sawia Juda intite zînga mi chu, ka tîr dâwn  
a ni; ngai teh, i ke bulah chibai ka rawn bûktîr ang a, ka hmangaih  
che tih ka hriattîr bawng ang. Ka chhelna thu i pawm avâng khân, 10  
leia awmte fiah tûra khawvêl zawng zawng chung fiahna hun lo  
thleng tûr lakah chuan, kei pawhin ka humhim ang che. Ka lo 11  
kal thuai dâwn e; tuman ilallukhum chu an lâk sak loh nân che  
i thil neih sa kha vawng tlat rawh. A hnehtu apiang chu ka 12  
Pathian biak inah chuan banah ka siam ang a, chuta tãng chuan  
an chhuak tawh lo vang; tin, anmahniah chuan ka Pathian hming  
nên, ka Pathian khua, Jerusalem Thar, ka Pathian hnêna mi vâp  
a tãnga lo chhuk tûr hming nên, ka hming thar nên ka ziaak ang.  
Thlarauvin kohhranho pâwlte hnêna thu a sawi hi beng nei chuan 13  
hre rawh se, a ti e,' *tiin*.

“Tin, Laodikei khuua kohhranho pâwl tirkkoh hnênah chuan 14  
*heti hian* ziaak rawh:—

‘Amena, thu hretu rinawm leh dik taka, Pathian thil siam

bula khân, hêng thu hi a sawi a ni; I thiltihziate ka hria, i vawh 15  
 hek loh va, i lum hek loh hi; I vawh emaw, i lum emaw ka duh a ni.  
 Chutichuan lum si lova, vawt si lova, i lum chang chang avângin ka 16  
 kê ata ka chhâk chhuak dâwn a che. Ka hausa a, sum ka ngah a, 17  
 engmah ka t'achham lo ve, i tih avâng leh, nang mi rethei,  
 khawngaihthlâk, pachhia, mitdel, saruak chu i ni tih i inhriat 18  
 loh avângin; i lo hausak theih nân rangkachak meia tihthianghlim  
 te, puan i sin theih nân leh i saruak zahmawh chu a lan loh nân  
 puan vâv te, i hmuh theih nân i mita hnawihah mitna hlo te ka  
 hnêna mi lei tûrin ka râwn a che. Ka hmangaih apiangte chu 19  
 ka zilhhauvin ka thunun thîn; chutichuan thahnem ngai la, sim  
 rawh. Ngai teh, kawngkhâr bula dîngin ka kik hi; tupawhin ka 20  
 aw hriaa, kawng a hawn chuan, a hnênah ka lût ang a, a hnênah  
 zanriah ka ei ang a, ani pawhin ka hnênah a ei bawh ang. A 21  
 hnehtu apiang ka lalthutphahah ka hnênah ka thuttir ang, kei  
 pawhin ka hneh a, ka Pa hnênah a lalthutphaha ka thu ang khân.  
 Thlarauvin kohhranho pâwlte hnêna thu a sawi hi beng nei 22  
 chuan hre rawh se, a ti e, 'tîn,' a ti a.

**4** Chûng thil hnua chuan ka han en a, tin, ngai teh, vânah 1  
 kawngkhâr inhawng ka hmu a; tin, aw ka hriat hmasak,  
 tawtawrâwt ri anga mi bia khân, "Hetah lo chho rawh, tichuan  
 tûn hnua thil lo awm tûrte chu ka entir ang che," a ti a.

Tin, chawplehchilhin Thlarauvin ka lo awm ta nghâl a; tin, 2  
 ngai teh, vânah lalthutphah a lo inhûng a, chu mi thutphahah  
 chuan mi pakhat a lo thu bawh a. Tin, a thua chu jaspi leh 3  
 sardion lung ang maiin a lang a; tin, lalthutphah vêlah chuan  
 chhimbâl, ena smaragdin lung ang, a zâm a. Tin, lalthutphah 4  
 vêlah chuan lalthutphah sawmnhieh leh pali a awm a; tin, lal-  
 thutphahahte chuan upa sawmnhieh leh pali puan vâv sina thu ka  
 hmu a; rangkachak lallukhumte an khum a. Tin, lalthutphah 5  
 a tang chuan kâwlphe te, aw te, khawpui ri te a lo chhuak dur  
 dur a. Tin, meichher pasarih lalthutphah hmaah chuan a alh a,  
 chûng chu Pathian Thlarau pasarih kha an ni a; tin, lalthutphah 6  
 hmaah chuan dârthlang tuifinriat ang, krustal lung ang mai  
 a awm a; tin, lalthutphah laiah leh lalthutphah vêlah chuan  
 Thilnung pali, hma lam leh hnung lam mita khat, an awm a. Tin, 7  
 Thilnung pakhatna chu sakeibaknei ang a ni a. Thilnung  
 pahnihna chu sebâwng no ang a ni a, Thilnung pathumna chuan  
 mihring hmêl ang a pu a, Thilnung palina chu mupui thlâwk lai  
 ang a ni a. Tin, Thilnung pali chu, thla paruk theuh nei, an vêl 8  
 leh an chhûnga mita khat an ni. Tin,

"Lalpa Pathian, Engkimtitheia,

Awm tawha leh, awm mêka leh, lo awm tûra chu,

*A thianghlim e, a thianghlim e, a thianghlim e,"*  
tiin chhûn leh zân an châwl *ngai* lo.

Tin, Thilnungte chuan lalthutphaha ðua chatuana nung 9  
renga chu an tihropuia, an chawimawia, lâwm thu an hrih  
apiangin, upa sawmhni<sup>10</sup> leh palite chu lalthutphaha ðua hmaah 11  
chuan an bawkkhup ang a, chatuana nung renga chu chibai an  
bûk ang a,

"Nang, kan Lalpa leh kan Pathian,  
Ropuina te, chawimawina te, thiltihtheihna te chu  
Hmu tlâk i ni e;  
Nangin engkim i siam a,  
I duh avânga awm leh siam  
An ni baw<sup>10</sup> si a,"

tiin, an lallukhumte chu lalthutphah hmaah chuan an dah ang.

**5** Tin, lalthutphaha ðua kut ding lamah chuan lehkhabu 1  
chhûng lam leh pâwn lama zia<sup>2</sup>k, chhinchhiahna pasariha  
chhinchhiah tlat ka hmu a. Tin, vântir<sup>3</sup>koh chak tak, aw ring  
taka, "Tunge lehkhabu hi hawnga a chhinchhiahnate hi phelh  
tlâk awm?" tia, tlângauvin ka hmu baw<sup>4</sup> a. Chutichuan, vânah 3  
te, leiah te, lei hnuaiah te pawh lehkhabu chu hawng thei tumah  
an awm lo va, a chung lam en thei pawh an awm hek lo. Tin, 4  
lehkhabu hawng leh a chung lam pawh en tlâk tumah an awm  
loh avângin ka ðap ta zawih zawih a. Tin, upa zînga pakhat 5  
chuan ka hnênah, "Ðap suh; ngai teh, Sakeibaknei Juda hnama  
mi, Davida Bulpui khân, lehkhabu chu hawng tûr leh, a  
chhinchhiahna pasarih phelh tûrin a hneh ta," a ti a.

Tin, lalthutphah leh Thilnung palite laiah, upate lai bawkah 6  
chuan, Berâm No talh tawh hnu ang, ki pasarih leh mit pasarih  
nei ding ka hmu a, chûng mit pasarih<sup>7</sup>te chu Pathian Thlarau pasarih,  
lei chung zawng zawng tîr<sup>8</sup> chhuahte chu an ni. Tin, ani chu 7  
a lo kal a, lehkhabu lalthutphaha ðua kut ding lam ata chu a la ta a.

Tin, lehkhabu chu a lâk vele<sup>9</sup>h Thilnung pali leh upa sawmhni<sup>10</sup>  
leh palite chu, ðingtang leh rangkachak berhbu rimtua khat keng  
theuhvin, Berâm No hmaah chuan an bawkkhup ta hlawm a;  
chûng rimtuite chu mi thianghlimte ðawngtâina a ni. Tin, 10

"Nang, lehkhabu chu laa,  
A chhinchhiahnate phelh tlâk i ni e;  
Talhin i awm tawh a,  
Chi tina mi te, ðawng tina mi te,  
Mi tina mi te, hnam tina mi te,  
Pathian tân i thisenin i lei a,  
Kan Pathian tân khua leh tuiah leh,

Puithiamahte i siam ta si a;  
Tin, leiah chuan ro an rêl a,"

tiin, hla thar an sa a.

Tin, ka han en a; tin, lal̄thutphah leh Thilnungte leh upate 11  
vêlah chuan vântirhkoh tam tak aw ka hria a; an tam lam chu  
a sînga sîng hmun sîng tam tak leh, a sânga sâng hmun sâng tam  
tak an ni; *chûngte chuan*, aw ring takin, 12

"Berâm No talh tawha hi  
Thiltihtheihna te, hausakna te, finna te,  
Chakna te, chawimawina te, ropuina te,  
Malsâwmna te hmu tlâk a ni e,"

an ti a.

Tin, vân leh, lei chung leh, lei hnuaî leh, tuifinriat chung 13  
thil siam tinrêng awmte leh, chûngho chhûnga awm zawng  
zawngten,

"Lal̄thutphaha thua leh,  
Berâm No hnênah chuan,  
Malsâwmna te, chawimawina te,  
Ropuina te, rorêlna te  
Chatuanin *awm rawh se*,"

an tih, ka hre *bawk* a. Tin, Thilnung palite chuan, "Amen," 14  
an ti a. Upate pawh chuan bawkkhupin chibai an bûk ta a.

**6** Tin, Berâm No chuan chhinchhiahna pasarih zînga pakhat 1  
chu a han phelh lai ka hmu a, tin, Thilnung palite zînga pakhat  
chuan, khawpui ri ang maiin, "Lo kal rawh," a tih, ka hria a.  
Tichuan, ka han en a, tin, ngai teh, sakawr vâr *ka hmu a*; a chung 2  
chuang chuanin thalngul a keng a; tin, a hnênah chuan lallukhum  
an pe a; tin, hneh chung leh hneh zêl tûrin a chhuak ta a.

Tin, chhinchhiahna pahnihna chu a han phelh veleh, Thilnung 3  
pahnihna chuan, "Lo kal rawh," a tih ka hria a. Tichuan, 4  
sakawr dang, *a sen mi*, a lo chhuak leh a; tin, a chung chuang hnên-  
ah chuan lei ata inremna lâk sak *theihna* leh, mi inthahtîr *theihna*  
an pe a; tin, a hnênah khandaih lianpui an pe *bawk* a.

Tin, chhinchhiahna pathumna chu a han phelh veleh, Thilnung 5  
pathumna chuan, "Lo kal rawh," a tih ka hria a. Tichuan, ka 6  
han en a, tin, ngai teh, sakawr dum *ka hmu a*; a chung chuang  
chuanin bûkna a keng a. Tin, Thilnung palite lai aţang chuan  
aw ang reng hian, "Duliin buhpui tehkhâwng khat, duliin  
buhsanghar tehkhâwng thum; hriak leh uain *erawh* chu tichhe suh,"  
a tih ka hria.

Tin, chhinchhiahna palina chu a han phelh veleh, Thilnung 7  
palina aw chuan, "Lo kal rawh," a tih ka hria. Tichuan, ka 8  
han en a, tin, ngai teh, sakawr dang *ka hmu a*; a chung chuang

hming chu Thihnaa a ni; tin, Mitthi Khuaan a rawn zui a. Tin, khandaih te, tām te, hri te, leia sakawhltea tihlum tûrin chu mite hnênah chuan lei hmun lia t̃hena hmun khat chungah thuneihna an pe a ni.

Tin, chhinchhiahna pangana chu a han phelh veleh, maichâm 9  
hnuaiiah chuan Pathian thu avâng leh an pawm hriattîrna thu  
avânga thahte thlarau chu ka hmu a; tin, anni chuan, aw ring 10  
takin, “Aw Lalpa, mi thianghlim leh dik tak, eng chen nge ro rêl  
lovin leia awmte chungah kan thisen *chhuahna* phuba chu la lova i  
awm dawn le?” tiin, an au va. Tin, an hnênah chuan puan vâ 11  
an pe t̃heuh va; tin, an bawipuite leh an unaute anmahni ang  
bawka thah tûrte pawh chu, an kim hma loh chuan an la châwl  
rih tûr a ni tih an hrih a.

Tin, chhinchhiahna parukna chu a han phelh lai ka en reng 12  
a, tin, lîr nasa takin a lo nghîng ta a; tin, ni chu sahmul saîip  
puan angin a lo dum a, thla pawh chu apumin thisen angin a lo  
awm ta a; tin, vâna arsîte chu, theipui kûng thlipuiin a nuai a, 13  
a helte a t̃îl ang maiin, leiah a tla ta a. Tin, vân chu lehkhabu 14  
zial mi ziala *a bo* angin, a bo ta a; tin, tâng leh thliarkâr tinrêng  
chu an awmna ata sawnin an awm ta hlawn a. Tin, leia lal te, 15  
mi lian te, sipai hotu ber te, *mi* hausa te, *mi* chak te, bawi leh bawi  
lo tinrêngte chu pûkah leh tângah lungpuiah chuan an biru a;  
tin, tângte leh lungpuite hnênah chuan, “Min delh ula, lal̃hut- 16  
phaha t̃hua hmêl lakah leh Berâm No thinurna lakah min hliah  
rawh u; an thinurna ni ropui tak chu a lo thlen tāk hi; tichuan, 17  
tunge dîng thei ang i le?” a ti a.

**7** Chu mi hnuah chuan khawmualah leh, tuifinriatah leh, 1  
thing rêng rêngah chuan thli rêng a tleh loh nân, lei thli  
pali chu chelhin lei kil lia dîng vântirhkoh pali ka hmu a. Tin, 2  
vântirhkoh dang, Pathian nung chhinchhiahna kenga, ni  
chhuahnaa chho ka hmu *bawk* a; tin, ani chuan, vântirhkoh pali,  
khawmual leh tuifinriat tihchhiat *theihna* pêkate hnênah chuan,  
aw ring takin, “Kan Pathian bawite chu an chala kan chhinchhiah 3  
hma loh zawng khawmual leh, tuifinriat leh, thingte chu tichhe  
*rih* suh u,” tiin, a au va.

Tin, an chhinchhiah zât chu ka lo hria a, Israela thlahte hnam 4  
tina mi nuaikhat leh sîngli leh sângli an chhinchhiah tawh a ni.

Juda hnama mi sîngkhat leh sângnhni, 5  
Rubena hnama mi sîngkhat leh sângnhni,  
Gada hnama mi sîngkhat leh sângnhni,  
Asera hnama mi sîngkhat leh sângnhni, 6  
Naphtalia hnama mi sîngkhat leh sângnhni,  
Manassia hnama mi sîngkhat leh sângnhni,  
Sumeona hnama mi sîngkhat leh sângnhni, 7

Levia hnama mi sîngkhat leh sângnhni,  
 Issakara hnama mi sîngkhat leh sângnhni,  
 Zebulona hnama mi sîngkhat leh sângnhni, 8  
 Josefa hnama mi sîngkhat leh sângnhni,  
 Benjamina hnama mi sîngkhat leh sângnhni

an chhinchhiah tawh.

Chúng hnuah chuan ka han en a, tin, ngai teh, mipui nasa 9  
 tak, tuma chhiar sên loh, hnam tin zînga mi te, chi *tin zînga* mi  
 te, mi *tin zînga* mi te, ƣawng *tin zînga* mi te puan vâs sina, tûm  
 kau kengin, lalƣhutphah hmaah leh Berâm No hmaa ding ka *hmu* 10  
 a; tin, chúngte chuan, aw ring takin,

“ Kan Pathian lalƣhutphaha ƣhua hnênah leh,  
 Berâm No hnênah chhandamna,”

tiin, an au va. Tin, vântirhkoh zawng zawngte chu lalƣhutphah 11  
 leh upate leh Thilnung palite vêlah chuan dingin an awm a; tin,  
 lalƣhutphah hmaah chuan bawkkhupin,

“ Amen: Malsâwmna te, ropuina te, finna te, 12  
 Lâwm thu sawina te, chawimawina te,  
 Thiltihtheihna te, chakna te,  
 Chatuanin kan Pathian hnênah *awm* rawh se,  
 Amen,”

tiin, Pathian chibai an bûk a.

Tin, upa zînga pakhat chuan ka hnênah, “ Hêng puan vâs 13  
 sinte hi tutenge nia, khawi aƣanga lo kal nge an nih?” tiin, *mi*  
 bia a. Tin, kei chuan a hnênah, “ Ka pu, nangman i hria alâwm,” 14  
 ka ti a. Tin, anin ka hnênah, “ Hêng hi hrehawm nasa tak ata  
 chhuakhote kha an ni a, an puante Berâm No thisena suin an tivâr  
 ta a. Chuvângin Pathian ƣhutphah hmaah an awm a ni; tin, 15  
 a *chhûn* a zânin a biak inah chuan a rawng an bâwl ƣhîn; tin,  
 lalƣhutphaha ƣhua chuan an chungah a puan in chu a zâr ang.  
 An rilƣâm leh tawh lo vang a, an tuihâl leh tawh hek lo vang; niin 16  
 a em hek lo vang a, lum rêng rêng pawhin a *tihrehawm* hek lo  
 vang. Berâm No, lalƣhutphah laia awm chu, an vêngtu a ui ang 17  
 a, nunna tuikhurahte a hruai ang; tin, Pathianin an mit ata mittui  
 zawng zawng a hrufai tawh ang,” a ti a.

**8** Tin, chhinchhiahna pasarihna chu a han phelh veleh, dâr 1  
 chanve lai vân chu a reh ƣhuap a.

Tin, Pathian hmaa vântirhkoh pasarih ding ƣhînte chu ka hmu 2  
 a; tin, an hnênah tawtawrâwt pasarih an pe a. Tin, vântirhkoh 3  
 dang a lo kal a, rangkachak rimtui hâlna bâwm kengin maichâm  
 kiangah chuan a ding ta a: tin, lalƣhutphah hmaa rangkachak  
 maichâm chung a mi thianghlim zawng zawng ƣawng ƣainate  
 belhchhahna tûrin englo rimtui tam tak a hnênah an pe a. Tin, 4  
 englo rimtui khu chu vântirhkoh kut ata Pathian hmaah a chho

ta a, mi thianghlimho ẵwngẵinate nên chuan. Tin, vântirhkoh 5  
chuan englo rimtui hâlna bâwm chu a la a, maichâma meiin a  
tikhat a, leiah a paih *thla* ta a; tichuan, khawpui ri te, aw te,  
kâwlphe te, lîrngîng te a lo awm ve ta nghâl a. Tin, vântirhkoh 6  
pasarîh, tawtawrâwt pasarîh kengte chu, hâm tûrin an inbuatsaih  
ta a.

Tin, a hmasa ber chuan a han hâm a; tichuan, rial leh mei, 7  
thisen nêna inpawlh, a lo awm ta nghâl a, chúng chu leiah paih  
*thlâkin* a awm ta; tichuan, lei hmun thuma ẵena hmun khat chu  
a kângral ta a, ẵingte pawh hmun thuma ẵena hmun khat chu  
a kângral a, hlobet hring zawng zawngte pawh a kângral ta bawk a.

Tin, vântirhkoh pahniha chuan a han hâm a; tichuan, ẵâng 8  
lian pui meia kâng lai ang tuifinriatah an paih *thla* a; tichuan,  
tuifinriat hmun thuma ẵena hmun khat chu thisenah a lo chang  
ta a; tuifinriata thil siam, nun neite chu, hmun thuma ẵena hmun 9  
khat chu an thi ta bawk a; lawngte pawh hmun thuma ẵena  
hmun khat chu tihchhiat a ni ta *bawk* a.

Tin, vântirhkoh pathumna chuan a han hâm a; tichuan, arsi 10  
lian pui, meichher anga alh, vân aẵangin a lo tla a, lui hmun  
thuma ẵena hmun khat leh tuikhurte chu a delh ta a; chu arsi 11  
hming chu Sai a ni a; tui hmun thuma ẵena hmun khat chu  
saiah a lo chang ta; tichuan, chu tui chu *an in* a, mi tam tak an  
thi a, a lo khâk tâk avângin.

Tin, vântirhkoh palina chuan a han hâm a; tichuan, ni hmun 12  
thuma ẵena hmun khat, thla pawh hmun thuma ẵena hmun khat,  
arsite pawh hmun thuma ẵena hmun khat chu tihchhiat a ni ta a;  
chúngho hmun thuma ẵena hmun khat chu a thimna tûr leh,  
chhûn chu hmun thuma ẵena hmun khat a ên lohna tûrin; zân  
pawh chutiang bawkin a ni.

Tin, ka han en a, mupui vanlaizâwla thlâwkin, aw ring takin, 13  
“Vântirhkoh pathum tawtawrâwt la hâm tûr, chu mi ri lo la awm  
tûrte avâng chuan leia awmhote chung a pik e, a pik e, a pik e!”  
a tih, ka hria a.

9 Tin, vântirhkoh pangana chuan a han hâm a; tichuan, 1  
arsi, vân aẵanga leia tla sa, ka hmu a; tin, leilâwt khuar-  
khurum chabi chu a hnênah an pe a. Tin, ani chuan leilâwt 2  
khuarkhurum chu a hawng a; tichuan, khuarkhurum ata chu  
meikhu, rawh tuina mei nasa tak khu ang, a chhuak cho va;  
tin, khuakhuruma meikhu avâng chuan ni leh boruak chu a lo  
thim ta a. Tin, meikhu zîng aẵang chuan khaute leiah a lo 3  
chhuak a. Tin, leia khawmualkaikuangten thiltihtheihna an nei  
ang hian, an hnênah thiltihtheihna an pe a. Tin, an chala Pathian 4  
chhinchhiahna nei lo mihringte chauh lo chu, leia hlobet te,  
thil hring rêng rêng te, ẵing rêng rêng te pawh tihchhiat loh tûr

tih an hrilh a. Tin, an hnênah chuan chu *mihringte* chu tihlum 5  
 êm lova, thla nga tihrehawm zâwk tûrin *thu* an pe a; an tihhreh-  
 awmzia chu khawmualkaikuangin mi a seh a a tihrehawm ang hi  
 a ni. Chûng niah chuan miten thihna an zawng ang a, an hmu 6  
 hauh si lo vang; thih an châk ang a, *nimahsela* thihna chuan a  
 tlânsan ang. Tin, khaute pianzia chu sakawr indona tûra peih sa 7  
 ang an ni; lallukhum ang mai, rangkachak ang an khum a, an  
 hmai pawh mihring hmai ang a ni. Tin, hmeichhe sam ang hi 8  
 sam an nei a, an hate pawh chu sakeibaknei *ha* ang a ni. Tin, thîr 9  
 âwmphaw ang hi âwmphaw an nei a; tin, an thla *zahri* chu indona  
 tawlailîr ri, sakawr tam tak indo tûra tlân dur dur *ri* ang  
 a ni. Tin, khawmualkaikuang *mei* ang hian mei an nei a, sehna 10  
 pawh; tin, an meiah chuan a ni, thla nga chhûnga an mihring  
 tihnat theihna chu a awm ni. Leilâwt tirkkoh chu an chung a 11  
 lalberah an nei a, Hebrai *ṭawngin* a hming chu Abaddona  
 a ni a, Grik *ṭawng* *erawh* chuan a hming chu Apolluona  
 a ni.

Chungpikna hmasa ber chu a reh tawh a, ngai teh, tûn hnuah 12  
 Chungpikna pahni a la awm leh ang.

Tin, vântirhkoh parukna chuan a han hâm a; tichuan, Pathian 13  
 hmaa rangkachak maichâm ki aṭangte chuan aw ka hria a, *chu aw* 14  
*chuan* vântirhkoh parukna, tawtawrâwt keng hnênah chuan,  
 “Euphrates luipua vântirhkoh pali phuarte kha phelh rawh,”  
 a ti a.

Tichuan, chu mi dârkâr leh ni leh thla leh kum atân chuan, 15  
 mihring hmun thuma ṭhena hmun khat tihlum tûra buatsaih  
 tawh vântirhkoh palite chu an phelh ta a. Tin, sipai sakawr 16  
 chung chuango chu an tam lam sîng hlîra hmun sîngnhî an ni;  
 an tam lam chu *mi sawi* ka hria a ni. Tin, inlârnaah chuan 17  
 sakawr leh an chung a chuangohte chu hetiangin ka hmu a ni, mei  
 leh huakintho leh kât ang hi âwmphaw an nei a; tin, sakawr lute  
 chu sakeibaknei lu ang hi a ni a, an kâ aṭang chuan mei leh mei-  
 khu leh kâtte a chhuak a. Chu mi hremna pathum chuanin 18  
 mihring hmun thuma ṭhena hmun khat chu an tihlum ta a—mei  
 leh meikhu leh kât an kâ aṭanga chhuak khânin. Sakawrte 19  
 thiltihtheihna chu an kaah leh an meiah a ni, a awm ni; an meite  
 chu rûl ang a ni si a, lute a nei baw a; chu chuan a ni, *mi* an  
 tihnat ṭhin ni.

Tin, mihring, chûng hremnaa tihlum bângte chuan, ramhuaite 20  
 leh, rangkachak milem te, tangka *milem* te, dâr *milem* te, lung *milem*  
 te, thing *milem* te, *engmah* hmu thei hlei lo, hre thei hlei lo, kal thei  
 hlei lote chu an biak tawh lohna tûrinan kuta thiltihte chu an sim  
 chuang lo; an tualthahte pawh, an dawî hmante pawh, an 21  
 inngaihte pawh, an rûkrûkte pawh an sim chuang hek lo.



**10** Tin, vântirhkoh chak tak dang pakhat, chhûma inthum, 1  
 vân ațanga lo chhuk ka hmu a; a luah chuan chhimbâl  
 chu a zâm a, a hmai chu ni ang a ni a, a kete chu mei ban ang a  
 ni; tin, a kutah chuan lehkhahu tê tak tê hawn sa a keng a; tin, 2  
 a ke ding lamin tuifinriat a rap a, a vei lamin khawmual a rap  
 a; tin, sakeibaknei hahum angin aw ring takin a au ta a; tin, a au 3  
 zawh chuan khawpui ri pasarihte chuan an aw an chhuah ta a.  
 Tin, khawpui ri pasarihte chuan an aw an chhuah veleh ka zia 4  
 dawn a; tichuan, "Khawpui ri pasarihte thu sawi chu zêp tlat  
 la, zia suh," tiin, vân ațangin aw ka hre ta a.

Tin, vântirhkoh tuifinriat leh khawmuala ding ka hmuha 5  
 chuan a kut ding lam chu van lamah a phar a, chatuana nung 6  
 renga, vân, a chung a thil awmte nê, lei, a chung a thil awmte nê,  
 tuifinriat, a chhûnga thil awmte nêna siamtu chu chhâlin, "Hun 7  
 a awm tawh lo vang; nimahsela, vântirhkoh pasarihna thâwm  
 a awm hunah, a ham dawn tepin, Pathian thurûk chu a kim tawh  
 ang, a baw zâwlneite hnêna a chanchin ța hrilh ang khân,"  
 a ti a.

Tin, vân ata aw ka hriat khân mi be leh a, "Tuifinriat leh 8  
 khawmuala ding vântirhkoh kuta lehkhahu hawn sa saw va la  
 rawh," a tih ka hria a. Tin, vântirhkoh hnênah chuan ka va 9  
 kal a, a hnênah, "Lehkhahu tê tak tê kha mi pe rawh," ka ti a.  
 Tin, ani chuan ka hnênah, "La la, ei zo vek rawh, tichuan, i pum  
 chu a tikhâ ang a, i kaah erawh chuan khawizu angin a thlum  
 ang," a ti a. Tin, vântirhkoh kut ata lehkhahu tê tak tê chu ka la 10  
 a, ka ei zo vek a; tichuan, ka kaah chuan khawizu angin a thlum  
 a; nimahsela ka ei zawh veleh ka pum chu a kha zo ta a. Tin, ka 11  
 hnênah, "Mi tam tak te, hnam tam tak te, țaung tam tak te, lal tam  
 tak te chungchâng thu i hril leh ang," an ti a.

**11** Tin, luang, tiang ang hi mi pe a, tichuan, tuinemaw, "Tho 1  
 la, Pathian biak in, maichâm nê, a chhûnga betute nê  
 teh rawh. Biak in pawn lama hung chhûng kawtlai erawh chu 2  
 teh tel suh, chu chu Jentailte hnêna pêk a ni tawh si a; anni chuan  
 Khaw Thianghlim chu thla sawmli leh thla hnih an rapbet ang.  
 Tin, ka thu hretu pahnihte hnênah chuan thu ka pe ang a, tichuan, 3  
 saip puan sinin ni sângkhat leh ni zahnih leh ni sawmruk chhûng  
 zawng thu an hril ang," a ti a. Chûng chu oliv thing pahnih 4  
 leh khâwnvâr dahna pahnih, khawvêl Lal hmaa dingte chu an  
 ni. Tin, anni chu tupawhin tihnat an tum chuan, an kâ ațangin 5  
 mei a lo chhuak a, an hmêlmate chu a kângral țin. Tin, tupawhin  
 anni chu tihnat tum ang sela, chutiang bawka tihhlumin an awm  
 tûr a ni. Chûngte chuan an thu hrilh chhûng zawng ruah sûr 6  
 lo tûra vân tihpin theihna an nei; an duh hun apianga thisena  
 chantîr tûrin tuite chungah thu an nei a, khawvêl hi hremna

tínrenga hrem tûrin *thu an nei* baw k a. Tin, an hriattîrna thu 7  
 chu an *hrilh* zawh huna leilâwt aţanga Sakawlh lo chhuak chho  
 tûr chuan anmahni a do vang a, a hneh ang a, a tihlum ang. Tin, 8  
 an ruang chu khaw ropui kawthlêrah chuan a *awm reng ang a*; chu  
*khaw ropui* chu thlarau lam thuah chuan Sodom leh Aigupta an ti  
 a ni, chutah baw k chuan an Lalpa chu khenbehin a awm kha.  
 Tin, mite zînga *mi te*, chite *zînga mi te*, tawngte *zînga mi te*, hnamte 9  
*zînga* miten ni thum leh a chanve an ruangte chu an en ang a,  
 an ruangte chu thlâna phûm an phal lo vang. Tin, an *thih* avângin 10  
 leia awmte chu an lâwm ang a, hlimna an siam ang a, lâwmnate  
 an inthawn baw k ang; zâwlnei pahnihte chuan leia awmte chu  
 an tihrehawm thîn avângin. Tin, ni thum leh a chanve hnua 11  
 chuan Pathian hnên ata nunna thaw chu an chhúngah a lo lût a,  
 an kein an ding ta a; tichuan, a hmutute chuan an hlau ta êm êm  
 a. Tin, an hnênah, “Hetah hian lo chho rawh u,” tia, vân aţanga 12  
 aw ring tak an hria a. Tichuan, chhûm zîngah chuan vânah  
 an chho ta a; an hmêlmate chuan an hmu reng a.

Tin, chu mi lai tak chuan lîr nasa takin a lo nghing a, khu 13  
 chu hmun sâwma thêna hmun khat a chim ta a, lîrngingah chuan  
 mi sângsarih an thi a; tin, a bâkte chuan an hlau va, vân Pathian  
 chu an chawimawi ta a.

Chungpikna pahniha chu a reh tawh a, ngai teh, Chungpikna 14  
 pathumna chu a lo awm lawk dâwn e.

Tin, vântirh koh pasarihna chuan a han hâm a, tichuan, 15  
 “Khawvêl ram chu kan Lalpa leh a Krista *ram* a lo ni ta, ani  
 chuan chatuanin ro a rêl ang,” tiin, vânah chuan aw ring takte  
 a lo chhuak ta ngâh a.

Tichuan, Pathian hmaa an lalthutphaha upa sawmhnih leh 16  
 pali thute chu an bawkkhup a, “Aw Lalpa Pathian, Engkimtithi, 17  
 awm mêk leh awm tawh, i thiltihtheihna ropui tak chu laa ro i rêl  
 avângin lâwm thu kan hrilh a che. Hnamte chu an thinur a, 18  
 tin, i thinur chu a lo thleng *ve thung* a, mitthi ro rêl sak hun leh, i  
 baw zâwlneite hnênah te, mi thianghlimte hnênah te, i hming zah  
 mi lian leh mi têtê hnênah te an lâwmman pêk *hun* leh, lei tichhetute  
 tihchhiat *ve thung hun chu a lo thleng* baw k a,” tiin, Pathian chibai  
 an bûk a.

Tin, vâna Pathian biak in chu an hawng a, tichuan a biak 19  
 inah chuan a thuthlunna bâwm chu a lo lang ta a; tin, kâwlphe  
 te, aw te, khawpui ri te, lîrnging te, rial nasa tak te a lo awm  
 ta ngâh a.

**12** Tin, thilmak ropui tak vânah a lo lang ta a; hmeichhia 1  
 nia inthuam, a ke hnuaia thla awm, arsi sâwm leh pahniha  
 siam lallukhum khum a lo awm a; ani chuan nau a pai a; nau vei 2  
 nân a sahrâm a.

Tin, thilmak dang vânah a lo lang *leh* a; ngai teh, drakon 3  
 sen lian pui lu sarih leh ki sâwm nei, lallukhum pasarih khum  
*a lo awm a*. A mei chuan vâh arsi hmun thuma *thēna* hmun khat 4  
 chu a hnûk a, leiah a paih thla ta a; tin, a hrin huna a nau chu a  
 lem theih nân drakon chu hmeichhe nau hring tûr hmaah chuan  
 a ding reng a. Tin, fapa, hnam zawng zawng chung a thîr tianga 5  
 rorêl tûr a hring a; tin, a fa chu Pathian hnênah leh a lal̄hutphahah  
 chuan lâk chhohvin a awm ta a. Tin, hmeichhia chu thlâlêra 6  
 Pathian buatsaih hmun a neihnaah chuan, a tlân bo va, chutah  
 chuan ni sângkhat leh *ni* zahnih leh *ni* sâwmruk an chāwm theihna  
 tûrin.

Tin, vânah chuan indona a lo awm a; Mikaila leh a 7  
 vântirhkohte chuan drakon chu an do va; drakon leh a tirhkohte  
 pawh chuan an do *ve* a; nimahsela, an hneh ta lo va, an hmun 8  
 chu vânah a awm ta bawh hek lo. Tin, drakon lian pui, rûlpui 9  
 tar, Diabola leh Setana an tih, khawvêl zawng zawng bumtu chu  
 an paih thla ta a; leiah an paih a, a tirhkohte pawh an paih thla  
 tel *ve* a.

Tin, vânah chuan aw ring takin, “Tûnah chuan kan Pathian 10  
 chhandamna leh thiltihtheihna leh ram chu a lo thleng ta, a Krista  
 thuneiha nê; kan unaute hêktu, kan Pathian hmaa a chhûn  
 a zâna hêk thîntu chu, an paih thla ta si a. Nimahsela, Berâm 11  
 No thisen avâng leh an hriattîrna thu avângin ani chu an hneh a  
 ni, thîh ngam khawpin an nunna an ngainêp bawh a. Chuvângin, 12  
 aw vânte leh a chhûnga awmte u, lâwm rawh u! Lei leh tuifinriat  
 chung a pik e! Diabola chuan hun tlêm tê chauh a nei tih a inhriat  
 avânga thinur êm êma in hnêna a lo chhuk tâk avângin,” a tih  
 ka hria.

Tin, drakon chuan leia paih thlâk a ni tih a inhriat veleh fapa 13  
 hringtu hmeichhia chu a tiduhdah ta a. Tichuan, thlâlêra a 14  
 hmunah chuan a thlawh luh theih nân hmeichhia chu mupui  
 lian tak thla khing hnih an pe a, chutah chuan rûlpui hmuh phâk  
 lohvah hun khat leh hunte leh hun chanve chhûng zawng an  
 chāwm *ang*. Tin, rûlpui chuan tuiin a lén botîr theih nân, 15  
 hmeichhe hnungah chuan lui ang mai hian a kê ata tui a pik  
 chhuak a. Nimahsela, leiin hmeichhia chu a tanpui a, lei chuan 16  
 a kê a âng a, drakon-in a kê ata a pik chhuah lui chu a lem zo  
 ta a. Tichuan, drakon chu hmeichhe chungah chuan a lo thinur 17  
 a, a thlah la awm, Pathian thupêkte zâwma Isua hriattîrna thu  
**13** pawmte chu do tûrin a kal ta a. Tichuan, tuifinriat 1  
 tiauphovah chuan a ding ta a.

Tin, Sakawlh ki sâwm leh lu sarih nei, tuifinriata lo chhuak  
 ka hmu a, a kiahte chuan lallukhum sâwm a *awm a*, a luahte chuan  
 Pathian sawichhiatna hmingte a *awm* bawh a. Tin, ka Sakawlh 2

hmuh chu keitê ang a ni a, a kete chu savawm *ke* ang a ni, a kê chu sakeibaknei *kâ* ang a ni; tin, drakon chuan a hnênah a thiltihtheihna leh a lalthutphah leh thuneihna *nasa* tak a pe a. Tin, a lu pakhat chu thihpui khawp hiala hliam angin *ka hmu a*, 3  
nimahsela, a thihpui khawp hial tûra hliam chu a dam ta a, tichuan, *leia mi* zawng zawngin Sakawlh chu mak an ti a, an zui a. Tin, 4  
Sakawlh hnênah chuan a thuneihna chu a pêk avângin drakon chu Pathian chibai bûkin an bûk a; tin, “Sakawlh ang hi tunge awm a, tunge do thei awm?” tiin, sakawlh *pawh* chu an bûk *baw* a.

Tin, uanna leh *Pathian* sawichhiatna *thu* sawina kê a hnênah 5  
pêk a ni a, thla sawmli leh thla hnih che tûrin *thu* pêk a ni bawk a. Tichuan, Pathian sawichhiain a kê a âng ta a, a hming leh a 6  
awmna, vâna awmhote chu sawichhe tûrin. Tin, mi thianghlimte 7  
a do leh a hneh phal a ni a, chi tinrêng te, mi tinrêng te, *ṭawng* tinrêng te, hnam tinrêng te chung a thuneihna a hnênah pêk a ni bawk a.

Tichuan, *leia* awm zawng zawng, leilung pian tirha talh tawh 8  
Berâm No Nunna Bua hming zia loh apiang chuan, Pathian chibai bûkin an bûk ang. Tupawhin beng *an* neih chuan hre 9  
rawh se. Tupawh sala awm tûr *an* nih chuan salah *an* awm ṭhîn, 10  
tupawhin khandaiha *mi* a thah chuan khandaiha thah tûr *an* ni. Hetah hian mi thianghlimte chhelna leh rinna *lan theihna* a awm.

Tin, Sakawlh dang *leia* lo chhuak ka hmu a; berâm no *ki* ang 11  
ki pahni a nei a, drakon *ṭawng* angin a ṭawng a. Sakawlh hmasa 12  
zâwk thuneihna zawng zawng kha a mithmuhah a hmang a. Lei leh a chung a awm zawng zawngte chu Sakawlh hmasa zâwk, thihpui khawp hial tûra hliam dam leha chu, chibai a bûktîr bawk a. Tin, mihring mithmuhah vâna aṭanga *leia* mei tlâktîr 13  
thei *khawp* hialin thilmak ropui tak a ti ṭhîn. *Leia* awmte hnênah, 14  
Sakawlh khandaiha hliam hnu la dama chawimawi nân, amah lem an siam tûr a ni tih sawiin, Sakawlh mithmuha thilmak ti tûra *thu* a hmuh, *chúng thilmak* avâng chuan *leia* awmte chu a bum bawk a. Tin, Sakawlh lem chu a ṭawng *theihna* tûr leh, 15  
Sakawlh lem chibai bûk lo apiang a tihhlumtîr theih bawkna tûrin Sakawlh lem hnênah chuan thâwkna pêk phal a ni. Tin, 16  
mi zawng zawng, a lian a tein, a hausa a retheiin, bawi leh bawi lote pawh, an kut ding lamah emaw, an chalah emaw chhin-chhiaahna a neihtîr hlawm a; chhinchhiaahna—Sakawlh hming 17  
emaw, a hming nambar emaw—neite chauh lo chuan, tuman *engmah an* lei leh an hralh theih loh nân. Hetah hian finna *lan* 18  
*theihna* a awm. Hriat theihna nei chuan Sakawlh nambar chu chhût rawh se; mihring nambar a ni si a; a nambar chu zaruk leh sawmruk leh paruk a ni.

**14** Tin, ka han en a, tin, ngai teh Berâm No Zion Tlânga dingleh, 1  
 an chala a hming leh a Pa hming ziaak, *mi* nuaikhat leh sîngli 2  
 leh sângli a hnênah *ka hmu* a. Tin, vân ațanga *englo* ri, tui tam tak 3  
 ri ang leh khawpui ri nasa tak ri ang ka hria a; tin, ka ri hriat chu 4  
 țințang kaituten an țințang an kaih ri ang a ni a; lalthutphah 5  
 hmaah leh, Thilnung pali leh upate hmaah chuan hla thar ni âwm 6  
 tak hi an sa a; tin, lei ata tlan tawh, *mi* nuaikhat leh sîngli leh sâng- 7  
 lite chauh lo kha chuan, tuman chu hla chu an zîr thei lo. 8  
 Chúng chu hmeichhe laka intibawhlhlawh lote chu an ni; nula 9  
 thianghlim *ang* an ni si a. Chúng chu Berâm No a kalna apianga 10  
 zuitute chu an ni. Chúng chu Pathian tân leh Berâm No tân 11  
 rah hmasa ber ni tûrin mihring zîng ata tlan an ni. An kaah dâwt 12  
 a chhuah rêng *miin* an hre ngai lo; sawisêlbo an ni si a.

Tin, leia awmte hnênah leh, hnam tinrêng te, chi *tinrêng* te, 6  
 ẵwng *tinrêng* te, *mi tinrêng* te hnêna tlângaupui túra chatuana 7  
 Chanchin ẵa nei vântirhkoh dang vãnlaizâwla thlâwk ka hmu a; 8  
 tin, ani chuan, aw ring takin, “A rorêl hun chu a lo thlen tâk avang- 9  
 in Pathian chu hlau ula, chawimawi rawh u; vân te, lei te, tui- 10  
 finriat te, tuihna te siamtu chu chibai bûk rawh u,” a ti a.

Tin, vântirhkoh dang, a pahnihna chuan, ‘Babulon khaw ropui, 8  
 a mi ngaih chin vâng a thinurna uain hnam zawnz zawnz intirtu 9  
 chu, a tlâwm ta, a tlâwm ta,” tiin, arawn zui a.

Tin, vântirhkoh dang, a pathumna chuan aw ring takin, 9  
 “Tupawhin Sakawlh leh a lem chibai búkin an chalah emaw, an 10  
 kutah emaw chhinchhiahna an neih chuan, chu mite ngei chuan 11  
 Pathian thinurna uain, a thinurna nova engmah pawlh lova siam 12  
 chu, an in ang a, vântirhkoh thianghlimte mithmuh leh Berâm 13  
 No mithmuhah chuan mei leh kâta nghaisakin an awm bawk ang. 14  
 Tin, chúng mite nghaisakna meikhu chu chatuanin a chho 15  
 vâng a; Sakawlh leh a lem chibai búktute, a hming chhinchhiahna 16  
 nei apiangte pawh chuan, a chhûn a zânin chawlh rêng an nei 17  
 lo vâng,” tiin, anni chu arawn zui a.

Hetah hian mi thianghlim, Pathian thupêkte leh Isua rinna 13  
 thu zâwmtute chhelna lan theihna a awm.

Tin, vân ațangin awin, “Hetihian ziaak rawh: ‘Tûn hnuah 13  
 chuan, mitthi, Lalpaa thite chu, an eng a thâwl *ang*, Thlarauvin, 14  
 A ni, an thawhrimnate chu an chawlhsan tawh ang; an thiltihte 15  
 chuan arawn zui ve dâwn si a, a ti e,’ ” a tih ka hria.

Tin, ka han en a, tin, ngai teh, chhûm vâr *ka hmu* a; tin, chhûm 14  
 chungah chuan mihring fapa ang tak hi, rangkachak lallukhum 15  
 khuma, favah hriam tak kenga ẵu *ka hmu bawk* a. Tin, vântirhkoh 16  
 dang, Pathian biak in ațangin a lo chhuak a, chhûm chung a ẵu 17  
 hnênah chuan aw ring takin, “I favah kha phawrh la, ât rawh; 18  
 ah a hun tawh si a; lei buh khu a ngui tawh khu,” a ti a. Tichuan, 19

chhûm chung a t̃hu chuan a favah chu leiah a thlâk a, lei *buh* chu an ât ta a.

Tin, vântirhkoh dang vâna Pathian biak in ațangin a lo chhuak *leh* a, ani pawh chuan favah hriam tak a keng bawk a. Tin, vântirhkoh dang, mei chung a thuneitu chu, maichâm ațangin a lo chhuak *leh* a; tin, ani chuan aw ring takin, “I favah hriam tak kha phawrh la, leia grêp hrui rah bâwrte khu zuk ât rawh; grêp rahte khu a hmin t̃uah tawh khu,” tiin, favah hriam tak kengtu chu a au va. Tichuan, vântirhkoh chuan a favah chu leiah a thlâk a, leia a grêp rah chu a ât a, *grêp sâwrna khur zau tak*, Pathian thinurna grêp sâwrna khurah chuan a theh lût a. Tin, khaw pawn lama grêp sâwrna khurah chuan an rap sâwr a, tichuan, grêp sâwrna khur ațang chuan thisen a lo chhuak a, f̃ing sângkhat leh *f̃ing* zaruk chen sakawrte thîrbarh thleng a *thûk a ni*.

**15** Tin, vânah chhinchhiahna dang, ropui tak leh mak tak, ka hmu a, vântirhkoh pasarih hremna pasarih kengte chu; chu chu *hremna* hnahnung berte a ni, chûngah chuan Pathian thinurna chu a kin tawh si a.

Tin, dârthlang mei nêna inpawlh tuifinriat ni âwm tak ka hmu a; Sakawlh te, a lem te, a hming nambar te hneha lo chhuakte chu Pathian t̃ingțang kenga, dârthlang tuifinriat *kama ding ka hmu* bawk a. Tin, Pathian bawi Mosia hla leh Berâm No hla,

“Aw Lalpa Pathian, Engkimtithi,

I thiltithe chu a ropuiin a mak a;

Nang, hnam tin Lalber,

I kawngte chu a felin a dik a ni.

Aw Lalpa, tunge i hming zah lo vang a

Chawimawi lo vang?

Nang chauh i thianghlim si;

I thiltih felte chu tihlan a nih tawh avângin

Hnam tinrêngin chibai an rawn bûk ang che,”

tih hi an sa a.

Chûng hnua chuan ka han en a, tin, vâna hriattîrna biak bûk pindan chhungnung chu an hawng a; tichuan, pindan chhungnung ațang chuan hremna pasarih keng vântirhkoh pasarihte chu, puan th'anghlim vâw tak sinin, an âwma rangkachak kâwnghrêna inhrêngin an lo chhuak a. Tin, Thilnung pali zînga pakhat chuan, vântirhkoh pasarihte hnenah chuan, Pathian chatuana nung renga thinurnaa khat rangkachak berhbu pasarih a pe a. Tin, pindan chlungnung chu Pathian ropuina leh a thiltihtheihna khuin a khat ta a; vântirhkoh pasarihte hremna pasarih chu a reh hma loh zawng pindan chhungnungah chuan tumah an lût thei lo.

**16** Tin, pindan chhungnung ațang chuan aw ring takin, vântirhkoh pasarihte hnenah chuan, “Kal ula, Pathian

thinurna berhbute chu leiah leih baw rawh u," a tih ka hria a.

Tin, a hmasa ber chu a kal a, a berhbū chu leiah a leih bua a; 2  
tichuan, Sakawlh chhinchhiahna neite leh a lem chibai bûkte  
chungah chuan pân chhe na takah a chang ta a.

Tin, a pahniha chuan a berhbū chu tuifinriatah a leih bua a; 3  
tichuan, mitthi *thisen* angin *thisenah* a chang ta a; *chutichuan* thil  
nung tinréng tuifinriata awmte chu an thi ta vek a.

Tin, a pathumna chuan a berhbū chu luiachte leh tuikhurahte 4  
a leih bua a; tichuan, *thisenah* a chang ta a. Tin, tui vântirhkoh 5  
chuan, "Nang Mi Thianghlim, hetiang a ro i rêl avâng hian,  
nang, awm mêk leh awm tawh, i fel e. Anni chuan mi 6  
thianghlimte leh zâwlneite *thisen* an chhuah a, tin, nangin in  
tûra *thisen* vêk i pêk thung hi; *in* tlâk an ni rêng e," a tih ka hria.  
Tin, maichâm chuan, "A ni, aw Lalpa Pathian, Engkimtithei, 7  
i rorêlte chu a dikin a fel a ni," a tih ka hria a.

Tin, a palina chuan a berhbū chu niah a leih bua a; tichuan, 8  
*ni* chu meia mihring em ût tûrin *thiltihtheihna* an pe a. *Chutichuan*, 9  
mite chu sa tak em uhin an awm a, chûng hremna chunga thuneitu  
Pathian hming chu an sawichhia a, amah chawimawî tûrin an  
sim chuang lo.

Tin, a pangana chuan a berhbū chu Sakawlh lalthutphahah 10  
a leih bua a; tichuan, a ram chu a lo thim ta vek a; tin, an nat 11  
avângin an lei an seh a, an nâte leh an pânte avângin vân Pathian  
chu an sawichhia a; an thiltihte chu an sim chuang lo.

Tin, a parukna chuan a berhbū chu tuipui, Euphrates-ah chuan 12  
a leih bua a; tichuan, ni chhuahna lam aţanga lal lo kal tûrte 13  
tâna kawng chu peih sa a lo nih theih nân, a tui chu a kangchat  
ta a. Tin, drakon kê aţang leh, Sakawlh kê aţang leh, zâwlnei 14  
der kê aţang chuan thlarau bawlhhlawh pathum, chungu ni âwm  
tak lo chhuak ka hmu a; chûng chu ramhuai thlarau, thilmak 15  
ti thînte an ni; anni chu Pathian Engkimtitheia ni ropuia indonaa  
hruai khâwm tûrin khawvêl zawng zawnga lalte hnênah an kal a,  
(Ngai teh, rûkru angin ka lo kal dâwn e; inringa a puan veng reng 16  
chu a eng a thâwl e, chutilochuan saruakin a lêng ang a, a zahmawh  
an hmu dah ang e); hmun pakhat Hebrai ţawnga Har-Magedon  
an tihah chuan an hruai khâwm ta a.

Tin, a pasarihna chuan a berhbū chu boruakah a leih bua a; 17  
tichuan, pindan chhungnung aţangin, Lalthutphah ata, "A kin 18  
ta," tiin, aw ring tak a lo chhuak a. Tin, kâwlphe te, aw te, 19  
khawpui ri te a lo awm ta a; lîr pawh nasa takin a lo nghing a,  
leia mihring awm achin chutianga nasa rêng rêng a la awnî ngai  
lo, lîrngîng chuti kauva nasa leh ropui chu. Tichuan, khaw 19  
ropui chu hmun thumah a lo inthen a, hnam tin khuate chu a lo  
chim a; tin, a thinur nasatna uain no chu a hnêna pêk tûrin

Babulon khaw ropui chu Pathian hmaah hriat rengin a lo awm ta a. Tin, thliarkâr tinrêng a bo ta vek a, tlângte pawh a awm 20 ta lo va. Tin, rial lian tak, talent tluk laia rit theuh, vân ațangin 21 mihringte chungah a tla a; tin, mihringte chuan riala hremna avâng chuan Pathian an sawichhe ta a; chu hremna chu a nasa êm êm si a.

**17** Tin, vântirhkoh pasarih berhbu pasarih kengte zînga 1 pakhat chuan, mi bia a, “Hawh teh, tui tam taka țin nawhchizuar ropui tak hremna chu ka entîr ang che; leia lalte 2 chuan ani chu an ngai țin a, leia awmte pawh chu a mi ngaih chinna uain chuan hrai ruihin an awm țin,” a ti a.

Chutichuan, ani chuan Thlarauvin thlalêrah mi kalpui a; tin, Pathian sawichhiatna hminga khat, lu sarih leh ki sâwm nei, 3 Sakawlh sen tak chung a chuang hmeichhia ka hmu a. Chu 4 hmeichhia chuan puan sen duk leh sen lâa sin a, rangkachak leh lung man tam leh tuikeplungin a inchei a, rangkachak no, thil tenawm, a mi ngaih chinna thil bawhlhlawha khat a keng a, 5 a chalah chuan thurûk, “Babulon Khaw Ropui, Leia Nawhchizuar 6 leh Thil Tenawmte Nu,” tia, hming ziaak a awm a. Tin, 6 chu hmeichhia chu mi thianghlimte thisen leh Isua martarho thisena rui ka hmu a. Ka hmuh veleh mak ka ti êm êm mai a.

Tichuan, vântirhkoh chuan ka hnênah, “Eng vângin nge 7 mak i tih kha? Hmeichhia leh a phurtu Sakawlh lu sarih leh ki sâwm nei thurûk chu ka hrih ang che. Sakawlh i hmuh kha a 8 awm tawh zet a, a awm leh ta lo va; tin, leilâwt ațangin a lo chhuak chho vang a, boralnaah a kal ang. Tin, leia awmte, leilung pian 9 tirh ata Nunna Bua hming ziaak lohte chuan, Sakawlh chu an hmuh hunah, a awm tawh zet a, a awm leh ta lo va, a lo kal leh dâwn chu mak an la ti ang. Hetah hian rilru finna nei *lan 9 theihna* a awm. Lu sarihte chu hmeichhe ținutna tlâng sarihte chu an ni. Lal pasarih pawh an ni a; pangate chu an tlâwm ta a, 10 pakhat chu a la awm a, pakhat chu a lo la awm rih lo va; a lo awm hunah chuan rei lo tê a awm tûr a ni. Tin, Sakawlh awm 11 tawh zet a, awm leh ta lova ngei pawh kha a pariatna a ni a, pasarihte zînga mi kha a ni nghe nghe a; boralnaah a la kal ang. Tin, ki sâwm i hmuhte kha lal sâwm ram la nei lote an ni a; dârkâr 12 khat chhûng erawh chu Sakawlh nêl lalte angin thuneihna an la hmu ang. Chhûng chuan thu khat vuain an thiltihtheihna leh 13 thuneihna chu Sakawlh an pe ang. Chhûng chuan Berâm No chu 14 an do vang a, tin, Berâm No chu hotute Hotu leh lalte Lal a nih avângin anni chu a hneh ang a; tin, a hnêna awm, kohva te, thlana te, rinawma te chuan *an hneh bawh ang*,” a ti a.

Tin, amah *vek* chuan ka hnênah, “Nawhchizuar ținutna tui i 15 hmuhte kha, mi te, mipui te, hnam te, ținawng te a ni a. Tin, 16



ki sâwm i hmuh leh Sakawlh chuan, chu mite chuan nawhchizuar chu an hua ang a, engmah nei lo leh saruakin an siam ang a, a sa pawh an ei ang a, meiin an hârlal ang. Pathian thute 17 chu a thlen hma loh chuan a duhzâwng an tihna tûr leh, thu khat an lo vuakna tûr leh, an ram chu Sakawlh hnênah an pêkna tûrin Pathianin an thinslungah a tîr si a. Tin, i hmeichhe hmuh kha 18 khaw ropui, leia lalte chungarorêltu chu a ni," a ti a.

**18** Chûng hnuah chuan vântirrhkoh dang, thuneihna nasa 1 tak neiin vân ata lo chhuk ka hmu a; a ropuinain lei chu a ên ta vek a. Tin, ani chuan aw ring takin, "Babulon khaw ropui 2 chu a tlâwm ta, a tlâwm ta, ramhuaite awmna leh, thlarau bawhlhlawh tinrêng kulhbîng leh, sava bawhlhlawh leh tenawm tinrêng kulhbîng a lo ni ta. A mi ngaih chin vânga thinurna 3 uain chu hnam zawng zawngin an in tawh si a; leia lalte chuan ani chu an ngai thin a, leia sumdâwngtute chuan a nawmsak bawl lutukna chu an hausak phah thin," tiin, a au va.

Tin, vân aţangin aw dangin *heti hian* a sawi ka hria: "Ka 4 mite u, a sualnahte in tel lohna tûr leh, a hremnate in hmuh ve lohna tûrin, a chhûng ata chhuak rawh u. A sualnate chuan 5 vân pawh a tawng ta hial a, Pathianin a thiltih fel lote pawh chu a hre reng si a. Anin a pêk ang ngei khân pe thung ula, 6 a thiltihzia ang zêl chu a leh hnihin thungrûl ula, a chawhpawlhna novah chuan a tân a leh hnihin chawhpawlh sak rawh u. A intihropui leh a intihnawmsakzia ang zêl khân 7 nghaisain tilungngai thung rawh u; a rilru chuan, 'Lalnua ka ţu a ni, hmeithai rêng ka ni lo va, lungngaihna ka hmu hauh lo vang,' a ti si a. Chuvângin ni khat *chauhvah* a hremna—thih 8 te, lungngaih te, ţâm te chu—a lo thleng vek ang; meia hârlalin a awm bawh ang; a rorêltu, Lalpa Pathian chu a chak si a.

"Tin, leia lal, a ngai ţhîntute leh a nawmsak bawlpui ţhîntute 9 chuan, a kâng khu chu an thlîr hunah chuan, 'Babulon khaw ropui, 10 khaw nghet chu, a chung a pik e, a pik e! Dârkâr khat *chauhvah* i chungah rorêlna chu a lo thleng ta si,' tiin, a nghaisakna hlauh vânga hla taka dinga, a chungarapin an âwm an inchûm ang.

"Tin, leia sumdâwngtute chu a chungarapin an lungngai 11 a, tuman an sum an lei tâk loh avângin. An sumte *chu*, rangkachak 12 te, tangka te, lung man tam te, tuikeplung te, puan zai sîn te, puan sen duk te, maimaw puan te, *puan* sen lâr te nê; thing rimtui tinrêng te, saingho bungbêl tinrêng te, thing hlu tak leh dâr leh thîr leh sailungvâra siam bungbêl tinrêng te nê; thakthing 13 te, englo rimtui te, englo rimtui hâl mi te, hriak rimtui te, beraw te, uainte, olivhriak te, chhangphutdiptak te, buhte, sebâwngte, berâm te nê; sakawr te, tawlailir te, bawi te nê; mihring nunna te nê a ni. Rah i thinslungin a chakte chuan a kal bosan chia, thil 14

tuihnai leh mawi zawng zawng chuan a boralsan chia, *tuman* an hmu leh tawh tawp lo vang.

“Chúng thila sumdâwngtu, amah avânga lo hausate chuan,  $\frac{1}{17}$  ‘Khaw ropui, puan zai sîn leh *puan* sen duk leh *puan* sen lâr sina, rangkachak leh lung man tam leh tuikeplunga inchei chu, a chung a pik e, a pik e! Dârkâr khat *chauhvah* sum chuti zozai chu engmah lo a lo nih tâk hi,’ tiin,  $\frac{1}{17}$  *ṭap* leh lungngai chungin a nghaisakna hlahv vângin hla takah an ding ang.

“Tin, lawng hotu apiang te, lawnga kal *ṭhîn* apiang te, lawng mi te, tuifinriata hnathawk apiang te chu hla laka dingin, a kâng khu chu *thlîr* chungin, ‘He khaw ropui *tluk* hi khawii khua nge 18 awm ang?’ tiin, an au va. Tin, *ṭap* leh lungngai chungin, ‘A 19 muk avânga tuifinriata lawng neitute hausakna khaw ropui chu, a chung a pik e, a pik e! Dârkâr khat *chauhvah* engmah lo a lo nih tâk hi!’ tia, auvin, an lu vaivutin an theh a.

“Aw vân leh nangni mi thianghlimho te, tirkkohhote, 20 zâwlneihte u, lâwm rawh u, ani chuanin chung a ro a rêlna chuan Pathianin a chungah ro a rêl *ve* tâk hi,” tiin.

Tin, vântirkkoh chak tak hian buh râwt sawmna lung lian 21 pui ang hi lung a la a, tuifinriatah a paih thla a, “Babulon khaw ropui chu hetiang a nasa hian paih thlâk a ni ang a, *tuman* an hmu leh tawh tawp lo vang. *ṭingṭang* kaituho te, englo tum thiamho 22 te, phênglâwng tumtuho te, tawtawrâwt puho te thâwm pawh i chhûngah an hre leh tawh tawp lo vang a; themthiam kawng rêng rêngah themthiam rêng pawh i chhûngah an hmu leh tawh tawp lo vang a; buh râwt sawmna lung ri pawh i chhûngah an hre leh tawh tawp lo vang a; khâwnvâr pawh i chhûngah a êng 23 tawh tawp lo vang a; pasal leh mo thâwm pawh i chhûngah an hre leh tawh tawp lo vang; i sumdâwngtute chu leia mi liante an ni si a; i dawîin hnam zawng zawng bum an nih kha. A 24 chhûngah zâwlneihte, mi thianghlimho te, leia thah zawng zawng te thisen chu an hmu a,” a ti a.

**19** Chúng hnuah chuan vânah mipui nasa takte aw ring 1 tak ni âwm tak hian, “Halleluia, chhandamna te, ropuina te, thiltihtheihna te, kan Pathian ta a ni; a rorêlnate chu a dîkin 2 a fel a ni; ani chuan nawhchizuar ropui tak, a mi ngaih chin vânga lei tikhawlotu chu, ro a rêl a, a bawite thisen *chhuak* phuba chu a kuta a lâk tâk hi,” a tih ka hria a. Tin, “Halleluia,” an 3 ti leh a. Tin, a khu chu chatuanin a chho *vang*. Tin, upa 4 sawmnhnîh leh pali leh Thilnung palite chu an bawkkhup a, “Amen; Halleluia,” tiin, Pathian, lalṭhutphaha *ṭhu* chu chibai an bûk a. Tin, lalṭhutphah aṭangin aw a lo chhuak a, “Nangni a bawi 5 zawng zawng, a zahtu mi lian leh mi têtê u, kan Pathian chu fak rawh u,” a ti a. Tin, mipui nasa tak aw ang leh, tui tam tak ri ang 6

leh, khawpui nasa tak ri angin, “Halleluia, Lalpa kan Pathian Engkimtitheia chuan ro a rêl tâk hi. Hlim takin lâwm ila, amah i chawimawi ang u, Berâm No nupui neih chu a hun ta si a, a nupui pawh a inpeih tawh,” a tih ka hria. Puan zai sîn fâi tak vâv tak sin an phal a, puan zai sîn chu mi thianghlimte thlith fel a ni si a.

Tin, “Berâm No nupui neihna ruaitheha sâwmte chu an eng a thâwl e, tiin, ziaak rawh,” mi ti a. Tin, ka hnênah, “Hêng thu hi Pathian *thu* tak a ni,” a ti a. Tichuan, Pathian chibai bûka bûk tûrin a ke bulah ka bawkkhup a. Tin, ani chuan ka hnênah, “Hetì chuan ti suh khai; kei chu nangmah leh i unau, Isua hriattîrna thu pawmte bawipui ka ni alâwm; Pathian chibai bûk *zâwk* rawh; Isua hriattîrna thu chu thu hrlina thlarau a ni si a,” a ti a.

Tin, vân inhawng ka hmu a; tin, ngai teh, sakawr vâv leh a chung a chuang, Rinawma leh Diktaka an tih chu *ka hmu bawk a*; ani chuan fel takin ro a rêl a, *mi a* do thîn. A mitte chu meialh ang a ni a, lallukhum tam tak a khum a, tin, hming ziaak, amah chauh lo chuan tumahin an hriat loh a nei a. Puan thisen kai a sin a; a hmingah chuan “Pathian Thua” an ti a. Tin, vâna sipaihote chuan, puan zai sîn vâv tak fâi tak sinin, sakawr vâv chungahste chuangin an zui a. Tin, a kâ ațangin khandaih hriam tak a chhuak a, chu chu hnam tin a sahna tûr a ni; tin, thîr tiangin an ro a rêl ang a; Pathian Engkimtitheia thinur nasatna grêp sâwrna khurah chuan a rap sâwr ang. Tin, a puanah leh a malpuiah chuan “Lalte Lal leh Hotute Hotu,” tia, hming ziaak a awm a.

Tin, niah khian vântirhkoh dîng ka hmu a; tin, ani chuan vanlaizâwla sava thlâwk zawng zawng hnênah chuan aw ring takin, “Lal sa te, sipai hotu sa te, mi chak sa te, sakawr leh a chung a chuang sa te, mi zawng zawng—bawi leh bawi lo, a lian a tê pawh—*an* sa in ei theihna tûrin, Pathian ruai ropui tak thehnaah chuanrawn inkhâwm rawh u,” tiin, a au va.

Tin, Sakawlh te, leia lallo te, an sipaiho te, sakawr chung a chuang kha do tûr leh a sipaiho do tûra *an* inkhâwm ka hmu a. Tin, Sakawlh chu an man a, zâwlnei der—Sakawlh chhin-chhiahna nei leh a lem chibai bûktute a bum thinna thilmak a mithmuha titu kha—*an* man tel a; an pahnih chuan kâta kâng mei dîlah chuan a nung chungin an paih a; mi dangte chu sakawr chung a chuang khandaih, a kâ ațanga chhuak khân, sahlum an ni ta a; tin, sava zawng zawngte chu an sate *eiin* an puar ta vek a.

**20** Tin, vântirhkoh leilâwt chabi leh khaidiat lian pui kengin, vân ațanga lo chhuak ka hmu a. Tin, drakon, rûlpui tar chu

(chu chu Diabola leh Setana a ni) a man a, kum sângkhat atân a phuar a, leilâwtah chuan a paih lût a, a khâr khum a, kum sângkhat chu a vei hma loh chuan hnam tin a bum leh tawh lohna tûrin a châr hnan ta a; chu mi hnuah chuan rei lo tê atân chhuah leh rih tûr a ni. 3

Tin, lal̄hutphahte ka hmu a, a chungah *mi* an ̄thu a, an hnénah chuan rorêlna an pe a; tin, Isua hriattîrna thu avâng leh Pathian thu avânga lu tante thlarau leh, Sakawlh leh a lem chibai bûk lova, an chalah emaw, an kutah emaw chhinchhiahna nei lote *thlarau* chu ka *hmu bawk* a; chûngho chu an lo nung a, kum sângkhat atân Krista nêr rorêlin an awm a. Mitthi dangte erawh chu kum sângkhat chu a vei hma loh chuan an la nung rih lo va. Chu chu thawhlelna hmasa ber chu a ni. Thawhlelna hmasa bera telte chu an engthâwlin an thianghlim a ni; chûngho chungah chuan thih hnihna chuan thu rêng a nei lo va, Pathian leh Krista puithiamte an ni ang a, amah nêr kum sângkhat rorêlin an awm zâwk ang. 5 6

Tin, kum sângkhat chu a vei hunah chuan Setana chu a tânnâ ata chu chhuahin a awm ang a, lei kil lia hnam te, Goga leh Magoga chu buma, indonaa hruai khâwm tûrin a kal chhuak ang; chûngho tamzia chu tuifinriata ̄tiauvut ang mai an ni. Tin, lei vâng lam dâpin an kal chho va, mi thianghlimte riah hmun leh khaw duhawm tak chu an hual ta a; tin, vân ātangin mei a lo tla a, anni chu a kângralta a. Tin, anmahni bumtu Diabola chu, Sakawlh leh zâwlnei der awmna, mei leh kât dîlah chuan an paih ta a; tichuan, chatuanin a chhûn a zâna nghaisakin an awm ang. 7 8 9

Tin, lal̄hutphah lian pui vâp tak leh a chungâ ̄thu chu ka hmu a, a hma ata chu lei leh vân an tlan bo va, an tlan hmun rêng a awm ta lo va. Tin, mitthite, a lian a tein, lal̄hutphah hmaa ding ka hmu a; tin, lehkhabute an hawng a; tin, lehkhabu dang Nunna Bu chu, an hawng *bawk* a; tin, mitthite chu lehkhabutea ziaak, an thiltih ang zêla rêl sakin an awm ta a. Tuifinriat chuan a chhûnga mitthi awmte chu a chhuahtîr a, Thihna leh Mitthi Khua chuan an chhûnga mitthi awmte chu an chhuahtîr bawk a; tin, mi tin an thiltih ang zêla rêl sakin an awm ta a. Tin, Thihna leh Mitthi Khuate chu mei dîlah an paih a. Chu chu thih hnihna chu a ni—mei dîl chu. Tu *hming* pawh Nunna Bua ziaak an hmuh loh chuan mei dîlah an paih bawk a. 11 12 13 14 15

**21** Tin, vân thar leh lei thar ka hmu a; vân hmasa leh lei hmasa chu a boral tawh a, tuifinriat pawh a awm tawh lo a ni. 1

Tin, khaw thianghlim Jerusalem thar chu, mo a pasal ela a inchei anga peih diamin, Pathian hnêna mi vân ata lo chhuk ka 2 3

hmu baw k a. Tin, lalthutphah a tângin aw ring takin, 4  
 “ Ngai teh, Pathian bâwktê chu mihring zingah a  
 lo awm ta,  
 Ani chu an hnênah a awm ang a,  
 Anni chu a mite an ni ang a,  
 Pathian ngei chu an hnênah a awm ang a,  
 An Pathian a ni baw k ang;  
 An mit ata mittui zawng zawng a hrufai ang a;  
 Thihna a awm leh tawh lo vang a,  
 Lungngaih te, ãah te, nat te pawh  
 A awm leh tawh hek lo vang;  
 Thil hmasate chu a ral ta,”

a tih ka hria.

Tin, lalthutphaha ãu chuan, “ Ngai teh, thil engkim ka siam 5  
 thar e,” a ti a. Tin, “ Ziak rawh, hêng thu hi a rinawmin a dik si  
 a,” a ti a. Tin, ka hnênah, “ A lo thleng ta. Kei Alpha leh Omega, 6  
 a Bui leh a Tâwp ka ni. Tuihâl apiang hnênah chuan Nunna  
 Tuikhura mi athlâwnin ka pe ang. Hnehtu apiang chuan chung 7  
 chu an luah ang a, kei an Pathian ka ni ang a, anni chu ka fate an  
 ni ang. Amaherawhchu, mi dawî te, ring lo te, tenawm te, tualthat 8  
 te, ingngaih ching te, dawithiam te, milem bia te, dawthei zawng  
 zawng te chan tûr chu mei leh kâta kâng dîlah chuan a awm ang;  
 chu chu thih hnihna chu a ni,” a ti a.

Tin, berhbu pasarih keng, hremna hnuhnung ber pasarih 9  
 sin vântirhkoh pasarih zinga pakhat chu a lo kal a; ani chuan,  
 “ Hawh teh, mo, Berâm No nupui chu, kan entîr ang che,” tiin,  
 mi bia a. Tin, ani chuan, Thlarauvin tlâng lian pui sâng takah 10  
 mi kalpui a, Jerusalem khaw thianghlim chu Pathian ropuina  
 neiin, Pathian hnêna mi vân ata lo chhuk mi entîr a. A ênzia  
 chu lung man tam ber ang, jaspi lung ang mai hi a ni a, krustal  
 lung angin a tle a ni; kulh nasa tak sâng tak a nei a; kawngkhâr 12  
 sâwm leh pahni a nei a, kawngkhâr bulahte chuan vântirhkoh  
 sâwm leh pahni a awm a; chung kawngkhârah chuan hming  
 ziak a awm baw k a, chung chu Israela thlahet inam sâwm leh  
 hnam hnih hmungte chu a ni a; chhak lam pangah kawngkhâr 13  
 pathum, hmar lam pangah kawngkhâr pathum, chhim lam pangah  
 kawngkhâr pathum, thlang lam pangah kawngkhâr pathum a  
 awm a. Tin, chu khaw kulh chuan lungphûm sâwm leh pahni 14  
 a nei a, chungah chuan Berâm No tirhkoh sâwm leh pahnihte  
 hming a chuang a.

Tin, mi betu chuan khua leh a kawngkhârte leh a kulh chu 15  
 tehna tûrin, rangkachak luang a keng a. Khua chu inbial vêlin 16  
 a awm a, a dung lam chu a vâng lam chen a ni; khua chu luang  
 chuan a teh a, fîng sîngkhat leh fîng sângnhni a ni. A dung lam

leh a vâng lam leh a sân lam chu a inang a ni. Tin, a kulh chu 17  
a teh leh a, mihring teh dân pângngaiin (chu chu vântirhkoh *teh*  
*dân pângngai* chu a ni) tawng zakhat leh *tawng sawmli* leh *tawng* li  
a ni.

Tin, a kulh chu jaspi *lunga* siam a ni; khua chu dârlhalang 18  
thianghlim ang maia rangkachak thianghlima siam a ni. Chu 19  
khaw kulh lung phûmte chu lung man tam chi tinrênga cheimawi  
a ni. Lungphûm hmasa ber chu jaspi *lung* a ni a; a pahnihna chu  
sapphir *lung* a ni a; a pathumna chu kalkidon *lung* a ni a; a palina  
chu smaragdin *lung* a ni a; a pangana chu sardonuk *lung* a ni a; a 20  
parukna chu sardonuk *lung* a ni a; a pasarihna chu kruso lung a ni  
a; a pariatna chu birul *lung* a ni a; a pakuana chu topazi *lung* a ni a;  
a sâwmna chu krusopra lung a ni a; a sâwm leh pakhatna  
chu huakintho *lung* a ni a; a sâwm leh pahnihna chu  
amethusto *lung* a n a. Tin, kawngkhâr sâwm leh pahnih chu 21  
tukeplung sâwm leh pahnih a ni; kawngkhâr zawng zawng chu  
tukeplung pakhat theuhva *siam* a ni; tin, chu khaw kawtlai chu  
rangkachak thianghlim a ni, dârlhalang entlangtheih ang mai hi.

Tin, a chhûngah chuan biak in rêng ka hmu lo va; Lalpa 22  
Pathian Engkimtitheia leh Berâm No chu an biak in an ni si a.  
Tin, chu khua chuan a ên tûrin ni a ngai lo va, thla pawh a ngai 23  
hek lo; Pathian ropuina chuan a ên a, an khâwnvâr chu Berâm  
No a ni si a.

Tin, hnam tin a êngah chuan an awm ang a; leia lalte chuan 24  
an ropuina an la lût ang. Tin, a kawngkate chu chhûnah an khâr 25  
tawp lo vang, chutah chuan zân rêng a awm dawn si lo va. Tin, 26  
hnam tin ropuina leh chawimawina an la lût ang a. Tin, thil 27  
bawlhhlawh rêng a lût hauh lo vang a, thil tenawm tite leh dâwt  
hmangete pawh an lût hek lo vang; Berâm No Nunna Bua hming  
an ziate chauh an lût ang.

**22** Tin, ani chuan a kawtlai lai taka, nunna tui lui, krustal 1  
*lung* anga tlê, Pathian leh Berâm No lalthutphaha lo chhuak  
mi entir a. Tin, lui kam tuakah chuan Nunna Thing, *chi hrang* 2  
sâwm leh pahniha rah, thla kipa rah a awm a; chu thing hnahte  
chu hnam tin tihdamna tûr a ni.

Tin, ânchhia rêng rêng a awm leh tawh lo vang a, Pathian 3  
leh Berâm No lalthutphah chu a awm tawh zâwk ang; tichuan a  
bawite chuan a rawng an bawl ang a, a hmêl an hmu ang a, a hming 4  
chu an chalah a chuang baw ang. Tin, zân a awm leh tawh lo  
vang a; khâwnvâr êng leh ni êng an ngai lo vang a; Lalpa Pathian 5  
chuan anmahni a ên dawn si a; tichuan, chatuanin ro an rêl  
ang.

Tin, ani chuan ka hnênah, ' Hêng thu hi a rinawmin a dik a 6  
ni; tichuan, Lalpa, zâwlneite thlarau Pathian chuan, thil lo thleng

lawk tûrte chu a bawite hnêna entîr tûrin, a vântirhkoh a tîr a ni.  
Tîn, ngai teh, ka lo kal thuai dâwn e. He lehkhabu hrih lăwkna 7  
thu pawm apiang an eng a thăwl e," a ti a.

Tîn, kei Johana, hêng thil zawnz zawnz hmutu leh hretu chu 8  
ka ni. Tîn, ka hriata ka hmuh chuan, hêng thil mi entîrtu  
vântirhkoh ke bulah Pathian chibai bûka bûk tûrin ka bawkkhup  
a. Tîn, ani chuan ka hnênah, "Heti chuan ti suh khai; kei chu 9  
nangmah leh, i unau zăwlneite leh, he lehkhabu thu pawmtute  
bawipui ka ni alăwm, Pathian chibai bûk zăwk rawh," a ti a.

Tîn, ani chuan ka hnênah, "He lehkhabu hrih lăwkna thute 10  
hi zêp suh; a hun chu a lo thleng dâwn tawh si a. Mî fel lo chu, 11  
tihfel lohvin awm reng rawh se; mî bawhlhlawh chu, tihbawhl-  
hlawhin awm reng rawh se; mî fel chu, tihfelin awm reng rawh  
se; mî thianghlim chu, tihthianghlimin awm reng rawh se.

"Ngai teh, ka lo kal thuai dâwn e; mî tîn an thiltîh ang zêla 12  
pêk tûrin ka lăwmmman ka hnênah a awm a. Kei Alpha leh 13  
Omega, a Hmasaber leh a Hnuhnûngber, a Bul leh a Tăwp ka ni.  
Nunna Thing chungah chuan thu an neih theihna tûr leh, 14  
kawngkaah chuan khuua an luh theihna tûra insufaite chu an eng  
a thăwl e. Păwnah chuan ui te, dawithiam te, inngaih chîng 15  
te, tualthat te, milem bia te, dăwt ngaină leh dăwt hmang apiangte  
chu an awm a.

"Kei Isua hian kohhranho păwlte tân hêng thu hi in hnêna 16  
hriattîr tûrin ka vântirhkoh chu ka rawn tîr a ni. Davida bulpui  
leh a thlah, arsi êng tak, vârpah chu ka ni," a ti a.

Thlarau leh mo chuan, "Lo kal rawh," an ti a. A hria 17  
apiangin, "Lo kal rawh," ti rawh se. Tuihăl apiang lo kal rawh  
se; a duh apiangin nunna tui hi athlăwmîn la rawh se.

He lehkhabu hrih lăwkna thu hria apiang ka hriattîr e. 18  
Tupawhin hêng thu hi a belhchhah chuan, he lehkhahua hremna  
ziakte hi Pathianin a chungah a belhchhah ve ang; tîn, tupawhin 19  
he hrih lăwkna lehkhabu thua mî thu a lăk bo chuan he lehkhahua  
ziak Nunna Thing leh Khaw Thianghlima a chan chu Pathianin  
a la bo ve ang.

Hêng thu hriattîrtu hian, "A ni, ka lo kal thuai dâwn e," a ti a. 20  
Amen. Lo kal ta che, Lalpa Isu.

Lalpa Isua khawngaihna chu mî thianghlimte hnênah awm 21  
rawh se. Amen.